



IZVJEŠTAJ
O PREGLEDANOM STANJU FINANSIJSKOG
POSLOVANJA POLITIČKIH STRANAKA U 2020. GODINI

U skladu s članom 17. Zakona o finansiranju političkih stranaka

(Izvještaj se dijeli kao skupštinski štampani materijal)

Sarajevo, 09. 02. 2023. godine

1. UVOD

1. Centralna izborna komisija Bosne i Hercegovine (u daljnjem tekstu: Centralna izborna komisija BiH) u skladu sa odredbom iz člana 17. Zakona o finansiranju političkih stranaka ("Službeni glasnik BiH", broj: 95/12 i 41/16) svake godine Parlamentarnoj skupštini Bosne i Hercegovine podnosi izvještaj o pregledanom stanju finansijskog poslovanja političkih stranaka.
2. Centralna izborna komisija BiH je u skladu sa članom 10. stav (1) Zakona o finansiranju političkih stranaka uspostavila Službu za reviziju finansiranja političkih stranaka (u daljnjem tekstu: Služba za reviziju), koja pregleda i kontrolira finansijske izvještaje koje podnesu političke stranke i obavlja reviziju finansiranja političkih stranaka u skladu s ovim zakonom.

Služba za reviziju je uspostavljena Odlukom Centralne izborne komisije BiH o uspostavljanju Službe za reviziju finansijskog poslovanja, broj: 01-07-653/05 od 10. 3. 2005. godine, u skladu sa tada važećim Zakonom o finansiranju političkih stranaka¹. Naknadnom izmjenom Zakona o finansiranju političkih stranaka, 2010. godine, promijenjen je naziv Službe za reviziju finansijskog poslovanja u Službu za reviziju finansiranja političkih stranaka.

3. Ovaj izvještaj obuhvata pregledano stanje finansijskog poslovanja političkih stranaka u 2020. godini.

2. PRAVNI OKVIR

4. Finansiranje političkih stranaka i izbornih kampanja u Bosni i Hercegovini je uređeno Zakonom o finansiranju političkih stranaka (u daljnjem tekstu: Zakon o finansiranju)², Poglavljem 15. Izbornog zakona Bosne i Hercegovine (u daljnjem tekstu: Izborni zakon BiH)³ koji se odnosi na finansiranje izborne kampanje, Zakonom o finansiranju političkih stranaka iz budžeta Republike, grada i opštine⁴, Zakonom o izvršenju budžeta Federacije Bosne i Hercegovine⁵ i Zakonom o finansiranju političkih stranaka iz budžeta Brčko distrikta BiH⁶.
5. U skladu sa svojim nadležnostima, Centralna izborna komisija BiH je donijela podzakonske akte kojima je uređeno izvještavanje u oblasti finansiranja političkih stranaka i izbornih

¹ Dana 5. 12. 2012. godine, stupanjem na snagu Zakona o finansiranju političkih stranaka ("Službeni glasnik BiH", broj: 95/12), stavljen je van snage Zakon o finansiranju političkih stranaka ("Službeni glasnik BiH", broj: 22/00, 102/09 i 54/10). Zakon o izmjenama i dopunama Zakona o finansiranju političkih stranaka ("Službeni glasnik BiH", broj: 41/16) stupio je na snagu 11. 6. 2016. godine.

² Odredbe ovog zakona koje se odnose na dobrovoljne priloge, zabranu finansiranja i pogodovanja, te nadzor i finansijsko poslovanje odgovarajuće se primjenjuju na liste nezavisnih kandidata i nezavisne kandidate.

³ "Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20.

⁴ "Službeni glasnik RS", broj: 65/08.

⁵ Zakon o izvršenju budžeta Federacije Bosne i Hercegovine se donosi za svaku kalendarsku godinu.

⁶ "Službeni glasnik Brčko distrikta BiH", broj: 29/04, 14/07 i 19/07.

kampanja, te procedure po kojima Služba za reviziju vrši pregled, kontrolu i reviziju finansijskih izvještaja političkih stranaka.

6. U skladu s odredbama iz člana 3. stav (1) Zakona o finansiranju, politička stranka može se finansirati iz:
 - članarina,
 - dobrovoljnih priloga pravnih i fizičkih lica,
 - izdavačke djelatnosti, prodaje propagandnog materijala i organiziranja stranačkih manifestacija,
 - prihoda od imovine u vlasništvu političke stranke,
 - budžeta BiH u skladu s članom 7. ovog zakona, entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave u skladu sa zakonom i
 - dobiti od preduzeća koja su u vlasništvu političke stranke.
 7. Preduzeće u vlasništvu političke stranke može se baviti samo djelatnošću vezanom za kulturu ili izdavačkom djelatnošću.
 8. Godišnji prihod političke stranke ostvaren od imovine u vlasništvu političke stranke i dobiti od preduzeća koja su u vlasništvu političke stranke ne smije prelaziti 20% iznosa ukupnog godišnjeg prihoda stranke.
 9. Političke stranke se finansiraju iz budžeta Bosne i Hercegovine u skladu s članom 7. Zakona o finansiranju, entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave u skladu sa zakonom.
- (1) U skladu s odredbama člana 7. Zakona o finansiranju u budžetu institucija Bosne i Hercegovine i međunarodnih obaveza Bosne i Hercegovine sredstva se osiguravaju za finansiranje političkih stranaka, odnosno koalicija političkih stranaka i nezavisnih kandidata zastupljenih u Parlamentarnoj skupštini Bosne i Hercegovine i parlamentarnih grupa, odnosno klubova zastupnika i delegata u Parlamentarnoj skupštini Bosne i Hercegovine. Ukupna sredstva koja se izdvajaju za finansiranje spomenutih političkih subjekata ne mogu prelaziti iznos od 0,2% budžeta Bosne i Hercegovine u kalendarskoj godini. Političkim strankama, odnosno koalicijama političkih stranaka, sredstva se raspodjeljuju na način da se:
- 30% sredstava dijeli jednako svim političkim strankama, odnosno koalicijama političkih stranaka koje su osvojile mandate,
 - 60% sredstava dijeli prema broju zastupničkih, odnosno delegatskih mandata, koje svaka politička stranka, koalicija političkih stranaka, odnosno nezavisni kandidat ima u trenutku dodjele mandata,
 - 10% od ukupnog iznosa raspoređuje parlamentarnim grupama srazmjerno broju zastupničkih, odnosno delegatskih mjesta koja pripadaju manje zastupljenom spolu.

Zajednička komisija za administrativne poslove Parlamentarne skupštine BiH će svojim aktima detaljnije regulirati raspodjelu sredstava iz ovog člana, kontrolu trošenja i druga finansijska pitanja u vezi s provođenjem ovog zakona.

(2) U Republici Srpskoj, u skladu sa Zakonom o finansiranju političkih stranaka iz budžeta Republike, grada i opštine, sredstva se izdvajaju iz budžeta za:

- finansiranje dijela troškova redovnog rada političkih stranaka, koalicija, nezavisnih zastupnika, odnosno vijećnika,
- pokriće dijela troškova izborne kampanje političkih stranaka, koalicija, nezavisnih lista i nezavisnih kandidata kojima su potvrđene izborne liste za izbor zastupnika, odnosno vijećnika i
- pokriće dijela troškova rada zastupničkih, delegatskih, odnosno vijećničkih klubova i grupa.

a) Sredstva izdvojena za finansiranje troškova redovnog rada političkih stranaka, koalicija, nezavisnih zastupnika, odnosno vijećnika ne mogu biti manja od 0,2% ukupnih budžetskih prihoda iz prethodne godine, a raspoređuju se na način:

- 20% sredstava se raspoređuju u jednakim iznosima svim političkim strankama i koalicijama koje imaju zastupnike u skupštini i nezavisnim zastupnicima i
- 80% se raspoređuje srazmjerno broju osvojenih mandata, koje politička stranka, koalicija, nezavisni zastupnik, odnosno vijećnik ima u skupštini.

b) Sredstva za izbornu kampanju osiguravaju se u budžetu za godinu u kojoj se održavaju izbori u iznosu ne manjem od 0,05% ukupnih budžetskih prihoda iz prethodne godine. Način raspodjele sredstava vrši se u skladu s izbornim propisima.

c) Sredstva za rad zastupničkih, delegatskih, odnosno vijećničkih klubova i grupa, dodjeljuju se radi pokrića:

- paušalnih troškova za rad u izbornim jedinicama zastupnika, odnosno vijećnika,
- putnih troškova u inozemstvo, ako organizator nije Narodna skupština Republike Srpske ili Vijeće naroda Republike Srpske, odnosno skupština jedinice lokalne samouprave,
- troškova nabavke materijala – goriva, štampe, službenih glasnika i publikacija,
- troškova smještaja i ishrane zastupnika, delegata, odnosno vijećnika, u vrijeme kada se ne održavaju sjednice skupštine ili vijeća i
- ostale troškove u vezi s radom zastupnika, delegata, odnosno vijećnika u klubovima i grupama.

(3) Federacija Bosne i Hercegovine nije donijela poseban zakon o finansiranju političkih stranaka iz budžeta, pa sredstva za finansiranje političkih stranaka i drugih političkih subjekata izdvaja u skladu sa Zakonom o izvršenju Budžeta Federacije Bosne i Hercegovine, koji donosi svake godine.

U skladu sa Zakonom o izvršavanju Budžeta Federacije BiH za 2020. godinu, sredstva su utvrđena kao “Tekući transferi neprofitnim organizacijama – za političke stranke i koalicije” i koriste se po programu koji donosi Vlada. Sredstva se izdvajaju u iznosu od 0,08% u odnosu na ukupne prihode, bez primitaka.

Sredstva namijenjena za finansiranje političkih subjekata raspoređuju se tako da:

- 40% od predviđenog iznosa pripada političkim subjektima, koji su zastupljeni u Parlamentu Federacije Bosne i Hercegovine, u jednakim iznosima, a
- 60% prema broju zastupnika u domovima Parlamenta, na dan dodjele mandata.

Ukoliko je ugovorom između članica koalicije reguliran način raspodjele novčanih sredstava koja pripadaju koaliciji, Vlada sredstva raspoređuje na osnovi odredbi ugovora.

(4) Zakonom o finansiranju političkih stranaka iz budžeta Brčko distrikta Bosne i Hercegovine propisano je da se sredstva iz budžeta Brčko distrikta BiH izdvajaju za:

- predizbornu kampanju političkih stranaka koje učestvuju na izborima za Skupštinu Brčko distrikta BiH i
- redovan rad političkih stranaka zastupljenih u Skupštini Brčko distrikta BiH.

a) Sredstva za predizbornu kampanju političkih stranaka osiguravaju se u godini u kojoj se održavaju redovni izbori za Skupštinu Brčko distrikta BiH i to u iznosu 0,03% prihoda u budžetu Brčko distrikta BiH ili 60.000 KM zavisno od toga koji je iznos niži.

b) Sredstva za redovan rad političkih stranaka izdvajaju se po godišnjoj osnovi od 0,1% od prihoda u budžetu Brčko distrikta BiH ili 200.000 KM, zavisno od toga koji od ova dva iznosa je niži.

Sredstva izdvojena za redovan rad političkih stranaka i njihovih zastupničkih klubova u Skupštini Brčko distrikta BiH raspoređuju na taj način da se:

- 30% sredstava raspoređuje u jednakim iznosima svim zastupničkim klubovima političkih stranaka zastupljenih u Skupštini Brčko distrikta BiH, a
- 70% od ukupnog iznosa raspoređuje srazmjerno broju zastupničkih mjesta koje svaka politička stranka ima u Skupštini Brčko distrikta BiH u trenutku raspodjele.

2.1. Finansijsko izvještavanje političkih stranaka

10. U Zakonu o finansiranju, u članu 12. stav (1), propisano je da političke stranke vode evidenciju o svojim prihodima i rashodima i dužne su da Centralnoj izbornoj komisiji BiH podnose finansijski izvještaj za svaku kalendarsku godinu (računovodstvenu godinu). U skladu s odredbom iz člana 12. stav (4) izvještaj se podnosi do 31. marta naredne godine.

11. Političke stranke, u skladu s odredbom člana 12. stav (3) istog zakona, podnose poseban finansijski izvještaj za period izborne propagande na način kako je utvrđeno Izbornim zakonom BiH.

12. Političke stranke i nezavisni kandidati koji učestvuju na izborima za tijela vlasti Bosne i Hercegovine na svim nivoima dužni su, u skladu s članom 15.1 stav (1) Izbornog zakona BiH, u vrijeme podnošenja prijave za ovjeru za učešće na izborima, Centralnoj izbornoj komisiji BiH podnijeti finansijski izvještaj za period koji počinje tri mjeseca prije dana podnošenja prijave za ovjeru, i finansijski izvještaj za period od dana podnošenja prijave za ovjeru za izbore do dana ovjere rezultata izbora, u roku od trideset dana od dana objavljivanja izbornih rezultata u "Službenom glasniku BiH".

13. Izvještaje koje podnose političke stranke i nezavisni kandidati koji učestvuju na izborima za tijela vlasti sadrže: sve prihode i rashode, zasnovane na članarini, transparentnim priložima iz inozemstva, priložima fizičkih i pravnih lica, priložima u obliku robe i usluga (prilozi u naturi), приходима на vlastitu imovinu i poduzetničke aktivnosti, u skladu s odredbama Zakona o finansiranju, kreditima, pozajmicama, donacijama, olakšicama, povratu novca, ostalim materijalnim troškovima i ostalim izvorima prihoda za period izvještavanja koje odredi Centralna izborna komisija BiH.
14. Politička stranka je, u skladu s odredbom iz člana 12. stav (2) Zakona o finansiranju, obavezna u svom finansijskom izvještaju uključiti sve koristi ostvarene od aktivnosti subjekata koji su na bilo koji način povezani s političkom strankom ili su pod njenom kontrolom.
15. Politička stranka dužna je javno prikazati porijeklo i način utroška sredstava prikupljenih tokom protekle kalendarske godine (računovodstvene godine). Završni račun i finansijski izvještaj u kojem se detaljno navode izvori prihoda, podaci o fizičkim i pravnim licima koja su dala dobrovoljne priloge te podaci o namjeni, odnosno aktivnostima za koje su sredstva utrošena, javni su dokumenti i objavljuju se na veb-stranici političke stranke.
16. Centralna izborna komisija BiH donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.
17. Centralna izborna komisija BiH je donijela podzakonske akte, kojima je utvrdila sadržaj, formu, način i druge detalje finansijskog izvještavanja:
- Pravilnik o godišnjim finansijskim izvještajima političkih stranaka⁷
 - Pravilnik o predizbornim i postizbornim finansijskim izvještajima političkih stranaka⁸ i
 - Pravilnik o predizbornim i postizbornim finansijskim izvještajima nezavisnih kandidata⁹.
18. Centralna izborna komisija BiH je donijela dva uputstva:
- Uputstvo o postupku otvaranja i korištenja posebnog računa za finansiranje troškova izborne kampanje¹⁰ i
 - Uputstvo o donošenju finansijskog plana i programa utroška sredstava političke stranke.¹¹

Uputstvom o postupku otvaranja i korištenja posebnog računa za finansiranje troškova izborne kampanje propisano je da su politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni otvoriti poseban račun koji će namjenski koristiti za finansiranje troškova izborne kampanje.

Račun za finansiranje izborne kampanje otvara centrala, odnosno glavni odbor političke stranke.

Poseban račun za finansiranje troškova izborne kampanje, politička stranka i nezavisni kandidat dužni su otvoriti najkasnije s danom podnošenja prijave za ovjeru za učešće na

⁷ "Službeni glasnik BiH", broj: 96/13, 89/16 i 5/22.

⁸ "Službeni glasnik BiH", broj:10/18 i 5/22.

⁹ "Službeni glasnik BiH", broj: 10/18 i 5/22.

¹⁰ "Službeni glasnik BiH", broj: 5/22 i 27/22.

¹¹ "Službeni glasnik BiH", broj: 5/22.

izborima, a najranije ga mogu otvoriti tri mjeseca prije dana podnošenja prijave za ovjeru za učešće na izborima.

Poseban račun za finansiranje troškova izborne kampanje je potrebno zatvoriti nakon završetka izborne kampanje, odnosno nakon povrata sredstava za taksu. Ukoliko nakon zatvaranje namjenskog računa ostanu neplaćene obaveze prema dobavljačima za kampanju, politička stranka će obaveze platiti sa glavnog računa Centrale stranke.

Sredstva koja politička stranka i nezavisni kandidat koji učestvuju na izborima namjeravaju utrošiti za izbornu kampanju moraju biti uplaćena na poseban račun za finansiranje izborne kampanje. Na ovaj račun ne smiju se primati druge uplate, osim onih namijenjenih za finansiranje izborne kampanje, niti se sredstva sa tog računa smiju koristiti za bilo koju drugu svrhu, osim podmirenja troškova izborne kampanje.

Uputstvom o donošenju finansijskog plana i programa utroška sredstava propisan je postupak donošenja programa utroška sredstava, te su utvrđeni rokovi u kojima političke stranke imaju obavezu da Centralnoj izbornoj komisiji BiH dostave plan i programa utroška finansijskih sredstava.

Ovim uputstvom je propisano da je politička stranka dužna do kraja tekuće godine donijeti finansijski plan i utvrditi program utroška sredstava za narednu kalendarsku godinu, kao i da program utroška sredstava treba biti sačinjen na način da se osigura potpuna transparentnost planiranog trošenja sredstava.

Program utroška sredstava treba obuhvatiti troškove svih aktivnosti političke stranke u kalendarskoj godini, uključujući i troškove izborne kampanje, ukoliko se u toj godini provode izbori.

Uputstvom je, također, propisano da politička stranka ne može planirati utrošak sredstava za lične potrebe članova stranke, kao i za druge aktivnosti koje nisu u skladu sa programom rada i statutom stranke, te da ne može planirati troškove u iznosima koji nisu realni za njene izvore finansiranja i obim poslovanja.

Politička stranka je obavezna program utroška sredstava za tekuću godinu Centralnoj izbornoj komisiji BiH dostaviti do 31. 03. tekuće godine, skupa sa godišnjim finansijskim izvještajem za prethodnu godinu.

Politička stranka je finansijska sredstva obavezna koristiti isključivo za ostvarivanje ciljeva utvrđenih svojim programom i statutom, a u skladu sa finansijskim planom.

19. Centralna izborna komisija BiH je donijela Pravilnik o administrativnim procedurama pregleda, kontrole i revizije finansijskih izvještaja političkih stranaka¹², kojim je propisala procedure po kojima se vrši pregled, kontrola i revizija finansijskih izvještaja političkih stranaka, u skladu sa odredbama Zakona o finansiranju.

2.2. Finansijska kontrola političkih stranaka

20. Pregled, kontrolu i reviziju finansijskih izvještaja, koje podnesu političke stranke, obavlja Služba za reviziju.
21. Revizija finansijskih izvještaja političke stranke, u skladu s članom 10. stav (2) Zakona o finansiranju uključuje izvještaje sjedišta stranke i najmanje dvije niže organizacione jedinice koje odabere Služba za reviziju.

¹² "Službeni glasnik BiH", broj: 103/08 i 5/22.

22. Služba za reviziju prikuplja revizijske dokaze, koje pregleda, ocjenjuje i izvodi zaključke, na osnovi kojih revizor priprema preliminarni izvještaj revizije s nalazima revizije i mišljenjem revizora o finansiranju političke stranke u skladu sa zakonom.
23. U slučaju da Služba za reviziju smatra da treba obaviti detaljniji finansijski pregled kako bi se utvrdilo da li se politička stranka finansirala u skladu sa zakonom, Službi za reviziju se omogućava pristup prostorijama stranke.
24. U slučaju da bude uskraćen pristup prostorijama stranke, smatra se da navedena stranka nije dostavila finansijski izvještaj i Centralna izborna komisija BiH joj uskraćuje pravo da se kandidira na narednim izborima.
25. Preliminarni izvještaj revizije, s nalazima i mišljenjem revizora, dostavlja se političkoj stranci na očitovanje.
26. Politička stranka se u roku od deset dana, od dana prijema preliminarnog izvještaja revizije, može očitovati o nalazima revizije, ili da u skladu s članom 14. stav (3) Zakona o finansiranju otkloni nedostatke u izvještaju i povrede zakona koje su otklonjive. Stranka uz očitovanje može dostaviti dodatne dokaze kojima osporava nalaze revizije iz preliminarnog izvještaja revizije ili dostaviti dokaze koje revizorima nije predočila u vrijeme obavljanja revizije.
27. Nakon što se politička stranka očituje o nalazima revizije navedenim u preliminarnom izvještaju revizije, revizor u skladu sa svojom procjenom dopunjava i korigira prethodni nalaz ukoliko smatra da su primjedbe stranke osnovane, ili je stranka dostavila dodatne dokaze i izdaje konačan izvještaj s mišljenjem revizora o postupanju stranke u skladu sa Zakonom o finansiranju i Poglavljem 15. Izbornog zakona BiH.
28. Ako politička stranka na osnovi nalaza i preporuka iz preliminarnog izvještaja revizije dobrovoljno otkloni nedostatke koji su otklonjivi i u ostavljenom roku revizoru dostavi dokaz o otklonjenim nedostacima, revizor u konačnom izvještaju neće navesti prekršaje koje je stranka otklonila.
29. Ako nakon izdavanja i dostave političkoj stranci preliminarnog pismenog izvještaja o reviziji politička stranka ne uloži prigovor, revizor izdaje konačan izvještaj s mišljenjem revizora o tome da li se politička stranka finansirala u skladu s ovim zakonom.
30. U konačnom izvještaju revizije navode se nazivi organizacionih dijelova političke stranke u kojima je obavljena revizija.

3. AKTIVNOSTI CENTRALNE IZBORNE KOMISIJE BiH U IZVJEŠTAJNOM PERIODU

31. Centralna izborna komisija BiH je od 31. marta 2021. godine, do kada su političke stranke bile obavezne podnijeti godišnji finansijski izvještaj za 2020. godinu, do kraja 2022. godine, kada je okončan postupak revizije i izdavanja konačnih revizijskih izvještaja, poduzela niz aktivnosti kojima je provjeravana zakonitost finansiranja političkih stranaka:

- izvršila prijem finansijskih izvještaja političkih stranaka,
- uspostavila evidenciju o podnesenim finansijskim izvještajima, za javnost sačinila informaciju o izvorima finansiranja političkih stranaka, te je skupa s izvještajima političkih stranaka dala na uvid javnosti putem veb-stranice Centralne izborne komisije BiH,
- obavijestila političke stranke, kod kojih su utvrđeni nedostaci u finansijskom izvještaju, kako bi u skladu s odredbama člana 14. stav (3) Zakona o finansiranju dobrovoljno otklonile uočene nedostatke, ako su oni otklonjivi,
- prikupila podatke o sredstvima koja su iz budžeta svih nivoa vlasti u BiH isplaćena političkim subjektima, sačinila informaciju o finansiranju političkih stranaka iz budžeta i dala na uvid javnosti putem svoje veb-stranice,
- prikupila podatke od svih općina u Bosni i Hercegovini o dodijeljenim poslovnim prostorima, u njihovom vlasništvu, na korištenje političkim strankama,
- prikupila podatke o transakcijskim računima političkih stranaka iz Jedinog registra transakcijskih računa kod Centralne banke BiH,
- izvršila pregled, kontrolu i reviziju finansijskih izvještaja za 100 političkih stranaka,
- dodatno izvršila reviziju na terenu u prostorijama 9 političkih stranaka,
- revizijske izvještaje s nalazima revizije i mišljenjem revizora o finansiranju političkih stranaka u skladu sa zakonom dala na uvid javnosti putem svoje veb-stranice i
- revizijska mišljenja, u skladu s članom 10. stav (7) Zakona o finansiranju, dala na objavu u Službenom glasniku BiH.


32. Centralna izborna komisija BiH je u skladu sa Zakonom o finansiranju izvršila prijem i kontrolu godišnjih finansijskih izvještaja za 2020. godinu, koje je dostavilo 149 političkih stranaka, sačinila informaciju o izvorima finansiranja političkih stranaka, te je putem svoje veb-stranice dala na uvid javnosti, skupa sa finansijskim izvještajima političkih stranaka.

33. Jedna politička stranaka koja je Centralnoj izbornoj komisiji BiH podnijela finansijski izvještaj za 2020. godinu uskratila je pristup svojim prostorijama radi obavljanja detaljnije finansijske kontrole, odnosno revizije.

34. Na osnovi finansijskih izvještaja koje su podnijele političke stranke, Centralna izborna komisija BiH je utvrdila da su se političke stranke u 2020. godini finansirale iz sljedećih izvora: članarina u procentu od 8,31%, priloga fizičkih osoba u procentu 13,89%, priloga pravnih osoba u procentu 1,74%, prihoda od imovine političkih stranaka u procentu 2,10%, prihoda od poklona i usluga što ih stranka nije imala obavezu platiti u procentu 1,21%, prihoda iz budžeta u procentu 70,89% i ostalih prihoda u procentu 1,86% od ukupno ostvarenih prihoda, kao što je prikazano u narednoj tabeli i grafikonu:

(1) PRIHODI	Iznos u KM	Struktura
Članarina	1.828.121,20	8,31 %
Prilozi fizičkih lica	3.054.955,37	13,89 %
Prilozi pravnih lica	382.812,54	1,74 %
Prihodi od imovine političkih stranaka	462.383,65	2,10 %
Prihodi od poklona i usluga što ih stranka nije imala obavezu platiti	265.616,08	1,21 %
Prihodi iz budžeta	15.589.148,01	70,89 %
Ostali prihodi i drugo	408.089,77	1,86 %
Ukupan prihod	21.991.126,62	100,00 %
(2) DUGOVANJA POLITIČKIH STRANAKA na dan 31. 12. 2020. godine	9.227.820,53	

Tabela broj 1. Pregled izvora finansiranja političkih stranaka u 2020. godini



Grafikon broj 1. Prikaz strukture izvora finansiranja političkih stranaka u 2020. godini


Političke stranke su na dan 31. 12. 2020. godine imale ukupna dugovanja u iznosu od 9.227.820,53

KM. Dugovanja su činila 29,56% ukupnih izvora finansiranja političkih stranaka.

35. Centralna izborna komisija BiH je prikupila podatke o sredstvima koja su iz budžeta svih nivoa izvršne vlasti isplaćena političkim subjektima u 2020. godini. Prema podacima, prikupljenim od nadležnih organa i institucija na svim nivoima u Bosni i Hercegovini, za finansiranje političkih subjekata u 2020. godini planirana su sredstva u iznosu od 17.222.755,87 KM. Od planiranog iznosa isplaćeno je 93,15%, odnosno političkim subjektima su isplaćena sredstva u iznosu od 16.042.989,17 KM, kao što je prikazano u tabeli broj 2. i predstavljeno na grafikonu broj 2.

Budžet/nivo vlasti	Ukupno uplaćena sredstva	Struktura finansiranja
- Budžeti općina/opština i gradova	5.800.208,99	36.15%
- Budžeti gradova	261.792,46	1.63%
- Brčko distrikt BiH	259.999,94	1.62%
- Budžeti kantona	3.226.702,28	20.11%
- Budžet Federacije BiH	1.954.211,00	12.18%
- Budžet Republike Srpske	3.597.915,93	22.43%
- Budžet BiH (isplaćeno političkim strankama)	580.218,13	3,62%
- Budžet BiH (utrošeno za rad klubova)	361.940,44	2,25%
UKUPNO:	16.042.989,17	100.00%

Tabela broj 2. Budžetska izdvajanja za političke subjekte u 2020. godini




Grafikon broj 2. Prikaz strukture budžetskih izdvajanja za političke subjekte u 2020. godini

36. U periodu od 2004. do 2020. godine iz budžeta svih nivoa vlasti političkim subjektima je isplaćeno 316,84 miliona KM i to: 2004. godine 13,2 miliona, 2005. godine 15,4 miliona, 2006. godine 19,4 miliona, 2007. godine 21,1 milion, 2008. godine 23,7 miliona, 2009. godine 19,7 miliona, 2010. godine 22,2 miliona, 2011. godine 19,96 miliona, 2012. godine 19,7 miliona, 2013. godine 17,3 miliona, 2014. godine 17,9 miliona, 2015. godine 17,6 miliona, 2016. godine 18 miliona KM, 2017. godine 18,1 milion KM, 2018. godine 18,7 miliona KM, 2019. godine 18,9 miliona KM i 2020. godine 16,04 miliona KM.

Od 2004. do 2008. godine budžetska izdvajanja su konstantno rasla, period od 2009. do 2012. godine karakteriziraju oscilacije iznosa budžetskih sredstava izdvojenih političkim strankama, da bi 2013. godine ta izdvajanja pala za 12,27%. Od 2014. do 2018. godine budžetska izdvajanja ponovo rastu u procentima 2,5–3% godišnje, dok su 2019. godine porasla za 1,08 %, da bi 2020. godine izdvajanja pala za 15,04% u odnosu na budžetska sredstva izdvojena političkim subjektima 2019. godine.

Trend budžetskih izdvajanja za političke subjekte u periodu 2004. do 2020. godine je sljedeći:



Grafikon broj 3. Trend prihoda koje su političke stranke ostvarile iz budžeta 2004. do 2020. god.

Nivo vlasti		Sredstva uplaćeno u periodu 2004–2014. godine	Sredstva uplaćena 2015. godine	Sredstva uplaćena 2016. godine	Sredstva uplaćena 2017. godine	Sredstva uplaćena 2018. godine	Sredstva uplaćena 2019. godine	Sredstva uplaćena 2020. godine	Sredstva uplaćena u periodu 2004–2020. godine
1	2	3	4	5	6	7	8	9	
Općine/opštine i gradovi		85.954.013,63	7.024.248,93	6.645.104,11	6.468.241,93	6.621.622,04	6.549.924,36	6.062.001,45	125.325.156,45
Brčko distrikt BiH		2.314.285,05	199.999,97	258.019,03	199.999,96	200.000,00	200.000,00	259.999,94	3.632.303,95
Kantoni		44.849.857,22	3.540.079,76	3.414.923,62	3.543.989,16	3.802.581,96	3.955.578,57	3.226.702,28	66.333.712,57
Federacija BiH		33.138.464,50	2.775.000,03	3.600.000,03	3.799.999,00	3.800.000,00	3.713.004,00	1.954.211,00	52.780.678,56
Republika Srpska		36.728.199,49	3.129.999,96	3.180.000,00	3.180.000,00	3.342.440,06	3.531.916,65	3.597.915,93	56.690.472,09
Država BiH	<i>Uplaćeno strankama</i>	3.195.997,17	570.281,47	534.224,00	375.797,80	548.300,00	579.151,71	580.218,13	6.383.970,28
	<i>Utrošeno za rad klubova</i>	3.285.423,46	359.120,86	406.721,19	561.730,00	368.133,19	354.457,82	361.940,44	5.697.526,96
UKUPNO:		209.466.240,52	17.598.730,98	18.038.991,98	18.129.757,85	18.683.077,25	18.884.033,11	16.042.989,17	316.843.820,86

Tabela broj 3. Pregled isplaćenih sredstava iz budžeta političkim strankama po nivoima vlasti u periodu 2004–2020. godine

37. U okviru budžetskih sredstva izdvojenih političkim strankama u 2020. godini, iz budžeta u Federaciji BiH su isplaćena sredstva u iznosu od 9.694.864,18 KM ili 60,43%, iz budžeta Republike Srpske 5.145.966,48 KM ili 32,08%, iz budžeta Brčko distrikta BiH 259.999,94 KM ili 1,62%, dok su iz budžeta Bosne i Hercegovine izdvojena sredstva u iznosu od 942.158,57 KM ili 5,87%.

Red. broj	Naziv nivoa vlasti	Sredstva uplaćena političkim subjektima	% uplate planiranih sredstava
1	2	3	4
I	Federacija BiH	9.694.864,18	60,43%
1	Općine i gradovi osnovne izborne jedinice	4.292.158,44	44,27%
2	Gradovi	221.792,46	2,29%
3	Kantoni	3.226.702,28	33,28%
4	Budžet FBiH	1.954.211,00	20,16%
II	Republika Srpska	5.145.966,48	32,08%
1	Općine i gradovi osnovne izborne jedinice	1.508.050,55	29,31%
2	Gradovi	40.000,00	0,78%
3	Budžet RS	3.597.915,93	69,92%
III	Brčko distrikt BiH	259.999,94	1,62%
IV	Državni nivo BiH	942.158,57	5,87%
	UKUPNO:	16.042.989,17	100,00%

Tabela broj 4. Pregled isplaćenih sredstava iz budžeta političkim strankama po nivoima vlasti (državni nivo, entitetski nivoi i Brčko distrikt BiH)

38. Iz budžeta općina i gradova, osnovnih izbornih jedinica, u Federaciji BiH političkim subjektima u 2020. godini isplaćena su sredstva u iznosu 4.292.158,44 KM, dok su iz budžeta općina gradova u Republici Srpskoj isplaćena sredstva u iznosu 1.508.055,55 KM.

39. Iz budžeta grada Sarajevo političkim subjektima isplaćena su sredstva u iznosu 221.792,46 KM, dok je iz grada Istočno Sarajevo političkim subjektima isplaćen iznos od 40.000,00 KM.

40. Iz budžeta kantona u Federaciji BiH političkim subjektima u 2020. godini isplaćena su sredstva u iznosu 3.226.702,28 KM.

41. Iz budžeta Federacije BiH političkim subjektima u 2020. godini isplaćena su sredstva u iznosu 1.954.211,00 KM, dok su iz budžeta Republike Srpske isplaćena sredstva u iznosu od 3.597.915,93 KM. Iz budžeta Bosne i Hercegovine političkim subjektima u

2020. godini izdvojena su sredstva u iznosu 942.158,57 KM, od kojih je za rad parlamentarnih grupa utrošeno 361.940,44 KM, dok je iznos od 580.218,13 KM uplaćen političkim strankama. Iz budžeta Brčko distrikta BiH političkim subjektima u 2020. godini isplaćena su sredstva u iznosu 259.999,94 KM.

4. NALAZI REVIZIJE

42. Služba za reviziju na osnovi člana 10. Zakona o finansiranju, a u vezi sa članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka izvršila je pregled, kontrolu i reviziju godišnjeg finansijskog izvještaja za 2020. godinu za 100 političkih stranaka, od ukupno 149 stranaka koje su podnijele godišnji finansijski izvještaj. Pored godišnjeg finansijskog izvještaja izvršeni su pregled i revizija finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih 2020. godine (postizborni izvještaji), te postizbornih izvještaja stranaka koje su učestvovala na Izborima u Gradu Mostaru.

43. Od ukupno 183 političke stranke sa evidencije Centralne izborne komisije BiH, godišnji finansijski izvještaj za 2020. godinu nisu podnijele 34 političke stranke. Među njima je 14 političkih stranaka koje nisu podnijele godišnji finansijski izvještaj ni za 2019. godinu i nisu omogućile obavljanje revizije, pa im je Centralna izborna komisija BiH 18. 11. 2021. godine izrekla administrativnu mjeru kojom im je uskraćeno pravo da se kandiduju na narednim izborima.

Za 20 političkih stranaka utvrđeno je da nisu učestvovala na izborima u periodu od 2016. do 2020. godine i nisu podnosile finansijske izvještaje, što ukazuje na činjenicu da ne obavljaju svoju djelatnost u periodu dužem od godinu dana, čime su u skladu sa Zakonom o političkim organizacijama ("Službeni list SR BiH", broj 27/91 – preuzet iz Socijalističke Republike BiH), Zakonom o političkim organizacijama ("Službeni glasnik RS", broj 15/96 i 17/02) i Zakon o političkim organizacijama ("Službeni glasnik Brčko distrikta BiH", broj 12/02, 19/07 i 2/08) stečeni uvjeti za njihovo brisanje iz sudskog registra. Za te političke stranke Centralna izborna komisija BiH je u decembru 2020. godine nadležnim sudovima uputila prijedlog za njihovo brisanje iz sudskog registra. Nadležni sudovi su na prijedlog Centralne izborne komisije BiH i sudskog registra izbrisali 15 političkih stranaka.

44. Centralna izborna komisija BiH je donijela Pravilnik o izmjenama i dopunama Pravilnika o administrativnim procedurama pregleda, kontrole i revizije finansijskih izvještaja političkih stranaka¹³, u kome je propisala da pregled, kontrolu i reviziju finansijskih izvještaja političkih stranaka čiji su ukupni prihodi iskazani u godišnjim finansijskim izvještajima manji od 10.000,00 KM Služba za reviziju obavlja najmanje jedanput u četiri godine, a u skladu sa svojim planom, koji odobrava Centralna izborna komisija BiH.

Uvidom u finansijske izvještaje za 2020. godinu utvrđeno je da je 80 političkih stranaka u svom finansijskom izvještaju za 2020. godinu iskazalo prihod manji od 10.000,00 KM.

45. U skladu sa navedenom odredbom Pravilnika, a na osnovi zaključka Centralne izborne komisije BiH Služba za reviziju je izvršila pregled kontrolu i reviziju kod 100 političkih stranaka (67 stranaka čiji je prihod veći od 10.000,00 KM i 33 političke stranke sa prihodom ispod 10.000,00 KM). Kod 88 stranaka (Prilog 2) izvršeni su pregled i

¹³ "Službeni glasnik BiH", broj: 5/22.

kontrola finansijskih izvještaja i dodatne finansijske dokumentacije koju su političke stranke dostavile Centralnoj izbornoj komisiji BiH. Također, u svrhu kontrole zakonitosti finansiranja političkih stranka pribavljeni su revizijski dokazi i iz eksternih izvora (organa izvršne vlasti, Centralne banke BiH i drugih lica koja se dovode u vezu sa finansiranjem političkih stranaka).

Kod 12 političkih stranaka (*Prilog 1*) pored kontrole finansijskih izvještaja, prethodno spomenute dokumentacije i revizijskih dokaza iz eksternih izvora, izvršena revizija u prostorijama stranaka.

46. Jedna politička stranka revizorima je uskratila pristup svojim prostorijama radi obavljanja revizije njenih finansijskih izvještaja za 2020. godinu.

47. Pregledom, kontrolom i revizijom finansijskih izvještaja političkih stranaka za 2020. godinu, utvrđeno je sljedeće:

- Kod 30% kontroliranih političkih stranka utvrđeni su manji prekršaji: isplate malih iznosa sredstava bez programa utroška, neprijavlivanje nenovčanih donacija male vrijednosti, neizdavanje potvrda o primljenim članarinama i priložima u malim iznosima, neuplaćivanje na transakcijski račun centrale stranke, manja kršenja računovodstvenih propisa, nevođenje ili pogrešno vođenje evidencija o prihodima i rashodima u manjim iznosima, greške u popunjavanju finansijskih izvještaja i dostavljanje izvještaja nakon zakonom propisanog roka.

Također, veći broj političkih stranka je u skladu sa odredbom iz člana 14. stav (3) Zakona o finansiranju dobrovoljno otklonio nedostatke, nakon što im je dostavljen preliminarni izvještaj revizije. Stranke su uglavnom ispravljale finansijske izvještaje, prijavile priloge i vratile zabranjene priloge.

- Kod 70% kontroliranih političkih stranka utvrđena su kršenja odredaba Zakona o finansiranju i odredaba Poglavlja 15 Izbornog zakona BiH, za koja u skladu sa ovim Zakonom postoji osnova za utvrđivanje odgovornosti, te sankcioniranje nakon provedenog postupka.

48. Političke stranke su kršile odredbe Zakona o finansiranju na način:

- Finansijska sredstva osigurana za finansiranje političkih stranaka, uglavnom sredstva iz budžeta, nisu koristile isključivo za ostvarivanje ciljeva utvrđenih svojim programom i statutom, čime su prekršile odredbe člana 4. stav (1) Zakona o finansiranju,
- Stranke nisu vodile evidenciju o prijemu članarina i dobrovoljnih priloga, nisu izdavale potvrde o prijemu članarina i dobrovoljnih priloga, te priloge nisu prijavile u finansijskim izvještajima, čime su prekršile odredbe člana 5. stav (4) Zakona o finansiranju,
- Sredstva od članarina i dobrovoljnih priloga, koja su primana u gotovini, nisu uplaćivana na transakcijski račun političke stranke, iako je Zakonom o finansiranju propisano da ovlašteno lice u političkoj stranci uplaćuje članarinu i dobrovoljne priloge neposredno na transakcijski račun centrale političke stranke najkasnije u roku od 10 dana od dana prijema uplate, čime su prekršile odredbe člana 5. stav (4) i člana 6. stav (2) Zakona o finansiranju,
- Jedna politička stranka je otvarila priloge iznad limita utvrđenog u članu (6) stav (4) i (5) Zakona o finansiranju,

- Znatno se broj stranaka, suprotno odredbama člana 8. Zakona o finansiranju, finansirao iz zabranjenih izvora,
- Dio troškova izborne kampanje u svojim finansijskim izvještajima nije prijavilo 28 političkih stranaka, čime su prekršile odredbe člana 15.1 stav (1) Izbornog zakona BiH,
- Sedam političkih stranaka nije podnijelo postizborni finansijski izvještaj za Lokalne izbore 2020. godine, čime su prekršile odredbe člana 15.1 stav (1) Izbornog zakona BiH,
- Dvije političke stranke su prekoračile limit na troškove izborne kampanje, propisan članom 15.10 Izbornog zakona BiH,
- Poslovne knjige političke stranke nisu vodile u skladu sa važećim propisima, nisu uspostavile pravovremene i tačne evidencije o svojim prihodima, rashodima, obavezama i novčanim tokovima putem transakcijskih računa i blagajne, finansijske izvještaje nisu podnijele u zakonom propisanim rokovima i na način kako je propisala Centralna izborna komisija BiH, čime su prekršile odredbe člana 11. i člana 12. Zakona o finansiranju,
- Znatno je broj političkih stranaka koje nisu prijavile transakcijske račune kod poslovnih banaka, putem kojih su obavljale finansijske transakcije,
- Kod sedam političkih stranaka postoje indicije da su prekršile porezne propise,
- Kod jedne političke stranke postoje indicije da je prekršila finansijske propise kojima je uređeno raspolaganje i plaćanje gotovim novcem.

U prilogu su dati nalazi iz revizijskih izvještaja političkih stranaka.

49. Pored toga što su prekršile odredbe Zakona o finansiranju, postoje indicije i na kršenje drugih propisa i to:
- Kod pet političkih stranaka postoje indicije da su prekršile porezne propise,
 - Kod jedne političke stranke postoje indicije da je prekršila finansijske propise kojima je uređeno raspolaganje i plaćanje gotovim novcem i
 - Postoje indicije da je pravno lice prilikom pružanja usluga za dvije političke stranke u 2020. godini prekršilo propise iz oblasti indirektnih poreza.
50. Centralna izborna komisija BiH je na osnovi nalaza revizije, a u okviru svojih nadležnosti i ovlaštenja iz člana 14. stav (1) Zakona o finansiranju, člana 115. stav (1) Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), te člana 18. Poslovnika Centralne izborne komisije BiH – prečišćeni tekst ("Službeni glasnik BiH", br. 29/18 i 25/20), pokrenula postupak protiv 70 političkih stranaka zbog osnovane sumnje da su 2020. godine prekršile odredbe Zakona o finansiranju i odredbe Poglavlja 15 Izbornog zakona BiH.
51. Radi kršenja odredaba odredaba Zakona o finansiranju i odredaba Poglavlja 15 Izbornog zakona BiH u periodu od 2004. do 2019. godine, Centralna izborna komisija BiH je donijela 667 odluka o sankcioniranju političkih stranaka i pet odluka o sankcioniranju fizičkih lica (ukupno 672 odluke). Od navedenog broja sankcija, 541 je novčana kazna, 129 administrativnih mjera uskraćivanja prava političkim strankama da se kandidiraju na narednim izborima i dvije administrativne mjere kojima je političkim strankama naloženo da dio svojih sredstava uplate u dobrotvorne svrhe.

52. Centralna izborna komisija BiH je, u skladu sa odredbama člana 14. stav (4) Zakona o finansiranju, nadležnim tužilaštvima i drugim tijelima nadležnim za provođenje zakona prijavila 126 slučajeva u kojima je kontrolom i revizijom finansijskih izvještaja političkih stranaka potvrđena sumnja na izvršena krivična djela, koja se mogu dovesti u vezu s finansiranjem političkih stranaka i finansiranjem izborne kampanje, te porezne utaje, što je navedeno u narednoj tabeli:

Godina/broj prijava	Prijave poreznim upravama	Prijave SIPI	Prijave tužilaštvu	Prijave uredima za reviziju
2009.	1	1		
2013.			1	
2014.	13	2	12	
2015.	19	1	1	
2016.		5	1	
2017.				8
2018.	7	1		
2019.	9			
2020.	11	8	1 (prijavom obuhvaćeno 45 političkih stranaka)	
2021.	7	6	6	
2022.	2	1	2 (jednom od prijava obuhvaćeno 14 političkih stranaka)	
UKUPNO	69	25	24	8

Tabela broj 5. Pregled prijava nadležnim tijelima

53. Centralna izborna komisija Bosne i Hercegovine je nadležnim sudovima u Bosni i Hercegovinu uputila prijedloge za brisanje 202 političke stranke zbog osnova sumnje da ne obavljaju svoju djelatnost, jer duži period ne učestvuju na izborima i ne podnose finansijske izvještaje, i to:

- 2009. godine za 136 političkih stranaka,
- 2011. godine za 4 političke stranaka,
- 2012. godine za 5 političkih stranaka,
- 2015. godine za 13 političkih stranaka,
- 2017. godine za 9 političkih stranaka,
- 2018. godine za 9 političkih stranaka i
- 2020. godine za 26 političkih stranaka.

54. Prema službenim evidencijama nadležni sudovi su na zahtjev Centralne izborne komisije BiH iz registra izbrisali 181 političku stranku, dok su 33 političke stranake iz registra izbrisane na osnovi odluka njihovih nadležnih tijela¹⁴.

55. Na osnovi rješenja koja je 2022. godine donio Osnovni sud u Banjoj Luci, a po prijedlozima Centralne izborne komisije BiH, za brisanje političkih stranaka iz sudskog registra iz razloga što duži niz godina ne učestvuju na izborima i ne podnose finansijske izvještaje, utvrđeno je da je ovaj Sud odstupio od svoje ranije prakse, kao i prakse drugih sudova.

Osnovni sud u Banjoj Luci je u periodu od 2009. godine do 2014. godine na prijedlog Centralne izborne komisije BiH iz sudskog registra izbrisao 67 političkih stranaka.

Za razliku od svoje ranije prakse, kao i prakse drugih sudova u Bosni i Hercegovini, Osnovni sud u Banjoj Luci je 20. 09. 2022. godine donio rješenja kojim se kao neosnovani odbijaju prijedlozi Centralne izborne komisije Bosne i Hercegovine za brisanje 13 političkih stranaka iz sudskog registra i to:

Red. Br.	Kod stranke	Naziv političke stranke	Sud kod koga je stranka registrirana	Datum prijedloga CIK BiH za brisanje stranke	Rješenje suda
1	575	Demokratska stranka Srpske	Osnovni sud Banja Luka	26. 01. 2015.	Sud odbio prijedlog CIK-a Rješenje Rp-1/04 od 20. 09. 2022.
2	1261	Socijaldemokratska partija RS	Osnovni sud Banja Luka	26. 01. 2015.	Sud odbio prijedlog CIK-a Rješenje Rp-2/12 od 20. 09. 2022.
3	577	Građanska partija napretka	Osnovni sud Banja Luka	26. 01. 2015.	Sud odbio prijedlog CIK-a Rješenje Rp-2/04 od 20. 09. 2022.
4	1273	HNZ 1908 – Kotor-Varoš	Osnovni sud Banja Luka	06. 02. 2017.	Sud odbio prijedlog CIK-a Rješenje Rp-1/12 od 20. 09. 2022.
5	1717	Partija ekonomske i socijalne pravde	Osnovni sud Banja Luka	06. 02. 2017.	Sud odbio prijedlog CIK-a Rješenje Rp-2/13 od 20. 09. 2022.
6	1708	Stranka pravedne politike	Osnovni sud Banja Luka	22. 02. 2018.	Sud odbio prijedlog CIK-a Rješenje Rp-5/13 od 20. 09. 2022.
7	1006	Partija socijalne pravde	Osnovni sud Banja Luka	22. 02. 2018.	Sud odbio prijedlog CIK-a Rješenje Rp-2/06 od 20. 09. 2022.
8	516	Stranka deviznih štediša RS	Osnovni sud Banja Luka	24. 12. 2018.	Sud odbio prijedlog CIK-a Rješenje Rp-2/01 od 20. 09. 2022.
9	2290	Srpska alternativa	Osnovni sud Banja Luka	24. 12. 2018.	Sud odbio prijedlog CIK-a Rješenje Rp-4/13 od 20. 09. 2022.
10	983	Pokret za Prnjavor	Osnovni sud Banja Luka	17. 12. 2020.	Sud odbio prijedlog CIK-a Rješenje Rp-3/08 od 20. 09. 2022.

¹⁴ Informacija o izbrisanim političkim strankama iz sudskog registra, sa spiskom stranaka, objavljena je na web-stranici Centralne izborne komisije BiH: www.izbori.ba.

11	1986	Slobodna Srpska	Osnovni sud Banja Luka	17. 12. 2020.	Sud odbio prijedlog CIK-a Rješenje Rp-1/16 od 20. 09. 2022.
12	2008	Povratak otpisanih	Osnovni sud Banja Luka	17. 12. 2020.	Sud odbio prijedlog CIK-a Rješenje Rp-3/16 od 20. 09. 2022.
13	2318	Srpska tradicionalna oslobodilačka partija	Osnovni sud Banja Luka	17. 12. 2020.	Sud odbio prijedlog CIK-a Rješenje Rp-3/18 od 20. 09. 2022.

Iako nije donesen Zakon o izmjenama i dopunama Zakona o političkim organizacijama, Osnovni sud u Banjoj Luci je 2022. godine ocijenio je da prijedlozi za brisanje političkih stranka, koje je Centralna izborna komisija BiH podnijela ovom Sudu u periodu od 2015. do 2020. godine, nisu osnovani, ističući da to što politička organizacija nije učestvovala na izborima nije samo po sebi osnova za primjenu člana 24. Zakona o političkim organizacijama jer i bojkot izbora može biti čin političkog aktivizma i slobode političkog opredjeljenja.

Također, Sud navodi i da nepodnošenje godišnjih finansijskih izvještaja, propisanih članom 12. Zakona o finansiranju nije dovoljan razlog za brisanje političke stranke iz registra.

Na navedena rješenja Centralna izborna komisija BiH je uputila žalbu Okružnom sudu u Banjoj Luci, te o postupanju ovog suda obavijestila predsjednika Suda i Visoko sudsko i tužilačko vijeće BiH.

5. ZAKLJUČNA RAZMATRANJA

56. Centralna izborna komisija BiH je, u skladu s odredbama člana 14. stav (2) Zakona o finansiranju političkih stranaka, nadležna za provođenje odredbi Zakona o finansiranju.

57. U slučaju da politička stranka ne postupi prema odredbama ovog zakona, Centralna izborna komisija BiH nadležna je za izricanje novčane kazne u skladu s ovim zakonom i Izbornim zakonom BiH.

58. U skladu s odredbom člana 14. stav (4) Zakona o finansiranju svaku sumnju o krivičnom djelu koje se može dovesti u vezu s finansiranjem političkih stranaka i finansiranjem izborne kampanje Centralna izborna komisija BiH obavezna je prijaviti nadležnom tužilaštvu i drugim tijelima nadležnim za provođenje zakona.

59. U vezi s finansijskim izvještajima političkih stranaka za 2020. godinu, Centralna izborna komisija BiH je provela sve aktivnosti koje su propisane odredbama Zakona o finansiranju, te odredbama Pravilnika o godišnjim finansijskim izvještajima političkih stranaka i odredbama Pravilnika o administrativnim procedurama pregleda, kontrole i revizije finansijskih izvještaja političkih stranaka, koje se mogu grupirati na sljedeći način: prijem godišnjih finansijskih izvještaja političkih stranaka, prikupljanje podataka o sredstvima koja su iz budžeta svih nivoa isplaćena političkim subjektima, prikupljanje revizijskih dokaza, kako od političkih stranaka, tako i iz eksternih izvora (tijela vlasti, Centralne banke BiH, poslovnih banaka, pravnih i fizičkih lica koja su donatori ili poslovni partneri političkih stranaka, sudova i sl.), kontrola i revizija finansijskih izvještaja političkih stranaka, izdavanje revizijskih izvještaja s nalazima revizije i mišljenjem revizora o finansiranju političkih stranaka u skladu s odredbama Zakona o finansiranju, pokretanje postupka utvrđivanja odgovornosti i sankcioniranja

političkih stranaka za koje postoje osnovi sumnje da su prekršile Zakon o finansiranju, obavještanje tijela nadležnih za provođenje zakona koji nisu u nadležnosti Centralne izborne komisije BiH, obavještanje nadležnih sudova o političkim strankama za koje su stečeni uvjeti za njihovo brisanje iz sudskog registra jer ne obavljaju djelatnost za koju su registrirane i ostale aktivnosti.

60. Centralna izborna komisija BiH je putem svoje oficijelne veb-stranice dala na uvid javnosti brojne informacije i izvještaje o izvorima finansiranja političkih stranaka, podatke o iznosu troškova izborne kampanje i njenom finansiranju, podatke o sredstvima koja su političkim strankama isplaćena iz budžeta svih nivoa vlasti u periodu od 2004. do 2021. godine, izvještaje političkih stranaka, izvještaje revizije svih političkih stranaka, s nalazima i mišljenjem revizora o finansiranju političkih stranaka u skladu sa Zakonom o finansiranju.

6. PREPORUKE

61. Kao i u prethodnom periodu Centralna izborna komisija BiH preporučuje da se u narednom periodu posveti pažnja daljnjem unapređenju transparentnosti finansiranja političkih stranaka.

62. Na osnovi navedenog i dosadašnjih stečenih iskustava u primjeni Zakona o finansiranju političkih stranaka predlažemo da Parlamentarna skupština BiH preispita zakonodavstvo koje regulira osnivanje, političko djelovanje i finansiranje političkih stranaka i izbornih kampanja, te da se harmoniziraju entitetski propisi i propisi Brčko distrikta BiH s propisima na državnom nivou.

63. Političke stranke imaju organizacione dijelove u oba entiteta i Brčko distriktu BiH, ali su registrirane prema entitetskim zakonima o političkim organizacijama, koji propisuju različite uvjete kako za njihovo osnivanje, tako i za njihovo djelovanje.

U Federaciji BiH političke stranke se osnivaju u skladu sa Zakonom o političkim organizacijama ("Službeni list SR BiH", broj 27/91 – preuzet u FBiH), u Republici Srpskoj u skladu sa Zakonom o političkim organizacijama ("Službeni glasnik RS", broj: 15/96 i 17/02) i Brčko distriktu BiH u skladu sa Zakonom o političkim organizacijama ("Službeni glasnik Brčko distrikta BiH", broj: 12/02, 19/07 i 2/08).

64. Zakon o finansiranju političkih stranaka ("Službeni glasnik BiH", broj: 95/12 i 41/16) propisuje da se finansiranje političkih stranaka iz entitetskih budžeta, kantonalnih budžeta i budžeta Brčko distrikta BiH, te budžeta drugih jedinica lokalne uprave i samouprave vrši u skladu s entitetskim zakonima i zakonom Brčko distrikta BiH, iako Zakon o finansiranju političkih stranaka iz budžeta Republike, grada i opštine ("Službeni glasnik RS", broj 65/08) i Zakon o finansiranju političkih stranaka iz budžeta Brčko distrikta Bosne i Hercegovine ("Službeni glasnik Brčko distrikta BiH", broj: 29/04 i 14/07) propisuju drugačiji način izdvajanja i raspodjele budžetskih sredstva za finansiranje političkih stranaka, a Federacija BiH nema Zakon o finansiranju političkih stranaka iz budžeta, pa sredstva za njihovo finansiranje izdvaja u skladu sa Zakonom o izvršenju Budžeta Federacije Bosne i Hercegovine, koji donosi svake godine.

65. U okviru trećeg kruga evaluacije za Bosnu i Hercegovinu – oblast Transparentnost finansiranja političkih stranaka, u Evaluacijskom izvještaju za Bosnu i Hercegovinu

“Transparentnost finansiranja političkih stranaka (usvojen na 51. plenarnoj sjednici GRECO-a, Strasbourg, 23–27. maj 2011. godine), Izvještaju o usklađenosti za Bosnu i Hercegovinu “Transparentnost finansiranja političkih stranaka (usvojen na 61. plenarnoj sjednici GRECO-a, Strasbourg, 14–18. oktobar 2013. godine), Privremenom izvještaju o usklađenosti za Bosnu i Hercegovinu “Transparentnost finansiranja političkih stranaka (usvojen na 64. plenarnoj sjednici GRECO-a, Strasbourg, 16–20. juni 2014.), Drugom privremenom izvještaju o usklađenosti Bosne i Hercegovine s preporukama GRECO-a “Transparentnost finansiranja političkih stranaka” (usvojen na 68. plenarnoj sjednici GRECO-a, Strasbourg, 15–19. juni 2015.), Trećem privremenom izvještaju o usklađenosti Bosne i Hercegovine s preporukama GRECO-a (usvojen na 72. plenarnoj sjednici GRECO-a u Strasbourg, 27. juni – 1. juli 2016.), Četvrtom privremenom izvještaju o usklađenosti Bosne i Hercegovine s preporukama GRECO-a (usvojen na 76. plenarnoj sjednici u Strasbourg, 19–23. juni 2017.) i Drugom izvještaju o usklađenosti Bosne i Hercegovine sa preporukama GRECO-a (usvojen na 81. plenarnoj sjednici u Strasbourg, 03–07. decembar 2018.) u trećem krugu evaluacije navodi se da od devet datih preporuka, tri preporuke nisu uopće realizirane, pet preporuka je realizirano djelimično i jedna preporuka je realizirana na zadovoljavajući način.

66. Nakon Drugog izvještaja o usklađenosti Bosne i Hercegovine sa preporukama GRECO-a izdat je i Dodatak Drugom izvještaju o usklađenosti Bosne i Hercegovine (usvojen na 85. plenarnoj sjednici GRECO-a u Strasbourg, 21–25. septembar 2020. g.), u kome se navodi: “GRECO izražava razočaranje zbog toga što nije postignut napredak od Četvrtog privremenog izvještaja o usklađenosti iz 2017. godine. Još mnogo toga treba učiniti, između ostalog, za usklađivanje složenog zakonskog okvira, promoviranje upotrebe bankarskog sistema za doprinose političkim strankama i povećanje finansijskih i kadrovskih resursa dodijeljenih Centralnoj izbornoj komisiji za nadzor političkog finansiranja”.
67. U drugom dodatku Drugom izvještaju o usklađenosti Bosne i Hercegovine (usvojen na 85. plenarnoj sjednici GRECO-a u Strasbourg, 21–25. mart 2022. g.) GRECO navodi da je proces reformi potrebno energično provoditi kako bi se dodatno povećala transparentnost političkog finansiranja i uloga političkih stranaka kao temeljnog elementa demokratskog sistema. GRECO još jednom pozvao Bosnu i Hercegovinu da u potpunosti provede osam (od devet) preporuka.
68. Važeći Zakon o finansiranju političkih stranaka ne pruža adekvatan okvir za potpunu realizaciju preporuka GRECO-a, pa Centralna izborna komisija BiH predlaže Parlamentarnoj skupštini BiH da se intenziviraju aktivnosti na njegovim izmjenama i dopunama.
69. Licima ovlaštenim za predstavljanje i zastupanje političke stranke, kojoj je izrečena administrativna mjera uskraćivanja prava da se kandidira na narednim izborima, radi kršenja odredaba Zakona o finansiranju političkih stranaka, propisati zabranu osnivanja nove političke stranke ili djelovanja u drugoj stranci, dok traje administrativna mjera koju je izrekla Centralna izborna komisija BiH.
70. Lice koje politička stranka imenuje i ovlasti za vođenje poslovnih knjiga, podnošenje finansijskih izvještaja i koje je ovlašteno da kontaktira sa Centralnom izbornom

komisijom BiH, obavezno je kontinuirano se educirati u skladu s planom i programom edukacije koji donosi Centralna izborna komisija BiH.

71. S obzirom na obim poslova Službe za reviziju finansiranja političkih stranka, usljed velikog broja političkih stranaka (na evidenciji Centralne izborne komisije BiH su 194 političke stranke), te broj pregleda i revizija finansijskih izvještaja političkih stranaka koje treba izvršiti Služba, preporuka GRECO-a *broj VII jeste da se povećaju finansijski i kadrovski resursi dodijeljeni Službi za reviziju Centralne izborne komisije BiH kako bi bila bolje opremljena za efikasno obavljanje svojih nadzornih zadataka koji se tiču političkog finansiranja, uključujući osiguravanje bržeg i značajnijeg nadzora nad političkim strankama i finansijskim izvještajima za vrijeme izbornih kampanja.*
72. Centralna izborna komisija BiH uputila je Ministarstvu finansija BiH inicijativu za izmjene i dopune Zakona o plaćama i naknadama u institucijama Bosne i Hercegovine, kako bi se revizorima Službe za reviziju finansiranja političkih stranaka, koji obavljaju specifične i složene poslove za koje treba osigurati funkcionalnu nezavisnost prilikom obavljanja poslova revizije finansiranja političkih stranaka, propisao dodatak na plaću. Nadležne institucije trebaju pružiti svu neophodnu podršku Centralnoj izbornoj komisiji BiH za implementaciju preporuka GRECO-a, da se osigura brži i bolji nadzor nad finansiranjem političkih stranaka.
73. Međunarodna izborna posmatračka misija Bosne i Hercegovine (ODIHR) – Opći izbori, 2. oktobar 2022. godine u svom izvještaju navodi da regulatorni sistem ne osigurava odgovarajuću transparentnost finansiranja izborne kampanje i odgovornost za finansijske prekršaje. Dok se Centralna izborna komisija BiH kroz propise pozabavila nekim prethodnim preporukama ODIHR-a i GRECO-a, učinkovitost kontrole bila je dovedena u pitanje radi ograničenih finansijskih i ljudskih resursa. Moguće sankcije ne odvrćaju dovoljno od kršenja propisa.
74. Preporuka iz izvještaja Evropske unije sa Šestog sastanka Pododbora za pravdu, slobodu i sigurnost, održanog 8–9. decembra 2022. godine jeste da se *usvoji Budžet institucija BiH i međunarodnih obaveza BiH za 2023. godinu, kojim će se osigurati neophodna sredstva za Centralnu izbornu komisiju BiH za zapošljavanje novih kadrova u Službi za reviziju za praćenje poštivanja propisa o finansiranju političkih stranaka, u skladu sa preporukama ODIHR-a /GRECO-a. (rok 3. kvartal 2023. godine).*
75. Centralna izborna komisija BiH izražava punu spremnost da se aktivno uključi u rad interesorne radne grupe i predloži rješenja za realizaciju preporuka GRECO-a.

Broj: 03-07-6-153-2/23
Sarajevo, 09. 02. 2023. godine

Predsjednik
Dr. Suad Arnautović

PRILOZI

Prilog br. 1. – Nalazi revizije iz izvještaja o reviziji godišnjih finansijskih izvještaja političkih stranaka za 2020. godinu

1. SAVEZ NEZAVISNIH SOCIJALDEMOKRATA (Kod 515)

Prema podacima iz korigiranog godišnjeg finansijskog izvještaja Savez nezavisnih socijaldemokrata se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	598.162,75	23,16
2.	Prilozi fizičkih lica (3-a)	171.691,00	6,65
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	51.585,00	2,00
7.	Prihodi iz budžeta (3-f)	1.713.197,89	66,35
8.	Prihodi od propagande (3-g)	0,00	0,00
I	Ukupni prihodi (1-8)	2.534.636,64	98,16
II	Ostali prihodi i drugo	47.439,56	1,84
	Izvori finansiranja (I+II)	2.582.076,20	100,00

Revizijom finansijskih izvještaja za 2020. godinu je utvrđeno da je Savez nezavisnih socijaldemokrata prekršio odredbe člana 4. stav (1), člana 5. stav (4), člana 8. stav (1) i (4), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 i člana 15.10 Izbornog zakona Bosne i Hercegovine.

- a) Savez nezavisnih socijaldemokrata je prekršio odredbe člana 4. stav (1) Zakona o finansiranju političkih stranaka na sljedeći način:
- (1) Troškove je planirao u nerealno visokim iznosim u odnosu na obim poslovanja političke stranke.
- Programom utroška sredstava politička stranka je predvidjela troškove u iznosu od 3.754.500,00 KM, nabavku opreme u iznosu od 150.000,00 KM i izmirenje obaveza za izgradnju poslovnog objekta u iznosu od 250.000,00 KM, što ukupno iznosi 4.154.500,00 KM.
Nabavka opreme i izmirenje obaveza za izgradnju poslovnog objekta ne predstavljaju trošak tekuće godine, pa planirane isplate sredstva u tu svrhu nisu trebale biti obuhvaćene programom utroška sredstava za 2020. godinu.
 - Analizom programa utroška sredstava i njegovom uporedbom sa ostvarenim troškovima, koje je politička stranka u finansijskom izvještaju prijavila u iznosu od 2.571.882,53 KM, utvrđeno je da su iznosi troškova nerealno planirani.
Isključujući iz programa utroška sredstava nabavku opreme i izmirenje obaveza za izgradnju objekta, planirani troškovi su ostvareni u procentu od 68,50%. Uvidom u strukturu planiranih i ostvarenih troškova utvrđeno je da su neki od troškova ostvareni u procentima

ispod 5%. Troškovi neproizvodnih usluga koji su planirani u iznosu od 210.000,00 KM ostvarani su u iznosu od 809,19 KM, što je 0,39% planiranih ovih troškova. Troškovi goriva i maziva, koji su planirani u iznosu od 250.000,00 KM, ostvareni su u iznosu od 12.113,38 KM ili u procentu od 4,85%. Troškovi prevoznika, koji su planirani u iznosu od 30.000,00 KM, ostvareni su u procentu od 5,73%. Pored navedenog, utvrđeno je da su troškovi ugostiteljskih usluga, koji su planirani u iznosu od 100.000,00 KM, ostvareni u procentu od 26,94%, ostali nematerijalni troškovi planirani u iznosu od 30.000,00 KM ostvareni su u procentu od 31,45 % i troškovi održavanja opreme planirani u iznosu od 40.000,00 KM ostvareni su u procentu od 17,14%.

Troškove reklame i propagande koje je planirala u iznosu od 1.500.000,00 KM ostvarila je u procentu od 64,03%. U finansijskom izvještaju stranka je prijavila ove troškove u iznosu od 960.481,22 KM i to: troškove izborne kampanje u iznosu od 921.854,25 KM i troškove reklame i propagande kao režijsko-administrativne troškove u iznosu od 38.626,67 KM.

Sve navedeno potvrđuje činjenicu da program utroška sredstava Savez nezavisnih socijaldemokrata nije sačinio na način da se osigura potpuna transparentnost planiranog trošenja sredstava.

- (2) Uvidom u strukturu ostvarenih troškova utvrđeno je da je Savez nezavisnih socijaldemokrata ostvario troškove u iznosu od 253.503,39 KM koji nisu predviđeni programom utroška sredstava, da su planirani troškovi prekoračeni za iznos od 15.474,32 KM, dok za troškove reklame i propagande koji su u izvještaju prijavljeni kao režijsko-administrativni troškovi u iznosu od 38.626,67 KM nije moguće utvrditi u kom iznosu su planirani.
- Politička stranka je ostvarila troškove ugovora o djelu u iznosu od 205.559,79 KM, dnevnice i putne troškove u iznosu od 7.102,05 KM, humanitarne rashode u iznosu od 8.523,97 KM, troškove advokatskih usluga u iznosu od 3.466,40 KM, rashode iz prethodnih godina u iznosu od 19.000,38 KM, gubitke od rashodovanja stalnih sredstava u iznosu od 5.437,08 KM, troškove ostalih zakupnina u iznosu od 4.168,02 KM i troškove osiguranja u iznosu od 245,70 KM koje nije predvidjela svojim programom utroška sredstava.
 - Stranka je prekoračila sljedeće planirane troškove: troškove komunalnih usluga za iznos od 1.582,57 KM, troškove platnog prometa za 1.040,10 KM, premije osiguranja za 4.272,60 KM, porez i druge obaveze za 4.792,48 KM i troškove usluga za 3.786,57 KM.
- (3) Na osnovi ugovora o djelu, ugovora o obavljanju privremenih i povremenih poslova i izvještaja o izvršenju ugovora, koji su uzeti kao revizijski uzorci, utvrđeno je da politička stranka nije imala nadzor nad izvršenjem aktivnosti uz plaćanje naknade, koje je Savez nezavisnih socijaldemokrata ugovorio sa svojim funkcionerima.
- Ugovori o djelu sadrže odredbe, prema kojima naručilac posla, odnosno Savez nezavisnih socijaldemokrata ima pravo i dužnost vršiti nadzor nad obavljanjem posla, odnosno izvršenjem posla, dok ugovori o obavljanju privremenih i povremenih poslova sadrže odredbu da će poslodavac odmah po prijemu, a najkasnije u roku od osam dana po prijemu posla putem stručne komisije utvrditi kvalitet obavljenog posla.
- Na zahtjev Službe za reviziju da izvrši uvid u izvještaj stručne komisije o utvrđivanju kvaliteta posla koji je obavio jedan od funkcionera političke stranke uz naknadu u neto iznosu od 18.000,00 KM, politička stranka je dostavila Plan dnevnih stranačkih nastupa tog funkcinera u izbornoj godini na stranačkim i drugim platformama, od 15. 01. 2020. godine, koji je funkcioner potpisao. Plan rada je sačinjen na osnovi ugovora o obavljanju

privremenih i povremenih poslova, broj: 01-273/19 od 23. 12. 2019. godine. Planom nisu precizirane aktivnosti, niti su predviđeni termini aktivnosti u 2020. godini.

- Na zahtjev da se izvrši uvid u izvještaje o izvršenju aktivnosti po ugovorima o djelu, koji su uzeti kao revizijski uzorak, stranka je za fizičko lice kome su po ugovorima o djelu isplaćena sredstva u iznosu od 5.200,00 KM predočila Plan o radu sačinjen na osnovi ugovora o djelu, broj: 01-199-1/19 od 27. 09. 2019. godine. Ni ovim planom nisu precizirane aktivnosti, niti su predviđeni termini aktivnosti u 2020. godini.

U skladu sa navedenim, a obzirom na to da stranka nije predočila izvještaje izvršilaca, kojima se potvrđuje izvršenje ugovorenih poslova, nije utvrđeno da li su sredstva isplaćena po ugovorima o djelu i ugovorima o obavljanju privremenih i povremenih poslova utrošena isključivo za obavljanje stranačkih aktivnosti.

S obzirom na to da je politička stranka sačinila program utroška sredstva sa nerealnim iznosima većine troškova, da su sredstva u iznosu od 268.977,71 KM utrošena mimo programa utroška, a uzimajući u obzir nedostatak izvještaja o izvršenim poslovima po ugovorima o djelu i ugovorima o obavljanju privremenih i povremenih poslova, utvrđeno je da je Savez nezavisnih socijaldemokrata prekršio odredbe člana 4. stav (1) Zakona o finansiranju političkih stranaka.

- b) Savez nezavisnih socijaldemokrata nije uspostavio evidenciju i nije prijavio u svom finansijskom izvještaju nenovčane donacije koje je ostvario od pravnih lica Televizija K3 d. o. o. Prnjavor i Alternativna televizija d. o. o. Banja Luka, čime je prekršio odredbe člana 5. stav (4) Zakona o finansiranju političkih stranaka.

Centralna izborna komisija BiH se navedenim pravnim licima obratila zahtjevom da dostave podatke o medijskom predstavljanju Saveza nezavisnih socijaldemokrata putem njihove televizije u periodu od 01. 06. 2020. godine do 15. 12. 2020. godine, odnosno da dostave podatke o ukupnom vremenu iskorištenog medijskog prostora za promociju ove stranke, komercijalnoj vrijednosti medijskog prostora i cijeni usluga koje su stranci fakturirali.

- Televizija K3 d. o. o. Prnjavor je dostavila odgovor u kome navodi da prema odlukama Regulatorne agencije za komunikacije BiH nije dozvoljeno da se u periodu koji nije jasno naznačen kao predizborna kampanja naplaćuje izvještavanje sa događaja određene političke stranke. Također je ista televizija navela da je sva praćenja i oglašavanja političke stranke u navedenom periodu, osim dvije emisije od po 20 minuta u toku mjeseca kampanje, svrstala u informativni program, koji nije naplatila od Saveza nezavisnih socijaldemokrata. Političkoj stranci ova televizija je fakturirala usluge oglašavanja u ukupnom iznosu od 26.910,00 KM.

Služba za reviziju nije utvrdila vrijednost usluge praćenja i medijskog predstavljanja Saveza nezavisnih socijaldemokrata, koju je Televizija K3 d. o. o. Prnjavor svrstala u informativni program.

Televizija K3 d. o. o. Prnjavor je 2020. godine imala sklopljen ugovor sa Gradom Prijedorom o javnoj nabavci usluga pripreme i produkcije priloga posvećenih informacijama o životu građana Prijedora i priloga o najznačajnijim aktivnostima gradonačelnika i gradskih službi Grada Prijedora, u iznosu od 33.400,00 KM, pa su njene besplatne usluge zabranjene političkoj stranci u skladu sa odredbama člana 8. stav (4) Zakona o finansiranju političkih stranaka.

- Alternativna televizija d. o. o. Banja Luka je na zahtjev Centralne izborne komisije BiH odgovorila putem e-maila. U prilogu e-maila dostavljeni su sedmični izvještaji o medijskom predstavljanju Saveza nezavisnih socijaldemokrata. Prema navedenim izvještajima političkoj stranci su fakturirane usluge medijskog predstavljanja u iznosu od 210.600,00 KM. Pored minuta plaćenog političkog oglašavanja, na izvještajima o medijskom predstavljanju Saveza nezavisnih socijaldemokrata, Alternativna televizija d. o. o. Banja Luka je navela i minute ostalih vidova besplatnog predstavljanja ove političke stranke. Prema ovim izvještajima u ukupnom vremenu oglašavanja političke stranke plaćeno oglašavanje učestvuje u procentu od 92,15 %, dok je učešće neplaćenog oglašavanja iznosilo 7,85%. Vrijednosno izraženo, oglašavanje putem Alternativne televizije d. o. o. Banja Luka koje stranka nije imala obavezu platiti procjenjuje se na iznos od 17.940,40 KM, što predstavlja donaciju političkoj stranci u navedenom iznosu.
Alternativna televizija d. o. o. Banja Luka je 2020. godine imala sklopljen ugovor sa Gradom Doboj o javnoj nabavci usluga medijskog praćenja gradonačelnika, predstavnika Gradske uprave Doboj i promocije lokalne zajednice, u iznosu od 117.000,00 KM, pa je Savezu nezavisnih socijaldemokrata donacija ove Televizije, u skladu sa drebama člana 8. stav (4) Zakona o finansiranju političkih stranaka zabranjena.
- c) Revizijom je utvrđeno da je politička stranka ostvarila nenovčanu donaciju Helikopterskog servisa Republike Srpske, na način što je srpski član Predsjedništva Bosne i Hercegovine koristio helikopter za posjetu jedinicama lokalne uprave i samouprave, na kojima je pored aktivnosti koje proizilaze iz javne funkcije člana Predsjedništva BiH posjete koristio i za promoviranje političke stranke Savez nezavisnih socijaldemokrata za Lokalne izbore 2020. godine.

Po prijavi dostavljenoj Centralnoj izbornoj komisiji BiH da je helikopter Helikopterskog servisa Republike Srpske korišten za prevoz kandidata na predizborne skupove za Lokalne izbore 2020. godine, koje je organizirao Savez nezavisnih socijaldemokrata – SNSD, Centralna izborna komisija BiH se aktom, broj: 03-07-6-740-11/2 od 02. 02. 2022. godine obratila Kabinetu srpskog člana Predsjedništva BiH sa zahtjevom da odgovore da li je član predsjedništva BiH iz Republike Srpske, u skladu sa svojim ovlaštenjima iz Uredbe o dopuni Uredbe o osnivanju Vazduhoplovnog servisa Republike Srpske (“Službeni glasnik Republike Srpske“, broj: 16/19) dao odobrenje za korištenje helikoptera za prevoz kandidata na predizborne skupove koje je politička stranka organizirala u: Bratuncu, Bijeljini, Palama, Trebinju, Brčkom, Modriči i Tesliću.

Na navedeni zahtjev Centralnoj izbornoj komisiji BiH je iz Predsjedništva BiH dostavljen odgovor, akt broj: 04-int-179/22 od 08. 07. 2022. godine, u kome je potvrđeno da su letovi obavljani u svrhu obavljanja javne funkcije srpskog člana Predsjedništva BiH i poslova iz njegove nadležnosti. U prilogu spomenutog akta dostavljeni su nalozi za letove, skupa sa natpisima iz novinskih članaka kojima se dokazuje tačnost podataka iznesenih u odgovoru šefa Kabinata srpskog člana Predsjedništva BiH.

Dan planiranog polijetanja i određeno planiranog leta helikoptera navedeno na svakom od naloga odgovara datumu i lokaciji održanih predizbornih skupova koji su navedeni u prijavi protiv Saveza nezavisnih socijaldemokrata.

Uvidom u natpise iz novinskih članaka koje je dostavio kabinet srpskog člana Predsjedništva BiH utvrđeno je da je posjeta srpskog člana Predsjedništva BiH Bijeljini, odnosno Banji Dvorovi, pored obavljanja njegove javne funkcije, iskorištena i za promociju političke stranke Savez nezavisnih socijaldemokrata. Kao predsjednik političke stranke Savez nezavisnih socijaldemokrata Milorad Dodik je pozdravljajući građane naglasio da ova politička stranka stoji iza projekata koji se odnose na revitalizaciju Banje Dvorovi. Na

istom skupu u Banji Dvorovi, pored Milorada Dodika građanima su se obraćali kandidati sa liste SNSD Bijeljina za Lokalne izbore 2020. godine i istaknute su zastave samo Saveza nezavisnih socijaldemokrata, što potvrđuje promociju ove političke stranke za Lokalne izbore 2020. godine.

S obzirom na to da politička stranka Savez nezavisnih socijaldemokrata nije snosila dio troškova za korištenje prevoznog sredstva Helikopterskog servisa Republike Srpske radi javnog skupa, koji je član Predsjedništva BiH i predsjednik ove političke stranke iskoristio za promoviranje stranke za Lokalne izbore 2020. godine, Savez nezavisnih socijaldemokrata je ostvario nenovčanu donaciju javnog servisa koja je političkim strankama zabranjena u skladu sa odredbama iz člana 8. stav (1) Zakona o finansiranju političkih stranaka.

- d) Revizijom godišnjeg finansijskog izvještaja i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, utvrđeno je da Savez nezavisnih socijaldemokrata nije uspostavio potpune evidencije o приходima i rashodima, godišnji finansijski izvještaj nije popunio na način kako je Centralna izborna komisija BiH propisala Pravilnikom o godišnjim finansijskim izvještajima političkih stranaka ("Službeni glasnik BiH", broj: 96/13 i 89/16) – u daljnjem tekstu: Pravilnik, čime je prekršio odredbe člana 11. stav (1) i člana 12. stav (1), (3) i (4) Zakona o finansiranju političkih stranaka. Stranka nije uspostavila potpune evidencije o troškovima izborne kampanje, čime je prekršila odredbe člana 15.1 stav (1) Izbornog zakona Bosne i Hercegovine.
- (1) Politička stranka u poslovnim knjigama, suprotno odredbama člana 11. Zakona o finansiranju političkih stranaka, nije uspostavila evidencije o dijelu prihoda, niti je ukupan iznos ostvarenih prihoda prijavila u finansijskom izvještaju, u skladu sa odredbama člana 12. stav (1) i (4) istog zakona.
- U poslovnim knjigama stranka nije evidentirala donaciju u iznosu od 2.400,00 KM koju je ostvarila korištenjem bez naknade poslovnog prostora u Sokocu i donaciju u iznosu od 500,00 KM, ostvarenu korištenjem bez naknade bilborda na kojima su se promovirali Mladi socijaldemokrati SNSD-a. Navedene donacije stranka je prijavila u korigiranom finansijskom izvještaju koji je Centralnoj izornoj komisiji dostavila 11. 11. 2022. godine.
 - Donacije koje je ostvarila od pravnih lica Televizija K3 d. o. o. Prnjavor i Alternativna televizija d. o. o. Banja Luka, kao što je navedeno u nalazu pod b), nije evidentirala ni u poslovnim knjigama, niti ih je prijavila u finansijskom izvještaju.
 - Također, stranka nije evidentirala i nije prijavila i nenovčanu donaciju Helikopterskog servisa Republike Srpske, koju je ostvarila na način da nije snosila dio troškova prevoza helikopterom prilikom posjeta srpskog člana Predsjedništva Bosne i Hercegovine jedinicama lokalne uprave i samouprave, na kojima je pored aktivnosti koje proizilaze iz javne funkcije člana Predsjedništva BiH, promovirana i politička stranka Savez nezavisnih socijaldemokrata za Lokalne izbore 2020. godine.
 - Iz budžeta Općine Ravno politička stranka je ostvarila prihod u iznosu od 1.600,00 KM, o kome također nije uspostavila evidenciju. Općina Ravno je Centralnoj izornoj komisiji BiH dostavila akt, broj: 02-11-232/21 od 14. 04. 2021. godine, u kome je navela da je sredstvima iz budžeta izdvojenim za Savez nezavisnih socijaldemokrata platila putne troškove i račune goriva za političku stranku.

- (2) Revizijom je je utvrđeno da Savez nezavisnih socijaldemokrata u poslovnim knjigama nije uspostavio tačne evidencije o rashodima stranke, te ih nije pravilno iskazao ni u finansijskom izvještaju, čime je pored računovodstvenih propisa i člana 12. stav (1) i (4) Zakona o finansiranju prekršio i odredbe člana 21., 22. i 23. Pravilnika.

Stranka u poslovnim knjigama nije iskazala troškove zakupa poslovnog prostora, u iznosu od 2.400,00 KM, koji je koristio njen organizacioni dio u Sokocu.

- (3) Savez nezavisnih socijaldemokrata nije uspostavio potpune evidencije o troškovima izborne kampanje, čime je prekršio odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Politička stranka nije prijavila dio troškova medijskog predstavljanja putem Televizije K3 d. o. o. Prnjavor i Alternativne televizije d. o. o. Banja Luka, kao što je navedeno u nalazu pod b), kao ni troškove prevoza helikopterom, kao što je navedeno u nalazu pod c).

- (4) Uvidom u finansijsku dokumentaciju koja je tokom revizije uzeta kao revizijski uzorak, utvrđeni su nedostaci kod dijela računa dobavljača, koji su knjigovodstvene isprave o nastalim poslovnim događajima.

U skladu sa računovodstvenim propisima, sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja, potpise osoba kojima se potvrđuje da je materijal isporučen, odnosno usluga izvršena i sl.

Na osnovi dijela računa dobavljača koji su Savezu nezavisnih socijaldemokrata ispostavljeni za izbornu kampanju nije moguće utvrditi količinu, odnosno obim pruženih usluga po cijenu koju je politička stranka platila.

- Na računima pravnih lica: Telrad d. o. o. Bijeljina na iznos od 7.020,00 KM, Astra Media d. o. o. Bijeljina na iznos od 14.040,00 KM, Panorama-pres d. o. o. Bijeljina na iznos od 2.340,00 KM, Radio-televizija Slobomir d. o. o. na iznos od 7.020,00 KM i Bobar radio d. o. o. Bijeljina na iznos 4.680,00 KM, za usluge reklamiranja i medijskog praćenja predizborne kampanje putem radija i televizija navedena je količina jedan (1). Na osnovi navedenih računa nije moguće utvrditi obim usluge koju su navedena pravna lica pružila političkoj stranci, niti cijene oglašavanja. Također, ugovorima o emitiranju koje je Savez nezavisnih socijaldemokrata 29. 09. 2022. godine zaključio sa svim navedenim pravnim licima nije naveden broj medijskih oglašavanja u okviru ugovorene naknade.
 - Na računu pravnog lica Televizija K3 d. o. o. Prnjavor, broj: 1/321 od 24. 10. 2020. godine, fakturiran je iznos od 23.400,00 KM, i računu, broj: 1/354 od 05. 11. 2020. godine, iznos od 3.510,00 KM. Za oglašavanje političke stranke, umjesto termina oglašavanja, dužine trajanja oglasa i cijene usluge navedeno je: usluge po ugovoru u količini jedan (1) komad u iznosu od 23.400,00 KM, te zakupljeni termin u količini jedan (1) komad u iznosu od 3.510,00 KM. Ugovorom o poslovnoj saradnji koji su 14. 10. 2020. godine zaključili Savez nezavisnih socijaldemokrata i Televizija K3 d. o. o. Prnjavor, osim ukupne cijene usluge od 20.000,00 KM, koja se uvećava 17% za PDV i iznosu 23.400,00 KM, nisu dogovoreni uvjeti oglašavanja, broj termina i datumi oglašavanja, trajanje oglasa, niti cijena oglašavanja po vremenskim intervalima.
- (5) Politička stranka je evidentirala u poslovnim knjigama i prijavila u finansijskom izvještaju obaveze prema dobavljačima u iznosu od 1.228,80 KM koje su nastale u periodu od 2008.

do 2013. godine. S obzirom na starosnu strukturu obaveza, te da dobavljači nisu iskoristili sredstva prinudne naplate, ne može se pouzdano tvrditi da stranka ima te obaveze.

Troškovi izborne kampanje

Savez nezavisnih socijaldemokrata je prekoračio zakonom utvrđeni limit na troškove izborne kampanje, čime je prekršio odredbe člana 15.10 Izbornog Zakona Bosne i Hercegovine.

Prema odredbama člana 15.10 Izbornog zakona BiH, Savez nezavisnih socijaldemokrata je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 896.294,97 KM i za Izbore u Gradu Mostaru iznos od 15.129,60 KM, što ukupno iznosi 911.424,57 KM.

Savez nezavisnih socijaldemokrata je u godišnjem finansijskom izvještaju za 2020. godinu prijavio troškove izborne kampanje u iznosu od 921.854,25 KM. Revizijom je utvrđeno da nije prijavljen dio troškova izborne kampanje koja je realizirana oglašavanjem političke stranke putem Alternativne televizije d. o. o. Banja Luka, a procjenjuje se na iznos od 17.940,00 KM. Vrijednost izborne kampanje koja je realizirana oglašavanjem ove političke stranke putem Televizije K3 d. o. o. Prnjavor nije utvrđena, kao ni vrijednost usluge Helikopterskog servisa Republike Srpske, u vidu prevoza na skup na kome su za Lokalne izbore 2020. godine promovirani stranka i njeni kandidati sa izbornih lista.

2. SOCIJALDEMOKRATSKA PARTIJA BOSNE I HERCEGOVINE (Kod 008)

Prema podacima iz godišnjeg finansijskog izvještaja Socijaldemokratska partija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	351.456,96	16,07
2.	Prilozi fizičkih lica (3-a)	37.505,00	1,71
3.	Prilozi pravnih lica (3-b)	24.105,00	1,10
4.	Prihodi od imovine (3-c)	397.944,80	18,20
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	1.367.445,81	62,53
8.	Prihodi od propagande (3-g)	0,00	0,00
I	Ukupni prihodi (1-8)	2.178.457,57	99,61
II	Ostali prihodi i drugo	8.456,45	0,39
	Izvori finansiranja (I+II)	2.186.914,02	100,00

Revizijom finansijskih izvještaja za 2020. godinu utvrđeno je da je Socijaldemokratska partija Bosne i Hercegovine prekršila odredbe člana 4. stav (1), člana 5. stav (4), člana 6. stav (2), člana 8. stav (1) i stav (4), člana 11. i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine

a) Socijaldemokratska partija Bosne i Hercegovine je prekršila odredbe člana 4. stav (1) Zakona o finansiranju političkih stranaka na sljedeći način:

(1) Socijaldemokratska partija Bosne i Hercegovine je u godišnjem finansijskom izvještaju za 2020. godinu iskazala rashode u ukupnom iznosu od 2.282.659,75 KM.

Uvidom u Okvirni finansijski plan prihoda i rashoda za 2020. godinu utvrđeno je da je Socijaldemokratska partija Bosne i Hercegovine planirala rashode u ukupnom iznosu od 2.110.887,00 KM.

Analizom Finansijskog plana stranke za 2020. godinu utvrđeno je da plan nije sačinjen na način kojim bi se osigurala transparentnost planiranog trošenja sredstava, kao i uporedba ostvarenih troškova sa planiranim.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog finansijskog plana rashoda za 2020. godinu, kako slijedi:

- Stranka je planirane naknade za topli obrok, prevoz, regres i sl. prekoračila za 26.483,00 KM, planirane troškove advokatskih usluga i sudske troškove za 4.110,32 KM, troškove električne energije za 23.666,95 KM, troškove komunalnih usluga za 9.427,89 KM, troškove ostalog materijala za 10.815,89 KM, troškove ugovora o djelu za 3.366,20 KM, usluge oglašavanja u dnevnim novinama za 4.615,93 KM, troškove reprezentacije za 50.694,15 KM, troškove platnog prometa za 18.024,14 KM, troškove poštarine, internet-usluga za 9.868,89 KM, troškove telefona (fiksno i mobilno) za 29.780,27 KM i troškove zakupnine poslovnih prostora za 44.578,95 KM.
- Stranka je u godišnjem finansijskom izvještaju iskazala *troškove usluga* u ukupnom iznosu od 53.181,50 KM, u okviru kojih je iskazala troškove registracije auta, troškove programskog rješenja Wand, usluge održavanja i usluge održavanja građevina, usluge održavanja inventara, usluge pranja auta, usluge vještačenja i revizije, grafičku pripremu i štampu, ostale usluge, putarine i sudske i druge takse.
Stranka je planirala troškove registracije auta, troškove programskog rješenja Wand i troškove grafičke pripreme i štampe, te je utvrđeno da je planirane *troškove registracije auta* prekoračila za 286,62 KM. Stranka nije planirala usluge održavanja i usluge održavanja građevina, usluge održavanja inventara, usluge pranja auta, usluge vještačenja i revizije, ostale usluge, putarine i sudske i druge takse, koje je u godišnjem finansijskom izvještaju iskazala u ukupnom iznosu od 16.081,17 KM.
- Stranka nije planirala troškove dnevnica i putne troškove, humanitarne rashode, ostale rashode, rashode prethodnih godina, troškove neproizvodnih usluga, troškove hotelskih usluga, troškove kamata i troškove poreza i dr. obaveza.

U godišnjem finansijskom izvještaju stranka je iskazala *troškove dnevnica i putne troškove* u iznosu od 7.850,14 KM, *humanitarne rashode* u iznosu od 48.744,42 KM, *ostale rashode* u iznosu od 87.314,44 KM, *rashode prethodnih godina* u iznosu od 110.953,16 KM, *troškove neproizvodnih usluga* u iznosu od 8.083,40 KM, *troškove hotelskih usluga* u iznosu od 450,01 KM, *troškove kamata* u iznosu od 13.287,30 KM i *troškove poreza i dr. obaveza* u iznosu od 34.497,67 KM.

S obzirom na to da stranka nije sačinila plan na način kojim bi se osigurala transparentnost planiranog trošenja sredstava, kao i uporedba ostvarenih troškova sa planiranim, te da je finansijska sredstva u iznosu od 562.980,91 KM utrošila mimo utvrđenog finansijskog

plana za 2020. godinu, prekršene su odredbe člana 4. stav (1) Zakona o finansiranju političkih stranka.

- (2) Kontrolom troškova materijala za održavanje čistoće utvrđeno je da je stranka izvršila nabavku sredstava za dezinfekciju, deterdženta za veš, deterdženta za suđe, tečnog sapuna, sredstava za staklene površine, podne površine, tepiha, laminata i sl. od dobavljača "Eurodel" d. o. o. Zavidovići u ukupnoj vrijednosti od 6.866,12 KM.

Uvidom u pojedinačne račune utvrđeno je da računi nisu ovjereni i odobreni za knjiženje. Isto tako račun, br. 23/2020 od 22. 04. 2020. godine, u iznosu od 2.501,00 KM za nabavku dezinfekcionih sredstava u količini od 610 kom, ne sadrži potpis primaoca sredstava, niti postoji evidencija o utrošku sredstava. Isto tako račun, br. 35/2020 od 16. 07. 2020. godine, u iznosu od 1.885,58 KM i račun, br. 37/2020 od 24. 07. 2020. godine, u iznosu od 2.145,48 KM nije potpisala stranka-kupac, tj. nije potvrđen prijem robe.

Pored navedenog, utvrđeno je da su nabavljene veće količine deterdženata i sredstava za površine, za koje nije utvrđeno da li su i u koju svrhu su utrošena, odnosno nisu knjižena na kontu zaliha materijala, već su proknjižena direktno na konto troška materijala za održavanje čistoće.

Naime, na računu br. 35/2020 evidentirana je, između ostalog, nabavka tečnog deterdženta za tanjire i čaše u pakiranju od 5 litara (4 komada); gril sredstvo za odmašćivanje u pakiranju od 0,75 litara (9 komada); sredstvo za staklene površine u pakiranju od 5 litara (4 komada), dok je na računu br. 37/2020 evidentirana, između ostalog, nabavka deterdženta za veš u pakiranju od 3 litra (4 komada); tečnog deterdženta za suđe u pakiranju od 1 litara (12 komada); sredstvo za staklene površine u pakiranju od 5 litara (12 komada); sredstva za njegu drvenog namještaja u pakiranju od 5 litara (2 kom) i sl.

Na osnovi gore navedenog nije moglo biti utvrđeno u koju svrhu je izvršena nabavka navedenih sredstava, tj. u koju svrhu su utrošena finansijska sredstva stranke.

- b) Socijaldemokratska partija Bosne i Hercegovine prekršila je odredbe člana 5. stav (4) i člana 6. stav (2) Zakona o finansiranju političkih stranaka.

- (1) Revizijom finansijskog izvještaja utvrđeno je da je Socijaldemokratska partija Bosne i Hercegovine primila nenovčane donacije po osnovi besplatnih objava na društvenim mrežama, te ih nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

Naime, odlukama Centralne izborne komisije Bosne i Hercegovine utvrđeno je da su kandidati političke stranke na društvenim mrežama vodili plaćenu izbornu kampanju, a prije službenog početka izborne kampanje.

S obzirom na to da politička stranka nije platila objave na društvenim mrežama, ostvarila je nenovčane donacije tri fizička lica-kandidata stranke, te anonimnu donaciju, kako slijedi:

- Uvidom u Odluku Centralne izborne komisije Bosne i Hercegovine, utvrđeno je da je Srđan Mandić, kandidat političke koalicije "ČETVORKA" NIP, NS i SDP (Narod i pravda, Naša stranka i SDP-Socijaldemokratska partija BiH) putem društvenih mreža "Facebook" i "Instagram" vodio plaćenu izbornu kampanju, te se promovirao kao kandidat na Lokalnim izborima 2020. godine, a prije službenog početka izborne kampanje. Isto tako, utvrđeno je da je objava sponzorirana.

U godišnjem finansijskom izvještaju stranka nije evidentirala nenovčanu donaciju fizičkog lica Srđana Mandića.

- Uvidom u službene evidencije utvrđeno je da je Arman Zalihić, kandidat političke koalicije "BH BLOK MOSTAR" (SDP BiH i Naša stranka) putem društvene mreže "Facebook" vodio plaćenu izbornu kampanju, te se promovirao kao kandidat za gradsko izbornu područje Grada Mostara na Lokalnim izborima 2020. godine, a prije službenog početka izborne kampanje. Isto tako, utvrđeno je da je "Facebook" objava sponzorirana. Stranka nije u godišnjem finansijskom izvještaju evidentirala nenovčanu donaciju fizičkog lica Armana Zalihića.
- Uvidom u službene evidencije, utvrđeno je da je Davor Župa, kandidat SDP BiH putem društvene mreže "Facebook" vodio plaćenu izbornu kampanju, a prije službenog početka izborne kampanje. U godišnjem finansijskom izvještaju stranka nije evidentirala nenovčanu donaciju fizičkog lica Davora Župa.
- Prema podacima iz službenih evidencija, utvrđeno je da je Kantonalna organizacija SDP BiH Tuzlanskog kantona putem društvene mreže "Facebook" vodila plaćenu izbornu kampanju, a prije službenog početka izborne kampanje, te je za utvrđeni prekršaj Socijaldemokratskoj partiji Bosne i Hercegovine izrečena novčana kazna u iznosu od 1.000,00 KM. Stranka u godišnjem finansijskom izvještaju nije evidentirala nenovčanu donaciju.

Stranka je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka bila dužna da nenovčane donacije evidentira u poslovnim knjigama i prijavi u godišnjem finansijskom izvještaju za 2020. godinu.

- (2) Socijaldemokratska partija Bosne i Hercegovine nije u poslovnim knjigama evidentirala i u finansijskom izvještaju prijavila nenovčane donacije po osnovi besplatnog korištenja poslovnih prostora, čime je prekršila odredbe člana 5. stav (4) Zakona o finansiranju političkih stranaka.

- Na osnovi podataka koje su dostavile opštine utvrđeno je da su odbori Socijaldemokratske partije Bosne i Hercegovine koristili prostorije u vlasništvu opština bez naknade, kako slijedi:

Socijaldemokratska partija Bosne i Hercegovine je bez naknade koristila poslovni prostor, koji je odlukom Općinskog vijeća općine Ključ dat na korištenje Udruženju žena "Ključki biseri" Ključ, a udruženje je prostoriju dodijelilo političkoj stranci.

- Na osnovi podataka koje je dostavila Općina Ilijaš utvrđeno je da je SDP BiH koristio prostoriju, površine 19,5 m², u vlasništvu Općine Ilijaš, bez naknade.
- Prema podacima Općine Jablanica, Socijaldemokratska partija Bosne i Hercegovine je u toku 2020. godine koristila prostorije u vlasništvu Općine Jablanica, bez naknade.
- Na osnovi podataka koje je dostavila Općina Novo Sarajevo utvrđeno je da je SDP BiH koristio prostoriju, površine 131,7 m², u vlasništvu Općine Novo Sarajevo, bez naknade.

U skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka stranka je imala obavezu da sve donacije evidentira u poslovnim knjigama i prijavi u godišnjem finansijskom izvještaju za 2020. godinu.

- (3) Socijaldemokratska partija Bosne i Hercegovine nije u godišnjem finansijskom izvještaju prijavila nenovčanu donaciju pravnog lica "Europlakat BH" d. o. o. Sarajevo po osnovi zakupa površina za billboard u Tuzli po povoljnijim uvjetima, čime je prekršila odredbe člana 5. stav (4) Zakona o finansiranju političkih stranaka.

Dobavljač "Europlakat BH" d. o. o. Sarajevo je za zakup 90 površina (billboard i citylight) u periodu od 14. 10. 2020. od 14. 11. 2020. godine na području Tuzle izdao fakturu, br. 872-10/20 od 30. 10. 2020. godine, u iznosu od 17.550,07 KM. Uvidom u fakturu utvrđeno je da pojedinačne cijene značajno odstupaju od ponuđenih cijena zakupa, te da je dobavljač stranci odobrio rabat od 70,20 %, odnosno 35.399,98 KM. Uvidom u ostale fakture koje je dobavljač ispostavio za zakup, utvrđeno je da dobavljač nije dao rabat stranci, odnosno da je stranci odobren rabat od 20%.

- (4) Uvidom u blagajničku dokumentaciju OO SDP BiH Bugojno utvrđeno je da je stranka tokom 2020. godine putem blagajne, u gotovom novcu, naplatila članarinu u ukupnom iznosu od 1.752,00 KM, ali nije uplatila na transakcijski račun, čime je prekršila odredbu člana 5. stav (4) Zakona o finansiranju političkih stranaka.

- (5) Prilozi pravnih lica-donatora OO SDP BiH Donji Vakuf u iznosu od 700,00 KM, OO SDP BiH Vitez u iznosu od 200,00 KM, OO SDP BiH Tešanj u iznosu od 3.150,00 KM i SDP BiH Brčko distrikta BiH u iznosu od 2.500,00 KM, te OO SDP BiH Kreševo u iznosu od 5,00 KM nisu uplaćeni na transakcijski račun Glavnog odbora stranke.

Također je utvrđeno da ni prilozi fizičkih lica-donatora SDP BiH Brčko distrikta BiH u iznosu od 1.090,00 KM nisu uplaćeni na transakcijski račun Glavnog odbora stranke.

S obzirom na to da prilozi fizičkih i pravnih lica nisu uplaćeni na transakcijski račun Glavnog odbora političke stranke, prekršene su odredbe člana 6. stav (2) Zakona o finansiranju političkih stranaka

- c) Socijaldemokratska partija Bosne i Hercegovine prekršila je odredbe člana 8. stav (1) i stav (4) Zakona o finansiranju političkih stranaka.

- (1) Na osnovi obavljene revizije finansijskih izvještaja utvrđeno je da je Socijaldemokratska partija Bosne i Hercegovine primila priloge pravnih lica koja su u toku 2020. godine imala sklopljene ugovore o javnim nabavkama roba, usluga i radova sa organima izvršne vlasti na svim nivoima u Bosni i Hercegovini čija je vrijednost veća od 10.000,00 KM, što je suprotno odredbama člana 8. stav (4) Zakona o finansiranju političkih stranaka.

- SDP Brčko distrikta BiH primila je prilog pravnog lica "Copitrade" d. o. o. Bijeljina u iznosu od 2.000,00 KM.

Prema podacima koje je dostavio Grad Bijeljina, pravno lice "Copitrade" d. o. o. Bijeljina imalo je zaključen Ugovor sa Gradom Bijeljina o nabavci računara i štampača za potrebe gradske uprave Grada Bijeljina u iznosu 39.999,96 KM. Također, pravno lice "Copitrade" d. o. o. Bijeljina imalo je zaključen Ugovor sa Upravom za indirektno oporezivanje o nabavci i isporuci klimauređaja u iznosu 23.680,80 KM.

- OO SDP Donji Vakuf primio je prilog pravnog lica "Rudnici gipsa" z.d. d. Donji Vakuf u iznosu od 500,00 KM.

Uvidom u podatke koje su dostavila Kantonalna direkcija za puteve Srednjobosanskog kantona utvrđeno je da je pravno lice "Rudnici gipsa" z.d. d. Donji Vakuf u toku 2020. godine imalo zaključen ugovor sa Kantonalnom direkcijom o izvođenju radova

rekonstrukcije regionalnog puta u vrijednosti od 93.345,89 KM. Ministarstvo za prostorno uređenje, promet i komunikacije i zaštitu okoline Zeničko-dobojskog kantona – Kantonalna direkcija za ceste u toku 2020. godine imalo je dva zaključena ugovora sa Konzorcijem preduzeća "Nahonal gas" d. o. o. Breza i "Rudnici gipsa" z.d. d. Donji Vakuf ukupne vrijednosti od 621.183,20 KM.

- U toku 2020. godine pravno lice "Radius" d. o. o. Gračanica dalo je prilog političkoj stranci u iznosu od 2.000,00 KM.

Na osnovi podaka koje je dostavilo Federalno ministarstvo raseljenih osoba i izbjeglica, utvrđeno je da je Federalno ministarstvo raseljenih osoba i izbjeglica sa ovim pravnim licem imalo tri zaključena ugovora o izvođenju radova čije su vrijednosti veće od 10.000,00 KM.

- Politička stranka je primila prilog pravnog lica "DD za osiguranje Camelija" Bihać u iznosu od 1.000,00 KM. Pravno lice "DD za osiguranje Camelija" Bihać je sa Ministarstvom unutrašnjih poslova Unsko-sanskog kantona imalo zaključen Ugovor o pružanju usluga obaveznog osiguranja vozila sa osiguranjem putnika za 2020. godinu u vrijednosti od 36.883,43 KM.

- (2) Prema podacima iz službenih evidencija utvrđeno je da je Kantonalna organizacija SDP BiH Tuzlanskog kantona putem društvene mreže "Facebook" vodila plaćenu izbornu kampanju, a prije službenog početka izborne kampanje, te je za utvrđeni prekršaj Socijaldemokratskoj partiji Bosne i Hercegovine izrečena novčana kazna u iznosu od 1.000,00 KM. Kao što je i navedeno u nalazu pod b), stranka u godišnjem finansijskom izvještaju nije evidentirala nenovčanu donaciju, a u postupku revizije nisu predloženi dokazi o plaćanju objave na društvenoj mreži, odnosno stranka nema podatke o licu koje je platilo objavu, što upućuje da je primila anonimnu donaciju.

- (3) Politička stranka je tokom 2020. godine bez plaćanja zakupnine koristila poslovni prostor, koji je Općina Ključ dodijelila na korištenje Udruženju žena "Ključki biseri" Ključ, a udruženje je prostoriju dodijelilo političkoj stranci.

S obzirom na to da se Udruženje žena "Ključki biseri" Ključ u toku 2020. godine finansiralo javnim sredstvima u iznosu od 1.000,00 KM, navedena nenovčana donacija političkoj stranci je zabranjena odredbama iz člana 8. stav (1) tačka g) Zakona o finansiranju političkih stranaka.

- d) Revizijom finansijskih izvještaja utvrđeno je da Socijaldemokratska partija Bosne i Hercegovine nije u poslovnim knjigama uspostavila pravilne, pravovremene i potpune evidencije o novčanim sredstvima, prihodima, rashodima i obavezama, te obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka. Također, utvrđeno je da poslovne knjige nisu vođene na pravilan način, te da u skladu sa odredbama člana 11. Zakona o finansiranju političkih stranaka nisu uspostavljene adekvatne interne kontrole nad nižim organizacionim dijelovima političke stranke radi sprečavanja pogrešnog evidentiranja prihoda i rashoda.

- (1) Socijaldemokratska partija Bosne i Hercegovine nije vodila poslovne knjige u skladu sa računovodstvenim propisima i praksom.

Socijaldemokratska partija Bosne i Hercegovine nije vršila redovni godišnji popis svoje imovine i obaveza, a što je bila obavezna po Zakonu o računovodstvu i reviziji Federacije Bosne i Hercegovine.

U postupku revizije utvrđeno je da stranka nema pravilnik o računovodstvu, niti pravilnik o internim kontrolama.

Uvidom u poslovne evidencije utvrđeno je da stranka nije uspostavila pomoćnu knjigu osnovnih sredstava stranke, kao i da evidencije o potraživanjima od kupaca i obavezama prema dobavljačima nisu vođene na pravilan način.

Uvidom u poslovne knjige, odnosno analitičke kartice potraživanja od kupaca, utvrđeno je da je stranka umjesto početnog stanja potraživanja na pojedinačnim karticama izvršila prenos ukupnog dugovnog i potražnog prometa iz prethodne godine, čime je ostvareni promet u toku godine uvećan za iznos prometa prethodne godine. Takav način knjiženja početnog stanja potraživanja nije u skladu sa računovodstvenim propisima i praksom. Na isti način stranka je iskazala promet po analitičkim karticama obaveza prema dobavljačima.

Pored navedenog ističemo da je stranka na analitičkim karticama konta 2021–*neraspoređeni višak prihoda iz tekuće godine* i 2031–*neraspoređeni višak rashoda iz tekuće godine* stornirala početna stanja, te je knjižila troškove zakupa iz 2019. godine.

Stranka u poslovnim knjigama za 2020. godinu iskazuje ostala kratkoročna potraživanja u ukupnom iznosu od 33.782,59 KM.

Uvidom u analitičke kartice ostalih kratkoročnih potraživanja, među kojim je i analitička kartica potraživanja od Centralne izborne komisije Bosne i Hercegovine u iznosu od 12.100,00 KM, utvrđeno je da stranka iskazuje potraživanja po početnom stanju na dan 01. 01. 2020. godine, a što odgovara podacima koje je stranka iskazala u svojim poslovnim knjigama za 2018, odnosno 2019. godinu.

U postupku revizije finansijskih izvještaja za 2018. godinu utvrđeno je da stranka nema potraživanja od Centralne izborne komisije Bosne i Hercegovine na dan 31. 12. 2018. godine, što implicira da nema potraživanja ni na dan 31. 12. 2020. godine.

Isto tako, stranka u poslovnim knjigama iskazuje potraživanja od uposlenih u ukupnom iznosu od 24.750,05 KM, iako se u skladu sa važećim propisima ova potraživanja moraju pravdati kroz troškove ili se novac treba vratiti političkoj stranci.

Pored navedenog, a što je konstatirano i u Izvještaju o reviziji godišnjeg finansijskog izvještaja za 2018. godinu i postizbornog finansijskog izvještaja – Opći izbori 2018. godine, odnosno Izvještaju o pregledu godišnjeg finansijskog izvještaja za 2019. godinu, stranka kroz duži niz godina na kontu ostalih dugoročnih razgraničenja iskazuje obavezu u iznosu od 46.570,00 KM. Na kontu ostalih dugoročnih razgraničenja ni tokom 2020. godine nije bilo nikakvih promjena.

- (2) Socijaldemokratska partija Bosne i Hercegovine nije u obrascu 1-1 (teritorijalna struktura političke stranke) godišnjeg finansijskog izvještaja iskazala organizacioni dio u Laktašima, čime je prekršila odredbe člana 11. Pravilnika.
- (3) Socijaldemokratska partija Bosne i Hercegovine nije popunila obrazac 2 (pregled prometa svih transakcijskih računa političke stranke) godišnjeg finansijskog izvještaja u skladu sa odredbama člana 11. Pravilnika.

Naime, Socijaldemokratska partija Bosne i Hercegovine u obrascu 2 nije iskazala dva (2) transakcijska računa, dok je iskazala jedan (1) račun koji je ugašen prije 2020. godine. Također, stranka u finansijskom izvještaju nije iskazala tačne podatke o prometu ostvarenom putem transakcijskih računa.

- Stranka u godišnjem finansijskom izvještaju nije iskazala račune otvorene kod UniCredit bank dd, broj: 3387202238350954 i 3387202238382188, a koji su prema podacima iz Jedinственog registra računa u Bosni i Hercegovini u toku 2020. godine bili aktivni.
- U obrascu 2 stranka je iskazala račun, broj: 1610300005320446 kod Raiffeisen bank dd, koji je prema podacima iz Jedinственog registra računa u Bosni i Hercegovini ugašen 2017. godine. Stranka je u finansijskom izvještaju iskazala da je na navedenom transakcijskom računu imala početno stanje na dan 01. 01. 2020. godine, odnosno na dan 31. 12. 2020. godine saldo u iznosu od 4,28 KM.

Stranka u godišnjem finansijskom izvještaju za 2020. godinu nije trebala iskazati transakcijski računi koji je ugašen prije 2020. godine.

- Socijaldemokratska partija Bosne i Hercegovine je u poslovnim knjigama i godišnjem finansijskom izvještaju pogrešno iskazala podatke o prometu ostvarenom putem transakcijskog računa broj: 3387202238391015 kod UniCredit bank dd, putem kojeg stranka prima sredstva iz budžeta.

Stranka je obrascu 2 godišnjeg finansijskog izvještaja iskazala sljedeće podatke: početno stanje na dan 01. 01. 2020. godine u iznosu od 116.306,98 KM, negativan promet ulaza u iznosu od 69.382,93 KM, ukupan promet izlaza u iznosu od 39.340,58 KM i saldo na dan 31. 12. 2020. godine u iznosu od 7.583,47 KM.

Kontrolom izvoda sa transakcijskog računa broj: 3387202238391015 kod UniCredit bank dd utvrđeno je sljedeće: početno stanje na dan 01. 01. 2020. godine u iznosu od 116.306,98 KM, ukupan promet ulaza u iznosu od 1.302.090,24 KM, ukupan promet izlaza u iznosu od 1.410.813,75 KM i saldo na dan 31. 12. 2020. godine u iznosu od 7.583,47 KM.

- Stranka je obrascu 2 godišnjeg finansijskog izvještaja iskazala sljedeće podatke o prometu ostvarenom na transakcijskom računu broj: 3383202266361165 kod UniCredit bank dd: početno stanje na dan 01. 01. 2020. godine u iznosu od 62.139,30 KM, ukupan promet ulaza u iznosu od 1.620.702,18 KM, ukupan promet izlaza u iznosu od 1.666.829,65 KM i saldo na dan 31. 12. 2020. godine u iznosu od 16.011,83 KM.

Uvidom u izvode sa transakcijskog računa utvrđeno je sljedeće: početno stanje na dan 01. 01. 2020. godine u iznosu od 62.139,30 KM, ukupan promet ulaza u iznosu od 1.633.393,45 KM, ukupan promet izlaza u iznosu od 1.679.520,92 KM i saldo na dan 31. 12. 2020. godine u iznosu od 16.011,83 KM.

- (4) Podaci koje je stranka iskazala u obrascu 2-1 o saldu i prometu ostvarenom putem blagajne Glavnog odbor SDP BiH ne odgovaraju podacima iz blagajničkih izvještaja.

Stranka je u poslovnim knjigama i obrascu 2-1 iskazala sljedeće podatke o stanju i prometu putem blagajne: početno stanje u iznosu od 700,05 KM, ukupan promet ulaza u iznosu od 10.941,16 KM, ukupan promet izlaza u iznosu od 10.757,44 KM i stanje na dan 31. 12. 2020. godine u iznosu od 883,77 KM. Uvidom u blagajnički izvještaj br. 12 za period od 01. 12. – 31. 12. 2020. godine utvrđeno je da je saldo na dan 31. 12. 2020. godine iznosio 383,77 KM.

Kontrolom blagajne Glavnog odbora utvrđeno je da blagajnički izvještaji nisu vođeni na dnevnom nivou, kao i da na blagajničkim izvještajima nedostaje potpis lica koje je kontroliralo blagajničke izvještaje. Također, u postupku revizije finansijskih izvještaja utvrđeno je da nalozi naplate nije potpisao blagajnik i nisu odobreni za knjiženje. Isto tako, utvrđeno je da nalozi isplate ne sadrže potpis primaoca sredstava, odnosno na pojedinim nalogima isplate je navedeno da je primalac sredstava blagajna. Pored navedenog, utvrđeno je da računi prije isplate nisu odobreni za isplatu.

Sve navedeno, kao i činjenica da stranka u postupku revizije nije predočila odluku o visini blagajničkog maksimuma, ukazuje da stranka nema pravilno uspostavljeno poslovanje gotovim novcem putem blagajne i da nema sistem internih kontrola, što za rezultat ima pogrešno iskazane podatke o saldu novca, te postupanje stranke suprotno računovodstvenim propisima i Uredbi o uvjetima i plaćanju gotovim novcem u Federaciji Bosne i Hercegovine.

- Tokom obavljanja revizije finansijskih izvještaja utvrđeno je da je OO SDP BiH Bugojno blagajničke izvještaje sačinjavala na mjesečnom nivou, da na nalogima isplate nedostaju potpisi primaoca sredstava, te da na priznanicama za naplaćenu članarinu nedostaje broj priznanice.

Naime, OO SDP BiH Bugojno je putem blagajne naplatila članarinu u ukupnom iznosu od 1.752,00 KM. Uvidom u dokumentaciju o naplaćenju članarini u januaru 2020. godine, utvrđeno je da je naplaćena članarina u ukupnom iznosu od 291,00 KM evidentirana na nalogu naplate br. 2 od 31. 01.2 020. godine. Isto tako, utvrđeno je da je stranka izdavala pojedinačne priznanice za naplaćenu članarinu, ali da one ne sadrže broj, već samo datum uplate članarine.

- Uvidom u dokumentaciju o poslovanju gotovim novcem putem blagajne KO SDP BiH Hercegovačko-neretvanskog kantona, utvrđeno je da su blagajnički izvještaji sačinjavani na mjesečnom nivou, da ih nije potpisao blagajnik, niti je izvršena kontrola. Isto tako je utvrđeno da dnevnik blagajne 8 od 30. 11. 2020. godine nije potpisan i da u prilogu dnevnika nisu priloženi nalozi isplate, već samo fiskalni računi, dok dnevnik blagajne za decembar 2020. godine stranka nije ni sačinila. Pored navedenog, utvrđeno je da na izdatim nalogima isplate nedostaju potpisi primaoca sredstava, dok pojedini nalozi nisu sačinjavani.

U poslovnim knjigama je evidentirano početno stanje u blagajni ovog odbora na dan 01. 01. 2020. godine u iznosu od 55,12 KM, dok je u blagajničkom izvještaju navedeno početno stanje u iznosu od 55,15 KM. Saldo na dan 31. 12. 2020. godine u iznosu od 449,16 KM, koliko je stranka iskazala u poslovnim knjigama i godišnjem finansijskom izvještaju, nije moguće potvrditi jer stranka, kao što je već navedeno, nije sačinila blagajnički izvještaj za decembar 2020. godine.

Pored navedenog ističemo da su uz dokumentaciju o isplati novca sa računa KO SDP BiH Hercegovačko-neretvanskog kantona u iznosu od 240,00 KM priloženi fiskalni računi ugostiteljskih objekata Restoran "Kovačević" i Restoran "Đelma" u ukupnom iznosu od 242,00 KM. Uvidom u poslovne knjige utvrđeno je da navedeni računi nisu evidentirani na kontu troškova reprezentacije.

- (5) U obrascu 3 (izvori finansiranja) iskazani su prihodi od članarine KO SDP BiH Hercegovačko-neretvanskog kantona u iznosu od 2.534,24 KM.

Kontrolom izvoda sa transakcijskog računa KO SDP BiH Hercegovačko-neretvanskog kantona utvrđeno je da su prihodi od članarine koje je ostvario ovaj odbor iznosili 1.218,00 KM.

Uvidom u analitičku karticu 4101–*Članarine od građana za KO SDP BiH Hercegovačko-neretvanskog kantona* utvrđeno je da je stranka sredstva uplaćena iz budžeta Općine Stolac u iznosu od 1.316,24 KM evidentirala i iskazala kao članarine, a ne kao prihode iz budžeta, čime je prekršila odredbe člana 13. i 19. Pravilnika.

- (6) Uvidom u dostavljene potvrde o primljenim priložima Glavnog odbora i SDP Brčko distrikta BiH od fizičkih lica utvrđeno je da na pojedinim potvrdama nije navedena adresa i broj ličnog dokumenta fizičkog lica, dok na drugim nije naveden broj ličnog dokumenta fizičkog lica, što je suprotno odredbama člana 6. Pravilnika.

Također, kontrolom izdatih potvrda o priložima primljenim od pravnih lica utvrđeno je da potvrde koje je izdao OO SDP BiH Donji Vakuf nisu potpisane, potvrde koje je izdao OO SDP BiH Vitez ne sadrže broj potvrde, dok OO SDP BiH Tešanj nije izdao potvrde o primljenim priložima.

- (7) Podaci koje je stranka iskazala u obrascima 3 i 3-c (prihodi od imovine) ne odgovaraju podacima o ostvarenim prihodima po osnovi izdavanja prostora u zakup, čime su prekršene odredbe člana 13. i 16. Pravilnika.

Stranka je u godišnjem finansijskom izvještaju iskazala ukupne prihode od izdavanja imovine u zakup u iznosu od 397.923,43 KM, što odgovara podacima iz poslovnih knjiga (konto 4170). Međutim, uvidom u ugovore o zakupu poslovnih prostorija koje je Socijaldemokratska partija Bosne i Hercegovine zaključila sa zakupoprimecima i fakture, utvrđeno je da stranka nije u poslovnim knjigama i godišnjem finansijskom izvještaju iskazala tačne podatke o prihodima, kako slijedi:

Stranka je prihode ostvarene po osnovi izdavanja prostorija fizičkom licu Mara Šimić iskazala u manjem iznosu za ukupno 190,18 KM.

Stranka je u finansijskom izvještaju iskazala prihode po osnovi izdavanja prostora ovom fizičkom licu u iznosu od 3.478,22 KM. Uvidom u ugovor o zakupu poslovnog prostora utvrđeno je da je zakupnina iznosila 331,20 KM bez PDV-a, odnosno prihod od zakupnine za 2020. godinu iznosio je 3.974,40 KM. Kontrolom podataka evidentiranih u poslovnim knjigama, na kontu 4170–usluge, utvrđeno je da stranka nije evidentirala prihode po osnovi izdavanja prostora za april 2020. godine u iznosu od 331,20 KM, dok je istovremeno prefakturirane režijske troškove za januar, februar i mart u iznosu od 141,00 KM evidentirala na kontu prihoda, mada oni ne predstavljaju prihod.

Prihode ostvarene po osnovi izdavanja prostorija Advokatu Emiru Šahinpašiću stranka je u obrascu 3-c iskazala u ukupnom iznosu od 3.909,39 KM, što odgovara podacima iz poslovnih knjiga. Kontrolom podataka evidentiranih u poslovnim knjigama utvrđeno je da stranka nije evidentirala prihode po osnovi izdavanja prostora za april 2020. godine u iznosu od 341,88 KM, dok je istovremeno prefakturirane režijske troškove za januar, februar i mart u iznosu od 148,71 KM evidentirala na kontu prihoda, mada oni ne predstavljaju prihod. Pored navedenog je utvrđeno da je stranka prihod po osnovi zakupa po računu za novembar 2020. godine evidentirala u iznosu od 341,83 KM, iako je iznosio 341,88 KM.

Uvidom u ugovor o zakupu poslovnog prostora utvrđeno je da je prihod od zakupnine iznosio 4.102,56 KM.

Socijaldemokratska partija Bosne i Hercegovine je prihode ostvarene po osnovi izdavanja prostorija pravnom licu "BH INGCO" d. o. o. iskazala u iznosu od 4.640,14 KM, što odgovara podacima iz poslovnih knjiga. Kontrolom podataka evidentiranih u poslovnim knjigama utvrđeno je da stranka nije evidentirala prihode po osnovi izdavanja prostora za april 2020. godine u iznosu od 405,99 KM, dok je istovremeno prefakturirane režijske troškove za januar, februar i mart u iznosu od 174,36 KM evidentirala na kontu prihoda, mada ne predstavlja prihod. Uvidom u ugovor o zakupu poslovnog prostora utvrđeno je da je prihod od zakupnine iznosio 4.871,88 KM.

U poslovnim knjigama i obrascu 3-c Socijaldemokratska partija Bosne i Hercegovine je iskazala prihode ostvarene po osnovi izdavanja prostorija Advokatu Vedranu Gavranoviću u iznosu od 1.492,28 KM. Uvidom u poslovne knjige utvrđeno je da stranka, također, nije evidentirala prihode po osnovi izdavanja prostora za april 2020. godine u iznosu od 128,20 KM, dok je istovremeno prefakturirane režijske troškove za januar, februar i mart u iznosu od 82,08 KM evidentirala na kontu prihoda. Uvidom u ugovor o zakupu poslovnog prostora utvrđeno je da je prihod od zakupnine iznosio 1.538,20 KM.

Stranka je u godišnjem finansijskom izvještaju iskazala prihode ostvarene po osnovi izdavanja prostorija Advokatici Jadranki Jerlagić u iznosu od 3.418,84 KM, dok je u poslovnim knjigama evidentirala prihode u iznosu od 3.418,81 KM. Uvidom u poslovne knjige utvrđeno je da stranka nije evidentirala prihode po osnovi izdavanja prostora za april 2020. godine u iznosu od 299,14 KM, dok je istovremeno prefakturirane režijske troškove za januar, februar i mart u iznosu od 128,19 KM evidentirala na kontu prihoda, mada oni ne predstavljaju prihod. Uvidom u ugovor o zakupu poslovnog prostora utvrđeno je da je prihod od zakupnine iznosio 3.589,68 KM.

- (8) U obrascu 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja stranka nije iskazala nenovčane donacije lica koja su platila društvenoj mreži "Facebook" sponzoriranu objavu za promociju kandidata i KO SDP BiH Tuzlanskog kantona na Lokalnim izborima 2020. godine i nenovčanu donaciju "Europlakat BH" d. o. o. Sarajevo, čime je prekršila odredbe člana 13. i 18. Pravilnika.

Također je utvrđeno da stranka nije prijavila i nije evidentirala troškove izborne kampanje koji su nastali promoviranjem kandidata Srđana Mandića, Armana Zilihića, Davora Župe i KO SDP BiH Tuzlanskog kantona, te je troškove iznajmljivanja površina za billboard po računu "Europlakat BH" d. o. o. Sarajevo iskazala u manjem iznosu u odnosu na stvarne, što je suprotno odredbama člana 21. i 23. Pravilnika. Nastale troškove stranka je imala obavezu prijaviti u obrascu 4.2 finansijskih izvještaja.

Stranka navedene nenovčane donacije i troškove izborne kampanje nije prijavila ni u postizbornom finansijskom izvještaju.

Stranka u poslovnim knjigama i godišnjem finansijskom izvještaju nije iskazala nenovčane donacije po osnovi besplatnog korištenja poslovnih prostorija u Ključu, Ilijašu, Jablanici i Novom Sarajevu, čime je prekršila odredbe člana 13. i 18. Pravilnika.

- (9) Socijaldemokratska partija Bosne i Hercegovine nije u obrascima 3-f (prihodi iz budžeta) godišnjeg finansijskog izvještaja iskazala tačne podatke o prihodima ostvarenim iz budžeta,

te je dio prihoda iz budžeta evidentirala i iskazala kao članarine i priloge fizičkih lica, čime je prekršila odredbe člana 13, 14. i 19. Pravilnika.

- U obrascu 3-f iskazani su prihodi iz budžeta Općine Doboj-Istok u ukupnom iznosu od 2.867,80 KM. Kontrolom izvoda sa transakcijskog računa utvrđeno je da je Općina Doboj-Istok stranci uplatila dotacije za rad u ukupnom iznosu od 2.016,00 KM, dok je 851,80 KM uplaćeno na ime donacija tri vijećnika Socijaldemokratske partije Bosne i Hercegovine u općinskom vijeću općine Doboj-Istok.
Stranka je donacije vijećnica Mrković Emire u iznosu od 275,60 KM i Karić Emire u iznosu od 337,00 KM i vijećnika Muratović Fajika u iznosu od 239,20 KM trebala iskazati u obrascu 3-a (prilozi fizičkih lica) finansijskog izvještaja.

- Stranka je u godišnjem finansijskom izvještaju iskazala prihode iz budžeta Općine Ilidža u iznosu od 13.780,80 KM, što ne odgovara podacima koje je dostavila ova općina.

Uvidom u podatke o uplatama iz budžeta koje je dostavila Općina Ilidža, utvrđeno je da je u periodu od 01. 01. 2020. godine do 31. 12. 2020. godine ova općina iz budžeta uplatila sredstva u iznosu od 13.339,20 KM na transakcijski račun broj: 3387202238391015 kod UniCredit bank, dok se 1.166,40 odnosi na sredstva za plaćanje zakupnine.

- Stranka nije u godišnjem finansijskom izvještaju iskazala prihode iz budžeta Grada Banja Luka. Prema podacima koje je dostavio Grad Banja Luka, dana 06. 11. 2020. godine, na račun OO SDP BiH Banja Luka, broj: 3386902245092372, uplaćena su sredstva u iznosu od 1.245,30 KM.

- U obrascu 3-f stranka nije iskazala prihode iz budžeta Općine Doboj-Jug. Uvidom u podatke koje je dostavila Općina Doboj-Jug, utvrđeno je da je dana 23. 06. 2020. godine iz budžeta ove općine uplaćeno 496,15 KM na transakcijski račun Općinskog odbora Doboj-Jug, broj: 3383202266381729.

- Stranka je u godišnjem finansijskom izvještaju iskazala prihode iz budžeta Općine Busovača u iznosu od 1.050,00 KM.
Uvidom u podatke koje je dostavila Općina Busovača, utvrđeno je da je Socijaldemokratska partija Bosne i Hercegovine u toku 2020. godine ostvarila prihode iz budžeta ove općine u iznosu od 4.200,00 KM. Sredstva u iznosu od 1.050,00 KM su uplaćena na transakcijski račun Glavnog odbora SDP BiH, broj: 3387202238391015, dok je 3.150,00 KM, na osnovi Zahtjeva predsjednika OO SDP BiH Busovača, uplaćeno na transakcijski račun, broj: 1340400101884346. Transakcijski račun broj: 1340400101884346 stranka nije prijavila u godišnjem finansijskom izvještaju.

- Stranka je u poslovnim knjigama evidentirala i u godišnjem finansijskom izvještaju iskazala prihode iz budžeta Općine Prozor-Rama u iznosu od 4.845,06 KM kao prihode od članarine.
Prema podacima koje je dostavila Općina Prozor-Rama, Socijaldemokratska partija Bosne i Hercegovine je u toku 2020. godine primila sredstva iz budžeta ove općine u iznosu od 4.845,06 KM. Sredstva su uplaćena na transakcijski račun OO SDP BiH Prozor-Rama, broj: 3387202238362594.

- U godišnjem finansijskom izvještaju stranka je iskazala prihode iz budžeta Općine Kreševo u iznosu od 2.821,50 KM. Prema podacima koje je dostavila Općina Kreševo, Socijaldemokratska partija Bosne i Hercegovine je u toku 2020. godine primila sredstva iz

budžeta ove općine u iznosu od 3.078,00 KM. Sredstva u iznosu od 769,50 KM uplaćena su na transakcijski račun Glavnog odbora SDP BiH, dok je 2.308,50 KM uplaćeno na transakcijski račun OO SDP BiH Kreševo, broj: 3387202238356382.

Kontrolom poslovnih evidencija utvrđeno je da je stranka tranšu za decembar 2019. godine u iznosu od 256,50 KM, uplaćenu 20. 01. 2020. godine, evidentirala kao donaciju fizičkih lica, te iskazala u obrascu 3-a (prilozi fizičkih lica) kao priloge niže od 100,00 KM, što je suprotno odredbama člana 13, 14. i 19. Pravilnika.

- Socijaldemokratska partija Bosne i Hercegovine je u obrascu 3-f iskazala prihode iz budžeta Općine Stolac u iznosu od 2.632,48 KM. Uvidom u podatke koje je dostavila Općina Stolac utvrđeno je da su u toku 2020. godine Socijaldemokratskoj partiji Bosne i Hercegovine iz budžeta ove općine isplaćena sredstva u ukupnom iznosu od 3.948,72 KM. Sredstva u iznosu od 2.632,48 KM su uplaćena na transakcijski račun OO SDP BiH Stolac, dok je 1.316,24 KM uplaćeno na transakcijski račun KO SDP BiH Hercegovačko-neretvanskog kantona. U toku obavljanja revizije utvrđeno je da je stranka prihode iz budžeta Općine Stolac u iznosu od 1.316,24 KM evidentirala kao prihode od članarine.
- Stranka u godišnjem finansijskom izvještaju nije iskazala prihode iz budžeta Općine Fojnica. Prema podacima koje je dostavila Općina Fojnica sredstva iz budžeta ove općine u iznosu od 8.285,72 KM su uplaćena Socijaldemokratskoj partiji Bosne i Hercegovine na transakcijski račun broj: 3382402516601611. Transakcijski račun broj: 3382402516601611 stranka nije prijavila u godišnjem finansijskom izvještaju.
- Uvidom u izvode sa transakcijskog računa Organizacije SDP BiH Brčko distrikt BiH utvrđeno je da su na račun uplaćena sredstva iz budžeta Brčko distrikta BiH u ukupnom iznosu od 17.480,97 KM, i to: dana 05.06.2020. godine sredstva u iznosu od 13.647,64 KM i dana 04. 11. 2020. godine sredstva u iznosu od 3.333,33 KM. Stranka je dana 01. 07. 2020. godine dio sredstava iz budžeta u iznosu od 6.823,82 KM uplatila Hrvatskoj seljačkoj stranci Braća Radić. Na osnovi navedenog, utvrđeno je da su prihodi Socijaldemokratske partije Bosne i Hercegovine iz budžeta Brčko distrikta BiH iznosili 10.657,15 KM, a ne 16.980,97 KM.

Također je utvrđeno da je stranka isplatu sredstava Hrvatskoj seljačkoj stranci Braća Radić u iznosu od 6.823,82 KM u godišnjem finansijskom izvještaju iskazala kao ostale rashode, čime je ukupne prihode i ukupne rashode iskazala u većem iznosu za 6.823,82 KM u odnosu na ostvarene.

Navedeno ukazuje da poslovne knjige nisu vođene na pravilan način, kao i da u skladu sa odredbama člana 11. Zakona o finansiranju političkih stranaka nisu uspostavljene adekvatne interne kontrole nad nižim organizacionim dijelovima političke stranke radi sprečavanja pogrešnog evidentiranja prihoda i rashoda.

- (10) Socijaldemokratska partija Bosne i Hercegovine nije u godišnjem finansijskom izvještaju pravilno iskazala troškove, te je pojedine troškove nastale ranijih godina evidentirala kao troškove tekućeg perioda, čime je prekršila računovodstvene propise i odredbe člana 7. stav (2), 21, 22. i 23. Pravilnika.

Uvidom u podatke iz Izvoda otvorenih stavki na dan 31. 12. 2020. godine, utvrđeno je da stranka nije u svojim poslovnim knjigama evidentirala račun dobavljača "Platinum" d. o. o. Tuzla, br. 535-1334/20 od 31. 12. 2020. godine, za nabavku 50 rokovnika u iznosu od

438,75 KM. Stranka je za navedeni iznos iskazala i manje troškove u godišnjem finansijskom izvještaju.

Kontrolom iskazanih obaveza prema dobavljačima utvrđeno je da je stranka u poslovnim knjigama, na kontu 401344–*troškovi reklame i propagande izbori* evidentirala avansnu fakturu dobavljača “Nova BH“ d. o. o. Sarajevo, br. 34/20 od 31. 10. 2020. godine, u iznosu od 3.422,25 KM, te je fakturu istog dobavljača, br. 2426/20 od 30. 11. 2020. godine, u iznosu od 3.422,25 KM evidentirala na kontu 401574–*usluge oglašavanja u dn. list. i el. oglašavanje izbori*. Stranka nije proknjižila storno avansa br. 42/20 od 30. 11. 2020. godine, čime je u poslovnim knjigama i finansijskom izvještaju troškove iskazala u većem iznosu za 3.422,25 KM u odnosu na ostvarene.

Uvidom u račune proknjižene na kontu 40123–*ostala zakupnina* i troškove iskazane u obrascu 4.1 Glavnog odbora utvrđeno je da je stranka troškove zakupa javnih površina za postavljanje reklamnih natpisa i znakova i infopulta u Visokom i Brezi u ukupnom iznosu od 92,10 KM umjesto u obrascu 4.2 iskazala u obrascu 4.1 Glavnog odbora. Također je utvrđeno da je stranka troškove zakupa u Brezi evidentirala na osnovi izvoda sa transakcijskog računa.

Pored navedenog stranka je troškove iznajmljivanja kopir-aparata za mjesec decembar 2019. godine u iznosu od 87,75 KM evidentirala kao troškove 2020. godine, dok račun za decembar 2020. godine nije ni evidentiran u poslovnim knjigama.

Ugovorom o poslovnoj saradnji od 02. 07. 2020. godine utvrđeno je da će dobavljač “Colosseum“ d. o. o. Tuzla osigurati GO SDP BiH Tuzla oglašavanje putem 13 billboard površina za period od 30 dana, te da će GO SDP BiH Tuzla za tu uslugu platiti dobavljaču ukupno 7.488,00 KM. Također, ugovoreno je da će se ugovorena cijena platiti u šest jednakih rata u iznosu od po 1.248,00 KM, počev od 15. 08. 2020. godine. Dobavljač je u 2020. godini stranci ispostavio dvije fakture u iznosima od 1.248,00 KM, od čega je stranka u poslovnim knjigama evidentirala samo trošak u iznosu od 1.248,00 KM, dok račun br. 20-360-000226 u iznosu od 1.248,00 KM nije evidentiran.

S obzirom na to da je stranka imala podatke o ukupnom iznosu usluge, tj. ugovorenoj cijeni, trebala je u svojim poslovnim knjigama iskazati ukupne troškove zakupa billboarda u iznosu od 7.488,00 KM, a ne samo u iznosu od 1.248,00 KM.

Kontrolom poslovnih knjiga i računa koje je stranka evidentirala u svojim poslovnim knjigama, te podataka koje je dostavio dobavljač “Face“ d. o. o. Sarajevo, utvrđeno je da stranka nije evidentirala račun br. 2020-551 od 13. 11. 2020. godine za političko oglašavanje u okviru programa Face TV-a (gostovanje kandidata Harisa Tanovića) u iznosu od 14.859,00 KM, čime je troškove izborne kampanje, odnosno ukupne troškove iskazala u manjem iznosu za 14.859,00 KM.

U poslovnim knjigama i godišnjem finansijskom izvještaju stranka nije iskazala troškove zakupa billboarda za Lokalne izbore 2020. godine u Mostaru po računu dobavljača “Metromedia“ d. o. o. Sarajevo, br. 20-360-0516 od 26. 11. 2020. godine, u iznosu od 5.791,50 KM.

Kontrolom troškova grafičke pripreme i štampe koje je stranka iskazala u obrascima 4.1 (režijsko-administrativni i ostali troškovi) i uvidom u dostavljene račune, utvrđeno je da je stranka dio troškova izborne kampanje u iznosu od 12.256,20 KM iskazala u obrascu 4.1. Također je utvrđeno da je stranka u obrascu 4.1 troškove grafičke pripreme i štampe

iskazala kao ostale usluge, te je navela broj konta 40158 i 40159, iako je navedene troškove knjižila na kontu 40158.

Dobavljač "Europlakat BH" d. o. o. Sarajevo je za zakup 90 površina (billboard i citylight) u periodu od 14. 10. 2020. od 14. 11. 2020. godine na području Tuzle izdao stranci fakturu br. 872-10/20 od 30. 10. 2020. godine u iznosu od 17.550,07 KM. Uvidom u fakturu utvrđeno je da pojedinačne faturirane cijene zakupa značajno odstupaju od cijena zakupa. Također je utvrđeno da je dobavljač stranci odobrio rabat od 70,20%, odnosno 35.399,98 KM. Uvidom u ostale fakture koje je dobavljač ispostavio stranci za zakup, utvrđeno je da dobavljač po pojedinim fakturama odobrio rabat od 20%.

Na osnovi navedenog, mišljenja smo da je stranka u svojim poslovnim knjigama i finansijskom izvještaju iskazala troškove zakupa površina za billboard i citylight u manjem iznosu u odnosu na stvarne.

Politička stranka nije u poslovnim knjigama evidentirala usluge mobilne telefonije OO SDP BiH Bugojno na pravilan način. Stranka je, naime, račun dobavljača "BH Telecom" za 12/2019 godine u iznosu od 45,95 KM iskazala kao troškove tekućeg perioda, dok račune za novembar i decembar nije evidentirala u poslovnim knjigama.

Podacio rashodima KO SDP BiH Hercegovačko-neretvanskog kantona koje je stranka iskazala u godišnjem finansijskom izvještaju nisu pravilno iskazani. Uvidom u analitičku karticu 40150–*PTT usluge fiksna*, utvrđeno je da je stranka račun dobavljača "BH Telecom" za decembar 2019. godine u iznosu od 23,70 KM evidentirala kao troškove tekućeg perioda, te je u poslovnim knjigama evidentirala još 7 računa za 2020. godinu, što ukazuje da nema tačne evidencije o svojim rashodima. Stranka je, također, račun dobavljača "BH Telecom" za usluge Bihnet mreže za decembar 2019. godine u iznosu od 29,90 KM iskazala kao troškove tekućeg perioda.

Socijaldemokratska partija Bosne i Hercegovine nije uspostavila i vodila analitičke evidencije o troškovima zakupa poslovnih prostorija po mjestu nastanka troška, tj. za svaki organizacioni dio pojedinačno, niti je u godišnjem finansijskom izvještaju u obrascima 4.1 (režijsko-administrativni i ostali troškovi) nižih organizacionih odbora iskazala tačne podatke o troškovima zakupa poslovnih prostorija.

Uvidom u podatke iz godišnjeg finansijskog izvještaja, ugovore o zakupu poslovnih prostorija i podatke koje su dostavili različiti nivoi vlasti, utvrđeno je sljedeće:

1. Stranka je u obrascu 4.1 Glavnog odbora iskazala troškove zakupnine poslovnih prostora u ukupnom iznosu od 98.390,14 KM, iako Glavni odbor stranke ne koristi prostorije po osnovi zakupa.
Kontrolom evidentiranih troškova na analitičkoj kartici konta 40120–troškovi zakupnine za Glavni odbor utvrđeno je da je stranka na istoj kartici evidentirala troškove zakupa poslovnih prostora koje su koristili gradski odbori Banja Luka, Bihać, Mostar i Zenica, te općinski odbori Banovići, Bratunac, Bugojno, Busovača, Bužim, Čapljina, Čelić, Doboj Jug, Foča, Foča-Ustikolina, Gornji Vakuf-Uskoplje, Gradiška, Kladanj, Kozarska Dubica, Kreševo, Modriča, Odžak, Olovo, Prnjavor, Sapna, Srebrenica, Stolac, Teočak, Tomislavgrad, Žepče, Novi Grad, Laktaši, Kiseljak, Doboj-Istok, Tešanj, Livno i Vogošća.
2. Na osnovi raspoložive dokumentacije (podataka iz ugovora o zakupu i podataka iz analitičke kartice konta 40120–troškovi zakupnine za Glavni odbor), utvrđeno je da je stranka u poslovnim knjigama evidentirala i u godišnjem finansijskom izvještaju iskazala troškove zakupnine poslovnih prostorija u manjem iznosu u odnosu na ugovorenu

zakupninu, i to: GO Banja Luka u iznosu od 3.978,00 KM, GO Zenica u iznosu od 555,30 KM, Bugojno u iznosu od 240,00 KM, OO Čapljina u iznosu od 351,00 KM, OO Sapna u iznosu od 1.200,00 KM, OO Srebrenica u iznosu od 200,00 KM, OO Stolac u iznosu od 1.500,00 KM, OO Teočak u iznosu od 1.200,00 KM, OO Žepče u iznosu od 1.200,00 KM i OO Tešanj u iznosu od 1.263,60 KM.

Pored navedenog je utvrđeno da su troškovi zakupa poslovnog prostora koji je koristio OO Vogošća iskazani u manjem iznosu za 702,00 KM u odnosu na stvarne troškove. Naime, stranka je u poslovnim knjigama, na kontima 40120–troškovi zakupnine za Glavni odbor i OO Vogošća, evidentirala troškove u ukupnom iznosu od 2.106,00 KM, dok su prema podacima koje je dostavila Općina Vogošća troškovi zakupnine za korištenje poslovnog prostora iznosili 2.808,00 KM.

3. Uvidom u podatke koje su dostavila općine utvrđeno je da stranka nije u poslovnim knjigama i godišnjem finansijskom izvještaju iskazala troškove zakupnine poslovnih prostorija koje je koristila u Ključu, Ilijašu, Jablanici i Novom Sarajevu. Također, utvrđeno je da je stranka troškove zakupnine poslovnih prostorija koje je koristio OO Konjic iskazala u manjem iznosu za 316,06 KM, OO Ilidža u manjem iznosu za 777,60 KM i OO Centar Sarajevo u manjem iznosu za 105,30 KM.

Stranka nije iskazala troškove zakupnine poslovnih prostorija koje su koristili sljedeći odbori: OO Gradačac u iznosu od 795,23 KM, OO Donji Vakuf u iznosu od 1.950,00 KM, OO Kalesija u iznosu od 422,80 KM i OO Sanski Most u iznosu od 249,67 KM.

4. Troškovi zakupnine poslovnih prostorija koje su koristili sljedeći organizacioni dijelovi stranke iskazani su u godišnjem finansijskom izvještaju u većem iznosu u odnosu na ugovorenu cijenu zakupa: OO Foča u iznosu od 140,00 KM, OO Gradiška u iznosu od 1.400,00 KM, GO Doboj u iznosu od 56,80 KM, OO Teslić u iznosu od 46,02 KM, OO Čapljina u iznosu od 351,00 KM, OO Banovići u iznosu od 383,44 KM, GO Mostar u iznosu od 2.100,00 KM i OO Doboj-Jug u iznosu od 150,00 KM.

Pored navedenog, u postupku revizije nije moglo biti utvrđeno koliko su iznosili troškovi zakupnine poslovnih prostorija koje su koristili organizacioni dijelovi stranke u Vitezu, Velikoj Kladuši, Kaknju, Srebreniku i Brčko distriktu BiH jer stranka nije predočila ugovore o zakupu.

- (11) Kontrolom troškova iskazanih na kontu 408772–*pomoć mjesnim odborima*, a koje je stranka u godišnjem finansijskom izvještaju iskazala u okviru ostalih rashoda, utvrđeno je da stranka nije vodila pravilne evidencije o troškovima, tj. nije troškove evidentirala po vrsti i u iznosu stvarnih troškova, već je sredstva koja je isplatila svojim odborima iskazala na kontu troškova u momentu prenosa sredstava. Ističemo da su u poslovnim knjigama troškovi pomoći mjesnim odborima evidentirani u iznosu od 41.540,00 KM.

1. Uvidom u Odluku o dodjeli novčane pomoći osnovnim organizacijama SDP BiH Vareš, br. 45-2/2020 od 24. 09. 2020. godine, i nalog blagajni, br. 37/20 od 09. 11. 2020. godine, utvrđeno je da su sredstva u ukupnom iznosu od 900,00 KM isplaćena osnovnim organizacijama Vareš, Striježevo i Vareš-Mejdan.
2. OO SDP BiH Kladanj je na osnovi Odluke o finansijskoj pomoći u radu osnovnih organizacija SDP BiH Kladanj, br. 15/19 od 15. 05. 2019. godine, isplatila sredstva za 6 osnovnih organizacija u iznosu od 150,00 KM, odnosno ukupno 1.100,00 KM. Sredstva su isplaćena na teret blagajne u 2019. godini, a proknjižena u poslovnim knjigama 2020.

godine. Navedeno ukazuje da stranka ne vodi pravilne evidencije o svojim isplatama, te da je promet blagajne u 2019. godini evidentirala u poslovnim knjigama za 2020. godinu.

3. Uvidom u dokumentaciju o isplatama utvrđeno je da je GO Tuzla isplatio sredstva svojim mjesnim odborima u ukupnom iznosu od 6.900,00 KM, a na osnovi odluke br. 196/20 od 13. 10. 2020. godine. Sredstva su isplaćena za 40 osnovnih organizacija u iznosima od 100,00 KM do 200,00 KM.
 4. OO SDP BiH Busovača je na osnovi Odluke, br. 51/20 od 25. 10. 2020. godine, isplatila sredstva u ukupnom iznosu od 960,00 KM za 3 mjesna odbora. Uvidom u izdatak, br. 02213 od 03. 11. 2020. godine, utvrđeno je da ne sadrži potpis primaoca sredstava, niti je uz priložen spisak lica koja su u ime mjesnih organizacija primila sredstva.
 5. OO SDP BiH Novi Travnik je na osnovi Odluke, br. 030/1 od 01. 02. 2020. godine, isplatila sredstva u ukupnom iznosu od 1.400,00 KM za 7 osnovnih organizacija odbora kao pomoć u radu. Uvidom u nalog blagajni, br. 2/20 od 29. 02. 2020. godine, utvrđeno je da je sredstva primilo jedno fizičko lice Besim Belegić, te nema dokaza da su sredstva primile osnovne organizacije.
 6. Na osnovi Odluke predsjednika OO SDP BiH Travnik, br. 53/20 od 02. 11. 2020. godine, iz blagajne OO SDP BiH Travnik isplaćena je jednokratna novčana podrška u radu 5 osnovnih organizacija u ukupnom iznosu od 1.000,00 KM. Uvidom u nalog blagajni, br. 76, utvrđeno je da je sredstva primilo jedno fizičko lice Sabina Behlić, te nema dokaza da su sredstva primile osnovne organizacije.
 7. OO SDP BiH Vitez je na osnovi odluka, br. 52-1/20 od 15. 07. 2020. godine i br. 57-1/20 od 22 .07. 2020. godine, iz blagajne odbora isplatila jednokratnu novčanu podršku Osnovnoj organizaciji Kruščica u iznosu od 100,00 KM i Osnovnoj organizaciji Stari Vitez u iznosu od 150,00 KM. Također, a na osnovi odluka, isplaćena su sredstva za pomoć u radu i Osnovnoj organizaciji Bila u iznosu od 100,00 KM i Osnovnoj organizaciji Počulica u iznosu od 100,00 KM.
 8. Uvidom u dokumentaciju o isplatama OO SDP Bugojno, utvrđeno je da je ova organizacija isplatila sredstva svojim osnovnim organizacijama u ukupnom iznosu od 1.800,00 KM, a na osnovi pojedinačnih odluka. Sredstva su isplaćena u februaru 2020. godine za 9 osnovnih organizacija u iznosima od po 200,00 KM.
- Pored navedenog, a kontrolom troškova iskazanih na kontu 40877–*pomoć organizacijama FOŽ* i 408771–*pomoć organizacijama FOM*, koje je stranka u godišnjem finansijskom izvještaju iskazala u okviru ostalih rashoda, utvrđeno je da stranka, također, nije vodila pravilne evidencije o troškovima, tj. nije troškove evidentirala po vrsti i u iznosu stvarnih troškova, već je sredstva koja je isplatila svojim odborima iskazala na kontu troškova u momentu prenosa sredstava. Ističemo da su u poslovnim knjigama troškovi pomoći organizacijama FOŽ evidentirani u iznosu od 3.250,00 KM, a troškovi pomoći organizacijama FOM u iznosu od 2.350,00 KM.
1. OO SDP Jajce je isplatila sredstva Forumu žena u iznosu od 200,00 KM, odnosno Forumu mladih u iznosu od 200,00 KM. Sredstva su isplaćena putem blagajne OO SDP BiH Jajce 29. 10. 2020. godine, a na osnovi pojedinačnih odluka o novčanoj podršci.

2. Uvidom u naloge blagajni, br. 85 od 30. 11. 2020. godine, br. 74 od 27. 10. 2020. godine i br. 92 od 22. 12. 2020. godine, utvrđeno je da je OO SDP BiH Kreševo isplatila finansijsku podršku za rad Forumu žena u ukupnom iznosu od 300,00 KM. Sredstva su isplaćena na osnovi Odluke od 24. 10. 2020. godine o finansijskoj podršci za oktobar, novembar i decembar 2020. godine. Navedena odluka ne sadrži broj.
3. KO SDP BiH SBK/KSB je dana 22. 01. 2020. godine isplatila jednokratnu novčanu podršku u radu Forumu mladih u iznosu od 200,00 KM, dok je OO SDP BiH Vitez Forumu mladih SDP BiH Vitez dana 15. 07. 2020. godine isplatila sredstva u iznosu od 200,00 KM. Sredstva su isplaćena putem blagajne ovih organizacija, a na osnovi pojedinačnih odluka. Napominjemo da je stranka u godišnjem finansijskom izvještaju iskazala troškove pomoći Forumu mladih SDP BiH Vitez samo u iznosu od 150,00 KM. Također je utvrđeno da je stranka isplatu Forumu mladih SDP BiH Vitez u iznosu od 200,00 KM evidentirala na kontu 40772–*pomoć mjesnim odborima*, te tako i iskazala u godišnjem finansijskom izvještaju.

S obzirom na to da stranka u organizacionoj strukturi nema mjesne odbore, te forume mladih i forume žena tih odbora, odnosno mjesni odbori (osnovne organizacije, forumi žena i forumi mladih) djeluju u okviru općinskih/gradskih/kantonálnih odbora, u poslovnim knjigama su isplate trebale biti evidentirane na kontu *potraživanja od mjesnih odbora* do momenta dostavljanja računa za utrošena sredstva. Tek po dostavljanju računa za usluge i/ili robe, stranka je troškove trebala evidentirati u poslovnim knjigama i to po vrsti troška i u iznosu stvarnog troška.

Imajući u vidu odredbe člana 22. Pravilnika, stranka je ostvarene troškove u godišnjem finansijskom izvještaju trebala iskazati po vrstama troškova i u iznosu stvarnog troška, te pojedinačno po organizacionim dijelovima političke stranke, koji su primili i utrošili sredstva.

- U postupku revizije izvršena je kontrola humanitarnih rashoda-pomoći koji su u finansijskom izvještaju iskazani u ukupnom iznosu od 41.844,42 KM.
1. U uzetom uzorku, blagajničkim izvještajima Gradskog odbora SDP BiH Tuzla za juli, august, septembar i oktobar 2020. godine utvrđeno je da su vršene isplate novčane pomoći fizičkim i pravnim licima, a na osnovi pojedinačnih molbi. U navedenom periodu isplaćene su jednokratne novčane pomoći za 24 fizička lica u iznosima od 150,00 KM do 200,00 KM, u ukupnom iznosu od 4.850,00 KM. Sve pomoći su isplaćene na osnovi zahtjeva fizičkih lica, koji su odobreni za plaćanje, osim isplate učenicama u ukupnom iznosu od 450,00 KM koje su isplaćene na osnovi Odluke predsjednika Gradskog odbora SDP BiH Tuzla. Sredstva su isplaćena gotovinski iz blagajne, a uvidom u poslovne knjige utvrđeno je da na isplate fizičkim licima, koje imaju karakter ličnih primanja, nije obračunat niti plaćen porez na dohodak.
 2. Kontrolom blagajne OO SDP BiH Bugojno utvrđeno je da je ovaj organizacioni odbor u toku jula 2020. godine isplatio novčanu pomoći za pet fizičkih lica u pojedinačnim iznosima od 50,00 KM do 100,00 KM, u ukupnom iznosu od 450,00 KM. Isto tako, dana 13. 03. 2020. godine isplaćena su sredstva u iznosu od 100,00 KM fizičkom licu, a na ime pomoći porodici. Sredstva su isplaćena gotovinski iz blagajne, a na osnovi odluka predsjedništva OO SDP BiH Bugojno. Uvidom u poslovne knjige utvrđeno je da na isplate fizičkim licima, koje imaju karakter ličnih primanja, nije obračunat niti plaćen porez na dohodak.

- OO SDP BiH Bugojno je isplatila sredstva po osnovi odluka na ime jednokratne novčane pomoći – prijava na malonogometni turnir u iznosu od 150,00 KM. Sredstva su isplaćena na osnovi Odluke, br. 01-64/20 od 29. 08. 2020. godine, bez podataka o primaocu sredstava, dok na nalogu isplate, br. 13 od 29. 08. 2020. godine, stoji da je primalac OO SDP BiH Bugojno. Nalog naplate nije potpisao primalac sredstava. Također, na osnovi Odluke, br. 01-93/20 od 25. 10. 2020. godine, isti odbor je isplatio sredstva u iznosu od 160,00 KM, a na ime jednokratne novčane podrške za održavanje turnira u nogometu. Uvidom u Odluku, br. 01-93/20 od 25. 10. 2020. godine, utvrđeno je da nije navedeno kome se sredstva isplaćuju, dok na nalogu isplate, br. 14 od 25. 10. 2020. godine, stoji da je primalac OO SDP BiH Bugojno, ali nije potpisao blagajnik, niti primalac sredstava.

Stranka je za navedene isplate teretila troškove, konto 4061–*pomoć organizacijama*.

- Kontrolom ostalih rashoda utvrđeno je da je stranka u poslovnim knjigama za 2020. godinu evidentirala storno računa Hotela Hills Sarajevo, br. 8189/2019 od 30. 06. 2019. godine, u iznosu od -2.682,05 KM, čime je rashode iskazala u manjem iznosu od ostvarenih. Naime, stranka je u poslovnim knjigama za 2019. godinu evidentirala račun Hotela Hills Sarajevo, br. 8189/2019 od 30. 06. 2019. godine, u iznosu od 3.150,00 KM, za usluge najma sale, smještaja i sl. Nakon prijema Knjižnog odobrenja, br. 02/20 od 29. 02. 2020. godine, u kojem je navedeno da je usluga greškom fakturirana Socijaldemokratskoj partiji Bosne i Hercegovine, stranka je izvršila knjiženje storniranjem ostalih rashoda u iznosu od 2.682,05 KM, te rashoda iz ranijih godina u iznosu od 455,95 KM. Stranka je ispravku pogrešno proknjiženog računa trebala evidentirati u korist ostalih prihoda.

Navedeno ukazuje da stranka nema uspostavljene interne kontrole, odnosno nema pravilne evidencije o svojim rashodima i obavezama, što za rezultat ima pogrešno iskazane rashode u godišnjem finansijskom izvještaju.

Stranka je na isti način evidentirala i storno računa dobavljača “Colosseum“ d. o. o. Tuzla, br. 20-360-000074 od 23. 04. 2020. godine, u iznosu od -2.984,40 KM. Uvidom u poslovne knjige utvrđeno je da je stranka na kontu 40879–*ostali rashodi* proknjižila storno računa po početnom stanju na dan 01. 01. 2020. godine u iznosu od 2.984,40 KM, čime je rashode umanjila za navedeni iznos. Stranka je storno računa iz prethodnog perioda trebala evidentirati kao nenovčanu donaciju pravnog lica “Colosseum“ d. o. o. Tuzla.

- Stranka je na kontu 40895–*rashodi iz ranijih godina* evidentirala rashode u ukupnom iznosu od 110.953,16 KM, što ukazuje da stranka ne vodi pravovremene evidencije o svojim rashodima i obavezama. Ističemo da je stranka na kontu 40895–*rashodi iz ranijih godina* evidentirala račune za električnu energiju i PTT usluge za novembar 2019. godine.
- Uvidom u analitičku karticu konta 3000–*obaveze prema dobavljačima* za partnera: Kartično plaćanje, utvrđeno je da stranka na ovoj kartici ima pretplatu u iznosu od 13.759,87 KM, od čega se na početno stanje odnosi 6.669,83 KM, a 7.090,04 KM predstavlja kartično plaćanje u toku 2020. godine. Činjenica da je riječ o kartičnom plaćanju računa, ukazuje da je stranka platila robe ili usluge, ali da nije proknjižila troškove u svojim poslovnim knjigama.

(12) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima, dok je stranka neke troškove evidentirala na osnovi predračuna. Također, utvrđeno je da računi nisu ovjereni za knjiženje i plaćanje, niti je pisanim aktom uređen način trošenja finansijskih sredstava stranke.

U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Na računu dobavljača "Platinum" Tuzla, broj: 349-1704/20, u iznosu od 217,04 KM za promopult naveden je datum 23. 10. 2018. godine, te valuta plaćanja: "plaćanje po predračunu broj: 52-10/20 od 16. 10. 2020. godine". Također, u dijelu računa dobavljača "Foto-Ćiro" Gradačac, broj: 76/2020-02 od 25. 12. 2020. godine, u iznosu od 3.000,00 KM, u kojem se upisuje naziv artikla ili usluge navedeno je štampanje reklamnog materijala, u količini 1 kom, bez specifikacije vrste materijala i pojedinačne količine materijala. Isto tako, na računu dobavljača Agencija "Princip media" s.p. Istočno Novo Sarajevo, broj: 72/2020 od 25. 09. 2020. godine, u iznosu od 2.000,00 KM, u dijelu računa u kojem se upisuje naziv artikla ili usluge navedeno je izrada materijala za oglašavanje i oglašavanje, u količini 1 kom, bez specifikacije o vrsti oglašavanja i količini.

Stranka je evidentirala troškove reklame i propagande po avansnoj fakturi pravnog lica "Avaz-roto press" d. o. o. Sarajevo, br. 454/2020 od 31. 10. 2020. godine, na iznos od 4.095,00 KM na kojoj je u opisu navedeno da je riječ o avansu, bez navođenja podataka o vrsti usluge.

Uvidom u račun dobavljača "Adverto media" d. o. o. Bihać, broj: IR-20-070 od 09. 11. 2020. godine, u iznosu od 8.775,00 KM utvrđeno je da je u nazivu robe-usluge navedeno da je riječ o ugovorenoj usluzi – outdoor reklamna kampanje (Lokalni izbori 2020), u količini 1, ali na istom nisu navedeni detaljni podaci o vrsti i količini usluge.

- (13) Stranka u postizbornom finansijskom izvještaju nije iskazala sve nenovčane donacije i troškove izborne kampanje, čime je prekršila odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka ("Službeni glasnik BiH", broj: 10/18).
- (14) Socijaldemokratska partija Bosne i Hercegovine nije u godišnjem finansijskom izvještaju i poslovnim knjigama pravilno iskazala obaveze prema dobavljačima, čime je prekršila odredbe člana 24. Pravilnika.

Uvidom u poslovne knjige utvrđeno je da je stranka umjesto salda po početnom stanju prenijela iznos dugovne i potražne strane iz prethodnog perioda, čime je ukupan promet po karticama obaveza prema dobavljačima iskazala u većem iznosu u odnosu na ostvareni promet u 2020. godini. Pored navedenog, utvrđeno je da stranka nije usaglašavala obaveze sa dobavljačima, tako da u poslovnim knjigama na analitičkim karticama obaveza prema dobavljačima ima iskazane pretplate, što ukazuje da nema potpune evidencije o svojim rashodima i obavezama, što u konačnici dovodi do pogrešno iskazanih obaveze.

Stranka je u godišnjem finansijskom izvještaju iskazala obaveze prema dobavljaču "Nova BH" d. o. o. Sarajevo u iznosu od 3.422,25 KM. Uvidom u Izvod otvorenih stavki na dan 31. 12. 2020. godine, utvrđeno je da stranka nema obaveze prema dobavljaču "Nova BH" d. o. o. Sarajevo. Kontrolom dostavljene dokumentacije utvrđeno je da je stranka proknjižila plaćanje prema dobavljaču u iznosu od 3.422,25 KM i obaveze prema dobavljaču za reklamnu kampanju u ukupnom iznosu od 6.844,50 KM, tj. proknjižila je avansnu fakturu, br. 34/20 od 31. 10. 2020. godine, u iznosu od 3.422,25 KM, te fakturu, br. 2426/20 od 30. 11. 2020. godine, u iznosu od 3.422,25 KM. Stranka, međutim, nije proknjižila storno

avansa, br. 42/20 od 30. 11. 2020. godine, čime je u poslovnim knjigama i finansijskom izvještaju iskazala nepostojeće obaveze.

Prema podacima iz Izvoda otvorenih stavki na dan 31. 12. 2020. godine, stranka prema pravnom licu "Platinum" d. o. o. Tuzla ima obaveze u iznosu od 4.756,52 KM, dok je u obrascu 5 (obaveze) i analitičkoj kartici obaveza prema ovom dobavljaču iskazala obaveze u ukupnom iznosu od 4.318,58 KM.

U poslovnim knjigama stranke iskazana je preplata u iznosu od 3.197,76 KM na kartici dobavljača "Konzum" d. o. o. Sarajevo. Prema podacima koje je dostavio dobavljač "Konzum" d. o. o. Sarajevo, stranka je izmirila sve obaveze po Sporazumu o namirenju dospjele obaveze, te na dan 31. 12. 2020. godine nema otvorenih stavki.

Podaci koje je stranka iskazala u finansijskom izvještaju o svojim obavezama prema dobavljaču "Europa" ne odgovaraju podacima iz poslovnih knjiga, niti podacima koje je iskazao dobavljač.

U godišnjem finansijskom izvještaju Socijaldemokratska partija Bosne i Hercegovine iskazala je obaveze prema dobavljaču "Europa" d. d. Hotel Holiday u iznosu od 3.000,00 KM. Stranka je, međutim, u poslovnim knjigama obaveze i plaćanje prema dobavljaču knjižila na dva analitička konta, tako da na jednom kontu iskazuje pretplatu u iznosu od 2.270,00 KM, a na drugom obaveze u iznosu od 3.000,00 KM. Uvidom u podatke iz analitičke kartice potraživanja dobavljača "Europa" d. o. o. od Socijaldemokratske partije Bosne i Hercegovine utvrđeno je da stranka nema obaveze prema ovom dobavljaču na dan 31. 12. 2020. godine.

Stranka je u obrascu 5 iskazala obaveze prema dobavljaču "Euromaster" d. o. o. Brčko u iznosu od 9.050,95 KM. Prema podacima iz Izvoda otvorenih stavki na dan 31. 12. 2020. godine, obaveze stranke prema ovom pravnom licu na dan 31. 12. 2020. godine iznose 11.716,65 KM.

U poslovnim knjigama i godišnjem finansijskom izvještaju stranka je iskazala obaveze prema dobavljaču "Radio-televizija Federacije Bosne i Hercegovine" u iznosu od 1.609,33 KM, dok je u poslovnim knjigama, na analitičkoj kartici obaveza prema dobavljaču "Radio-televizija Bosne i Hercegovine" iskazala pretplatu u iznosu od 1.745,47 KM.

Uvidom u poslovne knjige stranke utvrđeno da je stranka avansni račun dobavljača "Radio-televizija Bosne i Hercegovine", br. 2008-14/2020 od 31. 10. 2020. godine, u iznosu od 1.556,10 KM evidentirala na kontu obaveze prema dobavljaču "Radio-televizija Federacije Bosne i Hercegovine", dok je storno avansne fakture i fakturu proknjižila na kontu obaveze prema dobavljaču "Radio-televizija Bosne i Hercegovine". Pored navedenog, stranka je plaćanje obaveze u iznosu od 188,10 KM prema dobavljaču "Radio-televizija Federacije Bosne i Hercegovine" evidentirala na kontu obaveza prema dobavljaču "Radio-televizija Bosne i Hercegovine", dok je na istoj kartici evidentirana i pretplata po početnom stanju u iznosu od 1,00 KM. Stranka je, također, na kontu obaveza prema Radio-televiziji Federacije Bosne i Hercegovine iskazala pretplatu po početnom stanju u iznosu od 323,51 KM, što ukazuje da stranka nema pravilne evidencije o svojim obavezama.

Uvidom u analitičku karticu potraživanja Radio-televizije Bosne i Hercegovine od SDP BiH utvrđeno je da stranka nema obaveze prema dobavljaču "Radio-televizija Bosne i Hercegovine". Isto tako, a na osnovi podataka iz Izvoda otvorenih stavki na dan 31. 12. 2020. godine, utvrđeno je da Socijaldemokratska partija Bosne i Hercegovine nema obaveze ni prema dobavljaču "Radio-televizija Federacije Bosne i Hercegovine".

Kontrolom poslovnih knjiga i računa koje je stranka evidentirala u svojim poslovnim knjigama, te podataka koje je dostavio dobavljač "Face" d. o. o. Sarajevo, utvrđeno je da na dan 31. 12. 2020. godine stranka nema obaveze prema ovom dobavljaču, kao ni pretplatu. Stranka je u poslovnim knjigama evidentirala pretplatu u iznosu od 14.859,00 KM iz razloga što je proknjižila plaćanje obaveze u iznosu od 14.859,00 KM, a da prethodno nije evidentirala račun, br. 2020-551 od 13. 11. 2020. godine, za političko oglašavanje u okviru programa Face TV-a (gostovanje kandidata Harisa Tanovića) u iznosu od 14.859,00 KM.

Podaci o obavezama prema dobavljaču "Europlakat BH" d. o. o. Sarajevo, koje stranka iskazuje u svojim poslovnim knjigama i godišnjem finansijskom izvještaju, ne odgovaraju podacima koje je dostavio dobavljač. Stranka je, naime, u obrascu 5 iskazala obaveze prema dobavljaču "Europlakat BH" d. o. o. Sarajevo u ukupnom iznosu od 53.784,13 KM, što odgovara podacima iz poslovnih knjiga stranke. Međutim, uvidom u analitičku karticu potraživanja "Europlakat BH" d. o. o. Sarajevo od SDP BiH i izvod otvorenih stavki na dan 31. 12. 2020. godine utvrđeno je da obaveze stranke iznose 45.215,64 KM.

U obrascu 5.2 (ostale obaveze) stranka je iskazala obaveze prema dobavljaču "Metromedia" d. o. o. Sarajevo u iznosu od 189.566,30 KM. Uvidom u Izvod otvorenih stavki koji je dostavio dobavljač, utvrđeno je da obaveze stranke na dan 31. 12. 2020. godine iznose 195.357,80 KM.

Stranka u poslovnim knjigama iskazuje pretplatu prema dobavljaču "Colosseum" d. o. o. Tuzla u iznosu od 1.248,00 KM. Uvidom u analitičku karticu potraživanja pravnog lica "Colosseum" d. o. o. Tuzla od Socijaldemokratske partije Bosne i Hercegovine utvrđeno je da stranka nema obaveze prema navedenom pravnom licu, odnosno da stranka nije u svojim poslovnim knjigama evidentirala račun, br. 20-360-000226, u iznosu od 1.248,00 KM, već samo njegovo plaćanje.

Prema podacima iz izvoda otvorenih stavki na dan 31. 12. 2020. godine, stranka nema obaveze prema dobavljaču "Dnevne nezavisne novine" d. o. o. Banja Luka. U poslovnim knjigama stranka iskazuje obaveze prema dobavljaču "Dnevne nezavisne novine" d. o. o. Banja Luka u ukupnom iznosu od 11.729,60 KM, dok je u godišnjem finansijskom izvještaju iskazala obaveze u iznosu od 12.408,20 KM.

U godišnjem finansijskom izvještaju i poslovnim knjigama stranka je iskazala obaveze prema dobavljaču "Grafika Šaran" d. o. o. Sarajevo u ukupnom iznosu od 3.457,18 KM. Uvidom u izvod otvorenih stavki na dan 31. 12. 2020. godine utvrđeno je da stranka na dan 31. 12. 2020. godine prema dobavljaču "Grafika Šaran" d. o. o. Sarajevo nema obaveze.

U obrascu 5.2 finansijskog izvještaja stranka je iskazala obaveze prema dobavljaču "Putnik saobraćaj" d. o. o. u iznosu od 3.137,50 KM. Uvidom u Izvod otvorenih stavki koji je dostavio dobavljač, utvrđeno je da obaveze stranke prema dobavljaču "Putnik saobraćaj" d. o. o. na dan 31. 12. 2020. godine iznose 3.127,50 KM.

Stranka je u godišnjem finansijskom izvještaju iskazala obaveze prema dobavljaču Advokat Hota Sadik u iznosu od 9.175,69 KM. Uvidom poslovne knjige utvrđeno je da je stranka obavezu i plaćanje obaveze evidentirala na različitim analitičkim karticama, te da na dan 31. 12. 2020. godine nema obaveze prema ovom dobavljaču.

U godišnjem finansijskom izvještaju iskazane su obaveze prema dobavljaču "B-4U" d. o. o. u iznosu od 10.808,00 KM. Uvidom u Izvod otvorenih stavki koji je dostavio dobavljač, utvrđeno je da obaveze stranke na dan 31. 12. 2020. godine prema dobavljaču "B-4U" d. o. o. iznose 12.008,00 KM.

Podaci o obavezama prema dobavljaču JP "Komos" d. d. koje stranka iskazuje u poslovnim knjigama i godišnjem finansijskom izvještaju ne odgovaraju podacima koje je dostavio dobavljač. Stranka je u obrascu 5.2 iskazala obaveze prema dobavljaču JP "Komos" d. d. u iznosu od 163,80 KM.

Uvidom u analitičku karticu konta 2112 – *potraživanja od kupaca u zemlji*, koju je dostavio dobavljač, utvrđeno je da obaveze stranke prema JP "Komos" d.d na dan 31. 12. 2020. godine iznose 210,60 KM. Također, utvrđeno je da podaci o početnom stanju na dan 01. 01. 2020. godine koje je politička stranka iskazala u svojim poslovnim knjigama ne odgovaraju podacima koje u svojim poslovnim knjigama vodi dobavljač. Isto tako, utvrđeno je da stranka nije evidentirala četiri (4) fakture iz 2020. godine u ukupnom iznosu od 93,60 KM. Napominjemo da dobavljač u svojim poslovnim knjigama, na kartici 2119–*sumnjiva i sporna potraživanja od kupaca u zemlji* vodi i potraživanja od stranke iz ranijih godina (2007, 2008, 2009, 2010. i 2011) u iznosu od 949,20 KM.

Socijaldemokratska partija Bosne i Hercegovine je u godišnjem finansijskom izvještaju iskazala obaveze po osnovi zakupnine prema Gradu Živinice u iznosu od 1.682,78 KM. Uvidom u poslovne knjige utvrđeno je da je na kartici obaveze prema dobavljaču Grad Živinice evidentirana obaveza na dan 31. 12. 2020. godine u iznosu od 1.376,82 KM. Prema podacima koje je dostavio Grad Živinice, obaveze Socijaldemokratske partije Bosne i Hercegovine na dan 31. 12. 2020. godine iznose 3.695,50 KM.

Isto tako, podaci koje je stranka iskazala o obavezama prema Općini Teslić ne odgovaraju podacima koje je dostavila ova Općina. Stranka je u poslovnim knjigama i godišnjem finansijskom izvještaju iskazala obaveze prema Općini Teslić u iznosu od 230,10 KM, dok prema podacima Općine obaveze stranke na dan 31. 12. 2020. godine iznose 138,06 KM. Uvidom u analitičke kartice troškova zakupnine i obaveze prema dobavljaču utvrđeno je da je stranka na kartici konta troškovi zakupnine evidentirala i plaćanje u iznosu od 92,04 KM, iako je već ranije evidentirala trošak zakupnine, čime je i troškove i obaveze iskazala na pogrešan način, tj. iskazala je veće troškove, odnosno veći iznos obaveze u odnosu na stvarne.

- e) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila transakcijski račun stranke broj: 3387302205322158 kod "UniCredit bank" dd.

Revizijom finansijskih izvještaja utvrđeno je da je stranka putem računa za finansiranje kampanje tokom Lokalnih izbora 2020. godine platila i račune iz 2018. godine u iznosu od 33.287,04 KM. Također je utvrđeno da računi za izbornu kampanju SDP BiH Brčko distrikta BiH nisu plaćeni putem računa koji je otvoren za finansiranje izborne kampanje.

Troškovi izborne kampanje

Prema odredbama člana 15.10 Izbornog zakona BiH Socijaldemokratska partija Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 1.016.028,32 KM i za Lokalne izbore u Gradu Mostaru 15.129,60 KM.

Socijaldemokratska partija Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu od 353.853,48 KM. Revizijom je utvrđeno da su troškovi izborne kampanje iznosili 389.670,03 KM

3. PARTIJA DEMOKRATSKOG PROGRESA (Kod 440)

Prema podacima iz korigiranog godišnjeg finansijskog izvještaja Partija demokratskog progresa se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	11.286,27	1,58
2.	Prilozi fizičkih lica (3-a)	29.502,00	4,13
3.	Prilozi pravnih lica (3-b)	3.800,00	0,53
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	664.894,61	93,09
8.	Prihodi od propagande (3-g)	0,00	0,00
I	Ukupni prihodi (1-8)	709.482,88	99,33
II	Ostali prihodi i drugo	4.768,20	0,67
	Izvori finansiranja (I+II)	714.251,08	100,00

Revizijom finansijskih izvještaja za 2020. godinu utvrđeno je da je Partija demokratskog progresa prekršila odredbe člana 4. stav (1), člana 5. stav (4), člana 8. stav (1) i stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Partija demokratskog progresa je finansijska sredstva u iznosu od 190.193,87 KM utrošila mimo utvrđenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Stranka je u godišnjem finansijskom izvještaju za 2020. godinu iskazala ukupne rashode u iznosu od 936.345,25 KM.

Uvidom u Program utroška sredstava za 2020. godinu koji je stranka dostavila, utvrđeno je da je stranka planirala troškove u ukupnom iznosu od 990.000,00 KM, od čega troškove kampanje u iznosu od 550.000,00 KM.

Također je utvrđeno da stranka nije sačinila plan utroška sredstava po vrstama troškova, odnosno na način kojim bi se osigurala potpuna transparentnost planiranog trošenja sredstava, kao i njegoja uporedba sa ostvarenim troškovima.

Analizom dostavljenog Programa utroška sredstava za 2020. godinu utvrđeno je da stranka nije planirala sve troškove, te da je režijsko-administrativne troškove ostvarila u većem iznosu od planiranih.

Također je utvrđeno da je Partija demokratskog progresa finansijska sredstva utrošila mimo utvrđenog Programa utroška sredstava za 2020. godinu, kako slijedi:

- Stranka je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove sitnog inventara i autoguma u iznosu od 989,53 KM, troškove ostalih bruto naknade zarada u iznosu od 1.464,86 KM, troškove otpremnina, naknada i pomoći u iznosu od 875,00 KM, troškove dnevnica i putnih troškova zaposlenih u iznosu od

3.033,23 KM, troškove dnevnica i putnih troškova u iznosu od 35.734,19 KM, troškove održavanja opreme u iznosu od 2.578,39 KM, ostale rashode u iznosu od 4.885,03 KM, troškove advokatskih usluga u iznosu od 3.596,60 KM, troškove stručnog usavršavanja u iznosu od 279,10 KM, troškove usluga u iznosu od 2.372,00 KM, troškove ugovora o djelu u iznosu od 39.995,27 KM, troškove neproizvodnih usluga u iznosu od 12.467,02 KM, troškove platnog prometa u iznosu od 2.593,18 KM, troškove stručnih publikacija, časopisa, dnevnih novina u iznosu od 890,01 KM, ostale nematerijalne troškove u iznosu od 11.986,09 KM, rashode prethodnih godina u iznosu od 986,07 KM i rashode kamata u iznosu od 78,87 KM, a iste nije planirala u programu utroška sredstava.

- Partija demokratskog progresa je troškove bruto plata planirala u iznosu od 150.000,00 KM, a ostvarila ih je u iznosu od 187.795,19 KM, što je za 32.795,19 KM više u odnosu na planirane.
 - Stranka je troškove zakupa ostvarila u iznosu većem za 32.594,24 KM u odnosu na planirani iznos. Programom utroška sredstava za 2020. godinu, stranka je troškove zakupa planirala u iznosu od 30.000,00 KM, a u obrascima godišnjeg finansijskog izvještaja iskazala ih je u iznosu od 62.594,24 KM.
- b) Partija demokratskog progresa je prekršila odredbe člana 5. stav (4), člana 8. stav (1) i stav (4) Zakona o finansiranju političkih stranaka.

- (1) Partija demokratskog progresa nije u poslovnim knjigama evidentirala i u godišnjem finansijskom izvještaju nije iskazala nenovčane donacije koje je primila po osnovi besplatnih objava na društvenim mrežama, čime je prekršila odredbe člana 5. stav (4) Zakona o finansiranju političkih stranaka.

Naime, odlukama Centralne izborne komisije Bosne i Hercegovine utvrđeno je da su kandidati političke stranke na društvenim mrežama vodili plaćenu izbornu kampanju, a prije službenog početka izborne kampanje.

S obzirom na to da politička stranka nije platila objave na društvenim mrežama, ostvarila je nenovčane donacije fizičkih lica-kandidata stranke, kako slijedi:

- Uvidom u Odluku Centralne izborne komisije Bosne i Hercegovine, utvrđeno je da je Dejan Kojić, kandidat koalicije SDS-PDP, putem društvene mreže "Facebook" vodio plaćenu izbornu kampanju za Lokalne izbore 2020. godine, a prije službenog početka izborne kampanje. Isto tako, utvrđeno je da je objava sponzorirana. U godišnjem finansijskom izvještaju stranka nije evidentirala nenovčanu donaciju fizičkog lica Dejana Kojića.
 - Uvidom u službene evidencije utvrđeno je da je Ljubiša Petrović, kandidat koalicije SDS-PDP, putem društvene mreže "Facebook" vodio plaćenu izbornu kampanju za Lokalne izbore 2020. godine, a prije službenog početka izborne kampanje. Na "Facebook" objavi navedeno je da je sponzorirana, što je nesporan dokaz vođenja plaćene izborne kampanje. Stranka u godišnjem finansijskom izvještaju nije evidentirala ovu nenovčanu donaciju.
- (2) Pregledom dostavljene dokumentacije utvrđeno je da je Partija demokratskog progresa u 2020. godini izvršila otpis obaveza iz ranijih godina prema Općini Foča u iznosu od 2.448,00 KM, čime je ostvarila nenovčanu donaciju koja je članom 8. stav (1) tačka a) Zakona o finansiranju političkih stranaka zabranjena političkim strankama.

Također, Partija demokratskog progresa je u 2020. godini iz svojih poslovnih knjiga isknjižila obaveze prema Javnoj ustanovi "Centar za kulturu, fizičku kulturu, obrazovanje i

informisanje“ Čelinac, te je ostvarila nenovčanu donaciju u iznosu od 250,00 KM, čime je prekršila odredbe člana 8. stav (1) tačka b) Zakona o finansiranju političkih stranaka.

Stranka je navedene nenovčane donacije u ukupnom iznosu od 2.698,00 KM iskazala u obrascu 3 (izvori finansiranja) u okviru ostalih prihoda.

- (3) Na osnovi obavljene revizije utvrđeno je da Partija demokratskog progresa nije u finansijskom izvještaju prijavila sve troškove medijskog predstavljanja, odnosno da je primila nenovčanu donaciju pravnog lica “Radio-televizija BN“ d. o. o. po osnovi medijskog predstavljanja stranke, čime je prekršila odredbe člana 5. stav (4) Zakona o finansiranju političkih stranaka.

S obzirom na to da je pravno lice “Radio-televizija BN“ d. o. o. u toku 2020. godine imalo zaključene ugovore o uslugama sa Gradom Prijedorom i Općinom Lopare u iznosu većem od 10.000,00 KM, prekršene su i odredbe člana 8. stav (4) Zakona o finansiranju političkih stranaka.

- c) Pregledom godišnjeg finansijskog izvještaja utvrđeno je da Partija demokratskog progresa nije uspostavila pravilne, tačne i potpune evidencije o svojim prihodima, rashodima i obavezama, nije izvršila pravilnu klasifikaciju prihoda, te obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.

- (1) Partija demokratskog progresa, suprotno računovodstvenim propisima, u poslovnim knjigama nije uspostavila potpune evidencije o svojim prihodima i u godišnjem finansijskom izvještaju nije iskazala tačne podatke o prihodima, čime je prekršila odredbe članova 13, 18. i 19. Pravilnika.

- U obrascu 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja stranka nije iskazala nenovčane donacije fizičkih lica koja su platila društvenoj mreži “Facebook“ sponzorirane objave za promociju kandidata na Lokalnim izborima 2020. godine, čime je prekršila odredbe člana 13. i 18. Pravilnika.

- Stranka je prihode po osnovi otpisanih obaveza prema pravnim licima u ukupnom iznosu od 2.698,00 KM iskazala kao ostali prihodi u obrascu 3 finansijskog izvještaja, čime je prekršila odredbe člana 13. i 18. Pravilnika.

U postupku revizije je utvrđeno da su prihodi u ukupnom iznosu od 2.698,00 KM nastali po osnovi otpisa obaveza prema Općini Foča u iznosu od 2.448,00 KM i otpisa obaveza u iznosu od 250,00 KM prema JU “Centar za kulturu, fizičku kulturu, obrazovanje i informisanje“ Čelinac, te predstavljaju nenovčane donacije pravnih lica.

Stranka je nenovčane donacije po osnovi otpisanih obaveza prema navedenim pravnim licima trebala iskazati u obrascu 3-e finansijskog izvještaja.

- (2) Partija demokratskog progresa je u obrascu 3 (izvori finansiranja) iskazala prihod od članarina u iznosu od 11.286,27 KM. Uvidom u dostavljene potvrde o članarini utvrđeno je da je stranka izdala potvrde o članarini u iznosu od 11.046,27 KM, što je za 240,00 KM manje od iskazanog prihoda od članarine.

Kontrolom izvoda sa transakcionih računa utvrđeno je da je stranka izdala tri potvrde o članarini na kojima je iskazala da su fizička lica ukupno uplatila za 55,00 KM više od iznosa uplaćene članarine u 2020. godini. Također je utvrđeno da za pojedine uplate članarine, stranka nije izdala potvrde o uplaćenju članarini. Pored navedenog, utvrđeno je

da je stranka za fizičko lice Momirka Bunić izdala potvrde o uplati članarine na kojima nije iskazala tačne podatke o imenu fizičkog lica, dok na potvrdama o primljenoj članarini na ime Branko Macanović nije navedena adresa fizičkog lica.

S obzirom na to da Partija demokratskog progresa nije za navedene uplate izdala potvrde o članarini, te da u potvrdama o primljenoj članarini koje je izdala nije navela sve potrebne podatke o članovima, prekršene su odredbe člana 6. Pravilnika.

Pored navedenog, u postupku kontrole priloga fizičkih lica Andrijane Vidaković u iznosu od 1.400,00 KM i Saše Šaule u iznosu od 1.250,00 KM, Centralna izborna komisija Bosne i Hercegovine je uputila zahtjev kojim je od navedenih fizičkih lica tražila da potvrde davanje novčane donacije. Andrijana Vidaković je postupajući po zahtjevu Centralne izborne komisije BiH dostavila kopiju uplatnice, bez pisane izjave, iz koje je utvrđeno da je stranci dala prilog u iznosu od 1.400,00 KM, dok fizičko lice Saša Šaula nije postupio po zahtjevu Centralne izborne komisije BiH, tj. nije dostavio odgovor.

(3) Uvidom u ugovore o zakupu poslovnih prostora utvrđeno je da Partija demokratskog progresa u poslovnim knjigama i godišnjem finansijskom izvještaju nije iskazala tačne podatke o troškovima zakupa poslovnih prostora koje je koristila u Kneževu, Srebrenici, Gacku, Trnovu i Zvorniku, čime je prekršila odredbe člana 21. i 22. Pravilnika.

- Partija demokratskog progresa u godišnjem finansijskom izvještaju i poslovnim knjigama nije iskazala troškove zakupa poslovnih prostora za OO PDP Kneževo, OO PDP Srebrenica i OO PDP Gacko.

Stranka nije iskazala troškove zakupa poslovnog prostora za OO PDP Kneževo, a uvidom u Ugovor o zakupu koji je stranka zaključila sa Općinom Kneževo utvrđeno je da su troškovi zakupa u 2020. godini iznosili 360,00 KM.

Na osnovi dopisa Općine Srebrenica, broj: 01-014-304/21 od 21. 07. 2021. godine, utvrđeno je da su troškovi zakupa OO PDP Srebrenica u 2020. godini iznosili 82,08 KM.

Uvidom u Ugovor o zakupu, broj: 02-372-36/20 od 14. 12. 2020. godine, zaključen sa Općinom Gacko, utvrđeno je da je stranka 2020. godine ostvarila troškove zakupa u iznosu od 13,00 KM, ali ih nije evidentirala u poslovnim knjigama za 2020. godinu.

Na osnovi navedenog utvrđeno je da je stranka propustila iskazati troškove zakupa za tri poslovna prostora u ukupnom iznosu od 455,08 KM.

- Stranka nije tačno iskazala troškove zakupa poslovnih prostora koje je u toku 2020. godine koristila u općinama Trnovo i Zvornik.

1. Stranka je u korigiranom godišnjem finansijskom izvještaju troškove zakupa poslovnog prostora u Trnovu iskazala u iznosu od 120,00 KM, što je za 40,00 KM manje od stvarno nastalih.

Partija demokratskog progresa je iskazala troškove zakupa poslovnog prostora koji je koristila u Trnovu u iznosu od 120,00 KM. Uvidom u dostavljeni Ugovor o zakupu poslovnog prostora utvrđeno je da su troškovi zakupa za 2020. godinu iznosili 160,00 KM, te da Partija demokratskog progresa nije u poslovnim knjigama knjižila troškove zakupnine za jedan mjesec.

2. Partija demokratskog progresa je u godišnjem finansijskom izvještaju za 2020. godinu iskazala troškove zakupa prostora po računu JU "Dom omladine Zvornik", broj: 40/18 od

19. 09. 2018. godine, u iznosu od 350,01 KM, što ukazuje da nije vodila pravovremene evidencije o svojim rashodima i obavezama.

Pored navedenog, ističemo da stranka u obrascu 4.1 godišnjeg finansijskog izvještaja nije iskazala troškove zakupnine za općinske odbore Lopare, Pelagićevo i Zvornik, a iskazala je troškove električne energije.

(4) Na osnovi obavljene revizije finansijskih izvještaja utvrđeno je da stranka u obrascima rashoda 4. (rashodi političke stranke), 4.1 (režijsko-administrativni i ostali troškovi) i 4.2 (troškovi propagande) godišnjeg finansijskog izvještaja nije pravilno iskazala troškove, čime je prekršila odredbe člana 21, 22. i 23. Pravilnika.

- Stranka nije prijavila i nije evidentirala troškove izborne kampanje koji su nastali promoviranjem kandidata Dejana Kojića i kandidata Ljubiše Petrovića, što je suprotno odredbama 21. i 23. Pravilnika.

Stranka nije prijavila troškove izborne kampanje ni u postizbornom finansijskom izvještaju, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Nastale troškove stranka je imala obavezu prijaviti u obrascu 4.2 godišnjeg finansijskog izvještaja.

- Stranka je u poslovnim knjigama i godišnjem finansijskom izvještaju prijavila troškove izborne kampanje po računima "Radio i televizije BN" d. o. o. u iznosu od 73.710,00 KM.

Uvidom u račun, broj: 1728/2020 od 31. 10. 2020. godine, u iznosu od 36.855,00 KM i račun, broj: 1825/2020 od 17. 11. 2020. godine, u iznosu od 36.855,00 KM utvrđeno je da nedvojbeno i vjerodostojno ne pokazuju vrstu i obim nastale promjene (količina i pojedinačna cijena), karakter poslovne promjene u knjigovodstveno-tehničkom smislu, tehnička obilježja i sl., već je navedeno da se usluge emitiranja promotivnih TV-spotova fakturiraju prema Ugovoru, br. 900-18/20, za periode emitiranja 19.10. – 31. 10. 2020. godine, odnosno 01. 11. – 13. 11. 2020. godine.

Tokom obavljanja revizije stranka je Službi za reviziju predočila Ugovor, br. 900-18/20, i račune, broj: 1728/2020 od 31. 10. 2020. godine i broj: 1825/2020 od 17. 11. 2020. godine. Stranka nije dostavila medija-plan, niti o podatke o emitiranju TV-spotova (količina, pojedinačne cijene, period objave, trajanje TV-spotova i sl.).

Uvidom u Ugovor, br. 900-18/20 od 23. 01. 2020. godine, utvrđeno je da je predmet ugovora zakup medijskog prostora u ukupnom trajanju od 3.000 sekundi, u predizbornom periodu za oktobarske izbore 2020. godine, a prema medija-planu korisnika usluga. Također, ugovorom je utvrđeno da vrijednost emitiranja iznosi 63.000,00 KM bez PDV-a.

Na zahtjev da dostavi detaljne podatke o medijskom predstavljanju Partije demokratskog progresa za Lokalne izbore 2022. godine putem programa RTV "BN", dobavljač "Radio i televizija BN" d. o. o. je dopisom, broj: 93-1/22 od 03. 05. 2022. godine, dostavila sljedeće podatke: da je emitiranje (ukupno vrijeme trajanja reklama, oglasa, nastupa, dijaloških emisija i sl.) u programu RTV "BN" u periodu od 19. 10. 2020. godine do 13. 11. 2020. godine iznosilo 12.881 sekunda, te da je vrijednost usluge koja je fakturirana sa uračunatim popustom iznosila 63.000,00 KM bez PDV-a. Isto tako, dobavljač "Radio i televizija BN" d. o. o. je dopisom, broj: 239-1/22 od 28. 10. 2022. godine, dostavila kopiju računa, broj: 1728/2020 od 31. 10. 2020. godine i broj: 1825/2020 od 17. 11. 2020. godine, analitičku karticu potraživanja od kupca Partija demokratskog progresa za period 01. 01. – 31. 12.

2020. godine, te potvrdu Teritorijalno-vatrogasno-spasilačke jedinice Grada Bijeljina od 09. 02. 2021. godine.

Televizija je, također, obavijestila Centralnu izbornu komisiju Bosne i Hercegovine da zbog požara koji su imali u poslovnim prostorijama u decembru 2020. godine ne posjeduju cijelu arhivu, te da nisu u mogućnosti dostaviti ostale tražene dokumente. Napominjemo da je Centralna izborna komisija Bosne i Hercegovine svojim dopisom od 19. 10. 2022. godine, od "Radio i televizije BN" d. o. o. zatražila da uz račune dostavi specifikaciju objava-emitiranja u programu (vrsta političkog predstavljanja, vrijeme i trajanje političkog predstavljanja u sekundama), te cjenovnik usluga na osnovi kojeg su fakturirane izvršene usluge i iznos datog popusta.

Na osnovi dostupnih podataka evidentno je da Partija demokratskog progresa nije prijavila sve troškove medijskog predstavljanja, odnosno da u finansijskim izvještajima za 2020. godinu koje je podnijela Centralnoj izornoj komisiji Bosne i Hercegovine nije iskazala sve troškove izborne kampanje.

- Stranka je u godišnjem finansijskom izvještaju, a zbog pogrešnih evidencija, iskazala pogrešne podatke o režijsko-administrativnim i ostalim troškovima, odnosno ukupnim troškovima stranke.
 1. Stranka je režijsko-administrativne i ostale troškove Gradskog odbora Bijeljina iskazala u većem iznosu za 2.340,00 KM. Naime, stranka je račun dobavljača Radio-televizija Slobomir za troškove emitiranja novogodišnjih i božićnih čestitki, broj: 394/20 od 31. 12. 2020. godine, u iznosu od 2.340,00 KM dva puta evidentirala u svojim poslovnim knjigama, te iskazala u obrascu 4.1 (režijsko-administrativni i ostali troškovi).
 2. Kontrolom humanitarnih rashoda i uvidom u dostavljenu dokumentaciju utvrđeno je da je stranka na osnovi dvije odluke isplatila novčanu pomoć u iznosu od po 100,00 KM fizičkim licima kao pomoć u vrijeme pandemije virusa COVID-19. Ukupan iznos pomoći koju je stranka na ovaj način isplatila fizičkim licima iznosi 3.150,00 KM. Iako se radi o ličnim primanjima, stranka na ove isplate nije obračunala i isplatila pripadajući porez na dohodak i doprinose.
 3. U toku obavljanja revizije utvrđeno je da je stranka u toku 2020. godine na kontu naknada štete trećim licima evidentirala troškove zakupa iz ranijih godina u iznosu od 12.174,25 KM, što ukazuje da nema pravilne evidencije o rashodima. Naime, stranka je na osnovi presude Okružnog suda u Doboju i potpisanog Sporazuma sa Gradom Doboju o načinu izmirivanja obaveza po osnovi zakupa iz ranijih godina, teretila troškove u 2020. godini za iznos rate duga u iznosu od 12.174,25 KM i to na kontu naknada štete trećim licima.
- (5) Partija demokratskog progresa u godišnjem finansijskom izvještaju nije pravilno i tačno iskazala svoje obaveze, čime je prekršila odredbe člana 24. Pravilnika.

Partija demokratskog progresa je u obrascu 5 (obaveze) korigiranog godišnjeg finansijskog izvještaja za 2020. godinu iskazala ukupne obaveze u iznosu od 524.927,84 KM, od čega: obaveze po kreditima i pozajmicama u iznosu od 10.000,00 KM i ostale obaveze u iznosu od 514.957,84 KM.

U postupku revizije finansijskih izvještaja utvrđeno je da Partija demokratskog progresa nije u godišnjem finansijskom izvještaju evidentirala i u poslovnim knjigama pravilno iskazala obaveze prema dobavljačima na dan 31. 12. 2020. godine. Također, utvrđeno je da

stranka nije izvršila usaglašavanje međusobnih obaveza i potraživanja sa dobavljačima, što za rezultat ima pogrešno evidentirane i iskazane obaveze stranke.

1. Stranka je u svojim poslovnim knjigama i godišnjem finansijskom izvještaju, a zbog pogrešnog evidentiranja knjigovodstvenih isprava u poslovnim knjigama, iskazala obaveze u iznosu većem od stvarno nastalih prema dobavljačima: "GRANDCOMMERCE" d. o. o. Kozarska Dubica u većem iznosu za 297,30 KM, Radio-televizija Slobomir d. o. o. u iznosu većem za 2.340,00 KM i "Trimix" d. o. o. Bijeljina u iznosu većem za 143,18 KM.
 2. Stranka je u godišnjem finansijskom izvještaju prema dobavljaču "Vilux" d. o. o. Banja Luka iskazala obaveze u iznosu od 15.310,03 KM. Uvidom u Izvod otvorenih stavki dobavljača na dan 31. 12. 2020. godine, koji je stranka ovjerila, utvrđeno je da obaveze stranke prema ovom pravnom licu iznose 16.421,53 KM.
 3. Partija demokratskog progresa je u obrascu 5 (obaveze) iskazala obaveze prema dobavljaču "Televizija K3" d. o. o. Prnjavor u iznosu od 5.960,60 KM, što ne odgovara podacima koje je dostavio dobavljač. Prema podacima iz Analitičke kartice dobavljača na dan 31. 12. 2020. godine, obaveze stranke prema pravnom licu "Televizija K3" d. o. o. Prnjavor ukupno iznose 10.091,40 KM, a čine ih obaveze PDP Banja Luka u iznosu od 7.750,00 KM, obaveze PDP OO Prnjavor u iznosu od 1.640,40 KM i obaveze PDP OO Šamac u iznosu od 701,00 KM. Uvidom u analitičke kartice utvrđeno je da Partija demokratskog progresa i "Televizija K3" d. o. o. Prnjavor nemaju usaglašena početna stanja međusobnih obaveza, odnosno potraživanja na dan 01. 01. 2020. godine.
- (6) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.
- Uvidom u troškove reprezentacije i dokumentaciju na osnovi koje su troškovi evidentirani, tj. račune dobavljača "MONACO" d. o. o. Bijeljina, broj: 97/20 od 26. 05. 2020. godine, u iznosu od 769,00 KM i broj: 477/20 od 31. 12. 2020. godine, u iznosu od 1.404,00 KM, utvrđeno je da je na računima, u opisu usluge, kao vrsta izvršene usluge, navedena konzumacija hrane i pića, bez specifikacije koja bi sadržavala vrstu i količinu hrane i pića.
- Isto tako, na računima dobavljača Hotel "Vidović" d. o. o. Banja Luka i Privrednik Restoran i pansion "Kula" Istočno Sarajevo navedeno je da se odnose na ugostiteljske usluge, odnosno usluge konzumacije jela i pića, bez specifikacije o vrsti i količini ugostiteljskih usluga, odnosno vrsti i količini jela i pića.
- Uvidom u račun Agencije za pruženje intelektualnih usluga "Realno55", br. 150/20 od 20. 11. 2020. godine, utvrđeno je da na računima nije navedena vrsta usluge, već je navedeno da se fakturira po ugovoru br. 900-274/20, u količini od 30 dana po cijeni od 166,66 KM. Na isti način su fakturirane usluge od dobavljača "Televizija K3", "In televizija", "BIG radio", "Nezavisne novine" d. o. o., te JP "Gradska radio-televizija" d. o. o. Istočno Sarajevo, a za koje politička stranka u postupku revizije nije dostavila ugovore, niti specifikacije izvršenih usluga.

- Na računu dobavljača "AD KRAFT", br. 00074-10-20 od 20. 10. 2020. godine, u iznosu od 5.000,00 KM navedene su usluge internetskih portala bez navođenja detalja o pojedinačnim objavama (naziv portala, broj objava, vrijeme trajanja i sl).
- Kontrolom blagajne utvrđeno je da je stranka iz blagajne isplatila 300,00 KM po osnovi fiskalnog računa, broj: 8117 od 10. 08. 2020. godine, dobavljača Hotel "Vidović" Banja Luka, a koji se odnosi na ugostiteljske usluge. Gotovinskim plaćanjem izvršenih usluga u iznosu većem od 200,00 KM, Partija demokratskog progresa je postupila suprotno odredbama Uredbe o uvjetima i načinu plaćanja gotovim novcem.

Također je kontrolom blagajne Partije demokratskog progresa utvrđeno da su pojedine isplate iz blagajne vršene na osnovi dokumentacije koja nije validna.

Partija demokratskog progresa je po osnovi putnih naloga, broj: 165/20 od 02. 11. 2020 i broj: 169/20 od 05. 11. 2020. godine, iz blagajne izvršila isplatu troškova dnevnica i službenog putovanja. Uvidom u navedene putne naloge utvrđeno je da nije popunjen dio u kojem se upisuje izvještaj sa službenog putovanja, te da nema potpisa lica koje je isplatilo sredstva iz blagajne, odobrilo isplatu, kao ni potpisa lica koje je primilo novac.

- d) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje za Lokalne izbore 2020. godine, stranka je prijavila transakcijski račun stranke, broj: 5620998146396017 kod "NLB Razvojne banke" ad.

Revizijom finansijskih izvještaja utvrđeno je da je stranka pored računa za Lokalne izbore 2020. godine putem ovog računa plaćala i račune iz prethodnog perioda.

Troškovi izborne kampanje

Prema odredbama člana 15.10 Izbornog zakona BiH, Partija demokratskog progresa je za potrebe izborne kampanje, prema broju birača koji je objavila Centralna izborna komisija BiH, za Lokalne izbore 2020. godine mogla potrošiti 531.837,99 KM.

Partija demokratskog progresa je u obrascu 4.2 godišnjeg finansijskog izvještaja za 2020. godinu iskazala troškove izborne kampanje u iznosu od 412.907,47 KM. Iznos troškova kampanje iskazan u godišnjem finansijskom izvještaju nije konačan jer ga je potrebno uvećati za troškove oglašavanja putem društvenih mreža i troškove medijskog predstavljanja na RTV "BN" koje stranka nije prijavila u finansijskom izvještaju.

4. HRVATSKA DEMOKRATSKA ZAJEDNICA 1990 (Kod 769)

Prema podacima iz godišnjeg finansijskog izvještaja Hrvatska demokratska zajednica 1990 finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	5.708,00	1,40
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	4.700,00	1,15
7.	Prihodi iz budžeta (3-f)	397.723,49	97,45
8.	Prihodi od propagande (3-g)	0,00	0,00
I	Ukupni prihodi (1-8)	408.131,49	100,00
II	Ostali prihodi i drugo	11,04	0,00
	Izvori finansiranja (I+II)	408.142,53	100,00

Revizijom finansijskih izvještaja za 2020. godinu utvrđeno je da je Hrvatska demokratska zajednica 1990 prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Hrvatska demokratska zajednica 1990 je prekršila odredbe člana 4. stav (1) Zakona o finansiranju političkih stranaka na sljedeći način:
- (1) U skladu sa odredbama iz člana 4. stav (1) Zakona o finansiranju političkih stranaka, stranka je obavezna sačiniti program utroška sredstava za svaku kalendarsku godinu, te u skladu sa tim sredstva koristiti isključivo za ostvarivanje ciljeva utvrđenih svojim programom i statutom.

Obavještenjem, broj: 03-07-6-163/20 od 04. 03. 2020. godine, za podnošenje godišnjeg finansijskog izvještaja za 2019. godinu, od političke stranke je zatraženo da dostavi program utroška sredstava za 2020. godinu. Politička stranka nije postupila po zahtjevu Centralne izborne komisije BiH, odnosno do 31. 03. 2020. godine, nije dostavila program utroška sredstava za 2020.godinu.

Politička stranka je naknadno putem e-maila, 22. 02. 2021. godine dostavila akt, broj: 456-1/21 koji je sačinjen istog dana, a trebao bi predstavljati program utroška za 2020. godinu. Spomenuti dokument koji je stranka sačinila 22. 02. 2021. godine ne može predstavljati program utroška sredstava za 2020. godinu, te nije uzet u razmatranje.

U godišnjem finansijskom izvještaju Hrvatska demokratska zajednica 1990 je iskazala troškove u iznosu od 494.334,52 KM.

Uzimajući u obzir navedene činjenice, utvrđeno je da je Hrvatska demokratska zajednica 1990 troškove, u iznosu od 494.334,52 KM, ostvarila bez donesenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

- (2) Revizijom je utvrđeno da su u poslovnim knjigama političke stranke evidentirana potraživanja u iznosu od 21.046,06 KM i to: potraživanja po osnoviu datih avansa u iznosu od 3.666,78 KM, datih pozajmica funkcionerima stranke u iznosu od 10.400,00 KM i druga

potraživanja u iznosu od 6.979,28 KM, za koja politička stranka nema finansijsku dokumentaciju. S obzirom na to da politička stranka ne poduzima aktivnosti da naplati svoja potraživanja, odnosno od funkcionera stranke ne traži povrat pozajmica, pouzdano se može tvrditi da su sredstva isplaćena za aktivnosti kojima se ne ostvaruju ciljevi političke stranke.

- (3) U finansijskom izvještaju Središnji odbor HDZ 1990 Mostar je prijavio troškove goriva u iznosu od 8.328,68 KM. Uvidom u račune za utrošeno gorivo utvrđeno je da je ovaj organizacioni dio stranke, iako ima samo motorno vozilo koje koristi dizel, izvršio je nabavku benzina tri puta, u ukupnom iznosu od 225,20 KM i nabavku autoplina u iznosu od 46,23 KM. S obzirom na to da stranka nema putne naloge za auto, niti drugu dokumentaciju, nije utvrđeno da je trošak nastao u svrhu obavljanja stranačkih aktivnosti.

Na osnovi svega prethodno navedenog, nedvosmisleno je utvrđeno je da je Hrvatska demokratska zajednica 1990 prekršila odredbe člana 4. stav (1) Zakona o finansiranju političkih stranaka.

- b) Hrvatska demokratska zajednica 1990 nije u poslovnim knjigama uspostavila evidencije, niti je u finansijskom izvještaju prijavila novčane donacije dva fizička lica, čime je prekršila odredbe člana 5. stav (4) Zakona o finansiranju političkih stranaka.

Donaciju Nedima Čivića u iznosu od 300,00 KM primila je 29. 06. 2020. godine, a donaciju Dragane Golijanin primila je 01. 07. 2020. godine u iznosu od 100,00 KM. Obje donacije su uplaćene na namjenski račun za finansiranje izborne kampanje ove političke stranke.

- c) U poslovnim knjigama i finansijskom izvještaju koji je podnijela Centralnoj izbornoj komisiji BiH politička stranka je kod svog organizacionog dijela u Brčko distriktu BiH iskazala donaciju u iznosu od 3.700,00 KM, od donatora čiji identitet nije poznat. U toku obavljanja revizije finansijskog izvještaja na terenu, u prostorijama stranke, osoba ovlaštena za finansijske izvještaje nije predočila bilo kakav podatak na osnovi koga bi se mogao utvrditi identitet donatora.

U skladu sa odredbom iz člana 8. stav (1) tačka e) Zakona o finansiranju političkih stranaka finansiranje političkih stranaka se zabranjuje neimenovanim, odnosno anonimnim donatorima.

- d) Revizijom godišnjeg finansijskog izvještaja i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora utvrđeno je da Hrvatska demokratska zajednica 1990 nije uspostavila potpune, tačne i pravovremene evidencije o novčanim tokovima, prihodima, rashodima i obavezama, godišnji finansijski izvještaj nije popunila na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1), (2), (3) i (4) Zakona o finansiranju političkih stranaka. Stranka nije uspostavila tačne evidencija o troškovima izbornne kampanje, čime je prekršila odredbe člana 15.1 stav (1) Izbornog zakona Bosne i Hercegovine.

- (1) Hrvatska demokratska zajednica 1990 u poslovnim knjigama i finansijskom izvještaju (na obracu 2 *promet transakcijskih računa*) nije evidentirala šest transakcijskih računa, dok je kod 38 transakcijskih računa iskazala pogrešan promet sredstva, čime je prekršila odredbe člana 11. Pravilnika.

- Politička stranka nije prijavila transakcijski račun broj: 3381002202706674 otvoren kod UniCredit banke d. d. Mostar. Uvidom u izvode sa računa utvrđeno je da je stranka ostvarila

promet: početno stanje na dan 01. 01. 2020. godine u iznosu od 345,46 KM, uplate na račun u iznosu od 241.555,05 KM i isplate sa računa u iznosu od 241.900,51 KM. Na osnovi potvrde UniCredit banke d. d. Mostar utvrđeno je da putem transakcijskog računa broj: 3381302265807584 stranka ostvarila promet u iznosu od 1.600,04 KM, dok na računu broj: 3381002202775253, računu broj: 3381302232458790 i računu broj: 3380604819548541 nije bilo prometa tokom 2020. godine.

- Na transakcijski račun broj: 3060240000550336 koji stranka nije prijavila u svom izvještaju, prema podacima koje je aktom, broj: 02-11.2-532-1/21 od 08. 12. 2021, dostavila Općina Gornji Vakuf–Uskoplje, iz budžeta općine Hrvatskoj demokratskoj Zajednici 1990 uplaćena su sredstva u iznosu od 8.960,00 KM.
- Kod organizacionih dijelova Hrvatske demokratske zajednice 1990, koji su bili predmetom revizije, a čije transakcijske račune je stranka prijavila u finansijskom izvještaju, uočen je pogrešan promet sredstava po transakcijskim računima, kako slijedi:
 1. Putem transakcijskog računa KO HDZ 1990 Zapadnohercegovačkog kantona Posušje broj: 16102000464900064 politička stranka je iskazala promet: početno stanje 1.489,50 KM, uplate u iznosu od 13,80 KM, bez isplata sa računa i stanje na dan 31. 12. 2020. godine u iznosu od 1.503,30 KM. Uvidom u akt koji je Centralnoj izbornoj komisiji BiH dostavio Zapadno hercegovački kanton, te izvode sa ovog transakcijskog računa, utvrđeno je da su političkoj stranci na navedeni račun uplaćena sredstva u iznosu od 33.750,00 KM.
 2. Kod KO HDZ 1990 Kantona 10 stranka je putem transakcijskog računa broj: 1549995000325027 prijavila promet u iznosu od 6,77 KM, ukupne ulaze i stanje na dan 31. 12. 2020. godine u ovom istom iznosu. Uvidom u izvode sa transakcijskog računa utvrđen je promet: uplate na račun u iznosu od 34.211,76 KM, isplate u iznosu od 34.204,99 KM i stanje na dan izvještajnog perioda u iznosu od 6,77 KM. Na račun su izvršene uplate iz budžeta Kantona 10 u iznosu od 32.000,00 KM i uplata iz budžeta Općine Kupres u iznosu od 2.211.76 KM.
 3. Putem transakcijskog računa KO HDZ 1990 Srednjobosanskog kantona Travnik, broj: 3382502201048384 stranka je prijavila početno stanje u iznosu od 257,98 KM i uplate na račun u iznosu od 267,00 KM. Uvidom u izvode sa ovog transakcijskog računa utvrđen je promet: početno stanje u iznosu od 257,98 KM, uplate na račun u iznosu od 55.631,65 KM i isplate sa računa u iznosu od 56.199,63 KM. Na navedeni račun uplaćena sredstva iz Srednjobosanskog kantona u iznosu od 51.722,46 KM, sredstva iz Općine Novi Travnik u iznosu od 3.600.00 KM i Općine Dobretići u iznosu od 309,10 KM.
 4. Kod OO HDZ 1990 Prozor-Rama stranka je putem transakcijskog računa broj: 3060150000322633 prijavila početno stanje u iznosu od 12.588,00 KM, isplate u iznosu od 12.457,19 KM i stanje na dan izvještajnog perioda u iznosu od 130,81 KM. Uvidom u izvode sa ovog transakcijskog računa utvrđeno je početno stanje u iznosu od 12.588,00 KM, uplate na račun u iznosu od 36.928,87 KM, isplate sa računa u iznosu od 49.386,06 KM i stanje na dan 31. 12. 2020. godine u iznosu od 130,81 KM. Sve uplate na račun izvršene su iz budžeta Općine Prozor–Rama.
 5. Putem transakcijskog računa KO HDZ 1990 Hercegovačko-neretvanskog kantona broj: 3381002203014164 politička stranka je iskazala promet: početno stanje 255,13 KM, uplate na račun u iznosu od 4.600,03 KM, isplate sa računa u iznosu od 3.370,16 KM i stanje na dan 31. 12. 2020. godine u iznosu od 1.485,00 KM. Uvidom u akt, broj: 04-01-11-647-5/21 od 30. 03. 2022. godine, koji je Centralnoj izbornoj komisiji BiH dostavio

Hercegovačko-neretvanski kanton utvrđeno je da su političkoj stranci na navedeni račun uplaćena sredstva u iznosu od 40.339,00 KM.

6. Politička stranka je na transakcijskom računu KO HDZ 1990 Posavskog kantona broj: 3381802200996233 prijavila početno stanje u iznosu od 2.473,79 KM i isplate sa računa u iznosu od 2.744,88, bez iznosa uplata na račun. Posavski kanton je Centralnoj izbornoj komisiji BiH dostavio akt, broj: 04-11-43-2/21 od 15. 12. 2021, u kome se navodi da su Hrvatskoj demokratskoj zajednici BiH na spomenuti račun 2020. godine uplaćena sredstva u iznosu od 15.551.01 KM.
 7. Kod OO HDZ 1990 Jajce po računu broj: 3383602200430827 prijavljeno je početno stanje u iznosu od 638,76 KM i isplate sredstava sa računa u iznosu od 637,86 KM. Prema službenim podacima ove Općine političkoj stranci su uplaćena sredstva u iznosu od 5.142,00 KM.
 8. Na transakcijskom računu OO HDZ 1990 Gornji Vakuf–Uskoplje stranka nije iskazala nikakve uplate sredstava. Na osnovi akta Općine Gornji Vakuf–Uskoplje, broj: 02-11.2-532-1/21 od 08. 12. 2021. godine, utvrđeno je da su na račun broj: 3060240000550336 političkoj stranci uplaćena sredstva u iznosu od 8.960.00 KM.
 9. Putem transakcijskog računa broj: 3381302265808457, koji je politička stranka Centralnoj izbornoj komisiji BiH prijavila kao namjenski račun za finansiranje izborne kampanje, u finansijskom izvještaju je iskazala promet: početno stanje u iznosu od 718,94 KM, uplate na račun u iznosu od 241.555,05 KM, isplate sa računa u iznosu od 241.905,80 KM i stanje na dan izvještajnog perioda u iznosu od 5,29 KM. Međutim, uvidom u izvode banke sa ovog računa, utvrđene su uplate na račun i isplate sa računa u iznosu od 11.780,76 KM.
 10. Pored pogrešno iskazanog prometa kod prethodno navedenih devet transakcijskih računa, revizijom je, a na osnovi podataka koje je Centralna izborna komisija BiH pribavila od organa izvršne vlasti koji su iz svojih budžeta finansirali Hrvatsku demokratsku zajednicu 1990, utvrđeno da je i kod preostalih 29 računa u poslovnim knjigama i finansijskom izvještaju pogrešno evidentiran promet. Politička stranka nije prijavila uplate budžetskih sredstava na transakcijske račune.
- (2) Politička stranka nije vodila blagajničko poslovanje i nije uspostavila evidencije o gotovinskom prometu sredstava putem blagajne. Stranka nije prijavila stvarni promet blagajne u finansijskom izvještaju (na obracu 2.1–*promet blagajne*) kod Središnjeg odbora i svojih 27 nižih organizacionih dijelova.
- Tokom vršenja revizije finansijskih izvještaja, osoba ovlaštena za vođenje poslovnih knjiga je dala pisanu izjavu u kojoj navodi da gotovinska novčana sredstva koja je politička stranka podizala sa transakcijskog računa nisu evidentirana na blagajni, već su pri samom podizanju gotovine sa transakcijskog računa knjižena kao materijalni trošak, bez dokaza o njihovom utrošku.
- Kod dva organizaciona dijela Hrvatske demokratske zajednice 1990, koji su bili predmetom revizije, utvrđeno je da stranka nije prijavila blagajnu.
1. Revizijom je utvrđeno da su sa računa OO HDZ 1990 Prozor–Rama podignuta sredstva u gotovini iznosu od 13.720,00 KM. Kako nije vođeno blagajničko poslovanje, i u poslovnim knjigama nisu uspostavljene evidencije, nije utvrđeno da li su sredstva utrošena i u kom iznosu.

2. Kod KO HDZ 1990 Livno utvrđeno je podizanje gotovine sa transakcijskog računa u iznosu od 6.700,00 KM. S obzirom na to da stranka nije vodila blagajničko poslovanje i nije vršila popis sredstva, nije utvrđen promet, niti stanje gotovine kod ovog organizacionog dijela stranke.
 - Kod organizacionih dijelova, kod kojih su prijavljena sredstva na blagajni na dan 31. 12. 2020. godine, uočene su netačne evidencije, kako slijedi:
 1. U poslovnim knjigama i finansijskom izvještaju stranka je kod Središnjeg odbora HDZ 1990 Mostar prijavila sredstva na blagajni u iznosu od 21.323,68 KM, koja su na blagajni zatečena sa datumom 01. 01. 2020. godine, bez bilo kakvog prometa tokom godine i na dan 31. 12. 2020. godine sredstva su u istom iznosu.

Uvidom u izvode transakcijskog računa utvrđeno je da je tokom 2020. godine sa računa podignuta gotovina u iznosu od 3.200,00 KM.
 2. Kod KO HDZ 1990 Srednjobosanskog kantona stranka u finansijskom izvještaju, osim početnog stanja u iznosu od 92,21 KM i isplata u iznosu od 91,00 KM, nije prijavila gotovinske uplate. Sa transakcijskog računa ovog organizacionog dijela stranke podignuta je gotovina u iznosu od 750,00 KM.
 - Osim što nije vodila evidencije o poslovanju gotovinom putem blagajne, politička stranka nije izvršila popis novčanih sredstva na dan 31. 12. 2020. godine, te nije moguće utvrditi da li je politička stranka imala sredstva na blagajni i u kom iznosu.
 - Također je utvrđeno da je u poslovnim knjigama gotovina u blagajni organizacionih dijelova stranke evidentirana u nepostojećim novčanim apoenima.
 - Kontrolom finansijske dokumentacije utvrđeno je da Središnji odbor stranke ne postupa u skladu sa Uredbom o uvjetima i načinu plaćanja gotovim novcem.

Iako, u skladu sa spomenutom Uredbom poslovni subjekti mogu podizati gotov novac sa svojih računa do iznosa utvrđenog blagajničkim maksimumom, Središnji ured Hrvatske demokratske zajednice 1990 u svojoj blagajni iskazuje iznos sredstava veći od 20.000,00 KM, te ga više godina prenosi iz prethodne u narednu godinu u istom iznosu. Visina blagajničkog maksimuma utvrđuje se na osnovi prosječnih dnevnih isplata iz blagajne u prethodnom mjesecu.

Neprijavlivanjem prometa blagajne, odnosno prijavom pogrešnog prometa, politička stranka je prekršila odredbe člana 12. Pravilnika.
- (3) Stranka nije uspostavila potpune i tačne evidencije o svojim prihodima i nije ih pravilno klasifikovala u finansijskom izvještaju koji je podnijela Centralnoj izbornoj komisiji BiH, čime je prekršila odredbe člana 13, 14. i 19. Pravilnika.
 1. U poslovnim knjigama stranka nije uspostavila evidenciju o novčanim priložima dva fizička lica, u iznosu od 400,00 KM, kao što je navedeno u nalazu pod b). Donacije stranka nije prijavila ni u finansijskom izvještaju, čime je prekršila odredbe člana 14. Pravilnika.
 2. U finansijskom izvještaju stranka nije prijavila prihod koji je ostvarila iz budžeta Posavskog kantona i tri općine: Gornji Vakuf–Uskoplje, Novi Travnik i Kupres (FBiH).
 - Na upit Centralne izborne komisije BiH Općina Gornji Vakuf–Uskoplje je odgovorila aktom, broj 02-11.2-532-1/21 od 08. 12. 2021. Godine, u kome navodi da je Hrvatskoj demokratskoj zajednici 1990 uplatila sredstva u iznosu od 8.960.00 KM.

- Općina Novi Travnik je dostavila akt, broj: 04-398/21 od 08. 12. 2021. godine, u kome je navela da je ovoj političkoj stranci uplatila sredstva u iznosu od 3.600,00 KM.
 - Na osnovi akta Općine Kupres (FBiH), broj: 02/2-11-1-281/21 od 10. 12. 2021. godine, i izvoda sa transakcijskog računa utvrđeno je da su političkoj stranci uplaćena sredstva u iznosu od 2.211.76 KM.
 - Na upit Centralne izborne komisije Posavski kanton je dostavio odgovor, akt broj: 04-11-43-2/21 od 15. 12. 2021. godine, u kome navodi da su iz budžeta ovog kantona Hrvatskoj demokratskoj zajednici 1990 uplaćena sredstva 2020. godine u iznosu od 15.551,01 KM.
3. U izvještaju stranka je navela da su iz budžeta Srednjobosanskog kantona Travnik prihod ostvarili KO HDZ 1990 Posavskog kantona, u iznosu od 55.631,56 KM i KO HDZ 1990 Srednjobosanskog kantona Travnik u iznosu od 17.265,25 KM. Revizijom, odnosno uvidom u izvode sa transakcijskog računa, utvrđeno je da su iz Srednjobosanskog kantona Travnik političkoj stranci uplaćena sredstva u iznosu od 51.722,46 KM.
- (4) Stranka nije uspostavila potpune, tačne i pravovremene evidencije o svojim rashodima i nije ih pravilno klasifikovala u finansijskom izvještaju koji je podnijela Centralnoj izbornoj komisiji BiH, čime je prekršila odredbe člana 21, 22. i 23. Pravilnika. Revizijom je utvrđeno da je Hrvatska demokratska zajednica 1990 troškove, suprotno i računovodstvenim propisima, evidentirala u momentu plaćanja, a ne u vrijeme kada je stranka izvršila nabavku materijala ili kada joj je pružena usluga. U vezi sa navedenim, politička stranka je kao troškove 2020. godine evidentirala troškove koji su nastali u ranijim godinama, a dio troškova koji su nastali 2020. godine stranka nije evidentirala ni u poslovnim knjigama, niti ih je prijavila u finansijskom izvještaju.
1. Stranka je u izvještaju za 2020. godinu kod Središnjeg odbora iskazala troškove advokatskih usluga i sudske troškove u iznosu od 83.872,76 KM. Uvidom u finansijsku dokumentaciju utvrđeno je da su 2020. godine putem sudskih izvršenja izmirene obaveze prema dobavljačima po pravosnažnim sudskim presudama, za neplaćene obaveze iz ranijih godina. Obaveze prema dobavljačima i porezne obaveze koje su nastale u ranijem periodu, a stranka ih nije dobrovoljno izmirila, već su izmirene kroz sudska izvršenja 2020. godine, politička stranka je evidentirala kao nove troškove u iznosu od 80.073,45 KM, nastale 2020. godine. Tokom obavljanja revizije politička stranka nije predočila sudske presude, niti raspolaže sa podacima o vremenu nastanka tih obaveza.
2. Sudska izvršenja, odnosno prinudnu naplatu poreza i doprinosa po ugovorima o djelu iz ranijih godina, koje je Porezna uprava federacije BiH obračunala u iznosu od 10.370,91 KM, politička stranka je u poslovnim knjigama i finansijskom izvještaju evidentirala kao troškove ugovora o djelu iz 2020. godine.
3. Politička stranka je troškove zakupnine poslovnih prostora iskazala u iznosima koji se značajno razlikuju od cijena zakupnine za 2020. godinu, koje su utvrđene ugovorima o zakupu.
- Zakupnina poslovnog prostora, koji je koristio KO HDZ 1990 Posavina ugovorena je u iznosu od 3.900,00 KM, a stranka je u finansijskom izvještaju iskazala trošak zakupnine u iznosu od 10.925,00 KM.

- Kod svog organizacionog dijela u Prozor–Rami stranka je iskazala trošak zakupnine poslovnog prostora u iznosu od 16.076,70 KM. Uvidom u finansijsku dokumentaciju, utvrđeno je da su troškovi zakupnine u 2020. godini iznosili 710,40 KM. Stranka je sudska izvršenja neplaćenih obaveza za zakupninu iz ranijih godina, a koja su realizirana u 2020. godini u poslovnim knjigama i finansijskom izvještaju evidentirala kao troškove 2020. godine.
 - Zakupnina poslovnog prostora, koji je koristio KO HDZ 1990 Srednjobosanskog kantona ugovorena je u iznosu od 3.615,35 KM, stranka je u finansijskom izvještaju iskazala trošak zakupnine u iznosu od 4.192,90 KM.
 - Prema ugovoru o zakupu, zakupnina poslovnog prostora koji je stranka koristila u Brčko distriktu BiH iznosila je 2.400,00 KM, a stranke je u finansijskom izvještaju iskazala trošak u iznosu od 2.800,00 KM.
 - Zakupnina poslovnog prostora, prema ugovoru o zakupu zaključenim sa Vjekoslavom Rašićem, koji su koristili Središnji ured stranke, Gradski odbor stranke u Mostaru i KO Hercegovačko-neretvanskog kantona ugovorena je u iznosu od 1.200,00 KM mjesečno. Iako je trošak zakupnine iznosio 14.400,00 KM, stranka ga je u poslovnim knjigama i finansijskom izvještaju iskazala u iznosu od 3.000,00 KM.
 - Kod organizacionog dijela u Kreševu stranka je iskazala troškove zakupnine u iznosu od 1.650,00 KM i organizacionog dijela u Kiseljaku u iznosu od 2.080,00 KM. Stranka nije predložila ugovore u zakupu, niti druge dokaze da je koristila poslovne prostore. Također, stranka nije iskazala troškove električne energije, vode i sl. što bi ukazalo na korištenje prostora.
4. U poslovnim knjigama i finansijskom izvještaju politička stranka je prijavila humanitarne rashode u iznosu od 46.043,60 KM. Središnji odbor stranke isplatio je jednokratne pomoći fizičkim licima u iznosu od 20.280,00 KM i KO Srednjobosanskog kantona u iznosu od 8.509,10 KM, dok su organizacioni dijelovi stranke u Ljubuškom, Vitezu, Kreševu, Posušju, Jajcu i Općini Travnik ostvario humanitarne rashode u ukupnom iznosu od 17.254,50 KM.
- Uvidom u izvode sa transakcijskog računa utvrđeno je da je Središnji odbor stranke jednom fizičkom licu isplatio donacije u iznosu od 7.600,00 KM (mjesečne isplate u iznosima od 600,00 do 1.000,00 KM), jednom fizičkom licu 7.480,00 KM (mjesečne isplate u iznosima od 180,00 do 1.500,00 KM), jednom fizičkom licu 2.300,00 KM (mjesečne isplate u iznosima od 700,00 do 900,00 KM), jednom fizičkom licu 1.000,00 KM jednokratno i isplate za pet fizičkih lica u ukupnom iznosu od 1.900,00 KM (jednokratne isplate u iznosima od 100,00 do 500,00 KM).
- Na donacije fizičkim licima, koje u skladu sa poreznim propisima imaju karakter ličnih primanja, politička stranka nije obračunala i nije uplatila porez u doprinese. Također, u poslovnim knjigama i finansijskom izvještaju stranka nije skazala trošak niti obavezu po ovom osnovu.
- (5) Hrvatska demokratska zajednica 1990 u poslovnim knjigama nije uspostavila tačne evidencije o svojim obavezama, čime je prekršila računovodstvene propise. U finansijskom izvještaju, na obrascu 5 (*obaveze političke stranke*), obaveze nije prijavila u skladu sa odredbama člana 24. Pravilnika.

- U poslovnim knjigama i finansijskom izvještaju stranka je iskazala obaveze prema dobavljačima u iznosu od 490.898,25KM. Istovremeno je iskazala negativan saldo obaveza prema dobavljačima u iznosu od 40.303,44 KM, što je neprimjereno računovodstvenim načelima, te potvrđuje i činjenicu da politička stranka nema potpune evidencije ni o svojim troškovima.
 - Revizijom je utvrđeno da Hrvatska demokratska zajednica 1990 nije prijavila dio svojih obaveza.
1. Stranka je evidentirala u poslovnim knjigama i prijavila u finansijskom izvještaju obavezu prema pravnom licu Inter Connect d. o. o. Mostar u iznosu od 112.384,01 KM. Prema podacima koje je dostavilo ovo pravno lice, obaveze Hrvatske demokratske zajednice 1990 na dan 31. 12. 2020. godine iznosile su 149.306,69 KM. Utvrđeno je da politička stranka nije prijavila obavezu koja je nastala 2019. godine u iznosu od 18.000,00 KM i obavezu iz 2020. godine u iznosu od 18.922,68 KM, što ukupno iznosi 36.922,68 KM.
 2. Saldo obaveza prema Društvu za poslove lizinga Porsche Leasing d. o. o. Sarajevo politička stranka je u poslovnim knjigama evidentirala kao dugovni saldo dobavljača u iznosu od 22.455,19 KM, a u finansijskom izvještaju kao obavezu prema dobavljaču - 22.455,19 KM, što bi umjesto neplaćene obaveze predstavljalo potraživanje od dobavljača. Uvidom u akt navedenog pravnog lica, broj: 240/22 od 14. 07. 2022. godine, skupa sa ugovorom o finansijskom lizingu za nabavku motornog vozila, koji je dostavljen Centralnoj izbornoj komisiji BiH, utvrđeno je da Hrvatska demokratska zajednica 1990 nije evidentirala obavezu za nabavku vozila u iznosu od 30.239,99 KM. Mjesečne isplate rata lizinga politička stranka je evidentirala kao pretplatu Društvu za poslove lizinga Porsche Leasing d. o. o. Sarajevo. Na dan 31. 12. 2020. godine politička stranka je po osnovi lizinga imala obavezu u iznosu od 3.657,52 KM, a ne potraživanje kako je evidentirala u svojim poslovnim knjigama i finansijskom izvještaju.
 3. Politička stranka je prijavila obaveze po osnovi poreza i doprinosa u iznosu od 60.356.98 KM. Uvidom u Sporazum sa Poreznom upravom Federacije BiH o plaćanju duga u ratama, broj: 13-7-01-12-27-1050-2/2020-V.S. od 07. 01. 2021. godine utvrđeno je da su obaveze Hrvatske demokratske zajednice iznosile 69.142.44 KM.
- Prema podacima o datumu nastanka obaveza prema dobavljačima, koje je politička stranka prijavila u finansijskom izvještaju, utvrđeno je da su obaveze u iznosu od 312.069,53 KM nastale u periodu od 2008. do 2017. godine, odnosno starije su od tri godine.
 - U poslovnim knjigama Hrvatska demokratska zajednica 1990 je iskazala obaveze u iznosu od 95.839,62 KM, za koje je prema podacima njenih dobavljača utvrđeno da su otpisane.
1. Stranka je u poslovnim knjigama i finansijskom izvještaju iskazala obaveze prema pravnom licu "EuroplakatBH" d. o. o. Sarajevo u iznosu od 51.644,82 KM. Uvidom u akt koji je ovo pravno lice dostavilo Centralnoj izbornoj komisiji BiH utvrđeno je da je obavezu prema Hrvatskoj demokratskoj zajednici 1990 otpisalo 2017. godine, te da na dan 31. 12. 2020. godine nije imalo potraživanja od ove političke stranke.
 2. Stranka je prijavila obavezu prema pravnom licu "Media Res" d. o. o. Mostar u iznosu od 69.873,20 KM. Prema podacima koje je ovo pravno lice dostavilo Centralnoj izbornoj komisiji BiH, utvrđeno je da je 2016. godine otpisalo obaveze prema Hrvatskoj demokratskoj zajednici 1990 u iznosu od 44.194,80 KM, te da je obaveza stranke na dan 31. 12. 2020. godine iznosila 16.910,40 KM.

- Prema podacima o datumu nastanka obaveza po osnovi pozajmica od fizičkih lica, koje je politička stranka prijavila u finansijskom izvještaju u iznosu od 50.541,00 KM, obaveze u iznosu od 28.466,00 KM nastale su u periodu od 2006. do 2017. godine. S obzirom na dužinu perioda dugovanja, te da zajmodavci nisu koristili zakonska sredstva za naplatu svojih potraživanja, ne može se potvrditi stanje obaveza po osnovi pozajmica koje je stranka prijavila u finansijskom izvještaju.
 - Politička stranka na zahtjev Centralne izborne komisije BiH nije dostavila konfirmacije, odnosno izvode otvorenih stavki na dan 31. 12. 2020. godine sa pravnim licima: Media Res, Europlakat, Inter Conect, Megacop, HKD Napredak, HD Kosača Mostar, Udruga Liberatus, Masters media, Smart Raguž Barbarić, HP Mostar, Digital wision, Večernji list, Autocentar Boras, Auto Nuić, Suton, Oslobođenje, Mrkulić Company, Margo, Sikostan, Allmenea Studio, Grafolade, Vast, Herzmedia, ABC Sarajevo, HP Investing i Porsche Leasing, kao i potvrdu fizičkih lica: Ivan Leko, Adem Huskić i Drago Kvasina, čime je prekršila odredbe člana 12. stav (5) Zakona o finansiranju političkih stranaka. Tražene konfirmacije stranka nije predočila ni tokom obavljanja revizije, pa nije bilo moguće utvrditi stvarno stanje obaveza političke stranke osim obaveza prema pravnim licima: “EuroplakatBH“ d. o. o. Sarajevo, “Media Res“ d. o. o. Mostar, Inter Connect d. o. o. Mostar i Porsche Leasing d. o. o. Sarajevo, koje su utvrđene na osnovi podataka iz eksternih izvora.
- e) Politička stranka nije, u skladu sa odredbom iz člana 12. stav (2) Zakona o finansiranju političkih stranaka, u godišnji finansijski izvještaj uključila koristi koje je ostvarila od aktivnosti udruženja “Hrvatski narodni sabor Bosne i Hercegovine“, kao njegova članica.
- f) Hrvatska demokratska zajednica 1990 je prekršila odredbe člana 15.1 stav (1) Izbornog zakona BiH i odredbe člana 12. stav (3) zakona o finansiranju političkih stranaka.

Revizijom je utvrđeno da politička stranka nije uspostavila potpune i pravovremene evidencije o troškovima izborne kampanje i postizborni izvještaj nije podnijela u zakonom utvrđenom roku i na način kako je Centralna izborna komisija BiH propisala svojim podzakonskim aktima.

U postizbornom finansijskom izvještaju za Lokalne izbore 2020. godine, koji je podnijela 20. 01. 2021. godine i to sa zakašnjenjem od pet dana politička stranka je prijavila troškove izborne kampanje u iznosu od 50.216,04 KM. U postizbornom finansijskom izvještaju za Izbore 2020. godine u Mostaru, prijavila je troškove izborne kampanje u iznosu od 3.003,10 KM.

U finansijskom izvještaju za 2020. godinu stranka je iskazala troškove izborne kampanje u iznosu od 71.044,83 KM, što potvrđuje činjenicu da nije uspostavila pravovremene evidencije o troškovima.

Revizijom je utvrđeno da je stranka evidentirala u poslovnim knjigama i prijavila u finansijskom izvještaju troškove izborne kampanje po računima koje je platila 2020. godine.

- Uvidom u račune dobavljača utvrđeno je da su kod Središnjeg odbora stranke troškovi izborne kampanje za Opće izbore 2018. godine po računu pravnog lica MGE Sistem d. o. o. Mostar, broj: 00011 od 05. 03. 2020. godine, na iznos od 3.500,00 KM, u poslovnim knjigama i finansijskom izvještaju evidentirani kao troškovi za Lokalne izbore 2020. godine.

- Stranka je predračun pravnog lica Sektor 51 d. o. o. Mostar, broj: 107/2020 od 03. 12. 2020. godine, na iznos od 503,10 KM evidentirala kao trošak izborne kampanje, iako nije utvrđeno da je stranci pružena usluga. Stranka ne raspolaže sa fakturom ovog pravnog lica niti drugom vjerodostojnom knjigovodstvenom ispravom.
 - Trošak izborne kampanje za Opće izbore 2018. godine, po računu pravnog lica Elit Media d. o. o. Mostar, broj: 10193 od 21. 09. 2020. godine, na iznos od 5.000,00 KM, stranka je u finansijskom izvještaju prijavila kao troškove ostalog materijala u okviru režijsko-administrativnih troškova za 2020. godinu.
 - Stranka u poslovnim knjigama nije evidentirala, niti je prijavila u finansijskom izvještaju trošak izborne kampanje u iznosu od 18.922,68 KM. Uvidom u analitičke kartice pravnog lica Inter Connect d. o. o. Mostar utvrđeno je da je Hrvatskoj demokratskoj zajednici 1990 ovo pravno lice 21. 12. 2020. godine fakturiralo promotivni materijal u vrijednosti od 18.922,68 KM.
- g) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, Hrvatska demokratska zajednica 1990 je prijavila transakcijski račun broj: 3381302265808457 otvoren kod UniCredit banke a.d. Mostar.

Uvidom u izvode sa ovog transakcijskog računa utvrđeno je da je stranka sa njega platila samo taksu za učešće na Lokalnim izborima 2020. godine u iznosu od 11.500,00 KM, dok je troškove izborne kampanje platila sa računa nižih organizacionih dijelova stranke.

Troškovi izborne kampanje

Prema odredbama člana 15.10 Izbornog zakona BiH, Hrvatska demokratska zajednica 1990 je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 599.955,45 KM i za Izbore u Mostaru 30.259,20 KM. Hrvatska demokratska zajednica 1990 je u godišnjem finansijskom izvještaju za 2020. godinu iskazala troškove izborne kampanje u iznosu od 71.044,83 KM. Revizijom je utvrđeno da politička stranka nije prijavila troškove izborne kampanje u iznosu od 18.922,68 KM.

5. STRANKA DEMOKRATSKE AKCIJE (Kod 090)

Prema podacima iz korigiranog godišnjeg finansijskog izvještaja za 2020. godinu Stranka demokratske akcije se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	81.124,70	2,12
2.	Prilozi fizičkih lica (3-a)	802.532,49	20,95
3.	Prilozi pravnih lica (3-b)	112.250,00	2,94
4.	Prihodi od imovine (3-c)	43.484,66	1,14
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	74.318,68	1,94
7.	Prihodi iz budžeta (3-f)	2.707.920,23	70,71
8.	Prihodi od propagande (3-g)	0,00	0,00
I	Ukupni prihodi (1-8)	3.821.630,76	99,80
II	Ostali prihodi i drugo	7.872,13	0,20
	Izvori finansiranja (I+II)	3.829.502,89	100,00

Revizijom finansijskih izvještaja za 2020. godinu utvrđeno je da je Stranka demokratske akcije prekršila odredbe člana 4. stav (1), člana 5. stav (4), člana 6. stav (2), člana 8. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

- a) Stranka demokratske akcije je dostavila finansijski plan utroška sredstava za 2020. godinu, od 31. 01. 2020. godine, kojim je predvidjela ukupne troškove u iznosu od 4.250.500,00 KM, a potom Rebalans finansijskog plana za 2020. godinu od 30.06.2020. godine, kojim je predvidjela troškove u iznosu od 4.030.500,00 KM.

Finansijski plan za 2020. godinu, kao i njegov rebalans od 30. 06. 2020. godine, nije sačinjen na način da osigura potpunu transparentnost utroška sredstva. Za troškove koje je planirala u iznosu od 415.000,00 KM, stranka je navela "ostali" (ostali materijal, ostale usluge, ostale naknade uposlenim). Navedenu činjenicu politička stranka je potvrdila u svom očitovanju na preliminarni izvještaj revizije. Ugovore o djelu u iznosu od 350.000,00 KM stranka je, takođe, planirala kao ostale rashode.

Finansijski plan, odnosno program utroška sredstava, treba biti sačinjen na način da se osigura potpuna transparentnost planiranog trošenja sredstava. Ta činjenica političkoj stranci isključuje mogućnost da troškove klasifikuje kao ostale, kako planirane, tako i ostvarene troškove.

Svaki trošak koji ostvari politička stranka i iskaže ga u poslovnim knjigama i finansijskom izvještaju mora biti uporediv sa planiranim troškom.

Uvidom u godišnji finansijski izvještaj stranke utvrđeno je da je stranka u 2020. godini ostvarila ukupne rashode u iznosu od 3.836.537,29 KM.

Analizom strukture ostvarenih troškova utvrđeno je da je Stranka demokratske akcije sredstva u iznosu od 221.858,46 KM utrošila mimo Rebalansa finansijskog plana rashoda, odnosno programa utroška sredstava za 2020. godinu.

- (1) Rebalansom finansijskog plana za 2020. godinu stranka nije predvidjela troškove, koje je ostvarila u ukupnom iznosu od 183.819,39 KM, kako slijedi: troškove platnog prometa u iznosu od 38.584,26 KM, troškove iz prethodnih godina u iznosu od 33.111,31 KM, ostale troškove u iznosu od 13.252,35 KM, troškove sitnog inventara i autoguma u iznosu od 26.787,29 KM, troškove osiguranja u iznosu od 5.999,99 KM, troškove grijanja u iznosu od 7.133,40 KM, troškove ulaganja u tuđa sredstva u iznosu od 3.569,75 KM, troškove održavanja opreme u iznosu od 3.177,56 KM, troškove knjigovodstvenih usluga u iznosu

od 9.135,60 KM, troškove premije osiguranja imovine u iznosu od 1.735,52 KM, troškove advokatskih usluga u iznosu od 35.971,11 KM, troškove zdravstvenih usluga u iznosu od 354,20 KM, troškove stručnih publikacija, časopisa i novina u iznosu od 2.018,00 KM, troškove zakupa vozila u iznosu od 2.315,05 KM i troškove obrazovanja i seminara u iznosu od 674,00 KM.

(2) Stranka je dio troškova ostvarila u iznosima koji su za 38.039,07 KM veći od planiranih.

- Stranka je troškove zakupa poslovnih prostora i ostalih zakupnina planirala u iznosu od 115.000,00 KM, a ostvarila ih je u iznosu od 142.446,06 KM, čime je za 27.446,06 KM prekoračila planirani iznos.
- Rebalansom Finansijskog plana za 2020. godinu, stranka je planirala troškove komunalnih usluga u iznosu od 55.000,00 KM, a ostvarila ih je u iznosu od 57.596,64 KM, što je za 2.596,64 KM više od planiranog iznosa.
- Stranka je troškove kancelarijskog materijala planirala u iznosu od 36.000,00 KM, a ostvarila ih je u iznosu od 41.135,98 KM, što je za 5.135,98 KM više od planiranog iznosa.
- Stranka demokratske akcije je u godišnjem finansijskom izvještaju je planirala troškove električne energije u iznosu od 48.000,00 KM, a ostvarila ih je u iznosu od 50.860,39 KM, što je za 2.860,39 KM više od planiranog iznosa.

Na osnovi svega prethodno navedenog utvrđeno da je Stranka demokratske akcije prekršila odredbe člana 4. stav (1) Zakona o finansiranju političkih stranaka.

b) Stranka demokratske akcije nije u poslovnim knjigama i godišnjem finansijskom izvještaju uspostavila evidenciju o nenovčanoj donaciji koju je ostvarila oglašavanjem njenog kandidata na društvenoj mreži prije službenog početka izborne kampanje.

Uvidom u Odluku Centralne izborne komisije BiH, broj: 05-1-07-5-989/20 od 29. 09. 2020. godine, utvrđeno je da je Nagib Mujkić, kandidat ove političke stranke za načelnika Općine Zavidovići, na svom "Facebook" profilu vodio plaćenu izbornu kampanju prije službenog početka izborne kampanje.

Navedenu donaciju politička stranka, osim što nije evidentirala u poslovnim knjigama, nije prijavila u godišnjem i postizbornom finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

c) Revizijom godišnjeg finansijskog izvještaja utvrđeno je da stranka priloge od fizičkih lica u iznosu od 538.451,58 KM i priloge pravnih lica u iznosu od 64.250,00 KM nije uplaćivala na transakcijski račun Centrale stranke, čime je prekršila odredbe člana 6. stav (2) Zakona o finansiranju političkih stranaka.

U skladu sa odredbama člana 6. stav (2) Zakona o finansiranju političkih stranaka, dobrovoljni prilozi u novcu uplaćuju se na transakcijski račun centrale političke stranke.

d) Politička stranka je uz očitovanje na nalaze revizije iz preliminarnog revizijskog izvještaja, da nije prijavila donacije koje je ostvarila tako što se oglašavala prije službenog početka izborne kampanje na nekoliko lokacija u Srebreniku, postavljenjem stranačkih bilborda sa natpisom "Temelj države – 30 godina Stranke demokratske akcije – Garant opstojnosti", dostavila akt Gradskog odbora Stranke demokratske akcije Srebrenik u kome je navela da su bilbordi postavljeni u svrhu obilježavanja godišnjice osnivanja političke stranke. U istom aktu je navedeno da prostor na kome su se nalazili plakati nije plaćen, odnosno besplatno je ustupljen političkoj stranci na korištenje. U korigiranom finansijskom izvještaju Stranka

demokratske akcije je, u skladu sa navedenim, prijavila nenovčanu donaciju Grada Srebrenika u iznosu od 840,00 KM.

Kako je, u skladu sa odredbama iz člana 8. stav (1) Zakona o finansiranju političkih stranaka, organima uprave BiH, entiteta, kantona, Brčko distrikta BiH, te gradskim i općinskim organima zabranjeno da finansiraju političke stranke, Stranka demokratske akcije je ostvarila zabranjenu donaciju Grada Srebrenika u iznosu od 840,00 KM.

- e) Revizijom godišnjeg finansijskog izvještaja i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, utvrđeno je da Stranka demokratske akcije nije vodila poslovne knjige u skladu sa računovodstvenim propisima, nije uspostavila potpune i tačne evidencije o prihodima, rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Godišnji finansijski izvještaj nije popunila u skladu sa članom 12, stav (4) ovog Zakona i Pravilnikom.
- (1) Uvidom u Izvještaj o transakcijskim računima pravnog lica koji se vodi kod Centralne banke BiH utvrđeno je da stranka nije prijavila transakcijski račun, broj: 3387304820086168 kod UniCredit banke, koji je ugašen 14. 12. 2020. godine. Iako je u postupku revizije finansijskog izvještaja, a na osnovi potvrde UniCredit banke utvrđeno da putem ovog računa nije ostvaren promet tokom 2020. godine, stranka je bila obavezna račun prijaviti u finansijskom izvještaju, na obrascu 2. (pregled prometa svih transakcionih računa političke stranke), kako propisuje član 11. Pravilnika.
- (2) Politička stranka u obrascima 3-b (prilozi pravnih lica) nije navela sjedišta pravnih lica, čime je prekršila odredbe člana 15. Pravilnika. U skladu sa važećim propisima sjedište je sastavni dio naziva svakog pravnog lica.
- (3) U obrascu 3-f finansijskog izvještaja (prihodi iz budžeta) stranka nije iskazala tačne podatke o prihodima koje je ostvarila iz budžeta, čime je prekršila odredbe člana 19. Pravilnika.
- Stranka demokratske akcije je u godišnjem finansijskom izvještaju iskazala prihode iz budžeta Grada Bijeljina u iznosu od 20.796,88 KM. Uvidom u akt Grada Bijeljina, broj: 02/4-40-2-1555/21 od 07. 12. 2021. godine, utvrđeno je da je stranka tokom 2020. godine ostvarila prihode iz budžeta ovog grada u iznosu od 22.396,64 KM.
 - Stranka je u godišnjem finansijskom izvještaju iskazala prihode iz budžeta Općine Odžak u iznosu od 7.260,00 KM. Uvidom u akt Općine Odžak, broj: 01-02-2891/21 od 06. 12. 2021. godine, utvrđeno je da je stranka tokom 2020. godine ostvarila prihode iz budžeta ove općine u iznosu od 7.590,00 KM.
- (4) U svojim poslovnim knjigama politička stranka nije uspostavila evidenciju o dijelu nenovčanih donacija i dijelu rashoda, čime je prekršila odredbe člana 11. i člana 12. Zakona o finansiranju političkih stranaka. U poslovnim knjigama nisu evidentirane nenovčane donacije koje je politička stranka u korigiranom finansijskom izvještaju prijavila u iznosu od 32.523,44 KM. Ista je situacija i sa troškovima, odnosno u poslovnim knjigama nisu evidentirani troškovi u iznosu od 33.877,45 KM, u okviru kojih su troškovi oglašavanja političke stranke u iznosu od 32,523,44 KM.

(5) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača, koji su knjigovodstvene isprave o nastalim poslovnim događajima, dok je neke troškove stranka evidentirala na osnovi profakture, odnosno predračuna. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Stranka demokratske akcije je dio troškova izborne propagande, reprezentacije i humanitarne pomoći u vidu paketa sa prehrambenim namirnicama platila i evidentirala na osnovi dokumenata koji ne predstavljaju ispravne i vjerodostojne knjigovodstvene isprave.

- Uvidom u račune pravnih lica "MGM" d. o. o. Bugojno, broj: 20-303-000374 od 24. 11. 2020. godine, u iznosu od 2.017,65 KM i, broj: 20-303-000372 od 18. 11. 2020. godine, u iznosu od 3.504,90 KM, "Prevent Safety" d. o. o. Goražde, broj: PF-PSF-20/003877 od 27. 10. 2020. godine, u iznosu od 547,56 KM i, broj: PF-PSF-20/003677 od 14. 10. 2020. godine, u iznosu od 1.232,01 KM, "Studio Din" d. o. o. Travnik, broj: 20-3000-000408 od 04. 11. 2020. godine, u iznosu od 5.121,68 KM, Grafika "Mega Art" d. o. o. Živinice, broj: 155/20 od 11. 11. 2020. godine, u iznosu od 6.203,34 KM, "Grin" d. o. o. Gračanica, broj: 005-0029/20 od 02. 11. 2020. godine, u iznosu od 4.623,84 KM, "Face" d. o. o. Sarajevo, broj: 2020-522 od 03. 11. 2020. godine u iznosu od 12.870,00 KM i "TV1" d. o. o. Sarajevo, broj: 20-0100-000002 od 27. 10. 2020. godine u iznosu od 5.859,36 KM, utvrđeno je da spomenuti računi nije potpisao korisnik usluga. Faktura pravnog lica "Medijaagent" d. o. o. Sarajevo, broj: 037/20 od 12. 11. 2020. godine, na iznos od 39.700,00 KM ne sadrži potpis ovlaštene osobe, niti popise pružaoca i korisnika usluge.
- Račun pravnog lica Grand 99 d. o. o. Travnik, broj: 431/20 od 22. 05. 2020. godine, na iznos od 8.144,01 KM i račun pravnog lica Bingo d. o. o. Tuzla, broj: 349-10626 od 20. 05. 2020. godine, na iznos od 12.684,00 KM, kojima su političkoj stranci fakturirani prehrambeni artikli, ne sadrže potpis ni osobe koja je izdala robu niti osobe koja je robu primila.
- Troškove promotivnog materijala u iznosu od 877,50 KM stranka je evidentirala na osnovi potvrde narudžbe pravnog lica Avaz-rotopress d. o. o. Sarajevo, broj: 9873-2020 od 03. 11. 2020. godine, na iznos od 877,50 KM.
- Troškove ostalih usluga za izbore, u iznosu od 7.349,94 KM, politička stranka je evidentirana na osnovi predračuna obrtničke radnje Media MCM iz Sarajeva, broj: 02-12/2020 od 02. 12. 2020. godine, na iznos od 5.850,00 KM.

(6) Stranka u godišnjem finansijskom izvještaju je iskazala troškove takse za ovjeru učešća na Lokalnim izborima 2020. godine u iznosu od 19.300,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 15.700,00 KM, tako da su time troškovi takse iznosili 3.600,00 KM.

(7) Stranka demokratske akcije u poslovnim knjigama nije uspostavila tačne evidencije o svojim obavezama, čime je prekršila računovodstvene propise. U finansijskom izvještaju,

iako je uvidom u finansijske izvještaje Stranke demokratske akcije iz ranijeg perioda utvrđeno je da je stranka spomenutu obavezu, u istom iznosu iskazala i 2016. godine, sa datumom njenog nastanka 10. 12. 2016. godine.

- U godišnjem finansijskom izvještaju stranka je na dan 31. 12. 2020. godine iskazala svoje obaveze prema pravnom licu "Centrotrans" u iznosu od 21.800,00 KM, navodeći da je nastala 2019. godine. Međutim, uvidom u finansijske izvještaje stranke iz ranijeg perioda, utvrđeno je da je ova obaveza nastala 2016. godine.
 - Politička stranka je na dan 31. 12. 2020. godine iskazala obavezu prema pravnom licu "Bosnia – hoteli i restorani" d. o. o. Sarajevo, u iznosu od 8.792,50 KM, kao obavezu nastalu 2019. godine. Uvidom u finansijske izvještaje iz ranijeg perioda utvrđeno je da je Stranka demokratske akcije ovu obavezu prijavila u izvještaju za 2017. godine, sa datumom njenog nastanka 10. 12. 2017. godine.
 - Stranka demokratske akcije je na dan 31. 12. 2020. godine iskazala obavezu prema pravnom licu "Valicon" u iznosu od 6.435,00 KM, te navela da je nastala 10. 12. 2019. godine. Uvidom u ranije finansijske izvještaje utvrđeno je da je stranka obavezu prema ovom pravnom licu, u istom iznosu prijavila i 2018. godine, sa datumom njenog nastanka 10. 12. 2018. godine.
 - Obavezu prema Grad Mostaru politička stranka je prijavila u iznosu od 117.224,08 KM, te navela da je nastala 2020. godine. Revizijom je utvrđeno da su obaveze prema Gradu Mostaru nastale u ranijem periodu, te da je njihov iznos manji od navedenog, kao što je navedeno u prethodnom nalazu revizije.
 - Revizijom godišnjeg finansijskog izvještaja utvrđeno je da je Stranka demokratske akcije iskazala negativan saldo obaveza prema dobavljačima u iznosu od 15.172,68 KM, što nije u skladu sa računovodstvenim načelima. Navedeno potvrđuje i činjenicu da politička stranka nema potpune evidencije ni o svojim troškovima.
- (8) Bez kvalifikovanja mišljenja političkoj stranci se skreće pažnja da je izložena visokom riziku radi neizmirenih obaveza za porez i doprinose po osnovi plaća i ugovora u djelu, koje su nastale u periodu prije izvještajne godine. Obaveze političke stranke po osnovi plaća na dan 31. 12. 2020. godine iznosile su 61.216,55 KM, dok su obaveze za porez i doprinose iznosile 550.875,67 KM. Obaveze po osnovi ugovora o djelu iznosile su 10.115,00 KM, a obaveze za porez i doprinose po osnovi ovih ugovora 141.683,31 KM. Iako je stranka dio poreznih obaveza izmirila nakon 31. 12. 2020. godine, njihov iznos je i dalje visok, što može uzrokovati dodatnim troškovima kamata i troškovima prinudne naplate poreznih organa.

Troškovi izborne kampanje

Prema odredbama člana 15.10 Izbornog zakona BiH Stranka demokratske akcije je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti sredstva u iznosu od 1.284.178,20 KM, a za Lokalne izbore u Gradu Mostaru, po osnovi učešća u koaliciji, 6.051,84 KM.

Politička stranka je u korigiranom godišnjem finansijskom izvještaju za 2020. godinu, koji je podnijela Centralnoj izornoj komisiji BiH, iskazala troškove izborne kampanje u iznosu od 891.631,87 KM.

6. SRPSKA DEMOKRATSKA STRANKA (Kod 018)

Prema podacima iz godišnjeg finansijskog izvještaja Srpska demokratska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	216.703,03	16,44
2.	Prilozi fizičkih lica (3-a)	49.733,00	3,77
3.	Prilozi pravnih lica (3-b)	0,00	0,00
4.	Prihodi od imovine (3-c)	14.052,00	1,07
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	6.752,25	0,51
7.	Prihodi iz budžeta (3-f)	996.447,87	75,58
8.	Prihodi od propagande (3-g)	0,00	0,00
I	Ukupni prihodi (1-8)	1.283.638,15	97,37
II	Ostali prihodi i drugo	34.704,87	2,63
	Izvori finansiranja (I+II)	1.318.393,02	100,00

Revizijom finansijskih izvještaja za 2020. godinu utvrđeno je da je Srpska demokratska stranka prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Uvidom u finansijski plan za 2020. godinu koji je dostavila Srpska demokratska stranka, utvrđeno je da je stranka planirala rashode u ukupnom iznosu od 1.576.300,00 KM, u okviru kojih su sadržani troškovi izborne kampanje u iznosu od 500.000,00 KM i troškovi amortizacije u iznosu od 30.000,00 KM.

U godišnjem finansijskom izvještaju koji je podnijela Centralnoj izbornoj komisiji BiH stranka je iskazala ukupne rashode u iznosu od 1.246.867,68 KM.

Uvidom u strukturu ostvarenih troškova utvrđeno je da je Srpska demokratska stranka mimo finansijskog plana, odnosno programa utroška sredstava ostvarila troškove u iznosu od 63.300,15 KM.

- Stranka je planirala troškove po osnovi bruto plata u iznosu od 630.000,00 KM, a ostvarila ih je u iznosu od 646.072,96 KM. Troškove telefona i interneta planirala je u iznosu od 48.000,00 KM, a troškove skupa sa troškovima poštarine ostvarila je u iznosu od 52.485,35 KM. Troškove po osnovi poreza planirala je u iznosu od 4.000,00 KM, a ostvarila ih je u iznosu od 13.536,90 KM. Troškove električne energije, koje je planirala u iznosu od 30.000,00 KM, stranka je ostvarila u iznosu od 36.062,85 KM. Troškove neoproizvodnih usluga stranka je planirala u iznosu od 12.000,00 KM, a ostvarila ih je u iznosu od 12.854,49 KM. Troškove održavanja opreme stranka je ostvarila u iznosu od 11.155,88 KM, a planirala ih je u iznosu od 11.000,00 KM. Stranka je planirala troškove komunalnih usluga u iznosu od 4.000,00 KM, a u finansijskom izvještaju je iskazala ostvarene troškove u iznosu od 5.222,44 KM i to kao troškove komunalnih usluga u iznosu od 3.140,42 KM i troškove vode u iznosu od 2.082,02 KM.

- Stranka je ostvarila troškove naknada za topli obrok, prevoz i regres u iznosu od 3.456,00 KM, troškove ugovora o djelu u iznosu od 7.840,39 KM, troškove reklame i propagande u iznosu od 5.697,25 KM, troškove usluga u iznosu od 3.502,81 KM, troškove kamata u iznosu od 1.405,58 KM, troškove prevoza u iznosu od 877,50 KM, troškove sitnog inventara u iznosu od 109,45 KM, humanitarne rashode u iznosu od 200,00 KM, troškove održavanja opreme u iznosu od 155,88 KM, troškove oglašavanja u dnevnim novinama u iznosu od 234,00 KM, članarine u iznosu od 30,00 KM i ostale rashode i rashode iz prethodnih godina u iznosu od 1.558,76 KM koje nije predvidjela svojim finansijskim planom za 2020. godinu.

S obzirom na to da je politička stranka ostvarila troškove u većem iznosu od planiranih, kao i troškove koje nije predvidjela planom utroška, prekršila je odredbe člana 4. stav (1) Zakona o finansiranju političkih stranaka.

- b) Srpska demokratska stranka nije u poslovnim knjigama i godišnjem finansijskom izvještaju uspostavila evidencije o nenovčanim donacijama koje je ostvarila oglašavanjem njenih kandidata na društvenim mrežama prije službenog početka izborne kampanje, donacijama koje je ostvarila postavljanjem bilborda bez plaćanja prostora za oglašavanje i donaciji koju je ostvarila korištenjem bez naknade poslovnog prostora u Srebrenici. Navedene donacije politička stranka, osim što nije evidentirala u poslovnim knjigama, nije ih prijavila u godišnjem i postizbornom finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

- (1) Na osnovi odluka Centralne izborne komisije BiH kojima je Srpska demokratska stranka sankcionirana radi vođenja plaćene izborne kampanje prije službenog početka izborne kampanje, utvrđeno je da se stranka oglašavala na društvenoj mreži "Facebook". Revizijom finansijskog izvještaja i finansijske dokumentacije utvrđeno je da politička stranka nije platila to oglašavanje, čime je ostvarila nenovčane donacije, koje je bila obavezna evidentirati u poslovnim knjigama i prijaviti u godišnjem finansijskom izvještaju, u skladu sa odredbama člana 5. stav (4) Zakona o finansiranju političkih stranaka.

- Uvidom u Odluku Centralne izborne komisije BiH, broj: 05-1-07-5-992/20 od 29. 09. 2020. godine, o sankcioniranju političke stranke radi vođenja izborne kampanje prije službenog početka izborne kampanje utvrđena je sponzorirana objava političkog kandidata Dejana Kojića putem društvene mreže Facebook.
- Uvidom u Odluku Centralne izborne komisije BiH, broj: 05-1-07-5-1126/20 od 03. 11. 2020. godine, utvrđeno je da je kandidat političke stranke Milan Miličević putem društvene mreže Facebook prije službenog početka izborne kampanje vodio plaćenu izbornu kampanju.
- Uvidom u Odluku Centralne izborne komisije BiH, broj: 05-1-07-5-1119/20 od 03. 11. 2020. godine, utvrđeno je da je kandidat stranke Ljubiša Petrović na svom facebook-profilu vodio plaćenu izbornu kampanju prije službenog početka izborne kampanje.
- Uvidom u Odluku Centralne izborne komisije BiH, broj: 05-1-07-5-1137/20 od 05. 11. 2020. godine, utvrđeno je da je kandidatkinja Mirjana Orašanin vodila plaćenu izbornu kampanju prije službenog početka izborne kampanje.

- (2) Politička stranka je prije zvaničnog početka izborne kampanje na nekoliko lokacija postavila stranačke bilborde, radi čega ju je sankcionirala Centralna izborna komisija BiH.

Uvidom u Odluku Centralne izborne komisije BiH, broj: 05-1-07-5-1028/20 od 14. 10. 2020. godine o sankcioniranju Srpske demokratske stranke, utvrđeno je da se stranka oglašavala na način da je na nekoliko lokacija u Palama postavila stranačke bilborde sa natpisom "Mi smo SDS već 30 godina".

S obzirom na to da nije poznat identitet donatora koji je osigurao prostor za postavljanje promotivnih bilborda, Srpska demokratska stranka je ostvarila nenovčane donacije anonimnih donatora koje su, u skladu sa odredbama člana 8. stav (1) tačka e) Zakona o finansiranju političkih stranaka, zabranjene političkim strankama.

Iznos donacija nije moguće utvrditi iz razloga što nisu evidentirane u poslovnim knjigama, niti su prijavljene u godišnjem finansijskom izvještaju, a politička stranka u vezi sa njima nije dostavila bilo kakvu dokumentaciju.

- (3) Srpska demokratska stranka je u svom očitovanju na nalaze revizije iz preliminarnog revizijskog izvještaja navela da je njen organizacioni dio u Srebrenici koristio poslovni prostor bez naknade, na osnovi odluke nadležnog organa, kao i druge političke stranke koje su zastupljene u Skupštini Općine Srebrenica. U skladu sa odredbama iz člana 5. stav (4) Zakona o finansiranju političkih stranaka, stranaka je imala obavezu da u poslovnim knjigama uspostavi evidenciju o navedenoj donaciji i prijavi je u finansijskom izvještaju.
- c) Srpska demokratska stranka je primila novčani prilog od anonimnog donatora, čime je prekršila odredbe člana 8. stav (1) tačka e) Zakona o finansiranju političkih stranaka. Za 12 donatora prijavljenih u finansijskom izvještaju nije potvrđeno da su stvarni donatori političke stranke.
- (1) Na potvrdama o primljenim priložima od 19 fizičkih lica politička stranka nije navela broj ličnog dokumenta/identifikacioni broj, odnosno navela je registarski broj članske karte, što je revizore onemogućilo da utvrde identitet donatora. Na osnovi navedenog Centralna izborna komisija BiH se, u skladu sa članom 14. stav (1) Zakona o finansiranju političkih stranaka, obratila donatorima stranke sa zahtjevom da odgovore da li su 2020. godine dali novčanu prilogu Srpskoj demokratskoj stranci, te navedu iznos priloga i datum uplate sredstava.
 - Na zahtjev Centralne izborne komisije BiH odgovorilo je osam donatora Srpske demokratske stranke i potvrdili su da su dali donacije u ukupnom iznosu od 21.407,00 KM. Međutim, uvidom u odgovore dva lica koja su potvrdila da su stranci dala donacije u iznosima po 1.500,00 KM utvrđeno je da su odgovori identični, iako su ta lica prijavljena na različitim adresama. Također, pošiljke su istovremeno predate pošti za dostavu Centralnoj izbornoj komisiji BiH. Poštanske koverte, u kojima su dostavljeni odgovori, popunjene su istim rukopisom.
 - Šest lica čije donacije je stranka prijavila u iznosu od 9.222,00 KM nije odgovorilo na zahtjev Centralne izborne komisije BiH, iako su im pošiljke uredno uručene.
 - Pet lica čije je donacije stranka prijavila u ukupnom iznosu od 7.524,00 KM nije primilo zahtjev Centralne izborne komisije BiH. Pošta je četiri pošiljke vratila sa naznakom da je primatelj nepozat na navedenoj adresi, a jednu pošiljku je vratila sa naznakom da je primatelj odselio.

- (2) Srpska demokratska stranka je uz svoje očitovanje na nalaze revizije iz preliminarnog revizijskog izvještaja dostavila podatke o licima koja je u izvještaju prijavila kao donatore, a na čijim potvdama o primljenim donacijama je navela registarski broj članske karte.

Revizijom je utvrđeno da je politička stranka prijavila prilog u iznosu od 540,00 KM od lica čiji identitet nije poznat. Kod navedenog priloga je utvrđeno da podaci koje je dostavila politička stranka ne pripadaju licu koje je u finansijskom izvještaju prijavljeno kao donator. Također, zahtjev Centralne izborne komisije BiH upućen istom licu, da odgovori da li je dalo prilog političkij stranci, vraćen je sa naznakom pošte da je primatelj nepoznat.

Navedeno potvrđuje činjenicu da je Srpska demokratska stranka donaciju u iznosu od 540,00 KM ostvarila od anonimnog donatora, što je suprotno odredbama člana 8. stav (1) tačka e) Zakona o finansiranju političkih stranaka.

- (3) S obzirom na to da šest lica kojima je uručen zahtjev da odgovore da li su političkoj stranci dali donacije nisu odgovorili, da su četiri lica nepoznata na prijavljenim adresama, kao i da je dostavljen identičan odgovor za dva donatora, Služba za reviziju za donacije u iznosu od 17.086,00 KM ne može potvrditi da su u izvještaju prijavljeni stvarni donatori Srpske demokratske stranke. Imena uplatilaca donacija navedena na izvodima sa transakcijskih računa stranke, a imajući u vidu prethodno navedeno, ne mogu se smatrati dovoljnim dokazom za potvrđivanje identiteta donatora.

- d) Revizijom godišnjeg finansijskog izvještaja i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora utvrđeno je da Srpska demokratska stranka nije uspostavila potpune i tačne evidencije o prihodima, rashodima i obavezama, godišnji finansijski izvještaj nije popunila na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1), (3) i (4) Zakona o finansiranju političkih stranaka. Stranka nije uspostavila potpune evidencija o troškovima izborne kampanje, čime je prekršila odredbe člana 15.1 stav (1) Izbornog zakona Bosne i Hercegovine.

- (1) Politička stranka nije uspostavila evidencije niti je u finansijskom izvještaju prijavila nenovčane donacije koje je ostvarila oglašavanjem njenih kandidata putem društvenih mreža i postavljanjem stranačkih bilborda bez plaćanja naknade, kao što je navedeno u nalazu pod b).

- (2) U skladu sa odredbama iz člana 6. Pravilnika o godišnjim finansijskim izvještajima političkih stranaka, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

Na izdatim potvdama o primljenim novčanim priložima od sedam donatora koji su stranci uplatili donacije u ukupnom iznosu od 11.530,00 KM, stranka je navela broj iz njihovog ličnog dokumenta, dok je na potvdama o primljenim priložima od 19 donatora, u iznosu od 38.153,00 KM, navela registarski broj članske karte, što nije u skladu sa odredbama člana 6. Pravilnika.

Registarski broj članske karte, u skladu sa važećim propisima, ne može se smatrati ličnim dokumentom donatora.

- (3) Pregledom finansijske dokumentacije utvrđeno je da Srpska demokratska stranka u poslovnim knjigama nije uspostavila tačne evidencije o rashodima stranke, te ih nije pravilno iskazala ni u finansijskom izvještaju, čime je pored računovodstvenih propisa i člana 12. stav (1) i (4) Zakona o finansiranju prekršila i odredbe člana 21, 22. i 23. Pravilnika.
- Stranka u poslovnim knjigama i finansijskom izvještaju nije iskazala troškove zakupa poslovnog prostora, koji je koristio njen organizacioni dio u Srebrenici.
 - Kod organizacionih dijelova u Trnovu i Bosanskom Grahovu, koji su koristili općinske poslovne prostore, politička stranka nije iskazala troškove električne energije. Također, politička stranka nije iskazala troškove električne energije kod svoja dva organizaciona dijela: organizacionog dijela u Vukosavlju, koji je koristio poslovni prostor JP Preduzeća za poštanski saobraćaj a.d. Banja Luka i organizacionog dijela u Srpcu koji je koristio poslovni prostor javne ustanove Dječiji vrtić "Naša Radost" Srbac.
 - Kod 12 organizacionih dijelova politička stranka je u poslovnim knjigama i finansijskom izvještaju iskazala troškove zakupnine, koji se razlikuju od ugovorenih zakupnina, prema ugovorima o zakupu koje je dostavila politička stranka.
Kod gradskog odbora stranke u Bijeljini ugovorena je zakupnina u iznosu od 9.000,00 KM, a u finansijskom izvještaju je prijavljena u iznosu od 9.760,00 KM.
Kod Gradskog odbora u Trebinju ugovorena je zakupnina u iznosu od 4.800,00 KM, a u izvještaju je iskazana u iznosu od 4.0000,00 KM.
Za općinski odbor u Kalinoviku ugovorena je zakupnina u iznosu od 1.200,00 KM, a u izvještaju iskazana u iznosu od 2.400,00 KM.
Zakupnina za općinski odbor stranke u Ugljeviku u iznosu od 4.500,00 u finansijskom izvještaju je iskazana u iznosu od 5.400,00 KM.
Prema podacima iz ugovora o zakupu zakupnina za općinski odbor stranke u Istočnom Novom Sarajevu ugovorena je u iznosu od 1.800,00 KM, a u finansijskom izvještaju je prijavljena u iznosu od 2.700,00 KM.
Zakupnina za poslovni prostor koji koriste Sekretarijat i Gradski odbor stranke u Banjoj Luci ugovorena je u iznosu od 42.000,00 KM, a u finansijskom izvještaju ovaj trošak je prijavljen u iznosu od 43.200,00 KM.
Pored navedenog zakupnina je prijavljena u većem iznosu od ugovorene kod općinskih odbora stranke: u Bileći za 204,00 KM, Gacku za 337,50 KM, Rudom za 300,00 KM i Petrovu 102,00 KM.
Istovremeno je zakupnina prijavljena u manjem iznosu u odnosu na ugovorenu kod opštinskog odbora u Pelagićevo za 300,00 KM i odbora u Trnovu za 440,00 KM.
- (4) Politička stranka je troškove ugovora o djelu, u iznosu od 1.298,28 KM, iskazala sa negativnim saldom, što je nesvojstveno praksi i neprimjereno računovodstvenim načelima.
- (5) Srpska demokratska stranka nije uspostavila potpune evidencije o troškovima izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.
- Politička stranka nije prijavila troškove izborne kampanje koji su nastali oglašavanjem njenih kandidata na društvenim mrežama i bilbordima prije službenog početka izborne kampanje, kao što je navedeno u nalazu pod b).
- (6) Politička stranka u finansijskom izvještaju nije prijavila obaveze u skladu sa odredbama člana 24. Pravilnika.

- Stranka je na dan 31. 12. 2020. godine u finansijskom izvještaju iskazala negativan saldo obaveza u iznosu od 2.124,09 KM, što nije u skladu sa računovodstvenim načelima. Ukoliko je obaveza plaćena u većem iznosu od stvarne obaveze, u pitanju je potraživanje političke stranke.
 - Politička stranka je u svom finansijskom izvještaju prijavila obaveze prema dobavljačima u iznosu od 7.084,48 KM koje su nastale 2014. godine i obaveze u iznosu od 4.153,50 KM, koje su nastale 2016. godine, što ukupno iznosi 11.237,98 KM. Na zahtjev Centralne izborne komisije BiH da dostavi potvrde obaveza dobavljača, stranka je dostavila kopije vraćenih poštanskih koverti kao dokaz da se pravna lica ne nalaze na adresi, te da ih je nemoguće pronaći kako bi sa dobavljačima usaglasila svoje obaveze, odnosno njihova potraživanja.
- (7) Revizijom koja je rađena na bazi uzorka utvrđeni su nedostaci kod dijela računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.
- Računi na osnovi kojih je politička stranka evidentirala i platila dio troškova Izborne kampanje ne predstavljaju ispravne i vjerodostojne knjigovodstvene isprave.
- Na računu kojim je samostalni poduzetnik Usluge Artwork Zoran Đurić s.p. Banja Luka, broj: 9/20 od 11. 11. 2020. godine, Srpskoj demokratskoj stranci fakturirao iznos od 20.000,00 KM za snimanje spotova za predizbornu kampanju, izradu originalne autorske pjesme za političku stranku i izradu radijskih džinglova, nije naveden broj spotova i džinglova, niti cijena njihovog snimanja. U ugovoru koji je politička stranka zaključila sa navedenim poduzetnikom, navedeno je da će se realizirati šest videospotova, da će se napraviti originalna autorska pjesma za političku stranku i da će se napraviti minimalno 10, a maksimalno 20 radijskih džinglova Lokalne izbore 2020. godine. S obzirom na nedostake kod računa nije moguće utvrditi obim i količinu usluga koje su pružene političkoj stranci.
 - Račun koji je Srpskoj demokratskoj stranci ispostavilo pravno lice Compex d. o. o. Banja Luka, broj: KM1586/20 od 30. 10. 2020. godine, na iznos od 33.010,38 KM nije potpisan korisnik, odnosno Srpska demokratska stranka, niti je na drugi način potvrđena isporuka ugovorenog promotivnog materijala političkoj stranci.
 - Račun pravnog lica Nova oprema d. o. o. Banja Luka, broj: U649/20 od 16. 10. 2020. godine na iznos od 7.897,50 KM nije potpisao korisnik usluge, niti je na drugi način politička stranka potvrdila da je usluga izvršena.

Troškovi izborne kampanje

Prema odredbama člana 15.10 Izbornog zakona BiH Srpska demokratska stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 626.418,39 KM.

Srpska demokratska stranka je u postizbornom i godišnjem finansijskom izvještaju za 2020. godinu iskazala troškove izborne kampanje u iznosu od 210.031,05 KM.

7. DEMOKRATSKI NARODNI SAVEZ (Kod 461)

Prema podacima iz korigiranog godišnjeg finansijskog izvještaja Demokratski narodni savez se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	17.885,20	2,12
2.	Prilozi fizičkih lica (3-a)	27.000,00	3,20
3.	Prilozi pravnih lica (3-b)	10.000,00	1,19
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.800,00	0,22
7.	Prihodi iz budžeta (3-f)	779.844,44	92,47
8.	Prihodi od propagande (3-g)	0,00	0,00
I	Ukupni prihodi (1-8)	836.529,64	99,20
II	Ostali prihodi i drugo	6.760,00	0,80
	Izvori finansiranja (I+II)	843.289,64	100,00

Revizijom finansijskih izvještaja za 2020. godinu utvrđeno je da je Demokratski narodni savez prekršio odredbe člana 4. stav (1), člana 5. stav (4), člana 8. stav (1) i stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Demokratski narodni savez je u Planu utroška finansijskih sredstava za 2020. godinu, koji je dostavio Centralnoj izbornoj komisiji Bosne i Hercegovine, planirao ukupne troškove u iznosu od 1.390.000,00 KM.

Demokratski narodni savez je u korigiranom godišnjem finansijskom izvještaju za 2020. godinu iskazao ukupne troškove u iznosu od 1.057.495,67 KM.

- (1) Analizom dostavljenog Plana utroška finansijskih sredstava za 2020. godinu, utvrđeno je da stranka nije sačinila plan utroška sredstava po vrstama troškova, odnosno na način kojim bi se osigurala potpuna transparentnost planiranog trošenja sredstava, kao i njegova uporedba sa ostvarenim troškovima. Stranka je u svom programu utroška sredstava zajedno planirala troškove propagande i reprezentacije, na osnovi čega nije bilo moguće izvršiti uporedbu sa ostvarenim troškovima.

Pored navedenog potrebno je istaći i to da je stranka u Planu utroška sredstava za 2020. godinu planirala Ostatak–prenos sredstava u narednu godinu u iznosu od 70.000,00 KM. Navedena sredstva ne mogu biti obuhvaćena Planom utroška sredstava za 2020. godinu, jer prenos sredstava ne predstavlja trošak stranke.

Revizijom finansijskih izvještaja utvrđeno je sljedeće:

- U Planu utroška finansijskih sredstava nisu planirani sljedeći troškovi: troškovi po osnovi zakupa automobila u iznosu od 13.335,16 KM, troškovi zaključenja ugovora o operativnom lizingu u iznosu od 745,01 KM i troškovi provjere korisnika i predmeta lizinga u iznosu od 11,70 KM, troškovi stručnih publikacija, časopisa i dnevnih novina u iznosu od 7.337,33 KM, troškovi knjigovodstvenih usluga u iznosu od 17.550,00 KM, troškovi poreza i drugih obaveza u iznosu od 7.937,70 KM, troškovi neproizvodnih usluga u iznosu od 7.568,00

KM, troškovi usluga u iznosu od 15.396,38 KM, troškovi premije osiguranja u iznosu od 4.240,65 KM, troškovi vode u iznosu od 2.041,70 KM, troškovi komunalnih usluga u iznosu od 2.495,59 KM, troškovi grijanja u iznosu od 2.841,21 KM, troškovi ostalog materijala u iznosu od 5.255,00 KM, troškovi održavanja opreme u iznosu od 8.589,82 KM, troškovi dnevnica u iznosu od 2.876,50 KM, troškovi ostalih zakupnina u iznosu od 10.493,37 KM koji se odnose na zakup sala i opreme, troškovi taksi, novčanih kazni i sl. u iznosu od 5.600,00 KM i troškovi prevoza u iznosu od 1.330,20 KM, što ukupno iznosi 115.645,32 KM.

- Stranka je Planom utroška finansijskih sredstava za 2020. godinu planirala troškove zakupnina poslovnih prostorija u iznosu od 150.000,00 KM, dok je u godišnjem finansijskom izvještaju iskazala troškove zakupnina poslovnih prostorija u iznosu od 165.930,90 KM, što je za 15.930,90 KM više od planiranog iznosa.
- Demokratski narodni savez je u godišnjem finansijskom izvještaju iskazao humanitarne rashode u iznosu od 40.231,67 KM, što za 20.231,67 KM više u odnosu na planirana sredstva.

Na osnovi navedenog utvrđeno je da je stranka sredstva u iznosu od 151.807,89 KM utrošila mimo svog plana rashoda za 2020. godinu, čime je prekršila je odredbe člana 4. stav (1) Zakona o finansiranju političkih stranaka.

- (2) Uvidom u račune dobavljača "Genelec" d. o. o. Tuzla, broj: 00018/20/79 od 07. 09. 2020. godine i broj: 00018/20/144 od 09. 12. 2020. godine, u ukupnom iznosu od 1.298,00 KM, utvrđeno je da je stranka izvršila nabavku dva (2) mobilna telefona. Također je utvrđeno da račune nisu potpisala lica koja su u ime stranke preuzela mobilne telefone od dobavljača, niti su ovjereni za knjiženje i plaćanje. Isto tako, a na osnovi dostupne dokumentacije, nije utvrđeno ko je korisnik mobilnih telefona.

Stranka je suprotno računovodstvenim propisima, nabavku mobilnih telefona proknjižila direktno na konto troškova materijala, čime je izbjegla vođenje evidencije o materijalnim sredstvima stranke.

Na osnovi navedenog nije moguće utvrditi u koju svrhu su utrošena finansijska sredstva stranke.

- b) Revizijom godišnjeg finansijskog izvještaja političke stranke utvrđeno je da je stranka primila nenovčane donacije po osnovi vođenja plaćene izborne kampanje na društvenoj mreži, postavljanjem bilborda i besplatnog političkog oglašavanja, te ih nije evidentirala u poslovnim knjigama i nije iskazala u godišnjem finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

- (1) Uvidom u Odluku Centralne izborne komisije Bosne i Hercegovine, broj: 05-1-07-5-1083/20 od 29. 10. 2020. godine, utvrđeno je da je OO Demokratskog narodnog saveza Teslić, u ime imenovane stranke putem društvene mreže "Facebook" vodio plaćenu izbornu kampanju, prije službenog početka izborne kampanje.

- (2) Pregledom godišnjeg finansijskog izvještaja utvrđeno je da politička stranka nije uspostavila evidencije, niti je u godišnjem finansijskom izvještaju prijavila donacije koje je ostvarila na način da je na nekoliko lokacija postavila svoje stranačke bilborde sa natpisom "Slavimo 20 godina postojanja – Budućnost pripada mladima". Uvidom u odluku Centralne izborne komisije BiH, broj: 05-1-07-5-1060/20 od 28. 10. 2020. godine, o sankcioniranju Demokratskog narodnog saveza, utvrđeno je da je stranka imala plaćeno političko oglašavanje prije službenog početka izborne kampanje, na način da je na nekoliko lokacija

postavila svoje stranačke bilborde sa natpisom “Slavimo 20 godina postojanja – Budućnost pripada mladima“.

S obzirom na to da nije poznat identitet lica koja su platila troškove oglašavanja OO Demokratskog narodnog saveza Teslić putem društvene mreže “Facebook“ i postavljanje stranačkih bilborda sa natpisom “Slavimo 20 godina postojanja – Budućnost pripada mladima“, Demokratski narodni savez je ostvario donacije anonimnih donatora koje su, u skladu sa odredbama člana 8. stav (1) tačka e) Zakona o finansiranju političkih stranaka, zabranjene političkim strankama.

Iznos donacija nije moguće utvrditi iz razloga što nisu evidentirane u poslovnim knjigama, niti su prijavljene u godišnjem finansijskom izvještaju, a politička stranka u vezi sa njima nije dostavila bilo kakvu dokumentaciju.

- (3) Alternativna televizija d. o. o. Banja Luka je putem e-maila dostavila sedmične izvještaje o medijskom predstavljanju Demokratskog narodnog saveza. Prema ovim izvještajima, Demokratski narodni savez je, u periodu izborne kampanje, pored plaćenog političkog oglašavanja putem Alternativne televizije koristio i ostale vidove besplatnog predstavljanja ove političke stranke. Alternativna televizija je u svojim izvještajima navela minute plaćenog političkog oglašavanja, kao i minute ostalih vidova besplatnog predstavljanja ove političke stranke. Prema ovim izvještajima u ukupnom vremenu oglašavanja političke stranke plaćeno oglašavanje učestvuje u procentu od 63,31%, dok je učešće neplaćenog oglašavanja iznosilo 36,69%. Uvidom u račun broj: FAPP-20-00014 od 10. 11. 2020. godine utvrđeno je da je Alternativna televizija Demokratskom narodnom savezu fakturirala usluge medijskog predstavljanja u iznosu od 3.510,00 KM. U skladu sa navedenim, oglašavanje putem Alternativne televizije d. o. o. Banja Luka koje stranka nije imala obavezu platiti iznosilo bi 1.287,82 KM, što predstavlja donaciju političkoj stranci u navedenom iznosu.

Alternativna televizija d. o. o. Banja Luka je u 2020. godini imala sklopljen ugovor sa Gradom Dobojem o javnoj nabavci usluga medijskog praćenja gradonačelnika, predstavnika Gradske uprave Doboj i promocije lokalne zajednice, u iznosu od 117.000,00 KM, pa je Demokratskom narodnom savezu donacija Alternativne televizije, koja je procijenjena na iznos od 1.287,82 KM, u skladu sa odredbama člana 8. stav (4) Zakona o finansiranju političkih stranaka, zabranjena.

Politička stranka je, u skladu sa odredbama člana 5. stav (4) Zakona o finansiranju političkih stranaka, bila obavezna uspostaviti evidencije o navedenim donacijama i prijaviti ih u finansijskom izvještaju koji je podnijela Centralnoj izbornoj komisiji BiH.

- c) Revizijom godišnjeg finansijskog izvještaja i dodatne dokumentacije utvrđeno je da Demokratski narodni savez nije vodio poslovne knjige u skladu sa računovodstvenim propisima, nije vodio potpune i tačne evidencije o imovini, prihodima, rashodima i obavezama i nije popunio obrasce godišnjeg finansijskog izvještaja u skladu sa Pravilnikom, čime je prekršio računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka. Također politička stranka nije u postizbornom finansijskom izvještaju – Lokalni izbori 2020. godine uspostavila evidencije o dijelu troškova izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

(1) Demokratski narodni savez nije uspostavio potpune i tačne evidencije o prihodima stranke, te ih nije pravilno iskazao u godišnjem finansijskom izvještaju.

- Stranka u obrascima 3-e (nenovčane donacije i računi koje stranka nije imala obavezu platiti) nije iskazala nenovčane donacije po osnovi vođenja plaćene izborne kampanje na društvenoj mreži "Facebook", postavljanjem stranačkih bilborda na više lokacija i besplatnog političkog oglašavanja putem Alternativne televizije, čime je prekršila odredbe člana 13. i 18. Pravilnika.
- Demokratski narodni savez nije u godišnjem finansijskom izvještaju pravilno iskazao prihode iz budžeta, čime je prekršio odredbe člana 13. i 19. Pravilnika.

Kontrolom prometa izvoda sa transakcijskog računa stranke broj: 5620990000110783 kod NLB Razvojne banke Banja Luka, utvrđeno je da su prihodi iz budžeta Općine Istočno Novo Sarajevo iznosili 5.000,00 KM, a prihodi iz budžeta Grada Istočno Sarajevo 6.760,00 KM.

U korigiranom godišnjem finansijskom izvještaju, stranka je prihode iz budžeta Grada Istočno Sarajevo u iznosu od 6.760,00 KM iskazala u obrascu 3 kao ostale prihode OO DNS Istočni Stari Grad.

(2) Demokratski narodni savez je u korigiranom godišnjem finansijskom izvještaju iskazao troškove u iznosu od 1.057.495,67 KM, dok je u Bilansu uspjeha evidentirao troškove u iznosu od 1.055.878,00 KM, što je za 1.617,67 KM više od evidentiranog iznosa.

U obrascima rashoda 4. (rashodi političke stranke), 4.1 (režijsko-administrativni i ostali troškovi) i 4.2 (troškovi propagande) godišnjeg finansijskog izvještaja stranka nije iskazala sve troškove, čime je prekršila odredbe člana 21., 22. i 23. Pravilnika.

- Demokratski narodni savez je po osnovi Ugovora o operativnom lizingu, u poslovnim knjigama, priznao imovinu – motorno vozilo i obaveze prema dobavljaču u iznosu od 128.774,42 KM, a u godišnjem finansijskom izvještaju iskazao troškove po osnovi amortizacije vozila u iznosu od 6.653,42 KM.

Uvidom u dostavljeni ugovor utvrđeno je da je pravno lice "Porsche Leasing" d. o. o. Sarajevo ustupilo na korištenje Demokratskom narodnom savezu vozilo na period od 48 mjeseci za koje vrijeme je stranka dužna plaćati ugovorenu mjesečnu naknadu. U skladu sa tim stranka je u poslovnim knjigama trebala evidentirati i u godišnjem finansijskom izvještaju iskazati troškove po osnovi zakupa vozila u 2020. godini u iznosu od 13.335,16 KM, troškove zaključenja ugovora u iznosu od 745,01 KM i troškove provjere korisnika i predmeta lizinga u iznosu od 11,70 KM, što nije učinila i time prekršila odredbe člana 21. i 22. Pravilnika.

- Stranka je nabavku mobilnih telefona po računima, broj: 00018/20/79 od 07. 09. 2020. godine i broj: 00018/20/144 od 09. 12. 2020. godine, dobavljača "Genelec" d. o. o. Tuzla u ukupnom iznosu od 1.298,00 KM iskazala kao trošak kancelarijskog materijala.
- Demokratski narodni savez je u poslovnim knjigama i godišnjem finansijskom izvještaju za 2020. godinu troškove ugovora o djelu iskazao kao troškove bruto zarada.
- Stranka u godišnjem finansijskom izvještaju nije iskazala troškove po osnovi objava na društvenoj mreži "Facebook", postavljanja stranačkih bilborda na više lokacija i besplatnog političkog oglašavanja putem Alternativne televizije, čime je prekršila odredbe člana 21. i 23. Pravilnika.

- (3) Računi na osnovi kojih je Demokratski narodni savez evidentirao svoje troškove ne predstavljaju ispravne i vjerodostojne knjigovodstvene isprave. Također, utvrđeno je da računi nisu ovjereni za knjiženje i plaćanje.

U skladu sa računovodstvenim propisima knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

- Na računu broj: 420/12/20 od 28. 12. 2020. godine u iznosu od 1.000,35 KM dobavljača "Reklame Darko" Trn-Laktaši, iskazano je štampanje bilborda, dimenzije 4x3 metra, u količini 34,2 komada i cijeni od 25,00 KM, što ukazuje da račun nije ispravan (dobavljač fakturirao 34 cijela komada i 1/5 komada).
 - Pregledom dokumentacije koja je prikupljena u toku revizije utvrđeno je da je Demokratski narodni savez u poslovnim knjigama i godišnjem finansijskom izvještaju iskazao troškove reprezentacije na osnovi računa dobavljača "ABN Komerc" d. o. o. – Hotel "Damis" Pale, broj: 45/20 od 11. 03. 2020. godine u iznosu od 6.430,00 KM, Hotel Prijedor, broj: MFK-00033-FIS1-20 od 31. 03. 2020. godine, u iznosu od 4.833,00 KM, dobavljača UR "PAPAJOE" Prijedor, broj: 101848 od 10. 07. 2020. godine, u iznosu od 256,50 KM i Hotel "Bosna" d. o. o. Banja Luka, račun broj: 2020-M100-53-000381 od 15. 02. 2020. godine u iznosu od 7.535,70 KM. Na spomenutim računima je umjesto specifikacija koje bi sadržavale naziv i vrstu hrane i pića, količinu i jediničnu cijenu, navedeno samo konzumacija hrane i pića, odnosno konzumacija.
 - Uvidom u račune dobavljača "German invest" d. o. o. – Hotel "Central Park" Trebinje, broj: 2020-000057 od 31. 05. 2020. godine u iznosu od 999,50 KM i dobavljača Restoran "Kula" Istočno Sarajevo, broj: 082/-148 od 09. 09. 2020. godine u iznosu od 150,00 KM utvrđeno je da na nisu navedeni podaci o licima koja su koristila smještaj, niti su ovjereni za knjiženje.
 - Računi "Master Event" d. o. o. Banja Luka, broj: 15/20 u iznosu od 5.000,00 KM i broj: 16/20 u iznosu od 2.500,00 KM ne sadrže datum izdavanja, kao ni datum izvršenja usluge.
 - Uvidom u račune pravnih lica: "Omega print" d. o. o. Čelinac, broj: 69-10/20 od 26. 10. 2020. godine, u iznosu od 3.220,00 KM, "MM print" d. o. o. Banja Luka, broj: 02/10/20 od 12. 10. 2020. godine, u iznosu od 6.438,00 KM, "Master Event" d. o. o. Banja Luka, broj: 15/20, u iznosu od 5.000,00 KM i, broj: 16/20, u iznosu od 2.500,00 KM, "Euro blic" d. o. o. Banja Luka, broj: 76-130/20 od 30. 07. 2020. godine, u iznosu od 11.700,00 KM, "GrafoBalkan" d. o. o. Banja Luka, broj: 02236 od 03. 11. 2020. godine, u iznosu od 3.108,11 KM, "Vučijak" Z.T.R, broj: PR3-222/20 od 07. 03. 2020. godine, u iznosu od 990,51 KM, "Hotel Bosna" a.d. Banja Luka, broj: 2020-M100-53-000381 od 15. 02. 2020. godine, u iznosu od 7.535,70 KM, "Skulptor" d. o. o. Banja Luka, broj: 47/20 od 15. 06. 2020. godine, u iznosu od 530,88 KM i "Grafid" d. o. o. Banja Luka, broj: 1-211/2020 od 21. 07. 2020. godine, u iznosu od 795,60 KM, utvrđeno je da spomenuti računi nije potpisao korisnik usluga, niti je potvrđen prijem robe ili izvršenje usluge.
- (4) Politička stranka nije u postizbornom finansijskom izvještaju iskazala nenovčane donacije po osnovi vođenja plaćene izborne kampanje na društvenoj mreži "Facebook", postavljanjem stranačkih bilborda, niti je prijavila troškove kampanje po istom osnovu, čime je postupila suprotno odredbama člana 12. stav (1) i stav (3) Zakona o finansiranju političkih stranaka, odredbama člana 15. stav (1) Izbornog zakona Bosne i Hercegovine i

odredbama Pravilnika o predizbornim i postizbornim finansijskim izvještajima političkih stranaka ("Službeni glasnik BiH", br. 10/18).

Također, Demokratski narodni savez nije u postizbornom finansijskom izvještaju iskazao nenovčanu donaciju po osnovi besplatnog političkog oglašavanja na Alternativnoj televiziji u procijenjenom iznosu od 1.287,82 KM, niti je prijavio troškove kampanje po osnovi besplatnog političkog oglašavanja.

- (5) Stranka u poslovnim knjigama nije uspostavila tačne evidencije o svojim obavezama i nije tačno iskazala sve svoje obaveze u obrascu 5 (obaveze političke partije) finansijskog izvještaja, čime je prekršila odredbe člana 24. Pravilnika.

Uvidom u ugovore o zakupu poslovnih prostora u 2020. godini, te evidencije o ostvarenim i plaćenim troškovima zakupnine, utvrđeno je da politička stranka nije iskazala u poslovnim knjigama i godišnjem finansijskom izvještaju obaveze prema fizičkom licu Gordani Sladoje iz Kalinovika u iznosu od 200,00 KM i prema suvlasnicima poslovnog prostora, pravnom licu "Keso promet" d. o. o. Zvornik i fizičkom licu Dušanu Stefanoviću iz Zvornika u iznosu od 2.518,45 KM.

- d) Bez kvalifikovanja mišljenja, skrećemo pažnju na troškove zakupa putničkog vozila. Uvidom u poslovne knjige i Ugovor o operativnom lizingu utvrđeno je da je Demokratskom narodnom savezu, na period od 48 mjeseci, ustupljeno na korištenje putničko vozilo, čija je vrijednost 149.000,00 KM. Uvidom u navedeni Ugovor utvrđeno je da je davalac lizinga, "Porsche Leasing" d. o. o. Sarajevo, isključivi vlasnik putničkog vozila za vrijeme trajanja, kao i nakon isteka Ugovora, te da mjesečni trošak korištenja putničkog vozila iznosi 2.667,03 KM.

Troškovi izborne kampanje

Prema odredbama člana 15.10 Izbornog zakona BiH Demokratski narodni savez je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 507.391,77 KM.

Demokratski narodni savez je u korigiranom godišnjem finansijskom izvještaju za 2020. godinu iskazao troškove izborne kampanje u iznosu 361.855,19 KM.

8. HRVATSKA DEMOKRATSKA ZAJEDNICA BIH (Kod 027)

Prema podacima iz godišnjeg finansijskog izvještaja Hrvatska demokratska zajednica Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	110.407,19	5,66
2.	Prilozi fizičkih lica (3-a)	98.691,92	5,06
3.	Prilozi pravnih lica (3-b)	21.200,00	1,09
4.	Prihodi od imovine (3-c)	73,85	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	19.693,87	1,01
7.	Prihodi iz budžeta (3-f)	1.684.144,06	86,37
8.	Prihodi od propagande (3-g)	0,00	0,00
I	Ukupni prihodi (1-8)	1.934.210,89	99,20
II	Ostali prihodi i drugo	15.638,27	0,80
	Izvori finansiranja (I+II)	1.949.849,16	100,00

Revizijom finansijskih izvještaja za 2020. godinu utvrđeno je da je Hrvatska demokratska zajednica Bosne i Hercegovine prekršila odredbe člana 4. stav (1), člana 6. stav (2), člana 8. stav (4), člana 11. i člana 12. Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Politička stranka u godišnjem finansijskom izvještaju za 2020. godinu iskazala je rashode u ukupnom iznosu od 2.328.847,30 KM.

Uvidom u Rebalans programa utroška sredstava za 2020. godinu, koji je usvojen Odlukom Predsjedništva HDZ BiH o usvajanju rebalansa finansijskog plana za 2020. godinu, broj: I-01-57-1/20 od 04. 09. 2020. godinu, utvrđeno je da je Hrvatska demokratska zajednica Bosne i Hercegovine planirala rashode u ukupnom iznosu od 2.428.500,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog finansijskog plana rashoda, odnosno Rebalansa programa utroška sredstava za 2020. godinu, kako slijedi:

- Stranka je *Troškove reklame i reprezentacije* prekoračila za 29.756,66 KM. U godišnjem finansijskom izvještaju stranka je *Troškove reklame i propagande* iskazala u iznosu od 38.636,14 KM, a *Troškove reprezentacije* u iznosu od 141.120,52 KM, odnosno ukupno 179.756,66 KM. U Programu utroška sredstava stranka je *Troškove reklame i reprezentacije* planirala u iznosu od 150.000,00 KM.;
- U godišnjem finansijskom izvještaju stranka je iskazala *Telefonske troškove i PTT usluge* u iznosu od 67.396,15 KM, što je za 11.396,15 KM više u odnosu na planirana sredstva. U Programu utroška sredstava za 2020. godinu stranka je *Telefonske troškove i PTT usluge* planirala u iznosu od 56.000,00 KM.;
- Stranka je planirane *Komunalne i ostale usluge* prekoračila za 10.079,54 KM. U Programu utroška sredstava stranka je *Komunalne i ostale usluge* planirala u iznosu od 57.000,00 KM, dok ih je ostvarila u iznosu od 94.702,72 KM. Naime, stranka je u godišnjem finansijskom izvještaju iskazala *Komunalne usluge* u iznosu od 11.946,43 KM, *Troškove usluga* u iznosu od 48.726,19 KM i *Utrošenu vodu* u iznosu od 6.406,99 KM, odnosno ukupno 67.079,54 KM;
- U Programu utroška sredstava stranka je planirala *Troškove kampanje za Lokalne izbore* u iznosu od 400.000,00 KM. U godišnjem finansijskom izvještaju stranka je *Troškove*

kampanje u obrascu 4.2 iskazala u iznosu od 406.240,68 KM, što je za 6.240,68 KM više od planiranog iznosa; i

- Stranka je planirane *Ostale rashode* prekoračila za 150,41 KM. U Programu utroška sredstava stranka je *Ostale rashode* planirala u iznosu od 20.000,00 KM, dok ih je ostvarila u iznosu od 20.150,54 KM.

S obzirom na to da je stranka finansijska sredstva u iznosu od 57.623,44 KM utrošila mimo utvrđenog Rebalansa programa utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranka.

- b) Prilozi pravnih lica "Arh Concept" d. o. o. Mostar u iznosu od 500,00 KM, "Autotransport" d. o. o. Ljubuški u iznosu od 1.000,00 KM i UTD "Turist 98" d. o. o. Jajce u iznosu od 1.500,00 KM nisu uplaćeni na transakcijski račun Središnjice stranke, što je suprotno odredbama člana 6. stav (2) Zakona o finansiranju političkih stranaka.

- c) Na osnovi obavljene revizije finansijskih izvještaja utvrđeno je da je Hrvatska demokratska zajednica Bosne i Hercegovine primila priloge pravnih lica koja su u toku 2020. godine imala zaključene ugovore o javnim nabavkama radova, usluga i roba sa organima izvršne vlasti na svim nivoima u Bosni i Hercegovini čija je vrijednost veća od 10.000,00 KM, što je suprotno odredbama člana 8. stav (4) Zakona o finansiranju političkih stranaka.

- Hrvatska demokratska zajednica Bosne i Hercegovine primila je prilog pravnog lica "ARH Concept" d. o. o. Mostar u iznosu od 500,00 KM.

Prema podacima koje je dostavila Vlada Hercegovačko-neretvanskog kantona, pravno lice "ARH Concept" d. o. o. Mostar je imalo zaključen Ugovor sa Vladom Hercegovačko-neretvanskog kantona o izradi idejnog rješenja i glavnog projekta prilagodbe hotela "Ero" Mostar za smještaj kantonalnih tijela i organa Kantonalne uprave Hercegovačko-neretvanskog kantona u ukupnoj vrijednosti od 165.134,97 KM.

- Stranka je primila prilog pravnog lica "Sigma-SK" d. o. o. Zenica u iznosu od 1.000,00 KM.

Uvidom u podatke koje su dostavio Grad Zenica utvrđeno je da pravno lice "Sigma-SK" d. o. o. Zenica u toku 2020. godine imao dva zaključena ugovora sa Gradom Zenica o izvođenju radova na regulaciji vodotoka i izgradnji kanalizacije u vrijednosti od 117.000,00 KM, odnosno 56.043,00 KM. Pravno lice "Sigma-SK" d. o. o. Zenica je u toku 2020. godine sa Općinom Kreševo imalo zaključen Ugovor o nabavci radova ukupne vrijednosti od 72.540,00 KM, dok je sa Općinom Vitez imalo četiri zaključena ugovora o nabavci radova čije su vrijednosti veće od 10.000,00 KM. Isto tako, pravno lice "Sigma-SK" d. o. o. Zenica je imalo zaključene ugovore o javnim nabavkama radova sa Ministarstvom unutrašnjih poslova Zeničko-dobojskog kantona i Ministarstvom unutrašnjih poslova Srednjobosanskog kantona čije su vrijednosti veće od 10.000,00 KM.

- U toku 2020. godine Veterinarska stanica Fauna je dala prilog Hrvatskoj demokratskoj zajednici Bosne i Hercegovine u iznosu od 200,00 KM.

Pravno lice Veterinarska stanica Fauna je u toku 2020. godine sa Općinom Vitez imalo zaključen Okvirni sporazum u vrijednosti od 30.000,00 KM.

- Politička stranka je primila prilog pravnog lica "Bossil" d. o. o. Vitez u iznosu od 3.000,00 KM. Prema podacima koje je dostavila Općina Vitez, pravno lice "Bossil" d. o. o. Vitez je

sa ovom općinom u toku 2020. godine imalo pet zaključenih ugovora čije su vrijednosti veće od 10.000,00 KM.

- U toku 2020. godine pravno lice "Tipkop" d. o. o. Vitez dalo je prilog stranci u iznosu od 300,00 KM. Općina Busovača je u toku 2020. godine sa pravnim licem "Tipkop" d. o. o. Vitez imala zaključen Ugovor o kupoprodaji betona i pijeska u vrijednosti od 57.798,00 KM.
- d) Revizijom finansijskih izvještaja utvrđeno je da Hrvatska demokratska zajednica Bosne i Hercegovine nije u poslovnim knjigama uspostavila pravilne i potpune evidencije o novčanim sredstvima, prihodima, rashodima i obavezama, te obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
- (1) Stranka je u godišnjem finansijskom izvještaju prihode Središnjice stranke iz budžeta Federacije Bosne i Hercegovine iskazala u iznosu od 331.134,89 KM.

Kontrolom iskazanog prihoda utvrđeno je da je u toku 2020. godine iz budžeta Federacije Bosne i Hercegovine na račun Hrvatske demokratske zajednice Bosne i Hercegovine uplaćeno ukupno 345.054,27 KM, od čega su na račun Hrvatske kršćanske demokratske unije BiH uplaćena sredstva u iznosu od 13.919,38 KM, odnosno Hrvatska demokratska zajednica Bosne i Hercegovine ostvarila je prihode iz budžeta Federacije Bosne i Hercegovine u iznosu od 331.134,89 KM.

Međutim, uvidom u poslovne knjige Središnjice stranke utvrđeno je da je stranka u svojim poslovnim knjigama na kontu 41101–*prihodi iz budžeta Federacije BiH* (OJ: HDZ BiH Središnjica) iskazala prihode iz budžeta Federacije Bosne i Hercegovine u iznosu od 390.473,65 KM. Stranka je sredstva isplaćena Hrvatskoj kršćanskoj demokratskoj uniji BiH u ukupnom iznosu od 13.919,38 KM evidentirala na dugovnoj strani konta 41101–*prihodi iz budžeta Federacije BiH* (OJ: HKDU BiH Mostar). Na isti je način stranka evidentirala i prenos sredstava nižim organizacionim dijelovima stranke u ukupnom iznosu od 31.500,00 KM, tj. na dugovnoj strani konta 41101–*prihodi iz budžeta Federacije BiH* pojedinačno po organizacionim jedinicama (OJ: organizacioni dijelovi GO Bihać, ŽO Soli Tuzla, OO Jajce, OO Bosansko Grahovo, OO Glamoč, OO Drvar, OO Novo Sarajevo i Središnjica – račun za izbornu kampanju).

Smatramo da stranka prenos sredstava Hrvatskoj kršćanskoj demokratskoj uniji BiH i nižim organizacionim dijelovima političke stranke nije trebala evidentirati na dugovnoj strani konta 41101–*prihodi iz budžeta Federacije BiH* (OJ: HKDU BiH Mostar i organizacioni dijelovi GO Bihać, ŽO Soli Tuzla, OO Jajce, OO Bosansko Grahovo, OO Glamoč, OO Drvar, OO Novo Sarajevo i Središnjica – račun za izbornu kampanju) jer nije riječ o prenosu prihoda po obračunu rezultata, već o prenosu sredstava drugoj političkoj stranci, odnosno internom prenosu.

- (2) Uvidom u analitičke kartice OO Bugojno utvrđeno je da je OO Bugojno izvršio obračun rezultata na datum 30. 06. 2020. godine i prenos prihoda i rashoda na analitičkim karticama. Nakon obračuna OO Bugojno nije izvršio storniranje knjiženja rezultata na dan 30. 06. 2020. godine na uobičajen način (u minusu na dugovnoj strani prihoda, odnosno u minusu na potražnoj strani rashoda), već je uvećao potražnu stranu prihoda, odnosno dugovnu stranu rashoda.

Na kraju poslovne godine, izvršen je obračun na dan 31. 12. 2020. godine, te je na analitičkoj kartici konta 411200–prihodi iz budžeta općina na dan 31. 12. 2020. godine iskazan prihod u ukupnom iznosu od 18.600,00 KM, od čega se 1.000,00 KM odnosilo na interni prenos sredstava. Prema podacima sa transakcijskog računa i blagajne OO Bugojno utvrđeno je da je ovaj odbor u toku 2020. godine ostvario prihode iz budžeta Općine Bugojno u ukupnom iznosu od 12.100,000 KM, prihode iz budžeta BiH u iznosu od 250,00 KM, te prihode od članarine u iznosu od 120,00 KM.

Navedeno ukazuje da poslovne knjige OO Bugojno nisu vođene na pravilan način, kao i da u skladu sa odredbama člana 11. Zakona o finansiranju političkih stranaka nisu uspostavljene adekvatne interne kontrole nad nižim organizacionim dijelovima političke stranke radi sprečavanja pogrešnog evidentiranja prihoda i rashoda.

- (3) Stranka je u korigiranom obrascu 3-e (nenovčane donacije i računi koje politička stranka nije imala obavezu da plati) godišnjeg finansijskog izvještaja za 2020. godinu iskazala nenovčanu donaciju po osnovi besplatnog korištenja jumbo plakata u iznosu od 819,00 KM, ali ista nije evidentirana u poslovnim knjigama.
- (4) Hrvatska demokratska zajednica Bosne i Hercegovine je u obrascu 3-a (prilozi fizičkih lica) godišnjeg finansijskog izvještaja za 2020. godinu za OO Vitez, koji je dostavila 31. 03. 2021. godine, navela da je ovaj odbor primio priloge fizičkih lica u ukupnom iznosu od 6.550,00 KM, od čega: priloge čija je vrijednost niža od 100,00 KM u iznosu od 2.800,00 KM i priloge čije je vrijednost veća od 100,00 KM u iznosu od 3.750,00 KM.

U preliminarnom izvještaju o reviziji je utvrđeno da su na transakcijski račun Središnjice broj: 3381002201525796 uplaćeni prilozi fizičkih lica-donatora OO Vitez u ukupnom iznosu od 3.750,00 KM, dok za sredstva uplaćena u iznosu od 2.800,00 KM stranka nije dostavila dokumentaciju.

Hrvatska demokratska zajednica Bosne i Hercegovine je, zatim, Centralnoj izbornoj komisiji Bosne i Hercegovine, dana 26. 09. 2022. godine, dostavila korigirani obrazac 3-a (prilozi fizičkih lica) za OO Vitez u kojem je navela da je ovaj odbor primio priloge fizičkih lica u ukupnom iznosu od 3.750,00 KM, te je korigirala brojeve potvrda u obrascu. Također, stranka je umanjila prihode po osnovi priloga fizičkih lica za 2.800,00 KM, ali nije dostavila dokaze na osnovi kojih bi se utvrdilo da nije primila priloge niže od 100,00 KM.

Stranka je uz primjedbe na preliminarni izvještaj o reviziji dostavila i kopiju izdatih potvrda o primljenim priložima fizičkih lica-donatora OO Vitez, te je utvrđeno je da brojevi potvrda ne odgovaraju brojevima potvrda koje je stranka ranije dostavila u dodatnoj dokumentaciji.

Činjenica da je stranka korigirala obrazac 3-a, a da nije dostavila dokaze o izmjenama, te da je korigirala brojeve potvrda na već izdatim potvrdama, kao i da nije osiguran kontinuitet brojeva potvrda, ukazuje da stranka nije poštovala odredbe člana 6. Pravilnika, te se ne može potvrditi koliko su iznosili prihodi stranke. Ovome u prilog ide i činjenica da je Hrvatska demokratska zajednica Bosne i Hercegovine u Bilansu uspjeha za period 01. 01. – 31. 12. 2020. godine, koji je dostavila Finansijsko informatičkoj agenciji – Poslovnoj jedinici Mostar, iskazala ukupne prihode stranke u iznosu od 1.952.095,00 KM, u kojem su bili uključeni i prilozi OO Vitez niži od 100,00 KM, a koje je stranka isključila iz korigiranog finansijskog izvještaja.

(5) Hrvatska demokratska zajednica Bosne i Hercegovine nije u obrascu 3-f (prihodi iz budžeta) iskazala tačne podatke o prihodima ostvarenim iz budžeta, čime je prekršila odredbe člana 13. i 19. Pravilnika.

- U korigiranom obrascu 3-f iskazani su prihodi Općinskog odbora Bugojno iz budžeta Općine Bugojno u ukupnom iznosu od 12.100,00 KM i budžeta Federacije BiH u iznosu od 250,00 KM. Kontrolom izvoda sa transakcijskih računa Općinskog odbora Bugojno utvrđeno je da je Općina Bugojno stranci uplatila ukupno 12.100,00 KM, dok je 250,00 KM uplaćeno iz budžeta Bosne i Hercegovine.
- Stranka u obrascu 3-f nije iskazala prihode iz budžeta Opštine Prnjavor. Uvidom u izvode sa transakcijskog računa broj: 3381302270968081 kod UniCredit banke utvrđeno je da su stranci uplaćena sredstva iz budžeta Općine Prnjavor u iznosu od 90,00 KM.
- Kontrolom prihoda iz budžeta Grada Živinice utvrđeno je da je stranka u poslovnim knjigama i godišnjem finansijskom izvještaju za 2020. godinu evidentirala i prihode iz budžeta Grada Živinice iz 2019. godine u iznosu od 2.274,20 KM, što ukazuje da nije vodila pravilne evidencije o svojim prihodima.

Uvidom u analitičku karticu prihoda iz budžeta i podatke koje je dostavio Grad Živinice, utvrđeno je da je stranka u poslovnim knjigama za 2020. godinu evidentirala prihode iz budžeta Grada Živinice za 2019. godinu u iznosu od 2.274,20 KM, te promet na transakcijskom računu GO Živinice broj: 1321100309934694 kod NLB banke na dan 31. 12. 2019. godine.

(6) Hrvatska demokratska zajednica Bosne i Hercegovine nije u godišnjem finansijskom izvještaju pravilno iskazala troškove, te je pojedine troškove nastale ranijih godina evidentirala kao troškove tekućeg perioda, čime je prekršila računovodstvene propise i odredbe člana 7. stav (2), 21, 22. i 23. Pravilnika.

- Podaci o troškovima koje je stranka iskazala u obrascu 4.1 (režijsko-administrativni i ostali troškovi) Središnjice ne odgovaraju podacima iz poslovnih knjiga Središnjice. Naime, podaci za deset vrsta troškova koje je stranka iskazala u obrascu 4.1, između kojih su, troškovi kancelarijskog materijala, troškovi goriva i maziva, troškovi ostalog materijala i troškovi održavanja opreme ne odgovaraju podacima iz poslovnih knjiga.
- Hrvatska demokratska zajednica Bosne i Hercegovine je u godišnjem finansijskom izvještaju troškove izborne kampanje po osnovi korištenja dvije površine jumbo plakata u Livnu iskazala u manjem iznosu za 819,00 KM u odnosu na ostvarene. Gradski odbor Livno je iznajmio površine jumbo plakata u periodu od 15. 10. do 15. 11. 2020. godine, na sedam lokacija, od kojih za dvije nije imao obavezu da plati najam. Prema Izjavi-potvrdi, br. 11/20, vrijednost doniranih površina je iznosila 819,00 KM.
- Stranka je troškove oglašavanja putem Facebook u iznosu od 57,32 KM koje je platila putem transakcijskog računa, broj: 3381302271583352 kod UniCredit bank d. d., umjesto na obrascu 4.2 (troškovi propagande) iskazala u obrascu 4.1 (režijsko-administrativni i ostali rashodi) godišnjeg finansijskog izvještaja.
- Uvidom u poslovne knjige i račune za telekomunikacione usluge Središnjice, utvrđeno je da je stranka u poslovnim knjigama račun JP "Hrvatske telekomunikacije" d. d. Mostar za

korištenje eronet usluga za 12/20 u iznosu od 131,94 KM evidentirala u iznosu od 191,94 KM, tj. u većem iznosu za 60,00 KM.

- OO HDZ BiH Bugojno je izvršio isplate novčane pomoći članstvu i stanovništvu u ukupnom iznosu od 2.000,00 KM. Kontrolom dokumentacije o isplatama utvrđeno je da je ovaj odbor isplatio jednokratne pomoći za četiri lica u iznosima od 200,00 KM do 250,00 KM. Uvidom u poslovne knjige utvrđeno je da na isplate fizičkim licima, koje imaju karakter ličnih primanja, nije obračunat niti plaćen porez na dohodak.
- Uvidom u poslovne knjige koje vodi Odbor stranke u Brčko distriktu BiH utvrđeno je da je stranka troškove zakupa sale za održavanja sastanaka po odobrenjima HKD Napredak knjižila na tri različita konta, kao materijalni trošak, troškove montaže i održavanja bilborda i kao trošak najma dvorane za predizborni skup.
Stranka je u godišnjem finansijskom izvještaju razdvojila troškove zakupa sala za predizborne skupove od redovnih troškova sala za održavanje sastanaka, što je trebala uraditi i u poslovnim knjigama, tj. u okviru konta troškova zakupa sala je trebala analitički evidentirati troškove zakupa sala za održavanje sastanaka i troškove zakupa sala za predizborne skupove.
- Kontrolom ostalih rashoda utvrđeno je da je stranka u poslovnim knjigama evidentirala rashode iz ranijih godina u iznosu od 5.511,09 KM, a po osnovi Rješenja Općinskog suda u Visokom o izvršenju, broj: 41 O Ip 080376 19 Ip od 09. 10. 2019. godine.

Prema raspoloživoj dokumentaciji Javno komunalno preduzeće d. o. o. Vareš pokrenulo je postupak izvršenja novčanog potraživanja pljenidbom sredstava na računu stranke za obaveze OO HDZ BiH Vareš prema ovom preduzeću, a po osnovi neplaćenih komunalnih usluga u periodu od 2015. do 15. 06. 2019. godine. Sredstva su naplaćena sa transakcijskog računa Središnjice stranke dana 29. 11. 2019. godine, kako slijedi: 3.736,64 KM za glavnice, 1.289,26 KM za zatezne kamate, te 485,19 KM za troškove prinudne naplate (sudski postupak). Stranka je u poslovnim knjigama za 2019. godinu evidentirala isplatu sredstava u iznosu od 5.511,09 KM na kontu potraživanja, te je u 2020. godinu za taj iznos teretila konto ostalih rashoda.

Pored navedenog, kontrolom troškova najma opreme koje je iskazala Središnjica stranke, utvrđeno je da je dobavljač "Videoton" d. o. o. Mostar dana 14. 01. 2020. godine izdao račun, broj: 07/20 u iznosu od 351,00 KM, kojim je stranci fakturirao najam opreme i ozvučenja u velikoj dvorani Zgrade HDZ BiH u Mostaru dana 26. 09. 2019. godine.

Navedeno ukazuje da stranka nije uspostavila potpune i pravovremene evidencije o svojim rashodima i obavezama, što za rezultat ima pogrešno iskazane rashode u godišnjem finansijskom izvještaju.

- Uvidom u dokumentaciju koja je predočena u postupku revizije finansijskih izvještaja utvrđeno je da je stranka u toku 2020. godine obračunala obaveze po osnovi doprinosa za PIO/MIO u iznosu od 13.004,44 KM za jedno lice koje je prema podacima iz odluke bila zaposlenica Hrvatske demokratske zajednice Bosne i Hercegovine, a za koje nisu plaćeni doprinosi.

Činjenica da stranka u svojim poslovnim knjigama nije imala evidencije o obavezama po navedenom osnovu, kao i da je na kontu troškova bruto plaća iz ranijih godina evidentirala troškove u iznosu od 15.332,90 KM, ukazuje da troškovi nisu evidentirani u momentu kada su i nastali, odnosno da stranka nema potpune evidencije o svojim obavezama.

- (7) Podaci koje je stranka iskazala u obrascu 2-1 o prometu koji je Središnjica ostvarila putem blagajne ne odgovaraju podacima iz poslovnih knjiga.

Stranka je u obrascu 2-1 iskazala sljedeće podatke o stanju i prometu putem blagajne: početno stanje u iznosu od 2.325,36 KM, ukupan promet ulaza u iznosu od 57.620,00 KM, ukupan promet izlaza u iznosu od 58.598,07 KM i stanje na dan 31. 12. 2020. godine u iznosu od 1.347,29 KM. Stranka je u poslovnim knjigama evidentirala početno stanje u iznosu od 2.325,36 KM, ukupan promet ulaza u iznosu od 58.170,00 KM, ukupan promet izlaza u iznosu od 59.148,07 KM i stanje na dan 31. 12. 2020. godine u iznosu od 1.347,29 KM, što odgovara podacima iz blagajničkih izvještaja.

Kontrolom blagajne Centrale i odbora stranke u Brčko distriktu BiH utvrđeno je da blagajnički izvještaji nisu vođeni na dnevnom nivou. Također, uvidom u dokumentaciju o blagajničkom poslovanju odbora u Brčko distriktu BiH, koja je predočena u toku obavljanja revizije, utvrđeno je da nalozi naplate nisu potpisali uplatioci sredstava, te da na nalogima isplate nije naveden primalac sredstava, već je navedeno da su u prilogu računi.

- (8) Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima, dok je neke troškove stranka evidentirala na osnovi predračuna. Također, utvrđeno je da računi nisu ovjereni za knjiženje i plaćanje, niti je pisanim aktom uređen način trošenja finansijskih sredstava stranke.

U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

- Troškove izborne kampanje u iznosu od 26.076,96 KM stranka je u poslovnim knjigama evidentirala na osnovi predračuna: predračuna pravnog lica "Inter connect" d. o. o. Mostar, br. 10-2020-10 od 12. 10. 2020. godine, na iznos od 2.840,76 KM; predračuna pravnog lica "Outdoor media" d. o. o. Kiseljak, br. 0005-20-G od 01. 10. 2020. godine na iznos od 11.349,00 KM, br. 0006-20-G od 13. 10. 2020. godine na iznos od 1.146,60 KM, br. 0008-20-G od 14. 10. 2020. godine na iznos od 1.368,90 KM i br. 0009-20-G od 16. 10. 2020. godine na iznos od 1.053,00 KM; predračuna pravnog lica "Atelier Jukić" d. o. o. Posušje br. 20/462 od 27. 10. 2020. godine na iznos od 1.544,40 KM; i predračuna pravnog lica "Metromedia" d. o. o. Sarajevo, br. 738/20 od 21. 09. 2020. godine na iznos od 1.404,00 KM.
- Stranka je evidentirala troškove oglašavanja po predračunu pravnog lica "Creative" d. o. o. Busovača, br. 09/2020 od 24. 09. 2020. godine, na iznos od 1.193,40 KM, te po predračunima istog broja i datuma, br. 04/2020 od 27. 08. 2020. godine, na iznos od 3.931,20 KM, odnosno 245,70 KM.

- (9) Stranka u postizbornom finansijskom izvještaju nije iskazala sve troškove predizborne kampanje po osnovi zakupa jumbo plakata, čime je prekršila odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka ("Službeni glasnik BiH", broj: 10/18).

(10) Hrvatska demokratska zajednica Bosne i Hercegovine nije u godišnjem finansijskom izvještaju i poslovnim knjigama pravilno iskazala obaveze prema dobavljačima, te je u obrascu 5 navela pogrešan datum obaveze i interne obaveze između organizacionih dijelova stranke, čime je prekršila odredbe člana 24. Pravilnika.

- Stranka je u godišnjem finansijskom izvještaju iskazala obaveze prema dobavljaču "HT Eronet" u iznosu od 262,20 KM. Uvidom u Izvod otvorenih stavki na dan 31. 12. 2020. godine utvrđeno je da obaveze stranke prema pravnom licu JP "Hrvatske telekomunikacije" d. d. Mostar za korištenje eronet usluga iznose 202,20 KM.
- Prema podacima iz Izvoda otvorenih stavki na dan 31. 12. 2020. godine, stranka prema pravnom licu "Lukas Nakić" d. o. o. Široki Brijeg ima obaveze u iznosu od 1.935,24 KM. Stranka je u obrascu 5 (obaveze) iskazala obaveze u iznosu od 1.742,07 KM, te je osporila stanje obaveze po Izvodu otvorenih stavki za 193,16 KM.
- Hrvatska demokratska zajednica Bosne i Hercegovine je u obrascu 5 iskazala obaveze prema dobavljaču "Hercegovina vino" d. o. o. Mostar u iznosu od 9.142,26 KM, što ne odgovara podacima koje je dostavio dobavljač. Prema podacima iz Izvoda otvorenih stavki na dan 31. 12. 2020. godine, obaveze stranke prema pravnom licu "Hercegovina vino" d. o. o. Mostar na dan 31. 12. 2020. godine iznose 7.696,26 KM.
- Stranka je u obrascu 5 iskazala obaveze GO Zenica prema HKD Napredak Zenica u iznosu od 7.800,00 KM. Prema podacima iz Izvoda otvorenih stavki na dan 31. 12. 2020. godine, obaveze stranke prema pravnom licu HKD Napredak Zenica na dan 31. 12. 2020. godine iznose 11.956,96 KM.
- Uvidom u obrazac 5.2 (ostale obaveze) utvrđeno je da je stranka u godišnjem finansijskom izvještaju iskazala i interne obaveze između odbora. Naime, stranka je iskazala obaveze GO Banja Luka prema OO Kotor-Varoš u iznosu od 2.023,77 KM i obaveze OO Bugojno prema Središnjici stranke u iznosu od 660,00 KM.
Stranka interne obaveze između odbora nije trebala iskazati u godišnjem finansijskom izvještaju jer se iskazuju obaveze stranke prema povjeriocima stranke na određeni dan, a ne interne obaveze između odbora stranke.

Pored navedenog utvrđeno da je stranka u finansijskom izvještaju navela da Odbor stranke za Brčko distrikt BiH ima obaveze po osnovi gotovinskih isplata u iznosu od 109,46 KM, dok je uvidom u poslovne knjige ovog odbora utvrđeno da se navedene obaveze odnose na obaveze ovog odbora za poreze i takse.

- Stranka je u obrascu 5 kao datum obaveze navela 31. 01. 2021. godine, iako je iskazala svoje obaveze na dan 31. 12. 2020. godine, tj. stranka je u izvještaju kao datum obaveze trebala navesti krajnji datum izvještaja 31. 12. 2020. godine.

(11) Hrvatska demokratska zajednica Bosne i Hercegovine je u skladu sa odredbom člana 12. stav (2) Zakona o finansiranju političkih stranaka imala obavezu da u godišnji finansijski izvještaj uključi sve koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka članica ovog udruženja.

- e) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila transakcijski račun stranke broj: 3381302270968081 kod "UniCredit bank" dd.

Revizijom finansijskih izvještaja utvrđeno je da je stranka troškove oglašavanja putem Facebook-a u iznosu od 57,32 KM umjesto sa računa za finansiranje kampanje, platila putem transakcijskog računa broj: 3381302271583352 kod UniCredit bank d. d.

Troškovi izborne kampanje

Prema odredbama člana 15.10 Izbornog zakona BiH, Hrvatska demokratska zajednica Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti sredstva u iznosu od 688.098,20 KM, a za Lokalne izbore održane u Mostaru u decembru 2020. godine 30.259,20 KM.

Hrvatska demokratska zajednica Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu od 406.240,68 KM.

9. DEMOKRATSKA FRONTA (Kod 1698)

Prema podacima iz korigiranog godišnjeg finansijskog izvještaja za 2020. godinu Demokratska fronta se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	7.201,00	0,93
2.	Prilozi fizičkih lica (3-a)	84.672,60	10,90
3.	Prilozi pravnih lica (3-b)	1.050,00	0,14
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	8.828,25	1,14
7.	Prihodi iz budžeta (3-f)	675.209,53	86,90
8.	Prihodi od propagande (3-g)	0,00	0,00
I	Ukupni prihodi (1-8)	776.961,38	100,00
II	Ostali prihodi i drugo	0,00	0,00
	Izvori finansiranja (I+II)	776.961,38	100,00

Revizijom finansijskih izvještaja za 2020. godinu, utvrđeno je da je Demokratska fronta prekršila odredbe člana 4. stav (1), člana 5. stav (4), člana 8. stav (1), člana 11. i člana 12. stav (1) i stav (4) Zakona o finansiranju političkih stranaka.

- a) Stranka je u korigiranom godišnjem finansijskom izvještaju iskazala ukupne troškove u iznosu od 724.252,65 KM.

U svom Finansijskom planu za 2020. godinu, koji je podnijela uz godišnji finansijski izvještaja za 2020. godinu, stranka je planirala ukupne troškove u iznosu od 2.341.762,35KM. Stranka je dana 01. 02. 2021. godine podnijela Rebalans finansijskog plana za 2020. godinu koji nije razmatran jer je podnesen nakon što je završena 2020. godina.

Analizirajući Finansijski plan za 2020. godinu uočeno je da je u cjelosti nerealno planiran, jer su planirani troškovi tri puta veći od izvršenja u 2020. godini. Također, u okviru finansijskog plana stranka je planirala sredstva za povrat pozajmica u iznosu od 100.000,00

KM, kao i sredstva za obaveze prema dobavljačima za izbornu kampanju 2018. godine u iznosu od 709.562,35 KM, što ne može biti dio plana utroška sredstava za 2020. godinu.

U postupku revizije je, također, utvrđeno da je Finansijski plan sačinjen na način da nije dovoljno analitičan, odnosno ne osigurava dovoljnu transparentnost utrošenih sredstava, niti poređenje troškova. Naprimjer, stranka je planirala stavku *režijskih troškova* ne razrađujući njihovu analitiku.

Osim toga, analizom Finansijskog plana za 2020. godinu, Služba za reviziju je utvrdila da je stranka finansijska sredstva u iznosu od 50.897,72 KM utrošila mimo utvrđenog programa utroška sredstava i to:

- Troškove knjigovodstvenih usluga prekoračila je za 3.670,00 KM. Stranka je planirala troškove knjigovodstvenih usluga u iznosu od 7.200,00 KM, dok ih je ostvarila u iznosu od 10.870,00 KM.

- U planu utroška sredstava stranka nije predvidjela sljedeće troškove: humanitarne rashode, naknadu za topli obrok, prevoz, regres i sl., troškove reprezentacije, troškove platnog prometa, troškove poreza i dr. obaveza, troškove ostalih zakupnina i troškove taksi, novčanih kazni i sl.

Stranka je u korigiranom bruto bilansu za 2020. godinu navedene troškove iskazala u ukupnom iznosu od 32.931,18 KM, i to: humanitarne rashode u iznosu od 4.144,72 KM, naknadu za topli obrok, prevoz, regres i sl. u iznosu od 10.987,53 KM, troškove reprezentacije u iznosu od 3.771,84 KM, troškove platnog prometa u iznosu od 3.154,64 KM, troškove poreza i dr. obaveza u iznosu od 156,60 KM, troškove ostalih zakupnina u iznosu od 1.355,65 KM, i troškove taksi, novčanih kazni i sl. u iznosu od 9.360,20 KM.

- Stranka je troškove prethodnih godina iskazala u iznosu od 29.399,93 KM, od čega 14.296,54 KM nije planirano. Naime, stranka je rashode prethodnih godina u korigiranom bruto bilansu za 2020. godinu iskazala u ukupnom u iznosu od 29.399,93 KM, od čega se 15.103,39 KM odnosilo na račun dobavljača Print design iz 2019. godine. Stranka je u Finansijskom planu za 2020. godinu predvidjela troškove po osnovi računa dobavljača Print design.

Na osnovi naprijed navedenog, utvrđeno je da je Demokratska fronta prekršila odredbe člana 4. stav (1) Zakona o finansiranju političkih stranka, jer je finansijska sredstva stranke u iznosu od 50.897,72 KM utrošila mimo utvrđenog Finansijskog plana za 2020. godinu.

- b) Tokom obavljanja revizije finansijskog izvještaja utvrđeno je da je stranka primila nenovčanu donaciju anonimnog donatora u Gradskom odboru DF Tuzla i nenovčane donacije po osnovi korištenja bilborda na području općina Stari Grad, Centar Sarajevo, Novo Sarajevo, Tuzla Vogošća, Srebrenik, Zavidovići i Zenica, te ih nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 5. stav (4) i člana 8. stav (1) tačka e) Zakona o finansiranju političkih stranaka. Također, za spomenute nenovčane donacije stranka nije izdala potvrde donatorima o primljenim priložima, čime je prekršila i odredbe člana 6. Pravilnika o godišnjim finansijskim izvještajima političkih stranaka ("Službeni glasnik BiH", br. 96/13 i 89/16).
- Uvidom u službene evidencije utvrđeno je da je Gradski odbor DF Tuzla platio sponzoriranu objavu na društvenoj mreži "Facebook" prije nego što je zvanično kampanja počela.

Stranka je, u reviziji, dala izjavu da navedena "Facebook" stranica nije bila pod njenom kontrolom i da nisu mogli utvrditi identitet osobe koja je platila sponzoriranu objavu.

S obzirom na to da nije bilo moguće utvrditi uplatioca sponzorirane objave, stranka je primila nenovčanu donaciju anonimnog donatora, a koja je zabranjena Zakonom o finansiranju političkih stranaka.

- “Transparency International BiH“ je Centralnoj izbornoj komisiji Bosne i Hercegovine dostavio podatke o isticanju bilborda i plakata za određeni broj stranaka na Lokalnim izborima 2020. godine, među kojima su i podaci za Demokratsku frontu.

U toku revizije stranka je dala izjavu u kojoj ističe da nema podatke o osobama koje su zakupile bilborde za outdoor kampanju u periodu prije Lokalnih izbora 2020. godine, kao i da ih stranka nije zakupljivala.

Iako stranka u izjavi navodi da nema podatke o zakupima bilborda za outdoor kampanju, činjenica da je “Transparency International BiH“ evidentirao bilborde stranke na različitim lokacijama, ukazuje da je stranka koristila prostor za postavljanje bilborda bez naknade, odnosno da je ostvarila nenovčane donacije.

Stranka u poslovnim knjigama nije evidentirala i u finansijskom izvještaju nije prijavila nenovčane donacije anonimnih donatora, čime je prekršila odredbe člana 5. stav (4) i člana 8. stav (1) tačka e) Zakona o finansiranju političkih stranaka.

- c) Revizijom finansijskih izvještaja utvrđeno je da Demokratska fronta nije vodila poslovne knjige u skladu sa računovodstvenim propisima, nije uspostavila potpune, pravovremene i pravilne evidencije o svojim prihodima, rashodima i obavezama i godišnji finansijski izvještaj nije popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
- (1) Podaci o ukupnim prihodima i rashodima koje je stranka iskazala u godišnjem finansijskom izvještaju ne odgovaraju podacima iz izmijenjenog Godišnjeg obračuna za 2020. godinu.

U korigiranom godišnjem finansijskom izvještaju Demokratska fronta je iskazala ukupne prihode u iznosu od 776.961,38 KM, dok je u izmijenjenom Godišnjem obračunu – Bilansu uspjeha za 2020. godinu, koji je dostavila uz očitovanje na preliminarni izvještaj o reviziji i koji je predat Finansijsko-informatičkoj agenciji dana 24. 10. 2022. godine, iskazala ukupne prihode u iznosu od 778.088,00 KM.

Također, stranka je ukupne rashode u korigiranom godišnjem finansijskom izvještaju iskazala u iznosu od 724.252,65 KM, dok je u izmijenjenom Godišnjem obračunu – Bilansu uspjeha za 2020. godinu iskazala ukupne rashode u iznosu od 708.743,00 KM.

- Stranka je u korigiranom godišnjem finansijskom izvještaju priloge fizičkih lica iskazala u iznosu od 84.672,60 KM, a priloge pravnih lica u iznosu od 1.050,00 KM, odnosno ukupno 85.722,60 KM. Stranka je, međutim, u korigiranom bruto bilansu prihode od donacija evidentirala u iznosu od 85.422,83 KM. Napominjemo da je stranka na istoj analitičkoj kartici konta 41101–*prihodi od donacija* evidentirala i priloge fizičkih lica i priloge pravnih lica.
- Demokratska fronta nije u poslovnim knjigama uspostavila pravilne evidencije o prihodima iz budžeta.
Stranka je uz očitovanje na preliminarni izvještaj o reviziji dostavila izmijenjeni Bruto bilans za 2020. godinu iz kojeg je utvrđeno da je naknadno uspostavila evidencije o prihodima iz budžeta za općine, kantone, entitet i državu, međutim, nije uspostavila evidenciju o prihodima za svaki nivo vlasti pojedinačno. Također, utvrđeno je da podaci o

ukupnim prihodima iz budžeta evidentirani u poslovnim knjigama ne odgovaraju podacima koje je stranka iskazala u ispravljenom obrascu 3-f (prihodi iz budžeta).

- Demokratska fronta nije u poslovnim knjigama uspostavila tačne, adekvatne i pravovremene knjigovodstvene evidencije o svojim poslovnim promjenama.
Stranka je na analitičkim karticama dobavljača “Motorex“ d. o. o. Gračanica i Radio “Preporod“ Odžak izvršila ispravku početnog stanja u korist prihoda, i to: “Motorex“ d. o. o. Gračanica u iznosu od 1.301,00 KM i Radio “Preporod“ Odžak u iznosu od 200,00 KM. Stranka je naknadno, nakon preliminarnog izvještaja o reviziji, izvršila ispravku knjiženja na način da je sa konta prihoda prenijela iznos od 1.501,00 KM na analitičku karticu konta 1800–Unaprijed plaćeni troškovi.
Uvidom u izvode sa transakcijskih računa i fakture, utvrđeno je da je obaveza prema dobavljaču “Motorex“ d. o. o. Gračanica nastala u 2017. godini i plaćena sa transakcijskog računa stranke dana 08. 12. 2017. godine, dok je obaveza prema dobavljaču Radio “Preporod“ Odžak nastala u 2018. godini i plaćena sa transakcijskog računa stranke – računa za posebne namjene dana 30. 01. 2019. godine.
- Tokom obavljanja revizije utvrđeno je da stranka nije u potpunosti i adekvatno uspostavila sistem internih kontrola, čime je prekršila odredbe člana 11. Zakona o finansiranju političkih stranaka.

Iako je stranka donijela Pravilnik o materijalno-finansijskom poslovanju, kao i da je predočila Izvještaj popisne komisije o izvršenom popisu, odluke i sl., u postupku revizije utvrđeno je da ukupni prihodi i rashodi stranke iz godišnjeg finansijskog izvještaja koji je podnijela Centralnoj izbornoj komisiji BiH ne odgovaraju podacima iz godišnjeg obračuna i bruto bilansa. Naime, i pored toga što je vršila ispravku Godišnjeg obračuna za 2020. godinu i obrazaca finansijskog izvještaja, podaci o prihodima i rashodima koje je iskazala u korigiranom godišnjem finansijskom izvještaju za 2020. godinu ne odgovaraju podacima iskazanim u izmijenjenom Godišnjem obračunu za 2020. godinu.

Također, utvrđeno je da obaveze prema dobavljaču koje su plaćene u proteklim godinama stranka i dalje prenosi u početnom saldu kao obavezu, te u godišnjem finansijskom izvještaju iskazuje obaveze koje ne odgovaraju knjigovodstvenim evidencijama, što ukazuje da stranka nema uspostavljen potpun sistem internih kontrola.

Ističemo da je stranka tokom 2022. godine vršila ispravku prihoda, rashoda i osnovnih sredstava na način da je u poslovnim knjigama stranke za 2020. godinu knjižila poslovne promjene, što je suprotno računovodstvenim zapisima.

U skladu sa članom 11. stav (2) Zakona o finansiranju političkih stranaka, stranka je dužna da svojim internim aktima uspostavi i uredi sistem unutrašnje finansijske kontrole.

- (2) U obrascu 3 (Izvori finansiranja) i 3-e (Nenovčane donacije i računi koje stranka nije imala obavezu platiti) finansijskog izvještaja, stranka nije iskazala nenovčane donacije nepoznatih osoba koje su platile sponzoriranu objavu na društvenoj mreži “Facebook“ i outdoor kampanju za Lokalne izbore 2020. godine, čime je prekršila odredbe člana 13. i 18. Pravilnika.
- (3) Na osnovi revizije godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune, pravovremene i pravilne evidencije o rashodima i rashodima, te ih nije pravilno iskazala u finansijskom izvještaju.

- Nakon preliminarnog izvještaja o reviziji, stranka je poslovnim knjigama za 2020. godinu, na kontu 40801–*Rashodi iz ranijih godina* evidentirala rashode u iznosu od 29.399,93 KM. Naime, stranka je pretplate dobavljača (fizička lica) prenesene iz 2019. godine kao početno stanje isknjižila u korist rashoda ranijih godina u iznosu od 670,00 KM, te je sa analitičkih kartica rashoda reprezentacije, interneta i telefona, reklame i sl. izvršila preknjižavanje računa iz ranijih godina u ukupnom iznosu od 28.729,93 KM.
1. Uvidom u račune za reprezentaciju utvrđeno je da je stranka u 2020. godini u svojim poslovnim knjigama evidentirala račune iz 2018. i 2019. godine i to račun broj 51/20 od 16. 03. 2018. godine u iznosu od 50,00 KM dobavljača “Sane Group“ d. o. o. i račun/otpremnicu, broj: SD-F-355-2019 od 05. 12. 2019. godine u iznosu od 142,74 KM dobavljača “Nerken“ d. o. o. Maglaj.
 2. Kontrolom troškova interneta i telefona utvrđeno je da stranka na osnovi opomena za dospjele obaveze telekom operatera u svojim poslovnim knjigama evidentirala troškove telefona u ukupnom iznosu od 3.779,15 KM. Također, stranka je račune za troškove interneta i telefona iz decembra 2019. godine evidentirala u 2020. godini i to: troškove interneta u ukupnom iznosu od 61,05 KM, a troškove telefona u ukupnom iznosu od 39,80 KM.

Gore navedeno ukazuje da stranka u poslovnim knjigama rashode nije knjižila u momentu nastanka obaveze, te da ne raspolaže knjigovodstvenim ispravama za knjiženje svih poslovnih promjena.

- Služba za reviziju je utvrdila da politička stranka u godišnjem finansijskom izvještaju i poslovnim knjigama nije na pravilan način iskazala troškove zakupa poslovnog prostora koji je koristio OO DF Ilidža, te obaveze prema zakupodavcu, čime je prekršila odredbe člana 21, 22. i 24. Pravilnika.

Demokratska fronta je u korigiranom obrascu 4.1 godišnjeg finansijskog izvještaja iskazala troškove zakupa poslovnog prostora koji je koristio OO DF Ilidža u iznosu od 902,00 KM, što ne odgovara stvarnom stanju. Imajući u vidu da je mjesečna zakupnina poslovnog prostora iznosila 90,20 KM, troškovi zakupa za 2020. godinu iznosili su 1.082,40 KM, što je stranka trebala evidentirati u poslovnim knjigama i godišnjem finansijskom izvještaju.

- Demokratska fronta je u korigiranom godišnjem finansijskom izvještaju izvršila ispravku troškova zakupa poslovnih prostora koje su koristili sljedeći organizacioni dijelovi političke stranke: OO DF Žepče, Centrala, OO Maglaj, OO Konjic, OO Vogošća, KO i OO DF Tuzla i OO Vareš, odnosno iskazala je troškove zakupa u skladu sa ugovorima. Međutim, to ne mijenja činjenicu da stranka svoje troškove nije evidentirala u momentu kada su nastali, tj. nije vodila poslovne knjige u skladu sa računovodstvenim propisima, što je u konačnici dovelo do pogrešno iskazanih rashoda i obaveza u poslovnim knjigama i godišnjem finansijskom izvještaju.
- U korigiranom godišnjem finansijskom izvještaju Demokratska fronta je iskazala troškove izborne kampanje u iznosu od 50.304,05 KM.

S obzirom na to da je stranka u toku obavljanja revizije dala izjavu u kojoj je navela da nema podatke o zakupima bilborda za outdoor kampanju, te da revizorima nisu predloženi ugovori zaključeni sa dobavljačima za kampanju, a da je “Transparency International BiH“ Centralnoj izbornoj komisiji Bosne i Hercegovine dostavio podatke o isticanju bilborda i plakata za Demokratsku frontu na Lokalnim izborima 2020. godine, kao i podatke o

prijevremenoj sponzoriranoj kampanji na društvenoj mreži "Facebook", mišljenja smo da podaci o ukupnim troškovima izborne kampanje za Lokalne izbore 2020. godine koje je stranka iskazala u finansijskim izvještajima, nisu potpuni i konačni.

Naime, stranka je troškove kampanje koje je iskazala u finansijskom izvještaju imala obavezu uvećati za troškove koje bi imala da je plaćala sponzoriranu kampanju na društvenoj mreži "Facebook", kao i zakup reklamnih površina.

Činjenica da je stranka račun dobavljača "Printdesign" d. o. o. Sarajevo od 31. 12. 2019. godine za reklamni materijal u izmijenjenom bruto bilansu za 2020. godinu evidentirala kao rashode ranijih godina, a da je prilikom plaćanja računa putem transakcijskog računa za posebne namjene navela da plaća troškove kampanje iz 2018. godine, ukazuje da stranka ne vodi potpune, pravovremene i pravilne evidencije o svojim rashodima i obavezama.

- (4) Demokratska fronta nije u obrascu 5 (obaveze političke partije) godišnjeg finansijskog izvještaja pravilno iskazala obaveze na dan 31. 12. 2020. godine, čime je prekršila odredbe člana 24. Pravilnika. Demokratska fronta, također, nije adekvatno vodila poslovne knjige i nije vršila usaglašavanje obaveza sa dobavljačima, što za rezultat ima pogrešno iskazane obaveze u poslovnim knjigama i godišnjem finansijskom izvještaju.

U korigiranom godišnjem finansijskom izvještaju Demokratska fronta je iskazala ukupne obaveze u iznosu od 752.588,24 KM, dok je u izmijenjenom Godišnjem obračunu-Bilansu stanja na dan 31. 12. 2020. godinu, koji je dostavila uz očitovanje na preliminarni izvještaj o reviziji i koji je predat Finansijsko-informatičkoj agenciji dana 24.10.2022. godine, iskazala ukupne obaveze u iznosu od 756.843,31 KM.

- U korigiranom bruto bilansu stranka je evidentirala obaveze prema dobavljačima i ostale obaveze u ukupnom iznosu od 656.843,31 KM i to: obaveze prema dobavljačima 656.059,84 KM, obaveze za poreze i doprinose u iznosu od 471,02 KM i obaveze po ugovorima odjelu i dr. obaveze u iznosu od 312,45 KM.

Stranka je u korigiranom obrascu 5.2 (ostale obaveze) godišnjeg finansijskog izvještaja iskazala obaveze prema dobavljačima i ostale obaveze u ukupnom iznosu od 652.588,24 KM sljedeće strukture: obaveze prema dobavljačima u iznosu od 599.392,93 KM, obaveze po ugovorima o djelu u iznosu od 5.751,79 KM i obaveze za zakup u iznosu od 47.443,52 KM.

- Uvidom u izvod otvorenih stavki koje je dostavio dobavljač "BH Telekom" d. o. o. Sarajevo utvrđeno je da ovo pravno lice na dan 31. 12. 2020. godine od stranke ukupno potraživalo novčana sredstva u iznosu od 6.321,92 KM.
Politička stranka je u korigiranom obrascu 5.2 finansijskog izvještaja iskazala obaveze prema dobavljaču "BH Telekom" d. o. o. Sarajevo u iznosu od 6.321,92 KM, dok je uvidom u analitičke kartice obaveza prema dobavljaču "BH Telekom" d. o. o. Sarajevo (po odborima stranke) utvrđeno da su u poslovnim knjigama stranke iskazane obaveze prema ovom pravnom licu na dan 31. 12. 2020. godine u ukupnom iznosu od 1.920,98 KM.
- U korigiranom godišnjem finansijskom izvještaju stranka je iskazala obaveze prema "Elektroprivredi BiH" d. d. Sarajevo na dan 31. 12. 2020. godine u iznosu od 16,00 KM, što odgovara podacima koje je dostavio dobavljač "Elektroprivreda BiH" d. d. Sarajevo. Međutim, obaveze koje stranka iskazuje u svojim poslovnim knjigama ne odgovaraju podacima koje je dostavio dobavljač, niti podacima koje je stranka iskazala u korigiranom obrascu 5.2 godišnjeg finansijskog izvještaja.

- d) Stranka je putem transakcijskog računa koji je otvorila za finansiranje izborne kampanje osim troškova izborne kampanje, platila i druge račune.

Stranka je u prijavi za učešće na izborima prijavila transakcijski račun za posebne namjene.

Stranka je izlazni promet transakcijskog računa za posebne namjene iskazala u iznosu od 150.400,81 KM, dok je troškove kampanje za Lokalne izbore 2020. godine prijavila u iznosu od 43.180,14 KM.

Uvidom u izvode utvrđeno je da stranka sa navedenog računa plaćala troškove koji se ne odnose na kampanju za Lokalne izbore 2020. godine. Stranka je osim takse za ovjeru za učešće na Lokalnim izborima 2020. godine i troškova kampanje za 2020. godinu, sa namjenskog računa platila i troškove kampanje iz 2018. godine u iznosu od 60.000,00 KM.

Troškovi izborne kampanje

Prema odredbama člana 15.10 Izbornog zakona BiH Demokratska fronta je u svrhu izborne kampanje za Lokalne izbore 2020. godine mogla potrošiti sredstva u iznosu od 686.699,22 KM, a u svrhu izborne kampanje za Lokalne izbore u Mostaru 2020. godine mogla je potrošiti sredstva u iznosu od 6.051,84 KM.

Demokratska fronta u godišnjem finansijskom izvještaju za 2020. godinu iskazala je troškove kampanje u iznosu od 50.304,05 KM. Iskazani iznos troškova kampanje nije konačan i potrebno ga je uvećati za troškove koje bi stranka imala da je u vlastitoj režiji platila sponzorirane objave putem društvene mreže "Facebook" i reklamni prostor za oglašavanje.

10. SAVEZ ZA BOLJU BUDUĆNOST BIH (Kod 1182)

Prema podacima iz korigiranog godišnjeg finansijskog izvještaja Savez za bolju budućnost BiH se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	22.240,00	2,34
2.	Prilozi fizičkih lica (3-a)	54.680,67	5,75
3.	Prilozi pravnih lica (3-b)	10.200,00	1,07
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	12.132,64	1,28
7.	Prihodi iz budžeta (3-f)	851.235,94	89,56
8.	Prihodi od propagande (3-g)	0,00	0,00
I	Ukupni prihodi (1-8)	950.489,95	100,00
II	Ostali prihodi i drugo	1,00	0,00
	Izvori finansiranja (I+II)	950.490,25	100,00

Revizijom finansijskih izvještaja za 2020. godinu utvrđeno je da je Savez za bolju budućnost BiH prekršio odredbe člana 4. stav (1), člana 5. stav (4), člana 6. stav (2), član 8. stav (1), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) Savez za bolju budućnost BiH prekršio je odredbe člana 4. stav (1) Zakona o finansiranju političkih stranaka na način:

(1) Stranka je u korigiranom godišnjem finansijskom izvještaju za 2020. godinu iskazala ukupne rashode u iznosu od 969.462,71 KM.

Uvidom u Program utroška sredstava za 2020. godinu koji je Savez za bolju budućnost BiH dostavio uz godišnji finansijski izvještaj za 2019. godinu, utvrđeno je da je stranka planirala troškove u ukupnom iznosu od 1.665.080,00 KM, od čega troškove kampanje u iznosu od 700.000,00 KM. Napominjemo da je stranka dana 29. 12. 2020. godine dostavila Izmijenjeni program utroška sredstava za 2020. godinu od 28. 12. 2020. godine, tj. sačinjen je na kraju godine kada su stranci rashodi već poznati, te nije uzet u razmatranje.

Analizom dostavljenog Programa utroška sredstava za 2020. godinu, utvrđeno je da stranka nije planirala sve troškove, a da je pojedine troškove ostvarila u većem iznosu od planiranih.

Naime, stranka je finansijska sredstva u iznosu od 35.885,05 KM utrošila mimo utvrđenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

- Stranka je u godišnjem finansijskom izvještaju iskazala troškove prevoza u iznosu od 41,00 KM i ostale nematerijalne troškove u iznosu od 274,00 KM, a nije ih planirala programom utroška sredstava.
- Stranka je u programu utroška sredstava planirala ostale nepredviđene troškove u iznosu od 5.000,00 KM, a u obrascu 4.1 (režijsko-administrativni i ostali troškovi) godišnjeg finansijskog izvještaja je iskazala rashode prethodnih godina u ukupnom iznosu od 13.713,77 KM, odnosno sredstva u iznosu od 8.713,77 KM je utrošila mimo programa utroška sredstava za 2020. godinu.
- Stranka je prekoračila planirane troškove električne energije, goriva i plina za 1.997,52 KM. Stranka je u korigiranom godišnjem finansijskom izvještaju iskazala troškove grijanja u iznosu od 2.608,45 KM, troškove električne energije u iznosu od 7.786,37 KM i troškove goriva i maziva u iznosu od 4.602,70 KM, odnosno ukupno 14.997,52 KM. U programu utroška sredstava za 2020. godinu stranka je planirala troškove električne energije, goriva i plina u iznosu od 13.000,00 KM.
- Savez za bolju budućnost BiH je troškove kancelarijskog materijala planirao u iznosu od 10.000,00 KM, a ostvario ih je u iznosu od 14.955,17 KM, što je za 4.955,17 KM više u odnosu na planirane.
- Stranka je troškove knjigovodstvenih usluga iskazala u iznosu većem za 468,00 KM u odnosu na planirani iznos. Programom utroška sredstava za 2020. godinu troškovi knjigovodstvenih usluga planirani su u iznosu od 14.040,00 KM, a u obrascima godišnjeg finansijskog izvještaja iskazani su u iznosu od 14.508,00 KM.
- Savez za bolju budućnost BiH je u programu utroška sredstava planirao troškove dnevnica i putnih troškova u iznosu od 32.000,00 KM, a u obrascu 4.1 godišnjeg finansijskog izvještaja ove troškove je iskazao u iznosu od 51.435,59 KM, odnosno više za 19.435,59 KM od planiranih.

Uvidom u poslovne knjige utvrđeno je da je stranka ostvarila troškove dnevnica u zemlji u iznosu od 50,00 KM, putne troškove u zemlji 158,55 KM, troškove dnevnica u

inozemstvu u iznosu od 22.296,00 KM, putne troškove u inozemstvu u iznosu 23.099,69 KM, te usluge noćenja u iznosu od 5.831,35 KM.

- (2) Centrala stranke je u toku 2020. godine isplatila troškove dnevnica u inozemstvu u iznosu od 22.296,00 KM, putne troškove u inozemstvu u iznosu od 23.258,24 KM i usluge noćenja u iznosu od 5.831,35 KM.

Uvidom u putne naloge koji su izdati Edisu Ramoviću, utvrđeno je da je navedeno lica više puta u toku 2020. godine putovalo u Crnu Goru (Tivat) i Hrvatsku (Zagreb i Split), te da su mu po tom osnovu isplaćene dnevnice u iznosima od 60,00 KM do 1.000,00 KM. Također, uvidom u putne naloge utvrđeno je da na nalogima nije navedena svrha putovanja, a na računima za smještaj nije navedeno ko je korisnik smještaja ili je kao korisnik smještaja navedeno lice koje nije upućeno na službeni put.

Na osnovi navedenog nije moglo biti utvrđeno u koju svrhu su korištena finansijska sredstva stranke, odnosno da li su sredstva stranke utrošena isključivo za ostvarivanje ciljeva političke stranke.

- b) Savez za bolju budućnost BiH je prekršio odredbe člana 5. stav (4), člana 6. stav (2) i člana 8. stav (1) Zakona o finansiranju političkih stranaka.

- (1) Uvidom u blagajničku dokumentaciju Općinskog odbora SBB BiH Vareš utvrđeno je da je stranka primila novčane donacije tri fizička lica koje nije evidentirala u poslovnim knjigama i nije prijavila u godišnjem finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

Dana 21. 10. 2020. godine tri fizička lica: Fahrudin Brkić, Mahira Brkić i Adnan Fatić su u blagajnu Općinskog odbora SBB BiH Vareš uplatili donacije u iznosima od po 100,00 KM. Stranka nije u blagajničkom izvještaju i poslovnim knjigama evidentirala novčane priloge fizičkih lica Fahrudina Brkića, Mahire Brkić i Adnana Fatića u ukupnom iznosu od 300,00 KM, niti ih je prijavila u godišnjem finansijskom izvještaju. Stranka spomenutim fizičkim licima nije izdala ni potvrde o primljenim priložima, čime je prekršila odredbe člana 6. i člana 14. Pravilnika o godišnjim finansijskim izvještajima političkih stranaka ("Službeni glasnik BiH", br. 96/13 i 89/16).

Pored navedenog, utvrđeno je da stranka navedene priloge nije uplatila na transakcijski račun Centrale stranke, čime je prekršila odredbe člana 6. stav (2) Zakona o finansiranju političkih stranaka.

Stranka je priloge koje je primila od fizičkih lica putem blagajne ili transakcionog računa stranke u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2020. godinu.

- (2) Pregledom godišnjeg finansijskog izvještaja političke stranke, utvrđeno je da je stranka primila nenovčanu donaciju po osnovi besplatne objave na društvenim mrežama, te je nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

Naime, odlukom Centralne izborne komisije Bosne i Hercegovine utvrđeno je da je Savez za bolju budućnost BiH Gradski odbor Tuzla, putem društvene mreže "Facebook" vodio plaćenu izbornu kampanju, te upoznao birače i javnost sa svojim programom i kandidatima za Lokalne izbore 2020. godine, a prije službenog početka izborne kampanje. Na "Facebook" objavi navedeno je da je sponzorirana, što je nesporan dokaz

vođenja plaćene izborne kampanje. Stranka u godišnjem finansijskom izvještaju nije evidentirala ovu nenovčanu donaciju.

U odgovoru na preliminarni izvještaj o reviziji, stranka je navela da za Gradski odbor Tuzla nije uspjela dobiti informaciju ko je vršio plaćenu kampanju, te da nije u mogućnosti da ih evidentira u poslovnim knjigama.

S obzirom na to da politička stranka nema podatke o licu koje je platilo objavu na društvenim mrežama, ostvarila je nenovčanu donaciju anonimnog donatora, koja je zabranjena odredbama člana 8. stav (1) Zakona o finansiranju političkih stranaka.

- (3) Kontrolom blagajničkog poslovanja odbora SBB Brčko distrikt BiH utvrđeno je da je ova organizacija primila u blagajnu priloge fizičkih lica u ukupnom iznosu od 10.000,00 KM. Sredstva u iznosu od 6.000,00 KM su uplaćena na transakcijski račun odbora SBB Brčko distrikt BiH, dok 4.000,00 KM nije uplaćeno na račun uopšte.

S obzirom na to da sredstva naplaćena u gotovom novcu, na blagajni odbora SBB Brčko distrikt BiH, po osnovi priloga fizičkih lica nisu uplaćena na transakcijski račun stranke u roku od 10 dana od dana uplate, odnosno nisu uplaćena na transakcijski račun Centrale stranke, prekršene su odredbe člana 5. stav (4) i člana 6. stav (2) Zakona o finansiranju političkih stranaka.

- c) Revizijom finansijskih izvještaja utvrđeno je da Savez za bolju budućnost BiH nije u poslovnim knjigama vodio pravilne i potpune evidencije o gotovom novcu, prihodima, rashodima i obavezama, te obrasce godišnjeg finansijskog izvještaja za 2020. godinu nije popunio u skladu sa odredbama Pravilnika, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) U obrascu 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja stranka nije iskazala nenovčane donacije fizičkih lica koja su platila društvenoj mreži "Facebook" sponzoriranu objavu za promociju kandidata na Lokalnim izborima 2020. godine, čime je prekršila odredbe člana 13. i 18. Pravilnika.

- (2) Kontrolom blagajne Centrale i odbora stranke u Brčko distriktu BiH utvrđeno je da blagajnički izvještaji nisu vođeni na dnevnom nivou, te da pojedine isplate nisu vršene na osnovi validne dokumentacije. Isto tako je utvrđeno da OO Vareš nije vodio pravilnu evidenciju o blagajničkom poslovanju, te da je u poslovnim knjigama i godišnjem finansijskom izvještaju iskazao netačne podatke o prometu, čime je prekršio odredbe člana 12. Pravilnika.

- Centrala stranke je u toku 2020. godine isplatila dnevnicu u inozemstvu u iznosu od 22.296,00 KM i putne troškove u inozemstvu u iznosu od 23.099,69 KM i usluge noćenja u iznosu 5.831,39 KM kao što je navedeno u nalazu a) stav (2).

Uvidom u izvršene isplate dnevnica i putnih troškova utvrđeno je da su isplaćeni na osnovi nevalidnih knjigovodstvenih isprava, odnosno putnih naloga koji su izdati Edisu Ramoviću, Aliji Kariću, Jasminu Kučukoviću, Mustafi Alihodži i Adisu Aliću. Prema podacima iz putnih naloga, navedena lica su više puta u toku 2020. godine putovala u Crnu Goru (Tivat) i Hrvatsku (Zagreb i Split), te su im po tom osnovu isplaćene dnevnicu u iznosima od 60,00 KM do 1.000,00 KM.

Također, uvidom u putne naloge utvrđeno je da na nalogima nije navedena svrha putovanja, a na računima za smještaj nije navedeno ko je korisnik smještaja ili je kao korisnik smještaja navedeno lice koje nije upućeno na službeni put.

Na osnovi navedenog nije moglo biti utvrđeno u koju svrhu su korištena finansijska sredstva stranke, odnosno da li su sredstva stranke utrošena isključivo za ostvarivanje ciljeva političke stranke.

- Uvidom u blagajničke izvještaje OO Vareš utvrđeno je da su tri fizička lica: Fahrudin Brkić, Mahira Brkić i Adnan Fatić u blagajnu Općinskog odbora SBB BiH Vareš uplatili donacije u ukupnom iznosu od 300,00 KM, što je evidentirano u blagajničkim nalogima naplate, broj: 1-10/20, 2-10/20 i 3-10/20 od 21. 10. 2020. godine. Stranka, međutim, nije u blagajničkom izvještaju koji je sačinila za period od 01. 10. do 31. 10. 2020. godine evidentirala uplate ovih lica, tj. blagajničke naloge naplate, niti je u poslovnim knjigama evidentirala prihode i promet ulaza putem blagajne, čime su pogrešno iskazani prihodi, promet i saldo novca na blagajni.

Navedeno ukazuje da poslovne knjige nisu vođene na pravilan način, da nije izvršen popis novca u blagajni OO Vareš, kao i da u skladu sa odredbama člana 11. Zakona o finansiranju političkih stranaka nisu uspostavljene adekvatne interne kontrole nad nižim organizacionim dijelovima političke stranke radi sprečavanja pogrešnog evidentiranja prihoda i rashoda.

- (3) Kontrolom izdatih potvrda o primljenim članarinama i priložima fizičkih i pravnih lica, utvrđeno je da stranka u potvrdama nije navela tačne podatke o donatorima ili nije navela sve potrebne podatke o donatorima (broj lične karte/jedinstvenom identifikacioni broj, adresa), odnosno podatke o iznosima uplaćenih priloga, čime je prekršila odredbe člana 6. Pravilnika.

1. Kontrolom izvoda sa transakcijskog računa utvrđeno je da je dana 09. 11. 2020. godine Šemso Saković na ime članarine Savezu za bolju budućnost BiH u 2020. godini uplatio iznos od 5.000,00 KM. Stranka je izdala potvrdu o uplatama članarine, broj 68-01/20 od 30. 12. 2020. godine, bez podataka o broju lične karte i adresi, na iznos od 5.000,00 KM.

Odlukom o prikupljanju i raspodjeli članarine i načinu izdavanja članskih kartica, broj: 31-02/11 od 13. 01. 2011. godine, utvrđeno je da članovi koji ostvaruju naknadu ili plaću koja proizlazi iz mandata SBBBiH plaćaju članarinu u iznosu od 2% do 4% mjesečno i to: izabrani zastupnici i delegati u PS BiH, Parlamentu FBiH, zastupnici u kantonalnim skupštinama; nosioci izvršnih funkcija na novou BiH, FBiH, RS i kantona; članovi općinskog ili gradskog vijeća i nosioci izvršnih funkcija na nivou općine i grada.

S obzirom na to da stranka nema podatke o ličnim primanjima fizičkog lica Šemso Saković, mišljenja smo da je politička stranka primila članarinu iznad visine članarine koja je propisana Odlukom o prikupljanju i raspodjeli članarine i načinu izdavanja članskih kartica, broj: 31-02/11 od 13. 01. 2011. godine, tj. primila je prilog koji je trebala iskazati u obrascu 3-a godišnjeg finansijskog izvještaja, čime je prekršila odredbe člana 13. i 14. Pravilnika.

2. Uvidom u izdate potvrde utvrđeno je da u potvrdama o uplatama članarina i potvrdama o uplatama donacija za 23 donatora-fizička lica nedostaju podaci o broju lične karte i adresi donatora, te da u jednoj potvrdi o uplati donacije pravnog lica nisu navedeni podaci o jedinstvenom identifikacionom broju.

- (4) Služba za reviziju je utvrdila da stranka nije sve troškove evidentirala u momentu nastanka, što za rezultat ima pogrešno iskazane troškove u poslovnim knjigama i godišnjem finansijskom izvještaju.

Uvidom u poslovne knjige utvrđeno je da je stranka u okviru Rashoda iz predhodnih godina evidentirala troškove telefonskih usluga u iznosu od 1.736,61 KM, troškove IT podrške u iznosu od 1.927,75 KM, troškove komunalnih usluga u iznosu od 918,88 KM, troškove vode u iznosu od 234,00 KM, troškove električne energije u iznosu od 46,86 KM, troškove reklame u iznosu od 41,67 KM i troškove TV-preplate u iznosu od 47,00 KM.

Pored navedenog, ističemo da stranka na kontu 128120–*Potraživanja za date avanse* na dan 31. 12. 2020. godine iskazuje saldo u iznosu od 47.620,15 KM, što upućuje da nije vršila usaglašavanje svojih obaveza sa dobavljačima, odnosno da računi nisu knjiženi u poslovnim knjigama u momentu nastanka troška.

- (5) Uvidom u ugovore o zakupu poslovnih prostora utvrđeno je da stranka u poslovnim knjigama i godišnjem finansijskom izvještaju nije iskazala sve troškove poslovnih prostora koje je koristila u Ključu i Donjem Vakufu, čime je prekršila odredbe člana 21. i 22. Pravilnika.

- Stranka nije iskazala troškove zakupa poslovnog prostora koji je koristila u Ključu u iznosu od 600,00 KM.
- Stranka nije iskazala troškove zakupa poslovnog prostora u Donjem Vakufu u iznosu od 142,62 KM.

- (6) Savez za bolju budućnost BiH nije u poslovnim knjigama i u godišnjem finansijskom izvještaju pravilno iskazao troškove kampanje, čime je prekršio odredbe člana 21. i 23. Pravilnika.

Stranka nije prijavila i nije evidentirala troškove izborne kampanje koji su nastali promoviranjem kandidata Gradskog odbora Saveza za bolju budućnost BiH Tuzla.

Nastale troškove stranka je imala obavezu prijaviti u obrascu 4.2 finansijskog izvještaja.

- (7) Savez za bolju budućnost BiH nije u postizbornom finansijskom izvještaju iskazao tačne podatke o troškovima predizborne kampanje, čime je prekršio odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka (“Službeni glasnik BiH”, broj: 10/18).

Naime, stranka u postizbornom finansijskom izvještaju nije iskazala sve troškove predizborne kampanje po osnovi oglašavanja na društvenim mrežama. S druge strane, stranka je u postizbornom finansijskom izvještaju u okviru troškova kampanje iskazala i troškove takse u iznosu od 19.500,00 KM, čime je troškove iskazala u većem iznosu u odnosu na ostvarene.

- (8) Savez za bolju budućnost BiH nije u godišnjem finansijskom izvještaju evidentirao i u poslovnim knjigama pravilno iskazao obaveze prema dobavljačima na dan 31. 12. 2020. godine, čime su prekršene odredbe člana 24. Pravilnika.

- Stranka je u godišnjem finansijskom izvještaju iskazala obaveze prema dobavljaču “Garden city hotel“ d. o. o. Konjic u iznosu od 1.733,91 KM. Uvidom u dostavljenu

dokumentaciju dobavljača za period 01. 01. – 31. 12. 2020. godine, utvrđeno je da stranka kod ovog pravnog lica ima pretplatu u iznosu 1.576,57 KM.

- Savez za bolju budućnost BiH je u obrascu 5 (obaveze) iskazao obaveze prema dobavljaču D. O. O. "Zanatstvo" Travnik u iznosu od 2.613,50 KM, što ne odgovara podacima koje je dostavio dobavljač. Prema podacima iz Izvoda otvorenih stavki na dan 31. 12. 2020. godine, obaveze stranke prema pravnom licu D. O. O. "Zanatstvo" Travnik na dan 31. 12. 2020. godine iznose 750,00 KM.
 - Savez za bolju budućnost je u obrascu 5 iskazao obaveze prema dobavljaču Privredna banka Sarajevo d. d. Sarajevo u iznosu od 1.000,00 KM. Uvidom u dostavljeni Izvod otvorenih stavki na dan 31. 12. 2020. godine utvrđeno je da obaveze stranke prema ovom dobavljaču na dan 31. 12. 2020. godine iznose 1.200,00 KM.
 - Stranka nije iskazala obaveze prema Općini Donji Vakuf, koje su prema podacima koje je dostavila ova općina iznosile 142,62 KM.
- (9) Pregledom knjigovodstvene dokumentacije utvrđeni su nedostaci kod računa dobavljača, koji su knjigovodstvene isprave o nastalim poslovnim događajima.

Uvidom u troškove reprezentacije i dokumentaciju na osnovi koje su evidentirani, tj. račune dobavljača Radon plaza hotel, Sarajevo, broj: 3868/20 od 30. 09. 2020. godine u iznosu od 207,90 KM i broj: 4159/20 od 30. 11. 2020. godine, u iznosu od 198,60 KM, utvrđeno je da je na računima navedeno samo usluge hrane i pića, bez specifikacije koja bi sadržavala vrstu i količinu hrane i pića.

Također je utvrđeno da računi na osnovi kojih je Savez za bolju budućnost BiH evidentirao i platio troškove propagande i reprezentacije nisu ovjereni za knjiženje. Isto tako, računi pravnih lica, među kojima su računi "Hayat" d. o. o. Sarajevo, broj: 20-362-001936 od 30. 11. 2020. godine, u iznosu od 6.423,30 KM, "ZID" d. o. o. Sarajevo, broj: 513-11/20 od 30. 11. 2020. godine, u iznosu od 1.228,50 KM, "OBN" d. o. o. Sarajevo, broj: 20/01588 od 30. 11. 2020. godine, u iznosu od 6.528,60 KM, Radio-televizija Federacije Bosne i Hercegovine, broj: 1184-1-101/2020 od 18. 11. 2020. godine, u iznosu od 15.923,26 KM i, broj: 46-8-101/2020 od 18. 11. 2020. godine, u iznosu od 319,11 KM i "Intersoft" d. o. o. Sarajevo, broj: 1267/20 od 30. 10. 2020. godine, u iznosu od 3.510,00 KM nisu ni potpisali korisnici usluga.

Pored navedenog, ističemo da na računima za zakup i postavljanje billboarda stranke u predizbornoj kampanji, osim za Tuzlu, nisu navedene lokacije billboarda, niti su u toku obavljanja revizije podaci predočeni revizorima Službe za reviziju.

- d) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila transakcijski račun stranke broj: 1027080000035947 kod Union banke dd.

Kontrolom izvoda sa transakcijskih računa utvrđeno je da je stranka uplatu takse za učešće na Lokalnim izborima 2020. godine u iznosu od 18.300,00 KM izvršila sa glavnog transakcijskog računa broj: 1020500000086134 kod Union banke dd.

Također, utvrđeno je da svi troškovi kampanje nisu plaćeni sa namjenskog računa za kampanju, i to:

- Uvidom u gotovinske isplate iz blagajne Općinske organizacije Vareš utvrđeno je da su iz blagajne ove organizacije plaćeni troškovi goriva (podjela afiša po mjesnim odborima) u iznosu od 88,01 KM i troškove reprezentacije u iznosu 200,05 KM; i
- Kontrolom dokumentacije koja je predočena u toku obavljanja revizije o blagajničkom poslovanju odbora u Brčko distriktu BiH, utvrđeno je da su naknade po ugovoru o djelu isplaćene iz blagajne u ukupnom iznosu od 6.000,00 KM

Troškovi izborne kampanje

Prema odredbama člana 15.10 Izbornog zakona BiH Savez za bolju budućnost je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti sredstva u iznosu od 829.284,75 KM, a za Lokalne izbore održane u Mostaru u decembru 2020. godine 6.051,84 KM.

Savez za bolju budućnost BiH je u korigiranom godišnjem finansijskom izvještaju za 2020. godinu iskazao troškove izborne kampanje u iznosu od 102.251,71 KM.

11. SOCIJALISTIČKA PARTIJA (Kod 074)

Prema podacima iz korigiranog godišnjeg finansijskog izvještaja za 2020. godinu Socijalistička partija se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	35.504,10	5,13
2.	Prilozi fizičkih lica (3-a)	113.150,00	16,34
3.	Prilozi pravnih lica (3-b)	700,00	0,10
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	5.034,00	0,73
7.	Prihodi iz budžeta (3-f)	537.977,09	77,69
8.	Prihodi od propagande (3-g)	0,00	0,00
I	Ukupni prihodi (1-8)	692.365,19	99,98
II	Ostali prihodi i drugo	112,60	0,02
	Izvori finansiranja (I+II)	692.477,79	100,00

Revizijom finansijskih izvještaja za 2020. godinu utvrđeno je da je Socijalistička partija prekršila odredbe člana 4. stav (1), člana 5. stav (4), člana 11. i člana 12. stav (1) i stav (4) Zakona o finansiranju političkih stranaka.

- Stranka je u godišnjem finansijskom izvještaju iskazala ukupne troškove u iznosu od 770.106,82 KM. U svom Planu utroška sredstava za 2020. godinu stranka je planirala ukupne troškove u iznosu od 970.000,00 KM.
- (1) Analizirajući cjelokupan Plan utroška sredstava uočeno je da je stranka nerealno planirala pojedine stavke, što posebno dolazi do izražaja kod planirane stavke *ostali finansijski rashodi* u iznosu od 100.000,00 KM, jer se stranka ne može finansirati iz kredita banaka, a i

nema planiranih značajnih kapitalnih izdataka, odnosno nema indicija za odliv sredstava ove vrste.

Osim toga, analizom Plana utroška sredstava za 2020. godinu Služba za reviziju je utvrdila da je stranka finansijska sredstva u iznosu od 49.727,87 KM utrošila mimo utvrđenog programa utroška sredstava i to:

- Stranka je prekoračila planirane troškove u ukupnom iznosu od 24.155,55 KM i to: troškove bruto zarada u iznosu od 5.417,86 KM, troškove neproizvodnih usluga u iznosu od 4.187,29 KM i troškove materijala u iznosu od 14.550,40 KM.
- U planu utroška sredstava stranka nije predvidjela sljedeće troškove: troškove naknada za topli obrok, prevoz, regres i sl., troškove komunalnih usluga i troškove ugovora o djelu i troškove dnevnica i putne troškove.

Stranka je u 2020. godini navedene troškove ostvarila u ukupnom iznosu od 25.572,32 KM, i to: troškove naknada za topli obrok, prevoz, regres i sl. u iznosu od 15.287,82 KM, troškove komunalnih usluga u iznosu od 3.986,79 KM, troškove ugovora o djelu u iznosu od 5.862,31 KM i troškove dnevnica i putne troškove u iznosu od 435,40 KM.

- (2) Stranka u poslovnim knjigama evidentirala troškove za usluge na tekućem održavanju osnovnih sredstava.

Uvidom u račun dobavljača "Majnex" d. o. o. Pale, broj: 56/5/2020 od 20. 07. 2020. godine, u iznosu od 5.194,00 KM, utvrđeno je da su stranci fakturirani izvedeni građevinski radovi, dok je u predmjeru navedeno: "*uređenje enterijera sa opremanjem kancelarijskim namještajem*", kol. 49 m² po cijeni od 106,00 KM/m², tj. 5.194,00 KM.

S obzirom na to da stranka u svom vlasništvu nema nekretninu u Palama, već je koristila zakupljeni poslovni prostor do 31. 07. 2020. godine, kao i da nema specifikaciju izvršenih radova i kancelarijskog namještaja niti drugu propratnu dokumentaciju na osnovi koje bi potvrdila da su vršene adaptacije objekata i da je izvršena kompenzacija sa troškovima zakupa, nije bilo moguće potvrditi da li je stranka sredstva u iznosu od 5.194,00 KM utrošila u svrhu ostvarivanja ciljeva utvrđenih programom i statutom stranke.

Na osnovi naprijed navedenog, utvrđeno je da je Socijalistička partija prekršila odredbe člana 4. stav (1) Zakona o finansiranju političkih stranka jer je dio finansijskih sredstava utrošila mimo utvrđenog Plana utroška finansijskih sredstava za 2020. godinu, dok za dio utrošenih finansijskih sredstava u ukupnom iznosu od 5.194,00 KM stranka ne raspolaže dokumentacijom na osnovi koje bi bilo moguće utvrditi da li su utrošena u svrhu ostvarivanja ciljeva utvrđenih programom i statutom stranke.

- b) Socijalistička partija u poslovnim knjigama i u godišnjem finansijskom izvještaju nije iskazala nenovčanu donaciju po osnovi besplatnog korištenja poslovnog prostora u Bijeljini, čime je prekršila odredbe člana 5. stav (4) Zakona o finansiranju političkih stranaka.
- Pregledom dokumentacije utvrđeno je da je GO Socijalističke partije Bijeljina (ranije OO SP Bijeljina) tokom 2020. godine koristio poslovni prostor koji je stranci dodijelio Izvršni odbor Skupštine Opštine Bijeljina 2000. godine na adresi Karađorđeva 9, a koji stranka koristi bez naknade.
 - Stranka nije izdala potvrde o primljenim nenovčanim donacijama fizičkim i pravnim licima: Gorana Zemuna, Vuje Markovića, Dejana Kurtinovića, "Kolonija" d. o. o. Ugljevik, "Dinamik Turs" d. o. o. Brčko, čime je prekršila i odrebu člana 6. Pravilnika.

c) Revizijom finansijskih izvještaja utvrđeno je da Socijalistička partija nije uspostavila potpune evidencije o svojim prihodima, rashodima, obavezama, nije prijavila sve transakcijske račune, nije osigurala blagajničku dokumentaciju, godišnji finansijski izvještaj nije popunila u skladu sa odredbama Pravilnika, čime su prekršene odredbe člana 11. i člana 12. stav (1) i stav (4) Zakona o finansiranju političkih stranaka.

(1) Socijalistička partija je u godišnjem izvještaju za 2020. godinu iskazala sljedeći promet blagajne: početno stanje u iznosu 9,14 KM, ukupan promet ulaza u iznosu od 87.950,00 KM, ukupan promet izlaza u iznosu od 87.958,80 KM i stanje na dan 31. 12. 2020. godini u iznosu od 0,34 KM.

Stranka je samo dostavila blagajničke uplatnice za 19 fizičkih lica, dok je u finansijskom izvještaju prijavila uplate priloga od 20 fizičkih lica. Ostalu blagajničku dokumentaciju kojom bi opravdala promet blagajne stranka nije osigurala tokom obavljanja revizije.

(2) U postupku obavljanja revizije utvrđeno je da stranka nije uspostavila sistem internih kontrola, čime je prekršila odredbe člana 11. Zakona o finansiranju političkih stranaka.

Stranka je u toku obavljanja revizije dala izjavu u kojoj navodi da Socijalistička partija nema donesen Pravilnik o računovodstvu kao ni Pravilnik o internoj kontroli. Također, stranka je u izjavi navela i to da ima Nadzornu komisiju koja nadgleda finansijsko poslovanje partije, po svim općinskim i gradskim odborima, kao i na nivou same stranke.

Bez obzira na navedenu činjenicu o postojanju Nadzorne komisije koja nadgleda finansijsko poslovanje stranke, u postupku revizije utvrđeno je da stranka nema donesene interne pravilnike, da za pojedine knjigovodstvene evidencije iz ranijeg perioda nema dokumentaciju na osnovi koje su evidentirane, te da nema knjigovodstvene isprave za promet sredstava putem blagajne, odnosno utvrđeno je da se ne provodi nadzor nad finansijskim poslovanjem.

U skladu sa članom 11. stav (2) Zakona o finansiranju političkih stranaka, stranka je dužna da svojim internim aktima uspostavi i uredi sistem unutrašnje finansijske kontrole nad nižim organizacionim dijelovima.

(3) Uvidom u Izvještaj Centralne banke Bosne i Hercegovine utvrđeno je da stranka u obrascu 2. finansijskog izvještaja (Pregled prometa svih transakcijskih računa političke stranke) nije prijavila sve transakcijske račune te da promet po transakcijskom računu broj: 5621008000040234 koji je iskazan u finansijskom izvještaju ne odgovara prometu transakcijskog računa evidentiranom u poslovnim knjigama, što je suprotno odredbama člana 11. Pravilnika.

- Uvidom u Izvještaj Centralne banke Bosne i Hercegovine utvrđeno je da stranka u finansijskom izvještaju nije iskazala devizni račun broj: 5620108037114552 otvoren kod NLB banke. Uvidom u potvrdu banke utvrđeno je da stranka po navedenom računu u periodu od 01. 01. 2020. do 07. 12. 2020. godine nije ostvarila promet, te da je ugašen dana 09. 12. 2020. godine.

Stranka je bila obavezna iskazati navedeni račun u godišnjem finansijskom izvještaju za 2020. godinu jer je bio aktivan.

- U postupku kontrole utvrđeno je da je stranka u godišnjem finansijskom izvještaju po transakcijskom računu broj: 5621008000040234 iskazala sljedeći promet: početno stanje u iznosu od 17.218,48 KM, ukupan promet ulaza u iznosu od 694.142,86 KM, ukupan promet izlaza u iznosu od 692.389,67 KM i stanje na dan 31. 12. 2020. godine u iznosu od

18.971,67 KM. Uvidom u analitičku karticu stranke utvrđeno je da je evidentiran sljedeći promet po računu: početno stanje u iznosu od 18.196,94 KM, ukupan promet ulaza u iznosu od 694.142,86 KM, ukupan promet izlaza u iznosu od 692.389,67 KM i stanje na dan 31. 12. 2020. godine u iznosu od 19.950,13 KM.

Uočene razlike u početnom stanju posljedica su pogrešnih knjigovodstvenih evidencija jer stranka u poslovnim knjigama pored početnog stanja po navedenom transakcijskom računu u iznosu od 17.218,48 KM, a koje potvrđuje i izvod broj 1, u poslovnim knjigama po početnom stanju iskazuje i sredstva u ukupnom iznosu od 978,46 KM.

- (4) Stranka nije popunila obrazac 3-a (prilozi fizičkih lica) godišnjeg finansijskog izvještaja u skladu sa odredbama člana 14. Pravilnika.

Naime, stranka je u kolonu u kojoj se upisuje “broj potvrde iz člana 6. Pravilnika“, umjesto broja potvrde koju je izdala fizičkom licu upisala broj blagajničkog dnevnika.

Također, u postupku revizije utvrđeno je da na izdatim potvrdama o primljenim prilogima nije naveden broj potvrde, što je suprotno odredbama člana 6. stav (1) Pravilnika.

Pored navedenog, Služba za reviziju je utvrdila da stranka nema adekvatno uspostavljene evidencije o članarinama i prilogima fizičkih lica.

Sve uplate članarina stranka evidentira u poslovnim knjigama u okviru analitičke kartice prihodi od članarine, te nema mogućnost sortiranja uplaćenih članarina za svako fizičko lice pojedinačno. Pored toga što u okviru knjigovodstvenog programa nema analitičke evidencije, stranka nema uspostavljene ni interne evidencije o uplaćenim članarinama po fizičkim licima. Kao i kod članarina, stranka i priloge fizičkih lica evidentira u okviru analitičke kartice prihodi od donacija, bez mogućnosti da preuzme podatke o uplaćenim donacijama po fizičkim licima.

- (5) Obrazac 3-e finansijskog izvještaja (Nenovčane donacije i računi koje stranka nije imala obavezu platiti) stranka je pogrešno popunila, što je za posledicu imalo i neiskazivanje prihoda u obrascu 3 finansijskog izvještaja (Izvori finansiranja), čime su prekršene odrebe člana 13, 15. i 18. Pravilnika.

Stranka je u obrascu 3-e Glavnog odbora Banja Luka iskazala nenovčane donacije u iznosu od 118.942,74 KM. Međutim, ove donacije stranka je samo iskazala u koloni “ukupna vrijednost poklona ili usluge“, ali ne i u koloni “vrijednost koju stranka nije imala obavezu platiti“, tako da u aplikaciji “FI CIK BIH“, putem koje se izvještaji podnose, nisu mogli biti generirani potpuni podaci o prihodima u obrazac 3, što je za posledicu imalo to da je stranka ukupne prihode u obrascu 3 iskazala u manjem iznosu za 118.942,74 KM.

U postupku revizije, utvrđeno je sljedeće:

- Uvidom u dokumentaciju utvrđeno je da je stranka izvršila otpis obaveza za poreze i doprinose na osnovi Poreskog uvjerenja u iznosu od 102.701,17 KM. Na osnovi akta Poreske uprave Republike Srpske, broj: 06/01.02/0704-052.4-9070/2022 od 22. 06. 2022. godine, u kojem se navodi da Socijalistička partija u periodu od 2005. do 2015. godine nema neizmirenih obaveza po osnovi poreza i doprinosa, te da Poreska uprava RS nije vršila otpis nikakvih potraživanja prema ovom poreskom obvezniku, utvrđeno je da su obaveze po osnovi poreza i doprinosa koje je stranka isknjižila iz svoje knjigovodstvene evidencije u korist prihoda, rezultat pogrešnih i neažurnih evidencija u poslovnim knjigama. S obzirom na to da prihod u iznosu od 102.701,17 KM nije nastao kao rezultat otpisa potraživanja od povjerioca, nego je rezultat greške iz prethodnog perioda, stranka je to imala obavezu iskazati u okviru ostalih prihoda.

- Stranka je prijavila nenovčanu donaciju pravnog lica "Galić usluge" Ribnik u iznosu od 5.000,00 KM.

Uvidom u izvode sa transakcijskog računa, utvrđeno je da pravno lice "Galić usluge" Ribnik stranci u 2020. godini uplatilo 5.000,00 KM, što je stranka evidentirala kao prihod po osnovi ispravke greške iz ranijih godina.

Naime, stranka je i u 2016. godini od istog pravnog lica primila prilog u iznosu od 1.000,00 KM, te je u 2018. godini donatoru greškom vratila sredstva u iznosu od 5.000,00 KM. Kako je stranka pogrešno vratila sredstva, tražila je da joj se vrate, što je u 2020. godini i uplaćeno.

S obzirom na to da stranka u svojim evidencijama nema evidentirano potraživanje od pravnog lica "Galić usluge" Ribnik, te da se uplata desila u 2020. godini, a ne kada je greška nastala, stranka je ovu uplatu imala obavezu evidentirati kao prilog pravnog lica u iznosu od 5.000,00 KM, te iiskazati u obrascu 3-b.

- Stranka je na osnovi odluke izvršila otpis obaveza prema odborima u iznosu od 11.241,57 KM.

Uvidom u poslovne knjige utvrđeno je da stranka po početnom stanju prenosi ostale kratkoročne finansijske obaveze prema organizacionim odborima u iznosu od 728,13 KM i ostale kratkoročne finansijske obaveze prema povezanim pravnim licima u iznosu od 10.513,44 KM. U Odluci na osnovi koje je izvršen otpis stoji da su dugovanja Glavnog odbora prema općinskim odborima nastala zbog blokade računa Glavnog odbora po osnovi presude.

S obzirom na to da je riječ o obavezama između organizacionih dijelova, odnosno internim prenosima, stranka nije trebala u finansijskom izvještaju iskazati prihod po osnovi otpisa obaveza prema organizacionim dijelovima.

- (6) U korigiranom obrascu 3-f finansijskog izvještaja (Prihodi iz budžeta) stranka nije tačno iskazala prihode iz budžeta, čime je prekršila odredbe člana 19. Pravilnika.

- Uvidom u izvode sa transakcijskog računa utvrđeno je da su stranci uplaćena sredstva iz budžeta Republike Srpske u ukupnom iznosu od 369.658,42 KM, od čega je Ministarstvo uprave i lokalne uprave uplatilo 362.388,42 KM, a Vijeće naroda Republike Srpske 7.270,00 KM.

Stranka je, međutim, u korigiranom obrascu 3-f godišnjeg finansijskog izvještaja iskazala prihode iz budžeta Republike Srpske u ukupnom iznosu od 393.998,49 KM, kako slijedi: prihodi Glavnog odbora iz budžeta Republike Srpske u iznosu od 362.388,42 KM i prihodi Gradskog odbora Banja Luka iz budžeta Republike Srpske u iznosu od 31.610,07 KM.

Također, stranka je dio prihoda iz budžeta Republike Srpske (Vijeće naroda Republike Srpske) u iznosu od 3.600,00 KM u korigiranom obrascu 3-f iskazala kao prihode iz budžeta Općine Modriča i gradova Doboj i Bijeljina. Stranka je, naime, u korigiranom obrascu 3-f iskazala prihode OO Modriča iz budžeta Općine Modriča u iznosu od 1.200,00 KM, prihode OO Doboj iz budžeta Grada Doboja u iznosu od 1.200,00 KM i prihode GO Bijeljina iz budžeta Grada Bijeljina u iznosu od 1.200,00 KM.

Pored navedenog, utvrđeno je da je stranka prihode iz budžeta Grada Banja Luka u iznosu od 27.940,07 KM iskazala u okviru prihoda iz budžeta Republike Srpske. Naime, uvidom u akt Grada Banja Luka, broj: 04-40-809/2022 od 30. 05. 2022. godine, i izvode sa

transakcijskog računa stranke utvrđeno je da su u 2020. godini uplaćena sredstva stranci iz budžeta Grada Banja Luka u iznosu od 27.940,07 KM.

- Stranka je iskazala prihod iz budžeta Općine Pelagićevo u iznosu od 1.950,00 KM, dok je Općina Pelagićevo iz svog budžeta stranci uplatila sredstva u iznosu od 1.000,00 KM.
- Uvidom u podatke o uplatama sredstava iz budžeta Općine Nevesinje i Izjavu br. 1 o prebijanju-kompenzaciji međusobno dospjelih novčanih potraživanja između Općine Nevesinje i Socijalističke partije, koja je dostavljena uz primjedbe na preliminarni izvještaj, utvrđeno je da je stranka u godišnjem finansijskom izvještaju prihode iz budžeta Općine Nevesinje iskazala u manjem iznosu za 216,00 KM.
Socijalistička partija je u godišnjem finansijskom izvještaju iskazala prihode iz budžeta Općine Nevesinje u iznosu od 1.873,28 KM, odnosno sredstva koja su joj uplaćena na transakcijski račun. Stranka, međutim, nije iskazala prihode u iznosu od 216,00 KM, koje je ostvarila na osnovi potpisane Izjave o prebijanju potraživanja od Općine Nevesinje po osnovi prihoda iz budžeta i obaveza stranke prema Općini Nevesinje po osnovi zakupa poslovnog prostora u iznosu od 216,00 KM. Stranka je bila obavezna u svojim poslovnim knjigama i godišnjem finansijskom izvještaju evidentirati sve prihode iz budžeta Općine Nevesinje koje je ostvarila u toku 2020. godine.

(7) Na osnovi revizije godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije pravilno iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21, 22. i 23. Pravilnika.

- Stranka je iskazala troškove kampanje u manjem iznosu za 15.090,27 KM, čime je prekršila odredbe člana 21. 22. i 23. Pravilnika.

Stranka je u korigiranom godišnjem finansijskom izvještaju iskazala troškove kampanje u iznosu od 234.749,26 KM, dok je revizijom, a na osnovi raspoložive dokumentacije utvrđeno da su isti iznosili 249.839,33 KM.

1. Uvidom u Ugovore o zakupu medijskog prostora sa Novom opremom utvrđeno je da stranka nije ukalkulirala u troškove kampanje u 2020. godini posljednje (četvrte) rate u iznosima od 4.098,11 KM i 1.413,26 KM, kao što nije ukalkulirala ni petu ratu u iznosu od 7.207,20 KM po osnovi Ugovora o zakupu reklamnih površina sa Metromediom. Iako dobavljači Nova oprema i Metromedia nisu u 2020. godini fakturirali navedene troškove, te iako prema ugovorima navedene rate dospijevaju na plaćanje do 15. 01. 2021. godine stranka je imala obavezu u svojim poslovnim knjigama ukalkulirati navedene troškove jer su nastali u 2020. godini i odnose se na troškove kampanje za Lokalne izbore 2020. godine.
2. Stranka je imala obavezu iskazati i troškove koje bi imala da je plaćala usluge prevoza kandidata pravnom licu Dinamik Tours d. o. o. u iznosu od 2.000,00 KM, zatim, štampanje i montažu mini bilborda na određenim lokacijama u Prnjavoru, Ugljeviku i Čelincu u ukupnom iznosu od 1.834,00 KM.
3. U okviru troškova kampanje stranka je evidentirala i račune koji se ne odnose na kampanju za Lokalne izbore 2020. godine i to: emitiranje prazničnih čestitki račun Alternativne televizije u iznosu od 1.111,50 KM, računi Nezavisnog TV-studia "Arena" u iznosu od

117,00 KM i 234,00 KM. Stranka je navedene troškove imala obavezu iskazati u obrascu 4.1.

- Kontrolom troškova materijala i dijelova za tekuće održavanje osnovnih sredstava utvrđeno je da stranka svoje troškove ne evidentira u momentu kada su nastali, nego u momentu njihovog plaćanja, te nema adekvatne podatke o svojim troškovima i obavezama. Uvidom u fakture za navedeni trošak utvrđeno je da je stranka od dobavljača "Audi PSC" d. o. o. Banja Luka fakturu, broj: I01-002-212/19-s, u iznosu od 2.479,72 KM i fakturu, broj: I01-002-415/19-s, u iznosu od 1.000,83 KM obje iz 2019. godine evidentirala u okviru navedenog troška u 2020. godini.
 - Uvidom u dio računa *troškova za poklone* utvrđeno je da se odnose na kupovinu različitih proizvoda (prehrambeni proizvodi, dječiji paketići i posteljine), te na osnovi prapratne dokumentacije (odluke za donaciju posteljine) utvrđeno je da pripadaju humanitarnim rashodima.
Također, stranka za kupljene prehrambene proizvode i dječije paketiće ne raspolaže dokumentacijom kojom bi potvrdila da su prehrambeni proizvodi podijeljeni u vidu paketa, niti dokumentacijom kojom bi potvrdila da je održana manifestacija, te da je izvršena podjela dječijih paketića.
 - Uvidom u humanitarne rashode utvrđeno je da je stranka isplatila fizičkom licu sredstva u iznosu od 500,00 KM u svrhu poboljšanja rada općinskog odbora, a da pri tome stranci nisu dostavljeni računi za utrošena sredstva.
Pored toga, uvidom u odluke utvrđeno je da su u GO SP Bijeljina na ime pomoći isplaćena novčana sredstva fizičkim licima u iznosu od 1.828,00 KM.
S obzirom na to da navedene isplate imaju karakter ličnih primanja, stranka je na imala obavezu obračunati i u poslovnim knjigama evidentirati pripadajuće poreze i doprinose.
 - Uvidom u ugovore o zakupu poslovnih prostora utvrđeno je da su troškovi zakupa za sljedeće općinske odbore evidentirani i iskazani u manjem iznosu u odnosu na ugovorenu cijenu zakupa ukupno za 1.144,40 KM: OO SP Kotor-Varoš u iznosu od 468,00 KM, OO SP Gacko u iznosu od 300,00 KM, OO SP Nevesinje u iznosu od 216,00 KM, OO SP Teslić u iznosu od 150,00 KM i OO SP Mrkonjić-Grad u iznosu od 10,40 KM.
Uvidom u Izjavu o sporazumnom raskidu ugovora o zakupu poslovnog prostora od 31. 07. 2020. godine, koja je dostavljena uz primjedbe na preliminarni izvještaj, utvrđeno je da su troškovi zakupa poslovnog prostora koje je Socijalistička partija koristila u Palama iznosili 840,00 KM, dok je stranka u obrascu 4.1 iskazala troškove zakupa poslovnog prostora u iznosu od 2.244,00 KM, odnosno iskazala je veće troškove za 1.404,00 KM u odnosu na ugovorenu cijenu zakupa.
- (8) Stranka na kontu 1510–*Potraživanja za date avanse za zalihe i usluge ostalim licima* na dan 31. 12. 2020. godine iskazuje saldo u iznosu od 41.305,01 KM.
Činjenica da su navedena potraživanja po početnom stanju prenesena iz 2019. godine u iznosu od 32.197,88 KM, kao i da su tokom 2020. godine dati avansi uvećani (duguje) za 9.820,83 KM, te umanjeni (potražuje) u iznosu od 713,70 KM, upućuje da stranka nije vršila usaglašavanje svojih obaveza sa dobavljačima, odnosno da računi nisu knjiženi u poslovnim knjigama u momentu nastanka troška, kao i da stranka ne raspolaže knjigovodstvenim ispravama za knjižene promjene.

Pored navedenog, uvidom u poslovne knjige i bruto bilans utvrđeno je da stranka u svojim poslovnim knjigama iskazuje značajna potraživanja po početnom stanju koja se prenose iz godine u godinu. Stranka je u toku revizije dala izjavu u kojoj navodi da za razne vrste potraživanja koja se vode po početnom stanju nema knjigovodstvenu dokumentaciju te su uknjižene u poslovne knjige prilikom prelaska na centralizirano knjigovodstvo na nivou stranke.

(9) Revizijom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima.

- Kontrolom troškova reprezentacije, odnosno uvidom u račune dobavljača Pansion "Stadion" Nevesinje, broj: 5-3/20 od 16. 03. 2020. godine, u iznosu od 1.627,50 KM i, broj: 22/20 od 24. 10. 2020. godine, u iznosu od 252,00 KM, račun dobavljača Hotel "Park" d. o. o. Doboj, broj: 2020/1-10-216-57 od 27. 01. 2020. godine, u iznosu od 2.200,00 KM i račun dobavljača "Slobo-Prom", broj: 602-H/2020 od 01. 08. 2020. godine, u iznosu od 1.047,00 KM utvrđeno je da je na računima samo navedeno konzumacija hrane i pića i ugostiteljske usluge, bez specifikacije koja bi sadržavala podatke o vrsti i količini hrane i pića.
- Stranka je na osnovi predračuna, broj: 655/20 od 04. 03. 2020. godine, dobavljača "Botex" d. o. o. evidentirala trošak za poklone u iznosu od 1.539,72 KM. Isto tako, a uvidom u račune za gorivo i mazivo, utvrđeno je da je stranka na osnovi avansne fakture benzinske pumpe "Krajinapetrol" a.d. evidentirala troškove goriva u iznosu od 745,98 KM. Ističemo da se na osnovi avansne fakture, ne može evidentirati trošak u poslovnim knjigama. Avansna faktura je dokument na osnovi kojeg se isključivo vrši uplata, te kao takav može poslužiti samo za evidenciju plaćanja u poslovnim knjigama.

Pored navedenog, uvidom u račune za gorivo koje je je ispostavio dobavljač "Nestro petrol" utvrđeno je da stranka nema uspostavljenu kontrolu nad potrošnjom goriva. Naime, stranka osim faktura dobavljača na kojim u dijelu u koji se upisuje tip vozila, stoji: "**Ostala vozila**", nema specifikaciju ili izvještaj o natočenom gorivu (rekapitulaciju sa podacima o vozilu, vrsti natočenog goriva, vozaču i sl.). Napominjemo da stranka u svom vlasništvu ima motorno vozilo.

- Stranka je u finansijskom izvještaju GO SP Bijeljina iskazala troškove goriva i maziva u iznosu od 4.695,70 KM. Uvidom u rekapitulaciju, broj: 1863/20, koja je sastavni dio fakture benzinske pumpe "CSP" d. o. o., utvrđena je kontradiktornost, jer je u rekapitulaciji za svako točenje goriva navedeno isto fizičko lice, sekretar Gradskog odbora Bijeljina i registarska oznaka vozila (za svako točenje isto vozilo), dok je vrsta natočenog goriva različita, tj. u naznačeno vozilo točen je autogas, benzin i Euro dizel-5, što je tehnički neizvodljivo za benzin i dizel.

(10) Socijalistička partija nije adekvatno iskazala sve svoje obaveze u obrascu 5 (obaveze političke partije) finansijskog izvještaja, čime je prekršila odredbe člana 24. Pravilnika.

Uvidom u analitičku karticu pravnog lica "Infocom Računari" d. o. o. utvrđeno je da ovo pravno lice na dan 31. 12. 2020. godine od stranke potraživalo novčana sredstva u iznosu od 1.539,71 KM, dok je politička stranka u finansijskom izvještaju iskazala obavezu u iznosu od 1.633,70 KM.

Također, stranka je u finansijskom izvještaju na dan 31. 12. 2020. godine iskazala obavezu prema pravnom licu "Višić Audio Light" Banja Luka u iznosu od 19.000,00 KM, dok je uvidom u analitičku karticu kupca utvrđeno da navedeno pravno lice potražuje sredstva u iznosu od 16.000,00 KM.

Troškovi izborne kampanje

Prema odredbama člana 15.10 Izbornog zakona BiH Socijalistička partija je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti sredstva u iznosu od 485.363,84 KM.

Socijalistička partija je u korigiranom godišnjem finansijskom izvještaju za 2020. godinu iskazala je troškove izborne kampanje u iznosu od 234.749,26 KM

12. GRAĐANSKI SAVEZ (Kod 2072)

Prema podacima iz godišnjeg finansijskog izvještaja za 2020. godinu Građanski savez se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	915,00	1,62
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	915,00	1,62
II	Ostali prihodi i drugo	55.556,82	98,38
	Izvori finansiranja (I+II)	56.471,82	100,00

Revizijom godišnjeg finansijskog izvještaja za 2020. godinu utvrđeno je da je Građanski savez prekršio odredbe člana 4. stav (1), člana 5. stav (4), člana 11. i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

a) Stranka je u godišnjem finansijskom izvještaju iskazala ukupne troškove u iznosu od 57.212,03 KM. U svom Planu utroška sredstava za 2020. godinu stranka je planirala ukupne troškove u iznosu od 79.760,00 KM.

Analizom Plana utroška sredstava za 2020. godinu Služba za reviziju je utvrdila da je stranka finansijska sredstva u iznosu od 17.608,61 KM utrošila mimo utvrđenog programa utroška sredstava i to:

- Stranka je prekoračila planirane troškove u ukupnom iznosu od 6.978,63 KM i to: troškove ugovora o djelu u iznosu od 3.376,23 KM, troškove zakupa poslovnih prostora u iznosu od 3.505,00 KM, troškove grijanja u iznosu od 52,51 KM i troškove goriva i maziva u iznosu od 44,89 KM.
- U planu utroška sredstava stranka nije predvidjela sljedeće troškove: troškove advokatskih usluga i sudske troškove, troškove ostalih zakupa i troškove taksi, novčanih kazni i sl.

Stranka je u 2020. godini navedene troškove ostvarila u ukupnom iznosu od 10.629,98 KM, i to: troškove advokatskih usluga i sudske troškove u iznosu od 585,00 KM, troškove ostalih zakupa u iznosu od 5.374,98 KM i troškove taksi, novčanih kazni i sl u iznosu od 4.670,00 KM.

- b) Uvidom u poslovne knjige i dodatnu dokumentaciju utvrđeno je da stranka u godišnjem finansijskom izvještaju i poslovnim knjigama nije prijavila nenovčanu donaciju po osnovi besplatnog korištenja poslovnog prostora u vlasništvu Općine Novo Sarajevo, čime je prekršila odredbe člana 5. stav (4) Zakona o finansiranju političkih stranaka.

Uvidom u akt Općine Novo Sarajevo, broj: 02OV-19-5083/21 od 19. 08. 2021. godine utvrđeno je da je Općina Novo Sarajevo dala na korištenje poslovni prostor, površine 24,68 m², bez naknade klubu vijećnika Građanskog saveza.

- c) Revizijom je utvrđeno da Građanski savez nije uspostavio potpune evidencije o svojim приходима, rashodima, obavezama, nije prijavio sve transakcijske račune, nije postupio po principima blagajničkog poslovanja, godišnji finansijski izvještaj nije dostavio u roku niti ga je popunio u skladu sa odredbama Pravilnika, čime su prekršene odredbe člana 11. i člana 12. stav (1) i stav (4) Zakona o finansiranju političkih stranaka.

- (1) Građanski savez godišnji finansijski izvještaj za 2020. godinu je podnio nakon zakonom propisanog roka.

Građanski savez je godišnji finansijski izvještaj podnio putem aplikacije "FI CIK BIH" dana 15. 09. 2021. godine, a obrasce godišnjeg finansijskog izvještaja odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavio dana 16. 09. 2021. godine.

U skladu sa odredbama člana 12. stav (4) Zakona o finansiranju političkih stranaka, Građanski savez je bio obavezan godišnji finansijski izvještaj za 2020. godinu podnijeti Centralnoj izbornoj komisiji Bosne i Hercegovine do 31. 03. 2020. godine, elektronski putem aplikacije FI CIK BIH, te i u čvrstoj kopiji.

- (2) U postupku obavljanja revizije utvrđeno je da stranka nije uspostavila sistem internih kontrola, čime je prekršila odredbe člana 11. Zakona o finansiranju političkih stranaka.

S obzirom na činjenicu da su od stranke zatražene kopije internih akata, popis imovine i obaveza na dan 31. 12. 2020. godine i odluka o visini članarine, a da ih stranka nije predložila tokom revizije utvrđeno je da nema uspostavljen sistem internih kontrola.

Pored toga, stranka je dostavila izjavu u kojoj navodi da su niži organizacioni dijelovi stranke Bihać i Mostar od 2018. godine prešli u drugi politički subjekat, te da zbog toga nije u mogućnosti dostaviti finansijsku dokumentaciju za navedene odbore, govori u prilog činjenici da stranka nema uspostavljen sistem interne kontrole nad nižim nivoima stranke.

U skladu sa članom 11. stav (2) Zakona o finansiranju političkih stranaka, stranka je dužna da svojim internim aktima uspostavi i uredi sistem unutrašnje finansijske kontrole nad nižim organizacionim dijelovima.

- (3) Uvidom u Izvještaj Centralne banke Bosne i Hercegovine utvrđeno je da stranka u obrascu 2. finansijskog izvještaja (Pregled prometa svih transakcijskih računa političke

stranke) nije prijavila sve transakcijske račune, te je za isti transakcijski račun dva puta iskazala različit promet, čime je prekršila odredbe člana 11. Pravilnika.

- Uvidom u Izvještaj Centralne banke Bosne i Hercegovine utvrđeno je da stranka nije u finansijskom izvještaju iskazala dva transakcijska računa otvorena kod Nove banke i to račune broj: 5550000029921511 i 5556000038563620.
Stranka, također, nije iskazala ni dva transakcijska računa otvorena kod Raiffeisen banke i to račune broj: 1610000165770004 i 1610000165770198.

U postupku revizije nije utvrđeno da li je u 2020. godini ostvaren promet putem navedenih transakcijskih računa jer stranka nije dostavila izvode niti potvrde banke o prometu.

Uvidom u potvrdu Nove banke, koju je dostavila stranka, utvrđeno je da transakcijski računi broj: 5550000029921511 i 5556000038563620 pripadaju Građanskom savezu te da su ugašeni 03. 11. 2021. godine, odnosno 04. 11. 2021. godine.

- Stranka je u obrascu 2 umjesto broja transakcijskog računa 5556000048913326 pogrešno unijela broj: 556000028730051, tj. račun za posebne namjene. Uvidom u dostavljene izvode sa transakcijskog računa broj: 5556000048913326 kod Nove banke utvrđeno je sljedeće: saldo na dan 01. 01. 2020. godine u iznosu od 0,00 KM, promet ulaza u iznosu od 5.000,00 KM, promet izlaza u iznosu od 4.619,60 KM i saldo na dan 31. 12. 2020. godine u iznosu od 380,40 KM.

Napominjemo da je stranka u obrascu 2. transakcijski račun broj: 556000028730051 iskazala dva puta sa različitim prometom.

- (4) Uvidom u obrazac 3 finansijskog izvještaja (Izvori finansiranja) utvrđeno je da je stranka pogrešno iskazala prihode od članarina i ostale prihode, čime je prekršila odredbe člana 13., 14. i 19. Pravilnika.

- Stranka je u finansijskom izvještaju iskazala prihod od članarina u iznosu od 915,00 KM.

Uvidom u izvršene uplate putem transakcijskog računa utvrđeno je da su izvršene dvije uplate od fizičkih lica i to: Sulejmana Kadića u iznosu od 325,00 KM i Enise Rešić u iznosu od 300,00 KM, gdje se iz svrhe uplate vidi da se odnose na priloge fizičkih lica stranci.

S obzirom na navedeno stranka je imala obavezu da priloge fizičkih lica Sulejmana Kadića i Enise Rešić iskaže u obrascu 3-a finansijskog izvještaja (Prilozi fizičkih lica) u ukupnom iznosu od 625,00 KM, dok je prihode po osnovi članarina trebala iskazati u ukupnom iznosu od 290,00 KM. Pogrešnim iskazivanjem prihoda stranka je prekršila odredbe člana 13. i 14. Pravilnika.

- U obrascu 3 stranka je iskazala ostale prihode u iznosu od 55.556,82 KM.

Uvidom u izvode i službene podatke utvrđeno je da su navedeni prihodi nastali uplatama tranši iz budžeta općina, Grada Sarajeva, te dijela budžetskih sredstava koje je koalicioni partner Demokratska fronta uplatila stranci po osnovi koalicionog sporazuma, a koje je stranka suprotno odredbama člana 13. i 19. Pravilnika pogrešno iskazala kao ostali prihod.

Navedene prihode stranka je imala obavezu iskazati u obrascu 3-f finansijskog izvještaja (Prihodi iz budžeta) na sljedeći način: prihod iz budžeta Općine Ilijaš u iznosu od 5.614,05 KM, prihod iz budžeta Općine Novo Sarajevo u iznosu od 4.690,54 KM, prihod iz budžeta Općine Centar Sarajevo u iznosu od 11.184,15 KM, prihod iz budžeta Grada Sarajevo u iznosu od 22.566,19 KM i sredstva iz budžeta Federacije BiH u iznosu od 11.501,89 KM.

- (5) Revizijom, a na osnovi raspoložive dokumentacije o blagajničkom poslovanju stranke utvrđeno je da promet utvrđen kroz blagajnu odstupa u odnosu na promet evidentiran u poslovnim knjigama i iskazan u finansijskom izvještaju, te da je stranka postupala suprotno pravilima i principima blagajničkog poslovanja i suprotno Uredbi o uvjetima i načinu plaćanja gotovim novcem u Federaciji BiH.

- Nakon izvršene analize dnevnika blagajne utvrđen je sljedeći promet: početno stanje na dan 01. 01. 2020. godine u iznosu od 1.899,03 KM, ukupan promet ulaza u iznosu od 4.950,00 KM, ukupan promet izlaza u iznosu od 3.552,25 KM i saldo na dan 31. 11. 2020. godine u iznosu od 3.296,78 KM. Stranka je u poslovnim knjigama i finansijskom izvještaju iskazala sljedeći promet: početni saldo na dan 01. 01. 2020. godine u iznosu od 1.889,03 KM, ukupan promet ulaza u iznosu od 4.950,00 KM, ukupan promet izlaza u iznosu od 3.552,25 KM i saldo na dan 31. 11. 2020. godine u iznosu od 3.286,78 KM.

Uvidom u dnevnik blagajne utvrđeno je da je stranka pogrešno popunjavala promet na blagajničkim dnevnicima jer je *ulazni promet* u koji se upisuje iznos položenog novca u blagajnu, uvećavala za početni saldo, bez obzira što je iskazan u polju *saldo na određeni dan*. Pored toga, stranka je u dnevniku broj 12 iskazala pogrešan saldo na dan 31. 10. 2020. godine, te se navedena greška prenijala i na dnevnik blagajne broj 13, gdje je stranka u polje *saldo na dan 31. 11. 2020. godine* upisala iznos od 3.374,24 KM, dok je iznosio 3.296,78 KM.

Navedeno ukazuje da stranka nije vodila na pravilan način blagajničko poslovanje, da nisu vršene kontrole, kao i da poslovne evidencije nisu usaglašavane niti je izvršen popis novčanih sredstava.

Osim toga, utvrđeno je i to da na dnevnicima blagajne, blagajničkim nalogima za naplatu i isplatu, nedostaju potpisi blagajnika i lica koje je vršilo kontrolu. Na naplatnim i isplatom nalogima pored nedostajućih potpisa blagajnika i lica koje je vršilo kontrolu, nedostaju potpisi lica koje je predalo novac u blagajnu odnosno potpisi lica koja su primila isplaćena sredstva, te iz navedenog razloga nije moguće utvrditi kome su sredstva isplaćena putem blagajne. Također, računi na osnovi kojih su isplaćena sredstva iz blagajne nisu potpisani i odobreni od ovlaštenog lica.

- Stranka je u 2020. godini više puta podizala novčana sredstva sa transakcijskog računa stranke i vršila polog u blagajnu, a u svrhu plaćanja računa. U periodu od 31. 01. do 09. 03. 2020. godine stranka je položila sredstva u blagajnu u ukupnom iznosu od 1.130,00 KM, a da nije imala nikakva plaćanja.

S obzirom na to da je od ukupnih 6.849,03 KM gotovinskih sredstava, na blagajni isplaćeno 3.552,25 KM, stranka je odstupila od propisa i principa blagajničkog poslovanja.

Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

(6) Stranka u poslovnim knjigama nije evidentirala i u obrascima 3 i 3-e finansijskog izvještaja (Nenovčane donacije i računi koje stranka nije imala obavezu platiti) nije iskazala nenovčanu donaciju Općine Novo Sarajevo, čime je prekršila odredbe člana 13. i 18. Pravilnika. Stranka ni trošak nastao po istom osnovu nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 21. i 22. Pravilnika.

(7) Na osnovi revizije godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije pravilno iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.

- Kontrolom troškova reprezentacije, koje je stranka u finansijskom izvještaju iskazala u iznosu od 4.067,83 KM, utvrđeno je da stranka nema sve račune za navedene troškove. Dio troškova reprezentacije plaćen je biznis karticom sa transakcijskog računa stranke, te je utvrđeno da nedostaju sljedeći računi: Restoran Kovačević Jablanica u iznosu od 76,90 KM, Dijana Disco bar i PIC Ilijaš u iznosu od 150,00 KM, Konzum Sarajevo u iznosu od 20,04 KM, Hotel Han Bjelašnica u iznosu od 23,00 KM, Apoteke Sarajevo Marin-Dvor u iznosu od 3,50 KM i Theresa d. o. o. bufet zac Sarajevo u iznosu od 4,00 KM. Potrebno je napomenuti da je kontrolom izvoda utvrđeno da su pojedini računi za reprezentaciju plaćeni biznis karticom u većem iznosu od same vrijednosti računa.

Pored toga, kontrolom izvoda i plaćanja biznis karticom utvrđeno je da su, pored reprezentacije plaćeni računi za gorivo i kancelarijski materijal, a njih stranka nema i to: Selex benzinska pumpa Mostar u iznosu od 50,00 KM, PJ Vogošća Banja Luka u iznosu od 70,00 KM, BP Sas Vojkovići u iznosu od 32,00 KM, Gazprom Sarajevo u iznosu od 11,00 KM, Energopetrol Hrasno u iznosu od 34,99 KM i račun za kancelarijski materijal knjižare Svjetlostkomerc Sarajevo u iznosu od 23,10 KM.

- Stranka je u finansijskom izvještaju u okviru režijsko-administrativnih troškova iskazala troškove reklame i propagande u iznosu od 16.936,15 KM. Uvidom u račune utvrđeno je da se navedeni troškovi odnose na troškove kampanje za Lokalne izbore održane u novembru 2020. godine.

Osim toga, kontrolom dokumentacije uvrđeno je da se pored navedenih troškova reklame i propagande sljedeći troškovi odnose na kampanju za Lokalne izbore 2020. godine, a iskazani su u okviru režijsko-administrativnih troškova i to: troškovi ostalih zakupa u iznosu od 5.374,98 KM, zatim, račun evidentiran na troškovima kancelarijskog materijala u iznosu od 1.345,50 KM, račun Nezavisne novinske agencije "Onasa" u iznosu od 175,50 KM i računi evidentirani na troškovima zakupa za iznajmljivanje sale Hotel Evropa u iznosu od 150,00 KM i trošak ugovora o djelu sa Nevzetom Muzurović u iznosu od 500,00 KM.

Na osnovi navedenog utvrđeno je da su troškovi kampanje iznosili 24.482,13 KM, što je stranka imala obavezu iskazati u obrascu 4.2 finansijskog izvještaja, a ne u obrascu 4.1 kako je stranka iskazala, čime je prekršila odredbe člana 21., 22. i 23. Pravilnika.

- Stranka je u 2020. godini isplatila i u poslovnim knjigama evidentirala troškove goriva u iznosu od 344,89 KM, a nije obračunala poreze i doprinose.

S obzirom na to da je riječ o isplatama fizičkim licima koja nisu zaposlena u stranci, odnosno isplatama koja imaju karakter ličnih primanja, stranka je bila obavezna izvršiti obračun poreza i doprinosa na isplaćena sredstva i evidentirati ih u svojim poslovnim knjigama.

Također, bitno je istaći da su troškovi goriva plaćani putem blagajne kao i biznis karticom sa transakcijskog računa. S obzirom na to da osim fiskalnih računa stranka nema drugu dokumentaciju (putni nalog, izvještaj sa puta i sl.) nije moguće utvrditi da li su sredstva koja su isplaćena u navedenu svrhu i korištena u svrhu ostvarivanja ciljeva stranke.

- Stranka je u reviziji od ukupno iskazanih troškova po ugovoru o djelu u iznosu od 8.076,23 KM, dostavila samo ugovor o djelu sa Nevzetom Muzurović čija je vrijednost 500,00 KM, što se ne može prihvatiti kao reprezentativan uzorak.

Pored ugovora o djela, stranka nije dostavila ni dio računa za troškove reklame, zatim račun za advokatske usluge u iznosu od 585,00 KM, Ugovor i Anex ugovora o zakupu sa Ekonomskim institutom u Sarajevu, Ugovor o zakupu sa firmom "Drampek" Tuzla i račune koje evidentirala na troškovima zakupa. Nedostavljanje kompletne dokumentacije ukazuje na to da stranka ne raspolaže sa kompletnom finansijskom dokumentacijom koja bi pratila evidentirane promjene u poslovnim knjigama.

- (8) Revizijom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima.

Uvidom u troškove reklame i propagande utvrđeno je da je dio troškova u poslovnim knjigama evidentiran na osnovi predračuna.

Ističemo da se na osnovi predračuna ne može evidentirati trošak u poslovnim knjigama. Predračun je dokument na osnovi kojeg se isključivo vrši uplata, te kao takav može poslužiti samo za evidenciju plaćanja u poslovnim knjigama.

- (9) Građanski savez nije iskazao sve svoje obaveze u obrascu 5 (obaveze političke partije) finansijskog izvještaja, čime je prekršio odredbe člana 24. Pravilnika.

Stranka je u godišnjem finansijskom izvještaju iskazala obaveze u iznosu od 6.450,00 KM, dok je u Bilansu stanja koji je predala Finansijsko-informatičkoj agenciji iskazala kratkoročne obaveze u iznosu od 25.004,00 KM. Prema podacima iz bruto bilansa ukupne obaveze stranke na dan 31. 12. 2020. godine iznosile su 26.754,32 KM.

Uvidom u bruto bilans stranke utvrđeno je da je stranka u svojim poslovnim knjigama evidentirala obaveze prema dobavljačima u iznosu od 14.239.83 KM, obaveze za plate u iznosu od 4.268,52 KM i obaveze za poreze i doprinose u iznosu od 1.795,97 KM, a to nije iskazala u godišnjem finansijskom izvještaju.

Stranka do momenta izdavanja revizijskog izvještaja nije dostavila potvrde sa sljedećim dobavljačima: "Ekonomski institut Sarajevo", "Europlakat" i "PrintArt", kao i ugovor o pozajmici sa Reufom Bajrovićem.

- (10) Uvidom u službene evidencije utvrđeno je da Građanski savez nije podnio finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine (postizborni finansijski izvještaj, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (11) Stranka nije platila troškove izborne kampanje putem transakcijskog računa koji je otvorila za finansiranje izborne kampanje.

Stranka je samo taksu za ovjeru za učešće na Lokalnim izborima, održanim u novembru 2020. godine, platila sa namjenskog računa, dok je troškove kampanje u iznosu od 24.482,13 KM platila sa redovnog transakcijskog računa.

Troškovi izborne kampanje

Prema odredbama člana 15.10 Izbornog zakona BiH Građanski savez je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 214.584,75 KM.

Građanski savez u godišnjem finansijskom izvještaju za 2020. godinu iskazao je troškove izborne kampanje u iznosu od 24.482,13 KM.

Prilog br. 2. – Nalazi revizije iz izvještaja o pregledu godišnjih finansijskih izvještaja političkih stranaka za 2020. godinu

1. PLATFORMA ZA PROGRES (KOD 2320)

Prema podacima iz godišnjeg finansijskog izvještaja Platforma za progres se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	27.118,29	8,44
2.	Prilozi fizičkih lica (3-a)	226.757,40	70,55
3.	Prilozi pravnih lica (3-b)	25.674,54	7,99
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	40.965,81	12,75
7.	Prihodi iz budžeta (3-f)	897,20	0,28
8.	Prihodi od propagande (3-g)	0,00	0,00
I	Ukupni prihodi (1-8)	321.413,24	100,00
II	Ostali prihodi i drugo	0,14	0,00
	Izvori finansiranja (I+II)	321.413,38	100,00

Pregledom godišnjeg finansijskog izvještaja za 2020. godinu utvrđeno je da je Platforma za progres prekršila odredbe člana 4. stav (1), člana 5. stav (4), člana 6. stav (4) i stav (5), člana 8. stav (1) i stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- a) U godišnjem finansijskom izvještaju za 2020. godinu Platforma za progres iskazala je ukupne rashode u iznosu od 356.846,91 KM.

Uvidom u Program utroška sredstava za 2020. godinu utvrđeno je da je stranka planirala rashode u ukupnom iznosu od 248.850,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog programa utroška sredstava za 2020. godinu, kako slijedi:

- U Programu utroška sredstava nisu planirani troškovi platnog prometa, negativne kursne razlike, takse, novčane kazne i sl., troškovi održavanje opreme i troškovi poreza i dr. obaveza. U godišnjem finansijskom izvještaju stranka je navedene troškove iskazala u ukupnom iznosu od 15.295,25 KM, i to: troškove platnog prometa u iznosu od 2.561,55 KM, negativne kursne razlike u iznosu od 2.207,43 KM, takse, novčane kazne i sl. u iznosu od 7.100,00 KM, troškove održavanja opreme u 2.542,86 KM i troškove poreza i dr. obaveza u iznosu od 883,41 KM.
- Stranka je planirane troškove ugovora o djelu prekoračila za 23.612,28 KM, troškove hotelskih usluga za 1.594,50 KM, troškove kancelarijskog materijala za 1.273,25 KM, troškove grijanja za 289,45 KM, troškove sitnog inventara i autoguma za 11.516,91 KM, troškove zakupnine poslovnih prostorija za 30.450,00 KM, troškove komunalnih usluga (odvoz smeća) za 190,41 KM, te troškove knjigovodstvenih usluga za 63,00 KM.
- Stranka je planirane troškove izborne kampanje prekoračila za 92.970,30 KM. U godišnjem finansijskom izvještaju stranka je iskazala troškove izborne kampanje u ukupnom iznosu od 114.570,30 KM, dok je u Programu utroška sredstava za 2020. godinu planirala ove troškove u ukupnom iznosu od 21.600,00 KM.

S obzirom na to da je stranka finansijska sredstva u iznosu od 177.255,35 KM utrošila mimo utvrđenog Programa utroška finansijskih sredstava za 2020. godinu, prekršene su odredbe člana 4. stav (1) Zakona o finansiranju političkih stranaka.

- b) Kontrolom podataka o uplatama putem PayPal računa, utvrđeno je da stranka u poslovnim knjigama nije evidentirala, a u godišnjem finansijskom izvještaju nije prijavila donacije uplaćene putem PayPal računa u decembru 2020. godine u ukupnom iznosu od 7.601,14 KM, čime je prekršila odredbe člana 5. stav (4) Zakona o finansiranju političkih stranaka.

Isto tako, utvrđeno je da stranka nije uspostavila pravilne evidencije o priložima fizičkih i pravnih lica koji su uplaćeni putem PayPal računa, jer ih je umanjivala za iznos provizije koja je naplaćena za svaku transakciju pojedinačno.

- Platforma za progres nije u godišnjem finansijskom izvještaju prijavila nenovčanu donaciju pravnog lica "Europlakat BH" d. o. o. Sarajevo po osnovi zakupa 50 površina za billboard i 50 površina za city light po povoljnijim uvjetima, čime je prekršila odredbe člana 5. stav (4) Zakona o finansiranju političkih stranaka.

Dobavljač "Europlakat BH" d. o. o. Sarajevo je za zakup 100 površina (billboard i citylight) u periodu od 28.10.2020. od 14.11.2020. godine izdao fakturu br. 863-10/20 od 28.10.2020. godine u iznosu od 1.755,00 KM. Uvidom u fakturu utvrđeno je da pojedinačne cijene značajno odstupaju od ponuđenih cijena zakupa, te da je dobavljač stranci odobrio rabat od 97,57 % na cijenu billboard, te 97,28% na cijenu city light, odnosno 58.028,57 KM.

Na osnovi navedenog, utvrđeno je da je stranka ostvarila prilog pravnog lica "Europlakat BH" d. o. o. Sarajevo u iznosu od 58.028,57 KM, koji je za 8.028,57 KM

veći u odnosu na dozvoljeni limit na visinu priloga, čime su prekršene odredbe člana 6. stav (4) Zakona o finansiranju političkih stranaka.

- Platforma za progres je u obrascima 3-a (prilozi fizičkih lica) i 3-e (nenovčane donacije i računi koje politička stranka nije imala obavezu da plati) godišnjeg finansijskog izvještaja iskazala da je fizičko lice Sakiba Hotović dala novčanu donaciju stranci u iznosu od 9.716,56 KM i nenovčane donacije u vrijednosti od 4.500,00 KM.

Kontrolom pojedinačnih uplata na račune stranke, te uvidom u dodatnu dokumentaciju, utvrđeno je da je fizičko lice Sakiba Hotović dala novčane priloge stranci u ukupnom iznosu od 7.870,85 KM, nenovčanu donaciju po osnovi otpisanih potraživanja u iznosu od 1.932,20 KM i nenovčanu donaciju po osnovi besplatnog korištenja poslovnog prostora u periodu od 15. 04. do 31. 12. 2020. godine u ukupnom iznosu od 8.500,00 KM, odnosno ukupno 18.303,05 KM.

S obzirom na to da je primila donacije fizičkog lica u većem iznosu za 3.303,05 KM u odnosu na zakonom dozvoljeni limit na visinu priloga, politička stranka je prekršila odredbe člana 6. stav (5) Zakona o finansiranju političkih stranaka.

Platforma za progres prekršila je i odredbe člana 5. stav (4) Zakona o finansiranju političkih stranaka jer u finansijskom izvještaju nije prijavila nenovčanu donaciju fizičkog lica Sakiba Hotović po osnovi besplatnog korištenja poslovnog prostora u periodu od 01. 09. do 31. 12. 2020. godine u ukupnom iznosu od 4.000,00 KM.

Naime, uvidom u Aneks ugovora o zakupu poslovnog prostora, br. 07,3-10/20 od 10. 04. 2020. godine, utvrđeno je da je mjesečna zakupnina iznosila 1.000,00 KM, te da stranka nema obavezu da plaća zakupninu za poslovne prostorije u periodu od 15. 04. 2020. godine do 31. 12. 2020. godine. Stranka je u poslovnim knjigama evidentirala obavezu prema ovom fizičkom licu za korištenje poslovnog prostora u periodu od 01. 09. do 31. 12. 2020. godine u ukupnom iznosu od 4.000,00 KM, odnosno nije oprihodovala ovaj iznos, čime je izbjegla da iskaže ostvareni prihod.

- c) Platforma za progres je tokom 2020. godine putem PayPal računa primila uplate od pravnih lica iz inostranstva i uplate za koje nema dovoljno podataka o identitetu donatora, čime je prekršila odredbe člana 8. stav (1) tačka i) i tačka e) Zakona o finansiranju političkih stranaka.

Uvidom u podatke sa pregleda prometa ostvarenog putem PayPal računa u periodu od 01. 01. do 31. 12. 2020. godine utvrđeno je da je stranka primila sredstva od sljedećih donatora: ITCV Global FX u iznosu od 50,15 KM, IBM-Idaho Building Maintenance, LLC u iznosu od 82,54 KM, Pomoć za izgradnju kuće za porodice Okić i Kajtezović u iznosu od 176,97 KM, Nihad Inc u iznosu od 346,32 KM, Übersetzungsburo Kadunic u iznosu od 39,12 KM, Creating New You u 34,82 KM, Dating u iznosu od 39,12 KM, Deal depot u iznosu od 176,42 KM, English tutor u iznosu od 20,89 KM, Freser u iznosu od 39,12 KM, Happyhours.ba u iznosu od 39,12 KM, My CPA Services u iznosu od 19,56 KM i Sponsiart u iznosu od 38,62 KM, odnosno ukupno 1.102,77 KM.

- Na osnovi obavljenog pregleda finansijskih izvještaja utvrđeno je da je Platforma za progres primila priloge pravnog lica “Akva invest” d. o. o. Živinice koje je u toku 2020. godine imalo sklopljene ugovore o javnim nabavkama radova i usluga sa organom izvršne vlasti čija je vrijednost veća od 10.000,00 KM, što je suprotno odredbama člana 8. stav (4) Zakona o finansiranju političkih stranaka.

Platforma za progres je u toku 2020. godine primila priloge pravnog lica "Akva invest" d. o. o. Živinice u ukupnom iznosu od 1.000,00 KM. Prema podacima koje je dostavio Grad Živinice, pravno lice "Akva invest" d. o. o. Živinice je sa Gradom Živinice u toku 2020. godine imalo zaključen Ugovor o obavljanju poslova u iznosu od 39.971,18 KM, te Okvirni sporazum/Ugovor o nabavci radova u iznosu od 24.722,10 KM.

- d) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da Platforma za progres nije uspostavila pravilne, potpune i pravovremene evidencije o svojim prihodima, rashodima i obavezama, godišnji finansijski izvještaj za 2020. godinu nije dostavila u zakonom propisanom roku i obrasce godišnjeg finansijskog izvještaja za 2020. godinu nije popunila u skladu sa Pravilnikom o godišnjim finansijskim izvještajima političkih stranaka ("Službeni glasnik", br. 96/13 i 89/16)-u daljem tekstu: Pravilnik, čime je prekršila računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
- (1) Platforma za progres je godišnji finansijski izvještaj za 2020. godinu putem aplikacije FI CIK BiH dostavila dana 30. 04. 2021. godine, dok je odštampane obrasce finansijskog izvještaja u čvrstoj kopiji dostavila dana 06. 05. 2021. godine. Rok za dostavljanje godišnjeg finansijskog izvještaja za 2020. godinu bio je 31. 03. 2021. godine.
- (2) Platforma za progres je u obrascu 1-1 (organizaciona struktura političke stranke) godišnjeg finansijskog izvještaja navela da ima samo organizacioni dio Centrala stranke. Uvidom u ugovore o zakupu poslovnih prostorija i podatke iz poslovnih knjiga za 2020. godinu utvrđeno je da je, osim prostorija koje je koristila Centrala, Platforma za progres koristila i prostorije u sljedećim općinama i gradovima: Vogošća, Ilidža, Novi Grad Sarajevo, Bihać, Tuzla, Gradačac, Jablanica, Visoko, Zavidovići, Sanski Most i Cazin. S obzirom na to da u godišnjem finansijskom izvještaju nije iskazala cjelokupnu organizacionu strukturu, tj. nije iskazala niže organizacione odbore, stranka je prekršila odredbe člana 10. Pravilnika.
- (3) Platforma za progres nije pravilno iskazala podatke o prihodima iz budžeta, čime je prekršila odredbe člana 19. Pravilnika. Stranka je u obrascu 3-f (prihodi iz budžeta) iskazala prihode iz budžeta Općine Centar Sarajevo u iznosu od 897,20 KM. Uvidom u izvode sa transakcijskog računa utvrđeno je da je stranka primila sredstva iz budžeta Općine Stari Grad Sarajevo u iznosu od 897,20 KM, te da nije ostvarila prihode iz budžeta Općine Centar Sarajevo.
- (4) U obrascu 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja stranka nije iskazala nenovčanu donaciju pravnog lica "Europlakat BH" d. o. o. Sarajevo, čime je prekršila odredbe člana 13. i 18. Pravilnika. Također je utvrđeno je da stranka troškove iznajmljivanja površina za billboard i city light po računu "Europlakat BH" d. o. o. Sarajevo iskazala u manjem iznosu u odnosu na stvarne, što je suprotno odredbama člana 21. i 23. Pravilnika. Nastale troškove stranka je imala obavezu prijaviti u obrascu 4.2 finansijskih izvještaja.

- (5) Pregledom finansijskog izvještaja i dodatne dokumentacije utvrđeno je da stranka u poslovnim knjigama i finansijskom izvještaju nije evidentirala sve priloge fizičkih i pravnih lica i nije pravilno iskazala podatke o donatorima i iznosima priloga, čime je prekršila odredbe člana 13, 14. i 15. Pravilnika. Isto tako je, utvrđeno da je stranka na istom kontu u poslovnim knjigama evidentirala priloge i fizičkih i pravnih lica, te nenovčane donacije, odnosno nije uspostavila pravilne evidencije o priložima, kao pretpostavku za pravilno finansijsko izvještavanje.

Služba za reviziju je utvrdila i da je stranka uplatu sredstava na PayPal račun iz decembra 2019. godine u poslovnim knjigama iskazala kao prihode 2020. godine, te iskazala u godišnjem finansijskom izvještaju za 2020. godinu, što ukazuje da ne vodi pravilne i pravovremene evidencije o svojim prihodima, odnosno da podaci o priložima koji su iskazani u obrascima godišnjeg finansijskog izvještaja za 2020. godinu ne odgovaraju iznosu ostvarenih prihoda u 2020. godini.

Pored navedenog, a nakon izvršenog uvida u dostavljene potvrde o primljenim donacijama izdate fizičkim i pravnim licima, utvrđeno je da nisu navedeni podaci o broju identifikacionog dokumenta/identifikacioni broj donatora, kao i da podaci o broju potvrde navedeni u obrascu 3-a ne odgovaraju brojevima na izdatim potvrdama, što je suprotno odredbama iz člana 6. Pravilnika.

- Kontrolom podataka o uplatama putem PayPal računa utvrđeno je da stranka u poslovnim knjigama nije evidentirala, a u godišnjem finansijskom izvještaju nije prijavila prihode po osnovi članarina i donacija uplaćenih putem PayPal računa u decembru 2020. godine u ukupnom iznosu od 7.601,14 KM. S druge strane, stranka je prihode po osnovi članarina i donacija koje su uplaćene putem PayPal računa u decembru 2019. godine u ukupnom iznosu od 11.327.95 KM iskazala u poslovnim knjigama i godišnjem finansijskom izvještaju za 2020. godinu kao prihode iz 2020. godine.

Pored navedenog, utvrđeno je da je stranka prihode naplaćene putem PayPal računa (uplate fizičkih i pravnih lica) u periodu od januara do novembra 2020. godine iskazala u manjem iznosu za 3.502,71 KM u odnosu na ostvarene, jer je primljene uplate na PayPal račun umanjivala za iznos provizije koja je naplaćena za svaku transakciju pojedinačno.

Potrebno je napomenuti da je stranka prihode priznavala tek u momentu prenosa sredstava sa PayPal računa na devizne račune, i to umanjene za iznos provizije, a ne u momentu kada su sredstva naplaćena.

- Pregledom obrazaca godišnjeg finansijskog izvještaja, izvoda i podataka sa transakcijskih i deviznih računa, PayPal računa i blagajne stranke, utvrđeno je sljedeće:
 1. Stranka je u obrascu 3-a (prilozi fizičkih lica) navela da je dana 12. 11. 2020. godine primila priloge fizičkog lica Alen Sarajčić u iznosu od 100,00 KM, te prilog fizičkog lica Alen Saraji u iznosu od 100,00 KM dana 26. 05. 2020. godine. Uvidom u izvode sa transakcijskog računa broj: 1994990011790463 utvrđeno je da je na izvodu od 12. 11. 2020. godine navedeno samo: Alen Saraji, što odgovara podatku iskazanom u obrascu 3-a, međutim, ostali podaci: ime oca, broj transakcijskog računa uplatioca donacija i opis (iskra 7056) su identični za obje uplate. Navedeno ukazuje da je isto lice izvršilo uplatu donacije, te da stranka ne vodi pravilne evidencije o priložima.

Kontrolom izvoda sa istog transakcijskog računa utvrđeno je da je fizičko lice Filzeta Kadrić, dana 24. 09. 2020. godine, izvršila uplatu sredstava po osnovi članarina i priloga prikupljenih od više lica u iznosima od 615,00 KM, 240,00 KM i 150,00 KM.

U opisu uplate u iznosu od 615,00 KM navedeno je da se sredstva u iznosu od 60,00 KM odnose na donaciju Erdina Kadunića, Maide Smriko u iznosu od 40,00 KM i Samira Vojnikovića u iznosu od 100,00 KM, odnosno ukupno 200,00 KM. Iz izvoda je očito da je još jedno lice, za koje je navedeno samo Elvis, donator stranke, ali ostali podaci o donatoru nisu navedeni na izvodu. Stranka je u obrascu 3-a navela da je donacija fizičkog lica Filzeta Kadrić na dan 24. 09. 2020. godine iznosila 415,00 KM.

Kada je riječ o uplati od 240,00 KM, utvrđeno je da je na izvodu navedeno da se iznos od 40,00 KM odnosi na članarinu Mehmeda Kadirića, dok je 100,00 KM donacija Filzete Kadrić, dok za razliku u iznosu od 100,00 KM nema podataka.

2. Kontrolom izvoda sa deviznih računa utvrđeno je da je fizičko lice Senad Mujić uplatio sredstva u iznosu od 181,19 KM (u CHF), od čega je stranka u poslovnim knjigama 20,00 KM evidentirala kao članarinu, a 161,19 KM je proknjiženo na kontu donacija. Stranka u obrascu 3-a nije iskazala prilog ovog lica u dijelu obrasca u koji se upisuju prilozi veći od 100,00 KM.
3. Politička stranka je u obrascu 3-a iskazala priloge fizičkog lica Nihad Inc u iznosima od 174,25 KM i 165,08 KM. Uvidom u dokumentaciju o uplatama na Paypal račun, utvrđeno je da je Nihad Inc uplatio donacije stranci, međutim stranka je na potvrdama o primljenim priložima navela da je fizičko lice Nihad Latić dao priloge stranci u iznosu od 165,08 KM i 174,25 KM.
4. Platforma za progres je u obrascu 3-a iskazala priloge Husejina Kuduzovića u ukupnom iznosu od 264,04 KM.
Kontrolom izvoda sa deviznih računa i blagajničkog izvještaja, broj: 22/20 od 26. 02. 2020. godine, utvrđeno je da je fizičko lice Husejin Kuduzović na devizni račun uplatio sredstva u iznosu od 130,06 KM, od čega je stranka u poslovnim knjigama 20,00 KM evidentirala kao članarinu, a 110,06 KM je proknjiženo na kontu donacija. Isto fizičko lice je putem blagajne stranke uplatilo donaciju u 174,00 KM. Stranka je u poslovnim knjigama evidentirala prilog u iznosu od 154,00 KM, koji je iskazala u obrascu 3-a, dok je 20,00 KM evidentirala kao prihode od članarine i u finansijskom iskazala kao članarine.
Na osnovi navedenog utvrđeno je da su prilozi fizičkog lica Husejina Kuduzovića iznosili ukupno 284,04 KM, a članarina 20,00 KM.
5. Politička stranka je u obrascu 3-a godišnjeg finansijskog izvještaja iskazala priloge fizičkog lica Lejla Kulović u ukupnom iznosu od 2.416,20 KM. Uvidom u izvode sa transakcijskog računa broj: 1994990011790463 utvrđeno je da je Lejla Kulović dana 08. 01. 2020. godine uplatila donacije po spisku u iznosima od 1.016,20 KM i 320,00 KM. Stranka je za primljene donacije izdala potvrde br. N1212 i N1213 i navela da je donator Lejla Kulović, iako je iz samog izvoda evidentno da je izvršen polog prikupljenih donacija.
6. Platforma za progres je u obrascu 3-a godišnjeg finansijskog izvještaja iskazala prilog fizičkog lica Aida Zaklan u iznosu od 1.575,97 KM. Uvidom u izvode sa PayPal računa utvrđeno je da je ovo fizičko lice stranci doniralo sredstva u iznosu od 2.138,35 KM (8.150,00 DKK). Također, stranka je u obrascu 3-a iskazala donaciju fizičkog lica Amra Kanlić u iznosu od 829,79 KM, dok je uvidom u izvode sa PayPal računa utvrđeno da je ovo fizičko lice uplatilo sredstva u iznosu od 918,78 KM. Stranka je primila donacije

Mirzete Hadžikadić u ukupnom iznosu od 1.204,94 KM, dok je u godišnjem finansijskom izvještaju iskazala prilog u ukupnom iznosu od 1.012,35 KM.

Isto je tako utvrđeno da, između ostalih, nisu iskazani tačni podaci o priložima fizičkih lica Amer Tvrtak, Anto Jazvić, Armin Čabrić, Dževad Šestan, Redžep Mešanović, Sejda Čavčić, Selver Bašić, Ševal Memić i Amer Šestan.

7. U obrascu 3-a godišnjeg finansijskog izvještaja Platforma za progres je iskazala priloge fizičkog lica Sakiba Hotović u iznosima od 1.932,36 KM i 7.784,20 KM, odnosno ukupno 9.716,56 KM.

Kontrolom uplata na devizni i PayPal račun utvrđeno je da je ovo fizičko lice na devizni račun dana 13. 05. 2020. godine uplatilo 7.784,20 KM, dok je na PayPal računu u julu 2020. godine uplaćeno 50,00 USD, odnosno 86,65 KM.

Uvidom u poslovne knjige utvrđeno je da je u korist prihoda izvršen otpis potraživanja po osnovi pozajmice primljene od fizičkog lica Sakiba Hotović u iznosu od 1.932,36 KM, što je evidentirano na kontu 412000–*Prihodi od donacija*.

S obzirom na to da je riječ o otpisu potraživanja, stranka je u skladu sa članom 18. Pravilnika, nenovčanu donaciju ovog fizičkog lica u iznosu od 1.932,36 KM trebala iskazati u obrascu 3-e godišnjeg finansijskog izvještaja.

Pored navedenog, a što je konstatirano i u nalazu pod b), utvrđeno je da je stranka nenovčanu donaciju fizičkog lica Sakiba Hotović po osnovi besplatnog korištenja poslovnog prostora u poslovnim knjigama i godišnjem finansijskom izvještaju iskazala u manjem iznosu za 4.000,00 KM u odnosu na ostvarenu.

8. Kontrolom iskazanih priloga fizičkih lica utvrđeno je da je stranka u poslovnim knjigama i godišnjem finansijskom izvještaju iskazala priloge fizičkog lica Amer Čatović u iznosu od 3.332,40 KM.

Uvidom u izvode sa Paypal računa utvrđeno je da je fizičko lice Amer Čatović u toku 2020. godine političkoj stranci donirao sredstva u ukupnom iznosu od 1.500,00 USD, odnosno 2.514,50 KM. Prema podacima iz izvoda, ovo fizičko lice je stranci uplatilo sredstva u oktobru 2020. godine u iznosu od 1.678,53 KM, te u decembru 835,97 KM. Stranka je, međutim, u poslovnim knjigama i obrascu 3-a godišnjeg finansijskog izvještaja iskazala priloge fizičkog lica Amer Čatović uplaćene u decembru 2019. godine u iznosu od 1.643,87 KM i oktobru 2020. godine u iznosu od 1.678,53 KM, dok nije evidentirala uplatu iz decembra 2020. godine u iznosu od 835,97 KM.

9. Stranka je putem PayPal računa primila donacije fizičkog lica Medžida Mulić u ukupnom iznosu od 136,91 KM, koje je i evidentirala u poslovnim knjigama. Stranka je, međutim, u obrascu 3-a priloge ovog fizičkog lica pogrešno iskazala kao priloge niže od 100,00 KM. Stranka u obrascu 3-a u dijelu gdje se unose podaci o priložima većim od 100,00 KM nije iskazala ni priloge Anela Cokoje u ukupnom iznosu od 293,37 KM. Isto tako, nisu iskazani ni prilozi fizičkih lica Drago Dordić, Izudin Džafić i Dženana Mandžukić.

10. Uvidom u izvode sa transakcijskog računa i blagajnički izvještaj, br. 24/20 od 05. 03. 2020. godine, utvrđeno je da su na transakcijski račun stranke uplaćena sredstva, koja su prikupljena putem blagajne, u iznosu od 2.050,00 KM, a prema spisku na kojem je navedeno pet fizičkih lica. Uvidom u poslovne knjige utvrđeno je da je od svake pojedinačne uplate, izdvajano 20,00 KM kao prihod od članarine, dok je razlika evidentirana kao prilog fizičkih lica.

Uvidom u spisak utvrđeno je da na spisku nije predviđeno mjesto za potpis donatora, te da nije jasno naznačen datum prijema donacija.

Također, kontrolom izvoda sa transakcijskog računa i dnevnika blagajne, broj: 22/20 od 26. 02. 2020. godine, utvrđeno je da je šest fizičkih lica uplatilo sredstva u blagajnu u ukupnom iznosu od 728,00 KM, te da su istog dana na transakcijski račun stranke uplaćena sredstva, koja su prikupljena putem blagajne, u iznosu od 2.062,00 KM.

Uvidom u spisak koji je stranka dostavila, utvrđeno je da su donacije u iznosu od 2.062,00 KM uplatila 32 fizička lica, te da na spisku nije predviđeno mjesto za potpis donatora i da nije jasno naznačen datum prijema donacija, što ukazuje da stranka ne vodi pravilne evidencije o prijemu donacija i članarina, odnosno pomoćnu knjigu blagajne.

Ističemo da je stranka od pojedinačnih uplata sredstva u iznosu od 20,00 KM evidentirala kao članarine, a razliku kao priloge fizičkih lica.

11. Uvidom u pojedinačne potvrde o primljenim priložima od fizičkog lica Nejira Sarajalić, utvrđeno je da je stranka u obrascu 3-a iskazala pogrešan broj potvrde za priloge u iznosima od 470,00 KM i 305,00 KM.

Na osnovi svega navedenog, konstatiramo da stranka prilikom popunjavanja podataka o donatorima i iznosima pojedinačnih priloga u obrascima godišnjeg finansijskog izvještaja nije postupala u skladu sa odredbama člana 14. Pravilnika, tj. podatke o priložima fizičkih lica, kao što su: ime i prezime i iznos priloga, nije pravilno iskazala u obrascu 3-a.

Ističemo da politička stranka u obrascu 3-a (prilozi fizičkih lica) ima obavezu da iskaže podatke o svakom donatoru pojedinačno, ukoliko je ukupan iznos svih novčanih priloga istog lica veći od 100,00 KM. Stranka je obavezna da navede podatke iz kojih se jasno može utvrditi identitet donatora, ime i prezime, broj potvrde o primljenom prilogu, datum kada je prilog primljen i iznos priloga. Ukoliko isti donator u toku jedne kalendarske godine političkoj stranci da više puta priloge u iznosima manjim od 100,00 KM, stranka je obavezna sabrati sve te priloge, i ukoliko je njihov ukupan iznos veći od 100,00 KM u obrascu navesti podatke o donatoru i ukupan iznos priloga. Prilozi čiji je iznos u toku jedne kalendarske godine manji od 100,00 KM u izvještaju se iskazuju zbirno, u dijelu obrasca 3-a Prilozi niži od 100,00 KM.

- (6) Platforma za progres nije uspostavila potpune i pravilne evidencije o rashodima i nije pravilno iskazala rashode u obrascima godišnjeg finansijskog izvještaja, čime je prekršila odredbe člana 7. stav (2), 21, 22. i 23. Pravilnika.
 - Stranka u poslovnim knjigama nije uspostavila evidencije o troškovima po svojim organizacionim dijelovima niti je u godišnjem finansijskom izvještaju iskazala podatke o troškovima u obrascima 4.1 (režijsko-administrativni i ostali troškovi) za svaki organizacioni dio posebno, a što je bila obavezna u skladu sa odredbama člana 7. stav (2) Pravilnika.
 - Kontrolom troškova zakupa poslovnih prostora koje je stranka iskazala u godišnjem finansijskom izvještaju, utvrđeno je da stranka nije u obrascima rashoda pravilno iskazala troškove zakupa poslovnih prostora.
Stranka je u obrascu 4.1 (režijsko-administrativni i ostali troškovi) koji je popunjen na nivou političke stranke, iskazala troškove zakupa poslovnih prostora u ukupnom iznosu od 48.450,00 KM.

Uvidom u ugovore o zakupu poslovnih prostora koje su koristili Centrala stranke i organizacioni odbori stranke u Vogošći, Ilidži, Bihaću, Tuzli, Gradačcu, Jablanici, Visokom, Zavidovićima, Sanskom Mostu, Cazinu i Novom Gradu Sarajevo, utvrđeno je da su troškovi zakupa poslovnog prostora koji je koristila Centrala stranke iznosili 13.000,00 KM, dok su troškovi zakupa poslovnih prostorija koje je stranka koristila u Vogošći iznosili 900,00 KM, Bihaću 4.200,00 KM i Novom Gradu Sarajevo 6.000,00 KM.

Isto je tako utvrđeno da je stranka u poslovnim knjigama evidentirala troškove zakupa poslovnih prostorija koje je koristila bez naknade u Jablanici u ukupnom iznosu od 2.400,00 KM, Gradačcu u iznosu od 1.950,00 KM, Visokom u iznosu od 1.200,00 KM, Zavidovićima u iznosu od 1.600,00 KM, Sanskom Mostu u iznosu od 3.600,00 KM i Cazinu u iznosu od 1.200,00 KM.

Pored navedenog, utvrđeno je da je stranka u svojim poslovnim knjigama troškove zakupa poslovnih prostorija koje je koristila na Ilidži evidentirala u manjem iznosu za 200,00 KM, dok su troškovi zakupa poslovnih prostorija koje je koristila u Tuzli evidentirala u većem iznosu za 1.800,00 KM u odnosu na stvarne.

- Stranka u poslovnim knjigama nije evidentirala i u godišnjem finansijskom izvještaju nije iskazala troškove provizije po transakcijama putem PayPal računa, a koji su u periodu od januara do decembra 2020. godine iznosili 3.877,14 KM.

- Uvidom u poslovne knjige utvrđeno je da je stranka troškove ostalih zakupa koje su nastali u vrijeme izborne kampanje u iznosu od 130,00 KM evidentirala u obrascu 4.1 godišnjeg finansijskog izvještaja.

Stranka je u obrascu 4.1, također, iskazala troškove zakupa sala koji su nastali u periodu od 07. 10. 2020. godine do 22. 11. 2020. godine u ukupnom iznosu od 1.575,00 KM.

Platforma za progres je putem posebnog računa za finansiranje izborne kampanje platila i račune za troškove hotelskog smještaja. Uvidom u poslovne knjige utvrđeno je da je stranka troškove hotelskog smještaja evidentirala u periodu od 19. 07. 2020. godine do 15. 10. 2020. godine, u ukupnom iznosu od 2.994,50 KM, te da ih je u godišnjem finansijskom izvještaju iskazala u obrascu 4.1 kao režijsko-administrativne i ostale troškove.

Stranka je sve troškove koji su nastali u svrhu izborne kampanje trebala iskazati u obrascu 4.2 kao troškove izborne propagande.

- Kontrolom troškova evidentiranih u poslovnim knjigama na kontu 40320–usluge reklame putem panoa, plakata, letaka i sl., utvrđeno je da je stranka u poslovnim knjigama evidentirala račun dobavljača OR “PRINTMANIA“ Sarajevo, broj: 000130/19 od 25. 10. 2019. godine u iznosu od 120,00 KM, što ukazuje da ne vodi pravovremene evidencije o svojim rashodima i obavezama.
- Dobavljač “Europlakat BH“ d. o. o. Sarajevo je za zakup 100 površina (billboard i city light) u periodu od 28. 10. 2020. od 14. 11. 2020. godine izdao stranci fakturu br. 863-10/20 od 28. 10. 2020. godine u iznosu od 1.755,00 KM. Uvidom u fakturu utvrđeno je da pojedinačne faturisane cijene zakupa značajno odstupaju od cijena zakupa. Također je utvrđeno da je dobavljač stranci odobrio rabat od 97,57 % na cijenu billboard, te 97,28% na cijenu city light, odnosno ukupno 58.028,57 KM.

Na osnovi navedenog, mišljenja smo da je stranka u svojim poslovnim knjigama i finansijskom izvještaju troškove zakupa površina za billboard i city liht iskazala u manjem iznosu u odnosu na stvarne.

- (7) Uvidom u dostavljene račune koji su knjiženi na kontima troškova propagande i reklame, utvrđeni su nedostaci kod računa dobavljača, koji su knjigovodstvene isprave o nastalim poslovnim događajima.

Kontrolom računa za usluge reklame putem panoa, plakata, letaka i sl., utvrđeno je da račun Štamparije "Kompa", broj: 76/20 od 16. 12. 2020. godine, u iznosu od 100,00 KM ne sadrži podatke o vrsti propagandnog materijala, već je navedeno samo propagandni materijal.

Uvidom u račun dobavljača "A-print" Zenica, broj: 156/20 od 23. 10. 2020. godine, u iznosu od 1.228,50 KM utvrđeno je da on ne sadrži potpis lica koje je fakturiralo uslugu, niti pečat dobavljača.

Isto tako, na računu dobavljača "BNpro" d. o. o. Sarajevo, broj: 20-360-000272 od 10. 12. 2020. godine, u iznosu od 1.000,00 KM, koji nije ne sadrži potpis lica koje je fakturiralo uslugu niti pečat dobavljača, navedeno je prefakturiranje troškova za troškove printanja propagandnog materijala za lokalne izbore općine Centar.

Pored navedenog, utvrđeno je da računi koje je stranka dostavila u toku obavljanja kontrole finansijskih izvještaja, nisu odobreni za knjiženje, tj. prije knjiženja nisu potpisala odgovorna lica ili lice koje je zaduženo za kontrolu računa.

- (8) Platforma za progres nije u poslovnim knjigama i godišnjem finansijskom izvještaju iskazala tačne podatke o svojim obavezama na dan 31. 12. 2020. godine, čime je prekršila odredbe člana 24. Pravilnika.

-Uvidom u poslovne knjige utvrđeno je da su ukupne obaveze stranke na dan 31. 12. 2020. godine iznosile 51.961,02 KM, od čega: obaveze prema dobavljačima 18.768,98 KM, obaveze za autorske i ugovore o djelu 680,00 KM, obaveze za bruto plate 7.512,01 KM i ostali kratkoročni zajmovi 25.000,03 KM.

Stranka je u obrascu 5 (obaveze) iskazala obaveze prema dobavljačima u ukupnom iznosu od 18.768,98 KM i obaveze po osnovi pozajmice fizičkog lica Amer Hadžikadić u iznosu od 15.000,00 KM.

-Platforma za progres je u obrascu 5 iskazala obaveze prema fizičkom licu Sakiba Hotović u iznosu od 4.500,00 KM. Uvidom u Aneks ugovora o zakupu poslovnih prostorija, br. 07,3-10/20 od 10. 04. 2020. godine, utvrđeno je da se zakupodavac Sakiba Hotović odriče zakupnine za korištenje poslovnih prostorija od 15. 04. 2020. godine do 31. 12. 2020. godine. Uvidom u analitičku karticu obaveze prema Sakibi Hotović utvrđeno je da je stranka u korist prihoda isknižila samo 4.500,00 KM, te da je suprotno odredbama Aneksa evidentirala obavezu za zakupninu za period septembar–decembar 2020. godine u iznosu od 4.000,00 KM.

Na osnovi navedenog utvrđeno je da stranka nije imala obaveze prema fizičkom licu Sakiba Hotović u iznosu od 4.500,00 KM, nego samo 500,00 KM.

- e) Platforma za progres je postizborne finansijske izvještaje za Lokalne izbore održane u toku 2020. godine dostavila nakon zakonom propisanog roka, te suprotno odredbama člana 3. stav (2) Pravilnika o predizbornim i postizbornim finansijskim izvještajima političkih stranaka ("Službeni glasnik BiH", br. 10/18).

-Platforma za progres je postizborni finansijski izvještaj za Lokalne izbore 2020. godine (izvještajni period 01. 06. – 15. 12. 2020. godine) dostavila Centralnoj izbornoj komisiji Bosne i Hercegovine dana 22. 03. 2021. godine u čvrstoj kopiji, odštampan iz aplikacije FI CIK BiH, dok u aplikaciji FI CIK BiH ovaj izvještaj nije podnijela na pravilan način. Naime, stranka je popunila sve obrasce finansijskog izvještaja, te ih je zatvorila, ali nije podnijela finansijski izvještaj.

U skladu sa odredbama člana 15.1 stav (1) Izbornog zakona Bosne i Hercegovine, rok za dostavljanje ovog finansijskog izvještaja je bio 15. 01. 2021. godine.

Također, stranka u postizbornom finansijskom izvještaju nije iskazala nenovčanu donaciju pravnog lica "Europlakat BH" d. o. o. Sarajevo i troškove izborne kampanje, čime je prekršila odredbe člana 12. stav (3) Zakona o finansiranju političkih stranaka, člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka ("Službeni glasnik BiH", broj: 10/18).

-Platforma za progres je postizborni finansijski izvještaj za Lokalne izbore 2020. godine u Mostaru (izvještajni period 08. 08. 2020. – 19. 01. 2021. godine) podnijela putem aplikacije FI CIK BiH dana 30. 04. 2021. godine, ali Centralnoj izbornoj komisiji Bosne i Hercegovine nije dostavile odštampane obrasce finansijskog izvještaja.

U skladu sa odredbama člana 15.1 stav (1) Izbornog zakona Bosne i Hercegovine, rok za dostavljanje ovog finansijskog izvještaja je bio 19.02.2021. godine.

- f) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila transakcijski račun stranke broj: 1994990049598929 kod Sparkassebank dd.

Pregledom godišnjeg finansijskog izvještaja utvrđeno je da je stranka troškove oglašavanja putem Facebook i Google u iznosu od 9.013,22 KM platila putem PayPal računa.

Troškovi izborne kampanje

Prema odredbama člana 15.10 Izbornog zakona BiH Platforma za progres je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 555.848,10 KM, a u svrhu izborne kampanje za Lokalne izbore u Mostaru 2020. godine mogla je potrošiti sredstva u iznosu od 30.259,20 KM.

Platforma za progres je u obrascima 4.1 (režijsko-administrativni i ostali troškovi) i 4.2 (troškovi propagande) godišnjeg finansijskog izvještaja za 2020. godinu iskazala troškove propagande u iznosu od 119.269,80 KM.

2. POLITIČKA ORGANIZACIJA "HERCEGOVAČKI NARODNI POKRET – RODOLJUB DRAŠKOVIĆ" (Kod 2767)

Prema podacima iz godišnjeg finansijskog izvještaja Politička organizacija "Hercegovački narodni pokret – Rodoljub Drašković" se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.250,00	5,88
3.	Prilozi pravnih lica (3-b)	20.000,00	94,12
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	00,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	21.250,00	100,00
II	Ostali prihodi i drugo	0,00	0,00
	Izvori finansiranja (I+II)	21.250,00	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Hercegovački narodni pokret – Rodoljub Drašković“ prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) Politička stranka svojim programom utroška sredstva nije predvidjela troškove zakupnine poslovnog prostora. Na zahtjev Centralne izborne komisije BiH stranci da dostavi dokumentaciju o korištenju poslovnog prostora (dokaz o vlasništvu, kopiju ugovora o zakupu, odluku ili izjavu ukoliko se prostor koristi bez naknade), politička stranka je aktom, broj: 01-04/21 od 02. 11. 2021. godine, odgovorila da je politički subjekt “Hercegovački narodni pokret – Rodoljub Drašković“ prostorije za svoj rad, koje se nalaze na adresi Knez Mihajlova broj 5, dobio od “RDT SWISSLION“ d. o. o. Trebinje na besplatno krištenje na neodređeno vrijeme. Nije moguće utvrditi iznos ostvarenih troškova zakupnine, s obzirom na to da politička stranka nije dostavila podatke o površini prostora, niti druge podatke neophodne da se utvrdi tržišna vrijednost zakupnine.

S obzirom na to da politička stranka svojim programom utroška nije predvidjela dio troškova, koje je ostvarila u 2020. godini, prekršila je odredbe člana 4. stav (1) Zakona o finansiranju političkih stranaka.

b) Stranka nije u poslovnim knjigama uspostavila evidenciju, niti je u finansijskom izvještaju prijavila nenovčanu donaciju pravnog lica “RDT SWISSLION“ d. o. o. Trebinje, koje joj je dalo poslovni prostor na korištenje bez naknade. U skladu sa odredbom iz člana 5. stav (4) Zakona o finansiranju političkih stranaka, politička stranka je bila obavezna uspostaviti evidenciju i u finansijskom izvještaju prijaviti nenovčanu donaciju u iznosu tržišne vrijednosti zakupnine.

c) Politička organizacija “Hercegovački narodni pokret – Rodoljub Drašković“ je primila novčanu donaciju od Fondacije Rodoljub Drašković – Gimnazija Trebinje u iznosu od 20.000,00 KM.

Uvidom u Izvještaj o izvršenju Budžeta Grada Trebinje u periodu 01. 01. – 31. 12. 2020. godine utvrđeno je da se Fondacije Rodoljub Drašković – Gimnazija Trebinje finansirala javnim sredstvima iz budžeta Grada Trebinja u iznosu od 2.123.600,00 KM.

U skladu sa odredbom iz člana 8. stav (1) tačka g) Zakona o finansiranju političkih stranaka sindikatima, udruženjima i drugim neprofitnim organizacijama koje se finansiraju javnim sredstvima, bez obzira na iznos sredstava, zabranjuje se finansiranje političkih stranaka.

Na osnovi navedenog utvrđeno je da je Politička organizacija “Hercegovački narodni pokret – Rodoljub Drašković“ ostvarila zabranjeni prilog u iznosu od 20.000,00 KM.

- d) Pregledom finansijskog izvještaja i dodatne dokumentacije utvrđeno je da Politička organizacija “Hercegovački narodni pokret – Rodoljub Drašković“ nije uspostavila potpune i tačne evidencije o svojim prihodima i rashodima, godišnji finansijski izvještaj i postizborni finansijski izvještaj nije popunila na način kako je Centralna izborna komisija BiH propisala svojim podzakonskim aktima: Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka.
- (1) U poslovnim knjigama i finansijskom izvještaju politička stranka nije prijavila nenovčanu donaciju, koju je ostvarila korištenjem poslovnog prostora bez plaćanja zakupnine, kao što je navedeno u nalaz pod a) i b), čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka i odredbe člana 13. i 18. Pravilnika.
- (2) Stranka u poslovnim knjigama nije, u skladu sa odredbama iz člana 11. stav (1) Zakona o finansiranju političkih stranaka, uspostavila potpune evidencije o svojim rashodima. U finansijskim izvještajima koje je podnijela Centralnoj izornoj komisiji BiH stranka nije iskazala tačne podatke o rashodima, a dio rashoda je pogrešno klasifikovala, čime je prekršila odredbe člana 12. stav (1), (3) i (4) Zakona o finansiranju političkih stranaka i odredbe člana 21., 22. i 23. Pravilnika, te odredbe člana 15.1 stav (1) Izbornog zakona Bosne i Hercegovine.
- Trošak zakupnine, čiji iznos nije utvrđen iz razloga što politička stranka nije dostavila podatke o površini poslovnog prostora i cijeni zakupa, nije evidentiran ni u poslovnim knjigama ni u finansijskom izvještaju.
 - Politička stranka je uplaćenu taksu za ovjeru prijave za učešće na Lokalnim izborima 2020. godine, u iznosu od 1.200,00 KM, iskazala kao trošak u ukupno uplaćenom iznosu. Međutim, ova politička stranka je na osnovi Odluke Centralne izborne komisije BiH, broj: 06-1-07-3-163/21 od 25. 02. 2021. godine, ostvarila pravo na povrat uplaćene takse u iznosu od 1.000,00 KM, pa je trošak takse iznosio 200,00 KM.
 - Troškove izborne kampanje za Lokalne izbore 2020. godine, u iznosu od 3.687,26 KM, politička stranka je u postizbornom finansijskom izvještaju prijavila kao režijsko-administrativne troškove, a ne troškove kampanje, kako je propisano odredbama člana 12. stav (3) Zakona o finansiranju političkih stranaka i odredbama člana 15.1 stav (1) tačka 4. Izbornog zakona Bosne i Hercegovine. U godišnjem finansijskom izvještaju politička stranka je troškove izborne kampanje isto prijavila, kao režijsko-administrativne troškove.

Troškovi izborne kampanje

Prema odredbama člana 15.10 Izbornog zakona BiH Politička organizacija “Hercegovački narodni pokret – Rodoljub Drašković” je za potrebe izborne kampanje, prema broju birača koje je objavila Centralna izborna komisija BiH, mogla potrošiti 4.629,15 KM.

U godišnjem finansijskom izvještaju za 2020. godinu i postizbornom finansijskom izvještaju Politička organizacija “Hercegovački narodni pokret – Rodoljub Drašković” je iskazala troškove izborne kampanje u iznosu 3.687,26 KM.

3. REGIONALNA DEMOKRATSKA STRANKA GRADAČAC (Kod 2527)

Prema podacima iz godišnjeg finansijskog izvještaja Regionalna demokratska stranka Gradačac se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	18.659,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	18.659,00	100,00
II	Ostali prihodi i drugo	0,00	0,00
	Izvori finansiranja (I+II)	18.659,00	100,00

Pregledom godišnjeg finansijskog izvještaja za 2020. godinu utvrđeno je da je Regionalna demokratska stranka Gradačac prekršila odredbe člana 4. stav (1), člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

a) U godišnjem finansijskom izvještaju za 2020. godinu Regionalna demokratska stranka Gradačac iskazala je ukupne rashode u iznosu od 14.084,00 KM.

Regionalna demokratska stranka Gradačac je uz dodatnu dokumentaciju za 2020. godinu, dana 01. 11. 2021. godine, Centralnoj izbornoj komisiji Bosne i Hercegovine dostavila nepotpun uporedni plan prihoda i rashoda za 2020. i 2021. godinu na kojem nije naveden broj, ali je naveden datum 01. 04. 2020. godine.

S obzirom na to da Regionalna demokratska stranka Gradačac nije dostavila plan utroška za 2020. godinu neposredno nakon njegovog usvajanja, smatramo da je finansijska sredstva utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Stranka je u poslovnim knjigama i godišnjem finansijskom izvještaju iskazala troškove goriva u iznosu od 2.030,16 KM.

Na zahtjev za dostavljanje dokumentacije o troškovima goriva, stranka je dostavila račun dobavljača "MEŠIĆ-COM" d. o. o. Gradačac, broj: M18/104-1269 od 20. 11. 2020. godine za izdate naftne derivate BMB i dizel u ukupnom iznosu od 2.030,16 KM. Stranka uz račun nije dostavila naloge za službena putovanja niti putne naloge iz kojih bi se utvrdila relacija putovanja i pređena kilometraža, te podaci o vozilima za koje je isporučeno gorivo.

Uvidom u poslovne knjige i dodatnu dokumentaciju, utvrđeno je da politička stranka u svom vlasništvu nema motorna vozila, te da je prilikom obračuna i plaćanja putnih naloga za službeno putovanje, fizičkom licu isplatila i naknadu za korištenje vlastitog vozila u službene svrhe.

Imajući u vidu da politička stranka u svom vlasništvu nema motorna vozila i da u postupku pregleda nije dokazala u koju svrhu je utrošila gorivo, tj. finansijska sredstva stranke, smatramo da su sredstva stranke utrošena suprotno odredbama člana 4. stav (1) Zakona o finansiranju političkih stranaka.

Također, uvidom u račun dobavljača "Rajčanka" d. o. o. Gradačac, broj: 958 od 15. 12. 2020. godine, utvrđeno je da je stranka od ovog dobavljača izvršila nabavku građevinskog materijala (letve i štafle) u ukupnom iznosu od 498,43 KM, a da pri tome nema nekretnine u svom vlasništvu i koristi zakupljeni poslovni prostor čiji je vlasnik Grad Gradačac.

- b) Politička stranka je u godišnjem finansijskom izvještaju iskazala prihode iz budžeta Grada Gradačac u ukupnom iznosu od 18.659,00 KM.

Na zahtjev Centralne izborne komisije Bosne i Hercegovine, Grad Gradačac je svojim aktom, broj: 07/11-11-20-15/22 od 14. 03. 2022. godine, dostavio podatke o isplatama i dokumentaciju na osnovi koje je izvršena uplata sredstava na račun političke stranke Regionalna demokratska stranka Gradačac.

Uvidom u dostavljenu dokumentaciju utvrđeno je da su sredstva koja su pripadala političkoj stranci Regionalni demokratski savez Tuzla po osnovi osvojenih mandata u periodu od 2016. do 2020. godine, uplaćena na račun Regionalne demokratske stranke Gradačac, kako slijedi: dana 05. 06. 2020. godine uplaćena su sredstva u iznosu od 3.332,00,00 KM za period januar–april 2019. godine; dana 22. 10. 2020. godine uplaćena su sredstva u iznosu od 11.662,00 KM za period maj–decembar 2019. godine, juli–oktobar 2018. godine i januar–februar 2020. godine; a dana 29. 12. 2020. godine uplaćena su sredstva u iznosu od 3.665,20 KM za četiri mjeseca 2017. godine i za period novembar–decembar 2018. godine. Također, utvrđeno je da je dana 24. 12. 2020. godine, Stručna služba Gradskog vijeća i Gradonačelnika obavijestila Službu za privredu, budžet i finansije da je Klub vijećnika RDS Gradačac obavijestio Stručnu službu da su saglasni da se sve obaveze Grada Gradačac prema Klubu vijećnika RDS-a nastale u periodu od 2016. do 2020. godine isplate na račun broj: 1323002022569703, uz napomenu da raniji račun više nije u funkciji.

Uvidom u Rješenje Općinskog suda u Tuzli, broj: 032-0-Reg-20-000106, utvrđeno je da je Regionalna demokratska stranka Gradačac upisana u registar suda dana 12. 02. 2020. godine.

Imajući u vidu da se prihodom iz budžeta smatra prihod definiran članom 3. stav (1) tačka e) Zakona o finansiranju političkih stranaka, odnosno da se sredstva za rad raspodjeljuju na osnovi osvojenih mandata, a da Regionalna demokratska stranka

Gradačac nije imala osvojene mandate u Gradskom vijeću Gradačac u periodu od 2016. do 2020. godine, kao i da je upisana u registar suda 12. 02. 2020. godine, mišljenja smo da je Regionalna demokratska stranka Gradačac sredstva iz budžeta Grada Gradačac u iznosu od 18.659,00 KM primila suprotno odredbama člana 8. stav (1) tačka a) Zakona o finansiranju političkih stranaka.

c) Na osnovi pregleda godišnjeg finansijskog izvještaja utvrđeno je da Regionalna demokratska stranka Gradačac nije vodila poslovne knjige u skladu sa računovodstvenim propisima, dio troškova je evidentirala na osnovi nevjerodostojne dokumentacije i nije podnijela finansijski izvještaj u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Stranka je sredstva primljena iz budžeta Grada Gradačac u iznosu od 18.659,00 KM, koja nije ostvarila u skladu sa odredbama člana 3. stav (1) Zakona o finansiranju političkih stranaka, iskazala kao prihode iz budžeta, čime je prekršila odredbe člana 13. i 19. Pravilnika.

(2) Stranka je troškove zakupa poslovnog prostora u poslovnim knjigama evidentirala i u godišnjem finansijskom izvještaju iskazala kao troškove takse i poreza, čime je prekršila odredbe člana 22. Pravilnika.

(1) Regionalna demokratska stranka Gradačac je troškove goriva evidentirala na osnovi nevjerodostojne knjigovodstvene dokumentacije, iz koje se ne može pouzdano utvrditi da je gorivo isporučeno za političku stranku, kao što je navedeno u nalazu pod tačkom a).

d) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 1323002022569703 kod NLB banke dd Sarajevo.

Taksu za ovjeru za učešće na Lokalnim izborima 2020. godine politička stranka je suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa glavnog računa stranke.

Troškovi izborne kampanje

Prema odredbama člana 15.10 Izbornog zakona BiH Regionalna demokratska stranka Gradačac je za potrebe izborne kampanje, prema broju birača koje je objavila Centralna izborna komisija BiH, mogla potrošiti 15.539,20 KM.

Regionalna demokratska stranka Gradačac u godišnjem finansijskom izvještaju za 2020. godinu nije iskazala troškove propagande.

4. SAVEZ MLADIH SNAGA (Kod 2325)

Prema podacima iz godišnjeg finansijskog izvještaja Savez mladih snaga se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	120,00	0,56
2.	Prilozi fizičkih lica (3-a)	4.000,00	18,78
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	17.183,61	80,66
8.	Prihodi od propagande (3-g)	0,00	0,00
I	Ukupni prihodi (1-8)	21.303,61	100,00
II	Ostali prihodi i drugo	0,00	0,00
	Izvori finansiranja (I+II)	21.303,61	100,00

Pregledom godišnjeg finansijskog izvještaja za 2020. godinu utvrđeno je da je Savez mladih snaga prekršio odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona BiH.

a) Uvidom u program utroška sredstava za 2020. godinu koji je politička stranka dostavila uz godišnji finansijski izvještaj za 2019. godinu, utvrđeno je da su troškovi planirani u iznosu od 39.000,00 KM.

Prema podacima iz finansijskog izvještaja političke stranke planirani troškovi su ostvareni u procentu od 16,91%. U godišnjem finansijskom izvještaju stranka je prijavila troškove u iznosu od 6.595,80 KM.

Navedeno potvrđuje činjenicu da Savez mladih snaga program utroška sredstava nije sačinio na način da se osigura transparentnost planiranog trošenja sredstava.

b) Politička stranka nije postupila u skladu sa odredbama člana 5. stav (4), Zakona o finansiranju političkih stranaka.

- Politička stranka nije uspostavila evidenciju o nenovčanoj donaciji koju je ostvarila korištenjem poslovnog prostora bez naknade. Predsjednik stranke je Centralnoj izbornoj komisiji BiH dostavio izjavu, u kojoj navodi da je sjedište političke stranke u Ulici Baruthana 63 Sarajevo, u kući u kojoj on živi, i da od stranke nema naknadu.

- U skladu sa odredbama člana 5. stav (4) Zakona o finansiranju političkih stranaka, Savez mladih snaga je bio obavezan izdati potvrdu svakom donatoru od koga je primio dobrovoljni prilog.

Na zahtjev Centralne izborne komisije BiH stranci da dostavi kopije potvrda o primljenim prilogima, stranka ih nije dostavila, niti je na drugi način dokazala da su potvrde izdate fizičkom licima od kojih je prijavila priloge u iznosu od 4.000,00 KM.

c) Političkoj stranci su isplaćena sredstva iz budžeta u iznosu od 17.183,61 KM, koja su izdvojena za finansiranje druge političke stranke.

- Uvidom u akt Općine Stari Grad Sarajevo, broj: 07-11-1807-1 od 08. 03. 2021. godine, koji je dostavljen Centralnoj izbornoj komisiji BiH, utvrđeno je da iz njenog budžeta nisu izdvojena sredstva za finansiranje političke stranke Savez mladih snaga.

Međutim, uvidom u izvode sa transakcijskog računa Saveza mladih snaga utvrđeno je da su ovoj političkoj stranci iz budžeta Općine Stari Grad Sarajevo isplaćena sredstva u iznosu od 4.377,20 KM.

- Iz budžeta Grada Sarajeva političkoj stranci Savez mladih snaga su isplaćena sredstva u iznosu od 12.806,41 KM. U aktu Grada Sarajeva, broj: 06-11-870/2021 od 15. 02. 2022. godine, koji je dostavljen Centralnoj izbornoj komisiji BiH, navedeno je da su iz budžeta ovog grada sredstva u iznosu od 19.241,88 KM izdvojena za politički subjekt Savez za Stari Grad – Savez mladih snaga.

Na osnovi navedenog, a imajući u vidu činjenicu da politička stranka Savez mladih snaga nije osvojila mandate za navedene nivoe vlasti, utvrđeno je da su političkoj stranci Savez mladih snaga isplaćena sredstva u iznosu od 17.183,61 KM, koja su iz budžeta izdvojena za finansiranje političke stranke Savez za Stari Grad.

Na navedeni način politička stranka je ostvarila prihod u iznosu od 17.183,61 KM iz izvora koji je zabranjen članom 8. stav (1) tačka a) Zakona o finansiranju političkih stranaka.

- d) Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza iz drugih izvora utvrđeno je da poslovne knjige nije vodila u skladu sa računovodstvenim propisima, nije uspostavila tačne evidencije o novčanim tokovima, prihodima i rashodima i godišnji finansijski izvještaj nije popunila u skladu sa odredbama Pravilnika.

- (1) Savez mladih snaga u finansijskom izvještaju nije prijavio jedan transakcijski račun, a putem računa koji je prijavio iskazao je pogrešan promet.

- Politička stranka je u finansijskom izvještaju prijavila transakcijski račun kod Raiffeisen banke, broj: 16100002000530051, te tri puta iskazala isti promet putem tog računa i to: početno stanje 4,68 KM, uplate na račun u iznosu od 21.303,61 KM, isplate sa računa u iznosu od 4.588,00 KM i stanje sredstava na računu na dan 31. 12. 2020. godine u iznosu od 16.720,29 KM.

- U finansijskom izvještaju politička stranka nije prijavila transakcijski račun kod Raiffeisen banke, broj: 16100002000530245 putem koga je ostvarila promet u iznosu od 2.200,00 KM.

Neprijavlivanjem transakcijskog računa, te pogrešnim iskazivanjem podataka o novčanim tokovima putem prijavljenog računa, politička stranka je prekršila odredbe člana 11. Pravilnika.

- (2) Politička stranka u finansijskom izvještaju, suprotno odredbama člana 12. Pravilnika, nije prijavila promet sredstava putem blagajne.

Uvidom u izvod sa transakcijskog računa od 18. 08. 2020. godine utvrđeno je da je podignut blagajnički maksimum u iznosu od 1.500,00 KM. Također, stranka je u poslovnim knjigama evidentirala promet blagajne i to: uplatu na blagajnu u iznosu od 1.500,00 KM, isplate iz blagajne u iznosu od 1.457,44 KM i stanje gotovine u blagajni na dan 31. 12. 2020. godine u iznosu od 42,56 KM.

- (3) Politička stranka nije uspostavila potpune i tačne evidencije osvojim prihodima, rashodima i obavezama.

1. Sredstva koja je primila iz budžeta Općine Stari Grad Sarajevo u iznosu od 4.377,20 KM i u istom iznosu ih prijavila kao prihod iz budžeta u finansijskom izvještaju koji je podnijela Centralnoj izbornoj komisiji BiH, stranka je u poslovnim knjigama evidentirala u iznosu od 5.089,18 KM.
Sredstva koja je stranka primila iz budžeta Grada Sarajeva u iznosu od 12.806,41 KM i prijavila ih u finansijskom izvještaju kao prihod iz budžeta, u poslovnim knjigama su evidentirana u iznosu od 12.094,43 KM.
2. Politička stranka nije prijavila nenovčanu donaciju koju je ostvarila korištenjem poslovnog prostora bez naknade. Također, stranka nije procijenila, niti prijavila trošak zakupnine poslovnog prostora.
3. U poslovnim knjigama politička stranka je evidentirala ukupne troškove u iznosu od 3.572,80 KM, a u finansijskom izvještaju koji je podnijela Centralnoj izbornoj komisiji BiH prijavila je troškove u iznosu od 6.595,80 KM. Uvidom u izvode sa transakcijskih računa i poslovne knjige stranke, utvrđeno je da stranka u poslovnim knjigama nije uspostavila potpune i tačne evidencije o rashodima, čime je prekršila računovodstvene propise i odredbe člana 11. i člana 12. stav (1) Zakona o finansiranju političkih stranaka. Također, stranka u finansijskom izvještaju nije prijavila stvarne troškove, čime je prekršila odredbe člana 21., člana 22. i člana 23. Pravilnika.
 - Stranka je BH Telecomu 18. 08. 2020. godine isplatila iznos od 491,50 KM, koji nije evidentirala kao trošak ni u poslovnim knjigama ni u finansijskom izvještaju.
 - Trošak računovodstvenih usluga u iznosu od 200,00 KM, troškovi telefona u iznosu od 643,20 KM, troškovi goriva u iznosu od 241,87 KM, troškovi održavanja u iznosu od 42,50 KM i drugi troškovi u iznosu od 329,87 KM, koji su prema podacima iz poslovnih knjiga plaćeni gotovinski, nisu prijavljeni u finansijskom izvještaju.
 - U finansijskom izvještaju politička stranka je prijavila troškove u iznosu od 4.000,00 KM, koje je klasifikovala kao ostale rashode. S obzirom na klasifikaciju troškova u poslovnim knjigama, te njihov iznos, nije utvrđena struktura troškova koje je stranka u izvještaju prijavila kao ostale rashode.
 - Savez mladih snaga, iako je učestvovao na Lokalnim izborima 2020. godine i Izborima u Gradu Mostaru, nije prijavio troškove izborne kampanje ni u postizbornim izvještajima ni u godišnjem finansijskom izvještaju. Također, u poslovnim knjigama nisu evidentirani troškovi izborne kampanje, niti je stranka dostavila obavijest na koji način je finansirala izbornu kampanju, pa nije utvrđeno da li je ostvarila spomenute troškove i u kojem iznosu.
 - Postizborni finansijski izvještaj za Izbore u Mostaru Savez mladih snaga je podnio nakon zakonom utvrđenog roka, čime je prekršio odredbe člana 15.1 stav (1) Izbornog zakona BiH.
4. U finansijskom izvještaju politička stranka nije prijavila obaveze koje je u poslovnim knjigama evidentirala u iznosu od 543,84. Obaveze se odnose na neplaćene poreze i doprinose obračunate na dodatna primanja u ranijim godinama. Neprijavlivanjem obaveza u finansijskom izvještaju politička stranka je prekršila odredbe člana 24. Pravilnika.

Troškovi izborne kampanje

Prema odredbama člana 15.10 Izbornog zakona BiH Savez mladih snaga je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 348.477,00 KM i u svrhu izborne kampanje za Izbore u Gradu Mostaru 30.259,20 KM.

U godišnjem finansijskom izvještaju za 2020. godinu i postizbornim izvještajima Savez mladih snaga nije iskazao troškove izborne kampanje.

5. BOSANSKA NARODNA STRANKA (Kod 2319)

Prema podacima iz godišnjeg finansijskog izvještaja Bosanska narodna stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	60.690,07	100,00
	Izvori finansiranja (I+II)	60.690,07	100,00

Pregledom godišnjeg finansijskog izvještaja za 2020. godinu utvrđeno je da je Bosanska narodna stranka prekršila odredbe člana 4. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Uvidom u program utroška sredstava za 2020. godinu, koji je politička stranka dostavila uz godišnji finansijski izvještaj za 2019. godinu, utvrđeno je da su troškovi planirani u iznosu od 105.800,00 KM i to: plaća tehničkog sekretara i isplate rukovodiocima stranke vezano za aktivnosti i promociju stranke u iznosu od 26.000,00 KM; troškovi održavanja godišnje Skupštine stranke i sastanaka organa stranke u iznosu od 10.000,00 KM; administrativni troškovi, materijalni troškovi, putni troškovi i troškovi goriva u iznosu od 12.000,00 KM; troškovi zakupnine i režijski troškovi u iznosu od 8.000,00 KM; troškovi kampanje u iznosu od 10.000,00 KM; troškovi korištenja motornih vozila, po ugovoru, za potrebe stranke u iznosu od 27.800,00 KM i pomoć socijalno ugroženim i bolesnim članovima stranke u iznosu od 12.000,00 KM.

U godišnjem finansijskom izvještaju stranka je prijavila troškove u iznosu od 61.130,24 KM, iz čega proizilazi da su planirani troškovi ostvareni u procentu od 57,78%.

Naprijed navedeno potvrđuje činjenicu da politička stranka nije planirala utrošak sredstava, koja je osigurala iz budžeta, na transparentan način i u skadu sa odredbama člana 4. stav (1) Zakona o finansiranju političkih stranaka.

- (1) Uvidom u strukturu ostvarenih troškova utvrđeno je da je Bosanska narodna stranka ostvarila troškove u iznosu od 14.379,24 KM, za koje nije moguće utvrditi u kom iznosu su planirani. To su: troškovi telefonskih i poštanskih usluga u iznosu od 6.189,25 KM, troškovi knjigovodstvenih usluga u iznosu od 1.604,00 KM, stipendije u iznosu od 1.450,00 KM, troškovi poreza i taksi u iznosu od 1.400,00 KM, troškovi usluga u iznosu od 1.327,60 KM, troškovi reklame i propagande u iznosu od 1.000,00 KM, troškovi platnog prometa u iznosu od 548,00 KM, troškovi električne energije u iznosu od 352,76 KM, ugovori o djelu u iznosu od 300,00 KM, troškovi kancelarijskog materijala u iznosu od 109,63 KM, troškovi održavanja opreme u iznosu od 50,00 KM i reprezentacija u iznosu od 48,00 KM. U Planu i programu utroška sredstava, stranka nije navela troškove po vrstama, već ih je navela kao administrativne troškove, materijalne troškove, putne troškove i troškove goriva u jednom iznosu od 12.000,00 KM.
- (2) Stranka je prekoračila planirane humanitarne rashode za iznos od 9.900,00 KM. Humanitarne rashode, koje je planirala je u iznosu od 12.000,00 KM, ostvarila je i u finansijskom izvještaju prijavila u iznosu od 21.900,00 KM.
- (3) Za troškove u iznosu od 46.300,00 KM ne može se potvrditi da su nastali isključivo za ostvarivanje ciljeva političke stranke.
- Bosanska narodna stranka je donijela 90 odluka o isplatama jednokratnih novčanih pomoći i isplatama za nabavku lijekova funkcionerima i članovima političke stranke. Potvrde su donesene bez medicinske dokumentacije i bez dokumentacije koja bi potvrdila da su funkcioneri i članovi političke stranke lica u stanju socijalne potrebe. Po tom osnovu politička stranka je isplatila sredstva u iznosu od 21.900,00 KM. Pojedinačne isplate su se kretale u iznosima od 30,00 KM za članove stranke do 1.500,00 KM za njene funkcionere. Funkcionerima Bosanske narodne stranke isplaćene su navedene pomoći u iznosu od 11.850,00 KM, pomoć za školovanje i stipendije u iznosu od 2.850,00 KM, isplate za telefon u iznosu od 2.200,00 KM, dok su isplate u iznosu od 4.900,00 KM izvršene predsjedniku Stranke dijaspore Bosne i Hercegovine.
 - Politička stranka je 31. 01. 2020. godine sa Edinom Fejzićem zaključila ugovor o raspolaganju i korištenju putničkog motornog vozila u periodu od 01. 01. 2020. godine do 31. 12. 2020. godine, uz mjesečnu naknadu od 1.500,00 KM, što ukupno iznosi 18.000,00 KM. Uvidom u finansijsku dokumentaciju, odnosno izvode sa transakcijskih računa, utvrđeno je da je Bosanska narodna stranka spomenutom isplatila 24.500,00 KM, što je za 6.500,00 KM više od ugovorenog iznosa. Pored navedenog, utvrđeno je da isplate naknade za korištenje vozila nisu vršene mjesečno, kako je ugovoreno. Isplata naknade u iznosu od 9.000,00 KM izvršena je 03. 03. 2020. godine, isplata u iznosu od 6.000,00 KM 16. 06. 2020. godine, isplata u iznosu od 5.000,00 KM 06. 08. 2020. godine i isplata u iznosu od 4.500,00 KM 13. 10. 2020. godine. Uvidom u poslovne knjige političke stranke i strukturu troškova koje je ostvarila nije utvrđeno da je vozilo korišteno za obavljanje stranačkih aktivnosti. Naime, politička stranka nije prijavila troškove službenih putovanja, niti druge troškove koji bi ukazivali da je politička stranka koristila vozilo.
- b) Pregledom godišnjeg finansijskog izvještaja, finansijske dokumentacije koju je politička stranka dostavila na zahtjev Centralne izborne komisije BiH, te dokaza pribavljenih iz drugih izvora utvrđeno je da politička stranka poslovne knjige nije vodila u skladu sa računovodstvenim propisima, nije uspostavila potpune evidencije o novčanim tokovima,

prihodima, rashodima i obavezama i godišnji finansijski izvještaj nije popunila u skladu sa odredbama Pravilnika.

- (1) Bosanska narodna stranka u finansijskom izvještaju nije prijavila transakcijski račun broj: 1862610340368383, koji je ugašen 06. 10. 2020. godine.
Uvidom u izvod sa navedenog računa, a koji je stranka naknadno dostavila, utvrđen je promet u iznosu od 20,00 KM.
Neprijavlivanjem transakcijskog računa politička stranka je prekršila odredbe člana 11. Pravilnika.
- (2) Prihode iz budžeta i novčani prilog fizičkog lica politička stranka je pogrešno klasifikovala i nije ga pravilno prijavila u finansijskom izvještaju koji je podnijela Centralnoj izbornoj komisiji BiH.
 - U finansijskom izvještaju politička stranka je prijavila ostali prihod u iznosu od 60.690,07 KM. Uvidom u finansijsku dokumentaciju i revizijske dokaze koji su pribavljeni iz eksternih izvora, utvrđeno je da su Bosanskoj narodnoj stranci sredstva uplaćena iz budžeta Bosansko-podrinjskog kantona Goražde u iznosu od 5.760,00 KM i budžeta Federacije BiH u iznosu od 53.480,11 KM. Prihod iz budžeta navedenih nivoa vlasti ostvarila je koalicija "Goraždanska priča", čija je članica Bosanska narodna stranka.
U skladu sa odredbama člana 13. i 19. politička stranka je navedeni prihod, u iznosu od 59.240,11 KM, trebala evidentirati kao prihod iz budžeta.
 - Novčani prilog Edima Fejzića u iznosu od 1.420,00 KM stranka je, suprotno odredbama člana 13. i 14. Pravilnika, evidentirala kao ostali prihod. Navedeni prilog spomenuto fizičko lice je 30. 06. 2020. godine uplatilo Bosanskoj narodnoj stranci na transakcijski račun za finansiranje izborne kampanje broj: 1995430049642363 otvoren kod Sparkasse banke.
- (3) Bosanska narodna stranka u poslovnim knjigama nije uspostavile potpune i tačne evidencije o svojim rashodima, te ih u finansijskom izvještaju nije prijavila u skladu sa odredbama člana 22. i 23. Pravilnika. Također je utvrđeno da politička stranka, suprotno računovodstvenim propisima i odredbama člana 11. Zakona o finansiranju političkih stranaka, troškove ne evidentira u mometu kada je stranci pružena usluga ili kada je izvršena nabavka, već troškove evidentira u momentu plaćanja računa.
 - U finansijskom izvještaju stranka je prijavila trošak zakupnine u iznosu od 351,00 KM koji se odnosi na zakupninu iz mjeseca decembra 2019. godine, a koji je platila 2020. godine.
Na osnovi Ugovora o zakupu poslovnog prostora, zaključenog sa Sarajevo-osiguranjem d. d. Sarajevo za period od 01. 06. 2020. do 31. 05. 2021. godine, uz mjesečnu zakupninu od 351,00 KM, koja uključuje PDV, električnu energiju, vodu, grijanje, parking i odvoz smeća, utvrđeno je da politička stranka nije prijavila troškove u iznosu od 2.457,00 KM, niti obavezu prema zakupodavcu u navedenom iznosu.
 - Politička stranka je evidentirala u poslovnim knjigama i prijavila u finansijskom izvještaju humanitarne rashode u iznosu od 21.900,00 KM. S obzirom na to da su isplate izvršene kao jednokratne novčane pomoći i isplate za nabavku lijekova funkcionerima i članovima političke stranke, bez medicinske dokumentacije i bez dokumentacije koja bi potvrdila da su funkcioneri i članovi političke stranke lica u stanju socijalne potrebe, kao što je navedeno u nalazu pod a) imaju karakter ličnih

primanja. Politička stranka je imala obavezu da na navedene isplate, u skladu sa poreskim propisima, obračuna i plati porez na dohodak i pripadajuće doprinose.

- Sredstva koja je Bosanska narodna stranka po ugovoru o korištenju motornog vozila zakupodavcu isplatila u iznosu koji je za 6.500,00 KM veći od ugovorenog, kao što je navedeno u nalazu pod a), također imaju karakter ličnih primanja, na koja je politička stranka trebala obračunati i uplatiti porez i doprinose.
- (4) Bosanska narodna stranka nije uspostavila tačne evidencije o troškovima izborne kampanje za Lokalne izbore 2020. godine, postizborni finansijski izvještaj je podnijela nakon zakonom utvrđenog roka i nije prijavila troškove ni u postizbornom ni u godišnjem finansijskom izvještaju, čime je prekršila odredbe člana 12. stav (3) Zakona o finansiranju političkih stranka i odredbe člana 15.1 stav (1) Izbornog zakona BiH.
- Na upit političkoj stranci, na koji način i u kom iznosu je finansirala izbornu kampanju, predsjednica stranke je dostavila izjavu, broj: 01-164/21 od 21. 10. 2021. godine, u kojoj navodi da su troškovi kampanje, izrada reklamnog materijala, rad na terenu, kao i ostali troškovi koji su vezani za kampanju plaćeni iz sredstava koje je stranka dobila od Vlade Bosansko-podrinjskog kantona Goražde i Vlade Federacije BiH.
 - U poslovnim knjigama politička stranka je evidentirala troškove izborne kampanje u iznosu od 1.000,00 KM.
 - Uvidom u izvode sa transakcijskih računa stranke utvrđene su isplate fizičkim licima za rad u izornoj kampanji u iznosu od 1.650,00 KM.
 - Postizborni finansijski izvještaj za Lokalne izbore 2020. godine Bosanska narodna stranka je podnijela 03.03. 2021. godine, iako je zakonom utvrđeni rok za podnošenje izvještaja bio do 15.01. 2021. godine.
- (5) Politička stranka, suprotno odredbama člana 24. Pravilnika, u finansijskom izvještaju nije prijavila obaveze koje je u svojim poslovnim knjigama i završnom računu evidentirala u iznosu od 12.656,91 KM.
- Obaveza u iznosu od 12.100,00 KM odnosi se na pozajmicu Stranke dijaspore BiH. Prema podacima iz finansijskih izvještaja Bosanske narodne stranke iz ranijeg perioda, pozajmica je uplaćena 14. 05. 2018. godine.
 - Obaveza koja je politička stranka u poslovnim knjigama evidentirana u iznosu od 556,91 KM odnosi se na obaveze po osnovi poreza na ugovore o djelu iz ranijeg perioda.

Troškovi izborne kampanje

Prema odredbama člana 15.10 Izbornog zakona BiH Bosanska narodna stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 62.817,00 KM.

U godišnjem finansijskom izvještaju za 2020. godinu i postizbornom izvještaju Bosanska narodna stranka nije prijavila troškove izborne kampanje

6. UJEDINJENA SRPSKA (Kod 1972)

Prema podacima iz godišnjeg finansijskog izvještaja Ujedinjena Srpska se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	29.994,50	5,00
2.	Prilozi fizičkih lica (3-a)	368.750,00	56,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	254.568,40	39,00
8.	Prihodi od propagande (3-g)	0,00	0,00
I	Ukupni prihodi (1-8)	653.312,90	100,00
II	Ostali prihodi i drugo	0,03	0,00
	Izvori finansiranja (I+II)	653.312,93	100,00

Pregledom godišnjeg finansijskog izvještaja za 2020. godinu utvrđeno je da je Ujedinjena Srpska prekršila odredbe člana 4. stav (1), člana 5. stav (4), člana 8. stav (1) i stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- a) Ujedinjena Srpska je u godišnjem finansijskom izvještaju, koji je podnijela Centralnoj izbornoj komisiji BiH, iskazala ukupne rashode u iznosu od 785.830,40 KM.

Uvidom u Program utroška sredstava za 2020. godinu, koji je dostavila Ujedinjena Srpska, utvrđeno je da je stranka planirala troškove u ukupnom iznosu od 592.800,00 KM, i to: troškove reklame i propagande u iznosu od 370.000,00 KM, režijsko-administrativne troškove u iznosu od 15.800,00 KM, troškove PTT usluga u iznosu od 53.000,00 KM, troškove investicionog i tekućeg održavanja u iznosu od 1.500,00 KM, troškove zakupa kancelarijskih prostorija i javnih površina u iznosu od 130.000,00 KM, troškove reprezentacije i ugostiteljskih usluga u iznosu od 12.000,00 KM, troškove platnog prometa u iznosu od 2.500,00 KM i troškove prevoza u iznosu od 8.000,00 KM.

Analizom dostavljenog Programa utroška sredstava za 2020. godinu utvrđeno je da stranka nije sačinila program utroška sredstava po vrstama troškova, odnosno na način kojim bi se osigurala potpuna transparentnost planiranog trošenja sredstava, kao i njegova uporedba sa ostvarenim troškovima.

- Troškove reprezentacije i ugostiteljskih usluga stranka je planirala u iznosu od 12.000,00 KM, a ostvarila ih je u iznosu od 28.615,54 KM.
- Uvidom u poslovne knjige i finansijski izvještaj utvrđeno je da je politička stranka ostvarila troškove za koje nije moguće utvrditi da li su planirani i u kojem iznosu, i to: troškove električne energije, troškove knjigovodstvenih usluga, troškove komunalnih usluga i utrošene vode.

U godišnjem finansijskom izvještaju stranka je iskazala troškove električne energije u iznosu od 14.085,56 KM, troškove knjigovodstvenih usluga u iznosu od 1.521,00 KM, troškove komunalnih usluga u iznosu od 1.884,65 KM i utrošene vode u iznosu od

491,95 KM. Uvidom u program utroška utvrđeno je da je stranka planirala režijsko-administrativne troškove u iznosu od 15.800,00 KM.

- Stranka je u godišnjem finansijskom izvještaju iskazala različite vrste troškova u ukupnom iznosu od 227.391,14 KM, koje nije planirala programom utroška sredstava za 2020. godinu.

Ujedinjena Srpska je ostvarila troškove sitnog inventara i autoguma u iznosu 13.047,01 KM, troškove kancelarijskog materijala u iznosu od 15.558,84 KM, troškove ostalog materijala u iznosu 1.322,81 KM, troškove goriva i maziva u iznosu od 686,25 KM, troškove ostalih zakupnina u iznosu od 29.382,16 KM, ostale nematerijalne troškove u iznosu od 6.435,00 KM, troškove tehničkog pregleda i registracije u iznosu od 4.569,10 KM, troškove neproizvodnih usluga u iznosu od 125.364,77 KM, humanitarne rashode u iznosu od 19.887,20 KM, troškove stručnih publikacija, časopisa, dnevnih novina u iznosu od 183,50 KM i troškove taksi, novčanih kazni i slično u iznosu od 10.954,50 KM.

- b) Ujedinjena Srpska program utroška nije sačinila po vrstama troška, odnosno na način kojim bi se osigurala potpuna transparentnost planiranog trošenja sredstava, kao i njegova uporedba sa ostvarenim troškovima, te je sredstva u iznosu od 246.189,84 KM utrošila mimo Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Pregledom godišnjeg finansijskog izvještaja političke stranke utvrđeno je da je stranka primila nenovčane donacije po osnovi vođenja plaćene izborne kampanje na društvenoj mreži i besplatnog političkog oglašavanja, te ih nije evidentirala u poslovnim knjigama i nije iskazala u godišnjem finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

- (1) Uvidom u odluke Centralne izborne komisije Bosne i Hercegovine utvrđeno je da su fizičko lice i kandidat političke stranke na društvenim mrežama vodili plaćenu izbornu kampanju, a prije službenog početka izborne kampanje.

S obzirom na to da politička stranka nije platila objave na društvenim mrežama, ostvarila je nenovčane donacije fizičkog lica i kandidata stranke, kako slijedi:

- Uvidom u Odluku Centralne izborne komisije Bosne i Hercegovine, broj: 05-1-07-5-1118/20 od 03. 11. 2020. godine, utvrđeno je da je Mile Aljetić, kandidat političke stranke, putem društvene mreže "Facebook" vodio plaćenu izbornu kampanju, prije službenog početka izborne kampanje za Lokalne izbore 2020. godine. Isto tako, utvrđeno je da je objava sponzorirana.

U godišnjem finansijskom izvještaju stranka nije evidentirala nenovčanu donaciju ovog fizičkog lica.

- Uvidom u Odluku Centralne izborne komisije Bosne i Hercegovine, broj: 05-1-07-5-1139/20 od 05. 11. 2020. godine, utvrđeno je da je Nebojša Šešlija, kandidat političke koalicije "Izgradimo zajedno Istočnu Ilidžu" putem društvene mreže "Facebook" vodio plaćenu izbornu kampanju, a prije službenog početka izborne kampanje. Također je utvrđeno da je objava sponzorirana.

Ujedinjena Srpska nije u finansijskom izvještaju evidentirala nenovčanu donaciju fizičkog lica.

- (2) „Alternativna televizija“ d. o. o. Banja Luka je putem imejla dostavila sedmične izvještaje o medijskom predstavljanju Ujedinjene Srpske. Prema ovim izvještajima,

Ujedinjena Srpska je u periodu izborne kampanje pored plaćenog političkog oglašavanja putem "Alternativne televizije" koristila i ostale vidove besplatnog predstavljanja ove političke stranke. "Alternativna televizija" d. o. o. Banja Luka je u svojim izvještajima navela minute plaćenog političkog oglašavanja, kao i minute ostalih vidova besplatnog predstavljanja Ujedinjene Srpske. Prema ovim izvještajima u ukupnom vremenu oglašavanja političke stranke plaćeno oglašavanje učestvuje u procentu od 94,93%, dok učešće neplaćenog oglašavanja iznosi 5,07%.

Uvidom u analitičku karticu dobavljača "Alternativna televizija" d. o. o. utvrđeno je da je ova televizija Ujedinjenoj Srpskoj fakturisala usluge medijskog predstavljanja u iznosu od 64.039,95 KM.

U skladu sa navedenim, oglašavanje putem "Alternativne televizije" d. o. o. Banja Luka koje stranka nije imala obavezu platiti iznosilo bi 3.246,83 KM, što predstavlja donaciju političkoj stranci u navedenom iznosu.

S obzirom na to da je "Alternativna televizija" d. o. o. Banja Luka tokom 2020. godine imala sklopljen ugovor sa Gradom Dobojem o javnoj nabavci usluga medijskog praćenja gradonačelnika, predstavnika Gradske uprave Doboj i promocije lokalne zajednice, u iznosu od 117.000,00 KM, Ujedinjena Srpska je ostvarila donaciju "Alternativne televizije" d. o. o. Banja Luka koja je odredbama člana 8. stav (4) Zakona o finansiranju političkih stranaka, zabranjena.

Stranka je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka bila obavezna uspostaviti evidenciju o nenovčanim donacijama i iste evidentirati u poslovnim knjigama i prijaviti u godišnjem finansijskom izvještaju za 2020. godinu.

- c) Ujedinjena Srpska je ostvarila novčane donacije fizičkih lica čiji identitet nije utvrđen, čime je prekršila odredbe člana 8. stav (1) tačka e) Zakona o finansiranju političkih stranaka.

Ujedinjena Srpska je u obrascu 3-a (Prilozi fizičkih lica) godišnjeg finansijskog izvještaja iskazala priloge u iznosu od 368.750,00 KM.

Stranka je izdala 53 potvrde o primljenoj donaciji fizičkih lica koje ne sadrže podatke o broju ličnog dokumenta fizičkog lica, a na 42 potvrde, odnosno za 24 fizička lica donatora, stranka nije navela adresu i mjesto prebivališta fizičkih lica, te se identitet donatora ne može sa sigurnošću utvrditi.

Centralna izborna komisija BiH, se u skladu sa članom 14. stav (1) Zakona o finansiranju političkih stranaka obratila donatorima stranke sa zahtjevom da odgovore da li su u 2020. godini dali novčanu donaciju Ujedinjenoj Srpskoj, te navedu iznos donacije i datum uplate sredstava.

- Na zahtjev Centralne izborne komisije BiH odgovorilo je 12 donatora Ujedinjene Srpske koji su potvrdili da su dali donacije u ukupnom iznosu od 100.700,00 KM. Jedno fizičko lice je u svom odgovoru potvrdilo da je uplatilo članarinu za 2020. godinu u iznosu od 3.300,00 KM u svoje ime i u ime još jednog fizičkog lica.
- Jedno je fizičko lice, čije je donacije stranka prijavila u iznosu od 15.000,00 KM, u svom dopisu potvrdilo da je dalo prilog stranci u iznosu od 5.000,00 KM.

- Dva fizička lica, čije je donacije stranka prijavila u iznosu od 12.100,00 KM, nisu odgovorila na zahtjev Centralne izborne komisije Bosne i Hercegovine, iako su im pošiljke uredno uručene.
- Dva fizička lica, čije je donacije stranka prijavila u iznosu od 15.000,00 KM, nisu primila zahtjev Centralne izborne komisije Bosne i Hercegovine. Pošta je pošiljke vratila sa naznakom da su fizička lica odselila sa navedene adrese.

S obzirom na to da dva lica kojima je uručen zahtjev Centralne izborne komisije Bosne i Hercegovine da odgovore da li su političkoj stranci dali donacije, nisu odgovorila, da je jedno fizičko lice samo djelimično potvrdilo iznos prijavljene donacije i da za 24 fizička lica stranka nije navela adresu i mjesto prebivališta, Služba za reviziju za donacije u iznosu od 22.100,00 KM ne može potvrditi da su u izvještaju prijavljeni stvarni donatori Ujedinjene Srpske.

Imena uplatilaca donacija navedena na izvodima sa transakcijskih računa stranke, a imajući u vidu predhodno navedeno, ne mogu se smatrati dovoljnim dokazom za potvrđivanje identiteta donatora.

- d) Na osnovi obavljenog pregleda godišnjeg finansijskog izvještaja za 2020. godinu i druge finansijske dokumentacije, utvrđeno je da Ujedinjena Srpska nije vodila pravilne i potpune evidencije o prihodima, rashodima i obavezama, što je suprotno računovodstvenim propisima i odredbama člana 11. stav (1) i člana 12. stav (1) Zakona o finansiranju političkih stranaka. Godišnji finansijski izvještaj za 2020. godinu stranka nije popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.

- (1) U finansijskom izvještaju stranka nije prijavila kompletnu organizacionu strukturu u skladu sa članom 10. Pravilnika.

Uvidom u ugovore o zakupu utvrđeno je da je stranka koristila poslovne prostore, a pri tome u svojoj organizacionoj strukturi nije iskazala sljedeće općinske odbore: Stanari, Pelagićevo, Kotor-Varoš, Osmaci, Modriča, Novi Grad, Srbac, Foča, Ljubinje, Višegrad, Petrovo, Sokolac, Ugljevik, Lopare, Novo Goražde, Kozarska Dubica, Čajniče i Laktaši, te gradske odbore: Prijedor i Banja Luka, kao i odbor Brčko.

- (2) Pregledom godišnjeg finansijskog izvještaja, poslovnih knjiga i dodatne dokumentacije, utvrđeno je da Ujedinjena Srpske nije uspostavila potpune i tačne evidencije o prihodima stranke, te ih nije pravilno iskazala u godišnjem finansijskom izvještaju.

- Pregledom dokumentacije utvrđeno je da stranka nije uspostavila pravovremene evidencije u poslovnim knjigama, te da je članarinu u iznosu od 900,00 KM, koju je fizičko lice uplatilo u 2019. godini, evidentirala u poslovnim knjigama i u godišnjem finansijskom izvještaju u 2020. godini.

Ujedinjena Srpska je u godišnjem finansijskom izvještaju iskazala članarine u iznosu od 29.994,50 KM, dok je kontrolom izvoda sa transakcionih računa utvrđeno da su fizička lica u toku 2020. godine uplatila članarine u iznosu od 29.094,50 KM.

Neuspostavljanjem pravovremenih evidencija stranka je pogrešno iskazala iznos primljenih članarina u godišnjem finansijskom izvještaju, čime je prekršila odredbe člana 13. Pravilnika.

- U obrascu 3-f stranka je iskazala prihode iz budžeta u iznosu od 254.568,38 KM. Kontrolom izvoda sa transakcionog računa utvrđeno je da prihodi iz budžeta iznose 253.638,38 KM.

Također je utvrđeno da je stranka prilog fizičkog lica u iznosu od 930,00 KM iskazala kao prihod iz budžeta, čime je prekršila odredbe člana 14. i 19. Pravilnika.

- Ujedinjena Srpska je iskazala prihode iz budžeta Grada Banja Luka u iznosima od 22.401,19 KM i 212.233,09 KM. Kontrolom izvoda sa transakcionog računa utvrđeno je da je iz budžeta Grada Banja Luka na račun stranke uplaćeno 22.401,19 KM, a da je iznos od 212.233,09 KM uplaćen iz budžeta Republike Srpske.

Stranka je u obrascu 3-f iskazala prihode iz budžeta Bosne i Hercegovine u iznosu od 13.179,02 KM, dok je kontrolom izvoda sa transakcionog računa utvrđeno da je stranka iz budžeta Bosne i Hercegovine primila sredstva u iznosu od 10.000,00 KM.

Također, stranka je u obrascu 3-f godišnjeg finansijskog izvještaja iskazala prihod iz budžeta Općine Derventa u iznosu od 1.404,40 KM, a kontrolom je utvrđeno da je ova općina na račun stranke uplatila sredstva u iznosu od 3.015,60 KM.

Analizom izvoda sa transakcionih računa utvrđeno je i da je stranka u 2020. godini ostvarila prihode iz budžeta Grada Trebinja u iznosu od 1.567,82 KM, a da ih nije iskazala u obrascu 3-f godišnjeg finansijskog izvještaja.

Pogrešnim evidentiranjem nivoa vlasti iz čijeg budžeta su isplaćena sredstva stranci, Ujedinjena Srpska je prekršila odredbe člana 19. Pravilnika.

- U poslovnim knjigama i obrascima 3 (izvori finansiranja) i 3-e (nenovčane donacije i računi koje stranka nije imala obavezu platiti) stranka nije iskazala nenovčane donacije po osnovi vođenja plaćene izborne kampanje na društvenoj mreži "Facebook", čime je prekršila odredbe člana 13. i 18. Pravilnika.

- (3) Politička stranka nije pravilno iskazala rashode u obrascima 4. (ukupni rashodi političke stranke), 4.1 (režijsko-administrativni i ostali troškovi) i 4.2 (troškovi propagande) finansijskog izvještaja, čime je prekršila odredbe člana 21., 22. i 23. Pravilnika.

Stranka nije uspostavila i vodila analitičke evidencije o troškovima po mjestu nastanka troška, tj. za svaki organizacioni dio pojedinačno, niti je u godišnjem finansijskom izvještaju troškove iskazala u obrascima 4.1 (režijsko-administrativni i ostali troškovi) za svaki organizacioni dio pojedinačno, čime je prekršila odredbe člana 7. stav (2) Pravilnika.

Stranka je imala obavezu da nastale troškove rasporedi po mjestu nastanka troška, odnosno iskaže po odborima.

- Stranka je u poslovnim knjigama i finansijskom izvještaju za Glavni odbor iskazala troškove zakupa poslovnih prostora u iznosu od 113.392,71 KM.

Uvidom u dokumentaciju utvrđeno je da su troškovi zakupa Glavnog odbora i općinskih odbora stranke za koje Glavni odbor plaća zakup iskazani u jednom iznosu kao trošak Glavnog odbora.

Uvidom u ugovore o zakupu poslovnih prostora, utvrđeno je da su troškovi zakupa poslovnih prostora koje su koristili sljedeći odbori: Teslić, Stanari, Pelagićevo, Pale, Kneževo, Kotor-Varoš, Osmaci, Šipovo, Bratunac, Han-Pijesak, Modriča, Novi Grad, Vlasenica, Nevesinje, Bileća, Rudo, Ljubinja, Srbac, Prnjavor, Foča, Višegrad, Petrovo, Sokolac, Ugljevik, Lopare, Novo Goražde, Kozarska Dubica, Čajniče, Laktaši, Prijedor,

Istočna Ilidža, Derventa, Istočno Novo Sarajevo, Bijeljina, Trebinje i Banja Luka, kao i odbor Brčko, u 2020. godini iznosili 118.929,40 KM.

Također, uvidom u poslovne knjige i kontrolom izvoda sa transakcionog računa utvrđeno je da je stranka u 2020. godini evidentirala troškove zakupa koji se odnose na 2019. godinu u ukupnom iznosu od 1.521,73 KM.

- Ujedinjena Srpska nije prijavila i nije evidentirala troškove izborne kampanje koji su nastali promoviranjem kandidata na društvenim mrežama, što je suprotno odredbama člana 21. i 23. Pravilnika.

Također je utvrđeno da stranka nije prijavila i nije evidentirala sve troškove izborne kampanje ni u postizbornom finansijskom izvještaju, što je suprotno odredbama člana 12. stav (3) Zakona o finansiranju političkih stranka i odredbama člana 15.1 stav (1) Izbornog zakona Bosne i Hercegovine.

Nastale troškove stranka je imala obavezu prijaviti u obrascu 4.2 finansijskih izvještaja.

- Stranka je troškove po računima dobavljača "Televizija K3" d. o. o. Prnjavor u iznosu od 25.000,00 KM, "TQNet" s.p. Trebinje u iznosu od 3.750,00 KM i "World Media" d. o. o. Banja Luka u iznosu od 15.000,00 KM iskazala u poslovnim knjigama kao troškove neproizvodnih usluga, ali ih nije iskazala u obrascu 4.2 (troškovi propagande).
 - Ujedinjena Srpska je račun dobavljača "Alternativna televizija" d. o. o. Banja Luka, broj: FAPP-20-00007 od 20. 10. 2020. godine, u iznosu od 12.729,60 KM u svojim poslovnim knjigama i u godišnjem finansijskom izvještaju evidentirala u iznosu od 10.389,65 KM te je troškove propagande i svoje obaveze iskazala manje za 2.339,95 KM, čime je prekršila odredbe člana 21, 23. i 24. Pravilnika.
 - Uvidom u analitičke kartice datih avansa utvrđeno je da stranka u svojim poslovnim knjigama iskazala saldo na dan 31. 12. 2020. godine u iznosu od 9.173,63 KM. U okviru ovog iznosa evidentirano je i plaćanje troškova reklame i propagande pravnom licu "Reklame Darko" PR s.p. Laktaši, u ukupnom iznosu od 4.261,14 KM.
- S obzirom na to da stranka u svojim poslovnim knjigama iskazuje date avanse pravnim licima, evidentno je da stranka ne iskazuje sve svoje troškove, te nema tačne evidencije o svojim troškovima i obavezama.

- (4) Ujedinjena Srpska nije u godišnjem finansijskom izvještaju evidentirala i u poslovnim knjigama pravilno iskazala obaveze prema dobavljačima na dan 31. 12. 2020. godine. Također, stranka nije izvršila usaglašavanje međusobnih obaveza i potraživanja sa dobavljačima, što za rezultat ima pogrešno iskazane obaveze stranke, čime je prekršila odredbe člana 24. Pravilnika.
- Stranka je u svojim poslovnim knjigama i godišnjem finansijskom izvještaju, a zbog pogrešnog evidentiranja knjigovodstvenih isprava, iskazala obaveze prema dobavljačima: "Gastro imperijal" d. o. o. Bijeljina u iznosu većem za 832,50 KM i "Alternativna televizija" d. o. o., Banja Luka u iznosu manjem za 2.339,95 KM.
 - U godišnjem finansijskom izvještaju stranka je iskazala obaveze prema dobavljaču "Astra Media" d. o. o. Banja Luka u iznosu od 5.850,00 KM. Uvidom u Izvod otvorenih stavki na dan 31. 12. 2020. godine, koji je stranka dostavila, utvrđeno je da stranka nema obaveza prema ovom pravnom licu.

- Ujedinjena Srpska je u obrascu 5 (obaveze) iskazala obaveze prema dobavljaču "Tempo gradnja" d. o. o. Banja Luka u iznosu od 7.038,72 KM, što ne odgovara podacima koje je dostavio dobavljač. Prema podacima iz Izvoda otvorenih stavki dobavljača na dan 31. 12. 2020. godine, stranka nije imala obaveza prema ovom pravnom licu.
 - Stranka je u godišnjem finansijskom izvještaju prema dobavljaču "Nova oprema" d. o. o. Banja Luka iskazala obaveze u iznosu od 10.387,86 KM. Uvidom u Izvod otvorenih stavki dobavljača na dan 31. 12. 2020. godine, utvrđeno je da stranka nema obaveze prema ovom pravnom licu.
- (5) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.
- Uvidom u račune "Gastro imperijal" d. o. o. Bijeljina, broj: 197/20 od 28. 09. 2020. godine, u iznosu od 372,50 KM, broj: 219/20 od 09. 10. 2020. godine, u iznosu od 460,00 KM, broj 251/20 od 02. 11. 2020. godine u iznosu od 794,50 KM i, broj: 261/20 od 09. 11. 2020. godine, u iznosu od 477,00 KM utvrđeno je da na računima nije naveden broj lica koja su koristila smještaj kao ni njihov identitet.
 - Na računu dobavljača "Zoki" vl. M. Lukić, Banja Luka, br. FŽ/5173/20 od 01. 04. 2020. godine, u iznosu od 10.000,00 KM kao naziv artikla naveden je humanitarni paket, bez specifikacije o artiklima koje paket sadrži.
- (6) Potvrde o primljenim priložima, koje je izdala Ujedinjena Srpska, nisu u skladu sa odredbama člana 6. Pravilnika, dok jednom donatoru potvrda nije ni izdata.
- U godišnjem finansijskom izvještaju za 2020. godinu stranka je u obrascu 3-a iskazala priloge fizičkih lica u ukupnom iznosu od 368.750,00 KM.
- Ujedinjena Srpska je dostavila 53 potvrde o primljenim priložima u ukupnom iznosu od 361.250,00 KM. Uvidom u izvode sa transakcionih računa utvrđeno je da je jedno fizičko lice dana 05. 02. 2020. godine dalo prilog stranci u iznosu od 7.500,00 KM, za koji stranka nije izdala potvrdu o primljenim priložima.
- Pored navedenog, a uvidom u potvrde o primljenim priložima koje je stranka izdala fizičkim licima utvrđeno je da obrazac potvrde ne sadrži broj ličnog dokumenta. Također uvidom u dostavljene potvrde utvrđeno je da stranka na 42 potvrde nije upisala adresu i mjesto prebivališta lica koje je uplatilo prilog, što je suprotno odredbama člana 6. Pravilnika.
- U skladu sa odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine /priloga, ime i prezime /naziv donatora, broj ličnog dokumenta /identifikacioni broj donatora, adresa i mjesto prebivališta /sjedišta donatora, datum uplate, datum izdavanja potvrde i potpis ovlaštenog lica.

Troškovi izborne kampanje

Prema odredbama člana 15.10 Izbornog zakona BiH Ujedinjena Srpska je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 414.419,22 KM. Politička stranka je u godišnjem finansijskom izvještaju, koji je podnijela Centralnoj izornoj komisiji BiH, u svrhu izborne kampanje iskazala troškove u iznosu od 361.081,24 KM.

7. NEZAVISNA BOSANSKOHERCEGOVAČKA LISTA (Kod 2328)

Prema podacima iz godišnjeg finansijskog izvještaja Nezavisna bosanskohercegovačka lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.220,00	0,80
2.	Prilozi fizičkih lica (3-a)	66.361,44	43,81
3.	Prilozi pravnih lica (3-b)	21.950,00	14,49
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	61.942,04	40,90
8.	Prihodi od propagande (3-g)	0,00	0,00
I	Ukupni prihodi (1-8)	151.473,48	100,00
II	Ostali prihodi i drugo	0,00	0,00
	Izvori finansiranja (I+II)	151.473,48	100,00

Pregledom godišnjeg finansijskog izvještaja za 2020. godinu utvrđeno je da je Nezavisna bosanskohercegovačka lista prekršila odredbe člana 4. stav (1), člana 5. stav (4), člana 6. stav (2), člana 8. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Uvidom u Plan utroška sredstava za 2020. godinu koji je dostavila Nezavisna bosanskohercegovačka lista utvrđeno je da je stranka planirala troškove u ukupnom iznosu od 192.813,01 KM, dok je u godišnjem finansijskom izvještaju iskazala ukupne troškove u iznosu od 192.163,82 KM.

Međutim, Planom utroška sredstava Nezavisna bosanskohercegovačka lista nije planirala troškove u ukupnom iznosu od 7.096,64 KM koji se odnose na: bruto plaće zaposlenih u iznosu od 6.506,43 KM, troškove goriva i maziva u iznosu od 520,01 KM i troškove osiguranja u iznosu od 70,20 KM.

- b) Pregledom godišnjeg finansijskog izvještaja Nezavisne bosanskohercegovačke liste utvrđeno je da je stranka primila nenovčanu donaciju od fizičkog lica koje je vodilo plaćenu izbornu kampanju prije službenog početka izborne kampanje na društvenoj mreži "Facebook", te je nije evidentirala u poslovnim knjigama i nije iskazala u

godišnjem finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

Uvidom u Odluku Centralne izborne komisije Bosne i Hercegovine, broj: 05-1-07-5-1062/20 od 28. 10. 2020. godine, utvrđeno je da je Mujanović Hašim, kandidat stranke za načelnika Općine Zavidović, putem društvene mreže "Facebook" vodio plaćenu izbornu kampanju prije službenog početka izborne kampanje. Iznos donacije nije moguće utvrditi iz razloga što nije evidentirana u poslovnim knjigama, niti prijavljena u finansijskom izvještaju, a politička stranka u vezi sa navedenom donacijom nije dostavila bili kakvu dokumentaciju.

- c) Pregledom godišnjeg finansijskog izvještaja utvrđeno je da stranka priloge od fizičkog lica u iznosu od 3.618,21 KM nije uplatila na transakcijski račun Centrale stranke, čime je prekršila odredbe člana 6. stav (2) Zakona o finansiranju političkih stranaka.

U skladu sa odredbama člana 6. stav (2) Zakona o finansiranju političkih stranaka dobrovoljni prilozi u novcu uplaćuju se na transakcijski račun centrale političke stranke.

- d) Na osnovi obavljenog pregleda godišnjeg finansijskog izvještaja utvrđeno je da je Nezavisna bosanskohercegovačka lista primila priloge u iznosu od 7.500,00 KM od pravnih lica koja su imala sklopljene ugovore o javnoj nabavci radova sa Ministarstvom sigurnosti BiH i Općinom Kakanj, čija je vrijednost veća od 10.000,00 KM, čime su prekršene odredbe člana 8. stav (4) Zakona o finansiranju političkih stranaka.

- Stranka je dana 20. 09. 2020. godine primila prilog od pravnog lica "Relax Tours" d. o. o. Sarajevo u iznosu od 7.000,00 KM. Prema podacima iz akta, broj: 04-16-4-7562-1/21 od 29. 11. 2021. godine, koje je dostavilo Ministarstvom sigurnosti BiH, utvrđeno je da je spomenuto ministarstvo dana 27. 07. 2018. godine potpisalo okvirni sporazum sa pravnim licem "Relax Tours" d. o. o. Sarajevo za nabavku aviokarata na period od dvije godine. Po ovom sporazumu realizirano je 155.257,50 KM, a od čega je tokom 2020. godine realizirano 16.377,50 KM sa uračunatim PDV.

- Nezavisna bosanskohercegovačka lista je dana 26. 10. 2020. godine primila prilog od pravnog lica "DSM Trade" d. o. o. Kakanj u iznosu od 500,00 KM. Prema podacima iz akta, broj: 08/1-117/22 od 19. 01. 2022. godine, koje je dostavila Općina Kakanj, utvrđeno je da je spomenuta općina potpisala ugovor, broj: 02/1-3940/20 od 08. 05. 2020. godine sa pravnim licem "DSM Trade" d. o. o. Kakanj za nabavku robe za opremanje izolacionog centra za ublažavanje posljedica pandemije Corona virusa (Covid-19) ukupne vrijednosti 18.848,70 KM sa uračunatim PDV.

- e) Na osnovi obavljenog pregleda godišnjeg finansijskog izvještaja i dodatne dokumentacije, utvrđeno je da Nezavisna bosanskohercegovačka lista nije poslovne knjige vodila u skladu sa računovodstvenim propisima, nije uspostavila tačne evidencije o prihodima, rashodima i obavezama, nije prijavila sve organizacione dijelove stranke i nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Politička stranka nije uspostavila evidenciju o dijelu troškova izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) U godišnjem finansijskom izvještaju, koji je stranka podnijela Centralnoj izbornoj komisiji BiH, na obrascu 1. (opći podaci o političkoj stranci) stranka je navela da nema niže organizacione dijelove. U obrascu 1.1 (Opći podaci o političkoj stranci–teritorijalna organizacija političke stranke), navela je da ima samo Sjedište stranke.

Kontrolom ugovora o zakupu poslovnih prostora, utvrđeno je da je Nezavisna bosanskohercegovačka lista tokom 2020. godine imala zakupljene poslovne prostore osim u Sarajevu i u gradovima: Zenica, Goražde i Srebrenik, što ukazuje na činjenicu da je stranka osim sjedišta imala i druge organizacione dijelove, ali ih nije prijavila u godišnjem finansijskom izvještaju.

S obzirom na to da nije prijavila organizacione dijelove i navela podatke o njima, politička stranka je prekršila odredbe člana 10. Pravilnika.

- (2) Nezavisna bosanskohercegovačka lista godišnji finansijski izvještaj, suprotno odredbama člana 5. Pravilnika, nije popunila po organizacionim dijelovima stranke.
- (3) Stranka je u obrascu 2 (pregled prometa svih transakcionih računa političke stranke) pogrešno iskazala podatke o novčanom toku putem transakcijskog računa, čime je prekršila odredbe člana 11. Pravilnika.

Stranka je u godišnjem finansijskom izvještaju na transakcijskom računu broj: 1011040071927717 kod Privredne banke d. d. Sarajevo iskazala promet ulaza u iznosu od 147.914,91 KM i promet izlaza u iznosu od 183.828,35 KM. Kontrolom prometa izvoda sa spomenutog transakcijskog računa utvrđeno je da je promet ulaza iznosio 148.324,41 KM i promet izlaza u iznosu od 184.237,85 KM.

- (4) Nezavisna bosanskohercegovačka lista, suprotno računovodstvenim propisima i odredbama člana 11. stav (1) Zakona o finansiranju političkih stranaka, u poslovnim knjigama nije uspostavila potpune i tačne evidencije o svojim prihodima i rashodima. Također, ni u godišnjem finansijskom izvještaju koji je podnijela Centralnoj izbornoj komisiji BiH stranka nije iskazala tačne podatke o prihodima i rashodima, čime je prekršila odredbe člana 13,14. 18., 21. i 23. Pravilnika.
- (5) Politička stranka, suprotno odredbama člana 12. stav (1) i stav (3) Zakona o finansiranju političkih stranaka i odredbama člana 15. stav (1) Izbornog zakona Bosne i Hercegovine, nije uspostavila evidenciju o donacijama, niti je u godišnjem finansijskom izvještaju prijavila troškove po osnovi objave na društvenoj mreži “Facebook“, za kandidata ove političke stranke za načelnika Općine Zavidovići, kao što je navedeno pod tačkom b).
- (6) Stranka u godišnjem finansijskom izvještaju troškove nije iskazala po organizacionim dijelovima, nije iskazala tačne podatke o troškovima zakupa poslovnih prostora, troškovima ugovora o djelu i troškovima takse za ovjeru za učešće na izborima, te nije izvršila klasifikaciju troškova izborne kampanje, čime je prekršila odredbe člana 12. stav (1), (3) i (4) Zakona o finansiranju političkih stranaka i odredbe člana 21. i 22. Pravilnika.
1. Nezavisna bosanskohercegovačka lista je u godišnjem finansijskom izvještaju iskazala ukupne troškove u iznosu od 192.163,00 KM, i to kao troškove Sjedišta stranke, a ne po organizacionim dijelovima stranke, što nije u skladu sa Pravilnikom.

2. Stranka je u godišnjem finansijskom izvještaju iskazala ukupne troškove zakupa u iznosu od 21.594,98 KM koji se odnose na troškove zakupa poslovnih prostora koje je stranka koristila za svoj rad u iznosu od 13.731,87 KM i na ostale zakupe u iznosu od 7.863,11 KM (zakup javnih površina u iznosu od 7.379,11 KM i zakup sala u iznosu od 484,00 KM).

Uvidom u ugovore o zakupu poslovnih prostora koje je stranka koristila za svoj rad, utvrđeno je da je stranka ostvarila troškove zakupa poslovnih prostora za svoj rad u iznosu od 11.628,00 KM i da je pored prostora Sjedišta stranke, za svoj rad koristila poslovne prostorije u još tri grada.

- Nezavisna bosanskohercegovačka lista je dostavila ugovor o zakupu poslovnog prostora od 01. 10. 2018. godine sa trajanjem do 31. 10. 2020. godine, koji je zaključen sa fizičkim licem Suadom Halilovićem iz Srebrenika, na osnovi koga je utvrđeno je da je stranka tokom 2020. godine koristila poslovni prostor deset mjeseci uz mjesečni zakup od 165,00 KM i po tom osnovu ostvarila troškove zakupa poslovnog prostora u iznosu od 1.650,00 KM. U poslovnim knjigama stranka je evidentirala troškove zakupa u Srebreniku u iznosu od 1.980,00 KM.
- Uvidom u ugovor o zakupu poslovnog prostora, broj: 77/2020 od 06. 03. 2020. godine i traje do 31. 12. 2022. godine, koji je zaključen sa pravnim licem "Unipromet" d. o. o. Sarajevo utvrđeno je da je stranka tokom 2020. godine koristila poslovni prostor deset mjeseci uz mjesečni zakup od 397,80 KM i po tom osnovu ostvarila troškove zakupa poslovnog prostora u iznosu od 3.978,00 KM. U poslovnim knjigama stranka je evidentirala troškove zakupa u Sarajevu u iznosu od 3.451,87 KM.
- Stranka je dostavila ugovor o zakupu poslovnog prostora koji je zaključen sa pravnim licem "ŽGP" d. o. o. Zenica, broj: 01.10/2019 od 20. 10. 2019. godine, na period do 31. 12. 2022. godine. Ovim je utvrđeno da je stranka tokom 2020. godine koristila poslovni prostor 12 mjeseci uz mjesečni zakup od 100,00 KM i po tom osnovu ostvarila troškove zakupa poslovnog prostora u iznosu od 1.200,00 KM. Stranka je u poslovnim knjigama evidentirala troškove zakupa u Zenici u iznosu od 1.100,00 KM.
- Nezavisna bosanskohercegovačka lista je dostavila ugovor o zakupu poslovnog prostora koji je zaključen sa fizičkim licem Fadilom Hubjer iz Goražda dana 31. 12. 2019. godine na period od 12 mjeseci. Ovim je utvrđeno da je stranka tokom 2020. godine koristila poslovni prostor uz mjesečni zakup od 400,00 KM i po tom osnovu ostvarila troškove zakupa poslovnog prostora u iznosu od 4.800,00 KM. Stranka je u poslovnim knjigama evidentirala troškove zakupa u Goraždu za 18 mjeseci u iznosu od 7.200,00 KM.

Pregledom godišnjeg finansijskog izvještaja utvrđeno je da je stranka evidentirala troškove zakupa poslovnog prostora u momentu plaćanja, a ne u momentu nastanka troškova, što je suprotno računovodstvenim načelima.

3. Stranka je u godišnjem finansijskom izvještaju iskazala troškove ugovora o djelu u iznosu od 28.166,06 KM, dok su u poslovnim knjigama evidentirani u iznosu od 28.462,09 KM.
4. Nezavisna bosanskohercegovačka lista je u godišnjem finansijskom izvještaju ukupne troškove izborne kampanje u iznosu od 106.070,88 KM prijavila kao ostale troškove propagande. U skladu sa odredbama člana 15.1 stav (1) Izbornog zakona BiH politička

stranka je bila obavezna izvršiti klasifikaciju troškova, te ih iskazati na obrascu 4.2 (troškovi propagande) u skladu sa odredbama iz člana 23. stav (1) tačka b) Pravilnika.

5. Stranka je u godišnjem finansijskom izvještaju je iskazala troškove takse za ovjeru učešća na Lokalnim izborima 2020. godine u iznosu od 5.800,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 3.800,00 KM, tako da su stvarni troškovi takse za učešće na Lokalnim izborima iznosili 2.000,00 KM.
- (7) Pregledom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovi kojih je Nezavisna bosanskohercegovačka lista evidentirala i platila troškove izborne kampanje ne predstavljaju ispravne i vjerodostojne knjigovodstvene isprave.

Uvidom u račune pravnih lica: "Hidex" d. o. o. Sarajevo, broj: 00051/20 od 26. 05. 2020. godine u iznosu od 594,95 KM, "Europlakat" d. o. o. Sarajevo, broj: 824-10/20 od 12.10.2020. godine u iznosu od 3.209,13 KM, "Televizija 8" d. o. o. Sarajevo, broj: 393-20-F od 14. 10. 2020. godine u iznosu od 4.275,18 KM, "Max Media" d. o. o. Sarajevo, broj: 733/2020 od 20. 10. 2020. godine u iznosu od 210,60 KM i broj: 778/20 od 27. 10. 2020. godine u iznosu od 2.808,00 KM, "Biograf štamparija" d. o. o. Bihać, broj: 0258/20 od 20. 10. 2020. godine u iznosu od 1.145,43 KM, "Klix" d. o. o. Sarajevo, broj: 1218/20 od 21. 10. 2020. godine u iznosu od 5.850,00 KM i "Raport.ba" d. o. o. Sarajevo, broj: 22/20 od 27. 10. 2020. godine u iznosu od 2.500,00 KM, utvrđeno je da spomenute račune nisu potpisali korisnici usluga, nije potvrđen prijem promotivnog materijala, niti izvršenje usluge.

- (8) Uvidom u izdate potvrde o primljenim priložima od pravnih lica utvrđeno je da ne sadrže sve elemente propisane članom 6. Pravilnika o godišnjim finansijskim izvještajima političkih stranaka. Pregledom izdatih potvrda o donacijama pravnih lica, utvrđeno je da ne sadrže identifikacioni broj donatora, adresu i sjedište donatora.

U skladu sa članom 6. stav (1) Pravilnika o godišnjim finansijskim izvještajima političkih stranaka, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

- (9) Nezavisna bosanskohercegovačka lista je u obrascu 5 (obaveze političke stranke) godišnjeg finansijskog izvještaja iskazala obaveze u iznosu od 5.530,22 KM, dok je u Bilansu stanja na dan 31. 12. 2020. godine, evidentirala obaveze u iznosu od 5.541,00 KM.

Međutim, uvidom u ugovore o zakupu poslovnih prostora u 2020. godini, te evidencije o ostvarenim i plaćenim troškovima zakupnine, utvrđeno je da politička stranka nije iskazala u poslovnim knjigama i godišnjem finansijskom izvještaju obaveze prema pravnom licu "Unipromet" d. o. o. Sarajevo u iznosu od 526,13 KM i pravnom licu "ŽGP" d. o. o. Zenica u iznosu od 100,00 KM.

Nepotpunim i netačnim evidencijama o svojim obavezama politička stranka je prekršila odredbe člana 24. Pravilnika.

f) Politička stranka je u prijavi za ovjeru za učešće na Lokalnim izborima 2020. godine prijavila transakcijski račun, broj: 1011040071927717 otvoren kod Privredne banke Sarajevo. Iako je u skladu sa Odlukom o visini takse za ovjeru za učešće na Lokalnim izborima 2020. godine, broj:05-1-7-3-373-1/20 od 28.04.2020. godine, bila obavezna da sa navedenog računa ulatiti taksu za izbore i plaća isključivo troškove izborne kampanje, stranka je postupila suprotno odredbi člana 4.4 stav (1) Izbornog zakona BiH i odredi ove Odluke.

- Nezavisna bosanskohercegovačka lista je taksu za ovjeru učešća na Lokalnim izborima 2020. godine uplatila sa redovnog transakcijskog računa stranke broj: 1011040072157413 kod Privredne banke Sarajevo.

- Sa namjenskog računa za finansiranje troškova izborne kampanje politička stranka je, pored troškova izborne kampanje, vršila i sva druga plaćanja proistekla iz njenog redovnog poslovanja.

Troškove izborne kampanje politička stranka je prijavila u iznosu od 106.070,88 KM, a putem namjenskog računa za finansiranje troškova izborne kampanje ostvarila je promet u iznosu od 183.828,35 KM.

Troškovi izborne kampanje

Prema odredbama člana 15.10 Izbornog zakona BiH Nezavisna bosanskohercegovačka lista je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 501.351,57 KM i u svrhu izborne kampanje za Izbore u Gradu Mostaru 30.259,20 KM.

Nezavisna bosanskohercegovačka lista je u godišnjem finansijskom izvještaju za 2020. godinu iskazala troškove izborne kampanje u iznosu od 106.070,88 KM.

8. LIBERALNA STRANKA BOSNE I HERCEGOVINE (Kod 1728)

Prema podacima iz godišnjeg finansijskog izvještaja Liberalna stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	68.551,19	98,91
8.	Prihodi od propagande (3-g)	0,00	0,00
I	Ukupni prihodi (1-8)	68.551,19	98,91
II	Ostali prihodi i drugo	756,00	1,09
	Izvori finansiranja (I+II)	69.307,19	100,00

Pregledom godišnjeg finansijskog izvještaja za 2020. godinu utvrđeno je da je Liberalna stranka Bosne i Hercegovine prekršila odredbe člana 4. stav (1), člana 8. stav (1), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- a) U godišnjem finansijskom izvještaju stranka je iskazala rashode u ukupnom iznosu od 76.299,63 KM. U Revidiranom programu utroška sredstava za 2020. godinu stranka je planirala ukupne troškove u iznosu od 80.000,00 KM.

Analizom Revidiranog programa utroška sredstava za 2020. godinu utvrđeno je da stranka sredstva nije utrošila u skladu sa planiranim troškovima, čime je prekršila odredbe člana 4. stav (1) Zakona o finansiranju političkih stranaka.

- (1) Pregledom finansijskog izvještaja i finansijske dokumentacije stranke utvrđeno je da politička stranka nije planirala troškove kamata, troškove ostalog materijala, troškove održavanja opreme, troškove advokatskih usluga i sudskih troškova, troškove usluga, troškove ugostiteljskih usluga i troškove novčane kazne.

Stranka je u 2020. godini navedene troškove ostvarila u ukupnom iznosu od 7.006,41 KM, i to: troškove kamata u iznosu od 901,01 KM, troškove ostalog materijala u iznosu od 757,05 KM, troškove održavanja opreme u iznosu od 1.143,35 KM, troškove advokatskih usluga i sudskih troškova u iznosu od 1.810,00 KM, troškove usluga u iznosu od 70,00 KM, troškove ugostiteljskih usluga u iznosu od 1.325,00 KM i troškove novčane kazne u iznosu od 1.000,00 KM.

Također je utvrđeno da je stranka prekoračila planirane troškove goriva i maziva, telefonske troškove i PTT usluge i humanitarne rashode-troškove novčane pomoći, kako slijedi:

Troškove goriva i maziva stranka je prekoračila za 1.509,92 KM. U programu utroška sredstava stranka je planirala troškove goriva i maziva u iznosu od 10.000,00 KM, a ostvarila ih je u iznosu od 11.509,92 KM;

Stranka je planirala telefonske troškove i PTT usluge u iznosu od 2.000,00 KM, a ostvarila ih je u iznosu od 3.131,24 KM, što je za 1.131,24 KM više u odnosu na planirane; i

Stranka je humanitarne rashode – troškove novčane pomoći planirala u iznosu od 5.000,00 KM, dok ih je ostvarila u iznosu od 14.100,00 KM, što je za 9.100,00 KM više u odnosu na plan.

- (2) Stranka je u toku 2020. godine ostvarila troškove goriva i maziva u iznosu od 11.509,92 KM.

Na osnovi Odluke predsjednice Liberalne stranke Bosne i Hercegovine za potrebe i rad stranke korišteno je vozilo marke Citroen C5. Također, Odlukom predsjednice stranke, broj: 60-2-B-10-1/20 od 02. 10. 2020. godine, aktivisti stranke je odobreno da za potrebe terenskog rada može sipati benzin BMB 95 BAS u iznosu od 100,00 KM, radi promocije kandidata Liberalne stranke Bosne i Hercegovine.

Uvidom u račune za isporučeno gorivo utvrđeno je da je dobavljač TZS “Oil“ d. o. o. Vitkovići stranci mjesečno ispostavljao fakture za gorivo (dizel i BMB), te druge robe (tekućina za vjetrobrane, motorno ulje i dr.) u iznosima od 75,17 KM do 1.615,00 KM, odnosno ukupno 11.509,92 KM. Isto tako, a prema podacima iz dostavljenih otpremnica, utvrđeno je da je istom vozilu (vozilo istih registarskih tablica) osim dizel goriva, isporučeno i gorivo benzin BMB 95 BAS u martu 2020. godine u iznosu od 29,98 KM i aprilu 2020. godine u iznosu od 51,22 KM, što ukazuje da je stranka vršila plaćanje goriva koje nije mogla sipati u motorno vozilo koje je koristila.

Imajući u vidu da stranka nije dostavila naloge za službena putovanja niti putne naloge iz kojih bi se utvrdila svrha putovanja, relacija putovanja i pređena kilometraža, u postupku pregleda finansijskog izvještaja nije bilo moguće utvrditi u koju svrhu je utrošeno gorivo, tj. u koju svrhu su utrošena finansijska sredstva stranke.

- b) Liberalna stranka Bosne i Hercegovine je primila novčana sredstva od Federalnog zavoda za zapošljavanje Sarajevo u iznosu od 756,00 KM, čime je prekršila odredbe člana 8. stav (1) tačka b) Zakona o finansiranju političkih stranaka.

Stranka je u toku 2020. godine primila novčana sredstva od Federalnog zavoda za zapošljavanje Sarajevo po osnovi Ugovora o sufinansiranju zapošljavanja – Periodično/sezonsko zapošljavanje 2019. godine u ukupnom iznosu od 756,00 KM.

Suprotno odredbama Zakona o finansiranju političkih stranaka stranka je primila finansijska sredstva od javne institucije, odnosno finansirala se iz izvora koji je zabranjen Zakonom.

- c) Na osnovi pregleda godišnjeg finansijskog izvještaja i dodatne finansijske dokumentacije utvrđeno je da Liberalna stranka Bosne i Hercegovine nije uspostavila pravilne, potpune i pravovremene evidencije o rashodima i obavezama i nije pravilno popunila obrasce godišnjeg finansijskog izvještaja, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe Pravilnika.

Isto tako je utvrđeno da stranka troškove nije evidentirala u momentu nastanka troška, dio troškova iz ranijih godina evidentirala je kao troškove tekućeg perioda, dok računi koji su knjigovodstvene isprave o nastalim poslovnim događajima nisu ovjereni i odobreni za knjiženje i plaćanje, što je suprotno računovodstvenim propisima i praksi.

- (1) Stranka je finansijska sredstva u iznosu od 756,00 KM koja je primila od Federalnog zavoda za zapošljavanje Sarajevo iskazala kao ostale prihode, čime je prekršila odredbe člana 13. i 15. Pravilnika.
- (2) Pregledom godišnjeg finansijskog izvještaja, poslovnih knjiga i dodatne dokumentacije, utvrđeno je da stranka nije uspostavila pravilne, potpune i pravovremene evidencije o rashodima i obavezama stranke, te ih nije pravilno iskazala u godišnjem finansijskom izvještaju, čime je prekršila odredbe člana 21, 22, 23. i 24. Pravilnika.
 - Uvidom u analitičke kartice troškova utvrđeno je da je stranka u poslovnim knjigama za 2020. godinu evidentirala i dio troškova po računima iz ranijih godina, što ukazuje da poslovne knjige ne vodi u skladu sa računovodstvenim propisima.
1. Stranka je u poslovnim knjigama evidentirala troškove štampanja brošura po osnovi ispravke pogrešnog knjiženja računa dobavljača "Face art" u 2019. godini u iznosu od 278,61 KM. Stranka je navedeni trošak iskazala u obrascu 4.2 (troškovi propagande) godišnjeg finansijskog izvještaja, čime je prekršila odredbe člana 21, 22. i 23. Pravilnika.
2. Stranka je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala pogrešne podatke o troškovima, tj. troškove iz ranijeg perioda je iskazala kao ugostiteljske usluge, troškove zakupnine poslovnih prostorija i troškove električne energije.

Na kontu 40109–*Ugostiteljske usluge* stranka je evidentirala troškove po računima dobavljača "Mesara Bratić" iz 2019. godine u ukupnom iznosu od 1.325,00 KM. Isto tako, stranka je troškove zakupnine poslovnih prostorija iz ranijih godina u iznosu od 91,28 KM, te troškove električne energije iz ranijih godina u iznosu od 585,45 KM evidentirala kao troškove tekućeg perioda.

Stranka je navedene troškove trebala iskazati kao rashode prethodnih godina.

Pored navedenog, utvrđeno je da je stranka i troškove toplog obroka za decembar 2019. godine u ukupnom iznosu od 336,00 KM iskazala kao troškove tekućeg perioda.

- Kontrolom humanitarnih rashoda utvrđeno je da je stranka na osnovi odluka predsjednice Liberalne stranke Bosne i Hercegovine izvršila isplatu novčanih sredstava fizičkim licima, članovima i simpatizerima stranke povodom praznika u iznosu od 5.500,00 KM i isplate pomoći fizičkim licima za COVID 19 u iznosu od 1.000,00 KM, odnosno ukupno 6.500,00 KM.

Uvidom u poslovne knjige utvrđeno je da stranka na isplaćena sredstva nije obračunala, a ni platila porez na dohodak i doprinose. Stranka ni u godišnjem finansijskom izvještaju nije iskazala obaveze nastale po osnovi poreza na dohodak i doprinose na sredstva isplaćena fizičkim licima.
- Uvidom u Zapisnik o inspekcijskom nadzoru, broj: 13-5-01-15-20-267-1/19 od 26. 12. 2019. godine, i Rješenje o dodatno utvrđenim obavezama, broj: 13-5-01-15-20-267-2/19 od 06. 01. 2020. godine, utvrđeno je da je Porezna uprava Federacije BiH – Kantonalni porezni ured Goražde izvršio terensku kontrolu poreskih obaveza iz nadležnosti Porezne uprave Federacije BiH kod poreskog obveznika Liberalna stranka Bosne i Hercegovine u periodu od 11. 01. 2018. godine do 31. 12. 2018. godine.

Kantonalni porezni ured Goražde je izvršio obračun poreza na dohodak i doprinosa na sredstva koja je stranka isplatila fizičkim licima po osnovi humanitarne pomoći, kupovine zlatnog, srebrnog i ostalih nakita i korištenja mobilnog telefona, te na isplate goriva drugim fizičkim licima u 2018. godini u ukupnom iznosu od 6.739,86 KM, te je obračunao i kamate na porez na dohodak i doprinose u iznosu od 900,56 KM, odnosno dodatno su utvrđene ukupne obaveze u iznosu od 7.640,42 KM.

Činjenica da je stranka u poslovnim knjigama za 2020. godinu uknjižila dodatno utvrđene poreske obaveze iz 2018. godine ukazuje da stranka ne vodi pravilne i pravovremene evidencije o svojim rashodima i obavezama.

- (3) Liberalna stranka Bosne i Hercegovine za 2020. godinu nije na pravilan način popunila obrazac 5 (obaveze) godišnjeg finansijskog izvještaja, čime je prekršila odredbe člana 24. Pravilnika.

Stranka je u obrascu 5 godišnjeg finansijskog izvještaja iskazala obaveze prema dobavljačima u ukupnom iznosu od 14.021,60 KM, bez navođenja podataka o svakom dobavljaču pojedinačno.

Uvidom u poslovne knjige, utvrđeno je da stranka ima neizmirene obaveze prema sljedećim dobavljačima: "BH Telecom" d. d. u iznosu od 1.354,43 KM, "Biro tehnika" d. o. o. Goražde u iznosu od 260,00 KM, "Centar za kulturu Goražde" d. o. o. u iznosu od 234,00 KM, "CM-Cosmetics market" d. o. o. Vitez u iznosu od 284,70 KM, "Čojo" TR Goražde u iznosu od 793,95 KM, "Faceart" d. o. o. Goražde u iznosu od 447,72 KM, "Foto Pršeš" u iznosu od 257,30 KM, Grad Goražde za električnu energiju i zakupninu u ukupnom iznosu od 340,40 KM, Kenix" Goražde u iznosu od 1.143,35 KM, "Lelo" Goražde u iznosu od 1.860,00 KM, "Novogradnja" d. o. o. Goražde u iznosu od 1.520,52 KM, "TZS Oil" Goražde u iznosu od 6.161,74 KM i "FMB Komerc" d. o. o. Goražde u iznosu od 0,07 KM.

U skladu sa članom 24. Pravilnika stranka je imala obavezu da u obrascu 5.2 finansijskog izvještaja navede sljedeće podatke: naziv dobavljača, datum nastanka obaveze i iznos obaveze prema svakom dobavljaču pojedinačno.

Pored navedenog, utvrđeno je da je stranka u poslovnim knjigama na kartici konta obaveza prema dobavljaču Elektrodistribucija iskazala pretplatu u iznosu od 636,58 KM, što upućuje da nema tačne evidencije o svojim rashodima.

Uvidom u poslovne knjige utvrđeno je da je stranka na kontu obaveza prema dobavljaču Elektrodistribucija evidentirala uplatu za električnu energiju u iznosu od 636,58 KM, te da na karticu nisu evidentirane obaveze. Isto je tako utvrđeno da stranka plaća Gradu Goražde zakupninu poslovnog prostora i troškove električne energije, te da ne koristi druge poslovne prostorije osim prostorija u Goraždu.

- (4) Uvidom u poslovne knjige utvrđeno je da je stranka u 2020. godini iskazala potraživanja po osnovi datih avansa dobavljaču "OR Zlatara S" Goražde u iznosu od 870,00 KM. S obzirom na to da stranka u svojim poslovnim knjigama iskazuje avanse, evidentno je da stranka ne iskazuje sve svoje troškove, odnosno da nema tačne evidencije o svojim troškovima.

Pored navedenog, ističemo da stranka i na dan 31. 12. 2020. godine ima potraživanja po osnovi pozajmica datih fizičkim i pravnom licu u ukupnom iznosu od 51.000,00 KM. Kao što je i konstatovano u Izvještaju o pregledu godišnjeg finansijskog izvještaja za 2019. godinu, stranka je u toku 2015. i 2016. godine dala pozajmice jednom pravnom

licu i tri fizička lica, u ukupnom iznosu od 51.000,00 KM. Na dva ugovora nije naveden rok za vraćanje pozajmice, već je navedeno da će biti vraćene. Na trećem ugovoru je navedeno da je rok za vraćanje pozajmice 36 mjeseci, tj. 11. 04. 2020. godine, dok je na četvrtom navedeno da je rok za vraćanje pozajmice 31. 12. 2015. godine. Ni jedna od navedenih pozajmica nije vraćena stranci.

- d) Uvidom u službene evidencije utvrđeno je da Liberalna stranka Bosne i Hercegovine nije dostavila postizborni finansijski izvještaj – Lokalni izbori u Mostaru 2020. godine, čime je prekršila odredbe člana 15.1 stav (1) Izbornog zakona Bosne i Hercegovine i člana 12. stav (3) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Liberalna stranka Bosne i Hercegovine je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 439.198,80KM, a u svrhu izborne kampanje za Lokalne izbore u Mostaru 2020. godine mogla je da potroši sredstva u iznosu od 30.259,20 KM.

Liberalna stranka Bosne i Hercegovine u godišnjem finansijskom izvještaju za 2020. godinu iskazala je troškove propagande u iznosu od 3.365,82 KM.

9. STRANKA ZA BOSNU I HERCEGOVINU (Kod 004)

Prema podacima iz godišnjeg finansijskog izvještaja za 2020. godinu Stranka za Bosnu i Hercegovinu se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.740,00	0,91
2.	Prilozi fizičkih lica (3-a)	3.755,50	1,95
3.	Prilozi pravnih lica (3-b)	1.500,00	0,78
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	185.036,02	96,36
8.	Prihodi od propagande (3-g)	0,00	0,00
I	Ukupni prihodi (1-8)	192.031,52	100,00
II	Ostali prihodi i drugo	0,00	0,00
	Izvori finansiranja (I+II)	192.031,52	100,00

Pregledom godišnjeg finansijskog izvještaja za 2020. godinu utvrđeno je da je Stranka za Bosnu i Hercegovinu prekršila odredbe člana 4. stav (1), člana 5. stav (4), člana 8. stav (1) i (4), člana 11., člana 12. stav (1), (3), (4) i (5) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) U skladu sa odredbama iz člana 4. stav (1) Zakona o finansiranju političkih stranaka stranka je obavezna sačiniti program utroška sredstava za svaku kalendarsku godinu, te

u skladu sa istim sredstva koristiti isključivo za ostvarivanje ciljeva utvrđenih svojim programom i statutom.

Obavještenjem, broj: 03-07-6-163/20 od 04. 03. 2020. godine, za podnošenje godišnjeg finansijskog izvještaja za 2019. godinu, od političke stranke je zatraženo da dostavi program utroška sredstava za 2020. godinu. Politička stranka nije postupila po zahtjevu Centralne izborne komisije BiH, odnosno do 31. 03. 2020. godine nije dostavila program utroška sredstava za 2020.godinu.

Politička stranka je u toku pregleda godišnjeg finansijskog izvještaja, skupa sa dodatnom finansijskom dokumentacijom, dostavila dokument pod nazivom Plan utroška sredstva za 2020. godinu, na kome nije navedeno koji organ političke stranke ga je donio i kada.

S obzirom na to da politička stranka program utroška sredstva nije dostavila do 31. 03. 2021. godine, kako je od nje zatraženo, te da dokument koji je dostavila 06. 12. 2021. godine ne sadrži podatke o njegovom usvajanju, nije uzet u razmatranje.

Stranka za Bosnu i Hercegovinu je u godišnjem finansijskom izvještaju iskazala ukupne rashode u iznosu od 188.757,75 KM

Uzimajući u obzir navedene činjenice utvrđeno je da je Stranka za Bosnu i Hercegovinu troškove u iznosu od 188.757,75 KM ostvarila bez donesenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

- b) Politička stranka nije uspostavila evidencije u poslovnim knjigama, niti je u finansijskom izvještaju prijavila donacije koje je ostvarila besplatnim korištenjem poslovnih prostora, čime je prekršila odredbe člana 5. stav (4) Zakona o finansiranju političkih stranaka.
- Stranka je ostvarila nenovčanu donaciju po osnovi besplatnog korištenja poslovnog prostora u Općini Jablanica. Uvidom u akt Općine Jablanica, broj: 01-11-1522/21 od 28. 07. 2021. godine, utvrđeno je da je Općinski odbor SBiH Jablanica besplatno koristio poslovni prostor u Općini Jablanica, površine 21,15 m².
 - Politička stranka je koristila poslovni prostor koji joj je bez naknade dodijelilo Udruženje žena "Ključki biseri" Ključ, čime je ostvarila nenovčanu donaciju navedenog udruženja. S obzirom na to da se Udruženje žena "Ključki biseri" Ključ u toku 2020. godine finansiralo javnim sredstvima u iznosu od 1.000,00 KM, navedena nenovčana donacija političkoj stranci je zabranjena u skladu sa odredbama iz člana 8. stav (1) tačka g) Zakona.
- c) Stranka za Bosnu i Hercegovinu nije u godišnjem finansijskom izvještaju iskazala nenovčane donacije, koji je ostvarila otpisom pozajmica u iznosu od 1.936,08 KM, čime je prekršila odredbe člana 5. stav (4) Zakona o finansiranju političkih stranaka.

Odlukom Stranke za Bosnu i Hercegovinu, broj: 1-31/12-2021 od 31. 12. 2019. godine, koju je stranka dostavila Centralnoj izbornoj komisiji BiH, otpisane su obaveze po osnovi pozajmica od pravnih lica: "Glas Drine" d. o. o. Sapna u iznosu od 248,63 KM, KUD "Dr. Vaso Jovanović" iz Srebrenice u iznosu od 200,00 KM, "Radio Ilijaš" d. o. o. Ilijaš u iznosu od 5,45 KM, "Birrah" d. o. o. Tuzla u iznosu od 352,00 KM i fizičkih lica: Mustafić Mirsad iz Srebrenice u iznosu od 450,00 KM, Suljić Alija u iznosu od 300,00 KM i Halilović Sabit u iznosu od 380,00 KM. Spomenute obaveze politička stranka je isknjižila 2020. godine. Stranka za Bosnu i Hercegovinu je u svom

obrazloženju navela da su pozajmice realizirane bez zaključenih ugovora o pozajmicama.

d) Donacija u iznosu od 200,00 KM koju je Stranka za Bosnu i Hercegovinu ostvarila od KUD "Dr. Vaso Jovanović" iz Srebrenice i donacija pravnog lica "Glas Drine" d. o. o. Sapna u iznosu od 248,63 KM, zabranjene su političkim strankama u skladu sa odredbama člana 8. stav (1) tačka g) i člana 8. stav (4) Zakona o finansiranju političkih stranaka.

- Uvidom u Izvještaj o izvršenju budžeta Općine Srebrenica za 2020. godinu utvrđeno je da se KUD "Dr. Vaso Jovanović" iz Srebrenice u okviru Kulturnog centra Srebrenica tokom 2020. godine finansiralo javnim sredstvima, pa je navedena nenovčana donacija u skladu sa odredbama iz člana 8. stav (1) tačka g) ovog Zakona političkoj stranci zabranjena.

- Pravno lice "Glas Drine" d. o. o. Sapna koje je tokom 2020. godine imalo zaključene ugovore o javnoj nabavci usluga sa Općinom Sapna i Općinom Teočak, čija je vrijednost veća od 10.000,00 KM, pa je donacija ovog pravnog lica u skladu sa odredbom iz člana 8. stav (4) Zakona zabranjena političkim strankama.

Uvidom u akt, broj: 01-11-1130/22 od 26. 07. 2022. godine, koji je dostavila Općina Sapna, utvrđeno je da je pravno lice "Glas Drine" d. o. o. Sapna, imalo zaključen ugovor o pružanju usluga javnog informisanja i odnosa sa javnošću, broj: 01-23-139/20 od 13. 02. 2020. godine sa Općinom Sapna ukupne vrijednosti 15.031,00 KM sa obračunatim PDV.

Također, uvidom u akt, broj: 04-11-1084-1/22 od 27. 07. 2022. godine koji je dostavila Općina Teočak, utvrđeno je da je pravno lice "Glas Drine" d. o. o. Sapna imalo zaključen ugovor o pružanju usluga, broj: 02-11-73-8/20 od 21. 01. 2020. godine, čija je ukupna vrijednost iznosila 12.000,00 KM sa uračunatim PDV.

e) Na osnovi odluke Centralne izborne komisije BiH o sankcioniranju političkih stranka radi vođenja plaćene izborne kampanje prije službenog početka izborne kampanje, broj: 05-1-07-5-1134/20 od 05. 11. 2020. godine utvrđeno je da se Asocijacija mladih Stranke za Bosnu i Hercegovinu oglašavala na društvenoj mreži "Facebook". S obzirom na to da je pregledom finansijskih izvještaja i finansijske dokumentacije utvrđeno da politička stranka nije platila to oglašavanje, ostvarila je nenovčane donacije, koje je bila obavezna evidentirati u poslovnim knjigama i prijaviti u godišnjem finansijskom izvještaju, u skladu sa odredbama člana 5. stav (4) Zakona o finansiranju političkih stranaka.

S obzirom na to da nije poznat identitet lica koja su platila troškove oglašavanja političke stranke, putem društvene mreže "Facebook", Stranka za Bosnu i Hercegovinu je ostvarila donacije anonimnih donatora koje su, u skladu sa odredbama člana 8. stav (1) tačka e) Zakona o finansiranju političkih stranaka zabranjene političkim strankama. Iznos donacija nije moguće utvrditi iz razloga što nisu evidentirane u poslovnim knjigama, niti su prijavljene u godišnjem finansijskom izvještaju, a politička stranka u vezi sa njima nije dostavila bilo kakvu dokumentaciju.

f) Pregledom godišnjeg finansijskog izvještaj utvrđeno je da stranka priloge fizičkih lica u iznosu od 3.755,50 KM i priloge pravnog lica u iznosu od 500,00 KM koje su primali niži organizacioni dijelovi, nije uplaćivala na transakcijski račun Centrale stranke, čime je prekršila odredbe člana 6. stav (2) Zakona o finansiranju političkih stranaka.

- g) Pregledom je utvrđeno da Stranka za Bosnu i Hercegovinu nije uspostavila sistem internih kontrola, nije uspostavila potpune evidencije o svojim prihodima, rashodima, obavezama, novčanim tokovima, nije postupila po principima blagajničkog poslovanja, godišnji finansijski izvještaj nije dostavila u zakonom propisanom roku, izvještaj nije popunila u skladu sa odredbama Pravilnika i nije dostavila svu traženu finansijsku dokumentaciju, čime je prekršila odredbe člana 11. i člana 12. stav (1), (4) i (5) Zakona o finansiranju političkih stranaka.

Politička stranka nije uspostavila evidencije o dijelu troškova izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Stranka za Bosnu i Hercegovinu godišnji finansijski izvještaj za 2020. godinu nije podnijela u zakonom propisanom roku, čime je prekršila odredbe člana 12. stav (4) Zakona o finansiranju političkih stranaka.

U skladu sa odredbama člana 12. stav (4) zakona o finansiranju političkih stranaka i odredbama člana 3. Pravilnika, politička stranka je bila obavezna da finansijski izvještaj podnese i u elektronskoj formi i u čvrstoj kopiji do 31. 03. 2021. godine.

Uvidom u službene evidencije Centralne izborne komisije BiH utvrđeno je da je Stranka za Bosnu i Hercegovinu izvještaj putem elektronske aplikacije "FI CIK BIH" podnijela 31. 03. 2021. godine, a obrasce godišnjeg finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila je 07. 06. 2021. godine.

- (2) Pregledom godišnjeg finansijskog izvještaja utvrđeno je da stranka nije uspostavila sistem internih kontrola, čime je prekršila odredbe člana 11. Zakona o finansiranju političkih stranaka.

- Pregledom godišnjeg finansijskog izvještaja i finansijske dokumentacije utvrđeno je da Stranka za Bosnu i Hercegovinu poslovne knjige vodi po organizacionim dijelovima, odvojeno od Centrale stranke. Također je utvrđeno da nisu uspostavljene evidencije za svaki od organizacionih dijelova stranke, iako je za pojedine odbore utvrđen značajan promet sredstava.

- Također je utvrđeno da stranka nema uspostavljen sistem internih finansijskih kontrola nad nižim nivoima stranke, kao ni kontrolu nad trošenjem novčanih sredstava, iako je revizijom za 2019. godinu utvrđeno da je donijela Pravilnik o finansijskom poslovanju stranke.

Bez obzira na navedenu činjenicu, u postupku pregleda godišnjeg finansijskog izvještaja, utvrđeno je da stranka ne provodi svoje interne akte, odnosno nema kontrolu na novčanim sredstvima nižih nivoa organiziranja i načinu trošenja. U godišnjem finansijskom izvještaju za 2020. godinu stranka nije prijavila sve transakcijske račune kao ni promet ostvaren po njima, i nije evidentirala i prijavila sve prihode i rashode.

U skladu sa članom 11. stav (2) Zakona o finansiranju političkih stranaka stranka je dužna svojim internim aktima urediti sistem unutrašnje finansijske kontrole nad nižim organizacionim dijelovima radi sprečavanja pogrešnog evidentiranja prihoda i rashoda, te zloupotrebe finansijskih sredstava.

- (3) Uvidom u Izvještaj Centralne banke Bosne i Hercegovine o transakcijskim računima političke stranke i službene podatke o prihodima političke stranke iz budžeta utvrđeno je

da Stranka za Bosnu i Hercegovinu u poslovnim knjigama nije uspostavila evidenciju o prometu sredstava putem svih transakcijskih računa, čime je prekršila računovodstvene propise i odredbe člana 11. stav (1) Zakona o finansiranju političkih stranaka. U obrascu 2. finansijskog izvještaja (*Pregled prometa svih transakcijskih računa političke stranke*) stranka nije prijavila brojeve 11 transakcijskih računa, niti njihov promet, čime je prekršila odredbe člana 11. Pravilnika.

- Uvidom u Izvještaj Centralne banke Bosne i Hercegovine utvrđeno je da stranka nije u finansijskom izvještaju prijavila transakcijske račune otvorene kod Naše banke a.d. Bijeljina i to račun broj: 5540110001116740 koji pripada OO SBiH Teslić putem kojeg nije ostvaren promet u 2020. godini i račun broj: 5540080001128818 koji pripada OO SBiH Brod, putem kojeg također tokom 2020. godine nije bilo prometa.
- Stranka nije prijavila transakcijski račun broj: 1610000016480214 otvoren kod Raiffeisen bank. Uvidom u potvrdu banke utvrđeno da u 2020. godini stranka ostvarila sljedeći promet: početni saldo u iznosu 0,00 KM, promet ulaza u iznosu od 20,00 KM, promet izlaza 20,00 KM. Stranka na dan 31. 12. 2020. godine nije imala sredstava na ovom računu.
- Također, stranka nije iskazala transakcijski račun broj: 1321102014596495 otvoren kod NLB banke d. d. Sarajevo koji pripada OO SBiH Kladanj, a putem kojeg je ostvaren sljedeći promet: početni saldo u iznosu od 0,00 KM, promet ulaza u iznosu od 10.725,24 KM, promet izlaza u iznosu od 10.725,24 KM. Stranka na dan 31. 12. 2020. godine nije imala sredstava na ovom računu.
- Stranka za Bosnu i Hercegovinu u godišnjem finansijskom izvještaju nije prijavila transakcijski račun, broj: 5673631900094196 kod Sberbank, koji pripada OO SBiH Prijedor. Kontrolom prometa izvoda sa ovog računa, utvrđen je sljedeći promet: početni saldo 0,00 KM, promet ulaza u iznosu od 1.000,00 KM, promet izlaza u iznosu od 1.000,00 KM i saldo na dan 31. 12. 2020. godine u iznosu od 0,00 KM.
- Pregledom godišnjeg finansijskog izvještaja utvrđeno je da stranka nije prijavila ni šest transakcijskih računa i to:
 1. transakcijski račun broj: 3389002206020861 sa sljedećim prometom: početni saldo u iznosu od 0,00 KM, promet ulaza u iznosu od 1.092,31 KM, promet izlaza u iznosu od 1.092,31 KM i saldo na dan 31. 12. 2020. godine u iznosu od 0,00 KM,
 2. transakcijski račun broj: 5510040001110338 kod UniCredit banke a.d. Banja Luka i transakcijski račun broj: 3060150000408381 kod Addiko bank d. d. Sarajevo na kojima nije bilo moguće utvrditi promet tokom 2020. godine, jer stranka nije dostavila nikakve dokaze.
 3. transakcijski račun broj: 5510010001160731 sa koga su izvršene isplate u iznosu od 147,28 KM, te koji je prema podacima iz Izvještaja o računima poslovnog subjekta Centralne banke BiH ugašen 09. 09. 2020. godine i
 4. transakcijske račune broj: 29010045001 i 29010045002 koji su bili otvoreni za potrebe depozita za oročenje, putem kojih prema potvrdi banke nije ostvaren promet u 2020. godini, te su ugašeni 25. 08. 2020. godine.

- (4) Pregledom, godišnjeg finansijskog izvještaja i poslovnih knjiga utvrđeno je da stranka nije iskazala tačan promet putem blagajne, da je isplate vršila bez odgovarajuće dokumentacije, da nije postupala u skladu sa pravilima i principima blagajničkog poslovanja i Uredbom o uvjetima i načinu plaćanja gotovim novcem u Federaciji BiH. Promet i stanje sredstava na blagajni je evidentiran u nepostijećim apoenima.

Uvidom u blagajničku dokumentaciju OO SBiH Konjic utvrđeno je da je stranka, odnosno OO SBiH Konjic, u toku godine za plaćanja putem blagajne vršio podizanje novca sa transakcijskog računa OO SBiH Konjic i položio ih u blagajnu, iako je prema prethodnom saldu blagajne imao dovoljno novca u blagajni da bi izvršio plaćanja. Na taj način stranka je odstupila od propisa i principa blagajničkog poslovanja koji su regulirani Uredbom o uvjetima i načinu plaćanja gotovim novcem u Federaciji BiH

Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe stranke.

- (5) Pregledom godišnjeg finansijskog izvještaja i druge finansijske dokumentacije, utvrđeno je da stranka nije iskazala tačne podatke o prihodima, čime je prekršila računovodstvene propise, odredbe člana 11. Zakona o finansiranju političkih stranka i odredbe člana 13, 18. i 19. Pravilnika.

- Stranka za Bosnu i Hercegovinu je u godišnjem finansijskom izvještaju prijavila ukupan prihod u iznosu od 192.031,52 KM. U okviru navedenog iznosa je prihod Centrale stranke u iznosu od 105.156,89 KM.
 - U poslovnim knjigama, odnosno Bilansu uspjeha Centrale stranke prihod, koji u skladu sa odredbom iz člana 13. stav (5) Pravilnika ne uključuje interne prenose između organizacionih dijelova stranke, evidentiran je u iznosu od 120.151,41 KM.
 - Stranka za Bosnu i Hercegovinu nije evidentirala u poslovnim knjigama, niti je prijavila u finansijskom izvještaju nenovčane donacije koje je ostvarila besplatnim korištenjem poslovnih prostora, otpisom pozajmica i oglašavanjem putem društvenih mreža, kao što je navedenu u nalazu pod b), čime je prekršila odredbe člana 11. Zakona i odredbe člana 13. i 18. Pravilnika.
 - Pregledom godišnjeg finansijskog izvještaja utvrđeno je da u obrascima 3-b (prilozi pravnih lica) stranka nije navodila sjedišta pravnih lica, čime je prekršila odredbe člana 15. Pravilnika.
 - Stranka za Bosnu i Hercegovinu nije u obrascu 3-f godišnjeg finansijskog izvještaja (prihodi iz budžeta) iskazala sve prihode iz budžeta koje je primila tokom 2020. godine, čime je prekršila odredbe člana 19. Pravilnika.
Uvidom u revizijske dokaze pribavljene iz eksternih izvora utvrđeno je da stranka u godišnjem finansijskom izvještaju prijavila prihode iz budžeta Tuzlanskog kantona, budžeta gradova: Srebrenik, Doboj, Živinice i Gračanica i iz budžeta općina: Tešanj, Maglaj, Novi Travnik, Sanski Most i Teočak.
1. Uvidom u akt, broj: 07/1-11-30822/21 od 10. 12. 2021. godine, od Tuzlanskog kantona, utvrđeno je da je stranka iz spomenutog budžeta dobila sredstva u iznosu od 24.717,70 KM.

2. Na osnovi akta Grada Srebrenik, broj: 02-175/21 od 02. 03. 2021. godine, utvrđeno je da su sredstva iz budžeta ovog grada uplaćena stranci u 2020. godini u iznosu od 2.144,40 KM.
3. Uvidom u akt, broj: 06/403-586/21 od 13. 12. 2021. godine, od Grada Doboja, utvrđeno je da je stranka iz budžeta Grada Doboja dobila sredstva u iznosu od 2.731,18 KM.
4. Na osnovi akta, broj: 03/9-11-286/21 od 07. 12. 2021. godine, od Grada Živinice, utvrđeno je da je stranka iz budžeta Grada Živinice dobila sredstva u iznosu od 4.500,00 KM.
5. Uvidom u akt, broj: 05-11-4327/2021-1 od 07. 12. 2021. godine, od Grada Gračanice, utvrđeno je da je stranka iz budžeta Grada Gračanica dobila sredstva u iznosu od 3.910,00 KM.
6. Na osnovi akta, broj: 04-11-6-583-3/21 od 07. 12. 2021. godine, od Općine Tešanj, utvrđeno je da je stranka iz budžeta Općine Tešanj dobila sredstva u iznosu od 10.070,86 KM.
7. Uvidom u akt, broj: 04-11-13-2166/21 od 07. 12. 2021. godine, od Općine Maglaj, utvrđeno je da je stranka iz budžeta Općine Maglaj dobila sredstva u iznosu od 2.295,85 KM.
8. Na osnovi akta, broj: 04-395/21 od 06. 12. 2021. godine, od Općine Novi Travnik, utvrđeno je da je stranka iz budžeta Općine Novi Travnik dobila sredstva u iznosu od 3.600,00 KM.
9. Uvidom u akt Općine Sanski Most, broj: 04-11-970/21 od 02. 03. 2021. godine, utvrđeno je da su sredstva iz budžeta ove općine uplaćena stranci u 2020. godini u iznosu od 5.912,00 KM.
10. Stranka u godišnjem finansijskom izvještaju nije iskazala prihod iz budžeta Općine Teočak, dok je uvidom u akt Općine, broj: 04-11-1710-1/22 od 03. 08. 2022. godine, utvrđeno da je navedena općina u 2020. godini iz budžeta stranci uplatila novčana sredstva u iznosu od 450,00 KM.
11. Stranka za Bosnu i Hercegovinu je u godišnjem finansijskom izvještaju iskazala manje primljene prihode iz budžeta Općine Hadžići i veće primljene prihode iz budžeta Brčko distrikt BiH i iz budžeta Općine Konjic.
 - U godišnjem finansijskom izvještaju stranka je iskazala prihode iz budžeta Općine Hadžići u iznosu od 2.250,00 KM, dok je uvidom u akt Općine, broj: 04-11-3-2341-1/21 od 06. 12. 2021. godine, utvrđeno da je navedena općina u 2020. godini iz budžeta stranci uplatila novčana sredstva u iznosu od 9.681,90 KM.
 - Stranka je u godišnjem finansijskom izvještaju iskazala prihode iz budžeta Brčko distrikta BiH u iznosu od 10.153,33 KM, dok je uvidom u akt Brčko distrikta BiH, broj: 13.9-04.2-331/21 od 19. 02. 2021. godine, utvrđeno da su stranci uplaćena sredstva iz budžeta Brčko distrikta BiH u iznosu od 3.333,33 M.
 - Stranka za Bosnu i Hercegovinu je u godišnjem finansijskom izvještaju iskazala prihode iz budžeta Općine Konjic u iznosu od 18.723,82 KM, dok je uvidom u akt Općine Konjic, broj: 08-04-1-737/21-4 od 08. 08. 2022. godine, utvrđeno da su stranci uplaćena sredstva iz budžeta Općine Konjic u iznosu od 17.163,50 KM.

- (6) Pregledom godišnjeg finansijskog izvještaja i druge finansijske dokumentacije, utvrđeno je da stranka nije iskazala tačne podatke o rashodima, čime je prekršila računovodstvene propise, odredbe člana 11. Zakona o finansiranju političkih stranka i odredbe člana 21. i 22. Pravilnika.
1. Stranka za Bosnu i Hercegovinu u finansijskom izvještaju nije iskazala troškove za svojih 12 organizacionih dijelova.
 - Stranka u godišnjem finansijskom izvještaju nije iskazala troškove za OO SBiH Prijedor i OO SBiH Banja Luka.

Uvidom u izlazni promet izvoda po transakcijskom računu OO SBiH Prijedor, koji nije prijavljen, utvrđeno je da je stranka izvršila isplate za troškove predizbornih skupova i isplate licima angažovanim u stranci, u ukupnom iznosu od 1.000,00 KM. Stranka nije uspostavila knjigovodstvene evidencije, niti raspolaže dokumentacijom o nastalim troškovima.
 - Stranka za Bosnu i Hercegovinu nije u godišnjem finansijskom izvještaju prijavila rashode Tuzlanskog kantona, gradova Srebrenik, Doboj, Živinice, Gračanica i za općine Tešanj, Maglaj, Novi Travnik, Sanski Most, Teočak i Travnik, iako su spomenuti organizacioni dijelovi ostvarili prihode iz budžeta koje stranka nije prijavili u godišnjem finansijskom izvještaju, kao što je prethodno navedeno.
 2. Stranka za Bosnu i Hercegovinu je u godišnjem finansijskom izvještaju prijavila troškove zakupa poslovnog prostora u iznosu od 29.667.81 KM.
 - Za Centralu stranke iskazani su troškovi zakupa poslovnog prostora u iznosu od 21.255,13 KM. Pregledom je utvrđeno da su u okviru navedenog iznosa pored troškova zakupnine Centrale stranke sadržani troškovi zakupnine Gradskog odbora SBiH Mostar u iznosu od 3.000,00 KM i Gradskog odbora SBiH Bihać u iznosu od 3.368,42 KM. Stranka je u skladu sa odredbama člana 22. Pravilnika ove troškove bila dužna prijaviti po onavedenim organizacionim dijelovima.
 - Uvidom u ugovore o zakupu poslovnih prostora, koje je dostavila politička stranka, utvrđeno je da nije uspostavila evidencije, niti je u finansijskom izvještaju prijavila troškove zakupa kod sljedećih organizacionih dijelova: KO SBiH Tuzla u iznosu od 3.392,96 KM, OO SBiH Banja Luka u iznosu od 10.980,00 KM, OO SBiH Kalesija u iznosu od 144,00 KM, OO SBiH Živinice u iznosu od 582,72 KM, OO SBiH Kakanj u iznosu od 2.019,60 KM, KV SBiH Travnik 2.460,00 KM, OO SBiH Sanski Most u iznosu od 312,00 KM, OO SBiH Jajce u iznosu od 648,84 KM, OO SBiH Donji Vakuf u iznosu od 1.200,00 KM, OO SBiH Doboj u iznosu od 113,64 KM, OO SBiH Gradačac u iznosu od 561,60 KM, OO SBiH Tešanj u iznosu od 3.120,00 KM i OO SBiH Zavidovići u iznosu od 660,00 KM.
 - Također je utvrđeno da su troškovi zakupa evidentirani i iskazani u većem iznosu u odnosu na ugovorenu cijenu zakupa za OO SBiH Ilidža u iznosu od 336,00 KM.
 - Politička stranka nije uspostavila evidencije, niti je u godišnjem finansijskom izvještaju prijavila troškove zakupnine poslovnih prostora kod organizacionih dijelova u Jablanici i Ključu, koje su im na korištenje dodijelili Općina Jablanica i Udruženje žena "Ključki biseri" Ključ, kao što je navedeno u nalazu pod tačkom b).

3. Stranka je u godišnjem finansijskom izvještaju iskazala troškove takse za ovjeru učešća na Lokalnim izborima 2020. godine u iznosu od 8.100,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 3.300,00 KM, pa su troškovi takse iznosili 4.800,00 KM.

(7) Politička stranka nije uspostavila potpune, tačne i blagovremene evidencije o troškovima izborne kampanje, čime je prekršila odredbe člana 12. stav (1) i (3) Zakona o finansiranju političkih stranaka i odredbe člana 15.1 stav (1) Izbornog zakona BiH.

- Stranka za Bosnu i Hercegovinu nije u postizbornom i godišnjem finansijskom izvještaju prijavila troškove izborne kampanje Asocijacije mladih Stranke za Bosnu i Hercegovinu, koja je provođena putem društvenih mreža. Politička stranka nije prijavila ni donaciju, kao što je navedno u nalazu pod b).

- Stranka je u godišnjem finansijskom izvještaju iskazala troškove izborne kampanje u iznosu od 27.485,02 KM, dok je u postizbornom finansijskom izvještaju iste troškove prijavila u iznosu od 33.990,25 KM.

Stranka za Bosnu i Hercegovinu je u postizbornom finansijskom izvještaju iskazala troškove propagande za OO SBiH Tešanj u iznosu od 2.941,19 KM, OO SBiH Jajce u iznosu od 2.300,00 KM i OO SBiH Travnik u iznosu od 4.719,40 KM, dok u godišnjem finansijskom izvještaju nije iskazala ove troškove za pomenute organizacione dijelove stranke.

(8) Stranka za Bosnu i Hercegovinu u poslovnim knjigama nije uspostavila tačne evidencije o svojim obavezama, čime je prekršila računovodstvene propise i odredbe člana 11. stav (1) Zakona o finansiranju političkih stranaka. U finansijskom izvještaju, na obrascu 5 (*obaveze političke stranke*), obaveze nisu prijavljene u skladu sa odredbama člana 24. Pravilnika.

Stranka za Bosnu i Hercegovinu je u godišnjem finansijskom izvještaju iskazala ukupne obaveze u iznosu od 153.348,58 KM, od čega obaveze po osnovi pozajmica u iznosu od 37.696,00 KM i druge obaveze (obaveze prema dobavljačima, obaveze za plate, porez i doprinose, te druge obaveze) u iznosu od 115.652,58 KM.

Obaveze Centrale stranke u godišnjem finansijskom izvještaju su iskazane su u iznosu od 138.911,99 KM, dok su u Bilansu stanja Centrale na dan 31. 12. 2020. godine, evidentirane obaveze u iznosu od 139.911,00 KM.

- Centrala SBiH je u godišnjem finansijskom izvještaju iskazala obaveze prema dobavljaču Općina Stari Grad u iznosu od 8.824,84 KM. Uvidom u Izvod otvorenih stavki na dan 31. 12. 2020. godine, utvrđeno je da navedeni dobavljač od stranke potražuje sredstva u iznosu od 9.844,04 KM.

- Uvidom u službene podatke općina i gradova o dodjeli poslovnih prostora na korištenje političkim strankama utvrđeno je da je Stranka za Bosnu i Hercegovinu sa 31. 12. 2020. godine imala obaveze po osnovi zakupa poslovnih prostora i to: prema Gradu Bihaću obavezu u iznosu od 4.593,80 KM, Općini Kakanj u iznosu od 7.919,26 KM, Općini Kalesija u iznosu od 144,00 KM i Općini Donji Vakuf za neplaćeni zakup iz ranijeg

perioda u iznosu od 1.200,00 KM. Navedene obaveze politička stranka nije iskazala u finansijskom izvještaju.

- U postupku pregleda stranka nije predočila izvode otvorenih stavki na dan 31. 12. 2020. godine sa sljedećim dobavljačima: Herceg tisak, Udruženje "Student", Projektni zavod "Hercegovina" i "Zavod za planiranje" Kakanj, prema kojima je u finansijskom izvještaju iskazala obaveze u iznosu od 29.799,26 KM. Za obavezu prema Herceg tisku, u iznosu od 9.140,00 KM stranka je u izvještaju navela da je nastala 2004. godine.

- (9) Dana 18. 11. 2021. godine Centralna izborna komisija Bosne i Hercegovine je Stranci za Bosnu i Hercegovinu uputila Zahtjev za dostavljanje dodatne dokumentacije za 2020. godinu, kojim je od stranke traženo da dostavi: dokumentaciju o korištenju poslovnih prostora, bruto bilans političke stranke na dan 31. 12. 2020. godine, glavnu knjigu političke stranke, sa analitičkim evidencijama u periodu od 01. 01. 2020. do 31. 12. 2020. godine, program utroška sredstva za 2020. godinu i program utroška sredstava za 2021. godinu, kopiju izvoda sa dva transakcijska računa koja je prijavila u finansijskom izvještaju, potvrde banaka o ostvarenom prometu u periodu od 01. 01. 2020. do 31. 12. 2020. godine putem 11 transakcijskih računa koje nije prijavila u finansijskom izvještaju koji je podnijela Centralnoj izbornoj komisiji BiH, kopiju blagajničke dokumentacije za OS SBIH Konjic i KV SBIH Zenica, kopiju ugovora o novčanim pozajmicama političkoj stranci, skupa sa konfirmacijom stanja pozajmica na dan 31. 12. 2020. godine, konfirmacije dobavljača: Herceg tisak, Oslobođenje, Udruženje "Student", Općina Stari Grad Sarajevo, Projektni zavod Hercegovina i Zavodu za planiranje" Kakanj.

Stranka nije dostavila svu traženu dodatnu dokumentaciju, odnosno nije dostavila kopiju ugovora o novčanim pozajmicama političkoj stranci, zajedno sa konfirmacijom stanja pozajmica na dan 31. 12. 2020. godine i izvode otvorenih stavki za dobavljače Herceg tisak, Udruženje "Student" i Projektni zavod Hercegovina i potvrdu od banke o ostvarenom prometu putem transakcijskog računa, broj: 3060150000408381 kod Addiko banke d. d. Sarajevo.

Nedostavljanjem navedene dodatne finansijske dokumentacije, stranka je prekršila odrebe člana 12. stav (5) Zakona o finansiranju političkih stranaka.

S obzirom na starosnu strukturu obaveza po osnovi pozajmica, odnosno da je pozajmicu u iznosu od 20.000,00 KM pravno Deling d. o. o. Tuzla stranci dalo 28.05.2014. godine, te da stranka nije dostavila potvrdu ove obaveze od strane zajmodavca, kao i obavezu prema dobavljaču Herceg tisku iz 2004. godine, u iznosu od 9.140,00 KM, nije moguće utvrditi stvarno stanje obaveza Stranke za Bosnu i Hercegovinu.

- h) Stranka za Bosnu i Hercegovinu nije otvorila poseban transakcijski račun za finansiranje izborne kampanje, kako je propisano u članu 4.4. stav (1) Izbornog zakona BiH. Stranka je kao račun za finansiranje troškova izborne kampanje za Lokalne izbore 2020. godine prijavila redovni transakcijski račun, broj: 1610000016480020 kod Raiffeisen banke, koji je otvoren 03. 02. 2017. godine.

Suprotno Odluci o visini takse za ovjeru za učešće na Lokalnim izborima 2020. godine, Stranka za Bosnu i Hercegovinu je taksu uplatila sa redovnog transakcijskog računa Centrale stranke. Troškove izborne kampanje Stranka za Bosnu i Hercegovinu je, također, finansirala sa glavnog računa, kao i sve troškove izborne kampanje.

Troškovi izborne kampanje

Prema odredbama člana 15.10 Izbornog zakona BiH Stranka za Bosnu i Hercegovinu je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 513.841,92 KM i za Izbore u Gradu Mostaru, po osnovi učešća u koaliciji, iznos od 6.051,84 KM.

Stranka za Bosnu i Hercegovinu je u godišnjem finansijskom izvještaju za 2020. godinu iskazala troškove izborne kampanje u iznosu 27.485,02 KM.

10. POLITIČKA ORGANIZACIJA GRAĐANA “NAŠA STRANKA“ (Kod 877)

Prema podacima iz korigiranog godišnjeg finansijskog izvještaja Politička organizacija građana “Naša stranka“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	10.148,00	1,77
2.	Prilozi fizičkih lica (3-a)	57.714,03	10,0
3.	Prilozi pravnih lica (3-b)	2.000,00	0,35
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	15.592,15	2,72
7.	Prihodi iz budžeta (3-f)	449.294,32	78,28
8.	Prihodi od propagande (3-g)	0,00	0,00
I	Ukupni prihodi (1-8)	534.748,50	93,16
II	Ostali prihodi i drugo	39.233,28	6,84
	Izvori finansiranja (I+II)	573.981,78	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija građana “Naša stranka“ prekršila odredbe člana 4. stav (1) i člana 8. stav (1) Zakona o finansiranju političkih stranaka.

a) U korigiranom godišnjem finansijskom izvještaju za 2020. godinu stranka je iskazala troškove u iznosu od 807.064,82 KM, u kojima su sadržani troškovi amortizacije u iznosu od 6.578,27 KM i troškovi projekata u iznosu od 37.551,78 KM.

Politička organizacija građana “Naša stranka“ je u Korekciji programa utroška sredstava za 2020. godinu planirala troškove u iznosu od 762.873,00 KM.

U skladu sa navedenim, utvrđeno je da se stranka nije pridržavala programa utroška sredstava, pa je u 2020. godini ostvarila troškove u većem iznosu od troškova predviđenih Programom utroška sredstava za najmanje 30.547,13 KM, kako slijedi:

(1) U programu utroška sredstava za 2020. godinu stranka nije planirala troškove kamata, sitnog inventara i autoguma, troškove usluga, troškove predhodnih godina, troškove ostalog materijala i ostalih rashoda, a ostvarila ih je u iznosu od 6.488,82KM.

Prema podacima iz finansijskog izvještaja, stranka je u toku godine ostvarila troškove kamata u iznosu od 30,75 KM, sitnog inventara i autoguma u iznosu od 20,00 KM,

rashodi predhodnih godina u iznosu od 324,52 KM, troškove usluga u iznosu od 4.653,45 KM, troškove ostalog materijala u iznosu od 991,50 KM i ostale rashode u iznosu od 468,60 KM;

- (2) Politička organizacija građana "Naša stranka" nije se pridržavala programa utroška sredstava, pa je u 2020. godini ostvarila troškove u većem iznosu od troškova predviđenih Programom utroška sredstava za 24.058,31 KM, kako slijedi:
- Stranka je prekoračila troškove ugovora o djelu i autorskih honorara za 9.886,81 KM. Troškove ugovora o djelu i autorskih honorara stranka je planirala u iznosu od 86.453,00 KM, dok su ostvareni u iznosu od 96.339,81 KM;
 - U programu utroška sredstava planirani su troškovi komunalnih usluga u iznosu od 2.500,00 KM, dok su ostvareni u iznosu od 2.572,71 KM, što je za 72,71 KM više u odnosu planirane troškove i
 - Troškovi kampanje planirani su u iznosu od 280.000,00 KM, a ostvareni su u iznosu od 294.098,79 KM, odnosno više od plana za 14.098,79 KM.

S obzirom na to da stranka sredstva nije utrošila u skladu sa Programom utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Uvidom u poslovne knjige i račune utvrđeno je da je politička stranka primila nenovčanu donaciju Općine Centar u ukupnom iznosu od 12.068,00 KM, koja je zabranjena odredbama člana 8. stav (1) tačka a) Zakona o finansiranju političkih stranaka.

U postupku pregleda finansijskih izvještaja utvrđeno je da je stranka oslobođena plaćanja naknade za korištenje javnih površina za postavljanje infostolova u periodu izborne kampanje 2020. godine, te je ostvarila prihode u iznosu od 12.068,00 KM.

Troškovi izborne kampanje

Prema odredbama člana 15.10 Izbornog zakona Bosne i Hercegovine Politička organizacija građana "Naša stranka" stranka je za potrebe izborne kampanje, prema broju birača koji je objavila Centralna izborna komisija BiH, za Lokalne izbore 2020. godine mogla potrošiti 592.787,69 KM, a za Lokalne izbore za Grad Mostar maksimalno dozvoljeni iznos za finansiranje troškova predizborne kampanje po osnovi učešća u koaliciji iznosio je 15.129,60 KM.

Politička organizacija građana "Naša stranka" je u godišnjem finansijskom izvještaju za 2020. godinu iskazala troškove kampanje u iznosu od 294.098,79 KM, a za Grad Mostar 3.175,06 KM.

11. DEMOKRATSKI SAVEZ (Kod 2420)

Prema podacima iz korigiranog godišnjeg finansijskog izvještaja Demokratski savez se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	24.219,00	9,21
2.	Prilozi fizičkih lica (3-a)	222.300,00	84,60
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	7.817,50	2,97
7.	Prihodi iz budžeta (3-f)	8.483,43	3,22
8.	Prihodi od propagande (3-g)	0,00	0,00
I	Ukupni prihodi (1-8)	262.819,93	100,00
II	Ostali prihodi i drugo	0,00	0,00
	Izvori finansiranja (I+II)	262.819,93	100,00

Pregledom godišnjeg finansijskog izvještaja za 2020. godinu utvrđeno je da je Demokratski savez prekršio odredbe člana 4. stav (1), člana 5. stav (4), člana 8. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) Demokratski savez je u Planu prihoda i rashoda za 2020. godinu planirao rashode u ukupnom iznosu od 404.000,00 KM.

Planom rashoda za 2020. godinu Demokratski savez je planirao sljedeće vrste rashoda: rashode lokalnih izbora 2020. godine u iznosu od 270.000,00 KM; plaće i naknade za rad u iznosu od 40.000,00 KM; troškove zakupnina poslovnih prostora u iznosu od 35.000,00 KM; troškove propagande i reprezentacije u iznosu od 10.000,00 KM; troškove organiziranja sjednica u iznosu od 3.000,00 KM; ostale nematerijalne troškove u iznosu od 8.000,00 KM; troškove energije i goriva u iznosu od 8.000,00 KM; telekomunikacijske usluge u iznosu od 10.000,00 KM; troškove nabavke materijala i sredstava u iznosu od 3.000,00 KM; troškove programske aktivnosti organizacije mladih u iznosu od 2.500,00 KM; troškove programskih aktivnosti organizacije žena u iznosu od 2.500,00 KM; troškove amortizacije u iznosu od 3.000,00 KM; troškove platnog prometa u iznosu od 3.000,00 KM; ostale nepredviđene troškove u iznosu od 5.000,00 KM i prenos sredstava u narednu godinu u iznosu od 1.000,00 KM.

U godišnjem finansijskom izvještaju stranka je iskazala troškove u iznosu od 284.681,59 KM.

Analizom dostavljenog Plana utroška finansijskih sredstava za 2020. godinu utvrđeno je da stranka nije sačinila plan utroška sredstava po vrstama troškova, odnosno na način kojim bi se osigurala potpuna transparentnost planiranog trošenja sredstava, kao i njegova uporedba sa ostvarenim troškovima. Stranka je u svom programu utroška sredstava zajedno planirala troškove propagande i reprezentacije, pa nije bilo moguće utvrditi da li je i u kom iznosu ostvarila ove troškove.

U Planu utroška finansijskih sredstava nisu planirani sljedeći troškovi: troškovi grijanja u iznosu od 583,44 KM, troškovi knjigovodstvenih usluga u iznosu od 3.600,00 KM, troškovi komunalnih usluga u iznosu od 506,54 KM, troškovi vode u iznosu od 824,92 KM, troškovi usluga u iznosu od 216,96 KM, troškovi ostalih zakupnina u iznosu od 507,13 KM koji se odnose na zakup sale, troškovi poreza i drugih obaveza u iznosu od

2.436,10 KM, troškovi kancelarijskog materijala u iznosu od 862,19 KM i 12.137,28 KM.

Također, stranka je Planom troškova planirala troškove zakupnina poslovnih prostorija u iznosu od 35.000,00 KM, dok je u godišnjem finansijskom izvještaju ostvarene troškove zakupnina poslovnih prostorija iskazala u iznosu od 38.708,56 KM, što je za 3.708,56 KM više od planiranog iznosa.

Pored navedenog potrebno je istaći i to da je stranka u Planu utroška sredstava za 2020. godinu planirala Ostatak – prenos sredstava u narednu godinu u iznosu od 1.000,00 KM. Navedena sredstva ne mogu biti obuhvaćena Planom utroška sredstava za 2020. godinu, jer prenos sredstava ne predstavlja trošak stranke.

Na osnovi navedenog utvrđeno je da je stranka sredstva u iznosu od 15.845,84 KM utrošila mimo svog plana rashoda za 2020. godinu, čime je prekršila je odredbe člana 4. stav (1) Zakona o finansiranju političkih stranaka.

- b) Politička stranka nije u poslovnim knjigama i godišnjem finansijskom izvještaju evidentirala nenovčane donacije po osnovi besplatnog korištenja poslovnog prostora, koji je koristio Općinski stranke u Loparama.

Prema podacima iz Potvrde od 26. 03. 2020. godine, koju je dostavila politička stranka, utvrđeno je da je stranka koristila poslovni prostor površine 45 m² u Loparama, koji je je u vlasništvu Davora Stankovića za koji prema podacima iz same izjave nije bila dužna plaćati zakupninu.

Demokratski savez je korištenjem poslovnog prostora bez plaćanja zakupnine ostvario nenovčanu donaciju, koju je u skladu sa članom 5. stav (4) Zakona o finansiranju političkih stranaka bila obavezna evidentirati u poslovnim knjigama i prijaviti u godišnjem finansijskom izvještaju, koji je podnijela Centralnoj izbornoj komisiji BiH.

- c) Uvidom u odluke Centralne izborne komisije BiH o sankcioniranju političkih stranaka radi vođenja plaćene izborne kampanje prije službenog početka izborne kampanje utvrđeno je da je Demokratski savez postavljao stranačke bilborde na nekoliko lokacija sa natpisom “Okupljeni za nova radna mjesta, gradimo “Interplet“ i “Mekgavern“ industrijske zone i sa slikom aktuelnog gradonačelnika Siniše Milića.

Nakon preliminarnog izvještaja revizije, u kome je navedeno da nije poznat identitet lica koje je platilo oglašavanje političke stranke putem bilborda u Brčko distriktu Bosne i Hestranka stranka je dostavila fakturu, broj: 1521/2022 od 30. 03. 2022. godine, koju joj je pravno lice “Brčko gas“ d. o. o. Brčko ispostavilo za zakup bilborda za period od 15. 09. 2020. do 10. 10. 2020. godine u iznosu od 58,50 KM. Fakturu na isti iznos i sa istim datumom stranci je ispostavio i s.p. “Under Control“ Brčko.

Uvidom u fakture drugih pravnih lica (“Metromedia“ d. o. o. Banja Luka, “Nova oprema“ d. o. o. Banja Luka, “Inter Connect“ d. o. o. Mostar i druge) koja su vršila oglašavnje političkih stranaka putem bilborda tokom izborne kampanje za Lokalne izbore 2020. godine, utvrđeno je da su se cijene oglašavanja po jednom bilbordu u periodu od 30 dana kretale u rasponu od 828,75 KM do 964,29 KM, a ukoliko je bilbord i osvijetljen, cijene su se kretale u rasponu od 1228,50 do 1.359,00 KM.

S obzirom na to da su pravno lice Brčko gas d. o. o. i s.p. “Under Control“ Brčko stranci zakup bilborda za period od 25 dana fakturirali po cijeni od 58,50 KM, nesporna je činjenica da je politička stranka ostvarila nenovčane donacije u visini razlike između tržišne cijene i cijene koja joj je fakturirana. Uzimajući u obzir tržišne cijene zakupa neosvijetljenih bilborda u tridesetodnevnom periodu, utvrđeno je da je Demokratski

savez koristeći reklamni prostor oszvario nenovčanu donaciju pravnog lica Brčko gas d.o.o u iznosu od 688,60 KM, te donaciju s.p. "Under Control" Brčko u istom iznosu. Politička stranka je, u skladu sa odredbama člana 5. stav (4) Zakona o finansiranju političkih stranka, bila obavezna uspostaviti evidencije o navedenim donacijama, te ih prijaviti u finansijskom izvještaju u vrijednosti koja predstavlja razliku tržišne cijene i cijene koju je stranka obavezna platiti, a što se u ovom slučaju procjenjuje na iznos od 1.377,20 KM.

- d) S obzirom na to da je pravno lice Brčko gas d.o.o imalo zaključene ugovore o javnoj nabavci putničkog motornog vozila za Zavod za planiranje, projektiranje i razvoj Brčko distrikta Bosne i Hercegovine, čija je vrijednost veća od 10.000,00 KM, politička stranka je ostvarila zabranjen prilog u iznosu od 688,60 KM, čime je prekršila odredbe člana 8. stav (4) Zakona o finansiranju političkih stranaka.

Prema aktu, broj: 06-970/22 od 14. 10. 2022. godine, koji je dostavio Zavod za planiranje, projektiranje i razvoj Brčko distrikta BiH, utvrđeno je da je pravno lice "Brčko gas" d. o. o. Brčko, imalo zaključen ugovor o javnoj nabavci, broj: 48-000540/20 od 23. 10. 2020. godine, vrijednosti 50.000,00 KM, koji se odnosio na nabavku putničkog motornog vozila za Zavod za planiranje, projektiranje i razvoj Brčko distrikta Bosne i Hercegovine.

- e) Pregledom godišnjeg finansijskog izvještaja i dodatne dokumentacije utvrđeno je da Demokratski savez, nije poslovne knjige vodio u skladu sa računovodstvenim propisima, nije vodio tačne evidencije o prihodima, rashodima i obavezama i nije popunio obrasce godišnjeg finansijskog izvještaja u skladu sa Pravilnikom, čime je prekršio računovodstvene propise i odredbe člana 11. stav (1) i člana 12. stav (1), i stav (4) Zakona o finansiranju političkih stranaka. Politička stranka nije uspostavila evidenciju o dijelu troškova izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Demokratski savez nije uspostavio potpune i tačne evidencije o prihodima stranke, te ih nije pravilno iskazao u godišnjem finansijskom izvještaju, čime je prekršio odredbe člana 13. i člana 18. Pravilnika.

Demokratski savez je u korigiranom godišnjem finansijskom izvještaju iskazao ukupne prihode u iznosu od 262.819,93 KM, dok je u Bilansu uspjeha evidentirao ukupne prihode u iznosu od 255.003,00 KM, što je za 7.816,93 KM više od evidentiranog iznosa.

Stranka je na obrascu 3-e (nenovčane donacije i računi koje stranka nije imala obavezu da plati) godišnjeg finansijskog izvještaja iskazala nenovčanu donaciju od pravnog lica "L.T.G Kompani" d. o. o. Banja Luka u vidu besplatno ustupljenog poslovnog prostora u iznosu od 7.800,00 KM, koju nije evidentirala kao prihod u poslovnim knjigama.

Stranka u godišnjem finansijskom izvještaju i poslovnim knjigama nije iskazala nenovčane donacije u vidu besplatnog korištenja poslovnog prostora u vlasništvu Davora Stankovića površine 45 m² u Loparama.

(2) Demokratski savez nije uspostavio potpune i tačne evidencije o rashodima stranke, te ih nije pravilno iskazao u godišnjem finansijskom izvještaju, čime je prekršio odredbe člana 21. i člana 22. Pravilnika.

- Stranka na obrascima 4.1 (režijsko-administrativni i ostali troškovi) finansijskog izvještaja nije analitički iskazala ostale troškove zakupa po organizacionim dijelovima stranke, nego je ostale troškove zakupa, iskazala na nivou Glavnog odbora stranke, čime je prekršila odredbe člana 7. stav (2) i člana 22. Pravilnika.

Kontrolom prometa izvoda i uvidom u analitičku karticu konta 5330–zakup sale po terminu utvrđeno je da je stranka troškove zakupa sale OO Demokratske stranke Rudo u iznosu od 200,00 KM, iskazala na nivou Glavnog odbora.

- Stranka nije evidentirala u poslovnim knjigama i iskazala u obrascu 4.1 (režijsko-administrativni i ostali troškovi) godišnjeg finansijskog izvještaja troškove zakupa poslovnog prostora u vlasništvu općine Bileća. Uvidom u akt Općine Bileća, broj: 11.02/012-859/21 od 26. 07. 2021. godine, utvrđeno je da je stranka koristila poslovne prostorije Općine Bileća površine 23,08 m² do 05. 03. 2020. godine, uz mjesečnu naknadu od 125,29 KM, što za dva mjeseca korištenja tokom 2020. godine iznosi 250,58 KM.
- Pregledom godišnjeg finansijskog izvještaja i druge dokumentacije utvrđeno je da je stranka troškove zakupa poslovnih prostora iskazala u većem iznosu za 800,00 KM u odnosu na podatke iz ugovora o zakupu poslovnih prostora za sljedeće organizacione dijelove: OO Srebrenica u iznosu od 150,00 KM; OO Bratunac u iznosu od 350,00 KM i OO Laktaši u iznosu od 300,00 KM.

Stranka je u godišnjem finansijskom izvještaju iskazala troškove zakupa za OO Srebrenica u iznosu od 1.950,00 KM. Uvidom u ugovor o zakupu poslovnog prostora koji je zaključen sa Janjić Milom, dana 02. 09. 2019. godine na neodređeno vrijeme uz mjesečnu naknadu od 150,00 KM, utvrđeno je da su troškovi zakupa poslovnog prostora tokom 2020. godine iznosili 1.800,00 KM.

Demokratski savez je u godišnjem finansijskom izvještaju iskazao troškove zakupa poslovnog prostora za OO Bratunac u iznosu od 4.550,00 KM. Uvidom u ugovor o zakupu poslovnog prostora koji je zaključen sa Ilić Stojanom dana 01. 06. 2019 godine na period do 31. 12. 2020. godine uz mjesečnu naknadu od 350,00 KM, utvrđeno je da su troškovi zakupa tokom 2020. godine iznosili 4.200,00 KM.

U godišnjem finansijskom izvještaju, Demokratski savez je iskazao troškove zakupa poslovnog prostora za OO Laktaši u iznosu od 3.900,00 KM. Uvidom u ugovor o zakupu poslovnog prostora koji je zaključen sa Ignjatić Milenom dana 01. 11. 2019 godine na period od 12 mjeseci uz mjesečnu naknadu od 300,00 KM, utvrđeno je da su troškovi zakupa tokom 2020. godine iznosili 3.300,00 KM.

- Tokom pregleda utvrđeno je da je stranka troškove zakupa iskazala u manjem iznosu za 700,00 KM u odnosu na podatke iz ugovora o zakupu za sljedeće organizacione dijelove: OO Zvornik u iznosu od 500,00 KM i OO Čajniče u iznosu od 200,00 KM.

- Troškovi zakupa nastali po osnovi besplatnog korištenja poslovnog prostora u iznosu od 7.800,00 KM, nisu evidentirani u poslovnim knjigama i nisu iskazani na obrascu 4.1 godišnjeg finansijskog izvještaja.
 - Demokratski savez nije u godišnjem finansijskom izvještaju iskazao troškove zakupa poslovnih prostora za OO Sokolac, OO Foča i OO Lopare, iako je iskazao troškove električne energije za spomenute odbore, što ukazuje na činjenicu da je stranka koristila poslovne prostore za ove organizacione dijelove, koje je iskazao i u obrascu 1.1 godišnjeg finansijskog izvještaja.
 - U godišnjem finansijskom izvještaju, Demokratski savez je iskazao troškove takse za ovjeru učešća na Lokalnim izborima 2020. godine u iznosu od 8.300,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 6.200,00 KM, tako da su troškovi takse iznosili 2.100,00 KM, koje je stranka trebala iskazati u godišnjem finansijskom izvještaju.
- (3) Politička stranka, suprotno odredbama člana 12. stav (1) i stav (3) Zakona o finansiranju političkih stranaka i odredbama člana 15. stav (1) Izbornog zakona Bosne i Hercegovine, nije uspostavila evidenciju o dijelu ostvarenih troškova izborne kampanje.
- Politička stranka u poslovnim knjigama nije uspostavila evidenciju, niti je u godišnjem finansijskom izvještaju prijavila troškove prijevremene kampanje koje je ostvarila na način da je fizičko lice Aleksandar Vuković u ime OO Demokratskog saveza Teslić, putem društvenih mreža "Facebook" vodio plaćenu izbornu kampanju čija je vrijednost bila 17,50 KM i da je stranka postavljala plakate na zakupljene bilborde u vlasništvu pravnog lica "Brčko gas" d. o. o. Brčko sa likom aktuelnog gradonačelnika Siniše Milića u Brčko distriktu Bosne i Hercegovine i s.p. "Under Control" Brčko u vrijednosti od 1.377,20 KM.
 - Politička stranka nije iskazala troškove medijskog oglašavanja putem Televizije K3 d. o. o. Prnjavor. Na upit upućen televiziji po prijavi protiv ove političke stranke, Televizija K3 d. o. o. Prnjavor je dostavila akt u kome navodi da je u toku predizborne kampanje sa Demokratskim savezom potpisala ugovor o medijskom oglašavanju u vrijednosti od 10.000,00 KM sa uključenim PDV-om. U istom aktu navedena televizija je navela iskorišteno vrijeme oglašavanja političke stranke.
- (4) Računi na osnovi kojih je Demokratski savez evidentirao i platio troškove propagande ne predstavljaju ispravne i vjerodostojne knjigovodstvene isprave.

Uvidom u račune pravnih lica: "MM Print" d. o. o. Čelinac, broj: 05/08/20 od 27. 08. 2020. godine, u iznosu od 130,00 KM, "City Print" d. o. o. Banja Luka, broj: 202/20 od 14. 09. 2020. godine, u iznosu od 393,12 KM, "Elta Media" d. o. o. Banja Luka, broj: 170/20 od 20. 11. 2020. godine, u iznosu od 5.850,00 KM i, broj: 171/20 od 20. 11. 2020. godine, u iznosu od 6.550,83 KM, "Atlantik bb" d. o. o. Banja Luka, broj: 20-390-003144 od 16. 11. 2020. godine, u iznosu od 4.601,03 KM i, broj: 20-390-003043 od 06. 11. 2020. godine, u iznosu od 5.000,00 KM, "Nova Oprema" d. o. o. Banja Luka, broj: U644/20 od 15. 10. 2020. godine u iznosu od 6.411,60 KM, "Infomedia" d. o. o. Banja Luka, broj: 611/20 od 13. 11. 2020. godine u iznosu od 573,30 KM i broj: 610/20

od 13. 11. 2020. godine u iznosu od 3.375,45 KM i broj: 484/20 od 08. 09. 2020. godine u iznosu od 8.821,80 KM i "Metromedia grupa" d. o. o. Banja Luka, broj: 20-330-0417 od 16. 10. 2020. godine u iznosu od 13.572,00 KM, utvrđeno je da spomenute račune nisu potpisali korisnici usluga, niti je potvrđen prijem promotivnog materijala.

- (5) Demokratski savez nije uspostavio pravilne evidencije o svojim obavezama i nije popunio obrazac 5 (obaveze) godišnjeg finansijskog izvještaja u skladu sa odredbama člana 24. Pravilnika.

Stranka je u godišnjem finansijskom izvještaju iskazala obaveze na dan 31. 12. 2020. godine u iznosu od 32.475,85 KM, dok je u Bilansu stanja evidentirala obaveze u iznosu od 33.230,00 KM.

Pregledom poslovnih knjiga, dodatne dokumentacije i godišnjeg finansijskog izvještaja, utvrđeno je da Demokratski savez nije iskazao sljedeće obaveze:

- Stranka nije evidentirala u poslovnim knjigama i nije iskazala na obrascu 5 (obaveze političke stranke) godišnjeg finansijskog izvještaja obavezu prema Općini Bileća. Prema podacima iz akta, broj: 11.02/012-859/21 od 26. 07. 2021. godine, koje je dostavila Općina Bileća, obaveze stranke po osnovi zakupa na dan 31. 12. 2020. godine iznosile su 1.503,48 KM.
- Demokratski savez nije evidentirao u poslovnim knjigama i nije iskazao na obrascu 5 obaveze po osnovi zakupa na dan 31. 12. 2020. godine prema Općini Teslić. Prema podacima iz akta, broj: 05-37-1.114/21 od 13. 07. 2021. godine, koje je dostavila ova općina ove obaveze su iznosile 276,60 KM.
- Demokratska stranka u godišnjem finansijskom izvještaju nije iskazala obaveze prema JU Prosvjeta CKPD Rudo u iznosu od 100,00 KM.
- U poslovnim knjigama stranka nije evidentirala, niti je u finansijskom izvještaju iskazala obavezu prema Televiziji K3 d. o. o. Prnjavor, u vrijednosti od 10.000,00 KM, po osnovi ugovora o medijskom oglašavanju u vrijeme u predizborne kampanje.
- Pregledom poslovnih knjiga utvrđeno je da stranka je na analitičkim karticama obaveza prema dobavljačima, iskazala pretplate, kao negativan saldo dobavljača na dan 31. 12. 2020. godine, što ukazuje na činjenicu da stranka nije pravilno evidentirala svoje troškove i obaveze. U poslovnim knjigama iskazane su pretplate kod sljedećih dobavljača: "MM Print" s.p. u iznosu od 130,00 KM, "Astra media" d. o. o. Bijeljina u iznosu od 257,40 KM, "Vodovod" a.d. Doboj u iznosu od 46,82 KM i Grad Doboj u iznosu od 129,62 KM.
- Iako se u godišnjem finansijskom izvještaju, na obrascu 5.2., obaveze iskazuju na dan 31. 12., politička stranka je za obaveze, u iznosu od 31.455,68 KM, na zadnji dan izvještajnog perioda navela 25. 01. 2021. godine, uz navođenje da su sve obaveze nastale 31. 12. 2020. godine.

Troškovi izborne kampanje

Prema odredbama člana 15.10 Izbornog zakona BiH Demokratski savez je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 351.588,94 KM.

Demokratski savez je u godišnjem finansijskom izvještaju za 2020. godinu iskazao troškove izborne kampanje u iznosu 175.507,86 KM.

12. POLITIČKA ORGANIZACIJA “NEZAVISNI BLOK“ (Kod 2314)

Prema podacima iz godišnjeg finansijskog izvještaja Politička organizacija “Nezavisni blok“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	13.003,62	5,89
2.	Prilozi fizičkih lica (3-a)	895,20	0,41
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	203.721,43	92,27
8.	Prihodi od propagande (3-g)	0,00	0,00
I	Ukupni prihodi (1-8)	217.617,25	98,57
II	Ostali prihodi i drugo	3.150,72	1,43
	Izvori finansiranja (I+II)	220.770,97	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Nezavisni blok“ prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) U skladu sa odredbama iz člana 4. stav (1) Zakona o finansiranju političkih stranaka, stranka je obavezna sačiniti program utroška sredstava za svaku kalendarsku godinu, te u skladu sa tim sredstva koristiti isključivo za ostvarivanje ciljeva utvrđenih svojim programom i statutom.

(1) Uvidom u program utroška sredstava utvrđeno je da je Politička organizacija “Nezavisni blok“ planirala ukupne troškove u iznosu od 270.000,00 KM.

Politička organizacija “Nezavisni blok“ je u godišnjem finansijskom izvještaju za 2020. godinu iskazala ukupne rashode u iznosu od 252.805,54 KM.

Analizirajući strukturu ostvarenih troškova utvrđeno je da je politička stranka mimo programa utroška ostvarila troškove u iznosu od 57.878,35 KM.

- Programom utroška sredstava stranka je planirala troškove zakupa poslovnih prostora u iznosu od 30.000,00 KM, dok je u godišnjem finansijskom izvještaju ove troškove iskazala u iznosu 38.643,90 KM, što je za 8.643,90 KM više od planiranog iznosa.
- Politička organizacija “Nezavisni blok“ svojim programom utroška sredstava je planirala troškove promotivnog materijala u iznosu od 14.500,00 KM, dok je u

godišnjem finansijskom izvještaju ove troškove iskazala u iznosu 48.802,31 KM, što je za 34.302,31 KM više od planiranog iznosa.

- Politička stranka svojim programom utroška sredstava nije planirala troškove, koje je u 2020. godini ostvarila u iznosu od 14.932,14 KM. To su: troškovi stipendija u iznosu od 1.000,00 KM, troškovi usluga u iznosu od 3.195,30 KM, troškovi knjigovodstvenih usluge u iznosu od 4.953,00 KM, troškovi platnog prometa u iznosu od 1.700,10 KM, troškovi ostalog materijala u iznosu od 847,49 KM, troškovi humanitarnih davanja u iznosu od 257,50 KM, troškovi sitnog inventara i autoguma u iznosu od 913,85 KM, rashodi prethodnih godina u iznosu od 529,85 KM, troškovi donacija pravnim licima u iznosu od 500,00 KM, troškovi hotelskih usluga u iznosu od 400,00 KM i troškovi stručnih publikacija i časopisa u iznosu od 635,05 KM.

- (2) Politička stranka je po osnovi ugovora o djelu i autorskih honorara ostvarila troškove u iznosu od 42.640,72 KM.

Uvidom u ugovore o djelu nije moguće pouzdano utvrditi koje su usluge ugovorene i u kom obimu su pružene, pa prema tome ni da li su sredstva u navedenom iznosu utrošena isključivo za finansiranje stranačkih aktivnosti.

- b) Pregledom godišnjeg finansijskog izvještaja utvrđeno je da politička stranka nije uspostavila evidencije, niti je u finansijskom izvještaju prijavila donaciju koje je ostvarila po osnovi objava na društvenim mrežama.

- (1) Uvidom u odluku Centralne izborne komisije BiH o sankcioniranju Političke organizacije “Nezavisni blok“ radi vođenja plaćene izbore kampanje prije službenog početka izborne kampanje utvrđeno je da je politička stranka na facebook-profilu vodila plaćenu kampanju kod svog organizacionog dijela u Bugojnu. Politička stranka je, u skladu sa odredbama člana 5. stav (4) Zakona o finansiranju političkih stranka, bila obavezna uspostaviti evidencije o navedenoj donaciji, te ih prijaviti u finansijskom izvještaju koji je podnijela Centralnoj izbornoj komisiji BiH.

- (2) S obzirom na to da nije poznat identitet lica, koje je platilo oglašavanje putem facebook-profila Politička organizacija “Nezavisni blok“ je ostvarila donaciju koja je političkim strankama zabranjena u skladu sa odredbom iz člana 8. stav (1) Zakona o finansiranju političkih stranaka. Iznos donacije nije moguće utvrditi, jer nije evidentirana u poslovnim knjigama, niti je prijavljena u finansijskom izvještaju.

- c) Pregledom godišnjeg finansijskog izvještaja i druge finansijske dokumentacije utvrđeno je da politička stranka nije vodila poslovne knjige u skladu sa računovodstvenim propisima, nije uspostavila potpune i tačne evidencije o svojim приходima, rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Stranka nije pravilno klasifikovala i prijavila sve prihode, nije prijavila sve organizacione dijelove stranke i nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.

Politička stranka nije uspostavila evidenciju o dijelu troškova koje je ostvarila provođenjem izborne kampanje putem facebook-profila, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

(1) U godišnjem finansijskom izvještaju koji je podnijela Centralnoj izbornoj komisiji BiH politička stranka je, na obrascu 1.1 (Opći podaci o političkoj stranci – teritorijalna organizacija političke stranke), u okviru organizacione strukture navela: Centralu stranke u Sarajevu, kantonalni odbor stranke u Zenici i kantonalni odbor stranke u Bihaću.

- Uvidom o podatke o finansiranju političkih stranaka iz budžeta svih nivoa vlasti, kao i kontrolom prometa izvoda sa transakcijskih računa političke stranke, utvrđeno je da je stranka osim prihoda koje je ostvarila iz budžeta Zeničko-dobojskog kantona i Unsko-sanskog kantona, ostvarila prihod i iz Srednjobosanskog kantona i Bosansko-podrinjskog kantona, što ukazuje na činjenicu da Politička organizacija “Nezavisni blok“ u godišnjem finansijskom izvještaju nije prijavila sve organizacione dijelove.
- Pregledom ugovora o zakupu poslovnih prostora i ugovora o djelu koje je stranka sklapala sa fizičkim licima tokom 2020. godine utvrđeno je da su izvršitelji za stranku vršili usluge provođenja aktivnosti vezanih za tehničku realizaciju, organizacijske, analitičke i administrativno-tehničke poslove i za druge organizacione dijelove stranke, i to za: kantonalne odbore u Sarajevu, gradske odbore u Zenici, Bihaću, Visokom, Zavidovićima i Cazinu i općinske odbore u Velikoj Kladuši, Kaknju, Brezi, Bužimu, Varešu i Vitezu.

S obzirom na to da u svom finansijskom izvještaju nije prijavila kompletnu organizacionu strukturu, politička stranka je prekršila odredbe člana 10. Pravilnika.

(2) Politička organizacija “Nezavisni blok“ je u godišnjem finansijskom izvještaju iskazala ostale prihode u iznosu od 3.150,72 KM. Pregledom godišnjeg finansijskog izvještaja, poslovnih knjiga i na osnovi izjava o opraštanju duga iz ranijih godina od strane zakupodavaca koji su izdavali poslovne prostore stranci, utvrđeno je da je stranka ostvarila ostale prihode samo u iznosu od 0,72 KM, dok se ostvareni prihodi u iznosu od 3.150,00 KM odnose se na nenovčane donacije od fizičkih lica (zakupodavaca), koje je stranka trebala u godišnjem finansijskom izvještaju iskazati na obrascu 3-e (prihodi od poklona i usluga koje politička stranka nije imala obavezu platiti) godišnjeg finansijskog izvještaja.

Pogrešnim klasifikovanjem prihoda u godišnjem finansijskom izvještaju, stranka je prekršila odredbe člana 13. i 18. Pravilnika.

(3) Pregledom finansijske dokumentacije je utvrđeno da potvrde, koje je stranka izdala fizičkim licima od kojih je primila članarine u iznosu od 13.003,62 KM i priloge u iznosu od 895,20 KM ne sadrže dio podataka propisan članom 6. Pravilnika, odnosno ne sadrže podatke o broju ličnog dokumenta, adresi i mjestu njihovog prebivališta.

(4) Politička organizacija “Nezavisni blok“ u poslovnim knjigama i godišnjem finansijskom izvještaju nije iskazao tačne podatke o rashodima, čime je prekršila računovodstvene propise i odredbe člana 21, 22. i 23. Pravilnika.

1. Politička organizacija “Nezavisni blok“ je u godišnjem finansijskom izvještaju iskazala ukupne troškove u iznosu od 252.805,54 KM.

Suprotno odredbama 22. Pravilnika stranka je u godišnjem finansijskom izvještaju sve troškove prijavila kao troškove Centrale stranke u Sarajevu, iako je pregledom godišnjeg finansijskog izvještaja utvrđeno da stranka ima svoje organizacione dijelove i u: Zenici, Bihaću, Cazinu, Velikoj Kladaši, Bužimu, Visokom, Zavidovićima, Kaknju, Varešu, Vitezu, Brezi, Tešnju i Goraždu.

2. U poslovnim knjigama i godišnjem finansijskom izvještaju Politička organizacija "Nezavisni blok" je troškove zakupa poslovnih prostora svih organizacionih dijelova stranke iskazala kao troškove Centrale stranke u iznosu od 38.643,90 KM. Uvidom u ugovore o zakupu poslovnih prostora koje je stranka dostavila, utvrđeno je da su troškovi zakupa Centrale stranke iznosili 18.252,00 KM, dok su troškovi zakupa poslovnih prostora ostalih organizacionih nivoa stranke iznosili 25.228,68 KM, što ukupno iznosi 43.480,68 KM. Politička stranka, osim što troškove zakupa nije prijavila po svojim organizacionim dijelovima, prijavila ih je u iznosu za 4.836,78 KM manjem od ostvarenog.
- Uvidom u Ugovor o zakupu poslovnog prostora, broj: 189/19 od 13. 08. 2019. godine, zaključen sa pravnom licem "T-Panorama" d. o. o. Sarajevo, ulica Vilsonovo šetaliste 10 Sarajevo, utvrđeno je da su troškovi zakupa Centrale stranke u Sarajevu iznosili 18.252,00 KM.
 - Stranka je u Gradu Cazinu koristila poslovni prostor površine 16 m². Uvidom u ugovor o zakupu koji je stranka 27. 03. 2020. godine zaključila sa fizičkim licem Samirom Murićem, uz mjesečnu zakupninu od 200,00 KM, utvrđeno je da su troškovi zakupa iznosili 1.600,00 KM.
 - U Općini Tešanj stranka je koristila poslovni prostor površine 43 m². Uvidom u ugovor o zakupu poslovnog prostora od 01. 02. 2019. godine, zaključenim sa fizičkim licem Elminom Kantić, uz mjesečnu zakupninu od 350,00 KM, utvrđeno je da su troškovi zakupnine iznosili 3.850,00 KM.
 - U Gradu Bihaću stranka je koristila poslovni prostor površine 23 m². Uvidom u ugovor o zakupu od 29. 03. 2019. godine zaključen sa Halimom Stupac, uz mjesečnu zakupninu od 250,00 KM, utvrđen je trošak zakupnine u iznosu od 3.000,00 KM.
 - Stranka je koristila poslovni prostor u Općini Zavidovići. Uvidom u ugovor o zakupu poslovnog prostora od 30. 10. 2019. godine zaključen sa Adnanom Halilovićem, uz mjesečnu zakupninu od 200,00 KM, utvrđeno je da su troškovi zakupnine iznosili 2.400,00 KM.
 - U općini Bužim stranka je koristila poslovni prostor površine 38 m². Prema ugovoru o zakupu poslovnog prostora od 01. 06. 2020. godine zaključenim sa Mirsadom Šahinovićem, uz mjesečnu zakupninu od 220,00 KM, utvrđeno je da su ovi troškovi zakupnine iznosili 1.540,00 KM.
 - U Velikoj Kladaši stranka je u skladu sa ugovorom o zakupu poslovnog prostora od 01. 09. 2020. godine, zaključenim sa fizičkim licem Bejzom Kuduzević i uz mjesečnu zakupninu od 200,00 KM, koristila poslovni prostor i pri tome ostvarila trošak zakupnine u iznosu od 600,00 KM.

- Politička stranka je u Gradu Zenica koristila poslovni prostor površine 47 m². Uvidom u ugovor o zakupu poslovnog prostora, broj: 01-19-12-01/19 od 14. 01. 2020. godine, zaključenim sa Gradom Zenica i uz mjesečnu zakupninu od 604,89 KM, utvrđeno je da su ovi troškovi zakupnine iznosili 7.258,68 KM.
 - U Općini Breza stranka je koristila poslovni prostor površine 20 m². Uvidom u ugovor o zakupu od 15. 06. 2020. godine zaključen sa Mirsadom Dedićem, uz mjesečnu zakupninu od 130,00 KM, utvrđeno je da su ovi troškovi zakupnine ovog organizacionog dijela stranke iznosili 780,00 KM.
 - Stranka je u Gradu Goraždu koristila poslovni prostor površine 20 m². Uvidom u ugovor o zakupu zaključenim sa fizičkim licem Azirom Zecom od 29. 03. 2019. godine, uz mjesečnu zakupninu od 350,00 KM, utvrđen je trošak zakupnine od 4.200,00 KM.
3. Stranka je u poslovnim knjigama i godišnjem finansijskom izvještaju evidentirala troškove takse za ovjeru učešća na Lokalnim izborima 2020. godine u iznosu od 3.600,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 1.200,00 KM, pa su troškovi takse iznosili 2.400,00 KM.
- (5) Politička stranka, suprotno odredbama člana 12. stav (1) i (3) Zakona o finansiranju političkih stranaka i odredbama člana 15.1 stav (1) Izbornog zakona BiH, nije uspostavila evidencije, niti je u finansijskom izvještaju prijavila troškove izborne kampanje po osnovi objava na društvenim mrežama njena tri organizaciona dijela, kao što je navedno u nalazu pod b).
- (6) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovi kojih je politička stranka evidentirala i platila troškove propagande, u iznosu od 33.969,42 KM ne predstavljaju ispravne i vjerodostojne knjigovodstvene isprave.

Uvidom u račune pravnih lica "KKDD" d. o. o. Sarajevo, broj: 049/020 od 01. 10. 2020. godine, u iznosu od 1.784,25 KM i broj: 017/20 od 10. 02. 2020. godine u iznosu od 234,00 KM, "Suton" d. o. o. Sarajevo, broj: 10-118 od 31. 01. 2020. godine u iznosu od 737,10 KM, broj: 10-224 od 26. 02. 2020. godine u iznosu od 1.736,87 KM i broj: 10-924 od 21. 10. 2020. godine u iznosu od 24.687,00 KM, "Vipromo" d. o. o. Visoko, broj: 71/20 od 22. 10. 2020. godine u iznosu od 750,00 KM, "Auto EDNER" d. o. o. Sanski Most, broj: 0000014-20 od 15. 10. 2020. godine u iznosu od 655,20 KM, "USKinfo.ba" d. o. o. Bihać, broj: 94-10-2020 od 20. 10. 2020. godine u iznosu od 585,00 KM, "Klix" d.o.o Sarajevo, broj: 1234/20 od 26. 10. 2020. godine u iznosu od 2.000,00 KM i "Pyrus" d. o. o. Zenica, broj: 464/20 od 30. 07. 2020. godine u iznosu od

800,00 KM., utvrđeno je da spomenute račune nisu potpisali korisnici usluga, niti je potvrđen prijem promotivnog materijala.

- (7) Politička organizacija “Nezavisni blok“ u poslovnim knjigama nije uspostavila tačne evidencije o svojim obavezama, čime je prekršila računovodstvene propise. U finansijskom izvještaju, na obrascu 5 (*obaveze političke stranke*), obaveze nije prijavila u skladu sa odredbama člana 24. Pravilnika.

U poslovnim knjigama i godišnjem finansijskom izvještaju stranka je evidentirala svoje obaveze na dan 31. 12. 2020. godine prema pravnom licu “GP ŽGP“ d. d. Sarajevo u iznosu od 33.185,56 KM.

Na zahtjev Centralne izborne komisije BiH pravno lice “GP ŽGP“ d. d. Sarajevo je dostavilo podatke o svojim potraživanjima od Političke organizacije “Nezavisni blok“, odnosno analitičku karticu na kojoj su evidentirana ukupna potraživanja od ove političke stranke u iznosu od 9.295,87 KM.

Uvidom u navedenu analitičku karticu, utvrđeno je da je pravno lice “GP ŽGP“ d. d. Sarajevo od svojih potraživanja od Političke organizacije “Nezavisni blok“, koja su 31. 12. 2019. godine iznosila 35.551,72 KM, 30. 01. 2020. godine otpisalo potraživanja u iznosu od 26.255,85 KM.

Na zahtjev Centralne izborne komisije BiH Političkoj organizaciji “Nezavisni blok“ da dostavi Izvod otvorenih stavki sa ovim dobavljačem na dan 31. 12. 2020. godine, stranka je dostavila spomenuti dokument u kome je pravno lice “GP ŽGP“ d. d. Sarajevo navelo svoja potraživanja na dan 31. 12. 2020. godine od Političke organizacije “Nezavisni blok“ u iznosu od 9.295,87 KM.

Troškovi izborne kampanje

Prema odredbama člana 15.10 Izbornog zakona BiH Politička organizacija “Nezavisni blok“ je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 322.043,30 KM.

Politička organizacija “Nezavisni blok“ je u godišnjem finansijskom izvještaju za 2020. godinu iskazala troškove izborne kampanje u iznosu 48.802,31 KM

13. NARODNI DEMOKRATSKI POKRET (Kod 1718)

Prema podacima iz godišnjeg finansijskog izvještaja za 2020. godinu Narodni demokratski pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	10.134,00	2,56
2.	Prilozi fizičkih lica (3-a)	15.228,00	3,84
3.	Prilozi pravnih lica (3-b)	0,00	0,00
4.	Prihodi od imovine (3-c)	6.071,00	1,53
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	5.063,00	1,28
7.	Prihodi iz budžeta (3-f)	359.603,00	90,79
8.	Prihodi od propagande (3-g)	0,00	0,00
I	Ukupni prihodi (1-8)	396.099,00	100,00
II	Ostali prihodi i drugo	0,00	0,00
	Izvori finansiranja (I+II)	396.099,00	100,00

Pregledom godišnjeg finansijskog izvještaja za 2020. godinu utvrđeno je da je Narodni demokratski pokret prekršio odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Stranka je u godišnjem finansijskom izvještaju iskazala ukupne troškove u iznosu od 479.715,00 KM. Svojim Programom utroška sredstava za 2020. godinu stranka je predvidjela ukupne troškove u iznosu od 480.000,00 KM.

Analizom Programa utroška sredstava za 2020. godinu, Služba za reviziju je utvrdila da je Narodni demokratski pokret finansijska sredstva u iznosu od 146.485,00 KM utrošio mimo utvrđenog plana utroška sredstava i to:

- Stranka je prekoračila planirane troškove u ukupnom iznosu od 58.076,00 KM i to: humanitarne rashode u iznosu od 8.300,00 KM, ostale nematerijalne troškove u iznosu od 10.889,00 KM i troškove propagande u iznosu od 38.887,00 KM.
- U planu utroška sredstava stranka nije predvidjela sljedeće troškove: troškove takse, novčane kazne i sl. i troškove advokatskih usluga i sudski troškovi.
Stranka je u 2020. godini navedene troškove ostvarila u ukupnom iznosu od 88.409,00 KM, i to: troškove takse, novčane kazne i sl. u iznosu od 87.000,00 KM i troškove advokatskih usluga i sudski troškovi u iznosu od 1.409,00 KM.

- b) Narodni demokratski pokret nije uspostavio potpune i tačne evidencije o svojim prihodima, rashodima i obavezama i obrasce godišnjeg finansijskog izvještaja nije popunio u skladu sa Pravilnikom, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Stranka nema uspostavljene kompletne evidencije o svojim prihodima i troškovima.

Uvidom u poslovne knjige stranke utvrđeno je da stranka u poslovnim knjigama nije evidentirala prihod od nenovčanih donacija koje su nastale po osnovi besplatnog korištenja zakupa poslovnih prostora fizičkih licima u ukupnom iznosu od 2.800,00 KM, kao i troškove nastale po toj osnovi.

Stranka je nenovčane donacije i troškove zakupa poslovnih prostorija prijavila u finansijskom izvještaju.

- (2) Kontrolom prihoda od imovine koje je stranka iskazala u godišnjem finansijskom izvještaju za 2020. godinu utvrđeno je da je stranka dobitak od prodaje motornog vozila (razlika između prodajne cijene i knjigovodstvene vrijednosti) u iznosu od 6.071,00 KM pogrešno iskazala kao prihod od imovine, čime je prekršila odredbe člana 13. i 16. Pravilnika.

Stranka je dobitak od prodaje motornog vozila trebala iskazati u obrascu 3 (izvori finansiranja) kao ostale prihode, a ne kao prihode od imovine.

- (3) U obrascu 3-f finansijskog izvještaja (prihodi iz budžeta) stranka nije pravilno iskazala prihode iz budžeta, čime je prekršila odredbe člana 13. i 19. Pravilnika.

- Stranka je u okviru članarina prijavila članarinu Vojislava Gligića u iznosu od 1.200,00 KM, a sredstva je uplatilo Vijeće naroda Republike Srpske. Uvidom u Odluke Vijeća naroda Republike Srpske utvrđeno je da su uplate izvršene od preostalih sredstava koja su namijenjena za rad delegatskih klubova nakon odbitka troška. S obzirom na to da je riječ o sredstvima za rad delegatskih klubova, odnosno budžetskim sredstvima, navedenu uplatu u iznosu od 1.200,00 KM stranka je imala obavezu evidentirati kao prihod iz budžeta i prijaviti ga u obrascu 3-f.

- Stranka je u finansijskom izvještaju prijavila prihod iz budžeta Grada Gradiška u većem iznosu za 360,00 KM, dok je prihod iz budžeta Općine Novi Grad prijavila u manjem iznosu za 360,00 KM.

Uvidom u poslovne knjige i izvode utvrđeno je da je stranka tri tranše iz budžeta Općine Novi Grad u ukupnom iznosu od 360,00 KM evidentirala i prijavila kao prihod iz budžeta Grada Gradiška.

Grad Gradiška je iz budžeta stranci u 2020. godini uplatio sredstva u iznosu od 2.881,68 KM, dok je Općina Novi Grad uplatila sredstva u iznosu od 1.116,98 KM.

- (4) Stranka je u obrascu 3-e finansijskog izvještaja (nenovčane donacije i računi koje stranka nije imala obavezu platiti) iskazala prihod u iznosu od 5.063,00 KM.

Uvidom u poslovne knjige utvrđeno je da su nenovčane donacije po osnovi besplatnog korištenja poslovnih prostora iznosile 2.800,00 KM, dok su sredstva u iznosu od 2.263,00 KM evidentirana po osnovi usklađenja.

Uvidom u dokumentaciju utvrđeno je daje stranka u 2018. godini račun dobavljača Kiosk "Final X" koji iznosi 255,00 KM, greškom evidentirala u iznosu od 2.555,00 KM, te je korektivnim knjiženjem ispravila grešku stornirajući obavezu prema dobavljaču u iznosu od 2.300,00 KM. Istovremeno, stranka je zbog usklađenja sa dobavljačima evidentirala obavezu prema dobavljaču "Vodovod" a.d. Doboj u ukupnom iznosu od 36,85 KM, te je nastalu razliku u iznosu od 2.263,00 KM evidentirala kao ostali prihod.

Navedeno usklađenje, odnosno ispravku pogrešno knjiženog računa, stranka je trebala evidentirati i iskazati u okviru ostalih prihoda u iznosu od 2.300,00 KM, dok je za iznos povećanja obaveze prema dobavljaču "Vodovod" a. d. Doboj imala obavezu teretiti troškove iz ranijeg perioda za 36,85 KM, i iskazati ih kao trošak, a ne evidentirati razliku u iznosu od 2.263,00 KM kao prihod.

Pogrešnim iskazivanjem prihoda stranka je prekršila odredbe člana 13, 18, 21. i 22. Pravilnika.

(5) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.

- Uvidom u račune za troškove kampanje utvrđeno je da je stranka u okviru troškova kampanje iskazala i račune koji se ne odnose na kampanju u ukupnom iznosu od 376,74 KM, čime je prekršila odredbe člana 22. i 23. Pravilnika.

Kontrolom dokumentacije troškova kampanje utvrđeno je da je stranka u 2020. godini račune dobavljača "Pogled" d. o. o. Banja Luka ukupnom iznosu od 376,74 KM, a koje se odnose na reklamni materijal, odnosno štampanje kalandara, članskih kartica i sl., iskazala u okviru troškova kampanje.

S obzirom na to da navedeni troškovi ne predstavljaju troškove kampanje, stranka ih je imala obavezu iskazati u obrascu 4.1.

- Uvidom u račune za humanitarne rashode, koje je dostavila stranka, utvrđeno je da se odnose na kupovinu prehrambenih proizvoda i dječije paketiće.

Uvidom u Otpremnicu – račun dobavljača „Venera“ d. o. o. u iznosu od 14.610,38 KM utvrđeno je da stranka nema uspostavljene pravovremene evidencije o svojim troškovima jer je račun izdat u 2019. godini, stranka evidentirala u poslovnim knjigama u 2020. godini.

Pored toga, stranka u poslovnim knjigama nije evidentirala dva računa dobavljača STR Prodavnica "Sneki" u iznosima od 120,00 KM i 179,95 KM, čime su humanitarni rashodi iskazani u manjem iznosu za 299,95 KM.

- Pregledom i analizom ugovora o zakupu utvrđeno je da stranka troškove zakupa ne evidentira onda kada oni nastanu, te su zbog toga troškovi zakupa za sljedeće općinske odbore evidentirani i iskazani u manjem iznosu za 17.304,46 KM u odnosu na ugovorenu cijenu zakupa: OO NDP Banja Luka u iznosu od 4.179,30 KM, OO NDP Bijeljina u iznosu od 1.200,00 KM, OO NDP Bileća u iznosu od 100,00 KM, OO NDP Višegrad u iznosu od 1.000,00 KM, OO NDP Kotor-Varoš u iznosu od 1.000,00 KM, OO NDP Modriča u iznosu od 360,00 KM, OO NDP Teslić u iznosu od 29,56 KM, OO NDP Rudo u iznosu od 600,00 KM, OO NDP Ljubinje u iznosu od 400,00 KM, OO NDP Mrkonjić-Grad u iznosu od 560,00 KM, OO NDP Bratunac u iznosu od 1.200,00 KM, OO NDP Pale u iznosu od 1.000,00 KM, OO NDP Prnjavor u iznosu od 1.000,00 KM, OO NDP Ugljevik u iznosu od 250,00 KM, OO NDP Osmaci u iznosu od 800,00 KM, OO NDP Trebinje u iznosu od 300,00 KM, OO NDP Srbac u iznosu od 106,60 KM, OO NDP Derвента u iznosu od 146,00 KM, OO NDP Šamac u iznosu od 400,00 KM, OO NDP Kozarska Dubica u iznosu od 900,00 KM, OO NDP Prijedor u iznosu od 400,00 KM, OO NDP Foča u iznosu od 373,00 i OO NDP Istočna Ilidža u iznosu od 1.000,00 KM.

(6) Stranka je u obrascu 5 godišnjeg finansijskog izvještaja (obaveze) iskazala ukupne obaveze u većem iznosu za 473,00 KM u odnosu na ukupne obaveze iskazane u godišnjem obračunu, čime je prekršila odredbe člana 24. Pravilnika.

Stranka je u godišnjem finansijskom izvještaju za OO NDP Foča iskazala obavezu ostali dobavljači u iznosu od 473,00 KM, dok je uvidom u Bruto bilans i godišnji obračun OO

NDP Foča utvrđeno da ovaj odbor u svojim poslovnim knjigama iskazuje neizmirene obaveze u iznosu od 0,01 KM.

- (7) Stranka nije, u skladu sa odredbom iz člana 4.4 stav (1) Izbornog zakona BiH, otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5620998116129204 kod NLB banke Banja Luka.

Taksu za ovjeru za učešće na Lokalnim izborima 2020. godine politička stranka je, suprotno odredbama Pravilnika o prijavi i uvjetima za ovjeru političkih subjekata za učešće na Lokalnim izborima 2020. godine, uplatila sa redovnog transakcijskog računa, putem koga je vršila transakcije prije uplate takse.

Stranka je u Prijavi za ovjeru političke stranke za učešće na izborima navela podatke o redovnom računu stranke. Putem tog računa stranka je, pored transakcija vezanih za izbornu kampanju, obavljala i druge transakcije.

Troškovi izborne kampanje

Prema odredbama člana 15.10 Izbornog zakona BiH Narodni demokratski pokret je za potrebe izborne kampanje, prema broju birača koje je objavila Centralna izborna komisija BiH, mogao potrošiti 287.621,50 KM.

Narodni demokratski pokret u godišnjem finansijskom izvještaju za 2020. godinu iskazao je troškove izborne kampanje u iznosu od 108.887,00 KM.

14. SRPSKA NAPREDNA STRANKA FBiH (Kod 2697)

Prema podacima iz godišnjeg finansijskog izvještaja za 2020. godinu Srpska napredna stranka FBiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	8.374,20	100,00
8.	Prihodi od propagande (3-g)	0,00	0,00
I	Ukupni prihodi (1-8)	8.374,20	100,00
II	Ostali prihodi i drugo	0,00	0,00
	Izvori finansiranja (I+II)	8.374,20	100,00

Pregledom godišnjeg finansijskog izvještaja za 2020. godinu utvrđeno je da je Srpska napredna stranka FBiH prekršila odredbe člana 4. stav (1), člana 8. stav (1), člana 12.

stav (3), stav (4) i stav (5) i člana 13. stav (1) Zakona o finansiranju političkih stranaka, te člana 15.1 Izbornog zakona Bosne i Hercegovine.

- a) Stranka je u godišnjem finansijskom izvještaju za 2020. godinu iskazala rashode u ukupnom iznosu od 11.806,00 KM, koje je ostvarila bez donesenog programa utroška sredstava.
Srpska napredna stranka FBiH nije u toku 2020. godine, a ni po zahtjevu za dostavljanje dodatne dokumentacije, dostavila program utroška sredstava za 2020. godinu.
- b) Politička stranka je u godišnjem finansijskom izvještaju iskazala prihode iz budžeta u ukupnom iznosu od 8.374,20 KM.

Na zahtjev Centralne izborne komisije Bosne i Hercegovine Kanton 10 je svojim aktom, broj: 03-02-11-97.12/22 od 21. 07. 2022. godine, dostavio podatke o isplati sredstava i Odluku o odobravanju sredstava iz budžeta Kantona 10 za 2019. godinu, broj 01-02-50.2/19 od 30. 12. 2019. godine, na osnovi koje je izvršena uplata sredstava na račun političke stranke Srpska napredna stranka FBiH. Uvidom u dostavljenu dokumentaciju utvrđeno je da su sredstva koja su pripadala Srpskoj naprednoj stranci po osnovi osvojenih mandata u periodu od 2016. do 2020. godine, uplaćena na račun Srpske napredne stranke FBiH, dana 27. 02. 2020. godine, u iznosu od 8.000,00 KM za 2019. godinu.

Također, na zahtjev Centralne izborne komisije Bosne i Hercegovine, Općina Petrovac je svojim aktom, broj: 02-05-729/22 od 28. 07. 2022. godine, dostavila podatke o isplati i dokumentaciju na osnovi koje je utvrđeno da su sredstva koja su pripadala Srpskoj naprednoj stranci po osnovi osvojenih mandata u periodu od 2016. do 2020. godine, dana 09. 10. 2020. godine, uplaćena na račun Srpske napredne stranke FBiH u iznosu od 231,00 KM za 2020. godinu.

Uvidom u Rješenje Općinskog suda u Livnu, broj: 068-0-F1-19-000-001, utvrđeno je da je Srpska napredna stranka FBiH upisana u registar suda dana 03. 09. 2019. godine.

Imajući u vidu da se prihodom iz budžeta smatra prihod definiran članom 3. stav (1) tačka e) Zakona o finansiranju političkih stranaka, odnosno da se sredstva za rad raspodjeljuju na osnovi osvojenih mandata, a da Srpska napredna stranka FBiH nije imala osvojene mandate u Kantonu 10 i Općini Petrovac u periodu od 2016. do 2020. godine, kao i da je upisana u registar suda 03. 09. 2019. godine, mišljenja smo da je Srpska napredna stranka FBiH sredstva iz budžeta Kantona 10 i Općine Petrovac u iznosu od 8.231,00 KM primila suprotno odredbama člana 8. stav (1) tačka a) Zakona o finansiranju političkih stranaka.

- c) Na osnovi obavljenog pregleda godišnjeg finansijskog izvještaja utvrđeno je da Srpska napredna stranka FBiH godišnji finansijski izvještaj nije podnijela u zakonom propisanom roku i na način utvrđen Pravilnikom i nije dostavila dodatnu dokumentaciju čime je prekršila odredbe člana 12. stav (3), stav (4) i stav (5) Zakona o finansiranju političkih stranaka.
- (1) Srpska napredna stranka FBiH nije u obrascu 2 (pregled prometa svih transakcijskih računa političke partije) godišnjeg finansijskog izvještaja iskazala račun broj 571300000120975 kod Komercijalne banke a. d. Banja Luka.

Uvidom u Jedinstveni registar računa u Bosni i Hercegovini koji se vodi kod Centralne banke BiH utvrđeno je da Srpska napredna stranka FBiH ima kod Komercijalne banke ad Banja Luka dva transakcijska računa broj: 5713000000120975 i 5713000000121654.

Stranka je sve transakcijske račune trebala iskazati u obrascu 2 godišnjeg finansijskog izvještaja što nije učinila, čime je prekršila odredbe člana 11. Pravilnika.

- (2) Srpska napredna stranka FBiH je u obrascu 3-f iskazala prihode iz budžeta Općine Drvar u iznosu od 8.374,20 KM. Na zahtjev Centralne izborne komisije BiH Općina Drvar je dostavila odgovor u kojem je navela da Srpska napredna stranka FBiH nije finansirana iz budžeta ove opštine.

Uvidom u dostavljenu dokumentaciju utvrđeno je da je Srpska napredna stranka FBiH u 2020. godini primila sredstva iz budžeta Kantona 10 u iznosu od 8.000,00 KM i Općine Petrovac u iznosu od 231,00 KM.

- (3) Srpska napredna stranka FBiH je godišnji finansijski izvještaj za 2020. godinu podnijela nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka.

Srpska napredna stranka FBiH je godišnji finansijski izvještaj za 2020. godinu u elektronskoj formi podnijela Centralnoj izbornoj komisiji BiH dana 23. 09. 2021. godine, a odštampane obrasce godišnjeg finansijskog izvještaja u PDF formatu ovjerene potpisom ovlaštenog lica i pečatom političke stranke dostavila je dana 24. 09. 2021. godine.

- (4) Srpska napredna stranka FBiH je postizborni finansijski izvještaj – Lokalni izbori 2020. godine podnijela u elektronskoj formi putem aplikacije FI CIK BiH dana 15. 01. 2021. godine, dok je odštampane obrasce postizbornog finansijskog izvještaja u PDF formatu, ovjerene potpisom ovlaštenog lica i pečatom političke stranke, dostavila Centralnoj izbornoj komisiji BiH tek 24. 09. 2021. godine, čime je prekršila odredbe člana 3. stav (2) Pravilnika o predizbornim i postizbornim finansijskim izvještajima političkih partija, odredbe člana 12. stav (3) Zakona o finansiranju političkih stranaka i 15.1 stav (1) Izbornog zakona BiH (“Službeni glasnik BiH“, broj 10/18).

- (5) Politička stranka u obrascu 1 (opći podaci o političkoj stranci) godišnjeg finansijskog izvještaja nije navela podatke o ovlaštenom licu koje je odgovorno za vođenje poslovnih knjiga političke stranke, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, čime je prekršila odredbe člana 13. stav (1) Zakona o finansiranju političkih stranaka i člana 9. Pravilnika.

- (6) Dana 17. 11. 2022. godine Centralna izborna komisija Bosne i Hercegovine je Srpskoj naprednoj stranci FBiH uputila Zahtjev za dostavljanje dodatne dokumentacije za 2020. godinu, kojim je tražena dostava dokumentacije o korištenju poslovnog prostora u 2020. godini, program utroška sredstava za 2020. i 2021. godinu, kopija godišnjeg obračuna za 2020. godinu (bilans stanja i bilans uspjeha), bruto bilans na dan 31. 12. 2020. godine, glavna knjiga sa kompletnim analitičkim evidencijama stranke za period 01. 01. – 31. 12. 2020. godine, kopije izvoda sa transakcijskog računa stranke broj 5713000000121654 kod Komercijalne banke ad Banja Luka za period 01. 01. – 31. 12. 2020. godine i izvodi otvorenih stavki za povjerioce “Drvo best“ hotel Drvar, “Kompeks“ i “Aura“ Drvar.

Srpska napredna stranka FBiH nije u ostavljenom roku dostavila traženu dokumentaciju te je Centralna izborna komisija BiH dana 28. 12. 2022. godine Urgencijom za

dostavljanje dodatne dokumentacije za 2020. godinu ponovo zatražila dostavljanje navedene dokumentacije kao i kopiju izvoda sa transakcijskog računa broj 5713000000120975 kod Komercijalne banke ad Banja Luka za period 01. 01. – 31. 12. 2020. godine.

S obzirom na to da Srpska napredna stranka FBiH nije u ostavljenom roku dostavila dodatnu dokumentaciju, prekršila je odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Srpska napredna stranka FBiH je za potrebe izborne kampanje, prema broju birača koje je objavila Centralna izborna komisija BiH, mogla potrošiti 215.100,30 KM.

Srpska napredna stranka FBiH je u godišnjem finansijskom izvještaju za 2020. godinu iskazala troškove propagande u iznosu od 2.700,00 KM, dok je u postizbornom finansijskom izvještaju iste troškove iskazala u iznosu od 3.382,40 KM.

15. STRANKA DEMOKRATSKE AKTIVNOSTI (Kod 882)

Prema podacima iz godišnjeg finansijskog izvještaja Stranka demokratske aktivnosti finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	41.389,64	12,45
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.207,50	0,36
7.	Prihodi iz budžeta (3-f)	289.747,65	87, 18
8.	Prihodi od propagande (3-g)	0,00	0,00
I	Ukupni prihodi (1-8)	332.344,79	100,00
II	Ostali prihodi i drugo	0,00	0,00
	Izvori finansiranja (I+II)	332.344,79	100,00

Pregledom godišnjeg finansijskog izvještaja za 2020. godinu utvrđeno je da je Stranka demokratske aktivnosti prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.

- a) Stranka demokratske aktivnosti je u Programu utroška sredstava za 2020. godinu planirala ukupne rashode u iznosu od 576.000,00 KM. U okviru Programa utroška sredstava, stranka je planirala troškove tekućeg perioda u iznosu od 551.000,00 KM, sredstva za nabavku stalnih sredstava u iznosu od 15.000,00 KM i obaveze iz prethodnog perioda u iznosu od 10.000,00 KM.

U godišnjem finansijskom izvještaju za 2020. godinu stranka je iskazala ukupne rashode u iznosu od 369.259,04 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog Programa utroška sredstava za 2020. godinu, kako slijedi:

Stranka je planirala troškove zakupnine u iznosu od 70.000,00 KM, dok ih je ostvarila u ukupnom iznosu od 81.052,74 KM, što je za 11.052,74 više u odnosu planirane troškove.

Uvidom u poslovne knjige utvrđeno je da su troškovi zakupnine poslovnih prostorija iznosili 69.582,71 KM. Kontrolom dostavljene dodatne dokumentacije utvrđeno je da je stranka troškove zakupa vozila po fakturi dobavljača "Turbo trade" u iznosu od 1.870,00 KM evidentirala i u godišnjem finansijskom izvještaju iskazala kao ostale usluge, dok je troškove zakupa vozila po ugovorima o zakupu vozila zaključenim sa 7 fizičkih lica u ukupnom iznosu od 9.600,00 KM evidentirala kao troškove prevoza.

- b) Stranka demokratske aktivnosti prekršila je odredbe člana 5. stav (4) i člana 8. stav (1) Zakona o finansiranju političkih stranaka.
- (1) Pregledom godišnjeg finansijskog izvještaja političke stranke utvrđeno je da je stranka primila nenovčanu donaciju po osnovi besplatne objave na društvenoj mreži, te je nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 5. stav (4) Zakona o finansiranju političkih stranaka.

Uvidom u Odluku Centralne izborne komisije Bosne i Hercegovine utvrđeno je da je Općinski odbor A-SDA Velika Kladaša u ime političkog subjekta A-SDA Stranka demokratske aktivnosti putem društvene mreže "Facebook" vodio plaćenu izbornu kampanju, te je upoznao birače i javnost sa svojim programom i kandidatima za Lokalne izbore 2020. godine, a prije službenog početka izborne kampanje. Isto tako, utvrđeno je da je objava sponzorirana te da Stranka demokratske aktivnosti nije vršila plaćanje objave.

S obzirom na to da nije imala obavezu da plati objavu na društvenoj mreži, kao i da nije dostavila dokaze o licu koje je izvršilo plaćanje objave, politička stranka je ostvarila nenovčanu donaciju anonimnog donatora, koja je zabranjena odredbama člana 8. stav (1) tačka tačka e) Zakona o finansiranju političkih stranaka.

Stranka je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka bila dužna nenovčanu donaciju evidentirati u poslovnim knjigama i prijaviti u godišnjem finansijskom izvještaju za 2020. godinu.

- (2) Stranka demokratske aktivnosti je u godišnjem finansijskom izvještaju za 2020. godinu nenovčanu donaciju Udruženja žena "Ključki biseri" Ključ po osnovi besplatnog korištenja poslovnog prostora iskazala u znatno manjem iznosu u odnosu na visinu zakupnine koja je utvrđena Odlukom Općinskog vijeća općine Ključ.

Uvidom u akt Općine Ključ utvrđeno je da je Općina Ključ prostorije dodijelila Udruženju žena "Ključki biseri" Ključ, koje je zatim sklopilo poseban ugovor sa političkim strankama. Isto tako, utvrđeno je da visina zakupnine propisana Odlukom Općinskog vijeća općine Ključ o visini zakupnine za poslovne prostore na području

općine Ključ u državnom vlasništvu iznosi od 6,00 KM do 10,00 KM po m², u zavisnosti od zone.

U obrascu 3-e (nenovčane donacije i računi koje stranka nije imala obavezu da plati) godišnjeg finansijskog izvještaja za 2020. godinu Stranka demokratske aktivnosti iskazala je nenovčanu donaciju Udruženja žena "Ključki biseri" Ključ po osnovi besplatnog korištenja poslovnog prostora, površine 34,5 m², u ukupnom iznosu od 325,50 KM.

Imajuću u vidu da je Udruženje žena "Ključki biseri" Ključ u toku 2020. godine finansirano javnim sredstvima, donacija Udruženja žena "Ključki biseri" Ključ političkoj stranci zabranjena je odredbama iz člana 8. stav (1) tačka g) Zakona o finansiranju političkih stranaka.

c) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da Stranka demokratske aktivnosti nije uspostavila pravilne i potpune evidencije o svojim prihodima, rashodima i obavezama i nije godišnji finansijski izvještaj popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) U obrascu 3 (izvori finansiranja) i 3-e (nenovčane donacije i računi koje stranka nije imala obavezu platiti) godišnjeg finansijskog izvještaja stranka nije iskazala nenovčanu donaciju u vidu besplatne objave na društvenoj mreži "Facebook" za promociju programa i kandidata Općinskog odbora A-SDA Velika Kladaša za Lokalne izbore 2020. godine, čime je prekršila odredbe člana 13. i 18. Pravilnika.

Također je utvrđeno da stranka nije prijavila i nije evidentirala troškove izborne kampanje koji su nastali promoviranjem Općinskog odbora A-SDA Velika Kladaša, što je suprotno odredbama člana 21. i 23. Pravilnika.

Stranka, suprotno odredbama člana 12. stav (3) Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine, nije prijavila i nije evidentirala troškove izborne kampanje ni u postizbornom finansijskom izvještaju.

Nastale troškove stranka je imala obavezu prijaviti u obrascu 4.2 finansijskog izvještaja.

(2) Stranka je u poslovnim knjigama i godišnjem finansijskom izvještaju za 2020. godinu nenovčanu donaciju Udruženja žena "Ključki biseri" Ključ po osnovi besplatnog korištenja poslovnog prostora iskazala u znatno manjem iznosu u odnosu na stvarnu vrijednost, čime je prekršila odredbe člana 13. i 18. Pravilnika.

(3) Kontrolom iskazanih priloga fizičkih lica utvrđeno je da politička stranka nije vodila tačne evidencije o pojedinačnim priložima fizičkih lica, čime je i u obrascu 3-a (prilozi fizičkih lica) iskazala pogrešne podatke.

Uvidom u podatke Skupštine Unsko-sanskog kantona utvrđeno je da je stranka u obrascu 3-a priloge fizičkog lica Nedima Zulića iskazala u manjem iznosu za 14,00 KM, a priloge fizičkog lica Hajrudin Halilović u većem iznosu za 14,00 KM, te je u potvrdama o primljenim priložima, također, pogrešno iskazala podatke o iznosu priloga.

(4) Stranka demokratske aktivnosti u obrascu 4.1 (režijsko-administrativni i ostali troškovi) godišnjeg finansijskog izvještaja nije pravilno iskazala svoje troškove, čime je prekršila odredbe člana 22. Pravilnika.

- Stranka je u obrascu 4.1 troškove knjigovodstvenih usluga, troškove advokatskih usluga i troškove zakupnine vozila iskazala kao troškove usluga, iako je imala mogućnost da u obrascu izabere svaki od navedenih troškova pojedinačno. Stranka je navedene troškove pogrešno klasifikovala i u poslovnim knjigama.

Također, kao što je navedeno i u nalazu pod a), stranka je troškove zakupa vozila po ugovorima zaključenim sa fizičkim licima u ukupnom iznosu od 9.600,00 KM evidentirala i u godišnjem finansijskom izvještaju iskazala kao troškove prevoza

- Uvidom u dodatnu finansijsku dokumentaciju utvrđeno je da je stranka pomoći koje su isplaćene fizičkim i pravnim licima u poslovnim knjigama evidentirala na dva različita konta, kao humanitarne rashode u iznosu od 2.000,00 KM i troškove stipendija u iznosu od 1.700,00 KM.
- U godišnjem finansijskom izvještaju stranka je sve troškove ugovora o djelu iskazala kao troškove Centrale. Međutim, uvidom u pojedinačne ugovore o djelu utvrđeno je da su osim Centrale stranke ugovore o djelu zaključili i kantonalni odbori A-SDA Tuzlanskog kantona i Zeničko-dobojskog kantona, te odbori u Ključu i Sanskom Mostu. Stranka je troškove ugovora o djelu u godišnjem finansijskom izvještaju trebala iskazati po mjestima troška, odnosno po organizacionim dijelovima u kojima su poslovi obavljani.

- (5) Podaci o troškovima izborne kampanje koje je stranka iskazala u postizbornom finansijskom izvještaju ne odgovaraju podacima iskazanim u godišnjem finansijskom izvještaju. Stranka je u postizbornom finansijskom izvještaju za Lokalne izbore 2020. godine (period 01. 06. – 15. 12. 2020.) iskazala troškove izborne kampanje u ukupnom iznosu od 48.141,50 KM, a u godišnjem finansijskom izvještaju u iznosu od 61.504,32 KM. Stranka nije iskazala troškove izborne kampanje za Lokalne izbore u Mostaru.

- (6) Pregledom su utvrđeni nedostaci kod računa dobavljača, koji su knjigovodstvene isprave o nastalim poslovnim događajima.

Stranka je u poslovnim knjigama na kontu 40120–*održavanje opreme* evidentirala račune dobavljača “Džele automobili“ d. o. o. Kalesija broj: 01-20 od 31. 01. 2020. godine u iznosu od 804,50 KM, broj: 11-20 od 12. 06. 2020. godine u iznosu od 1.250,00 KM, broj: 14-21 od 04. 05. 2020. godine u iznosu od 850,00 KM i broj: 22-20 od 27. 08. 2020. godine u iznosu od 350,00 KM, odnosno ukupno 3.254,50 KM. Uvidom u račune utvrđeno je da jedan račun ima formalne nedostatke, koji se ogleda u njegovom broju i datumu.

- (7) Stranka demokratske aktivnosti u poslovnim knjigama i godišnjem finansijskom izvještaju nije iskazala sve obaveze na dan 31. 12. 2020. godine, čime je prekršila odredbe člana 24. Pravilnika.

Prema podacima koje je dostavio Grad Živinice, Stranka demokratske aktivnosti na dan 31. 12. 2020. godine ima obaveze po osnovi zakupa poslovnog prostora iz ranijih godina u iznosu od 2.833,96 KM. Stranka u poslovnim knjigama i obrascu 5 (obaveze) godišnjeg finansijskog izvještaja nije iskazala obaveze prema Gradu Živinice.

- d) Stranka demokratske aktivnosti nije otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 1610350031380027 kod "Raiffeisen bank" d. d. Sarajevo.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa transakcijskog računa za redovno poslovanje. Također, stranka je putem računa za redovno poslovanje stranke platila i troškove kampanje.

Stranka je u Prijavi za ovjeru političke stranke za učešće na izborima navela podatke o transakcijskom računu stranke, koji je određen kao račun za redovno poslovanje.

Troškovi izborne kampanje

Prema odredbama člana 15.10 Izbornog zakona BiH Stranka demokratske aktivnosti je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla da potroši sredstva u iznosu od 592.696,60 KM, a u svrhu izborne kampanje za izbore u Gradu Mostaru 30.259,20 KM.

Stranka demokratske aktivnosti u godišnjem finansijskom izvještaju za 2020. godinu iskazala je troškove propagande u iznosu od 61.504,32 KM.

16. POKRET DEMOKRATSKE AKCIJE (Kod 2321)

Prema podacima iz godišnjeg finansijskog izvještaja za 2020. godinu Pokret demokratske akcije se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	23.562,40	10,71
2.	Prilozi fizičkih lica (3-a)	16.770,00	7,62
3.	Prilozi pravnih lica (3-b)	3.900,00	1,78
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	174.936,15	79,55
8.	Prihodi od propagande (3-g)	0,00	0,00
I	Ukupni prihodi (1-8)	219.168,55	99,66
II	Ostali prihodi i drugo	745,00	0,34
	Izvori finansiranja (I+II)	219.913,55	100,00

Pregledom godišnjeg finansijskog izvještaja za 2020. godinu utvrđeno je da je Pokret demokratske akcije prekršio odredbe člana 4. stav (1), člana 5. stav (4), člana 8. stav (1) tačka e), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Stranka je u godišnjem finansijskom izvještaju iskazala ukupne troškove u iznosu od 332.560,56 KM. U svom Programu utroška sredstava za 2020. godinu stranka je planirala ukupne troškove u iznosu od 425.000,00 KM.

Analizom Programa utroška sredstava za 2020. godinu Služba za reviziju je utvrdila da je stranka finansijska sredstva u iznosu od 66.615,02 KM utrošila mimo utvrđenog programa utroška sredstava za 2020. godinu.

Stranka je prekoračila planirane troškove zakupa poslovnih prostora, troškove reprezentacije, troškove ostalog materijala, takse, novčane kazne i dr. naknade, naknade za topli obrok, prevoz i regres, ostale rashode, troškove ugovora o djelu, troškove premije osiguranja imovine, troškove poštarine i internet-usluga, troškove fiksnog telefona, troškove usluga i ostale troškove propagande, kako slijedi: troškove zakupa poslovnih prostora u iznosu od 14.384,40 KM, troškove reprezentacije u iznosu od 23.070,00KM, troškove ostalog materijala u iznosu od 6.081,31 KM, takse novčane kazne i dr. naknade u iznosu od 10.022,00 KM, naknade za topli obrok, prevoz i regres u iznosu od 152,00 KM, ostale rashode u iznosu od 4.332,14 KM, troškove ugovora o djelu u iznosu od 6.846,68 KM, troškove premije osiguranja imovine u iznosu od 407,53 KM, troškove poštarine i internet-usluga u iznosu od 157,65 KM, troškove fiksnog telefona u iznosu od 173,05 KM, troškove usluga u iznosu od 433,45 KM i ostale troškove propagande u iznosu od 554,81 KM.

- b) Pregledom finansijskog izvještaja Pokreta demokratske akcije utvrđeno je da je stranka primila nenovčane donacije od fizičkog lica Alena Kamerića i fizičkog lica u Gradskom odboru PDA Gradačac čiji identitet nije bilo moguće utvrditi, te ih nije evidentirala u poslovnim knjigama i nije iskazala u finansijskom izvještaju, čime je prekršila odredbe člana 5. stav (4) i člana 8. stav (1) tačka e) Zakona o finansiranju političkih stranaka. Takođe, za spomenute nenovčane donacije stranka nije izdala potvrde donatorima o primljenom prilogu, čime je prekršila odredbe člana 6. Pravilnika.

- Uvidom u službene evidencije utvrđeno je da je stranka, odnosno njen kandidat Alen Kamerić, platio sponzoriranu objavu na društvenoj mreži "Facebook", te se promovirao kao kandidat stranke na Lokalnim izborima 2020. godine, a prije zvaničnog početka kampanje.

Na zahtjev Centralne izborne komisije BiH da dostavi dokumentaciju u vezi sa navedenom promocijom i plaćanjem, stranka je dostavila izjašnjenje fizičkog lica Alena Kamerića u kojem ne poriče da je platio društvenoj mreži "Facebook" sponzoriranu objavu. Na taj način stranka je primila nenovčanu donaciju Alena Kamerića, kandidata stranke za Lokalne izbore 2020. godine, koju je bila dužna prijaviti u svom finansijskom izvještaju i evidentirati u poslovnim knjigama.

- Na osnovi službenih evidencija utvrđeno je da je Gradski odbor PDA Gradačac platio sponzoriranu objavu na društvenoj mreži "Facebook" prije nego što je zvanično kampanja počela.

Stranka je dostavila obavijest Gradskog odbora Gradačac u kojem se navodi da je sponzorirana objava plaćena novčanim sredstvima fizičkog lica, a ne sredstvima stranke. S obzirom na to da iz navedene obavijesti nije moguće utvrditi identitet fizičkog lica koje je platilo navedenu objavu, stranka je primila nenovčanu donaciju anonimnog donatora, a koja je zabranjena Zakonom o finansiranju političkih stranaka.

Stranka u poslovnim knjigama nije evidentirala i u finansijskom izvještaju nije prijavila nenovčanu donaciju anonimnog donatora, čime je prekršila odredbe člana 5. stav (4) Zakona.

- c) Pregledom godišnjeg finansijskog izvještaja utvrđeno je da Pokret demokratske akcije nije uspostavio potpune, tačne i pravovremene evidencije o svojim prihodima i rashodima, nije prijavio sve transakcijske račune, nije postupio po principima blagajničkog poslovanja i nije obrasce godišnjeg finansijskog izvještaja za 2020. godinu popunio u skladu sa Pravilnikom, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
- (1) Stranka u obrascu 2 (pregled prometa svih transakcijskih računa političke stranke) godišnjeg finansijskog izvještaja nije prijavila transakcijski račun broj: 3384402252762190 kod UniCredit bank d. d. Sarajevo, čime je prekršila odredbe člana 11. Pravilnika.
Stranka po navedenom transakcijskom računu nije ostvarila promet u 2020. godini.
- (2) Na osnovi dostavljenih blagajničkih dnevnika sa priložima OO PDA Banovići utvrđeno je da stranka nije vodila blagajnu u skladu sa pravilima i principima blagajničkog poslovanja.
Uvidom u blagajničke dnevnike od 24. 01. i 24. 02. 2020. godine utvrđeno je da stranka nije pravila nalog blagajne za naplatu članarine, za svaku uplatu posebno, već zbirni nalog naplate i to kao članarina, a u prilogu su izdate potvrde o primljenoj članarini iz koje se vidi uplatilac. Također na nalogu nedostaje potpis lica koje je uplatilo sredstva.
- (3) Uvidom u ostale prihode stranke utvrđeno je da je stranka u 2020. godini evidentirala u svojim poslovnim knjigama knjižnu obavijest o greškom izvršenom fakturiranju dobavljača "Gradačački sajam" i to iz 2018. godine, što ukazuje na to da stranka nema ažurne i pravovremene evidencije o poslovnim događajima.
- (4) U obrascu 3 i 3-e finansijskog izvještaja (Nenovčane donacije i računi koje stranka nije imala obavezu platiti) stranka nije iskazala nenovčanu donaciju dva fizička lica koja su platila društvenoj mreži „Facebook“ sponzoriranu objavu za promociju kandidata na Lokalnim izborima 2020. godine, čime je prekršila odredbe člana 13. i 18. Pravilnika.
- (5) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.
- Kontrolom troškova propagande utvrđeno je da stranka nije prijavila i nije evidentirala troškove propagande koji su nastali promoviranjem kandidata Alena Kamerića i kandidata Gradskog odbora PDA Gradačac, što je suprotno odredbama člana 21. i 23. Pravilnika. Nastale troškove stranka je imala obavezu prijaviti u obrascu 4.2 finansijskog izvještaja.
 - Stranka je u finansijskom izvještaju i poslovnim knjigama iskazala ostale rashode u ukupnom iznosu od 2.423,70 KM.
Uvidom u analitičke kartice dobavljača i pismeno obrazloženje stranke utvrđeno je da je stranka na kraju 2020. godine uočila pretplate po analitičkim karticama dobavljača. Zbog nedostatka dokumentacije, odnosno računa dobavljača, navedene pretplate stranka je sa kartica dobavljača isknjižila na teret rashoda iz ranijih godina, što govori u prilog činjenici da stranka nema uvid u svoje stvarne troškove.

Također, stranka je navedene pretplate isknjižila bez odgovarajuće dokumentacije odnosno bez donesene odluke.

- Uvidom u ugovore o zakupu poslovnih prostora utvrđeno je da su troškovi zakupa za sljedeće općinske odbore evidentirani i iskazani u većem iznosu u odnosu na ugovorenu cijenu zakupa ukupno za 1.863,22 KM: OO PDA Srebrenik u iznosu od 662,16 KM, OO PDA Zavidovići u iznosu od 367,62 KM i OO PDA Banovići u iznosu od 833,44 KM, dok je utvrđeno da su sljedeći općinski odbori troškove zakupa iskazali u manjem iznosu u odnosu na ugovorenu cijenu zakupa ukupno za 3.535,00 KM: OO PDA Žepče u iznosu od 2.250,00 KM, OO PDA Kakanj u iznosu od 250,00 KM, OO PDA Breza u iznosu od 585,00 KM i OO PDA Živinice u iznosu od 450,00 KM.
- (6) Uvidom u analitičku karticu dobavljača "Leftor" Tuzla utvrđeno je da je stranka neosnovano uvećala promet za navedenog dobavljača. Naime, stranka je u 2020. godini od dobavljača "Leftor" Tuzla primila sredstva u iznosu od 315,90 KM na ime "povrata više uplaćenih sredstava", a što je evidentirala na potražnoj strani kartice dobavljača, kao povećanje obaveze prema dobavljaču, te je na taj način neosnovano uvećala sam promet po kartici dobavljača za navedeni iznos.
- d) Stranka nije platila troškove izborne kampanje putem transakcijskog računa koji je otvorila za finansiranje izborne kampanje.
Pregledom je utvrđeno da su dio troškova izborne kampanje koji se odnose na sponzorske objave i promociju kandidata putem društvene mreže "Facebook" za stranku platila dva fizička lica.
S obzirom na to da su navedeni troškovi vezani za kampanju plaćanje je trebalo izvršiti sa namjenskog računa broj: 1321002019845170 kod NLB banke koji je otvoren za finansiranje troškova kampanje, koji je stranka navela u prijavi za učešće na Lokalnim izborima.

Troškovi izborne kampanje

Prema odredbama člana 15.10 Izbornog zakona BiH Pokret demokratske akcije je za potrebe izborne kampanje, prema broju birača koje je objavila Centralna izborna komisija BiH, mogao potrošiti 465.990,27 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BIH, u svrhu izborne kampanje iskazala troškove u iznosu od 79.927,85 KM.

17. LABURISTIČKA STRANKA BOSNE I HERCEGOVINE (Kod 1701)

Prema podacima iz godišnjeg finansijskog izvještaja Laburistička stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.493,50	0,87
2.	Prilozi fizičkih lica (3-a)	48.008,22	28,19
3.	Prilozi pravnih lica (3-b)	2.000,00	1,17
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	7.300,00	4,28
7.	Prihodi iz budžeta (3-f)	111.528,89	65,48
8.	Prihodi od propagande (3-g)	0,00	0,00
I	Ukupni prihodi (1-8)	170.330,61	100,00
II	Ostali prihodi i drugo	1,27	0,00
	Izvori finansiranja (I+II)	170.331,88	100,00

Pregledom godišnjeg finansijskog izvještaja za 2020. godinu utvrđeno je da je Laburistička stranka Bosne i Hercegovine prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

- a) Politička stranka je svojim programom utroška sredstava za 2020. godinu, koji je Centralnoj izbornoj komisiji BiH dostavila uz godišnji izvještaj za 2019. godinu, predvidjela troškove u iznosu od 352.500,00 KM i dvije stavke koje ne predstavljaju trošak i to: prenesene obaveze u iznosu od 12.000,00 KM i višak prihoda nad rashodima u iznosu od 6.000,00 KM.

Prenesene obaveze nisu trebale biti obuhvaćene programom utroška sredstava u tekućoj godini, jer su bile planirane i realizirane kao trošak u ranijim godinama, kada je političkoj stranci pružena usluga ili je politička stranka izvršila nabavku materijala.

Krajem izvještajne 2020. Godine, kada su već ostvareni troškovi, politička stranka je 24. decembra donijela Izmijenjeni program utroška sredstava, u koji je unijela planirane troškove u iznosima koji su neznatno veći od ostvarenih troškova, a ukupno iznose 235.200,00 KM. Izmijenjeni program utroška sredstava politička stranka je Centralnoj izbornoj komisiji BiH dostavila 30. 03. 2021. godine.

Rebalans programa utroška sredstava politička stranka ne može praviti krajem poslovne godine, odnosno ne može ostvarene troškove prepisivati u program utroška sredstava.

Ukoliko politička stranka usljed nepredviđene situacije mora odstupiti od svog plana, može napraviti rebalans svog programa utroška sredstava, te ga odmah nakon usvajanja nadležnog organa treba dostaviti Centralnoj izbornoj komisiji BiH. U tom slučaju politička stranka je obavezna Centralnoj izbornoj komisiji BiH obrazložiti razloge za donošenje rebalansa programa utroška sredstava i dostaviti relevantne dokaze o novonastaloj situaciji.

S obzirom na navedeno, Izmijenjeni program utroška sredstava nije uzet u obzir prilikom uporedbe planiranih i ostvarenih troškova. Troškovi koje je politička stranka ostvarila upoređeni su sa troškovima iz Programa utroška sredstava za 2020. godinu koji je Centralnoj izbornoj komisiji BiH dostavljen 06. 04. 2020. godine u prilogu akta Laburističke stranke Bosne i Hercegovine, broj: 035/2020 od 31. 03. 2020. godine.

U finansijskom izvještaju politička stranka je iskazala ostvarene troškove u iznosu od 221.880,02 KM

- (1) Uvidom u strukturu planiranih i ostvarenih troškova utvrđeno je da politička stranka sačinila program utroška sredstava i uspostavila sistem evidentiranja troškova i finansijskog izvještavanja na način koji ne osigurava transparentnost utroška sredstava, niti omogućava da se utvrdi da li su sredstva utrošena za obavljanje aktivnosti u svrhu ostvarivanje ciljeva političke stranke. Program utroška sredstava treba biti sačinjen na način da se osigura potpuna transparentnost planiranog trošenja sredstava. Troškovi koje ostvari politička stranka i iskaže ih u poslovnim knjigama i finansijskom izvještaju, moraju biti uporedivi sa troškovima koje je politička stranka predvidjela u programu utroška sredstava, tako da se svaka stavka ostvarenih troškova može uporediti sa istom stavkom iz programa utroška sredstava.

Politička stranka je u programu utroška predvidjela naknade za funkcije u stranci u iznosu od 55.000,00 KM, a ostvarila ih je u iznosu od 43.526,65 KM.

- Odlukom o naknadi predsjednici Laburističke stranke, broj: 06-10-P/20 koja je donesena 26. 10. 2020. godine, a primjenjuje se od 01. 01. 2020. godine, utvrđena je visina neto naknade u iznosu od 2.500,00 KM mjesečno. U skladu sa odlukom, predsjednici stranke su isplaćena sredstva u iznosu od 30.000,00 KM.
- U skladu sa Odlukom o naknadi troškova stručnom licu za sprovođenje osnovnih ciljeva i platforme Stranke sa akcentom na oblast zdravstva, socijalne pravde i društvene solidarnosti, broj: 06-01-P/2018 od 23. 06. 2018. godine, jednom od doktora medicine isplaćena su sredstva u neto iznosu od 5.000,00 KM.

Isplaćena sredstva funkcionerima politička stranka je, kao trošak neproizvodnih usluga, evidentirala u poslovnim knjigama u momentu isplate, bez dokaza da su troškovi nastali, odnosno da su izvršene bilo kakve usluge političkoj stranci.

Navedeno potvrđuje i činjenica da je stranka vršila isplate sredstava predsjednici stranke u mjesečnim iznosima od 2.500,00 KM, počev od 06. 01. 2020. godine i svaki mjesec evidentirala trošak stranke u navedenom iznosu, a odluka o naknadi predsjednici Laburističke stranke donesena je 26. 10. 2020. godine.

U skladu sa odredbama Zakona o finansiranju političkih stranka i računovodstvenim propisima, svaki trošak se mora opravdati relevantnom knjigovodstvenom ispravom. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl. Knjigovodstvena isprava kojom se pravda trošak mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta.

S obzirom na to da utrošak sredstva nije pravdan finansijskom dokumentacijom, nije moguće utvrditi da li su sredstva utrošena za finansiranje isključivo stranačkih aktivnosti, odnosno za ostvarivanje ciljeva političke stranke.

Pored isplate neto naknada za funkcije u stranci u iznosu od 35.000,00 KM, Laburistička stranka BiH je na te naknade, kao lična primanja, platila porez i doprinose u iznosu od 8.526,65 KM.

- (2) Pregledom finansijskog izvještaja utvrđeno je da je politička stranka mimo programa utroška ostvarila troškove u iznosu od 8.461,67 KM.
Stranka je planirala toškove bruto plaća zaposlenih i ostale naknade u iznosu od 45.000,00 KM, a ostvarila je troškove bruto plaća u iznosu od 39.918,11 KM i naknade za topli obrok, prevoz, regres i sl. u iznosu od 9.398.79 KM. Planirala je samo troškove usluga održavanja veba u iznosu od 5.500,00 KM, a pored planiranih ostvarila je i druge usluge, pa ukupno ostvarene usluge iznose 7.436.62 KM. Stranka je planirala putne troškove u iznosu od 3.500,00 KM, a ostvarila ih je u iznosu od 4.708.15 KM. Troškove prevoza koje je ostvarila u iznosu od 600,00 KM i hotelske usluge u iznosu od 400,00 KM stranka nije planirala.
- (3) Uvidom u izvode sa transakcijskog računa političke stranke utvrđena su plaćanja računa predsjednice stranke u ukupnom iznosu od 2.309,95 KM.

S obzirom na to da Laburistička stranka Bosne i Hercegovine nije sačinila program utroška sredstava za 2020. godinu na način kojim bi se osigurala potpuna transparentnost trošenja sredstava, da je vršila isplate sredstava bez obračuna stvarnih troškova, da troškove nije pravdala relevantnim knjigovodstvenim ispravama koje bi pokazivale da su troškovi nastali, odnosno u koju svrhu su sredstva utrošena, te da je dio troškova ostvaren mimo programa utroška, politička stranka je prekršila odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja i druge finansijske dokumentacije, utvrđeno je da politička stranka nije vodila poslovne knjige u skladu sa računovodstvenim propisima, nije uspostavila potpune i tačne evidencije o svojim rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Stranka nije prijavila sve organizacione dijelove stranke i nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.

- (1) Knjigovodstvene poslove za Laburističku stranku Bosne i Hercegovine je, suprotno odredbama člana 24. stav (2) Zakona o računovodstvu i reviziji u Federaciji Bosne i Hercegovine ("Službene novine FBiH", broj 83/09) koji je 2020. godine bio na snazi, po ugovoru o djelu obavljalo fizičko lice. Politička stranka je sa Đogić Amirom iz Velike Kladaše 31. 12. 2019. godine zaključila ugovor o djelu, kojim mu je povjereno obavljanje knjigovodstvenih poslova i poslova finansijskog izvještavanja u 2020. godini uz neto naknadu od 6.000,00 KM.

Izradu i ovjeru obrazaca završnog računa za 2020. godinu, politička stranka je na osnovi ugovora o djelu povjerila Arminu Redžiću iz Velike Kladaše, uz neto naknadu od 400,00 KM.

U skladu sa odredbama Zakona o računovodstvu i reviziji u Federaciji Bosne i Hercegovine vođenje poslovnih knjiga pravno lice može povjeriti ugovorom, uz određenu naknadu, drugom pravnom licu ili poduzetniku registriranom za pružanje računovodstvenih usluga.

- (2) U poslovne knjigama političke stranke nisu uneseni podaci po principu nastanka poslovnih događaja i na osnovi vjerodostojnih knjigovodstvenih isprava, kako se zahtijeva odredbama Zakona o računovodstvu u reviziji Federacije Bosne i Hercegovine.

Isplate sredstva funkcionerima političke stranke u iznosu od 35.000,00 KM u poslovnim knjigama su evidentirane kao trošak u momentu isplate, a ne kao isplaćena akontacija, dok se relevantnom knjigovodstvenom ispravom ne opravdava njihov utrošak.

Isplate naknada predsjednici stranke, počev od 06. 01. 2020. godine, u poslovnim knjigama su svaki mjesec evidentirane kao trošak u iznosu od 2.500,00 KM, iako je odluka da se sredstva isplaćuju donesena 26. 10. 2020. godine. Utrošak sredstava nije pravdan bilo kakvim knjigovodstvenim ispravama.

- (3) U poslovnim knjigama i blagajničkoj dokumentaciji evidentiran je promet gotovine u iznosu od 41.384,22 KM. Uplate u blagajnu su evidentirane kao članarine i donacije fizičkih lica, primljene u gotovini, koje su naknadno uplaćene na transakcijski račun stranke, kao polog pazara. Iako je u pitanju gotovina koja se naplaćuje, isplaćuje ili drži u gotovini, isplate i stanje sredstva na blagajni u blagajničkoj dokumentaciji i poslovnim knjigama su evidentirane u nepostojećim novčanim apoenima, kao i donacija Đogić Amira za koju je navedeno da je uplaćena na blagajnu u gotovini, u iznosu od 10,42 KM.
- (4) U godišnjem finansijskom izvještaju, koji je podnijela Centralnoj izbornoj komisiji BiH, politička stranka je, na obrascu 1.1 (Opći podaci o političkoj stranci – teritorijalna organizacija političke stranke), navela da ima samo Centralni ured u Velikoj Kladuši.
- Uvidom o podatke o finansiranju političkih stranaka iz budžeta svih nivoa vlasti, kao i kontrolom prometa izvoda sa transakcijskih računa političke stranke, utvrđeno je da je stranka osim prihoda koje je ostvario Centralni ured iz budžeta Grada Velika Kladuša, ostvarila prihode iz budžeta Unsko-sanskog kantona sa sjedištem u Cazinu i iz budžeta Grada Cazin, što potvrđuje činjenicu da Laburistička stranka Bosne i Hercegovine u godišnjem finansijskom izvještaju nije prijavila sve organizacione dijelove.
 - Da je politička stranka imala organizacioni dio u Gradu Cazinu, potvrđuje i ugovor o zakupu poslovnih prostorija, koji je Laburistička stranka Bosne i Hercegovine dostavila Centralnoj izbornoj komisiji BiH. Stranka je imala zaključen ugovor, broj: 076/18 od 27. 11. 2015. godine sa fizičkim licem Osmanom Topićem iz Cazina, ulica Ćoralici – Križ 139, Cazin čiji je prostor površine 40 m² koristila tokom 2020. godine. Po tom osnovu stranka je plaćala zakupninu u mjesečnim iznosima od 500,00 KM, te za period januar–decembar 2020. godine isplatila 6.000,00 KM.

S obzirom na to da u finansijskom izvještaju nije navela podatke o svim organizacionim dijelovima, politička stranka je prekršila odredbe člana 10. Pravilnika.

- (5) Laburistička stranka Bosne i Hercegovine nije uspostavila potpune i tačne evidencije o rashodima i obavezama stranke, te ih nije pravilno iskazala u godišnjem finansijskom izvještaju, čime je prekršila odredbe člana 21, 22. i 24. Pravilnika.
- Politička stranka je, suprotno odredbama 22. Pravilnika, sve troškove u godišnjem finansijskom izvještaju prijavila kao troškove Centralnog ureda stranke u Velikoj Kladuši, iako je uvidom u ugovore o zakupu utvrđeno da ima organizacioni dio i u Cazinu.
 - U godišnjem finansijskom izvještaju stranka je iskazala troškove zakupa poslovnih prostora u iznosu od 19.650,00 KM. Uvidom u ugovore o zakupu poslovnih prostora, utvrđeno je da su troškovi zakupa iznosili 18.000,00 KM, a trošak u iznosu od 1.650,00 KM, kako politička stranka navodi u svom očitovanju na Preliminarni izvještaj o pregledu godišnjeg finansijskog izvještaja za 2020. godinu odnosi se na zakup Gradske

sportske dvorane. Politička stranka je u skladu sa odredbama člana 22. Pravilnika bila obavezna zakup sale iskazati kao trošak ostalih zakupnina.

- Sredstva koja je stranka isplatila predsjednici stranke u iznosu od 30.000,00 KM i jednom funkcioneru stranke u iznosu od 5.000,00 KM, kao naknade za funkcije u stranci te poreze i doprinose u iznosu od 8.526,65 KM, politička stranka je u poslovnim knjigama i godišnjem finansijskom izvještaju iskazala kao troškove neproizvodnih usluga u iznosu od 43.526,65 KM. U skladu sa računovodstvenim propisima, odredbama člana 12. stav (1) i (4) Zakona o finansiranju političkih stranaka, stranka je bila obavezna utvrditi koje troškove su napravili pomenuti funkcioneri i u kom iznosu, te ih u godišnjem finansijskom izvještaju, u skladu sa odredbama člana 22. Pravilnika prijaviti po vrstama i u ostvarenom iznosu svakog troška pojedinačno.
- Stranka je u poslovnim knjigama i godišnjem finansijskom izvještaju evidentirala troškove takse za ovjeru učešća na Lokalnim izborima 2020. godine u iznosu od 2.100,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 2.000,00 KM, pa su troškovi takse iznosili 100,00 KM.
- Stranka u obrascu 5 (obaveze političke partije) korigiranog godišnjeg finansijskog izvještaja, koji je dostavila uz očitovanje na preliminarni izvještaj revizije iskazala negativan saldo obaveza prema dobavljačima u iznosu od 413,99 KM, što nije u skladu sa računovodstvenim načelima. Navedeno potvrđuje i činjenicu da politička stranka nema potpune evidencije ni o svojim troškovima.

Troškovi izborne kampanje

Prema odredbama člana 15.10 Izbornog zakona BiH Laburistička stranka Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 42.878,70 KM.

Laburistička stranka Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu 29.862,80 KM.

18. STRANKA PENZIONERA-UMIROVLJENIKA BOSNE I HERCEGOVINE (kod 513)

Prema podacima iz godišnjeg finansijskog izvještaja za 2020. godinu Stranka penzionera-umirovljenika Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	88.853,20	73,63
2.	Prilozi fizičkih lica (3-a)	530,00	0,44
3.	Prilozi pravnih lica (3-b)	1.100,00	0,91
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	800,00	0,66
7.	Prihodi iz budžeta (3-f)	27.122,46	22,48
8.	Prihodi od propagande (3-g)	0,00	0,00
I	Ukupni prihodi (1-8)	118.405,66	98,12
II	Ostali prihodi i drugo	2.270,09	1,88
	Izvori finansiranja (I+II)	120.675,75	100,00

Pregledom godišnjeg finansijskog izvještaja za 2020. godinu utvrđeno je da je Stranka penzionera-umirovljenika Bosne i Hercegovine prekršila odredbe člana 4. stav (1), člana 5. stav (4), člana 6. stav (2), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona BiH.

a) Stranka je u godišnjem finansijskom izvještaju iskazala ukupne troškove u iznosu od 130.980,36 KM.

U svom Programu utroška sredstava za 2020. godinu stranka je planirala ukupne troškove u iznosu od 191.962,31 KM.

Uvidom u Program utroška sredstava za 2020. godinu utvrđeno je da nije dovoljno analitičan, tj. ne obezbijeduje potpunu transparentnost planiranog trošenja sredstava, kao i njihovu uporedbu sa ostvarenim troškovima.

Također, potrebno je istaći i to da je stranka u planu predvidjela i prenos članarine općinskim i gradskim odborima u iznosu od 65.000,00 KM, zatim stavku prenosa budžetskih sredstava organizacionim nivoima stranke u ukupnom iznosu od 21.902,46 KM, i pozajmice i povrat istih općinskim, gradskim i kantonalnim odborima stranke u iznosu od 2.500,00 KM, prenesene obaveze iz 2019. godine u iznosu od 27.594,66 KM kao i rezervu, neraspoređenu u iznosu od 9.940,19 KM. Navedene planirane stavke ne predstavljaju trošak stranke, već interni prenos sredstava između organizacionih odbora unutar same stranke, dok neplaćene obaveze iz prethodne godine i rezerve (neraspoređene) ne predstavljaju trošak te samim tim ne mogu biti dio plana utroška sredstava za 2020. godinu.

Analizom Programa utroška sredstava za 2020. godinu Služba za reviziju je utvrdila da je stranka finansijska sredstva u iznosu od 72.880,00 KM utrošila mimo utvrđenog programa utroška sredstava za 2020. godinu, i to:

- Stranka je prekoračila planirane troškove ugovora o djelu, troškove kancelarijskog materijala, troškove zakupa poslovnih prostora, troškove komunalnih usluga, troškove platnog prometa, troškove poreza i drugih obaveza, troškove PTT usluga, troškove knjigovodstvenih usluga, troškove ostalog materijala, troškove reprezentacije, takse, novčane kazne i sl. i troškove propagande i kampanje za Lokalne izbore 2020. godine u ukupnom iznosu od 59.794,72 KM, kako slijedi: troškove ugovora o djelu u iznosu od

34.105,80 KM, troškove kancelarijskog materijala u iznosu od 1.400,28 KM, troškove zakupa poslovnih prostora u iznosu od 6.003,32 KM, troškove komunalnih usluga u iznosu od 132,33 KM, troškove platnog prometa u iznosu od 4.159,92 KM, troškove poreza i drugih obaveza u iznosu od 5.854,95 KM, troškove PTT usluga u iznosu od 187,95 KM, troškove knjigovodstvenih usluga u iznosu od 158,00 KM, troškove ostalog materijala u iznosu od 339,77 KM, troškove reprezentacije u iznosu od 2.613,21 KM, takse, novčane kazne i sl. u iznosu od 370,00 KM i troškove propagande i kampanje za Lokalne izbore 2020. godine u iznosu od 4.469,19 KM.

- U planu utroška sredstava stranka nije predvidjela sljedeće troškove: troškove električne energije, ostale nematerijalne troškove, troškove neproizvodnih usluga, troškove ostalih zakupa, rashode iz ranijih godina, humanitarne rashode, ostale rashode, troškove grijanja, troškove prevoza, troškove sitnog inventara i auto guma, troškove oglašavanja u dnevnim novinama i troškove telefona.

Stranka je u 2020. godini navedene troškove ostvarila u ukupnom iznosu od 13.085,28 KM, i to: troškove električne energije u iznosu od 594,51 KM, ostale nematerijalne troškove u iznosu od 931,76 KM, troškove neproizvodnih usluga u iznosu od 303,70 KM, troškove ostalih zakupa u iznosu od 120,00 KM, rashode iz ranijih godina u iznosu od 5.267,85 KM, humanitarne rashode u iznosu od 60,00 KM, ostale rashode u iznosu od 288,80 KM, troškove grijanja u iznosu od 385,33 KM, troškove prevoza u iznosu od 80,00 KM, troškove sitnog inventara i autoguma u iznosu od 348,05 KM, troškove oglašavanja u dnevnim novinama u iznosu od 172,31 KM i troškove telefona u iznosu od 4.532,97 KM.

Na osnovi naprijed navedenog utvrđeno je da je Stranka penzionera-umirovljenika Bosne i Hercegovine prekršila odredbe člana 4. stav (1) Zakona o finansiranju političkih stranaka jer nije sačinila adekvatan Program utroška sredstava, nije planirala sve troškove, te je finansijska sredstva utrošila mimo utvrđenog programa utroška sredstava za 2020. godinu.

Pored navedenog potrebno je istaći da je stranka dana 31. 03. 2020. godine sačinila novi Program utroška sredstava za 2020. godinu, a Centralnoj izbornoj komisiji BiH ga je dostavila dana 21. 10. 2021. godine. S obzirom na to da je stranka nakon isteka 2020. godine, odnosno tek u 2021. godinu, tj. sa zakašnjenjem dostavila sačinjene promjene, bez obrazloženja iz kojeg razloga je to činila, odbačen je i nije uzet u razmatranje.

- b) Uvidom u poslovne knjige i dodatnu dokumentaciju utvrđeno je da stranka u godišnjem finansijskom izvještaju i poslovnim knjigama nije prijavila nenovčanu donaciju po osnovi besplatnog korištenja poslovnog prostora u vlasništvu Općine Novo Sarajevo, čime je prekršila odredbe člana 5. stav (4) Zakona o finansiranju političkih stranaka.

Uvidom u akt Općine Novo Sarajevo, broj: 02OV-19-5083/21 od 19. 08. 2021. godine, utvrđeno je da je navedena općina dala na korištenje poslovni prostor površine 27,32 m² bez naknade klubu vijećnika navedene stranke, a što stranka nije prijavila u finansijskom izvještaju.

- c) Pregledom godišnjeg finansijskog izvještaja za 2020. godinu utvrđeno je da Stranka penzionera- umirovljenika Bosne i Hercegovine nije vodila pravovremene i pravilne evidencije o prihodima, rashodima, obavezama i novčanim tokovima, te nije popunila obrasce godišnjeg finansijskog izvještaja za 2020. godinu u skladu sa odredbama

Pravilnika, čime su prekršene odredbe člana 11. stav (1) i člana 12. stav (1), stav (3) i stav (4) Zakona o finansiranju političkih stranaka.

(1) Stranka nema tačne i pravovremene evidencije i podatke o novčanim tokovima, prihodima, rashodima i obavezama.

- Uvidom u glavnu knjigu, odnosno analitičke kartice prometa transakcijskog računa Gradskog odbora Mostar utvrđeno je da je stranka u 2020. godini evidentirala izvode iz 2019. godine. Stranka je u okviru prometa transakcijskog računa Općinskog odbora Usora za 2020. godinu evidentirala i dio izvoda iz 2018. godine, dok je u okviru prometa transakcijskog računa Gradskog odbora Tuzla evidentirala dio izvoda iz 2019. godine.
- U poslovnim knjigama stranka je iskazala početno stanje po osnovi Ostalih kratkoročnih potraživanja u iznosu od 3.836,81 KM, a odnose se na plaćanja u ranijem periodu za koje stranka nema račune.

Također, na ovom kontu su evidentirane i akontacije date fizičkim licima u ranijem periodu. Uvidom u proknjiženu dokumentaciju utvrđeno je da je fizičko lice u 2020. godini (09. 06. 2020.) vratilo akontaciju iz 2019. godine.

Fizička lica obavezna su primljene akontacije, nakon povratka sa službenog puta i pravdanja putnog naloga, vratiti odmah u blagajnu ukoliko je data akontacija u većem iznosu od troškova.

Na osnovi naprijed navedenog evidentno je da stranka između ostalog nema ni knjigovodstvene isprave (račune) za navedene evidencije nastale u prethodnom periodu u okviru Ostalih kratkoročnih potraživanja.

(2) U obrascu 3-f (Prihodi iz budžeta) stranka je iskazala prihode iz budžeta općina u manjem iznosu za 377,35 KM, čime je prekršila odredbe člana 19. Pravilnika.

- Stranka je u obrascu 3-f iskazala prihode iz budžeta Općine Zavidovići u manjem iznosu za 160,00 KM u odnosu na ostvarene.
U godišnjem finansijskom izvještaju stranka je iskazala prihod iz budžeta Općine Zavidovići u iznosu od 2.540,00 KM. Uvidom u izvode stranke i akt Općine Zavidovići, broj: 01-04-22/21-AP-147 od 10. 12. 2021. godine, utvrđeno je da su iz budžeta ove općine stranci u 2020. godini uplaćena sredstva u ukupnom iznosu od 2.700,00 KM.
- Uvidom u akt Općine Vareš, broj: 02/1-70/21 od 07. 12. 2021. godine, i izvod koji je stranka dostavila utvrđeno je da je navedena općina u 2020. godini uplatila sredstva stranci u iznosu od 217,35 KM, i to na ime neplaćenih budžetskih tranši iz 2018. godine, dok je stranka u godišnjem finansijskom izvještaju prihode iz budžeta Općine Vareš iskazala i evidentirala u okviru ostalih prihoda.

Pored navedenog, uočene su manjkavosti prilikom prijavljivanja prihoda u obrazac 3-f. Stranka je uplate pojedinih općina prijavljivala tako da je dio prihoda prijavila kao prihod SP-U BiH Centrale stranke za iznos koji je prebačen na račun Centrale, a dio prihoda kao prihod iz budžeta odbora kojem su sredstva uplaćena. Bez obzira na koji način stranka interno vrši raspodjelu budžetskih sredstava između nižih organizacionih dijelova i centrale, stranka u obrascu 3-f ima obavezu da iskaže cjelokupan iznos prihoda iz budžeta kao prihod organizacionog odbora koji je primio sredstva sa nivoa vlasti koji je uplatio sredstva iz budžeta.

- (3) U obrascu 3 i 3-e finansijskog izvještaja (Nenovčane donacije i računi koje stranka nije imala obavezu platiti) stranka nije iskazala nenovčanu donaciju Općine Novo Sarajevo, čime je prekršila odredbe člana 13. i 18. Pravilnika.
- (4) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije pravilno iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.
- Kontrolom troškova propagande utvrđeno je da stranka nije iskazala u obrascu 4.2 troškove nastale po osnovi službenog puta u iznosu od 101,00 KM. Na osnovi izvještaja sa službenog puta fizičkog lica Mirsada Šabića utvrđeno je da je ovo fizičko lice u novembru 2020. godine obilazilo niže organizacione dijelove u cilju sagledavanja stanja i aktivnosti na kampanji Lokalnih izbora 2020. godine. Troškove koji su nastali u iznosu od 101,00 KM po ovom službenom putovanju stranka je iskazala u okviru režijsko-administrativnih troškova, a imala je obavezu iskazati u obrascu 4.2 troškovi propagande.
 - Stranka je u finansijskom izvještaju i poslovnim knjigama iskazala troškove ugovora o djelu u iznosu od 52.597,57 KM. U okviru navedenog iznosa, stranka je evidentirala i troškove dnevnica i putnih troškova.

Uvidom u putne naloge na osnovi kojih je stranka evidentirala troškove dnevnica i putnih troškova, a koji su knjigovodstvene isprave o nastalim poslovnim događajima, utvrđeni su nedostaci.

Na putnim nalogima, po osnovi kojih je politička stranka isplatila sredstva za korištenje sopstvenih automobila u službene svrhe, a koje se u skladu sa važećim propisima utvrđuju na osnovi broja pređenih kilometara i cijene benzina, stranka je vršila isplate ne navodeći broj pređenih kilometara niti cijenu benzina u momentu putovanja na samom putnom nalogu. Obračun putnih troškova je izvršen u tabeli u okviru odluke o isplati naknada. Na nekim od putnih naloga uočeno je neslaganje navedenog vremena polaska na put i povratka sa puta koji je naveden u Izvještaju sa puta, i navedenog vremena polaska i povratka u dijelu obračuna putnog naloga, te je na nekim od putnih naloga prepravljano vrijeme polaska i povratka putovanja u Izvještaju sa putovanja. Također, uz putne naloge nedostaju računi za troškove putarine i troškove parkinga, a oni su obračunati i isplaćeni. Osim toga, na pojedinim putnim nalogima nedostaje izvještaj sa službenog putovanja.
 - Troškovi zakupa za KO SPU BiH Zenica iskazani su u manjem iznosu za 22,20 KM, dok su za KO SPU BiH Tuzla iskazani u većem iznosu za 320,00 KM.
- (5) Stranka je u postizbornom finansijskom izvještaju iskazala troškove izborne kampanje u obrascu 4.2 (troškovi kampanje) u većem iznosu za 1.463,75 KM u odnosu na troškove kampanje iskazane u godišnjem finansijskom izvještaju za 2020. godinu, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona BiH i odredbe Pravilnika o predizbornim i postizbornim finansijskim izvještajima političkih stranaka (Službeni glasnik BiH br:10/18).

Uvidom u dostavljenu dokumentaciju utvrđeno je da je stranka neke od troškova iskazala kao trošak kampanje u postizbornom, a za koje je naknadno utvrdila da nisu

troškovi kampanje, te ih je isključila iz troškova kampanje u godišnjem finansijskom izvještaju. Pored toga, račun u iznosu od 146,25 KM dobavljača "Alfa i Omega" je evidentiran nakon izvještajnog perioda postizbornog izvještaja, te je uključen u obrazac 4.2 godišnjeg finansijskog izvještaja.

Prilikom prijavljivanja troškova kampanje u obrascu 4.2 godišnjeg finansijskog izvještaja, u odnosu na postizborni izvještaj, stranka isključila naknade za posmatrače u iznosu od 1.560,00 KM, račun dobavljača Radio Zavidovići u iznosu od 50,00 KM jer se odnosio na emitiranje čestitki za državne i vjerske praznike do 31. 08.2020. godine, i dok je uključila odnosno evidentirala gore navedeni račun dobavljača "Alfa i Omega".

Troškovi izborne kampanje

Prema odredbama člana 15.10 Izbornog zakona BiH, Stranka penzionera umirovljenika Bosne i Hercegovine je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 57.608,25 KM, a za Lokalne izbore u Mostaru 382.579,20 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BiH, u svrhu izborne kampanje iskazala troškove u iznosu od 25.469,19 KM.

19. HRVATSKA REPUBLIKANSKA STRANKA (Kod 1705)

Prema podacima iz godišnjeg finansijskog izvještaja Hrvatska republikanska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	600,00	1,02
3.	Prilozi pravnih lica (3-b)	3.000,00	5,11
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	54.962,00	93,71
8.	Prihodi od propagande (3-g)	0,00	0,00
I	Ukupni prihodi (1-8)	58.562,00	99,85
II	Ostali prihodi i drugo	90,00	0,15
	Izvori finansiranja (I+II)	58.652,00	100,00

Pregledom godišnjeg finansijskog izvještaja za 2020. godinu utvrđeno je da je Hrvatska republikanska stranka prekršila odredbe člana 4. stav (1) i člana 11. stav (1) i člana 12. Zakona o finansiranju političkih stranaka.

a) Uvidom u godišnji finansijski izvještaj za 2020. godinu utvrđeno je da je stranka u 2020. godini ostvarila rashode u ukupnom iznosu od 80.876,89 KM.

Analizom Plana utroška sredstava stranke za 2020. godinu koji je Centralnoj izbornoj komisiji Bosne i Hercegovine dostavljen uz godišnji finansijski izvještaj za 2019. godinu, utvrđeno je da plan nije sačinjen na način kojim bi se osigurala transparentnost

planiranog trošenja sredstava, kao i uporedba ostvarenih troškova sa planiranim, te ne sadrži datum usvajanja.

Uvidom u Plan utroška sredstava za 2020. godinu utvrđeno je da je Hrvatska republikanska stranka planirala rashode u ukupnom iznosu od 24.608,00 KM, i to: 1) najam prostora u iznosu od 2.400,00 KM; 2) električna energija u iznosu od 720,00 KM; 3) telefon i internet u iznosu od 600,00 KM; 4) voda u iznosu od 48,00 KM; 5) bankarski troškovi u iznosu od 240,00 KM; 6) troškovi predizborne kampanje u iznosu od 20.000,00 KM; i 7) ostali troškovi u iznosu od 600,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog Plana utroška za 2020. godinu, kako slijedi:

- Uvidom u poslovne knjige i finansijski izvještaj utvrđeno je da je politička stranka ostvarila troškove koji nisu planirani, i to: humanitarne rashode, troškove ugovora o djelu, troškove advokatskih usluga i sudski troškove, troškove knjigovodstvenih usluga, troškove poreza i drugih obaveza, troškove održavanja opreme, troškove kancelarijskog materijala i troškove reprezentacije.

U godišnjem finansijskom izvještaju stranka je iskazala humanitarne rashode u iznosu od 16.835,39 KM, troškove ugovora o djelu u iznosu od 5.970,00 KM, troškove advokatskih usluga i sudske troškove u iznosu od 1.170,00 KM, troškove knjigovodstvenih usluga u iznosu od 561,63 KM, troškove poreza i drugih obaveza u iznosu od 3.497,29 KM, troškove održavanja opreme u iznosu od 3.017,00 KM, troškove kancelarijskog materijala u iznosu od 2.845,29 KM i troškove reprezentacije u iznosu od 5.991,76 KM, odnosno ukupno 39.888,36 KM.

- Stranka je Planom utroška za 2020. godinu predvidjela troškove zakupnine poslovnih prostora u iznosu od 2.400,00 KM, dok je uvidom u poslovne knjige i finansijski izvještaj utvrđeno da je po tom osnovu ostvarila troškove u iznosu od 7.549,00 KM, što predstavlja prekoračenje u iznosu od 5.149,00 KM;
- Telefonski troškovi i PTT usluge su Planom predviđeni u iznosu od 600,00 KM, dok su u 2020. godini isti iznosili 803,48 KM, što čini razliku od 203,48 KM;
- Stranka je prekoračila je za 276,80 KM. Troškove platnog prometa politička stranke je planirala u iznosu od 240,00 KM, a iste je ostvarila u iznosu od 516,80 KM;
- Stranka je planirane troškove vode prekoračila za 3,25 KM. U Planu utroška stranka je troškove vode planirala u iznosu od 48,00 KM, dok ih je ostvarila u iznosu od 51,25 KM.

Stranka je Planom utroška za 2020. godinu predvidjela troškove predizborne kampanje u iznosu od 20.000,00 KM, a u godišnjem finansijskom izvještaju ih je iskazala u iznosu od 31.576,33 KM.

S obzirom na to da je stranka finansijska sredstva u iznosu od 57.097,22 KM utrošila mimo utvrđenog plana utroška sredstava za 2020. godinu, prekršene su odredbe člana 4. stav (1) Zakona o finansiranju političkih stranka.

- b) Na osnovi obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Hrvatska republikanska stranka nije vodila pravilne i pravovremene evidencije o rashodima i obavezama i nije popunila obrasce godišnjeg

finansijskog izvještaja u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Politička stranka u obrascu 2 (pregled prometa svih transakcijskih računa političke stranke) nije iskazala sve transakcijske račune čime je prekršila odredbe člana 11. Pravilnika.

Stranka u godišnjem finansijskom izvještaju za 2020. godinu nije iskazala račun za finansiranje izborne kampanje otvoren kod Sparkasse Bank d. d. broj: 1995320049696252, a koji je prema podacima iz Jedinstvenog registra računa u Bosni i Hercegovini u toku 2020. godine bio aktivan.

- (2) Stranka u obrascu 1.1 (teritorijalna organizacija političke stranke) godišnjeg finansijskog izvještaja nije iskazala sve organizacione dijelove stranke, čime je prekršila odredbe člana 10. Pravilnika.

Uvidom u podatke iz godišnjeg finansijskog izvještaja i ugovora o zakupu poslovnog prostora zaključenog 01. 07. 2020. godine između zakupodavaca Tadić Zvonimir, Tadić Miran, Bojanić Ilirija i Tadić Miroslava, s jedne strane, i zakupca Hrvatske republikanske stranke, s druge strane, utvrđeno je da je Hrvatska republikanska stranka u periodu 01. 07. 2020. godine do 31. 12. 2020. godine raspolagala sa poslovnim prostorom u Gradu Livnu u svrhu korištenja službenih prostorija stranke HRS-Gradski/Kantonalni odbor Livno.

- (3) U obrascu 3-f (prihodi iz budžeta) godišnjeg finansijskog izvještaja stranka je prihode ostvarene iz budžeta Zapadnohercegovačkog kantona u iznosu od 22.500,00 KM iskazala kao prihode iz budžeta Grada Ljubuški, čime je prekršila odredbe člana 19. Pravilnika.

- (4) Hrvatska republikanska stranka nije uspostavila pravilne i pravovremene podatke o svojim rashodima, te u obrascima godišnjeg finansijskog izvještaja nije pravilno iskazala rashode, čime je prekršila odredbe člana 7. stav (2), člana 21, 22. i 23. Pravilnika.

- Podaci o rashodima iskazani u godišnjem finansijskom izvještaju ne odgovaraju podacima iz Bilansa uspjeha za 2020. godinu. Naime, stranka je u godišnjem finansijskom izvještaju iskazala ukupne rashode u iznosu od 80.876,89 KM, dok je u Bilansu uspjeha za 2020. godinu iskazala ukupne rashode u iznosu od 80.129,00 KM.
- Hrvatska republikanska stranka nije uspostavila i vodila analitičke evidencije o troškovima zakupa poslovnih prostorija po mjestu nastanka troška, tj. za svaki organizacioni dio pojedinačno, niti je u godišnjem finansijskom izvještaju iskazala tačne podatke o troškovima zakupa poslovnih prostorija.

Hrvatska republikanska stranka je u obrascu 4.1 (režijsko-administrativni i ostali troškovi), koji je podnijela na nivou političke stranke, iskazala troškove zakupnine poslovnih prostora u ukupnom iznosu 7.549,00 KM.

Uvidom u dostavljenu dokumentaciju utvrđeno je da je Hrvatska republikanska stranka imala zaključena dva ugovora o zakupu u 2020. godini, u Mostaru sa zakupodavcem Kadić Elvedinom sa ukupnim troškovima zakupa u iznosu od 3.600,00 KM i u Livnu, sa zakupodavcima Tadić Zvonimirom, Tadić Miranom, Bojanić Ilirijom i Tadić Miroslavom sa troškovima u ukupnom iznosu od 1.800,00 KM.

Kontrolom izvoda sa transakcijskih računa stranke utvrđeno je da je stranka isplatila 4.200,00 KM po osnovi ugovora o zakupu sa Karić Elvedinom, te evidentirala u poslovnim knjigama kao troškove, što za posljedicu ima da su troškovi iskazani u većem iznosu za 600,00 KM u odnosu na stvarne.

Pored navedenog, utvrđeno je da je politička stranka troškove zakupa dvorana i sala u iznosu od 549,00 KM evidentirala kao troškove zakupnine poslovnih prostora, čime je prekršila odredbe člana 22. Pravilnika. Isto tako, utvrđeno je da je stranka troškove zakupa sala u iznosu od 1.000,00 KM za predizborni skup iskazala u obrascu 4.1 kao troškove zakupnine poslovnih prostora, čime je prekršila odredbe člana 21, 22. i 23. Pravilnika.

- Hrvatska republikanska stranka je troškove ugovora o djelu koji su nastali u svrhu predizborne kampanje u iznosu od 2.000,00 KM pogrešno iskazala u obrascu 4.1 finansijskog izvještaja, čime je prekršila odredbe člana 21, 22. i 23. Pravilnika. Naime, uvidom u Ugovor o djelu koji je stranka zaključila sa fizičkim licem Gordan Zovko utvrđeno je da je predmet ugovora pružanje tehničke pomoći i oglašavanja u predizbornom i izbornom periodu od 01. 10. 2020. do 31. 10. 2020. godine.
- (5) Hrvatska republikanska stranka je u obrascu 3-a (prilozi fizičkih lica) iskazala donacije sljedećih fizičkih lica: Slaven Bevanda u iznosu od 50,00 KM, Mario Zovko u iznosu od 150,00 KM, Bernard Pavković u iznosu od 200,00 KM, Drago Čavar u iznosu od 200,00 KM, odnosno ukupno 600,00 KM. Stranka je, također, u obrascu 3 (izvori finansiranja) iskazala ostale prihode u iznosu od 90,00 KM. Kontrolom izvoda sa transakcijskih računa utvrđeno je da su ukupni prilozi fizičkih lica iznosili 690,00 KM, te da su sljedeća lica dala donacije stranci: Josip Krišto prilog u iznosu od 50,00 KM, Zoran Filipović prilog u iznosu od 40,00 KM, Mario Zovko u iznosu od 150,00 KM, Bernard Pavković u iznosu od 250,00 KM i Drago Čavar u iznosu od 200,00 KM. Na osnovi navedenog, utvrđeno je da stranka u godišnjem finansijskom izvještaju nije pravilno iskazala priloge fizičkih lica, čime je prekršila odredbe člana 13. i 14. Pravilnika.
- (6) Uvidom u potvrde o primljenim priložima koje je stranka izdala fizičkim licima i pravnom licu utvrđeno je da potvrde ne sadrže serijski broj potvrde, adresu, broj ličnog dokumenta/ identifikacioni broj donatora i mjesto prebivališta fizičkog lica/sjedišta donatora, što je suprotno odredbama člana 6. Pravilnika. U skladu sa odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.
- (7) Hrvatska republikanska stranka je u skladu sa odredbom člana 12. stav (2) Zakona o finansiranju političkih stranaka imala obavezu da u godišnji finansijski izvještaj uključi koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka u toku 2020. godine bila članica ovog udruženja.

Troškovi izborne kampanje

Prema odredbama člana 15.10 Izbornog zakona BiH, Hrvatska republikanska stranka je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla da potroši sredstva u iznosu od 57.608,25 KM, a za Lokalne izbore u Mostaru 12.228,94 KM.

Politička stranka Hrvatska republikanska stranka je u godišnjem finansijskom izvještaju za Lokalne izbore 2020. godine iskazala troškove izborne kampanje u iznosu od 34.576,33 KM.

20. BOSANSKOHERCEGOVAČKA PATRIOTSKA STRANKA – SEFER HALILOVIĆ (Kod 001)

Prema podacima iz godišnjeg finansijskog izvještaja za 2020. godinu Bosanskohercegovačka patriotska stranka – Sefer Halilović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.636,69	2,93
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	13.937,52	15,48
7.	Prihodi iz budžeta (3-f)	73.436,47	81,59
8.	Prihodi od propagande (3-g)	0,00	0,00
I	Ukupni prihodi (1-8)	90.010,68	100,00
II	Ostali prihodi i drugo	0,00	0,00
	Izvori finansiranja (I+II)	90.010,68	100,00

Pregledom godišnjeg finansijskog izvještaja za 2020. godinu utvrđeno je da je Bosanskohercegovačka patriotska stranka – Sefer Halilović prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

a) Bosanskohercegovačka patriotska stranka – Sefer Halilović finansijska sredstva trošila je mimo svog plana utroška, te za utrošak dijela finansijskih sredstava nema relevantne dokaze, odnosno potpune i ispravne knjigovodstvene isprave, čime je prekršila odredbe člana 4. stav (1) Zakona o finansiranju političkih stranaka.

(1) Stranka je u godišnjem finansijskom izvještaju iskazala ukupne troškove u iznosu od 207.457,33 KM. U svom Programu utroška sredstava za 2020. godinu, stranka je planirala ukupne troškove u iznosu od 366.360,00 KM.

Analizom Programa utroška sredstava za 2020. godinu Služba za reviziju je utvrdila da je stranka finansijska sredstva u iznosu od 20.110,28 KM utrošila mimo utvrđenog programa utroška sredstava za 2020. godinu, i to:

- Stranka je prekoračila planirane troškove u ukupnom iznosu od 3.750,28 KM i to: troškove usluga u iznosu od 119,65 KM i troškove plaća zaposlenih sa pripadajućim porezima i doprinosima, toplog obroka, prevoza, regresa i sl. u iznosu od 3.630,63 KM.
- U planu utroška sredstava stranka nije predvidjela sljedeće troškove: troškove dnevnica i putnih troškova, troškove advokatskih usluga i sudskih troškova, troškove knjigovodstvenih usluga, troškove održavanja opreme, troškove ostalih zakupa i troškove taksi, novčanih kazni i sl.

Stranka je u 2020. godini navedene troškove ostvarila u ukupnom iznosu od 16.360,00 KM, i to: troškove dnevnica i putnih troškova u iznosu od 4.430,00 KM, troškove advokatskih usluga i sudskih troškova u iznosu od 1.400,00 KM, troškove knjigovodstvenih usluga u iznosu od 590,00 KM, troškove održavanja opreme u iznosu od 2.740,00 KM, troškove ostalih zakupa u iznosu od 1.800,00 KM i troškove taksi, novčanih kazni i sl. u iznosu od 5.400,00 KM.

- (2) Uvidom u izvode sa transakcijskog računa, utvrđeno je da je Bosanskohercegovačka patriotska stranka – Sefer Halilović isplatila sredstva fizičkom licu Seferu Haliloviću, predsjedniku stranke, u iznosu od 10.000,00 KM. Stranka je na isplaćena sredstva, u skladu sa poreznim propisima, platila porez i doprinose, kao na lična primanja.

Navedena sredstva stranka je isplatila na osnovi Ugovor o angažmanu, kojim je utvrđeno da se predsjedniku stranke mjesečno isplaćuje iznos od 2.000,00 KM za troškove obilaska regionalnih i općinskih odbora stranke i troškove reprezentacije u vezi sa tim.

Stranka je dostavila račune sa benzinske pumpe iz Sarajeva kojima opravdala dio sredstava u iznosu od 6.005,83 KM, dok za dio isplaćenih sredstava u iznosu od 3.994,17 KM stranka nema račune. Također, računi za gorivo su dostavljeni bez putnih naloga i izvještaja sa putovanja, te se na osnovi samih računa ne može potvrditi da su sredstva utrošena isključivo za ostvarivanje ciljeva utvrđenih programom i statutom stranke.

- (3) Uvidom u izvode sa transakcijskog računa i analitičke kartice potraživanja novčanih sredstava od organizacionih odbora stranke utvrđeno je da je Bosanskohercegovačka patriotska stranka – Sefer Halilović isplatila sredstva fizičkim licima u iznosu od 40.400,00 KM. Stranka nije obračunala i platila poreze i doprinose na lična primanja.

Sredstva su isplaćena predsjednicima nižih organizacionih dijelova, na osnovi akata kojima se daje ovlaštenje fizičkim licima da novčana sredstva od političke stranke, potrebna za finansiranje predizbornih aktivnosti i kampanje, mogu primati preko svojih privatnih računa kod poslovnih banaka. Pored toga, u aktima je naveden i rok za dostavljanje blagajničkih dnevnika na knjiženje Sektoru za računovodstvo i finansije, te ukoliko se blagajnički dnevnik na dostave na vrijeme sredstva po novom zahtjevu neće biti isplaćena.

Uvidom u dokumentaciju, a kojom su pravdana isplaćena sredstva, uočen je niz nepravilnosti. Dio novčanih sredstava je pravdan listingom kompanije "Facebook" o izvršenom plaćanju u ukupnom iznosu od 1.811,59 USD, što približno iznosi 3.019,58 KM. Za navedena plaćanja korištene su Visa i Mastercard nepoznatog vlasnika, iako je stranka mogla i sama otvoriti biznis karticu u nekoj od banaka.

Preostali dio isplaćenih sredstva stranka pravda računima za gorivo, ultra kartice, parking i reprezentaciju. Iako stranka u aktu o isplati navodi obavezu dostavljanja blagajničkih dnevnika uz dokumentaciju, oni nisu vođeni. Također, iz navedenih računa, a s obzirom na to da stranka nema putne naloge i izvještaje sa putovanja, ne može se utvrditi da li su sredstva stranke u iznosu od 37.380,42 KM utrošena isključivo za ostvarivanje ciljeva utvrđenih programom i statutom stranke. Pored toga, iako se u aktima o isplati navodi da se sredstva isplaćuju za finansiranje kampanje, na osnovi dokumentacije (računa) se ne može potvrditi da su sredstva utrošena u svrhu kampanje.

- b) Pregledom dokumentacije utvrđeno je da članarine koje je prikupio RO BPS-SH SA-GO u iznosu od 348,00 KM u gotovom novcu nisu uplaćena na transakcijski račun stranke, čime su prekršene odredbe člana 5. stav (4) Zakona o finansiranju političkih stranaka.

Uvidom u analitičku karticu prihoda od članarine RO BPS-SH SA-GO i izvode, utvrđeno je da je ovaj odbor ostvario prihod po osnovi članarina u iznosu od 348,00 KM, a nije ih uplatio ni na jedan od transakcijskih računa stranke, a bio je to obavezan u roku od 10 dana.

- c) Bosanskohercegovačka patriotska stranka – Sefer Halilović nije uspostavila potpune i pravilne evidencije o rashodima i obavezama političke stranke, dio evidencija sačinjen je bez relevantnih knjigovodstvenih isprava ili na osnovi nevjerodostojnih isprava, te obrasce godišnjeg finansijskog izvještaja nije popunila u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Uvidom u poslovne knjige stranke utvrđeno je da nisu vođene na način kako bi bilo moguće pratiti troškove nastale utroškom sredstava koja su isplaćena fizičkim licima, kao i to da je stranka evidentirala poslovne promjene na osnovi nevjerodostojnih knjigovodstvenih isprava.

Stranka je na osnovi akata o isplati novčanih sredstava fizičkim licima isplatila sredstva u iznosu od 40.400,00 KM i na osnovi ugovora o angažmanu sredstva u iznosu od 10.000,00 KM.

Dio troškova u iznosu od 3.994,17 KM je evidentiran bez knjigovodstvenih isprava, dok su preostali troškovi, suprotno računovodstvenim propisima, evidentirani na osnovi nevjerodostojne knjigovodstvene dokumentacije, te se ne može pouzdano utvrditi da su usluge izvršene za političku stranku.

Također, dio račune za troškove goriva stranka je evidentirala na troškove goriva za stranačke skupove, a jedan dio na troškove predizbornih skupova.

Sva lica koja su trošila sredstva političke stranke, imala su obavezu da svaki trošak opravdaju ispravnim računima, odnosno relevantnim knjigovodstvenim ispravama, da bi politička stranka u poslovnim knjigama i finansijskom izvještaju iskazala stvarne troškove.

- (2) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke),

4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21, 22. i 23. Pravilnika.

- Kontrolom troškova propagande utvrđeno je da stranka troškove za oglašavanje plaćene kompaniji "Facebook" u približnom iznosu od 3.019,58 KM nije prijavila u okviru troškove propagande, što je suprotno odredbama člana 21. i 23. Pravilnika. Nastale troškove stranka je imala obavezu prijaviti u obrascu 4.2 finansijskog izvještaja.
- Stranka je u 2020. godini isplatila i u poslovnim knjigama evidentirala isplate dnevnica posmatračima u iznosu od 4.430,00 KM, a na njih nije obračunala porez i doprinose. S obzirom na to da je riječ o isplatama fizičkim licima koja nisu zaposlena u stranci, imaju karakter ličnih primanja na koja je stranka bila obavezna izvršiti obračun poreza i doprinosa i evidentirati ih u svojim poslovnim knjigama.
- Na osnovi službenih podataka Općine Kalesija utvrđeno je da stranka koristi poslovne prostorije u vlasništvu navedene općine uz mjesečni zakup u iznosu od 15,00 KM, odnosno 180,00 KM na godišnjem nivou, a što stranka nije evidentirala i iskazala u finansijskom izvještaju.

(3) Uvidom u poslovne knjige, službene evidencije i izvode otvorenih stavki utvrđeno je da stranka nema tačne podatke i evidencije o svojim obavezama.

- U finansijskom izvještaju i poslovnim knjigama stranka je iskazala obavezu prema dobavljaču "Tehnograd-company" doo Tuzla u iznosu od 1.172,68 KM, dok je uvidom u izvod otvorenih stavki na dan 31. 12. 2020. godine utvrđeno da navedeni dobavljač potražuje sredstva u iznosu od 1.650,00 KM.
- Uvidom u službene podatke Općine Kalesija, utvrđeno je da je stranka u 2020. godini uplatila općini zakupninu u iznosu od 135,00 KM, te da neplaćena obaveza iznosi 45,00 KM. Stranka u poslovnim knjigama nije evidentirala i u godišnjem finansijskom izvještaju nije iskazala obavezu prema Općini Kalesija u iznosu od 45,00 KM.

d) Stranka nije, u skladu sa odredbom iz člana 4.4 stav (1) Izbornog zakona BiH, otvorila poseban transakcijski račun za finansiranje izborne kampanje.

Stranka je prijavila redovni transakcijski račun stranke kao transakcijski račun za posebne namjene. U skladu sa odredbama člana 4.4 stav (1) Izbornog zakona BiH, stranka je bila obavezna otvoriti i namjenski koristiti račun za finansiranje izborne kampanje.

Taksu za ovjeru za učešće na Lokalnim izborima i Lokalnim izborima u Mostaru održanim 2020. godine, politička stranka je, suprotno odredbama Pravilnika o prijavi i uvjetima za ovjeru političkih subjekata za učešće na Lokalnim izborima 2020. godine, uplatila sa redovnog transakcijskog računa, putem koga je vršila transakcije prije uplate takse.

Stranka je u Prijavi za ovjeru političke stranke za učešće na izborima navela podatke o redovnom računu stranke. Putem tog računa stranka je, pored transakcija vezanih za izbornu kampanju, obavljala i druge transakcije.

Troškovi izborne kampanje

Prema odredbama člana 15.10 Izbornog zakona BiH Bosanskohercegovačka patriotska stranka – Sefer Halilović je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 436.232,40 KM i u svrhu izborne kampanje za Izbore u Gradu Mostaru 6.051,84 KM.

Bosanskohercegovačka patriotska stranka – Sefer Halilović u godišnjem finansijskom izvještaju za 2020. godinu iskazala je troškove propagande u iznosu od 35.526,31 KM.

21. HRVATSKA STRANKA BOSNE I HERCEGOVINE (Kod 366)

Prema podacima iz godišnjeg finansijskog izvještaja Hrvatska stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	13.713,38	88,70
8.	Prihodi od propagande (3-g)	0,00	0,00
I	Ukupni prihodi (1-8)	13.713,38	88,70
II	Ostali prihodi i drugo	1.747,76	11,30
	Izvori finansiranja (I+II)	15.461,14	100,00

Pregledom godišnjeg finansijskog izvještaja za 2020. godinu utvrđeno je da je Hrvatska stranka Bosne i Hercegovine prekršila odredbe člana 4. stav (1), člana 5. stav (4), člana 11. stav (1), člana 12. stav (1) i (4) Zakona o finansiranju političkih stranaka.

a) Hrvatska stranka Bosne i Hercegovine je u Planu rashoda za 2020. godinu, broj: 01-20/20 od 10. 06. 2020. godine, predvidjela rashode u ukupnom iznosu od 43.000,00 KM. U godišnjem finansijskom izvještaju politička stranka je prijavila rashode u iznosu od 43.672,20 KM, što je za 672,20 KM više od planiranog.

Uvidom u strukturu planiranih troškova utvrđeno je da politička stranka nije planirala troškove koje je ostvarila u iznosu od 5.934,34 KM. To su: troškovi platnog prometa u iznosu od 588,90 KM, troškovi knjigovodstvenih usluga u iznosu od 300,00 KM, troškovi ostalog materijala u iznosu od 140,00 KM, troškovi takse i kazni u iznosu od 3.350,00 KM, troškovi dnevnica i putovanja u iznosu od 1.284,79 KM, troškovi poreza i drugih obaveza u iznosu od 88,65 KM, troškovi prevoza u iznosu od 170,00 KM i ostali troškovi u iznosu od 12,00 KM.

Također, politička stranka je otpisom svojih potraživanja u iznosu od 5.084,64 KM i otpisom i isknjiženjem stalnih sredstva u vrijednosti od 22.464,24 KM ostvarila troškove, koje nije predvidjela svojim programom utroška.

Na osnovi navedenog utvrđeno je da je stranka ostvarila troškove u iznosu od 33.482,88 KM, koje nije predvidjela programom utroška, čime je prekršila odredbe člana 4. stav (1) Zakona o finansiranju političkih stranaka.

- b) Hrvatska stranka Bosne i Hercegovine nije u godišnjem finansijskom izvještaju iskazala nenovčane donacije, koje je ostvarila otpisom obaveza prema dobavljačima, čime je prekršila odredbe člana 5. stav (4) Zakona o finansiranju političkih stranaka.

Na osnovi Izvješća o radu Komisije za popis potraživanja, obaveza i osnovnih sredstava od 31. 12. 2020. godine i Odluke, od 29. 01. 2021. godine, koju je dostavila politička stranka, utvrđeno je da je stranka svojom odlukom otpisala obaveze u ukupnom iznosu od 6.166,44 KM. Obaveze je otpisala prema sljedećim dobavljačima: “Nacional Holding“ d. o. o. Mostar u iznosu od 25,00 KM, “Multimedija Print“ d. o. o. Nova Bila u iznosu od 38,00 KM, Restoran “Park“ Zenica u iznosu od 45,00 KM, “Slobodna“ d. o. o. Mostar u iznosu od 29,25 KM, “Remis“ d. o. o. Visoko u iznosu od 44,00 KM, “Euro Code“ d. o. o. Mostar u iznosu od 187,50 KM, UniCredit Zagrebačka banka u iznosu od 25,13 KM, “Atelijer Jukić d. o. o. Posušje u iznosu od 3.165,20 KM, “List“ d. o. o. Livno u iznosu od 27,36 KM, “Redig“ d. o. o. Mostar u iznosu od 1.630,00 KM i Karić Semri u iznosu od 950,00 KM.

Hrvatska stranka Bosne i Hercegovine je otpisom svojih obaveza prema dobavljačima ostvarila nenovčane donacije u iznosu od 6.166,44 KM, koje je u skladu sa članom 5. stav (4) Zakona o finansiranju političkih stranaka bila obavezna prijaviti u godišnjem finansijskom izvještaju koji je podnijela Centralnoj izbornoj komisiji BiH.

- c) Pregledom godišnjeg finansijskog izvještaja i finansijske dokumentacije, koju je Hrvatska stranka Bosne i Hercegovine dostavila, utvrđeno je da stranka nije uspostavila potpune i tačne evidencije o prihodima, rashodima, obavezama i potraživanjima, godišnji finansijski izvještaj koji je Centralnoj izbornoj komisiji BiH podnijela nakon zakonom proisanog roka, nije popunila na način kako je Centralna izborna komisija BiH propisala Pravilnikom i Završni račun nije podnijela nadležnoj Agenciji u skladu sa računovodstvenim proisima, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Hrvatska stranka Bosne i Hercegovine godišnji finansijski izvještaj za 2020. godinu nije podnijela u zakonom propisanom roku, čime je prekršila odredbe člana 12. stav (4) Zakona o finansiranju političkih stranaka. U skladu sa odredbama spomenutog člana Zakona i odredbama člana 3. Pravilnika, politička stranka je bila obavezna da finansijski izvještaj podnese i u elektronskoj formi i u čvrstoj kopiji do 31. 03. 2021. godine.

Uvidom u službene evidencije Centralne izborne komisije BiH utvrđeno je da je Hrvatska stranka Bosne i Hercegovine podnijela godišnji finansijski izvještaj za 2020. godinu putem elektronske aplikacije “FI CIK BIH” dana 20. 09. 2021. godine, dok je odštampane obrasce godišnjeg finansijskog izvještaja iz aplikacije u PDF formatu, ovjerene potpisom ovlaštenog lica i pečatom političke stranke dostavila Centralnoj izbornoj komisiji BiH dana 21. 09. 2021. godine.

Također, uvidom u Završni račun za 2020. godinu koji je Hrvatska stranka Bosne i Hercegovine dostavila Centralnoj izbornoj komisiji BiH dana 04. 04. 2022. godine, utvrđeno je da je stranka Završni račun za 2020. godinu podnijela Finansijsko-

informatičkoj agenciji – FIA, tek 31. 03. 2022. godine, iako je u skladu sa računovodstvenim propisima bila obavezna podnijeti do 28. 02. 2021. godine.

Ovim je utvrđeno da Hrvatska stranka Bosne i Hercegovine godišnji finansijski izvještaj Centralnoj izbornoj komisiji BiH nije podnijela u zakonom propisanom roku, te da nije Završni račun za 2020. godinu podnijela u skladu sa računovodstvenim propisima, čime je prekršila odredbe člana 11. stav (1) i člana 12. stav (4) Zakona o finansiranju političkih stranaka.

(2) Hrvatska stranka Bosne i Hercegovine je u godišnjem finansijskom izvještaju prijavila prihode u iznosu od 15.461,14 KM, dok je u poslovnim knjigama, odnosno Bilansu uspjeha evidentirala prihode u iznosu od 27.361,00 KM, što je za 11.899,86 KM više od iznosa u godišnjem finansijskom izvještaju, podnesenom Centralnij izbornoj komisiji BiH.

- Pregledom godišnjeg finansijskog izvještaja, poslovnih knjiga i druge dokumentacije, utvrđeno je da stranka u izvještaju nije prijavila prihode po osnovi otpisa obaveza iz ranijih godina prema dobavljačima, u iznosu od 6.166,44 KM. U skladu sa odredbama člana 13. i 18. Pravilnika navedene prihode je bila dužna prijaviti na obrascu 3-e godišnjeg finansijskog izvještaja (nenovčane donacije i računi koje politička stranka nije imala obavezu da plati).
- Odlukom o otpisu obaveza obuhvaćen je i otpis obaveza stranke prema nižim organizacionim dijelovima u iznosu od 5.733,72 KM, što je Hrvatska stranka Bosne i Hercegovine u poslovnim knjigama evidentirala kao prihod u navedenom iznosu. U skladu sa odredbama člana 12. stav (1) i (4) Zakona o finansiranju političkih stranaka i člana 13. stav (5) Pravilnika, novčana sredstva koja jedan organizacioni dio prenosi drugom organizacionom dijelu unutar političke stranke ne smatra se prihodom.

(3) Stranka u poslovnim knjigama i godišnjem finansijskom izvještaju nije iskazala tačne podatke o svojim rashodima, čime je prekršila odredbe člana 21. i 22. Pravilnika.

- Hrvatska stranka Bosne i Hercegovine je u godišnjem finansijskom izvještaju prijavila troškove u iznosu od 43.672,17 KM, dok je u poslovnim knjigama i Bilansu uspjeha troškove evidentirala u iznosu od 92.316,00 KM, što je za 48.643,83 KM više od iznosa prijavljenog u godišnjem finansijskom izvještaju podnesenom Centralnij izbornoj komisiji BiH.
- Uvidom u poslovne knjige utvrđeno je da je politička stranka u skladu sa prethodno spomenutom odlukom izvršila otpis svojih potraživanja u iznosu od 2.250,00 KM, potraživanja za isplaćene akontacije za materijalne troškove u iznosu od 2.834,64 KM, otpis potraživanja od nižih organizacionih dijelova stranke u iznosu od 21.267,80 KM i isknjiženje stalnih sredstava u iznosu od 22.464,24 KM, što je u poslovnim knjigama evidentirala kao troškove u navedenim iznosima.

U skladu sa odredbama člana 21. i 22. Pravilnika politička stranka je bila obavezna da troškove koje je ostvarila otpisom potraživanja od kupaca u iznosu od 2.250,00 KM i otpisom potraživanja za isplaćene akontacije za materijalne troškove u iznosu od 2.834,64 KM, prijavi u finansijskom izvještaju, s tim što je na otpisane akontacije date fizičkim licima bila obavezna obračunati i upaliti porez i doprinose u skladu sa poreznim propisima.

Također, bila je obavezna da u finansijskom izvještaju prijavi troškove koji su nastali otpisom i isknjiženjem stalnih sredstava.

U skladu sa odredbama člana 12. stav (1) i (4) Zakona o finansiranju političkih stranaka i odredbama člana 21. stav (4) Pravilnika, novčana sredstva koja jedan organizacioni dio prenosi drugom organizacionom dijelu unutar političke stranke ne smatra se rashodom.

- Hrvatska stranka Bosne i Hercegovine je u godišnjem finansijskom izvještaju iskazala troškove takse za ovjeru učešća na Lokalnim izborima 2020. godine u iznosu od 3.500,00 KM, iako je Odlukom Centralne izborne komisije Bosne i Hercegovine, broj: 06-1-07-3-163/21 od 25. 02. 2021. godine, stranka ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 200,00 KM tako da je ostvarila troškove takse u iznosu od 3.300,00 KM.

- (4) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovi kojih je politička stranka evidentirala i platila troškove propagande, ne predstavljaju ispravne i vjerodostojne knjigovodstvene isprave.

Uvidom u račune pravnih lica: "Outdoor" d. o. o. Kiseljak, broj: 0059-20 od 22. 10. 2020. godine u iznosu od 1.326,78 KM, "Print-GS" d. o. o. Travnik, broj: 000676 od 15. 10. 2020. godine u iznosu od 625,95 KM i broj: 000705 od 27. 10. 2020. godine u iznosu od 175,50 KM i "Marić-Žepče" d. o. o. Žepče, broj: Ž/05-0071/20/1 od 28. 10. 2020. godine, u iznosu od 780,00 KM, utvrđeno je da spomenute računi nisu potpisali korisnici usluga, niti je potvrđen prijem promotivnog materijala.

- (5) U godišnjem finansijskom izvještaju stranka je u obrascu 5 (obaveze) iskazala obaveze u ukupnom iznosu od 1.825,61 KM, što ne odgovara podacima iz poslovnih knjiga. Naime, u poslovnim knjigama i Završnom računu za 2020. godinu stranka je iskazala kratkoročne obaveze u iznosu od 1.857,05 KM.

- d) Hrvatska stranka Bosne i Hercegovine bila je obavezna da otvori poseban transakcijski račun za finansiranje izborne kampanje. Stranka je za učešće na Lokalnim izborima 2020. godine prijavila redovni transakcijski račun, broj: 1549212000733150 otvoren kod Intesa Sanpaolo banke.

Taksu za ovjeru učešća na Lokalnim izborima 2020. godine Hrvatska stranka Bosne i Hercegovine je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa redovnog transakcijskog računa, kao i sve troškove izborne kampanje.

Troškovi izborne kampanje

Prema odredbama člana 15.10 Izbornog zakona BiH Hrvatska stranka Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 75.838,05 KM.

Hrvatska stranka Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu 15.703,50 KM.

22. UNIJA SOCIJALDEMOKRATA BH (Kod 1989)

Prema podacima iz godišnjeg finansijskog izvještaja Unija socijaldemokrata BH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	19.264,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	19.264,00	100,00
II	Ostali prihodi i drugo	0,00	0,00
	Izvori finansiranja (I+II)	19.264,00	100,00

Pregledom godišnjeg finansijskog izvještaja za 2020. godinu utvrđeno je da je Unija socijaldemokrata BH prekršila odredbe člana 4. stav (1), člana 11. stav (1) i člana 12. stav (4) i stav (5) Zakona o finansiranju političkih stranaka.

- a) U godišnjem finansijskom izvještaju za 2020. godinu Unija socijaldemokrata BH je iskazala ukupne rashode u iznosu od 39.759,48 KM.

Uvidom u raspoloživu dokumentaciju utvrđeno je da stranka Program utroška sredstava za 2020. godinu nije dostavila uz godišnji finansijski izvještaj za 2019. godinu, a što je bila obavezna. Unija socijaldemokrata BH je Centralnoj izornoj komisiji Bosne i Hercegovine dostavila Program utroška sredstava za 2020. godinu uz godišnji finansijski izvještaj za 2020. godinu dana 30. 03. 2021. godine.

S obzirom na to da Unija socijaldemokrata BH nije dostavila program utroška sredstava za 2020. godinu neposredno nakon njegovog usvajanja, smatramo da je finansijska sredstva utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja utvrđeno je da Unija socijaldemokrata BH nije vodila potpune i pravilne evidencije o prihodima i rashodima, godišnji finansijski izvještaj za 2020. godinu nije podnijela na način propisan odredbama Pravilnika i nije dostavila kompletnu dodatnu

dokumentaciju, čime je prekršila odredbe člana 11. stav (1) i člana 12. stav (4) i stav (5) Zakona o finansiranju političkih stranaka.

- (1) Stranka nije dostavila Centralnoj izbornoj komisiji BiH odštampan obrazac 1.1 godišnjeg finansijskog izvještaja (teritorijalna organizacija) ovjeren potpisom ovlaštenog lica i pečatom političke stranke, što je suprotno odredbama člana 3. stav (1) Pravilnika.
- (2) U godišnjem finansijskom izvještaju stranka je iskazala nenovčanu donaciju po osnovi besplatnog korištenja poslovnog prostora u vlasništvu Općine Novi Grad Sarajevo u iznosu od 0,00 KM. Stranka je imala obavezu da procijeni vrijednost nenovčane donacije, te da je evidentira u poslovnim knjigama i iskaže u godišnjem finansijskom izvještaju za 2020. godinu. S obzirom na to da nije iskazala stvarnu vrijednost nenovčane donacije, stranka je ukupne prihode iskazala u manjem iznosu u odnosu na ostvarene, čime su prekršene odredbe člana 13. i 18. Pravilnika.

Unija socijaldemokrata BH u godišnjem finansijskom izvještaju nije iskazala ni troškove zakupnine poslovnog prostora, čime je prekršila odredbe člana 21. i 22. Pravilnika.

- (3) Politička stranka nije u obrascu 3-f (prihodi iz budžeta) iskazala tačne podatke o prihodima iz budžeta čime je prekršila odredbe člana 13. i 19. Pravilnika.

Unija socijaldemokrata BH je u obrascu 3-f iskazala da je ostvarila prihode iz budžeta Općine Novi Grad Sarajevo u ukupnom iznosu od 19.074,33 KM. Kontrolom izvoda sa transakcijskog računa utvrđeno je da je stranka ostvarila prihode iz budžeta ove općine u iznosu od 19.052,40 KM, dok se razlika u iznosu 21,93 KM odnosi na povrat pogrešne uplate, što ne predstavlja prihod.

- (4) Pregledom finansijskog izvještaja utvrđeno je da stranka nije u obrascu 5 (obaveze) iskazala tačne podatke o svojim obavezama na dan 31. 12. 2020. godine, čime je prekršila odredbe člana 24. Pravilnika.

Politička stranka je u obrascu 5.2 (ostale obaveze) godišnjeg finansijskog izvještaja za 2020. godinu iskazala obaveze po osnovi poreza na ugovore o djelu u iznosu od 16,74 KM.

Uvidom u bruto bilans na dan 31. 12. 2020. godine utvrđeno je da su obaveze političke stranke iznosile ukupno 58,50 KM, od čega obaveze prema dobavljačima 42,06 KM, a obaveze po osnovi poreza na ugovore o djelu 16,74 KM.

- (5) Dana 20. 10. 2021. godine Centralna izborna komisija Bosne i Hercegovine je Uniji socijaldemokrata BH uputila Zahtjev za dostavljanje dodatne dokumentacije za 2020. godinu kojom je od stranke traženo da dostavi: Bruto bilans stranke na dan 31. 12. 2020. godine, glavnu knjigu sa kompletnim analitičkim evidencijama za period 01. 01. – 31. 12. 2020. godine, dokumentaciju o korištenju poslovnih prostora u 2020. godini, dokumentaciju za troškove ostalih zakupnina i kopije izvoda sa transakcijskih računa broj 1994990031155931 i 19949900499622112 kod Sparkasse Bank za period 01. 01. – 31. 12. 2020. godine.

Politička stranka nije postupila u skladu sa zahtjevom Centralne izborne komisije Bosne i Hercegovine, odnosno umjesto glavne knjige sa kompletnim analitičkim evidencijama,

dostavila je dnevnik naloga knjiženja, čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Unija socijaldemokrata BH je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 321.753,30 KM.

Politička stranka Unija socijaldemokrata BH je u postizbornom finansijskom izvještaju za Lokalne izbore 2020. godine iskazala troškove izborne kampanje u iznosu od 20.900,60 KM.

23. BOSS-BOSANSKA STRANKA-MIRNES AJANOVIĆ (Kod 036)

Prema podacima iz godišnjeg finansijskog izvještaja BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	143.307,94	100,00
8.	Prihodi od propagande (3-g)	0,00	0,00
I	Ukupni prihodi (1-8)	143.307,94	100,00
II	Ostali prihodi i drugo	0,00	0,00
	Izvori finansiranja (I+II)	143.307,94	100,00

Pregledom godišnjeg finansijskog izvještaja za 2020. godinu utvrđeno je da je BOSS-Bosanska stranka-Mirnes Ajanović prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) BOSS-Bosanska stranka-Mirnes Ajanović je finansijska sredstva u iznosu od 13.093,81 KM utrošila mimo utvrđenog Programa utroška finansijskih sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

U godišnjem finansijskom izvještaju za 2020. godinu BOSS-Bosanska stranka-Mirnes Ajanović iskazala je ukupne rashode u iznosu od 150.301,73 KM.

Uvidom u Program utroška sredstava za 2020. godinu, koji je stranka dostavila uz godišnji finansijski izvještaj za 2019. godinu, utvrđeno je da je stranka planirala ukupne rashode u iznosu od 155.800,00 KM i sredstva za nabavku osnovnih sredstava u iznosu od 3.000,00 KM, odnosno ukupno 158.800,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog programa utroška sredstava za 2020. godinu, kako slijedi:

U godišnjem finansijskom izvještaju stranka je iskazala troškove zakupnine vozila u iznosu od 60.800,00 KM, što je za 5.800,00 KM više u odnosu na planirana sredstva. U Programu utroška sredstava za 2020. godinu stranka je troškove zakupa vozila planirala u iznosu od 55.000,00 KM.;

Stranka je planirane troškove zakupnine poslovnih prostora prekoračila za 374,32 KM, troškove kancelarijskog materijala za 1.197,08 KM, troškove platnog prometa za 161,40 KM, troškove otpisa sitnog inventara za 549,20 KM, troškove ostalog potrošnog materijala za 2.255,98 KM, humanitarne rashode za 1.903,38 KM, dok je troškove održavanja osnovnih sredstava prekoračila za 852,45 KM.

Stranka je u Programu utroška sredstava za 2020. godinu troškove zakupnine poslovnih prostora planirala u iznosu od 3.100,00 KM, dok ih je ostvarila u iznosu od 3.474,32 KM. U programu utroška sredstava troškovi kancelarijskog materijala planirani su u iznosu od 3.000,00 KM, a u godišnjem finansijskom izvještaju su iskazani u iznosu od 4.197,08 KM. Troškove platnog prometa stranka je planirala u iznosu od 1.300,00 KM, a ostvarila ih je u iznosu od 1.461,40 KM. Stranka je otpis sitnog inventara planirala u iznosu od 500,00 KM, a u godišnjem finansijskom izvještaju troškove otpisanog inventara je iskazala u iznosu od 949,20 KM. U poslovnim knjigama stranka je evidentirala troškove ostalog potrošnog materijala u iznosu od 3.255,98 KM, dok je ove troškove planirala u iznosu od 1.000,00 KM. Stranka je u godišnjem finansijskom izvještaju iskazala humanitarne rashode u iznosu od 6.903,38 KM, a troškove održavanja osnovnih sredstava u iznosu od 1.852,45 KM. Programom utroška sredstava stranka je humanitarne rashode planirala u iznosu od 5.000,00 KM, dok je troškove održavanja osnovnih sredstava planirala u iznosu od 1.000,00 KM.

Napominjemo da je stranka Centralnoj izbornoj komisiji Bosne i Hercegovine dana 26. 01. 2022. godine dostavila Rebalans utroška sredstava za 2020. godinu. Stranka, međutim, Rebalans utroška sredstava za 2020. godinu nije dostavila Centralnoj izbornoj komisiji Bosne i Hercegovine u 2020. godini, odnosno neposredno nakon njegovog donošenja, te nije uzet u razmatranje.

- b) Na osnovi pregleda godišnjeg finansijskog izvještaja utvrđeno je da BOSS-Bosanska stranka-Mirnes Ajanović nije uspostavila pravilne evidencije o svojim rashodima, čime je prekršila računovodstvene propise i odredbe člana 11. stav (1) i člana 12. stav (1) Zakona o finansiranju političkih stranaka. Stranka nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.
- (1) U obrascu 1-1 (teritorijalna organizacija političke stranke) godišnjeg finansijskog izvještaja stranka je u iskazala dva organizaciona odbora, Glavni odbor i Regionalni odbor u Sarajevu.

Kontrolom izvoda sa transakcijskih računa i uvidom u obrazac 3-f (prihodi iz budžeta) godišnjeg finansijskog izvještaja utvrđeno je da se stranka, pored sredstava iz budžeta Kantona Sarajevo i Grada Tuzla, finansirala i sredstvima iz budžeta gradova i općina Sarajevo, Živinice, Gračanica, Travnik i Novi Grad Sarajevo. Također je utvrđeno da je stranka u toku 2020. godine koristila prostorije u Gračanici, te da je imala sklopljene ugovore o djelu sa fizičkim licima za obavljanje administrativno-tehničkih poslova i rada na terenu sa članovima stranke u općinama Novi Grad Sarajevo, Centar Sarajevo, Vogošća, Ilijaš i Travnik.

Pored navedenog, utvrđeno je da su u toku predizborne kampanje sljedeći odbori stranke ostvarili troškove kampanje: Gračanica, Živinice, Tuzla, Novo Sarajevo, Novi Grad Sarajevo, Travnik i Regionalni odbor.

Gore navedeno ukazuje da stranka u godišnjem finansijskom izvještaju nije prijavila sve organizacione odbore stranke, čime je prekršila odredbe člana 10. Pravilnika.

- (2) BOSS-Bosanska stranka-Mirnes Ajanović nije u obrascu 3-f (prihodi iz budžeta) godišnjeg finansijskog izvještaja pravilno iskazala podatke o prihodima iz budžeta Grada Tuzla i Kantona Sarajevo, čime je prekršila odredbe člana 19. Pravilnika.

U obrascu 3-f stranka je iskazala prihode iz budžeta Grada Tuzla u iznosu od 42.228,33 KM i prihode iz budžeta Kantona Sarajevo u iznosu od 38.508,84 KM. Kontrolom izvoda sa transakcijskog računa broj: 1321000309650974 kod NLB Banke, utvrđeno je da je stranka ostvarila prihode iz budžeta Grada Tuzla u iznosu od 36.712,11 KM i prihode iz budžeta Kantona Sarajevo u iznosu od 44.025,06 KM

- (3) Stranka nije uspostavila evidencije o rashodima u skladu računovodstvenim propisima i kontnim planom, te je sve troškove iskazala na obrascima 4.1 (režijsko-administrativni i ostali troškovi) i 4.2 (troškovi propagande) Glavnog odbora i Regionalnog odbora, čime je prekršila odredbe člana 7. stav (2), 22. i 23. Pravilnika.

- Stranka je u godišnjem finansijskom izvještaju, u obrascu 4.1. Glavnog odbora iskazala i troškove zakupa poslovnog prostora koji je koristila u Gračanici, te troškove zakupa prostora za postavljanje banera u predizbornoj kampanji.

Naime, stranka je u obrascu 4.1 Glavnog odbora iskazala troškove zakupa poslovnog prostora u ukupnom iznosu od 3.474,32 KM.

Uvidom u ugovore o zakupu utvrđeno je da su troškovi zakupa poslovnog prostora koji je koristila Centrala stranke u Tuzli iznosili 2.074,32 KM, dok su troškovi zakupa poslovnog prostora koji je stranka koristila u Gračanici iznosili 1.200,00 KM.

Kontrolom prometa izvoda sa transakcijskog računa koji je stranka koristila za izbornu kampanju utvrđeno je da je stranka fizičkom licu Ivici Marjanoviću platila zakup prostora za postavljanje banera u predizbornoj kampanji u iznosu od 200,00 KM, te je troškove u istom iznosu iskazala kao troškove zakupnine poslovnih prostorija Glavnog odbora stranke.

Stranka je troškove zakupnine za postavljanje banera u predizbornoj kampanji trebala iskazati u obrascu 4.2 godišnjeg finansijskog izvještaja.

- Služba za reviziju je utvrdila da stranka u obrascu 4.2 nije iskazala troškove kampanje za svaki organizacioni dio pojedinačno.

Kontrolom troškova izborne kampanje koji su iskazani u obrascu 4.2 godišnjeg finansijskog izvještaja utvrđeno je da je stranka sve troškove kampanje iskazala kao troškove Glavnog odbora i Regionalnog odbora.

Uvidom u račune i evidencije iz poslovnih knjiga utvrđeno je da su odbori stranke Gračanica, Živinice, Tuzla, Novo Sarajevo, Novi Grad Sarajevo, Travnik i Regionalni odbor ostvarili troškove kampanje, te da stranka ima evidencije za svaki organizacioni dio pojedinačno.

Stranka je imala obavezu da troškove izborne kampanje iskaže po organizacionim odborima.

- Stranka je u poslovnim knjigama troškove ugovora o djelu u ukupnom iznosu od 28.052,12 KM iskazala na kontu 401300–*troškovi vođenja administrativno-tehničkih poslova*.

Iako je sklopila ugovore o djelu sa fizičkim licima za obavljanje administrativno-tehničkih poslova i rada na terenu sa članovima stranke općinskih odbora BOSS Novi grad Sarajevo, Centar Sarajevo, Vogošća i Ilijaš, te odbora u Tuzli i Travniku, stranka je troškove ugovora o djelu evidentirala na analitičkoj kartici konta 401300–*troškovi vođenja administrativno-tehničkih poslova* na nivou političke stranke, te ih je iskazala u obrascima 4.1 Glavnog odbora i Regionalnog odbora u Sarajevu.

Stranka je u poslovnim knjigama troškove ugovora o djelu trebala evidentirati u skladu sa kontnim planom i uspostaviti evidencije troškova po organizacionim dijelovima stranke.

- (4) U obrascu 5 (obaveze političke stranke) BOSS-Bosanska stranka-Mirnes Ajanović iskazala je ukupne obaveze u iznosu od 1.679,13 KM.

Uvidom u bruto bilans i Završni račun stranke za 2020. godinu utvrđeno je da su ukupne obaveze stranke na dan 31. 12. 2020. godine iznosile 3.385,66 KM, od čega: dugoročne obaveze 1.706,53 KM, obaveze prema dobavljačima 1.402,20 KM i obaveze po osnovi poreza i doprinosa 276,93 KM.

S obzirom na to da stranka u godišnjem finansijskom izvještaju nije iskazala sve obaveze koje je imala na dan 31. 12. 2020. godine prekršila je odredbe 24. Pravilnika.

- c) Bez kvalifikovanja revizijskog mišljenja skrećemo pažnju na visinu troškova zakupa motornih vozila.

Uvidom u poslovne knjige i dokumentaciju utvrđeno je da je BOSS-Bosanska stranka-Mirnes Ajanović uzela pod zakup putnička motorna vozila, te je po osnovi korištenja vozila evidentirala troškove u ukupnom iznosu od 60.800,00 KM, što čini 43 % od ukupnih rashoda stranke.

1. U obrascu 4.1 godišnjeg finansijskog izvještaja Regionalnog odbora Sarajevo-Goražde iskazani su troškovi zakupnine vozila u ukupnom iznosu od 40.800,00 KM.

- Uvidom u Ugovor o zakupu putničkog motornog vozila utvrđeno je da je stranka iznajmila putničko motorno vozilo od Smajić Rasima na period 01. 01. – 31. 12. 2020, godine, uz mjesečnu zakupninu od 1.700,00 KM, te mu je u 2020. godini isplatila ukupno 20.400,00 KM.
- Stranka je sa Pleho Harisom zaključila Ugovor o zakupu putničkog motornog vozila na period 01. 01. – 31. 12. 2020, godine i uz mjesečnu zakupninu od 1.700,00 KM, te je i ovom fizičkom licu u toku 2020. godine isplatila sredstva u iznosu od 20.400,00 KM.

2. BOSS-Bosanska stranka-Mirnes Ajanović je u obrascu 4.1 Glavnog odbora iskazala troškove zakupnine vozila u ukupnom iznosu od 20.000,00 KM.

- Uvidom u Ugovor o zakupu putničkog motornog vozila koji je stranka zaključila sa Zonić Nedžadom, utvrđeno je da je mjesečna zakupnina vozila iznosila 1.000,00 KM. Stranka je u toku 2020. godine ovom fizičkom licu po osnovi zakupa putničkog motornog vozila isplatila ukupno 12.000,00 KM.

- Stranka je sa Dedić Muamerom zaključila Ugovor o zakupu putničkog motornog vozila na period od dvanaest mjeseci uz mjesečnu zakupninu od 1.000,00 KM, te je ovom fizičkom licu u toku 2020. godine isplatila sredstva u ukupnom iznosu od 8.000,00 KM.

Troškovi izborne kampanje

Prema odredbama člana 15.10 Izbornog zakona BiH BOSS-Bosanska stranka-Mirnes Ajanović je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 350.831,85 KM, a u svrhu izborne kampanje za Lokalne izbore u Mostaru 2020. godine mogla je da potroši sredstva u iznosu od 30.259,20 KM.

BOSS-Bosanska stranka-Mirnes Ajanović u godišnjem finansijskom izvještaju za 2020. godinu iskazala je troškove propagande u iznosu od 10.429,56 KM.

24. TUZLANSKA ALTERNATIVA (Kod 1882)

Prema podacima iz godišnjeg finansijskog izvještaja za 2020. godinu Tuzlanska alternativa se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	10.635,31	14,97
2.	Prilozi fizičkih lica (3-a)	400,00	0,56
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	49.598,47	69,83
8.	Prihodi od propagande (3-g)	0,00	0,00
I	Ukupni prihodi (1-8)	60.633,78	85,36
II	Ostali prihodi i drugo	10.392,94	14,64
	Izvori finansiranja (I+II)	71.026,72	100,00

Pregledom godišnjeg finansijskog izvještaja za 2020. godinu utvrđeno je da je Tuzlanska alternativa prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka i odredbe člana 15.10 Izbornog zakona Bosne i Hercegovine.

- a) Tuzlanska alternativa je dio finansijskih sredstava trošila mimo svog plana utroška sredstava, dok za utrošak dijela finansijskih sredstava nema relevantne dokaze da je sredstva utrošila isključivo za ostvarivanje ciljeva utvrđenih svojim programom i statutom.

- (1) U godišnjem finansijskom izvještaju za 2020. godinu Tuzlanska alternativa je iskazala ukupne rashode u iznosu od 106.427,47 KM.

Uvidom u Rebalans okvirnog finansijskog plana za 2020. godinu koji je dostavila Tuzlanska alternativa, utvrđeno je da je stranka predvidjela ukupne troškove u iznosu od 101.350,00 KM.

U postupku kontrole Rebalansa okvirnog finansijskog plana utvrđene su njegove manjkavosti, tj. sačinjen je na način da ne osigurava dovoljnu transparentnost utrošenih sredstava, kao i njegovu uporedbu sa ostvarenim troškovima.

Tako je stranka planirala sredstva za troškove usluga, a kontrolom bruto bilansa utvrđeno je da se ova planirana stavka sastoji iz 16 različitih vrsta usluga. Stranka je imala obavezu planirati usluge po vrsti, naprimjer bankarske usluge, telefonske usluge, knjigovodstvene usluge i slično.

Analizom Rebalansa okvirnog finansijskog plana za 2020. godinu, Služba za reviziju je utvrdila da je stranka finansijska sredstva u iznosu od 29.711,72 KM utrošila mimo utvrđenog programa utroška sredstava i to:

- Stranka je prekoračila planirane troškove u ukupnom iznosu od 23.352,25 KM i to: troškove bruto plaća zaposlenih u iznosu od 1.832,04 KM, humanitarne rashode u iznosu od 18.101,55 KM, ostale rashode u iznosu od 3.123,24 KM i troškove zakupa u iznosu od 295,42 KM.
- U planu utroška sredstava stranka nije predvidjela sljedeće troškove: troškove knjigovodstvenih usluga, troškove prevoza, troškove platnog prometa, troškove poštarine i interneta, troškove telefona, troškove goriva i maziva i troškove taksi, novčanih kazni i sl.

Stranka je u 2020. godini navedene troškove ostvarila u ukupnom iznosu od 6.359,47 KM, i to: troškove knjigovodstvenih usluga u iznosu od 1.855,00 KM, troškove prevoza u iznosu od 748,50 KM, troškove platnog prometa u iznosu od 667,00 KM, troškove poštarine i interneta u iznosu od 40,35 KM, troškove telefona u iznosu od 1.329,45 KM, troškove goriva i maziva u iznosu od 711,17 KM i troškove taksi, novčanih kazni i sl. u iznosu od 1.008,00 KM.

- (2) Uvidom u dokumentaciju o humanitarnim rashodima utvrđeno je da je stranka utrošila sredstva u iznosu od 40.101,55 KM.

Uzimajući u obzir činjenicu da su ukupni prihodi stranke u 2020. godini iznosili 71.026,72 KM, od čega su prihodi iz budžeta 49.598,47 KM, stranka je na humanitarne rashode utrošila 56,46 % ukupnog prihoda, odnosno 80,85 % budžetskih sredstava.

Analizom dostavljene dokumentacije utvrđeno je da je stranka donirala sredstva u iznosu od 19.330,10 KM za radove na infrastrukturi i 12.184,10 KM za kupovinu paketa za pomoć socijalno ugroženom stanovništvu, odnosno ukupno 31.514,20 KM. Od navedenog iznosa, za novčana sredstva utrošena u iznosu od 29.953,20 KM stranka je dostavila račune iz kojih nije moguće utvrditi da li su finansijska sredstva stranke utrošena isključivo za ostvarivanje ciljeva utvrđenih programom i statutom stranke, dok za sredstva isplaćena u iznosu od 1.561,00 KM stranka nema račune.

Iako se u aktima o isplati navodi da se dio gore navedenih sredstava isplaćuje za finansiranje kampanje, u postupku pregleda godišnjeg finansijskog izvještaja i dodatne dokumentacije nije bilo moguće potvrditi da su sredstva utrošena u svrhu kampanje.

- b) Tuzlanska alternativa nije uspostavila potpune i tačne evidencije o svojim rashodima, dio evidencija sačinjen je bez relevantnih knjigovodstvenih isprava ili na osnovi nevjerodostojnih isprava, te obrasce godišnjeg finansijskog izvještaja nije popunila u

skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Uvidom u poslovne knjige i dodatnu dokumentaciju utvrđeno je da je stranka evidentirala poslovne promjene nastale isplatom novčanih sredstava fizičkim licima u svrhu humanitarnih rashoda bez vjerodostojnih knjigovodstvenih isprava u iznosu od 1.561,00 KM. Navedene isplate stranka je evidentirala po osnovi odluka i naloga za isplatu, bez računa.

Pored navedenog, pregledom dokumentacije za neke od troškova utvrđeno je da je stranka izvršila plaćanja pojedinih troškova, a bez računa u prilogu u ukupnom iznosu od 453,77 KM.

- (2) Stranka je u godišnjem finansijskom izvještaju iskazala promet ostvaren putem dvije blagajne u jednom iznosu kao promet blagajne Gradske organizacije, čime je prekršila odredbe člana 12. Pravilnika.

Stranka u obrascu 2.1 finansijskog izvještaja (Pregled stanja blagajne) je iskazala promet blagajne Gradske organizacije i to: saldo na dan 01. 01. 2020. godine u iznosu od 155,16 KM, ukupan promet ulaza u iznosu od 23.098,00 KM, ukupan promet izlaza u iznosu od 22.864,42 KM i saldo na dan 31. 12. 2020. godine u iznosu od 388,74 KM.

Uvidom u poslovne knjige utvrđeno je da je stranka u poslovnim knjigama evidentirala promet blagajne na dvije analitičke kartice i to: novac u blagajni sa sljedećim prometom: saldo na dan 01. 01. 2020. godine u iznosu od 155,16 KM, ukupan promet ulaza u iznosu od 9.700,00 KM, ukupan promet izlaza u iznosu od 9.466,42 KM i saldo na dan 31. 12. 2020. godine u iznosu od 388,74 KM i novac u blagajni podračuna sa sljedećim prometom: saldo na dan 01. 01. 2020. godine u iznosu od 0,00 KM, ukupan promet ulaza u iznosu od 13.398,00 KM, ukupan promet izlaza u iznosu od 13.398,00 KM i saldo na dan 31. 12. 2020. godine u iznosu od 0,00 KM.

Imajući u vidu činjenicu da je stranka u poslovnim knjigama uspostavila odvojene evidencije, imala JE obavezu iskazati odvojen promet blagajne i blagajne podračuna u finansijskom izvještaju, kako je i evidentirala u poslovnim knjigama.

- (3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi kampanje), čime je prekršila odredbe člana 21., 22. i 23. Pravilnika.

- Kontrolom troškova kampanje utvrđeno je da je stranka troškove kampanje iskazala u manjem iznosu za 20.879,77 KM u odnosu na ostvarene.

Stranka je u godišnjem finansijskom izvještaju iskazala troškove kampanje u iznosu od 29.347,91 KM.

Uvidom u dokumentaciju troškova kampanje utvrđeno je da je stranka u 2020. godini isplatila naknade posmatračima u ukupnom iznosu od 13.398,00 KM i iskazala ih je u okviru troškova kampanje. S obzirom na to da navedeni troškovi ne predstavljaju troškove kampanje, stranka ih je imala obavezu iskazati u obrascu 4.1.

Pored toga, stranka je u godišnjem finansijskom izvještaju za 2019. godini iskazala troškove reklame i propagande u iznosu od 31.941,00 KM i evidentirala ih je u poslovnim knjigama u 2019. godini.

S obzirom na to da je tada utvrđeno, da su računi unaprijed plaćeni te da se odnose na predizbornu kampanju za Lokalne izbore 2020. godine, stranka je navedene troškove u

iznosu od 31.941,00 KM imala obavezu iskazati na obrascu 4.2 (troškovi kampanje) u godišnjem finansijskom izvještaju za 2020. godinu.

Također, troškove nastale za organizaciju izleta u iznosu od 2.336,77 KM stranka je iskazala u obrascu 4.1, a iste je imala obavezu iskazati u okviru troškova kampanje u obrascu 4.2.

Na osnovi navedenog utvrđeno je da su troškovi kampanje iznosili 50.227,68 KM, a ne 29.347,91 KM, kao što je politička stranka prijavila u finansijskom izvještaju.

- Stranka je u 2020. godini isplatila i u poslovnim knjigama evidentirala isplate dnevnica posmatračima u iznosu od 13.398,00 KM, u okviru humanitarnih rashoda fizičkim licima je isplatila sredstva u iznosu od 15.678,02 KM i u okviru troškova koji se odnose na organizaciju izleta fizičkim licima je isplatila sredstva u iznosu od 600,00 KM, a na iste nije obračunala poreze i doprinose.

S obzirom na to da je riječ o isplatama dnevnica fizičkim licima koja nisu zaposlena u stranci, odnosno isplatama koja imaju karakter ličnih primanja, stranka je bila obavezna izvršiti obračun poreza i doprinosa na isplaćena sredstva u ukupnom iznosu od 29.676,02 KM i evidentirati ih u svojim poslovnim knjigama.

- Uvidom u ugovore o zakupu i evidencije troškova zakupa u poslovnim knjigama utvrđeno je da je stranka iskazala i u poslovnim knjigama evidentirala troškove zakupa u većem iznosu za 431,34 KM.

- c) Stranka nije platila taksu i troškove izborne kampanje putem transakcijskog računa koji je otvorila za finansiranje izborne kampanje.

Stranka je u prijavi za učešće na izborima prijavila redovni transakcijski račun stranke kao transakcijski račun za posebne namjene.

Taksu za ovjeru za učešće na Lokalnim izborima održanim u novembru 2020. godine politička stranka je, suprotno odredbama Pravilnika o prijavi i uvjetima za ovjeru političkih subjekata za učešće na Lokalnim izborima 2020. godine, uplatila sa redovnog transakcijskog računa, putem koga je vršila transakcije prije uplate takse.

Također, dio troškova kampanje u iznosu od 36.611,00 KM stranka je platila sa redovnog transakcijskog računa.

Sa namjenskog računa za finansiranje izborne kampanje, koji je otvorila u novembru 2020. godine, stranka je platila dio troškova kampanje u iznosu od 6.757,52 KM i izvršila je prenos sredstava u blagajnu za isplate dnevnica posmatračima u iznosu od 13.398,00 KM, a koji ne predstavljaju troškove kampanje.

Troškovi izborne kampanje

Tuzlanska alternativa prekršila je odredbe člana 15.10 Izbornog zakona Bosne i Hercegovine, odnosno u svrhu izborne kampanje potrošila je 50.227,68 KM, što je za 16.545,48 KM više u odnosu na zakonom dozvoljeni limit.

Prema podacima Centralne izborne komisije BiH Tuzlanska alternativa je u svrhu izborne kampanje za Lokalne izbore 2020. godine mogla potrošiti sredstva u iznosu od 33.682,20 KM.

25. HRVATSKA SELJAČKA STRANKA STJEPANA RADIĆA (Kod 1270)

Prema podacima iz godišnjeg finansijskog izvještaja Hrvatska seljačka stranka Stjepana Radića se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	49.332,63	100,00
8.	Prihodi od propagande (3-g)	0,00	0,00
I	Ukupni prihodi (1-8)	49.332,63	100,00
II	Ostali prihodi i drugo	0,00	0,00
	Izvori finansiranja (I+II)	49.332,63	100,00

Pregledom godišnjeg finansijskog izvještaja za 2020. godinu utvrđeno je da je Hrvatska seljačka stranka Stjepana Radića prekršila odredbe člana 4. stav (1), člana 5. stav (4), člana 11. stav (1) i člana 12. Zakona o finansiranju političkih stranaka.

- a) Prema podacima iz poslovnih knjiga Hrvatska seljačka stranka Stjepana Radića je u 2020. godini ostvarila rashode u ukupnom iznosu od 54.810,03 KM, od čega se 2.708,95 KM odnosi na troškove amortizacije.

Stranka uz godišnji finansijski izvještaj za 2019. godinu nije Centralnoj izbornoj komisiji Bosne i Hercegovine dostavila program utroška sredstava za 2020. godinu.

Na osnovi navedenog, utvrđeno je da je Hrvatska seljačka stranka Stjepana Radića finansijska sredstva stranke utrošila bez programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja utvrđeno je da Hrvatska seljačka stranka Stjepana Radića nije u poslovnim knjigama vodila pravilne i potpune evidencije o prometu putem transakcijskih računa, rashodima i obavezama i nije popunila obrasce godišnjeg finansijskog izvještaja za 2020. godinu u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) U godišnjem finansijskom izvještaju na obrascu 2 (pregled prometa svih transakcijskih računa političke stranke) stranka nije iskazala tačne podatke o prometu ostvarenom putem transakcijskih računa, čime je prekršila odredbe člana 11. Pravilnika.

- U obrascu 2 stranka je iskazala sljedeće podatke za transakcijski račun broj: 3060262620469895 kod Addiko banke: početni saldo u iznosu od 17.599,13 KM, ukupan promet ulaza u iznosu od 45.332,63 KM, ukupan promet izlaza u iznosu od 54.636,02 KM i saldo na dan 31. 12. 2020. godine u iznosu od 8.295,74 KM.

Kontrolom izvoda sa transakcijskog računa stranke, utvrđeno je da je početni saldo iznosio 17.599,13 KM, ukupan promet ulaza 45.999,76 KM, ukupan promet izlaza 56.717,82 KM i saldo na dan 31. 12. 2020. godine u iznosu od 6.881,07 KM.

Podaci koje je stranka iskazala u poslovnim knjigama o početnom stanju i prometu putem transakcijskog računa ne odgovaraju podacima koje je stranka iskazala u obrascu 2, ali ni podacima o prometu koje je Služba za reviziju utvrdila kontrolom izvoda.

- Stranka je u obrascu 2 i u poslovnim knjigama iskazala transakcijski račun broj: 3060002939014222 kod Addiko banke sa sljedećim podacima: početni saldo u iznosu od 333,28 KM, ukupan promet ulaza u iznosu od 7.500,00 KM, ukupan promet izlaza u iznosu od 7.561,09 KM i saldo na dan 31. 12. 2020. godine u iznosu od 272,19 KM. Kontrolom izvoda sa ovog transakcijskog računa stranke utvrđeno je da je početni saldo iznosio 140,28 KM, ukupan promet ulaza 7.500,00 KM, ukupan promet izlaza 7.368,09 KM i saldo na dan 31. 12. 2020. godine 272,19 KM. Podaci koje je stranka iskazala u poslovnim knjigama o početnom stanju i prometu putem transakcijskog računa ne odgovaraju podacima o prometu koje je Služba za reviziju utvrdila kontrolom izvoda.

(2) Hrvatska seljačka stranka Stjepana Radića nije u godišnjem finansijskom izvještaju iskazala sve prihode, čime je prekršila odredbe člana 13, 18. i 19. Pravilnika.

- Podaci o prihodima iskazani u godišnjem finansijskom izvještaju ne odgovaraju podacima koje je stranka iskazala u poslovnim knjigama. Stranka je u godišnjem finansijskom izvještaju iskazala ukupne prihode u iznosu od 45.332,63 KM. U poslovnim knjigama stranka je evidentirala ukupne prihode u iznosu od 46.055,44 KM, od čega: prihode iz budžeta u iznosu od 45.999,76 KM i prihode iz ranijih godina u iznosu od 55,68 KM koji su nastali po osnovi otpisa obaveze prema pravnom licu Gudelj d. o. o. Vitez.

S obzirom na to da u godišnjem finansijskom izvještaju nije iskazala nenovčanu donaciju pravnog lica Gudelj d. o. o. Vitez u iznosu od 55,68 KM, stranka je prekršila odredbu člana 5. stav (4) Zakona o finansiranju političkih stranaka.

- U obrascu 3-f (prihodi iz budžeta) godišnjeg finansijskog izvještaja stranka je prihode iz budžeta sa različitih nivoa vlasti u 2020. godini iskazala kao prihode iz budžeta Općine Novi Travnik u iznosu od 45.999,76 KM.

Uvidom u izvode sa transakcijskog računa i poslovne knjige stranke utvrđeno je da je stranka u 2020. godini ostvarila prihode iz budžeta Srednjobosanskog kantona u iznosu od 23.163,15 KM i prihode iz sljedećih općina: Novi Travnik u iznosu od 7.200,00 KM, Travnik u iznosu od 6.805,56 KM, Gornji Vakuf-Uskoplje u iznosu od 1.680,00 KM, Vitez u iznosu od 4.963,20 KM, Dobretić u iznosu od 987,85 KM i Kiseljak u iznosu od 1.200,00 KM, odnosno ukupno 45.999,76 KM.

(3) Stranka nije u godišnjem finansijskom izvještaju iskazala sve rashode, čime je prekršila odredbe člana 21. i 22. Pravilnika.

- Podaci o rashodima koje je stranka iskazala u godišnjem finansijskom izvještaju ne odgovaraju podacima koje je stranka evidentirala u poslovnim knjigama.

Stranka je u godišnjem finansijskom izvještaju iskazala ukupne rashode u iznosu od 49.050,47 KM. Uvidom u poslovne knjige utvrđeno je da su ukupni rashodi stranke u 2020. godini iznosili 54.810,03 KM. Također je utvrđeno da stranka u godišnjem finansijskom izvještaju nije iskazala troškove održavanja transportnih troškova, troškove amortizacije, putne troškove i troškove poreza i doprinosa, koji su ukupno iznosili 4.560,95 KM, dok za pojedine vrste troškova nije iskazala tačne iznose troškova u obrascu 4.1 (režijsko-administrativni i ostali troškovi).

- Stranka je u poslovnim knjigama iskazala troškove zakupnine poslovnih prostorija u ukupnom iznosu od 20.800,00 KM, dok je u godišnjem finansijskom izvještaju iskazala troškove zakupnine u iznosu od 20.100,00 KM.

Kontrolom podataka iz ugovora o zakupu i podataka iz poslovnih knjiga utvrđeno je da je stranka troškove zakupnine poslovnih prostorija koje je koristila u Vitezu iskazala u manjem iznosu u odnosu na ostvarene za 700,00 KM.

- U toku 2020. godine politička stranka je ostvarila humanitarne rashode u iznosu od 7.070,00 KM, koje je isplatila fizičkim licima na osnovi zahtjeva za novčanu pomoć za liječenje, te jednokratnu pomoć za školovanje dva fizička lica u iznosu 800,00 KM.

S obzirom na to da su novčana sredstva isplaćena fizičkim licima, navedene isplate imaju karakter ličnih primanja, na koje je stranka imala obavezu da obračuna i plati porez na dohodak i doprinose u skladu sa poreskim propisima.

Stranka troškove i obaveze po osnovi poreza na dohodak i doprinosa na isplaćena novčana sredstva fizičkim licima nije evidentirala u poslovnim knjigama, niti iskazala u godišnjem finansijskom izvještaju.

- Uvidom u poslovne knjige utvrđeno je da je stranka isplatila sredstva u iznosu od 1.000,00 KM na ime putnih troškova fizičkom licu, koje nije zaposlenik političke stranke, a na isplaćena sredstva nije u skladu sa poreskim propisima obračunala porez na dohodak i doprinose.

- (4) Hrvatska seljačka stranka Stjepana Radića nije pravilno popunila obrazac 5 (obaveze političke stranke) godišnjeg finansijskog izvještaja, čime je prekršila odredbe člana 24. Pravilnika.

Stranka je u dijelu obrasca 5 u koji se upisuju podaci o datumu obaveze, a obaveze je trebala iskazati na dan 31. 12. 2020. godine, navela datum 15. 01. 2021. godine, odnosno 31. 05. 2020. godine.

Također, podaci o obavezama prema pravnom licu "HT Eronet" Mostar koje je stranka iskazala u obrascu 5 godišnjeg finansijskog izvještaja ne odgovaraju podacima iz poslovnih knjiga. Naime, stranka je u obrascu 5 iskazala obaveze prema pravnom licu "HT Eronet" Mostar iznosu od 277,13 KM, dok je u poslovnim knjigama obaveza prema ovom pravnom licu evidentirana u iznosu od 237,16 KM.

- (5) Politička stranka je u skladu sa odredbom člana 12. stav (2) Zakona o finansiranju političkih stranaka imala obavezu da u godišnji finansijski izvještaj uključi koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka članica ovog udruženja.

Troškovi izborne kampanje

Prema odredbama člana 15.10 Izbornog zakona BiH Hrvatska seljačka stranka Stjepana Radića je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 41.454,45 KM, a u svrhu izborne kampanje za Lokalne izbore u Mostaru 2020. godine 30.259,20 KM. Hrvatska seljačka stranka Stjepana Radića je u godišnjem finansijskom izvještaju za 2020. godinu iskazala troškove izborne kampanje u iznosu od 5.148,89 KM

26. POKRET ZA MODERNU I AKTIVNU KRAJINU (Kod 2423)

Prema podacima iz godišnjeg finansijskog izvještaja politička stranka Pokret za modernu i aktivnu Krajinu finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	21.932,96	52,68
3.	Prilozi pravnih lica (3-b)	19.700,00	47,32
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	41.632,96	100,00
II	Ostali prihodi i drugo	0,33	0,00
	Izvori finansiranja (I+II)	41.633,29	100,00

Pregledom godišnjeg finansijskog izvještaja za 2020. godinu utvrđeno je da je politička stranka Pokret za modernu i aktivnu Krajinu prekršila odredbe člana 4. stav (1), člana 8. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Pokret za modernu i aktivnu Krajinu je sredstva stranke, u iznosu od 41.476,72 KM, utrošio bez donesenog Programa utroška sredstava za 2020. godinu, čime je prekršio odredbe člana 4. stav (1) Zakona o finansiranju političkih stranaka.

Uvidom u službene evidencije Centralne izborne komisije BiH utvrđeno je da politička stranka nije dostavila program utroška sredstava za 2020. godinu, skupa sa godišnjim finansijskim izvještajem za 2019. godinu, iako je o obavezi dostavljanja programa utroška obaviještena aktom, broj: 03-07-6-163-1/20 od 04. 03. 2020. godine. Na ponovni zahtjev stranci da uz dodatnu finansijsku dokumentaciju za 2020. godinu dostavi i program utroška sredstava za 2020. godinu, politička stranka je 23. 09. 2021. godine, kao program utroška sredstava za 2020. godinu, dostavila dokument na kome nije naveden datum, niti godina njegovog donošenja i usvajanja nadležnog organa političke stranke. S obzirom na to da politička stranka nije blagovremeno, odnosno do 31. 03. 2020. godine dostavila Program utroška sredstava za 2020. godinu, a dokument koji je dostavila u septembru 2021. godine je manjkav, kako je prethodno navedeno,

inije uzet u razmatranje, pa je zaključeno da je politička stranka sredstva utrošila bez programa utroška.

U skladu sa odredbama iz člana 4. stav (1) Zakona o finansiranju političkih stranaka stranka je obavezna blagovremeno sačiniti program utroška sredstava za svaku kalendarsku godinu, te u skladu sa tim sredstva koristiti isključivo za ostvarivanje ciljeva utvrđenih svojim programom i statutom.

- b) Na osnovi obavljenog pregleda godišnjeg finansijskog izvještaja utvrđeno je da je politička stranka Pokret za modernu i aktivnu Krajinu primila prilog u iznosu od 200,00 KM od pravnog lica koje je imalo zaključene ugovore o javnoj nabavci usluga sa Gradom Bihać i Općinom Sanski Most, čija je vrijednost veća od 10.000,00 KM, čime su prekršene odredbe člana 8. stav (4) Zakona o finansiranju političkih stranaka.

Politička stranka Pokret za modernu i aktivnu Krajinu je dana 13. 10. 2020. godine primila prilog od pravnog lica "Agencija Bakrač Secyryty" d. o. o. Bihać u iznosu od 200,00 KM. Prema aktu, broj: 02/3-11-5860/21 od 04. 11. 2021. godine koji je dostavio Grad Bihać, utvrđeno je da je pravno lice "Agencija Bakrač Secyryty" d. o. o. Bihać, imalo zaključen ugovor o javnoj nabavci, broj:1033-12/2020 od 25. 12. 2020. godine ukupne vrijednosti 46.753,20 KM sa uračunatim PDV, koji se odnosio na usluge fizičke i tehničke zaštite zaposlenika, objekta, pokretne i nepokretne imovine u i oko objekta Gradskog organa uprave Bihać.

Također, "Agencija Bakrač Secyryty" d. o. o. Bihać je imala sklopljen ugovor o javnim nabavkama i sa Općinom Sanski Most. Uvidom u akt, broj: 04-11-3144/21 od 08. 11. 2021. godine, koji je dostavila Općina Sanski Most, utvrđeno je pravno lice "Agencija Bakrač Secyryty" d. o. o. Bihać, imalo zaključen ugovor o javnoj nabavci, broj: 681-08/2020 od 26. 08. 2020. godine ukupne vrijednosti 44.754,84 KM sa uračunatim PDV, koji se odnosio na usluge fizičkog osiguranja dvije zgrade Općine Sanski Most.

- c) Pregledom godišnjeg finansijskog izvještaja i dodatne finansijske dokumentacije utvrđeno je da politička stranka Pokret za modernu i aktivnu Krajinu nije poslovne knjige vodila u skladu sa računovodstvenim propisima, odnosno nije uspostavila tačne evidencije o rashodima i obavezama, nije iskazala tačan promet po transakcijskim računima i obrasce finansijskog izvještaja nije popunila u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Stranka je u obrascu 2 (pregled prometa svih transakcionih računa političke stranke) pogrešno iskazala podatke o novčanom toku putem transakcijskih računa, čime je prekršila odredbe člana 11. Pravilnika.

- Stranka je u godišnjem finansijskom izvještaju na transakcijskom računu broj: 3385002285934123 kod UniCredit banke iskazala promet ulaza u iznosu od 23.227,26 KM i promet izlaza u iznosu od 23.233,56 KM. Uvidom u izvode sa spomenutog transakcijskog računa utvrđeno je da je promet ulaza iznosio 23.223,15 KM i promet izlaza u iznosu od 23.229,46 KM.
- Također, stranka je u godišnjem finansijskom izvještaju na transakcijskom računu, broj: 3385002286012402 kod UniCredit banke, iskazala promet ulaza u iznosu od 29.555,23 KM i promet izlaza u iznosu od 29.555,23 KM. Uvidom u izvode sa spomenutog

transakcijskog računa, utvrđeno je da je promet ulaza iznosio 29.550,12 KM i promet izlaza u iznosu od 29.550,12 KM.

- (2) Politička stranka Pokret za modernu i aktivnu Krajinu nije uspostavila potpune i tačne evidencije o rashodima stranke, te ih nije pravilno evidentirala u poslovnim knjigama i iskazala u godišnjem finansijskom izvještaju.

- Stranka je u obrascu 4.1 (režijsko-administrativni i ostali troškovi) pogrešno iskazala podatke o zakupu poslovnog prostora, čime je prekršila odredbe člana 21. i 22. Pravilnika.

Na osnovi podataka iz poslovnih knjiga i ugovora o zakupu poslovnog prostora utvrđeno je da stranka u poslovnim knjigama nije pravilno evidentirala troškove zakupa poslovnog prostora, kao i da troškove nije evidentirala u momentu nastanka troška, već u momentu plaćanja, što je suprotno računovodstvenim propisima.

U poslovnim knjigama stranka je evidentirala i na obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove zakupnine u iznosu od 6.500,00 KM, koliko je i platila.

Uvidom u ugovor o zakupu poslovnog prostora, koji je zaključen sa fizičkim licem Gude Benjaminskom iz Bihaća dana 01. 01. 2020. godine, utvrđeno je da je stranka koristila poslovni prostor površine 75 m² uz mjesečnu naknadu od 500,00 KM do 31. 12. 2020 godine. Već spomenuto ukazuje na činjenicu da je stranka tokom 2020. godine koristeći poslovni prostor u Bihaću ostvarila troškove zakupa u iznosu od 6.000,00 KM.

- Politička stranka Pokret za modernu i aktivnu Krajinu u godišnjem finansijskom izvještaju pogrešno je klasifikovala trošak takse za ovjeru učešća na Lokalnim izborima 2020. godine u iznosu od 2.000,00 KM, čime je prekršila odredbe člana 21. i 22. Pravilnika. Trošak takse politička stranka je prijavila kao tošak poreza i drugih obaveza.

- (3) Kontrolom prometa izvoda i poslovnih knjiga utvrđeno je da je stranka dana 10. 01. 2020. godine platila dug za zakup poslovnog prostora za oktobar i novembar 2019. godine u iznosu od 1.000,00 KM, a zakup poslovnog prostora za 2020. godinu je platila u iznosu od 5.500,00 KM za 11 mjeseci.

Politička stranka nije evidentirala zakupninu za 12. mjesec 2020. godine, ni kao trošak ni kao obavezu u iznosu od 500,00 KM.

Neprijavljivanje obaveze na obrascu 5 (obaveze stranke) finansijskog izvještaja prekršene su odredbe člana 24. Pravilnika.

- (4) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovi kojih je politička stranka evidentirala i platila troškove propagande, u iznosu od 5.866,58 KM ne predstavljaju ispravne i vjerodostojne knjigovodstvene isprave.

Uvidom u račune pravnih lica: "Lookman" d. o. o. Bihać, broj: 10 od 20. 09. 2020. godine u iznosu od 1.600,00 KM, "Poruka.ba" d. o. o. Bihać, broj: 20-1011 od 11. 10. 2020. godine u iznosu od 400,00 KM, "Lege Artis Studio" d. o. o. Bihać, broj: IR20003. od 16. 09. 2020 godine u iznosu od 720,00 KM, "Oslobođenje" d. o. o. Sarajevo, broj: 125-104016-1 od 17. 11. 2020. godine u iznosu od 102,00 KM, "Dibs 98" d. o. o. Bihać, broj: NPO-42/220-1776 od 23. 10. 2020. godine u iznosu od 856,21 KM, "Grafika" d. o. o. Bihać, broj: 0329/20 od 23. 07. 2020. godine u iznosu od 788,37 KM i "Creative" d. o. o. Bihać, broj: 0198/20 od 18. 11. 2020.godine u iznosu od 1.400,00 KM, utvrđeno je da spomenute račune nisu potpisali korisnici usluga, niti je potvrđen prijem promotivnog materijala i izvršenje usluge.

Troškovi izborne kampanje

Prema odredbama člana 15.10 Izbornog zakona BiH politička stranka Pokret za modernu i aktivnu Krajinu je za potrebe izborne kampanje, prema broju birača koje je objavila Centralna izborna komisija BiH, mogla potrošiti 34.734,60 KM.

Politička stranka Pokret za modernu i aktivnu Krajinu je u godišnjem finansijskom izvještaju za 2020. godinu iskazala troškove izborne kampanje u iznosu 24.078,53 KM.

27. SRPSKA RADIKALNA STRANKA DR. VOJISLAV ŠEŠELJ (Kod 1730)

Prema podacima iz godišnjeg finansijskog izvještaja Srpska radikalna stranka dr. Vojislav Šešelj se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	180,00	0,45
7.	Prihodi iz budžeta (3-f)	38.368.13	95,50
8.	Prihodi od propagande (3-g)	0,00	0,00
I	Ukupni prihodi (1-8)	34.906,96	95,95
II	Ostali prihodi i drugo	1.629,60	4,05
	Izvori finansiranja (I+II)	40.177,73	100,00

Pregledom godišnjeg finansijskog izvještaja za 2020. godinu utvrđeno je da je Srpska radikalna stranka dr. Vojislav Šešelj prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

- a) Politička stranka je programom utroška sredstava za 2020. godinu, koji je dostavila uz godišnji finansijski izvještaj za 2019. godinu, kako je od stranke zatraženo aktom Centralne izborne komisije BiH, broj: 03-07-6-163/20 od 04. 03. 2020. godine, predvidjela ukupne troškove u iznosu od 38.800,00 KM. Osim troškova u 2020. godini, politička stranka je programom predvidjela povrat pozajmica u iznosu od 1.000,00 KM i

izmirenje obaveza iz prethodnog perioda u iznosu od 5.000,00 KM, iako izmirenje spomenutih obaveza ne predstavlja trošak izvještajne godine.

Uz godišnji finansijski izvještaj za 2020. godinu, koji je Centralnoj izbornoj komisiji BiH podnijela 22. 03. 2021. godine, politička stranka je dostavila Odluku o izmjeni Odluke o finansijskom planu poslovanja i upotrebi finansijskih sredstava u 2020. godini. S obzirom na to da politička stranka Centralnu izbornu komisiju BiH ni na koji način nije obavijestila o promjeni finansijskog plana, niti dostavila u toku 2020. godine, izmijenjeni plan nije uzet u obzir.

Ostvareni troškovi koje je politička stranka iskazala u poslovnim knjigama i prijavila u finansijskom izvještaju upoređeni su sa Finansijskim planom poslovanja i upotrebom finansijskih sredstva u 2020. godini, koji je politička stranka Centralnoj izbornoj komisiji BiH dostavila 16. 03. 2020. godine

- (1) U godišnjem finansijskom izvještaj koji je podnijela Centralnoj izbornoj komisiji BiH Srpska radikalna stranka dr. Vojislav Šešelj je prijavila ukupne rashode u iznosu od 44.460,15 KM. Politička stranka je u poslovnim knjigama u istom periodu iskazala troškove u iznosu od 50.763,88 KM. Uvidom u poslovne knjige utvrđeno je da stranka u finansijskom izvještaju nije prijavila trošak takse za ovjeru za učešće na izborima u iznosu od 4.600,00 KM, te druge troškove u iznosu od 1.703,73 KM.

Uvidom u strukturu ostvarenih troškova koje je politička stranka evidentirala u poslovnim knjigama utvrđeno je da je politička stranka mimo finansijskog plana, odnosno programa utroška sredstva ostvarila troškove u iznosu od 24.338,97 KM.

Politička stranka je ostvarila troškove advokatskih usluga u iznosu od 1.250,00 KM, troškove električne energije u iznosu od 1.186,71 KM, troškove knjigovodstvenih usluga u iznosu od 234,00 KM, troškove kancelarijskog materijala u iznosu od 2.931,12 KM, ostale nematerijalne troškove u iznosu od 1.789,74 KM i druge troškove u iznosu od 334,55 KM, koje nije predvidjela svojim programom utroška.

Pojedine troškove stranka je ostvarila u iznosima većim od planiranih i to: troškove komunalnih usluga u iznosu većem za 1.358,59 KM, troškove goriva u većem iznosu za 10.757,68 KM, troškove taksi, kazni i sl. u iznosu većem za 3.465,00 KM, troškove zakupnine u većem iznosu za 264,85 KM. Troškove ugostiteljskih usluga, koje je planirala u iznosu od 10.000,00 KM, stranka je ostvarila u iznosu od 10.766,73 KM.

- (2) Na osnovi finansijske dokumentacije, odnosno računa po kojima je stranka evidentirala troškove goriva i troškove ugostiteljskih usluga, ne može se pouzdano tvrditi da su troškovi nastali isključivo za stranačke aktivnosti, odnosno ostvarivanje ciljeva utvrđenih programom i statutom političke stranke.

- Srpskoj radikalnoj stranci dr. Vojislav Šešelj je pravno lice BP Dragstes d. o. o. Brčko, 31. 10. 2020. godine fakturiralo isporuku goriva za period od 01. 10. do 31. 10. 2020. godine u vrijednosti 1.895,24 KM i to: isporuka 930,20 litara goriva EuD-5, 273,05 litara benzina BMB-95 i 51,48 litara autogasa. Isto pravno lice je političkoj stranci 20. 11. 2020. godine fakturiralo isporuku goriva za period od 01. 11. do 20. 11. 2020. godine u vrijednosti od 9.614,63 KM i to: isporuka 4.484,83 litara goriva EuD-5, 1.717,47 litara benzina BMB-95 i 77,14 litara autogasa. Na osnovi knjižne obavijesti navedeni račun je umanjen za 1.509,07 KM.

Srpska radikalna stranka dr. Vojislav Šešelj nema motorna vozila u svom vlasništvu, a prema podacima iz poslovnih knjiga i finansijske dokumentacije nije koristila iznajmljena vozila. Politička stranka nije dokazala službena putovanja putnim nalogima,

nit i raspolaze drugom dokumentacijom kojom bi mogla opravdati utrosak goriva, za stranačke aktivnosti.

- Pravno lice Minerva d. o. o. Bijeljina političkoj stranci je fakturiralo ugostiteljske usluge 13. 02. 2020. godine u hotelu Drina u vrijednosti od 9.800,00 KM. Uvidom u poslovne knjige stranke i drugu dokumentaciju nije moguće utvrditi kojim povodom su nastali navedeni troškovi, odnosno da li su sredstva utrošena u svrhu stranačkih aktivnosti.

S obzirom na to da je politička stranka sredstva u iznosu od 24.338,97 KM utrošila mimo utvrđenog Programa utroska finansijskih sredstava za 2020. godinu, te da nije utvrđeno da je sredstva za nabavku goriva u vrijednosti od 10.000,80 KM, kao i ugostiteljske usluge u iznosu od 9.800,00 KM utrošila isključivo za ostvarivanje stranačkih ciljeva i stranačke aktivnosti, prekršila je odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja i finansijske dokumentacije koju je dostavila politička stranka, te revizijskih dokaza pribavljenih iz eksternih izvora, utvrđeno je da evidencije o prihodima, rashodima i obavezama politička stranka nije sačinila u skladu sa računovodstvenim propisima i odredbama člana 12. stav (1) Zakona o finansiranju političkih stranaka i finansijski izvještaj Centralnoj izbornoj komisiji BiH nije podnijela u skladu sa odredbama člana 12. stav (4) ovog Zakona i odredbama Pravilnika.

- (1) U finansijskom izvještaju koji je podnijela Centralnoj izbornoj komisiji BiH Srpska radikalna stranka dr. Vojislav Šešelj je prijavila prihode u iznosu od 40.177,73 KM. Istovremeno, stranka je u poslovnim knjigama iskazala prihode u iznosu od 41.031,00 KM.

- Na osnovi izvoda sa transakcijskog računa utvrđeno je da je politička stranka ostvarila prihod iz budžeta Opštine Nevesinje u iznosu od 3.129,28 KM, a u finansijskom izvještaju ga je prijavila u iznosu od 2.040,00 KM.
- Iz budžeta Općine Rogatica stranka je ostvarila prihod u iznosu od 3.245,00 KM, a u izvještaju ga je prijavila u iznosu od 2.945,00 KM.

- (2) U finansijskom izvještaju koji je podnijela Centralnoj izbornoj komisiji BiH stranka je prijavila troškove u iznosu od 44.460,15 KM, a u poslovnim knjigama troškove je evidentirala u iznosu od 50.764,06 KM.

- Troškove administrativnih i sudskih taksi, koje je u poslovnim knjigama evidentirala u iznosu od 6.715,00 KM, u finansijskom izvještaju stranka je prijavila kao takse u iznosu od 105,00 KM i advokatske usluge i sudske troškove u iznosu od 1.250,00 KM. Uvidom u službene evidencije Centralne izborne komisije BiH utvrđeno je da je stranka ostvarila trošak takse za ovjeru za učešće na Lokalnim izborima 2020. godine u iznosu od 4.600,00 KM, koji nije prijavila u finansijskom izvještaju.
- Troškovi komunalnih usluga u finansijskom izvještaju su iskazani u iznosu od 405,60 KM, a u poslovnim knjigama u iznosu od 1.808,59 KM.
- Troškovi kancelarijskog materijala u poslovnim knjigama su evidentirani u većem iznosu za 2.025,74 KM u odnosu na iznos troškova iskazan u finansijskom izvještaju.

- Ostali nematerijalni troškovi u poslovnim knjigama su evidentirani u iznosu većem za 1.583,81 KM u odnosu na ove troškove projavljene u finansijskom izvještaju.
- Kod organizacionog dijela stranke u Nevesinju u finansijskom izvještaju je iskazan trošak zakupnine u iznosu od 1.500,00 KM. Prema ugovoru o zakupu, zaključenim sa fizičkim licem, a koji je dostavila politička stranka, zakupnina je iznosila 1.800,00 KM.
- Politička stranka nije iskazala troškove električne energije kod svoja četiri organizaciona dijela, odnosno općinskih odbora u: Nevesinju, Srebrenici, Rudom i Tesliću. U ugovorima o zakupu poslovnih prostora koje je dostavila politička stranka navedeno je da politička stranka posebno plaća sve režijske troškove, uključujući i troškove električne energije.

(3) Politička stranka nije uspostavila potpune i tačne evidencije o svojim obavezama.

- U poslovnim knjigama na dan 31. 12. 2020. godine iskazane su ukupne obaveze u iznosu od 39.103,74 KM, od čega obaveze po osnovi pozajmica u iznosu od 1.300,00 KM i ostale obaveze, odnosno obaveze prema dobavljačima u iznosu od 37.803,74 KM.

U finansijskom izvještaju koji je podnijela Centralnoj izbornoj komisiji BiH politička stranka je prijavila obavezu po osnovi pozajmice od političke stranke Demokratski narodni savez u znosu od 2.000,00 KM i obaveze prema dobavljačima u iznosu od u iznosu od 54.325,41 KM, što ukupno iznosi 56.325,41 KM.

Da je politička stranka na dan 31. 12. 2020. godine imala obavezu po osnovi pozajmice Demokratskog narodnog saveza u iznosu od 2.000,00 KM, potvrđuje činjenica da je ova politička stranka od Srpske radikalne stranke dr. Vojislav Šešelj iskazala potraživanje u iznosu od 2.000,00 KM.

- Politička stranka je u finansijskom izvještaju iskazala obavezu na dan 31. 12. 2020. godine prema pravnom licu BP Dragstes d. o. o. Brčko u iznosu od 11.509,87 KM. Uvidom u konfirmaciju, odnosno potvrdu obaveza i potraživanja, potpisane između političke stranke i navedenog pravnog lica, utvrđeno je da je obaveza iznosila 10.000,00 KM.

Troškovi izborne kampanje

Prema odredbama člana 15.10 Izbornog zakona BiH Srpska radikalna stranka dr. Vojislav Šešelj je za potrebe izborne kampanje, prema broju birača koje je objavila Centralna izborna komisija BiH, mogla potrošiti 166.377,99 KM.

U godišnjem finansijskom izvještaju za 2020. godinu Srpska radikalna stranka dr. Vojislav Šešelj je prijavila troškove izborne kampanje u iznosu od 4.423,22 KM.

28. STRANKA DEMOKRATSKE SRPSKE SEMBERIJA – MIĆO MIĆIĆ (Kod 2426)

Prema podacima iz godišnjeg finansijskog izvještaja Stranka demokratske srpske Semberija – Mićo Mićić se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	16.756,15	39,01
2.	Prilozi fizičkih lica (3-a)	26.200,00	60,99
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	42.956,15	100,00
II	Ostali prihodi i drugo	0,00	0,00
	Izvori finansiranja (I+II)	42.956,15	100,00

Pregledom godišnjeg finansijskog izvještaja za 2020. godinu utvrđeno je da je Stranka demokratske srpske Semberija – Mićo Mićić prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

a) Prema podacima iz poslovnih knjiga, Stranka demokratske srpske Semberija – Mićo Mićić je u toku 2020. godine ostvarila rashode u iznosu od 54.096,98 KM.

Uvidom u Program utroška sredstava za 2020. godinu koji je stranka dostavila utvrđeno je da je stranka planirala troškove u ukupnom iznosu od 26.520,00 KM.

Analizom dostavljenog Programa utroška sredstava za 2020. godinu utvrđeno je da stranka nije planirala sve troškove koje je iskazala u godišnjem finansijskom izvještaju za 2020. godinu, a da je pojedine troškove ostvarila u većem iznosu od planiranih.

- Stranka demokratske srpske Semberija – Mićo Mićić je u godišnjem finansijskom izvještaju iskazala troškove bruto plaća, sitnog inventara, knjigovodstvenih usluga, troškove usluga oglašavanja u dnevnim novinama i troškove reprezentacije u ukupnom iznosu od 11.327,29 KM, koje nije planirala Programom utroška za 2020. godinu. Uvidom u dostavljenu dokumentaciju utvrđeno je da su troškovi bruto plaća zaposlenih iznosili 2.149,48 KM, troškovi sitnog inventara 329,94 KM, troškovi knjigovodstvenih usluga 468,00 KM, troškovi usluga oglašavanja u dnevnim novinama 2.164,67 KM i troškovi reprezentacije 6.215,20 KM.
- Stranka je troškove PTT usluga, troškove zakupa, troškove platnog prometa, troškove takse za registraciju i troškove kampanje iskazala u većem iznosu od planiranih za 17.867,55 KM.

Programom utroška sredstava za 2020. godinu stranka je planirala troškove PTT usluga u iznosu od 500,00 KM, troškove zakupa u iznosu od 2.200,00 KM, troškove platnog

prometa u iznosu od 200,00 KM, troškove takse u iznosu od 2.000,00 KM i troškove reklame i propagande i ostale rashode finansiranja u iznosu od 20.000,00 KM.

Stranka demokratske srpske Semberija – Mićo Mićić je u godišnjem finansijskom izvještaju iskazala troškove PTT usluga u iznosu 1.587,60 KM, troškove zakupa u iznosu od 3.463,27 KM, troškove platnog prometa u iznosu od 231,07 KM, troškove takse u iznosu od 2.400,00 KM i troškove reklame i propagande u iznosu od 35.085,61 KM.

Stranka demokratske srpske Semberija – Mićo Mićić je finansijska sredstva u iznosu od 29.194,84 KM utrošila mimo utvrđenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranka.

b) Stranka demokratske srpske Semberija – Mićo Mićić je prekršila odredbe člana 5. stav (4) i člana 8. stav (1) tačka e) Zakona o finansiranju političkih stranaka na sljedeći način:

(1) Stranka nije u poslovnim knjigama uspostavila evidencije o nenovčanim donacijama koje je ostvarila postavljanjem bilborda bez plaćanja prostora za oglašavanje. Navedenu donaciju, osim što nije evidentirala u poslovnim knjigama, stranka nije prijavila ni u godišnjem finansijskom izvještaju, čime je prekršila odredbe člana 5. stav (4) Zakona o finansiranju političkih stranka.

Politička stranka je prije zvaničnog početka izborne kampanje na nekoliko lokacija postavila stranačke bilborde, radi čega ju je sankcionirala Centralna izborna komisija BiH. Uvidom u Odluku Centralne izborne komisije BiH, broj: 05-1-07-5-1075/20 od 29. 10. 2020. godine, utvrđeno je da se koalicija “Zajedno za Semberiju i Srpsku”, čija je članica Stranka demokratske srpske Semberija – Mićo Mićić, u Bijeljini, oglašavala prije službenog početka izborne kampanje na način da su na nekoliko lokacija postavljeni bilbordi sa likom Miće Mićića na kojima je navedeno “Za buduće generacije”.

S obzirom na to da nije poznat identitet donatora koji je osigurao prostor za postavljanje promotivnih bilborda, stranka je primila donaciju anonimnog donatora, što je odredbom člana 8. stav (1) tačka e) Zakona o finansiranju političkih stranka zabranjeno.

(2) Stranka demokratske srpske Semberija – Mićo Mićić nije izdavala potvrde o prijemu članarina, što je suprotno odredbama člana 5. stav (4) Zakona o finansiranju političkih partija.

Kontrolom izvoda sa transakcionog računa i spiskova obustava na lična primanja članova stranke, utvrđeno je da je članarinu uplatilo 35 fizičkih lica u ukupnom iznosu od 16.706,16 KM.

c) Pregledom godišnjeg finansijskog izvještaja za 2020. godinu utvrđeno je da Stranka demokratske srpske Semberija – Mićo Mićić nije uspostavila potpune, pravilne i tačne evidencije o приходima i rashodima, te da obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Stranka nije u godišnjem finansijskom izvještaju iskazala nenovčanu donaciju koju je ostvarila postavljanjem bilborda bez plaćanja prostora za oglašavanje, čime je prekršila odredbe člana člana 13. i 16. Pravilnika.

Navedenu nenovčanu donacije stranka nije u skladu sa odredbama Pravilnika o predizbornim i postizbornim finansijskim izvještajima političkih stranaka (“Službeni

glasnik BiH, broj: 10/18) prijavila ni u postizbornom finansijskom izvještaju, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- (2) Stranka demokratske srpske Semberija – Mićo Mičić u godišnjem finansijskom izvještaju nije pravilno iskazala članarine i priloge fizičkih lica, čime je prekršila odredbe člana 13. i 14. Pravilnika.

- Stranka je u obrascu 3 (izvori finansiranja) godišnjeg finansijskog izvještaja iskazala članarine u iznosu od 16.756,16 KM i priloge fizičkih lica u iznosu od 26.200,00 KM.

Kontrolom izvoda sa transakcijskog računa broj 5550000047958661 utvrđeno je da članarine iznose 16.706,16 KM, a da prilozi fizičkih lica iznose 26.250,00 KM. Analizom izvoda sa transakcionog računa utvrđeno je da je jedno fizičko lice, tokom 2020. godine izvršilo pet uplata po 50,00 KM, što ukupno iznosi 250,00 KM, za koje je banka naznačila da su uplate u svrhu donacije. Stranka je donaciju fizičkog lica u iznosu od 50,00 KM od 20. 07. 2020. godine iskazala kao uplatu članarine.

- Kontrolom iskazanih priloga fizičkih lica utvrđeno je da stranka nije na pravilan način vodila evidencije o primljenim donacijama, te nije izdavala potvrde u skladu sa odredbama člana 6. Pravilnika.

Naime, uvidom u izvode sa transakcijskog računa broj: 5550000047958661 kod Nove banke, utvrđeno je da je stranka dana 16. 06. 2020. godine izvršila polog primljenih donacija na transakcijski račun u iznosu od 6.000,00 KM, koje je u poslovnim knjigama evidentirala kao prihode od donacija. Stranka je, također, dana 26. 06. 2020. godine na transakcijski račun broj: 5550000048509233 izvršila polog donacija u iznosu od 3.000,00 KM, te u svojim poslovnim knjigama evidentirala na kontu prihoda od donacija.

Međutim, uvidom u obrazac 3-a (prilozi fizičkih lica) i kopiju izdatih potvrda o primljenim priložima utvrđeno je da je stranka iskazala da je dana 16. 06. 2020. godine, u gotovini, primila donacije od pet fizičkih lica u iznosima od po 1.000,00 KM, odnosno ukupno 5.000,00 KM, te je izdala pet potvrda o primljenim donacijama. S druge strane, Stranka demokratske srpske Semberija – Mićo Mičić je dana 26. 06. 2020. godine, u gotovom novcu, primila donacije od četiri fizička lica u iznosima od po 1.000,00 KM, odnosno ukupno 4.000,00 KM i izdala četiri potvrde o primljenim donacijama.

Također je utvrđeno da stranka na potvrdama nije navela adresu stanovanja i ispravan broj ličnog dokumenta fizičkog lica, koja su uplatila priloge.

- Stranka je uz dodatnu dokumentaciju dostavila Odluku o visini i načinu plaćanja članarine, te spisak na kojem je navela da je u toku 2020. godine naplatila članarinu od 19 fizičkih lica – članova političke stranke. Kontrolom izvoda sa transakcionog računa i spiskova o obustavama od ličnih primanja, koje su dostavili Grad Bijeljina i politička stranka, utvrđeno je da je članarinu uplatilo 35 fizičkih lica
Navedeno ukazuje da stranka ne vodi evidencije o naplaćenim članarinama za svakog člana pojedinačno.

- (3) Stranka demokratske srpske Semberija – Mićo Mičić nije u poslovnim knjigama i u obrascu 4.1 (Režijsko-administrativni i ostali troškovi) godišnjeg finansijskog izvještaja za 2020. godinu pravilno iskazala troškove zakupnine poslovnog prostora, troškove električne energije i komunalnih usluga, čime je prekršila odredbe člana 22. Pravilnika.

U obrascu 4.1 godišnjeg finansijskog izvještaja stranka je iskazala troškove zakupnine poslovnog prostora u iznosu od 3.463,27 KM.

Uvidom u Ugovor o zakupu utvrđeno je da je stranka ugovorila zakup poslovnog prostora u periodu od 17. 03. 2020. godine do 31. 12. 2020. godine i da mjesečna zakupnina iznosi 234,00 KM, odnosno da za period mart–decembar 2020. godine 2.223,00 KM. Ugovorom je utvrđeno i da je stranka dužna plaćati i troškove električne energije i utrošene vode u iznosu od 30% od iznosa prispjelih računa.

Stranka demokratske srpske Semberija – Mićo Mićić je u godišnjem finansijskom izvještaju troškove električne energije i utrošene vode iskazala kao troškove zakupa, čime je, suprotno odredbama člana 22. Pravilnika, izvršila pogrešnu klasifikaciju troškova.

- (4) Stranka nije u finansijskom izvještaju prijavila i u poslovnim knjigama nije evidentirala troškove izborne kampanje koji su nastali promoviranjem kandidata Miće Mićića putem bilborda na nekoliko lokacija u Bijeljini prije zvaničnog početka izborne kampanje, što je suprotno odredbama člana 21. i 23. Pravilnika.

Stranka nije prijavila troškove izborne kampanje ni u postizbornom finansijskom izvještaju, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i Pravilnika o predizbornim i postizbornim finansijskim izvještajima političkih stranaka (“Službeni glasnik BiH, broj: 10/18).

Nastale troškove stranka je imala obavezu prijaviti u obrascima 4.2 godišnjeg i postizbornog finansijskog izvještaja.

Troškovi kampanje

Prema odredbama člana 15.10 Izbornog zakona Bosne i Hercegovine Stranka demokratske srpske Semberija – Mićo Mićić je za potrebe izborne kampanje, prema broju birača koji je objavila Centralna izborna komisija BiH, za Lokalne izbore 2020. godine mogla potrošiti 141.318,00 KM.

Politička stranka u godišnjem finansijskom izvještaju, koji je podnijela Centralnoj izbornoj komisiji BiH, u svrhu izborne kampanje je iskazala troškove u iznosu od 35.085,61 KM.

29. SOCIJALISTIČKA PARTIJA SRPSKE (Kod 2447)

Prema podacima iz godišnjeg finansijskog izvještaja Socijalistička partija Srpske se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	5.000,00	7,37
2.	Prilozi fizičkih lica (3-a)	58.989,00	86,91
3.	Prilozi pravnih lica (3-b)	3.510,00	5,17
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	255,43	0,37
8.	Prihodi od propagande (3-g)	0,00	0,00
I	Ukupni prihodi (1-8)	67.754,43	99,82
II	Ostali prihodi i drugo	123,00	0,18
	Izvori finansiranja (I+II)	67.877,43	100,00

Pregledom godišnjeg finansijskog izvještaja za 2020. godinu utvrđeno je da je Socijalistička partija Srpske prekršila odredbe člana 4. stav (1), člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

a) Socijalistička partija Srpske je u godišnjem finansijskom izvještaju za 2020. godinu iskazala ukupne rashode u iznosu od 107.605,36 KM.

Uvidom u Program utroška sredstava za 2020. godinu koji je Centralnoj izbornoj komisiji BiH dostavila Socijalistička partija Srpske utvrđeno je da je stranka planirala rashode u ukupnom iznosu od 108.050,00 KM, od čega troškove reklame i propagande u iznosu od 75.000,00 KM.

Analizom Programa utroška sredstava utvrđeno je da stranka nije planirala sve troškove, te da je dio režijsko-administrativnih troškova, kao i troškove reklame i propagande ostvarila u većem iznosu od planiranih.

- Stranka je u godišnjem finansijskom izvještaju za 2020. godinu iskazala troškove usluga u iznosu od 50,00 KM, troškove utrošene vode u iznosu od 85,05 KM, troškove reprezentacije u iznosu od 66,00 KM i kamate u iznosu od 1,81 KM, a nije planirala Programom utroška sredstava.
- Socijalistička partija Srpske je troškove bruto zarada planirala u iznosu od 8.500,00 KM, a ostvarila ih je u iznosu od 8.606,40 KM, što je više za 106,40 KM u odnosu na planirani iznos.
- Stranka je ostale nematerijalne troškove (takse i dr.) planirala u iznosu od 9.000,00 KM, a ostvarila u iznosu od 9.927,50 KM, što je za 927,50 KM više u odnosu na planirane troškove.
- Socijalistička partija Srpske je ostvarila troškove reklame i propagande u iznosu od 83.444,11 KM, odnosno za 8.444,11 KM više u odnosu na planirana sredstva.
- Socijalistička partija Srpske novčana sredstva u iznosu 3.001,90 KM koja je uplatila Udruženju roditelja prijevremeno rođene djece "Mrvice" kao pomoć nije predvidjela u Programu utroška sredstava.

S obzirom na to da je Socijalistička partija Srpske utrošila za 12.682,77 KM više sredstva od iznosa utvrđenog Programom utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranka.

b) Socijalistička partija Srpske prekršila je odredbe člana 5. stav (4) Zakona o finansiranju političkih stranaka na sljedeći način.

(1) Socijalistička partija Srpske u poslovnim knjigama i u godišnjem finansijskom izvještaju nije iskazala nenovčane donacije fizičkog lica po osnovi besplatne objave na društvenim mrežama.

Uvidom u Odluku Centralne izborne komisije Bosne i Hercegovine, broj 05-1-07-5-1079/20 od 29. 10. 2020. godine, utvrđeno je da je Saša Kondić putem društvene mreže "Facebook" vodio plaćenu izbornu kampanju, te promovirao Milana Tomanovića kao kandidata na Lokalnim izborima 2020. godine, a prije službenog početka izborne kampanje. Isto tako je utvrđeno da je objava sponzorirana.

S obzirom na to da politička stranka nije platila objave na društvenim mrežama, ostvarila je nenovčanu donaciju fizičkog lica.

Stranka je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka bila dužna nenovčane donacije evidentirati u poslovnim knjigama i prijaviti u godišnjem finansijskom izvještaju za 2020. godinu.

(2) Stranka članarine u iznosu od 1.625,00 KM primljene u gotovom novcu nije uplatila na transakcioni račun u roku od 10 dana od prijema gotovinske uplate.

Kontrolom izvoda sa transakcionog računa utvrđeno je da je stranka dana 15. 10. 2020. godine na transakcioni račun izvršila polog članarina u gotovini u iznosu od 2.390,00 KM. Stranka je na zahtjev Centralne izborne komisije Bosne i Hercegovine dostavila dokumentaciju o članarinama, tj. dostavila je priznanice o gotovinskoj uplati iz kojih je utvrđeno da je 15 fizičkih lica – članova stranke u periodu od 18. 08. 2020. godine do 09. 10. 2020. godine gotovinski uplatilo članarinu u ukupnom iznosu od 2.390,00 KM.

Na osnovi navedenog utvrđeno je da je stranka članarine primljena u gotovom novcu u iznosu od 765,00 KM uplatila u roku od 10 dana od dana prijema gotovinske uplate, a prikupljena sredstva u iznosu od 1.625,00 KM je uplatila na transakcioni račun nakon protoka roka od 10 dana od prijema gotovinske uplate.

Pored navedenog, utvrđeno je da stranka nije izdala potvrde fizičkim licima o primljenoj članarini, što je također suprotno odredbama člana 5. stav (4) Zakona o finansiranju političkih stranaka.

(3) Socijalistička partija Srpske nije u godišnjem finansijskom izvještaju prijavila priloge u iznosu od 3.001,90 KM.

Prema saopćenju koje je stranka objavila na svojoj *veb*-stranici, Socijalistička partija Srpske je dana 09. 10. 2020. godine organizirala humanitarnu večer kako bi pomogla radu Udruženja roditelja prijevremeno rođene djece "Mrvice".

Uvidom u izvode sa transakcionog računa utvrđeno je da je stranka dana 13. 10. 2020. godine na svoj transakcioni račun uplatila prikupljena sredstva na donatorskoj večeri u iznosu od 3.001,90 KM, a dana 14. 10. 2020. godine navedena sredstva uplatila je na račun Udruženja roditelja prijevremeno rođene djece "Mrvice".

Na zahtjev Službe za reviziju stranka je dostavila spisak lica koja su dala priloge u svrhu pomoći u radu navedenog udruženja sa pojedinačnim iznosima i potpisima lica koja su dala priloge.

Socijalistička partija Srpske je trebala priloge fizičkih lica iskazati u obrascu 3-a (prilozi fizičkih lica) godišnjeg finansijskog izvještaja.

- (4) Socijalistička partija Srpske nije izdala potvrde o primljenim priložima.

U godišnjem finansijskom izvještaju za 2020. godinu stranka je u obrascu 3-a iskazala priloge fizičkih lica u ukupnom iznosu od 58.989,00 KM, a u obrascu 3-b je iskazala prilog pravnog lica u iznosu od 3.510,00 KM.

- c) Na osnovi obavljenog pregleda godišnjeg finansijskog izvještaja za 2020. godinu i druge finansijske dokumentacije, utvrđeno je da Socijalistička partija Srpske nije vodila pravilne i potpune evidencije o stanju i prometu gotovine, prihodima, rashodima i obavezama, što je suprotno računovodstvenim propisima i da godišnji finansijski izvještaj za 2020. godinu nije popunila u skladu sa Pravilnikom, čime je prekršila odredbe člana 11. stav (1) i člana 12. stav (4) Zakona o finansiranju političkih stranaka.

- (1) Socijalistička partija Srpske nije u obrascu 1.1 (organizaciona struktura političke stranke) godišnjeg finansijskog izvještaja iskazala sve organizacione odbore, čime je prekršila odredbe člana 10. Pravilnika.

Socijalistička partija Srpske je u obrascu 1.1 iskazala samo Glavni odbor. Pregledom godišnjeg finansijskog izvještaja utvrđeno je da je stranka ostvarila prihode iz budžeta opština Derвента, Modriča i Brod, što upućuje da stranka ima organizacione dijelove u navedenim općinama, koje nije iskazala u godišnjem finansijskom izvještaju.

Također je uvidom u ugovore o zakupu poslovnih prostorija utvrđeno da je stranka koristila prostorije u Čelincu i Sokocu, a u obrascu 1.1 nije prijavila organizacione odbore u ovim općinama.

Pored navedenog, Služba za reviziju je putem eksternih izvora pribavila podatke da je stranka u 2020. godini imala općinske i gradske odbore u više općina i gradova (Čelinac, Sokolac, Ugljevik, Bratunac, Milići, Osmaci, Šekovići, Pale, Gradiška, Bijeljina, Banja Luka, Prijedor i Doboј), koje nije prijavila u godišnjem finansijskom izvještaju, što je suprotno odredbama člana 10. Pravilnika.

- (2) Socijalistička partija Srpske nije uspostavila evidenciju o blagajničkom poslovanju i promet i stanje gotovinskih novčanih sredstava nije evidentirala u svojim poslovnim knjigama, što je suprotno računovodstvenim propisima i suprotno odredbama člana 11. stav (1) Zakona o finansiranju političkih stranaka.

Kontrolom izvoda sa transakcionih računa stranke utvrđeno je da je stranka na transakcioni račun uplatila gotovinska sredstava u ukupnom iznosu od 5.391,90 KM i to polog članarine u iznosu od 2.390,00 KM i polog prikupljenih sredstava na donatorskoj večeri u iznosu od 3.001,90 KM.

U godišnjem finansijskom izvještaju koji je podnijela Centralnoj izbornoj komisiji BiH, stranka nije u obrascu 2.1 (pregled stanja blagajne) prijavila promet blagajne, čime je prekršila odredbe člana 12. Pravilnika.

(3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Socijalistička partija Srpske nije uspostavila potpune i tačne evidencije o prihodima stranke, te nije pravilno iskazala u godišnjem finansijskom izvještaju.

1. U poslovnim knjigama i obrascima 3 (izvori finansiranja) i 3-e (nenovčane donacije i računi koje stranka nije imala obavezu platiti) stranka nije iskazala nenovčanu donaciju fizičkog lica koje je platilo društvenoj mreži "Facebook" sponzoriranu objavu za promociju kandidata Milana Tomanovića na Lokalnim izborima 2020. godine, čime je prekršila odredbe člana 13. i 18. Pravilnika.

2. Stranka je u finansijskom izvještaju prihode koja je primila iz budžeta Općine Brod u iznosu od 123,00 KM iskazala u obrascu 3 (izvori finansiranja) kao ostale prihode, čime je prekršila odredbe člana 13. i 19. Pravilnika.

3. Socijalistička partija Srpske nije u poslovnim knjigama i godišnjem finansijskom izvještaju iskazala priloge fizičkih lica koje je primila na humanitarnoj večeri koju je organizirala za pomoć radu Udruženja "Mrvice" u ukupnom iznosu od 3.001,90 KM, čime je prekršila odredbe člana 13. i 14. Pravilnika.

(4) Pregledom godišnjeg finansijskog izvještaja, uvidom u poslovne knjige i dodatnu dokumentaciju, utvrđeno je da Socijalistička partija Srpske nije uspostavila potpune i tačne evidencije o rashodima i obavezama stranke, te iste nije pravilno iskazala u finansijskom izvještaju, čime je prekršila odredbe člana 21, 22., 23. i 24. Pravilnika.

- Socijalistička partija Srpske nije prijavila i nije evidentirala troškove izborne kampanje koji su nastali promoviranjem kandidata na društvenim mrežama, što je suprotno odredbama člana 21. i 23. Pravilnika.

Također je utvrđeno da stranka nije prijavila i nije evidentirala troškove izborne kampanje ni u postizbornom finansijskom izvještaju, što je suprotno odredbama člana 12. stav (3) Zakona o finansiranju političkih stranka i odredbama člana 15.1 stav (1) Izbornog zakona Bosne i Hercegovine.

Nastale troškove stranka je imala obavezu prijaviti u obrascu 4.2 finansijskih izvještaja.

- Socijalistička partija Srpske nije u obrascu 4 (rashodi političke partije) iskazala troškove po osnovi donacije novčanih sredstava u svrhu pomoći u radu Udruženja "Mrvice", čime je prekršila odredbe člana 21. i 22. Pravilnika.

- Kontrolom troškova zakupa poslovnih prostora koje je stranka iskazala u godišnjem finansijskom izvještaju, utvrđeno je da stranka nije iskazala sve troškove zakupa, te da je u obrascu 4.1 u okviru troškova zakupnine poslovnih prostora iskazala i troškove operativnog lizinga opreme, što je suprotno računovodstvenim propisima i odredbama člana 21. i 22. Pravilnika.

Stranka je u godišnjem finansijskom izvještaju iskazala troškove zakupnine poslovnih prostora u iznosu od 2.531,88 KM. Uvidom u poslovne knjige utvrđeno je da su troškovi zakupnine poslovnih prostora iznosili 1.756,51 KM, a da se 775,37 KM odnosi na troškove operativnog lizinga opreme.

Također, uvidom u ugovore o zakupu poslovnih prostora koje je stranka koristila u općinama Čelinac i Sokolac i poslovne knjige stranke, utvrđeno je da stranka troškove zakupnine poslovnih prostora iskazala u manjem iznosu za 634,78 KM u odnosu na ugovorenu cijenu zakupnine. Naime, Socijalistička partija Srpske nije u poslovnim knjigama i godišnjem finansijskom izvještaju iskazala troškove zakupnine poslovnih prostora u općinama Čelinac i Sokolac za novembar i decembar 2020. godine.

Socijalistička partija Srpske u godišnjem finansijskom izvještaju nije iskazala ni obaveze po osnovi zakupa poslovnih prostora za decembar 2020. godine, čime je prekršila odredbe člana 24. Pravilnika.

Isto tako, a na osnovi prikupljenih podataka iz eksternih izvora, utvrđeno je da je Socijalistička partija Srpske koristila poslovne prostore u Banjoj Luci, Doboju, Bijeljini i Zvorniku, te drugim općinama, za koje nije dostavila ugovore o zakupu i za koje nije u godišnjem finansijskom izvještaju prijavila troškove zakupa poslovnih prostora.

- Stranka je u obrascu 4.2 (troškovi propagande) godišnjeg finansijskog izvještaja iskazala račun dobavljača ID "Euroblic press" d. o. o. Banja Luka, broj: 76-173/2020 od 10. 09. 2020. godine, u iznosu od 298,35 KM. Uvidom u kopiju računa utvrđeno je da je izdat na ime fizičkog lica, predsjednika stranke, te ga stranka, u skladu sa računovodstvenim propisima, nije mogla evidentirati u svojim poslovnim knjigama niti iskazati u godišnjem finansijskom izvještaju.

- (5) Socijalistička partija Srpske nije izdala potvrde o primljenim prilogima, čime je prekršila odredbe člana 6. Pravilnika.

U godišnjem finansijskom izvještaju za 2020. godinu stranka je u obrascu 3-a iskazala priloge fizičkih lica u ukupnom iznosu od 58.989,00 KM, a u obrascu 3-b je iskazala prilog pravnog lica u iznosu od 3.510,00 KM.

Na zahtjev Centralne izborne komisije Bosne i Hercegovine da dostavi potvrde o primljenim prilogima fizičkih i pravnih lica, Socijalistička partija Srpske dostavila je izvode sa transakcionih računa na koje su prilozi uplaćeni.

Pored navedenog, a uvidom u potvrde o primljenim članarinama koje je stranka izdala fizičkim licima – članovima stranke koji su članarinu uplatili na transakcioni račun u ukupnom iznosu od 2.610,00 KM, utvrđeno je da potvrde ne sadrže serijski broj potvrde, adresu, broj ličnog dokumenta i mjesto prebivališta fizičkog lica, što je suprotno odredbama člana 6. Pravilnika. Također, pregledom finansijskog izvještaka je utvrđeno da stranka nije izdala potvrde fizičkim licima – članovima stranke o primljenim članarinama u gotovini u ukupnom iznosu od 2.390,00 KM, što je također suprotno odredbama 6. Pravilnika.

U skladu sa odredbama iz člana 6. Pravilnika, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine /priloga, ime i prezime /naziv donatora, broj ličnog dokumenta /identifikacioni broj donatora, adresa i mjesto prebivališta /sjedišta donatora, datum uplate, datum izdavanja potvrde i potpis ovlaštenog lica.

Troškovi izborne kampanje

Prema odredbama člana 15.10 Izbornog zakona Bosne i Hercegovine Socijalistička partija Srpske je za potrebe izborne kampanje, prema broju birača koji je objavila Centralna izborna komisija BiH, za Lokalne izbore 2020. godine mogla potrošiti 356.002,02 KM.

Socijalistička partija Srpske je u godišnjem finansijskom izvještaju za 2020. godinu iskazala troškove izborne kampanje u iznosu 83.444,11 KM.

30. HRVATSKA SELJAČKA STRANKA-BRAĆA RADIĆ BRČKO DISTRIKT BIH (Kod 2010)

Prema podacima iz godišnjeg finansijskog izvještaja "Hrvatska seljačka stranka-Braća Radić" Brčko distrikt BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	6.823,82	100,00
	Izvori finansiranja (I+II)	6.823,82	100,00

Pregledom godišnjeg finansijskog izvještaja za 2020. godinu, utvrđeno je da je "Hrvatska seljačka stranka-Braća Radić" Brčko distrikt BiH prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

- a) U godišnjem finansijskom izvještaju za 2020. godinu "Hrvatska seljačka stranka-Braća Radić" Brčko distrikt BiH iskazala je rashode u ukupnom iznosu od 23.056,48 KM.
- (1) Uvidom Plan troškova za 2020. godinu, koji je stranka dana 24. 10. 2020. godine, dostavila uz dodatnu dokumentaciju za 2019. godinu, utvrđeno je da je stranka planirala troškove u ukupnom iznosu od 17.310,00 KM. Također je utvrđeno da ovaj dokument ne sadrži datum kada je sačinjen, odnosno usvojen.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog programa utroška sredstava za 2020. godinu, kako slijedi:

- stranka nije planirala troškove komunalnih usluga, humanitarne rashode i troškove prevoza, a ostvarila ih je u ukupnom iznosu od 1.622,58 KM, kako slijedi: troškove komunalnih usluga u iznosu od 2,93 KM, humanitarne rashode u iznosu od 1.323,35 KM i troškove prevoza u iznosu od 296,30 KM; i
- stranka je planirane troškove električne energije prekoračila za 82,05 KM, troškove zakupnine poslovnih prostora za 300,00 KM, ugovore o djelu za 200,00 KM, troškove platnog prometa za 43,50 KM i troškove poreza i dr. obaveza za 18,25 KM, dok je planirane troškove reklamnog materijala prekoračila za 7.099,58 KM.

S obzirom na to da je stranka sredstva utrošila mimo Plana troškova za 2020. godinu, prekršila je odredbe člana 4. stav (1) Zakona o finansiranju političkih stranaka.

- (2) U godišnjem finansijskom izvještaju, u obrascu 4.2 (troškovi propagande) politička stranka je, između ostalih troškova propagande, iskazala troškove izborne kampanje po osnovi štampanja bilborda, flajera i plakata, te emitiranja TV-reportaže i priloga u iznosu od 8.534,53 KM. Uvidom u službene evidencije utvrđeno je da "Hrvatska seljačka stranka-Braća Radić" Brčko distrikt BiH nije učestvovala na Lokalnim izborima 2020. godine.

Na osnovi navedenog, smatramo da je politička stranka finansijska sredstva u iznosu od 8.534,53 KM, koja su osigurana za finansiranje stranke, utrošila mimo plana troškova, čime je prekršila odredbe člana 4. stav (1) Zakona o finansiranju političkih stranaka.

- (3) Kontrolom troškova ureda, koje je stranka u poslovnim knjigama evidentirala na kontu 5124, utvrđeno je da je stranka izvršila nabavku prehrambenih artikala i deterdženta za veš od dobavljača "V Dukat SP" Brčko distrikt BiH u ukupnoj vrijednosti od 715,00 KM. Uvidom u pojedinačne račune utvrđeno je da računi nisu ovjereni i odobreni za knjiženje. Također, račun br. 1/20 od 25. 09. 2020. godine u iznosu od 306,00 KM za nabavku prehrambenih artikala (30 kom. šećera u pakiranju od 1 kg; 30 kom. vegete u pakiranju od 250 gr; 30 kom. kuhinjske soli u pakiranju od 1 kg; 30 kom. riže u pakiranju od 1 kg; 30 kom. ulja u pakiranju od 1 l; i 30 kom. brašna u pakiranju od 1 kg), nije potpisao primalac robe. Račun, br. 2/20 od 27. 11. 2020. godine, u iznosu od 409,00 KM za nabavku 8 kom. deterdženta za veš u pakiranju od 3,5 kg i prehrambenih artikala (8 kom. brašna u pakiranju od 25 kg; 26 kom. ulja u pakiranju od 1 l; 40 kom. šećera u pakiranju od 1 kg i 24 kom. kuhinjske soli u pakiranju od 1 kg) ne sadrži potpis i pečat dobavljača.

Na osnovi navedenog, nije moglo biti utvrđeno u koju svrhu je izvršena nabavka navedenih prehrambenih proizvoda i deterdženta za veš, tj. u koju svrhu su utrošena finansijska sredstva stranke.

- b) "Hrvatska seljačka stranka-Braća Radić" Brčko distrikt BiH godišnji finansijski izvještaj za 2020. godinu nije dostavila u zakonom propisanom roku i na način utvrđen Pravilnikom, nije vodila potpune i pravilne evidencije o rashodima i obavezama, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka

- (1) Politička stranka nije podnijela godišnji finansijski izvještaj za 2020. godinu u skladu sa odredbama člana 3. stav (1) Pravilnika.

Uvidom u službene evidencije, utvrđeno je da je "Hrvatska seljačka stranka-Braća Radić" Brčko distrikt BiH Centralnoj izbornoj komisiji Bosne i Hercegovine dostavila godišnji finansijski izvještaj dana 02. 04. 2021. godine i to samo u pisanoj formi, odnosno ručno popunjen.

Politička stranka je godišnji finansijski izvještaj u elektronskoj formi, putem aplikacije FI CIK BIH, dostavila dana 03. 11. 2021. godine, te je obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke dostavila 05. 11. 2021. godine.

- (2) "Hrvatska seljačka stranka-Braća Radić" Brčko distrikt BiH je u godišnjem finansijskom izvještaju prihode iz budžeta Brčko distrikta BiH u iznosu od 6.823,82 KM iskazala kao ostale prihode, čime je prekršila odredbe člana 13. i 19. Pravilnika.

Uvidom u izvode sa transakcijskog računa, utvrđeno je da je Socijaldemokratska partija Bosne i Hercegovine na račun "Hrvatske seljačke stranke-Braća Radić" Brčko distrikt BiH uplatila dio sredstava iz budžeta Brčko distrikta BiH. Na izvodu sa transakcijskog računa političke stranke "Hrvatska seljačka stranka-Braća Radić" Brčko distrikt BiH navedeno je da su sredstva uplaćena na osnovi sporazuma. Uvidom u dopis Vlade Brčko distrikta BiH utvrđeno da su sredstva u iznosu od 13.674,64 KM izdvojena za redovan rad Kluba zastupnika Esad Atić-SDP BiH i Pejo Mendeš-HSS-Braća Radić. Ova sredstva su uplaćena na račun Socijaldemokratske partije Bosne i Hercegovine, od čega je Socijaldemokratska partija Bosne i Hercegovine sredstva u iznosu od 6.823,82 KM uplatila na račun "Hrvatske seljačke stranke-Braća Radić" Brčko distrikt BiH.

"Hrvatska seljačka stranka-Braća Radić" Brčko distrikt BiH je sredstva u iznosu od 6.823,82 KM trebala iskazati u obrascu 3-f (prihodi iz budžeta).

- (3) "Hrvatska seljačka stranka-Braća Radić" Brčko distrikt BiH nije u godišnjem finansijskom izvještaju iskazala tačne podatke o svojim rashodima, čime je prekršila odredbe člana 21, 22. i 23. Pravilnika.

Uvidom u finansijsku dokumentaciju političke stranke i knjigovodstvene isprave utvrđeni su nedostaci kod dijela računa dobavljača koji su knjigovodstvene isprave o nastalim poslovnim događajima. Također je utvrđeno da računi nisu ovjereni za knjiženje i plaćanje, niti je pisanim aktom uređen način trošenja finansijskih sredstava stranke.

- U obrascu 4.1 (režijsko-administrativni i ostali troškovi) stranka je iskazala troškove kancelarijskog materijala u ukupnom iznosu od 958,95 KM. Kontrolom iskazanih troškova i uvidom u dostavljene račune utvrđeno je da je stranka u okviru troškova kancelarijskog materijala iskazala i troškove ureda (konto 5124). Uvidom u račune koje je stranka evidentirala na kontu 5124 utvrđeno je da je stranka izvršila nabavku prehrambenih artikala i deterdženta za veš od dobavljača "V Dukat SP" Brčko distrikt u ukupnoj vrijednosti od 715,00 KM. Uvidom u pojedinačne račune utvrđeno je da računi nisu ovjereni i odobreni za knjiženje, te da na računu, br. 1/20 od 25. 09. 2020. godine, u iznosu od 306,00 KM nedostaje potpis primaoca robe, dok na računu, br. 2/20 od 27. 11. 2020. godine, u iznosu od 409,00 KM nedostaje potpis i pečat dobavljača.
- Stranka u poslovnim knjigama i godišnjem finansijskom izvještaju nije evidentirala troškove telefonskih usluga za juli, novembar i decembar 2020. godine, dok je troškove vode u iznosu od 2,93 KM evidentirala samo za mart 2020. godine. Navedeno ukazuje da stranka nema potpune evidencije o svojim troškovima i obavezama.
- Uvidom u račune za nabavku prehrambenih proizvoda koje je stranka evidentirala na kontu 512500–hrana za paketiće, utvrđeno je da je stranka dva računa iz 2019. godine u ukupnom iznosu od 700,00 KM evidentirala kao troškove tekućeg perioda. Također je utvrđeno da računi nisu ovjereni za knjiženje, niti postoji evidencija u koju svrhu su nabavljeni proizvodi, odnosno spisak lica kojima su podijeljeni paketi.
- U godišnjem finansijskom izvještaju politička stranka je iskazala troškove propagande u iznosu od 10.599,58 KM, od čega je na ime štampanja bilborda, flajera i plakata, te emitiranje TV-reportaže i priloga utrošila ukupno 8.534,53 KM, dok se 2.065,05 KM

odnosi na redovne troškove reklame (nabavka reklamnog materijala i emitiranje razgovora 21. 12. 2020. godine).

- (4) Podaci o obavezama koje je “Hrvatska seljačka stranka-Braća Radić“ Brčko distrikt BiH iskazala u obrascu 5 (obaveze) godišnjeg finansijskog izvještaja ne odgovaraju podacima koji su iskazani u poslovnim knjigama i Završnom računu za 2020. godinu.

Naime, stranka je u godišnjem finansijskom izvještaju iskazala obaveze prema dobavljačima u ukupnom iznosu od 1.104,50 KM, a obaveze po osnovi poreza na dohodak u iznosu od 780,86 KM. Uvidom u poslovne knjige utvrđeno je da su obaveze prema dobavljačima iskazane u ukupnom iznosu od 962,58 KM, a obaveze po osnovi poreza na dohodak u iznosu od 780,86 KM.

Pored navedenog, a uvidom u službene evidencije, utvrđeno je da “Hrvatska seljačka stranka-Braća Radić“ Brčko distrikt BiH ima obaveze po osnovi neplaćene kazne u iznosu od 2.000,00 KM, koju joj je izrekla Centralna izborna komisija Bosne i Hercegovine Odlukom broj: 03-07-6-32/18 od 24. 05. 2019. godine. Stranka u poslovnim knjigama i godišnjem finansijskom izvještaju nije iskazala obaveze po ovom osnovu.

31. HRVATSKI SAVEZ HKDU–HRAST (Kod 1714)

Prema podacima iz godišnjeg finansijskog izvještaja Hrvatski savez HKDU–Hrast se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,01	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,00	4,23
7.	Prihodi iz budžeta (3-f)	27.163,36	95,77
8.	Prihodi od propagande (3-g)	0,00	0,00
I	Ukupni prihodi (1-8)	28.363,37	100,00
II	Ostali prihodi i drugo	0,00	0,00
	Izvori finansiranja (I+II)	28.363,37	100,00

Pregledom godišnjeg finansijskog izvještaja za 2020. godinu, utvrđeno je da je Hrvatski savez HKDU–Hrast prekršio odredbe člana 4. stav (1), člana 11. stav (1) i člana 12. Zakona o finansiranju političkih stranaka.

a) Hrvatski savez HKDU–Hrast je svojim programom utroška sredstava planirao ukupne troškove u iznosu od 42.400,00 KM. U godišnjem finansijskom izvještaju, koji je podnijela Centralnoj izornoj komisiji BiH, politička stranka je iskazala ukupne troškove u iznosu od 39.806,14 KM.

(1) Analizom programa utroška sredstava i pregledom godišnjeg finansijskog izvještaja, utvrđeno je da je stranka ostvarila troškove u iznosu od 21.560,00 KM koje nije predvidjela svojim programom utroška sredstava. To su: troškovi ugovora o djelu u

iznosu od 6.500,00 KM, troškovi knjigovodstvenih usluga u iznosu od 470,00 KM, troškovi platnog prometa u iznosu od 380,20 KM, troškovi goriva i maziva u iznosu od 12.721,73 KM, troškovi održavanja opreme u iznosu od 1.013,10 KM, troškovi kancelarijskog materijala u iznosu od 335,98 KM i troškovi sitnog inventara i autoguma u iznosu od 139,80 KM.

Također, Hrvatski savez HKDU–Hrast je humanitarne troškove koje je predvidio u iznosu od 2.300,00 KM ostvario u iznosu od 2.825,98 KM, što je za 525,98 KM više od planiranog iznosa.

(2) Na osnovi blagajničke dokumentacije i poslovnih knjiga političke stranke nije utvrđeno da su sredstva u iznosu od 18.548,90 KM utrošena isključivo za ostvarivanje ciljeva utvrđenih programom i statutom Hrvatskog saveza HKDU–Hrast.

- Politička stranka nema vlastita vozila, nema zaključene ugovore o zakupu motornih vozila, a putem blagajne je isplatila sredstva za utošeno gorivo u iznosu od 12.619,10 KM. Sredstva u iznosu od 6.367,40 KM isplaćena su Ani Prskalo, osobi koja je bila ovlaštena za finansijske izvještaje do 2020. godine, dok su sredstva u iznosu od 6.251,70 KM isplaćena Peri Barbariću, koji je 2020. godine imenovan za novu osobu ovlaštenu za finansijske izvještaje. Politička stranka nije iskazala troškove službenih putovanja, niti je navela druge podatke kojima bi potvrdila da su motorna vozila korištena za obavljanje stranačkih aktivnosti.
- Na ime troškova reprezentacije politička stranka je iz blagajne izvršila dvije isplate sredstava Ani Prskalo, u ukupnom iznosu od 3.295,50 KM. Jedna isplata je izvršena u iznosu od 2.627,50 KM, dok je druga isplata iznosila 668,00 KM.
- Politička stranka je iz blagajne isplatila sredstva u iznosu od 2.634,30 KM, koja je u finansijskom izvještaju prijavila kao humanitarne rashode. Sredstva su isplaćena Ani Prskalo u iznosu od 1.608,10 KM i Peri Barbariću u iznosu od 1.026,20 KM.

Sve navedeno potvrđuje činjenicu da je Hrvatski savez HKDU–Hrast prekršio odredbe člana 4. stav (1) Zakona o finansiranju političkih stranaka, jer je finansijska sredstva u iznosu od 21.560,81 KM utrošio mimo utvrđenog programa utroška finansijskih sredstava za 2020. godinu, dok za sredstva u iznosu od 18.548,90 KM nije potvrđeno da su utrošena za obavljanje stranačkih aktivnosti.

b) Pregledom godišnjeg finansijskog izvještaja i prikupljene finansijske dokumentacije, utvrđeno je da Hrvatski savez HKDU–Hrast nije vodio poslovne knjige u skladu sa računovodstvenim propisima, nije uspostavio tačnu evidenciju o svojim rashodima i obavezama, nije u godišnjem finansijskom izvještaju uključio sve koristi ostvarene od aktivnosti udruženja koje je povezano sa političkom strankom, niti je godišnji finansijski izvještaj popunio u skladu sa odredbama Pravilnika, čime je prekršila odredbe člana 11. stav (1) i člana 12. Zakona o finansiranju političkih stranaka.

(1) Politička stranka je troškove u procentu od 83,79 % platila gotovinski putem blagajne.

Uvidom u izvode sa transakcijskog računa i blagajničku dokumentaciju utvrđeno je da je politička stranka ostvarila promet blagajne, odnosno izvršila gotovinska plaćanja u iznosu od 33.353,97 KM. Iako je na blagajni na dan 01. 01. 2020. godine evidentirala sredstva u iznosu od 10.462,74 KM, stranka je nakon svake uplate sredstva iz budžeta Zapadnohercegovačkog kantona i budžeta Općine Čitluk na transakcijski račun, broj:

3381202253562891 kod UniCredit banke, podizala novac i vršila polog gotovine u blagajnu.

Podizanjem sredstava sa transakcijskog računa kada u blagajni ne nedostaju sredstva za izmirenje tekućih obaveza, kao i isplatama sredstava fizičkim licima koja su oporeziva, stranka je odstupila od propisa i principa blagajničkog poslovanja koji su regulirani Uredbom o uvjetima i načinu plaćanja gotovim novcem u Federaciji BiH. Podizanje gotovine sa transakcijskog računa i njen polog na blagajnu vrši se u slučaju kada u blagajni nedostaju gotovinska sredstva za tekuće potrebe.

(2) Hrvatski savez HKDU–Hrast nije uspostavio potpune i tačne evidencije o rashodima stranke, te ih nije pravilno iskazao u godišnjem finansijskom izvještaju i poslovnim knjigama, čime je prekršio odredbe člana 21 i 22. Pravilnika.

- Stranka je u godišnjem finansijskom izvještaju iskazala troškove takse za ovjeru učešća na Lokalnim izborima 2020. godine u iznosu od 2.500,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine, u iznosu od 1.000,00 KM, pa su troškovi takse iznosili 1.500,00 KM.
- Stranka je u godišnjem finansijskom izvještaju iskazala troškove računovodstvenih usluga u iznosu od 470,00 KM, dok ih je u poslovnim knjigama evidentirala u iznosu od 400,00 KM.
- Trošak usluga Finansijsko-informatičke agencije FBiH (FIA) u iznosu od 70,00 KM, koji je evidentiran u poslovnim knjigama, stranka nije prijavila u godišnjem finansijskom izvještaju.
- Politička stranka nije obračunala, niti je platila porez i doprinose na isplaćena sredstva u iznosu od 25,048.90 KM, koja imaju karakter ličnih primanja, pa su u skladu sa poreznim propisima oporeziva. Stranka je po osnovi ugovora o djelu isplatila sredstva u iznosu od 6.500,00 KM. Fizičkim licima koja nisu uposlenici političke stranke isplaćena su sredstva na ime goriva za motorna vozila u iznosu od 12.619,10 KM, na ime reprezentacije sredstva u iznosu od 3.295,50 KM i humanitarnih rashoda u iznosu od 2.634,30 KM, kao što je navedeno u nazu pod tačkom a).

(3) Hrvatski savez HKDU–Hrast je prekršio odredbe člana 12. Zakona o finansiranju političkih stranaka.

Hrvatski savez HKDU–Hrast iako je, u skladu sa odredbom člana 12. stav (2) Zakona o finansiranju političkih stranaka, imao obavezu da u svoj godišnji finansijski izvještaj uključiti koristi ostvarene od aktivnosti udruženja “Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja, ona to nije učinila.

(4) Hrvatski savez HKDU–Hrast u poslovnim knjigama nije uspostavio tačne evidencije o svojim obavezama i nije ih pravilno prijavio u obrascu 5 (obaveze političke partije) finansijskog izvještaja, čime je prekršio odredbe člana 24. Pravilnika.

- Stranka je u obrascu 5 godišnjeg finansijskog izvještaja iskazala obaveze prema pravnom licu JP "HT" d. d. Mostar u iznosu od 181,20 KM. Uvidom u poslovne knjige, utvrđeno je da je stranka evidentirala pomenute obaveze u iznosu od 87,84 KM.
- Uvidom u starosnu strukturu obaveza političke stranke utvrđeno je da je obaveza prema pravnom licu "Hotel Brotnjo" d. o. o. Čitluk u iznosu od 3.861,00 KM i obaveza prema pravnom licu Inter connect u iznosu od 2.974,55 KM nastala 2016. godine, dok su obaveze prema pravnom licu "Amal MS" d. o. o. Čitluk u iznosu od 2.959,83 KM nastale 2018. i 2019. godine.

Politička stranka je uz godišnji finansijski izvještaj dostavila Izvode otvorenih stavki, koje su potpisala pravna lica "Hotel Brotnjo" d. o. o. Čitluk i "Amal MS" d. o. o. Čitluk, ali nije ovjerio Hrvatski savez HKDU–Hrast, što nije u skladu sa Zakonom o računovodstvu i reviziji FBiH.

Troškovi izborne kampanje

Prema odredbama člana 15.10 Izbornog zakona BiH Hrvatski savez HKDU–Hrast je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 36.027,00 KM i u svrhu izborne kampanje za Izbore u Gradu Mostaru 10.086,40 KM.

Hrvatski savez HKDU–Hrast je u godišnjem finansijskom izvještaju za 2020. godinu iskazao troškove propagande u iznosu 2.150,58 KM.

32. NAPREDNA SRPSKA – NS (Kod 1694)

Prema podacima iz godišnjeg finansijskog izvještaja za 2020. godinu, Napredna Srpska – NS se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	3.700,00	28,53
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	9.266,93	71,47
8.	Prihodi od propagande (3-g)	0,00	0,00
I	Ukupni prihodi (1-8)	12.966,93	100,00
II	Ostali prihodi i drugo	0,00	0,00
	Izvori finansiranja (I+II)	12.966,93	100,00

Pregledom godišnjeg finansijskog izvještaja za 2020. godinu utvrđeno je da je Napredna Srpska – NS prekršila odredbe člana 4. stav (1) i člana 12. stav (4) i stav (5) Zakona o finansiranju političkih stranaka.

- a) U godišnjem finansijskom izvještaju stranka je iskazala ukupne troškove u iznosu od 18.416,68 KM.

S obzirom na to da Napredna Srpska – NS nije dostavila program utroška sredstava za 2020. godinu, smatramo da je finansijska sredstva utrošila bez programa utroška sredstava za 2020. godinu, što je suprotno odredbama člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja i dostavljene dodatne dokumentacije utvrđeno je da Napredna Srpska – NS nije godišnji finansijski izvještaj popunila u skladu sa odredbama Pravilnika, čime je prekršila odredbe člana 12. stav (4) Zakona o finansiranju političkih stranaka.

- (1) Napredna Srpska – NS nije pravilno popunila obrazac 5 (obaveze političke stranke) godišnjeg finansijskog izvještaja, čime je prekršila odredbe člana 24. Pravilnika.

Napredna Srpska – NS je u obrascu 5 iskazala obaveze prema dobavljačima u ukupnom iznosu od 12.281,00 KM, i to: Aleksandar Čavić u iznosu od 11.660,00 KM, Legal IT Goran Talijan s.p. Banja Luka u iznosu od 470,00 KM i Tip-top Milkica Karanović s.p. Banja Luka u iznosu od 151,00 KM

- Kontrolom podataka iskazanih u obrascu 5 utvrđeno je da stranka u dijelu obrasca 5 u koji se upisuju podaci o datumu obaveze, a obaveze je trebala iskazati na dan 31. 12. 2020. godine, navela datum 31.12.2021. godine.

- Uvidom u Bruto bilans i analitičke kartice obaveza prema dobavljačima utvrđeno je da su obaveze prema dobavljačima iznosile ukupno 12.793,91 KM, i to: Aleksandar Čavić u iznosu od 11.660,00 KM, Komunalno Brčko JP Brčko u iznosu od 184,05 KM, Legal IT Goran Talijan s.p. Banja Luka u iznosu od 470,00 KM, M:Tel u iznosu od 234,11 KM, Tip-top Milkica Karanović s.p. Banja Luka u iznosu od 151,00 KM, i Vodovod i kanalizacija Bijeljina u iznosu od 94,75 KM.

Također, utvrđeno je da je stranka na dan 31. 12. 2020. godine imala obaveze za porez na dohodak u iznosu od 2.103,54 KM.

- (2) Dana 23. 02. 2022. godine Centralna izborna komisija Bosne i Hercegovine je Naprednoj Srpskoj – NS uputila Zahtjev za dostavljanje dodatne dokumentacije za 2020. godinu kojim je od stranke traženo da dostavi izjavu o troškovima propagande, glavnu knjigu sa kompletnim analitičkim evidencijama stranke za period 01. 01. – 31. 12. 2020. godine (imovina, prihodi i rashodi) i dokumentaciju o troškovima neproizvodnih usluga (računi, ugovori i ostalo).

Napredna Srpska – NS nije postupila u skladu sa zahtjevom Centralne izborne komisije Bosne i Hercegovine, odnosno nije dostavila traženu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH, Napredna Srpska – NS je za potrebe izborne kampanje, prema broju birača koje je objavila Centralna izborna komisija BiH, mogla potrošiti 258.44,15 KM.

Napredna Srpska – NS u godišnjem finansijskom izvještaju za 2020. godinu nije iskazala troškove izborne kampanje.

33. POLITIČKA ORGANIZACIJA “POKRET USPJEŠNA SRPSKA“ (Kod 1872)

Prema podacima iz godišnjeg finansijskog izvještaja Politička organizacija “Pokret uspješna Srpska“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	5.480,00	16,61
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od pr.lica (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	5.480,00	16,61
II	Ostali prihodi i drugo	27.512,50	83,39
	Izvori finansiranja (I+II)	32.992,50	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Pokret uspješna Srpska“ prekršila odredbe člana 4. stav (1), člana 5. stav (4), člana 8. stav (1) , člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Uvidom u Program utroška sredstava za 2020. godinu koji je dostavila politička stranka utvrđeno je da je stranka planirala rashode u ukupnom iznosu od 29.896,00 KM. U godišnjem finansijskom izvještaju, koji je podnijela Centralnoj izbornoj komisiji BiH, politička stranka je iskazala ukupne rashode u iznosu od 20.949,97 KM. U poslovnim knjigama stranka je rashode evidentirala u iznosu od 30.253,16 KM. Da su rashodi otvoreni u iznosu od 30.253,16 KM potvrđuje finansijska dokumentacija, odnosno izvodi sa transakcijskih računa političke stranke.

Uvidom u strukturu ostvarenih troškova, koji su evidentirani u poslovnim knjigama, utvrđeno je da je Politička organizacija “Pokret uspješna Srpska“ ostvarila troškove u iznosu od 6.607,63 KM koje nije predvidjela svojim programom utroška. To su: troškovi bruto zarada u iznosu od 2.708,33 KM, troškovi takse u iznosu od 2.351,00 KM, toškovi kancelarijskog materijala u iznosu od 888,00 KM, troškovi platnog prometa u iznosu od 375,30 KM i troškovi sitnog inventara u iznosu od 285,00 KM. Troškove reprezentacije koje je planirala u iznosu od 200,00 KM, ostvarila je u iznosu od 1.871,48 KM, čime je plan prekoračila za 1.671,48 KM.

S obzirom na to da je politička stranka sredstva u iznosu od 8.279,11 KM utrošila mimo utvrđenog Programa utroška finansijskih sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja utvrđeno je da politička stranka nije uspostavila evidenciju o prilogima fizičkih i pravnih lica i nije ih u finansijskom izvještaju prijavila u skladu sa odredbama člana 5. stav (4) Zakona o finansiranju političkih stranaka.
- Uvidom u izvode sa transakcijskog računa centrale Političke organizacije “Pokret uspješna Srpska“ utvrđeno je da je ostvarila novčane priloge tri fizička lica u iznosu od 3.500,00 KM i to: prilog Nemanje Jankovića u iznosu od 1.000,00 KM, prilog Stojanke Nikolić u iznosu od 1.000,00 KM i prilog Aleksandra Stevanovića u iznosu od 1.500,00 KM.
 - Uvidom u izvode sa istog transakcijskog računa utvrđeno je da je politička stranka ostvarila novčane priloge od Advokatske kancelarije Stevanović u iznosu od 1.200,00 KM i pravnog lica Standard računovodstvene usluge d. o. o. u iznosu od 800,00 KM.
 - Politička stranka je ostvarila i novčani prilog u iznosu od 800,00 KM kod koga nije utvrđen identitet donatora. Sredstva su uplaćena na transakcijski račun političke stranke, sa naznakom vlastita sredstva – donacija. S obzirom na to da nije poznat identitet donatora, navedeni prilog je, u skladu sa odredbom iz člana 8. stav (1) Zakona o finansiranju političkih stranaka, zabranjen političkoj stranci.
- c) Pregledom finansijskog izvještaja, poslovnih knjiga i finansijske dokumentacije utvrđeno je da Politička organizacija “Pokret uspješna Srpska“ nije uspostavila blagovremene, potpune i tačne evidencije o prihodima, rashodima i novčanim tokovima i finansijski izvještaj nije popunila na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.
- (1) Politička organizacija “Pokret uspješna Srpska“ u finansijskom izvještaju, koji je podnijela Centralnoj izbornoj komisiji BiH nije prijavila tri transakcijska računa, dok je na računu prijavljenom u finansijskom izvještaju iskazala pogrešan promet, čime je prekršila odredbe člana 11. Pravilnika.
- Politička stranka nije prijavila transakcijske račune: broj: 5540010000558898, broj: 5540020000073849 i broj: 5540010000540274. Uvidom u izvode banke, koje je politička stranka dostavila na zahtjev Centralne izborne komisije BiH, utvrđeno je da je putem transakcijskog računa broj: 5540020000073849 ostvaren promet u iznosu od 1.099,67 KM i putem transakcijskog računa broj: 5540010000540274 promet u iznosu od 9,44 KM.
 - Politička stranka je u finansijskom izvještaju prijavila promet putem transakcijskog računa broj: 5540010000516897 u sljedećem iznosu: početno stanje 01. 01. 2020. u iznosu od 2.809,26 KM, uplate na račun u iznosu od 34.365,70 KM, isplate sa računa u iznosu od 33.680,21 KM i stanje 31. 12. 2020. godine u iznosu od 3.494,75 KM. Uvidom u poslovne knjige i izvode sa transakcijskog računa utvrđeno je: početno stanje 01. 01. 2020. u iznosu od 1.461,32 KM, uplate na račun u iznosu od 34.365,70 KM, isplate sa računa u iznosu od 32.571,10 KM i stanje 31. 12. 2020. godine u iznosu od 3.255,92 KM.
- (2) U finansijskom izvještaju koji je podnijela Centralnoj izbornoj komisiji BiH politička stranka je prijavila prihode u iznosu od 32.992,50 KM, od čega su prihodi od članarina u iznosu od 5.480,00 KM i ostali prihodi u iznosu od 27.512,50 KM.

Uvidom u poslovne knjige i finansijsku dokumentaciju stranke utvrđeno je da su prihodi ostvareni u iznosu od 34.365,70 KM, čiju strukturu čine: prihod iz budžeta Grada Bijeljina u iznosu od 28.065,70 KM, prilozi fizičkih lica u iznosu od 3.500,00 KM, prihodi pravnih lica u iznosu od 2.000,00 KM i prilog donatora čiji identitet nije utvrđen, u iznosu od 800,00 KM.

U skladu sa odredbama člana 14. i člana 15. Pravilnika, politička stranka je bila obavezna da u finansijskom izvještaju (na obrascima 3-a i 3-b), koji je podnijela Centralnoj izbornoj komisiji BiH, navede iznos priloga svakog donatora fizičkog i pravnog lica pojedinačno i identitet donatora, te da u skladu s odredbom iz člana 6. Pravilnika svakom donatoru izda potvrdu o primljenom prilogu.

U skladu sa odredbama iz člana 19. Pravilnika politička stranka je bila obavezna prihod koji je ostvarila iz budžeta Grada Bijeljina iskazati na obrascu 3-f finansijskog izvještaja.

- (3) Politička organizacija “Pokret uspješna Srpska“ u ranijem periodu, prije izvještajne 2020. godine, nije uspostavila potpune evidencije o troškovima i obavezama prema dobavljačima u momentu nabavke ili izvršenja usluge. S obzirom na to da nisu evidentirani računi dobavljača, politička stranka je plaćanja dobavljačima u poslovnim knjigama evidentirala kao date avanse. Radi navedenih propusta, u poslovnim knjigama stranke za 2020. godinu evidentirana su nepostojeća potraživanja u iznosu od 9.785,47 KM.
 - (4) Politička stranka je u finansijskom izvještaju za 2020. godinu prijavila troškove u iznosu od 20.949,97 KM. U poslovnim knjigama evidentirani su troškovi u iznosu od 30.253,16 KM. Suprotno odredbama člana 21. i 22. Pravilnika, politička stranka u finansijskom izvještaju nije prijavila: troškove bruto zarada u iznosu od 2.708,33 KM, troškove takse u iznosu od 2.351,00 KM, troškove reprezentacije u iznosu od 1.871,48 KM, troškove poreza u iznosu od 1.000,04 KM, trošak telkomunikacijskih usluga u iznosu od 798,86 KM, troškove računovodstvenih usluga u iznosu od 561,60 KM, troškove platnog prometa u iznosu od 375,00 KM, troškove sitnog inventara u iznosu od 285,00 KM, te druge troškove u iznosu od 75,41 KM.
 - (5) Politička stranka nije prijavila troškove izborne kampanje u postizbornom finansijskom izvještaju, niti u godišnjem finansijskom izvještaju. Uvidom u poslovne knjige i finansijsku dokumentaciju utvrđeno je da je politička stranka ostvarila troškove izborne kampanje u iznosu od 5.766,10 KM koje je u godišnjem finansijskom izvještaju, suprotno odredbama člana 15.1 stav (1) Izbornog zakona BiH i odredbama člana 23. Pravilnika, umjesto na troškovima izborne kampanje (na obrascu 4-2 finansijskog izvještaja) prijavila kao režijsko-administrativne troškove (na obrascu 4-1 izvještaja).
 - (6) Politička stranka u finansijskom izvještaju nije iskazala obaveze na dan 31. 12. 2020. godine, čime je prekršila odredbe člana 24. stav (1) tačka b) Pravilnika. Iako su poslovnim knjigama stranke obaveze evidentirane u iznosu od 2.190,50 KM i to: obaveze prema dobavljačima u iznosu od 1.698,46 KM, obaveze za neisplaćene zarade u iznosu od 259,35 KM i obaveze po osnovi poreza i doprinosa, politička stranka je na obrascu 5. finansijskog izvještaja navela da nema neizmirenih obaveza.
- d) Politička organizacija “Pokret uspješna Srpska“ nije postupila u skladu sa odredbom iz člana 4.4 stav (1) Izbornog zakona Bosne i Hercegovine.

Stranka je u prijavi za ovjeru za učešće na Lokalnim izborima 2020. godine prijavila transakcijski račun broj: 5540010000558898 otvoren kod Naše banke. Iako je u skladu sa Odlukom o visini takse za ovjeru za učešće na Lokalnim izborima 2020. godine, broj: 05-1-7-3-373-1/20 od 28. 04. 2020. godine, bila obavezna da sa navedenog računa ulatiti taksu za izbore i plaća troškove izborne kampanje, stranka je postupila suprotno odredbi člana 4.4 stav (1) Izbornog zakona BiH i odredi ove Odluke.

Politička organizacija "Pokret uspješna Srpska" je i taksu za ovjeru za učešće na Lokalnim izborima 2020. godine godine i troškove izborne kampanje platila sa redovnog transakcijskog računa stranke broj: 5540010000516897 kod Naše banke.

Troškovi izborne kampanje

Prema odredbama člana 15.10 Izbornog zakona BiH Politička organizacija "Pokret uspješna Srpska" je za potrebe izborne kampanje, prema broju birača koje je objavila Centralna izborna komisija BiH, mogla potrošiti 21.043,50 KM.

Iako u finansijskim izvještajima koje je podnijela Centralnoj izbornoj komisiji BiH Politička organizacija "Pokret uspješna Srpska" nije prijavila troškove izborne kampanje, uvidom u finansijsku dokumentaciju stranke utvrđeni su troškovi izborne kampanje u iznosu od 5.766,10 KM.

34. LIBERALNO DEMOKRATSKA STRANKA BIH (Kod 455)

Prema podacima iz godišnjeg finansijskog izvještaja Liberalno demokratska stranka BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	700,00	3,04
2.	Prilozi fizičkih lica (3-a)	6.400,00	27,82
3.	Prilozi pravnih lica (3-b)	2.800,00	12,17
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.694,64	7,37
7.	Prihodi iz budžeta (3-f)	11.409,39	49,60
8.	Prihodi od propagande (3-g)	0,00	0,00
I	Ukupni prihodi (1-8)	23.004,03	100,00
II	Ostali prihodi i drugo	0,06	0,00
	Izvori finansiranja (I+II)	23.004,09	100,00

Pregledom finansijskih izvještaja za 2020. godinu utvrđeno je da je Liberalno demokratska stranka BiH prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3), (4) i (5) Zakona o finansiranju političkih stranaka i odredbe člana 15.1 stav (1) Izbornog zakona BiH.

- a) Liberalno demokratska stranka BiH je prekršila odredbe člana 4. stav (1) Zakona o finansiranju političkih stranaka na sljedeći način:

- (1) U skladu sa odredbama iz člana 4. stav (1) Zakona o finansiranju političkih stranaka, stranka je obavezna sačiniti program utroška sredstava za svaku kalendarsku godinu, te u skladu sa tim sredstva koristiti isključivo za ostvarivanje ciljeva utvrđenih svojim programom i statutom.

Obavještenjem, broj: 03-07-6-163/20 od 04. 03. 2020. godine, za podnošenje godišnjeg finansijskog izvještaja za 2019. godinu, od političke stranke je zatraženo da dostavi program utroška sredstava za 2020. godinu. Politička stranka nije postupila po zahtjevu Centralne izborne komisije BiH, odnosno nije dostavila traženi program utroška sredstava.

Liberalno demokratska stranka BiH je u novembru 2021. godine, u toku pregleda godišnjeg finansijskog izvještaja dostavila dokument pod nazivom "Finansijski plan LDS BiH za 2020. godinu", na kome je navedeno da je donesen 01. 01. 2021. godine.

Navedeni dokument ne predstavlja program utroška sredstva za 2020. godinu, što potvrđuje činjenicu da je politička stranka troškove, u iznosu od 23.929,73 KM, koje je prijavila u godišnjem finansijskom izvještaju ostvarila bez donesenog Programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

- (2) Kod svog organizacionog dijela u Jablanici Liberalno demokratska stranka BiH je prijavila troškove goriva u iznosu od 2.587,00 KM i ostale rashode u iznosu od 1.521,80 KM. Isplatu sredstva za navedene troškove stranka je izvršila iz blagajne gotovinski. Uvidom u blagajničku dokumentaciju, koju je stranka dostavila, utvrđeno je da nije vjerodostojna i ne može se utvrditi kome su sredstva isplaćena.

S obzirom na to da politička stranka ne posjeduje vozila ni vlastita ni iznajmljena, niti je putnim nalogima i finansijskom dokumentacijom dokazala službena putovanja i rad u stranci, nije utvrđeno da je sredstva u iznosu od 4.108,80 KM utrošila za ostvarivanje ciljeva utvrđenih svojim programom i statutom, kako je propisano u članu 4. stav (1) Zakona o finansiranju političkih stranaka.

- b) Politička stranka nije uspostavila evidencije u poslovnim knjigama, niti je u finansijskom izvještaju prijavila nenovčane donacije, koje je ostvario njen organizacioni dio u Srebreniku oglašavanjem putem društvenih mreža.

Na osnovi odluke Centralne izborne komisije BiH o sankcioniranju političkih stranaka radi vođenja plaćene izborne kampanje prije službenog početka izborne kampanje, broj: 05-1-07-5-1064/20 od 28. 10. 2020. godine, utvrđeno je da se OO LDS BiH Srebrenik oglašavao na društvenoj mreži "Facebook". Pregledom finansijskih izvještaja i finansijske dokumentacije utvrđeno je da politička stranka nije platila to oglašavanje, što potvrđuje činjenicu da je ostvarila nenovčane donacije, koje je bila obavezna evidentirati u poslovnim knjigama i prijaviti u godišnjem finansijskom izvještaju, u skladu sa odredbama člana 5. stav (4) Zakona o finansiranju političkih stranaka.

S obzirom na to da nije poznat identitet lica koja su platila troškove oglašavanja političke stranke putem društvene mreže "Facebook", Liberalno demokratska stranka BiH je ostvarila donacije anonimnih donatora koje su, u skladu sa odredbama člana 8. stav (1) tačka e) Zakona o finansiranju političkih stranaka, zabranjene političkim strankama.

Iznos donacija nije moguće utvrditi iz razloga što iste nisu evidentirane u poslovnim knjigama, niti su prijavljene u godišnjem finansijskom izvještaju.

- c) Na osnovi obavljenog pregleda finansijskih izvještaja utvrđeno je da politička stranka u poslovnim knjigama nije uspostavila potpune i tačne evidencije o prihodima, rashodima i obavezama, nije godišnji finansijski izvještaj podnijela u zakonom propisanom roku, obrasce godišnjeg finansijskog izvještaja nije popunila u skladu sa odredbama Pravilnika i nije dostavila svu traženu finansijsku dokumentaciju, čime je prekršila odredbe člana 11. stav (1) i člana 12. stav (1), (4) i (5) Zakona o finansiranju političkih stranaka.

Politička stranka nije uspostavila evidencije o dijelu troškova izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Liberalno demokratska stranka BiH godišnji finansijski izvještaj za 2020. godinu nije podnijela u zakonom propisanom roku i na način utvrđen Pravilnikom o godišnjim finansijskim izvještajima političkih stranaka, čime je prekršila odredbe člana 12. stav (4) Zakona o finansiranju političkih stranaka.

Godišnji finansijski izvještaj za 2020. godinu elektronski, putem aplikacije FI CIK BIH podnijela je dana 03. 04. 2021. godine, a izvještaj u čvrstoj kopiji Centralnoj izbornoj komisiji Bosne i Hercegovine je dostavila dana 06. 09. 2021. godine.

- (2) Politička stranka je, u skladu sa odredbom iz člana 4. stav (2) Pravilnika, imala obaveza da zajedno sa finansijskim izvještajem do 31. 03. 2021. godine dostaviti i godišnji obračun ovjeren od nadležne institucija u BiH, odnosno završni račun koji je ovjerala Finansijsko-informatička agencija – FIA. Spomenuti obračun Liberalno demokratska stranka BiH je dostavila Centralnoj izbornoj komisiji BiH 24. 11. 2021. godine.

- (3) Uvidom u finansijski izvještaj koji je politička stranka podnijela Centralnoj izbornoj komisiji BiH i završni račun koji je podnijela Agenciji FIA, utvrđene su značajne razlike kod novčanih tokova, prihoda i rashoda, koje je politička stranka iskazala u navedenim izvještajima, što ukazuje na činjenicu da politička stranka nije uspostavila potpune i tačne evidencije o svojim novčanim tokovima, prihodima, rashodima i obavezama stranke, čime je prekršila računovodstvene propise, odredbe člana 11. stav (1) i člana 12. stav (1) Zakona o finansiranju političkih stranaka.

- (4) Uvidom u blagajničku dokumentaciju, koju je stranka dostavila za svoj organizacioni dio u Jablanici, utvrđeno je da blagajničko poslovanje nije vođeno u skladu sa važećim propisima i principima blagajničkog poslovanja. Politička stranka je u finansijskom izvještaju prijavila sljedeći promet blagajne ovog organizacionog dijela: početno stanje na dan 01. 01. u iznosu od 68,64 KM, uplatu u blagajnu u iznosu od 5.884,56 KM, isplate iz blagajne u iznosu od 5.870,11 KM i stanje gotovine u blagajni na dan 31. 12. 2020. godine u iznosu od 83,09 KM.

Blagajnička dokumentacija je nevjerodostojna, ne sadrži račune na osnovi kojih je stranka isplaćivala sredstva, niti je na naložima blagajne navedeno kome su sredstva isplaćena. Svi nalozi za uplatu gotovine u blagajnu, nalozi za isplate gotovine iz blagajne u periodu od januara do decembra, kao i dnevnik blagajne u navedenom periodu sačinjeni su na dan 31. 12. 2020. godine. Nalozi blagajne nisu potpisale nadležne i odgovorne osobe, niti su ih potpisale osobe kojima je novac isplaćen. Također, promet blagajne, kao i stanje gotovine na dan 31. 12. 2020. godine evidentirani su u nepostojećim novčanim poenima.

- (5) Politička stranka nije uspostavila evidenciju, niti je u finansijskom izvještaju prijavila nenovčanu donaciju koju je ostvarila oglašavanjem na društvenoj mreži, kao što je

navedeno u nalazu pod b). Neprijavljuvanjem ove donacije stranka je prekršila odredbe člana 13. i 18. Pravilnika.

- (6) Liberalno demokratska stranka BiH u finansijskom izvještaju nije prijavila prihod dva organizaciona dijela, za koje je na osnovi revizijskih dokaza pribavljenih iz eksternih izvora utvrđeno da su ostvarili prihod iz budžeta. Neprijavljuvanjem ovih prihoda politička stranka je prekršila odredbe člana 13. i 19. Pravilnika.
- Iz Brčko distrikta BiH na osnovi akta, broj: 13.9-04.2-331/21-2 od 09. 12. 2021. godine, utvrđeno je da su iz budžeta ovog nivoa vlasti Liberalno demokratskoj stranci uplaćena sredstva za finansiranje izborne kampanje za Lokalne izbore 2020. godine u iznosu od 3.333,33 KM.
 - Politička stranka je iz budžeta Općine Doboj-Istok ostvarila prihod u iznosu od 672,00 KM. Sredstva namijenjena za finansiranje Liberalno demokratska stranka BiH, na osnovi odluke stranke uplaćena su Udruženju građana STK Spin Doboj-Istok. Politička stranka je bila obavezna navedena sredstva evidentirati u poslovnim knjigama i finansijskom izvještaju kao prihod iz budžeta u iznosu od 672,00 KM, a datu donaciju kao trošak stranke u istom iznosu.
- (7) Politička stranka nije uspostavila potpune i tačne evidencije o svojim rashodima čime je prekršila računovodstvene propise, odredbe člana 11. stav (1) i člana 12. stav (1) Zakona o finansiranju političkih stranaka. Stranka nije prijavila sve troškove, dok je neke troškove pogrešno klasifikovala. Neprijavljuvanjem stvarnih troškova u finansijskom izvještaju na obrascima 4. (rashodi političke stranke) i 4.1 (režijsko-administrativni i ostali troškovi) stranka je prekršila odredbe člana 21, 22. i 23. Pravilnika.
- U finansijskom izvještaju stranka nije prijavila trošak takse za ovjeru za učešće na Lokalnim izborima 2020. godine, u iznosu od 1.500,00 KM. Uvidom u izvode sa namjenskog transakcijskog računa za finansiranje izborne kampanje, utvrđeno je da je stranka uplatila taksu u iznosu od 2.100,00 KM. Međutim, Odlukom Centralne izborne kampanje o povratu uplaćenog novčanog iznosa takse za ovjeru, broj: 06-1-07-3-163/21 od 25. 02. 2021. godine, Liberalno demokratska stranka BiH je ostvarila pravo na povrat takse u iznosu od 600,00 KM.
 - Stranka nije prijavila donaciju u iznosu od 672,00 KM koju je dala Udruženju građana STK Spin Doboj-Istok.
 - Liberalno demokratska stranka BiH nije prijavila troškove oglašavanja putem društvene mreže, u svrhu izborne kampanje, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine, kao i odredbe člana 21. i 23. Pravilnika.
- (8) Politička stranka nije uspostavila evidencije o svojim obavezama, niti je na obrascu 5 (obaveze) godišnjeg finansijskog izvještaja iskazala tačne podatke o svojim obavezama na dan 31. 12. 2020. godine, čime je prekršila odredbe člana 24. Pravilnika.

Podaci o obavezama Centralnog ureda koje je stranka iskazala u godišnjem finansijskom izvještaju i završnom računu, koji je podnijela nadležnoj agenciji razlikuju se od podataka koje je stranka prijavila u finansijskom izvještaju koji je podnijela Centralnoj izbornoj komisiji BiH.

- U Bilansu stanja Centralnog ureda na dan 31. 12. 2020. godine obaveze su evidentirane u iznosu od 113.680,22 KM, a u finansijskom izvještaju su prijavljene u iznosu od 112.633,88 KM i to: obaveze po osnovi pozajmica u iznosu od 11.000,00 KM, obaveza prema Službi za zajedničke poslove organa i tijela Federacije BiH, kao dobavljaču u iznosu od 43.970,65 KM, obaveza prema dobavljaču "VIA MEDIA" d. o. o. Sarajevo u iznosu od 16.925,45 KM i obaveze prema ostalim dobavljačima u iznosu od 40.737,78 KM.

U skladu sa računovodstvenim propisima politička stranka je dužna osigurati evidenciju obaveza po povjeriocima i tako ih, u skladu sa odredbama člana 24. Pravilnika, iskazati u finansijskom izvještaju, te navesti datum nastanka obaveze i iznos obaveze na određeni dan, odnosno zadnji dan izvještajnog perioda, prema svakom povjeriocu pojedinačno.

- Obaveze prema Službi za zajedničke poslove organa i tijela Federacije BiH stranka je iskazala u manjem iznosu za 9.933,59 KM. Uvidom u Sporazum o izmirenju duga koji je sklopljen 13. 01. 2020. godine između Liberalno demokratske stranke BiH i Službe za zajedničke poslove organa i tijela Federacije BiH, utvrđene su obaveze u iznosu od 53.904,24 KM, koji čine: osnovni dug u iznosu od 37.836,62 KM, obaveza za zateznu kamatu u iznosu od 14.365,00 KM i obaveza po osnovi troškova parničnog postupka u iznosu od 1.702,62 KM. Sporazumom je dogovoreno da politička stranka dug izmiri u 24 jednake mjesečne rate. Uvidom u finansijsku dokumentaciju koju je stranka dostavila nisu utvrđene dogovorene isplate rata duga.

- Liberalno demokratska stranka BiH duži niz godina u svojim finansijskim izvještajima iskazuje obaveze prema pravnom licu "VIA MEDIA" d. o. o. Sarajevo u iznosu od 16.925,45 KM. Isti iznos je iskazala i u godišnjem finansijskom izvještaju za 2020. godinu.

U Izvještaju o pregledu godišnjeg finansijskog izvještaja za 2018. godinu, broj: 03-07-6-313/19 od 12. 08. 2020. godine, konstatirano je da je na osnovi presude Kantonalnog suda u Sarajevu, broj: 65 0 Ps 014698 10 Pz2 od 15. 10. 2012. godine, utvrđeno da dug Liberalno demokratske stranke BiH prema pravnom licu "VIA MEDIA" d. o. o. Sarajevo iznosi 28.125,45 KM, te obaveza za troškove parničnog postupka u iznosu od 7.194,50 KM, a u Izvještaju o pregledu godišnjeg finansijskog izvještaja za 2019. godinu, broj: 03-07-6-379/19 od 29. 09. 2021. godine, navedeno je da tokom 2019. godine nisu utvrđena plaćanja navedenog duga.

U postupku pregleda godišnjeg finansijskog izvještaja za 2020. godinu, a imajući u vidu da nisu dostavljene kompletne poslovne knjige stranke, izvodi sa transakcijskih računa kao ni izvod otvorenih stavki na dan 31. 12. 2020. godine, nije utvrđeno da je stranka izmirivala obaveze prema ovom pravnom licu tokom 2020. godine, te koliki je njen dug prema dobavljaču "VIA MEDIA" d. o. o. Sarajevo.

- (9) Liberalno demokratska stranka BiH nije dostavila svu dodatnu dokumentaciju, čime je prekršila odredbe člana 12. stav (5) Zakona o finansiranju političkih stranaka.

Dana 08. 11. 2021. godine Centralna izborna komisija BiH je stranci uputila Zahtjev za dostavljanje dodatne dokumentacije za 2020. godinu, broj: 03-07-6-1185-2/21, kojim je od stranke zatraženo da dostavi: dokumentaciju o korištenju poslovnih prostora (kopiju ugovora o zakupu, odluke ili izjave ukoliko su prostori korišteni bez naknade), bruto bilans političke stranke na dan 31. 12. 2020. godine, glavnu knjigu političke stranke, sa analitičkim evidencijama u periodu od 01. 01. 2020. do 31. 12. 2020. godine, program

utroška sredstva za 2020. godinu i program utroška sredstava za 2021. godinu, kopiju izvoda sa transakcijskih računa stranke, broj: 3387302215158928, 3383102200358781 i 1606060000031442 u periodu od 01. 01.2020. do 31. 12. 2020. godine, kopiju blagajničke dokumentacije za OO LDS Jablanica i OO LDS Travnik, kopiju ugovora o novčanim pozajmicama političkoj stranci, potvrde dobavljača "VIA MEDIJA" d. o. o. Sarajevo i Služba za zajedničke poslove organa i tijela Federacije Bosne i Hercegovine o obavezama političke stranke na dan 31. 12. 2020. godine i analitiku dobavljača prema kojima je u finansijskom izvještaju prijavila obaveze u iznosu od 40.737,78 KM.

Od svega navedenog politička stranka je dostavila sljedeće: završni račun za Centralni ured stranke (bilans stanja i bilans uspjeha) za 2020. godinu, kopije ugovora o pozajmicama za Centralni ured stranke u Sarajevu, kopije izvoda sa transakcijskog računa za finansiranje izborne kampanje, broj: 3387302215158928, dio izvoda sa transakcijskog računa Centralnog ureda stranke, broj: 3383102200358781, kopiju blagajničke dokumentacije za OO LDS Jablanica, kopiju ugovora o zakupu poslovnog prostora u Travniku i kopiju Sporazuma o izmirenju duga zaključenog sa Službom za zajedničke poslove Federacije BiH.

S obzirom na to da Liberalno demokratska stranka BiH nije postupila u skladu sa zahtjevom Centralne izborne komisije BiH, odnosno nije dostavila svu traženu dokumentaciju, prekršila je odredbe člana 12. stav (5) Zakona o finansiranju političkih stranaka, te ograničila djelokrug kontrole njenog finansijskog izvještaja.

U nedostatku kompletnih poslovnih knjiga i finansijske dokumentacije nije utvrđeno da li je Liberalno demokratska stranka BiH ostvarila i druge prihode i rashode, osim onih koje je prijavila u finansijskom izvještaju.

Troškovi izborne kampanje

Prema odredbama člana 15.10 Izbornog zakona BiH Liberalno demokratska stranka BiH je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 175.798,95 KM i u svrhu izborne kampanje za Izbore u Gradu Mostaru 30.259,20 KM.

Liberalno demokratska stranka BiH je u Postizbornom finansijskom izvještaju za Lokalne izbore 2020. godine iskazala troškove izborne kampanje u iznosu od 8.763,74 KM.

35. POLITIČKA ORGANIZACIJA NAROD I PRAVDA (Kod 2317)

Prema podacima iz korigiranog godišnjeg finansijskog izvještaja Politička organizacija Narod i pravda se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	33.496.70	7,49
2.	Prilozi fizičkih lica (3-a)	170.983.57	38,24
3.	Prilozi pravnih lica (3-b)	37.100.00	8,30
4.	Prihodi od imovine (3-c)	0.00	0,00
5.	Prihodi od pr.lica (3-d)	0.00	0,00
6.	Prihodi od poklona (3-e)	57,54	0,01
7.	Prihodi iz budžeta (3-f)	204.558.05	45,74
8.	Prihodi od propagande (3-g)	0.00	0,00
I	Ukupni prihodi (1-8)	446.195,86	99,78
II	Ostali prihodi i drugo	1.000,00	0,22
	Izvori finansiranja (I+II)	447.195,86	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija Narod i pravda prekršila odredbe člana 4. stav (1), člana 11. stav (1) i člana 12. stav (1) Zakona o finansiranju političkih stranaka.

a) Politička stranka je svojim programom utroška sredstava za 2020. godinu predvidjela troškove u iznosu od 900.000,00 KM.

U godišnjem finansijskom izvještaju i poslovnim knjigama za 2020. godinu stranka je iskazala ostvarene troškove u iznosu od 745.156,14 KM.

Uvidom u strukturu planiranih i ostvarenih troškova nije moguće utvrditi da li je Politička organizacija Narod i pravda troškove toplog obroka, prevoza i regresa zaposlenih, u iznosu od 7.980,00 KM, predvidjela svojim programom utroška.

Stranka je troškove zaposlenika planirala kao troškove plaća sa pripadajućim porezima i doprinosima, te nije moguće utvrditi da li su planom, u okviru ove kategorije troškova, obuhvaćeni troškovi toplog obroka, prevoza i regresa i u kojem iznosu.

Također, za troškove u iznosu od 1.157,50 KM, koje je stranka u finansijskom izvještaju iskazala kao troškove usluga, nije moguće utvrditi da li su isti sadržani u nekoj od planiranih vrsta usluga iz programa utroška sredstava.

S obzirom na to da politička stranka u programu utroška sredstva nije precizno navela troškove u iznosu od 9.137,50 KM, ili ih nije ni planirala, kao što je prethodno navedeno, prekršila je odredbe člana 4. stav (1) Zakona o finansiranju političkih stranaka.

b) Pregledom finansijskog izvještaja i finansijske dokumentacije Političke organizacije Narod i pravda, utvrđeno je da u poslovnim knjigama nisu uspostavljene blagovremene i potpune evidencije o prihodima i rashodima, čime su prekršene odredbe člana 11. stav (1) i člana 12. stav (1) Zakona o finansiranju političkih stranaka.

(1) U poslovnim knjigama, suprotno računovodstvenim propisima, nisu evidentirane nenovčane donacije u iznosu od 57,84 KM, koje je politička stranka ostvarila provođenjem kampanje putem društvenih mreža, a koju su finansirali članovi stranke. Također, u poslovnim knjigama nisu evidentirani ni troškovi kampanje u navedenom iznosu.

- (2) U finansijskom izvještaju koji je podnijela Centralnoj izbornoj komisiji BiH Politička organizacija Narod i pravda je prijavila prihode u iznosu od 447.195,86 KM. Navedeni iznos prihoda odgovara podacima iz finansijske dokumentacije političke stranke i prometu po izvodima sa transakcijskih računa na koje su sredstva uplaćena.
- U poslovnim knjigama evidentiran je prihod u iznosu od 470.260,00 KM. Uvidom u finansijsku dokumentaciju utvrđeno je da su interni prenosi novčanih sredstava između organizacionih dijelova stranke u iznosu od 30.320,00 KM, suprotno računovodstvenim propisima i odredbama Zakona o finansiranju političkih stranaka, u poslovnim knjigama evidentirani kao prihod. U skladu sa odredbom iz člana 13. stav (5) Pravilnika o godišnjim finansijskim izvještajima političkih stranaka novčana sredstva koja jedan organizacioni dio prenosi drugom organizacionom dijelu unutar političke stranke ne smatra se prihodom.
 - Prihod od članarina koji je ostvaren i u finansijskom izvještaju prijavljen u iznosu od 33.496,70 KM, u poslovnim knjigama je evidentiran u iznosu od 42.406,09 KM. Pored navedenog, prihod koji je politička stranka ostvarila iz budžeta Općine Stari Grad Sarajevo u iznosu od 1.632,48 KM i budžeta Općine Bosanska Krupa u iznosu od 557,91 KM, u poslovnim knjigama je evidentiran kao članarina u iznosu od 2.189,36 KM.
 - Novčani prilozi fizičkih i pravnih lica koje je politička stranka prijavila u finansijskom izvještaju u iznosu od 208.083,57 KM u poslovnim knjigama su evidentirani u iznosu od 216.129,22 KM. Uvidom u izvode sa transakcijskih računa utvrđeno je da su prihodi u iznosu od 15.112,65 KM, koje je politička stranka ostvarila iz budžeta, u poslovnim knjigama evidentirani kao prilozi pravnih lica. To su prihod iz budžeta Općine Velika Kladuša u iznosu od 10.714,25 KM, prihod iz budžeta Grada Gradačca u iznosu od 3.998,40 KM i prihod iz budžeta Općine Bosanska Krupa u iznosu od 400,00 KM.
 - Povrat zabranjenog priloga iz 2018. godine, u iznosu od 5.148,00 KM, u poslovnim knjigama je evidentiran kao storno, odnosno umanjenje iznosa donacija koje je politička stranka ostvarila 2020. godine.
 - Prihod iz budžeta koji je politička stranka ostvarila u iznosu od 204.558,00 KM i u finansijskom izvještaju ga prijavila u istom iznosu, u poslovnim knjigama je evidentiran u iznosu od 187.255,01 KM. U poslovnim knjigama su evidentirani samo prihodi iz budžeta Federacije BiH i budžeta Kantona Sarajevo, dok su prihodi iz budžeta Općine Velika Kladuša, Grada Gradačca i Općine Bosanska Krupa evidentirani kao prilozi pravnih lica, a prihod iz budžeta budžeta Općine Stari Grad Sarajevo i budžeta Općine Bosanska Krupa evidentiran je u okviru članarina, kao što je prethodno navedeno.
- (3) U poslovnim knjigama dio evidencija o troškovima stranke nije blagovremeno uspostavljen.
- Uvidom u ugovore o zakupu poslovnih prostora i evidencije iz poslovnih knjiga utvrđeno je da su knjiženi samo oni troškovi zakupnine koji su plaćeni tokom 2020. godine. U poslovnim knjigama troškovi zakupnine su evidentirani zaključno sa mjesecom novembrom 2020. godine, u iznosu od 75.445,45 KM. Za mjesec decembar u poslovnim knjigama nije evidentiran ni trošak zakupnine, niti obaveza prema zakupodavcima.
U skladu sa ugovorima o zakupu troškovi zakupnine u 2020. godini su iznosili 91.407,72 KM, kao što je politička stranka i prijavila u finansijskom izvještaju.

- U poslovnim knjigama evidentiran je trošak takse za ovjeru za učešće na Lokalnim izborima u iznosu od 9.300,00 KM. Odlukom Centralne izborne komisije BiH o povratu uplaćenog iznosa takse za ovjeru, broj: 06-1-07-3-163/21 od 25. 02. 2021. godine, Politička organizacija Narod i pravda je ostvarila pravo na povrat uplaćenih sredstva po osnovi takse u iznosu od 6.400,00 KM. Trošak takse je iznosio 2.900,00 KM, kako je politička stranka iskazala u finansijskom izvještaju.
- U poslovnim knjigama kao ostali rashodi iskazani su interni prenosi novčanih sredstava između organizacionih dijelova stranke u iznosu od 30.000,00 KM. U skladu sa odredbom iz člana 21. stav (4) Pravilnika o godišnjim finansijskim izvještajima političkih stranaka novčana sredstva koja jedan organizacioni dio prenosi drugom organizacionom dijelu unutar političke stranke ne smatra se rashodom.

Troškovi izborne kampanje

Prema odredbama člana 15.10 Izbornog zakona BiH Politička organizacija Narod i pravda je za potrebe izborne kampanje, prema broju birača koje je objavila Centralna izborna komisija BiH, mogla potrošiti 564.211,70 KM.

Politička organizacija Narod i pravda je u ispravljenim finansijskim izvještajima, postizbornom finansijskom izvještaju i godišnjem finansijskom izvještaju za 2020. godinu, koje je podnijela Centralnoj izbornoj komisiji BiH, iskazala troškove izborne kampanje u iznosu od 375.131,42 KM.

36. STRANKA MLADIH ZA PROMJENE (Kod 1271)

Prema podacima iz godišnjeg finansijskog izvještaja Stranka mladih za promjene se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.510,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	1.510,00	100,00
II	Ostali prihodi i drugo	0,00	0,00
	Izvori finansiranja (I+II)	1.510,00	100,00

Pregledom godišnjeg finansijskog izvještaja za 2020. godinu utvrđeno je da je Stranka mladih za promjene prekršila odredbe člana 4. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Politička stranka nije donijela program utroška sredstava za 2020. godinu. Uvidom u finansijski izvještaj Stranke mladih za promjene utvrđeno je da je ostvarila troškove u iznosu od 1.509,95 KM.
- b) Pregledom finansijskog izvještaja i dodatne dokumentacije utvrđeno je da Stranka mladih za promjene nije vodila poslovne knjige, nije uspostavila tačne evidencije o svojim prihodima, rashosima i obavezama, nije podnijela postizborni finansijski izvještaj i godišnji finansijski izvještaj nije popunila na način kako je Centralna izborna komisija BiH propisala Pravilnikom.
- (1) Na zahtjev Centralne izborne komisije BiH stranci da dostavi poslovne knjige (bruto bilans i glavnu knjigu za period 01. 01. 2020.do 31. 12. 2020. godine) Stranka mladih za promjene je dostavila odgovor da nije vodila poslovne knjige iz razloga što nema aktivu (opremu, zalihe niti sredstva na računu), kao i pasivu (kapital niti obaveze).
- (2) Politička stranka je u finansijskom izvještaju koji je podnijela Centralnoj izbornoj komisiji BiH i završnom računu prijavila novčanu donaciju fizičkog lica Miladina Lazića u iznosu od 1.510,00 KM. Međutim, uvidom u izvode sa transakcijskog računa stranke utvrđeno je da je spomenuto lice Stranci mladih za promjene uplatilo pozajmicu u iznosu od 1.510,00 KM, a ne donaciju. S obzirom na to da politička stranka nije dostavila bilans stanja na dan 31. 12. 2021. godine, niti je dostavila dokaz da se Miladin Lazić odrekao svojih potraživanja od političke stranke po osnovi date pozajmice, nije utvrđeno da li je Stranka mladih za promjene ostvarila donaciju ili ima obavezu vratiti pozajmicu u iznosu od 1.510,00 KM. Obavezu stranka nije prijavila u finansijskom izvještaju.
- (3) Stranka mladih za promjene Centralnoj izbornoj komisiji BiH nije podnijela finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine (postizborni finansijski izvještaj).
- U skladu sa odredbama iz člana 15.1 Izbornog zakona BiH politička stranka je bila obavezna podnijeti postizborni finansijski izvještaj u roku od 30 dana od dana objavljivanja izbornih rezultata u Službenom glasniku BiH.
- U godišnjem finansijskom izvještaju politička stranka nije iskazala troškove izborne kampanje. Na zahtjev Centralne izborne komisije BiH da dostavi izjavu o načinu finansiranja kampanje i iznosu, politička stranka je odgovorila da finansiranje stranke nije bilo potrebno, jer ona nije aktivan učesnik na izborima.
- Na osnovi navedenog nije utvrđeno da li je Stranka mladih za promjene ostvarila troškove izborne kampanje, u kojem iznosu i iz kojeg izvora su finansirani.

Troškovi izborne kampanje

Prema odredbama člana 15.10 Izbornog zakona BiH Stranka mladih za promjene je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 61.339,80 KM.

U godišnjem finansijskom izvještaju za 2020. godinu Stranka mladih za promjene nije iskazala troškove izborne kampanje.

37. STRANKA SOCIJALNE SIGURNOSTI SRPSKIH BORACA (Kod 1250)

Prema podacima iz godišnjeg finansijskog izvještaja za 2020. godinu Stranka socijalne sigurnosti srpskih boraca se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	200,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	200,00	100,00
II	Ostali prihodi i drugo	0,00	0,00
	Izvori finansiranja (I+II)	200,00	100,00

Pregledom godišnjeg finansijskog izvještaja za 2020. godinu utvrđeno je da je Stranka socijalne sigurnosti srpskih boraca prekršila odredbe člana 4. stav (1), člana 5. stav (4), člana 11. stav (1), člana 12. stav (1), (3), (4) i (5) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Politička stranka uz godišnji finansijski izvještaj za 2019. godinu nije dostavila program utroška sredstava za 2020. godinu. Također, navedeni program utroška stranka nije dostavila ni po zahtjevu Centralne izborne komisije BiH za dostavu dodatne dokumentacije, kao i urgenciji iz mjeseca novembra 2021. godine, što potvrđuje činjenicu da nije sačinila program utroška sredstava.

Osim troškova koje je politička stranka u godišnjem finansijskom izvještaju iskazala u iznosu od 1.252,50 KM, a s obzirom na to da nije dostavila finansijsku dokumentaciju, nije utvrđen stvarni iznos troškova koje je ostvarila bez programa utroška sredstava.

- b) Politička stranka nije uspostavila evidenciju o nenovčanoj donaciji koju je ostvarila korištenjem poslovnog prostora bez plaćanja zakupnine, niti ju je prijavila u finansijskom izvještaju, koji je podnijela Centralnoj izbornoj komisiji BiH.

Na osnovi Odluke pravnog lica "METAL" a.d. Banja Luka, od 20. 12. 2018. godine da se Stranci socijalne sigurnosti srpskih boraca dodjeljuje kancelarijski prostor površine 40,00 m² na korištenje bez naknade u periodu od tri godine, odnosno do 31. 12. 2021. godine, utvrđeno je da je politička stranka koristeći poslovni prostor 2020. godine bez naknade ostvarila nenovčanu donaciju.

U skladu sa odredbama iz člana 5. stav (4) Zakona o finansiranju političkih stranaka, stranaka je imala obavezu da prihod od spomenute donacije evidentira u poslovnim knjigama i prijavi u godišnjem finansijskom izvještaju, u iznosu tržišne vrijednosti usluge.

- c) Na osnovi obavljenog pregleda godišnjeg finansijskog izvještaja i dodatne finansijske dokumentacije, utvrđeno je da stranka nije u poslovnim knjigama i finansijskom izvještaju uspostavila potpunu evidenciju o svojim prihodima i rashodima, godišnji finansijski izvještaj nije popunila na način i u formi koju je Centralna izborna komisija BiH propisala Pravilnikom.
Stranka na zahtjev Centralne izborne komisije BiH nije dostavila dodatnu finansijsku dokumentaciju.
- (1) Politička stranka je godišnji finansijski izvještaj Centralnoj izbornoj komisiji BiH podnijela 31. 03. 2020. godine u elektronskoj formi. Iako je, u skladu sa odredbom iz člana 3. stav (1) Pravilnika o godišnjim finansijskim izvještajima političkih stranaka, bila obavezna da do 31. 03. 2021. godine dostavi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke, skupa sa potvrdom o podnesenom izvještaju u elektronskoj formi, Stranka socijalne sigurnosti srpskih boraca je obrasce finansijskog izvještaja, u čvrstoj kopiji dostavila 10. 05. 2021. godine.
- (2) Stranka nije uspostavila potpune evidencije o svojim novčanim tokovima. Stranka u finansijskom izvještaju nije prijavila transakcijski račun broj: 5620998113191462 kod NLB banke a.d. Banja Luka, čime je prekršila odredbe člana 11. Pravilnika. S obzirom na to da stranka nije dostavila izvode sa spomenutog računa, nije bilo moguće utvrditi da li je tokom 2020 godine ostvarila promet putem ovog računa.
- (3) Stranka socijalne sigurnosti srpskih boraca u poslovnim knjigama nije uspostavila potpunu evidenciju o prihodima i rashodima, niti ih je prijavila u finansijskom izvještaju koji je podnijela Centralnoj izbornoj komisiji BiH.
- Stranka je koristila poslovni prostor bez plaćanja zakupnine, kao što je navedeno u nalazu pod b), čime je ostvarila nenovčanu donaciju koju je u skladu sa podredbom iz člana 18. Pravilnika bila obavezna prijaviti u finansijskom izvještaju.
 - Stranka nije iskazala ni trošak zakupnine poslovnog prostora, čime je prekršila odredbe člana 21. i člana 22. Pravilnika.
- Pored navedenog, utvrđeno je da stranka u poslovnim knjigama i završnom računu, koji je podnijela Agenciji za posredničke, informatičke i finansijske usluge – APIF, nije iskazala prihod po osnovi nenovčane donacije niti rashod na ime zakupnine, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka.
- (4) Politička stranka na zahtjev Centralna izborna komisija BiH, broj: 03-07-6-914-2/21 od 28. 06. 2021. godine, i urgenciji broj: 03-07-6-914-3/21 od 03. 11. 2021. godine, nije dostavila kopiju izvoda sa transakcijskog računa broj: 56220998113191462 kod NLB banke a.d. Banja Luka, niti izjavu na koji način i u kojem iznosu je finansirala izbornu kampanju, čime je prekršila je odredbu člana 12. stav (5) Zakona o finansiranju političkih stranaka.
- d) Stranka socijalne sigurnosti srpskih boraca nije podnijela finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine (postizborni finansijski izvještaj, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Postizborni finansijski izvještaj politička stranka je bila dužna podnijeti Centralnoj izbornoj komisiji BiH u roku od trideset dana od dana objavljivanja izbornih rezultata u Službenom glasniku BiH.

Troškovi izborne kampanje

Prema odredbama člana 15.10 Izbornog zakona BiH Stranka socijalne sigurnosti srpskih boraca je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 63.649,80 KM.

U godišnjem finansijskom izvještaju za 2020. godinu Stranka socijalne sigurnosti Srpskih boraca nije prijavila troškove izborne kampanje, a na zahtjev Centralne izborne komisije BiH nije dostavila izjavu na koji način i u kom iznosu je finansirala izbornu kampanju.

38. NEZAVISNA STRANKA DR. MIHAJLO TOVIRAC (Kod 1003)

Prema podacima iz godišnjeg finansijskog izvještaja Nezavisna stranka dr. Mihajlo Tovirac se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	12,00	0,48
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.478,00	99,52
8.	Prihodi od propagande (3-g)	0,00	0,00
I	Ukupni prihodi (1-8)	2.490,00	100,00
II	Ostali prihodi i drugo	0,00	0,00
	Izvori finansiranja (I+II)	2.490,00	100,00

Pregledom godišnjeg finansijskog izvještaja za 2020. godinu utvrđeno je da je Nezavisna stranka dr. Mihajlo Tovirac prekršila odredbe člana 4. stav (1), člana 12. stav (3), stav (4) i stav (5) Zakona o finansiranju političkih stranaka i člana 15.1 Izbornog zakona Bosne i Hercegovine.

a) Nezavisna stranka dr. Mihajlo Tovirac nije uz godišnji finansijski izvještaju za 2019. godinu dostavila program utroška sredstava za 2020. godinu.

S obzirom na to da Nezavisna stranka dr. Mihajlo Tovirac nije dostavila program utroška za 2020. godinu, smatramo da je finansijska sredstva, u iznosu od 1.063,00 KM utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

b) Na osnovi obavljenog pregleda godišnjeg finansijskog izvještaja za 2020. godinu, utvrđeno je da politička stranka godišnji finansijski izvještaj nije dostavila u zakonom propisanom roku, nije pravilno popunila obrasce godišnjeg finansijskog izvještaja i nije

dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka i odredbe Pravilnika.

- (1) Nezavisna stranka dr. Mihajlo Tovirac je godišnji finansijski izvještaj za 2020. godinu podnijela u elektronskoj formi putem aplikacije FI CIK BIH dana 31. 08. 2021. godine.
- (2) Stranka nije u obrascu 1 (opći podaci o političkoj stranci) godišnjeg finansijskog izvještaja iskazala podatke o broju rješenja o upisu stranke u registar suda i šifri djelatnosti, čime je prekršila odredbe člana 9. Pravilnika.

Također, stranka je u godišnjem finansijskom izvještaju navela da je lice ovlašteno za zastupanje stranke Branka Damjanović, potpredsjednik stranke, dok je u Rješenju o upisu u registar političkih organizacija, broj: 085-0-Rp-08-000 001 od 14. 05. 2008. godine, navedeno da je lice ovlašteno za zastupanje stranke Mihajlo Tovirac, predsjednik stranke.

- (3) Stranka nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala tačne podatke o početnom stanju i prometu ostvarenom putem transakcijskog računa, čime je prekršila odredbe člana 11. Pravilnika.

U obrascu 2 iskazan je transakcijski račun broj: 5513021128915221 kod Unicredit banke ad sa sljedećim podacima: početno stanje na dan 01. 01. 2020. godine u iznosu od 13,00 KM, ukupan promet ulaza u iznosu od 4.390,00 KM, ukupan promet izlaza u iznosu od 4.392,50 KM i stanje na dan 31. 12. 2020. godine u iznosu od 10,50 KM.

Kontrolom izvoda sa transakcijskog računa koje je stranka dostavila za period od 01. 01. do 31. 10. 2020. godine utvrđeno je sljedeće: negativno početno stanje na dan 01. 01. 2020. godine u iznosu od 13,00 KM, ukupan promet ulaza u iznosu od 4.390,00 KM, ukupan promet izlaza u iznosu od 4.379,50 KM i negativan saldo novca na dan 31. 10. 2020. godine u iznosu od 2,50 KM.

- (4) Stranka nije u obrascu 3-f (prihodi iz budžeta) iskazala tačne podatke o nivou vlasti iz čijeg budžeta je ostvarila prihode, čime je prekršila odredbe člana 19. Pravilnika.

Nezavisna stranka dr. Mihajlo Tovirac je u obrascu 3-f iskazala da je ostvarila prihode iz budžeta Grada Banja Luka u iznosu od 2.478,00 KM, dok je kontrolom izvoda sa transakcijskog računa utvrđeno da je stranka ostvarila prihode iz budžeta Općine Šamac u iznosu od 2.478,00 KM.

- (5) Nezavisna stranka dr. Mihajlo Tovirac nije na pravilan način popunila obrasce rashoda, čime je prekršila odredbe člana 21. i 22. Pravilnika.

- Uvidom u obrasce rashoda godišnjeg finansijskog izvještaja za 2020. godinu, koje je stranka dostavila u čvrstoj kopiji, utvrđeno je da je stranka u obrascu 4 (rashodi političke stranke) rukom upisala ukupne rashode u iznosu od 1.063,00 KM. Stranka je, također, u obrascu 4.1 (režijsko-administrativni i ostali troškovi) dopisala podatke o iznosu troškova zakupnine poslovnih prostora i troškova usluga, i to: troškove zakupnine poslovnih prostora u iznosu od 900,00 KM i troškove usluga u iznosu od 163,50 KM.

Uvidom u obrazac 4.1 koji je stranka popunila elektronski u aplikaciji FI CIK BiH, utvrđeno je da je stranka u obrascu 4.1 iskazala troškove zakupnine poslovnih prostora i troškove usluga, ali je iznose troškova iskazala u dijelu obrasca u koji se unose podaci o broju konta, dok je u dijelu obrasca u koji se unose podaci o iznosu troška upisala 0,00 KM.

- Kontrolom izvoda sa transakcijskog računa utvrđeno je da je stranka ostvarila troškove naknade za vođenje računa i provizije u iznosu od 135,00 KM, troškove kazne po Odluci Centralne izborne komisije BiH, broj: 03-07-6-495/18 od 20. 12. 2018. godine u iznosu od 1.329,50 KM, troškove kazne po Odluci Centralne izborne komisije BiH, broj: 05-1-07-6-469/19 od 14. 05. 2020. godine u iznosu od 1.000,00 KM i troškove takse za ovjeru političke stranke za učešće na izborima u iznosu od 1.000,00 KM. Također, sa transakcijskog računa isplaćena je gotovina u iznosu od 900,00 KM uz napomenu da se sredstva podižu za zakupninu.

Nepravilnim iskazivanjem strukture troškova stranka je prekršila odredbe člana 21. i 22. Pravilnika.

- Stranka je u godišnjem finansijskom izvještaju iskazala troškove zakupnine poslovnog prostora u iznosu od 900,00 KM, što je za 900,00 KM manje u odnosu na stvarne troškove.

Uvidom u ugovor o zakupu poslovnog prostora, broj: 1-1/09 od 22. 05. 2009. godine, utvrđeno je da su troškovi zakupnine poslovnog prostora iznosili 150,00 KM mjesečno, odnosno 1.800,00 KM na godišnjem nivou.

Stranka, takođe, u obrascu 5 (obaveze) nije iskazala obaveze prema zakupodavcu, čime je prekršila odredbe člana 24. Pravilnika.

- (6) Pregledom finansijskog izvještaja i izvoda sa transakcijskog računa utvrđeno je da stranka nije na pravilan način popunila obrazac 5 (obaveze), odnosno nije iskazala tačne podatke o povjeriocima, iznosu obaveza i datumu obaveza, čime je prekršila odredbe člana 24. Pravilnika.

- Nezavisna stranka dr. Mihajlo Tovirac je u obrascu 5.1 (obaveze političke stranke po kreditima i pozajmicama) godišnjeg finansijskog izvještaja za 2020. godinu iskazala da je u toku 2020. godine primila pozajmicu od fizičkog lica Mihajlo Tovirac u iznosu od 1.900,00 KM, ali da na dan 18. 06. 2020. godine nema obaveze prema navedenom licu.

Uvidom u obrazac 5.1 (obaveze političke stranke po kreditima i pozajmicama) godišnjeg finansijskog izvještaja za 2019. godinu utvrđeno je da je stranka iskazala obaveze prema fizičkom licu Mihajlo Tovirac u iznosu od 180,00 KM.

Kontrolom izvoda sa transakcijskog računa utvrđeno je da je fizičko lice Branka Damjanović u toku 2020. godine dala pozajmice stranci u ukupnom iznosu od 1.900,00 KM, te da nije izvršen povrat pozajmica fizičkim licima Mihajlo Tovirac i Branka Damjanović, što ukazuje da stranka nije u obrascu 5 iskazala tačne podatke o svojim obavezama i povjeriocima.

- Stranka je u obrascu 5.2 (ostale obaveze) iskazala obaveze prema Centralnoj izbornoj komisiji Bosne i Hercegovine u iznosu od 2.329,00 KM, te je iskazala obaveze na dan 10. 05. 2021. godine.

Uvidom u izvode sa transakcijskog računa utvrđeno je da je stranka u periodu od 01. 01. do 31. 10. 2020. godine izmirila obaveze prema Centralnoj izbornoj komisiji Bosne i Hercegovine u iznosu od 2.329,00 KM, a po osnovi odluka kojim su stranci izrečene novčane kazne u 2018. i 2020. godini.

Navedeno ukazuje da stranka na dan 31. 12. 2020. godine nema obaveze prema Centralnoj izbornoj komisiji Bosne i Hercegovine po osnovi novčanih kazni, već su izmirene u toku 2020. godine.

- (7) Dana 16. 11. 2021. godine Centralna izborna komisija Bosne i Hercegovine je Nezavisnoj stranci dr. Mihajlo Tovirac uputila Zahtjev za dostavljanje dodatne dokumentacije za 2020. godinu, a dana 06. 12. 2021. godine i Urgenciju kojom je od stranke traženo da dostavi: kopiju godišnjeg obračuna (bilans uspjeha i bilans stanja) za 2020. godinu, dokumentaciju o korištenju poslovnog prostora u 2020. godini, glavnu knjigu sa kompletnim analitičkim evidencijama za period 01. 01. – 31. 12. 2020. godine, kopiju blagajničkih izvještaja za period 01. 01. – 31. 12. 2020. godine, program utroška sredstava za 2020. i 2021. godinu, kopiju izvoda sa transakcijskog računa broj: 5513021128915221 kod Unicredit banke ad za period 01. 01. – 31. 12. 2020. godine i izjavu o načinu finansiranja izborne kampanje i iznos.

U ostavljenom roku stranka je dostavila kopiju ugovora o zakupu poslovnog prostora i izvoda sa transakcijskog računa broj: 5513021128915221 kod Unicredit banke ad za period 01. 01. – 31. 10. 2020. godine.

S obzirom na to da nije dostavila svu traženu dodatnu dokumentaciju, i to: kopiju godišnjeg obračuna (bilans uspjeha i bilans stanja) za 2020. godinu, glavnu knjigu sa kompletnim analitičkim evidencijama za period 01. 01. – 31. 12. 2020. godine, kopiju blagajničkih izvještaja za period 01. 01. – 31. 12. 2020. godine, program utroška sredstava za 2020. i 2021. godinu, kopiju izvoda sa transakcijskog računa broj: 5513021128915221 kod Unikredit banke ad za period 01. 11. – 31. 12. 2020. godine i izjavu o načinu finansiranja izborne kampanje i iznos, stranka je prekršila odredbe člana 12. stav (5) Zakona o finansiranju političkih stranaka.

- c) Nezavisna stranka dr. Mihajlo Tovirac nije podnijela podnijela postizborni finansijski izvještaj – Lokalni izbori 2020. godine (izvještajni period 01. 06. – 15. 12. 2020.), čime je prekršila odredbe 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.
- d) Nezavisna stranka dr. Mihajlo Tovirac taksu za ovjeru za učešće na izborima nije platila sa transakcijskog računa za finansiranje izborne kampanje.
Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila glavni transakcijski račun stranke broj: 5513021128915221 kod Unikredit banke ad.
Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa glavnog računa stranke.

Troškovi izborne kampanje

Prema odredbama člana 15.10 Izbornog zakona BiH Nezavisna stranka dr. Mihajlo Tovirac je za potrebe izborne kampanje, prema broju birača koje je objavila Centralna izborna komisija BiH, mogla potrošiti 4.952,10 KM.

Nezavisna stranka dr. Mihajlo Tovirac u godišnjem finansijskom izvještaju za 2020. godinu nije iskazala troškove propagande.

39. POKRET MOST 21 (Kod 2313)

Prema podacima iz godišnjeg finansijskog izvještaja za 2020. godinu Pokret most 21 se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.120,00	92,56
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	90,00	7,44
8.	Prihodi od propagande (3-g)	0,00	0,00
I	Ukupni prihodi (1-8)	1.210,00	100,00
II	Ostali prihodi i drugo	0,00	0,00
	Izvori finansiranja (I+II)	1.210,00	100,00

Pregledom godišnjeg finansijskog izvještaja za 2020. godinu utvrđeno je da je Pokret most 21 prekršio odredbe člana 4. stav (1), člana 11. stav (1) i člana 12. stav (1), stav (3), stav (4) i stav (5) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Pokret most 21 je u godišnjem finansijskom izvještaju iskazao ukupne rashode u iznosu od 4.164,42 KM.

Uvidom u službenu evidenciju utvrđeno da stranka nije dostavila Program utroška sredstava za 2020. godinu uz godišnji finansijski izvještaj za 2019. godinu, a što je bila obavezna.

U zahtjevu za dostavu dodatne dokumentacije od stranke je traženo da dostavi Program utroška sredstava za 2020. godinu, što je stranka i učinila. Međutim, uvidom u dostavljeni dokument utvrđeno je da ne sadrži sve bitne elemente dokumenta, tj. ne sadrži datum kada je dokument izrađen kao i broj dokumenta. Pored toga, program utroška ne sadrži projekciju budućih prihoda i troškova, nego izvještaj o utrošenim sredstvima, te iz navedenih razloga nije uzet u razmatranje.

- b) Politička stranka nije uspostavila potpune i tačne evidencije o svojim rashodima i novčanim tokovima, dio evidencija sačinila je bez relevantnih knjigovodstvenih isprava ili na osnovi nevjerodostojnih isprava, blagajničko poslovanje nije vodila u skladu sa pravilima i principima blagajničkog poslovanja, obrasce godišnjeg finansijskog izvještaja nije popunila u skladu sa Pravilnikom i nije dostavila potpunu dodatnu

dokumentaciju, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Uvidom u obrazac 2. finansijskog izvještaja (Pregled prometa svih transakcijskih računa političke stranke) i Izvještaj Centralne banke Bosne i Hercegovine utvrđeno je da stranka nije prijavila sve transakcijske račune te je za transakcijski račun broj 1028370000012651 iskazala promet koji je ostvaren po drugom transakcijskom računu, čime je prekršila odredbe člana 11. Pravilnika.
- Uvidom u Izvještaj Centralne banke Bosne i Hercegovine utvrđeno je da stranka nije u finansijskom izvještaju iskazala transakcijski račun broj: 1028370000012748 otvoren kod Union banke, te dva transakcijska računa otvorena kod Sberbank i to račune broj: 1401011130006383 i 1401011200541194.

Stranka je za račune kod Sberbank dostavila izvode za period 01. 01. – 31. 12. 2020. godine, na osnovi kojih je po transakcijskom računu broj: 1401011130006383 utvrđen sljedeći promet: stanje na dan 01. 01. 2020. godine u iznosu od 0,00 KM, ukupan promet ulaza u iznosu od 194,17 KM, ukupan promet izlaza u iznosu od 194,17 KM i saldo na dan 08. 07. 2020. godine u iznosu od 0,00 KM.

Uvidom u izvode sa deviznog računa broj: 1401011200541194 utvrđen je sljedeći promet: stanje na dan 01. 01. 2020. godine u iznosu od 3,89 EUR, ukupan promet ulaza u iznosu od 0,00 EUR, ukupan promet izlaza u iznosu od 3,89 EUR i saldo na dan 08. 07. 2020. godine u iznosu od 0,00 KM.

Računi kod Sberbank su ugašeni dana 08. 07. 2020. godine.

- U obrascu 2. finansijskog izvještaja utvrđeno je da je stranka iskazala transakcijski račun broj: 1028370000012651 otvoren kod Union banke sa sljedećim prometom: saldo na dan 01. 01. 2020. godine u iznosu od 0,00 KM, ukupan promet ulaza u iznosu od 1.210,00 KM, ukupan promet izlaza u iznosu od 1.122,00 KM i stanje na dan 31. 12. 2020. godine u iznosu od 88,00 KM.
- Uvidom u izvode sa transakcijskog računa kod Union banke koje je stranka na zahtjev dostavila utvrđeno je da iskazani promet odgovara prometu ostvarenom putem transakcijskog računa broj: 1028370000012748, a koji stranka nije navela u finansijskom izvještaju.
- Prema podacima Union banke stranka po transakcijskom računu broj: 1028370000012651 nije ostvarila promet u 2020. godini.

- (2) Stranka u poslovnim knjigama nije evidentirala i u godišnjem finansijskom izvještaju u obrascu 2.1 finansijskog izvještaja (Pregled stanja blagajne) nije iskazala promet ostvaren putem blagajne, nije vodila blagajnu u skladu sa pravilima i principima blagajničkog poslovanja, te je utrošena sredstva pravdala, odnosno evidencije sačinila bez relevantne dokumentacije, čime je prekršila odredbe člana 12. Pravilnika.
- Uvidom u poslovne knjige utvrđeno je da je stranka evidentirala troškove po raznim osnovama, a nije plaćala sa transakcijskog računa. Također je utvrđeno da je stranka iskazala sredstva pozajmljena od fizičkog lica, a nisu uplaćena na transakcijski račun.
- Kontrolom dostavljene dokumentacije utvrđeno je da su računi plaćani gotovinski, a da stranka nije vodila pomoćnu knjigu blagajne, odnosno nije evidentirala promet putem blagajne u skladu sa pravilima i principima o blagajničkom poslovanju.
- Naime, stranka nije vodila dnevnik blagajne, zatim za pozajmice fizičkog lica Amira Reko koje je primila putem blagajne nije sačinila naloge naplate, a za troškove isplaćene

putem blagajne sačinila je jedan dokument – isplate na teret blagajne, na kojem nema potpisa blagajnika, lica koje je primilo novčana sredstva i lica koje je vršilo kontrolu. Također, računi koji su dostavljeni za utrošena sredstva imaju niz manjkavosti, odnosno iz kopija računa nije moguće utvrditi iznos i namjenu utrošenih sredstava, te da li u potpunosti pokrivaju isplaćena sredstva.

Na osnovi podataka iz sačinjenog izvještaja o plaćenim računima gotovinskim putem, utvrđen je izlazni promet u iznosu od 1.530,54 KM, dok je stranka iskazala troškove u iznosu od 4.164,42 KM, od čega je 1.100,00 KM taksa za izbore plaćena putem transakcijskog računa. Služba za reviziju je utvrdila da za sredstva u iznosu od 1.533,88 KM ne postoji nikakva dokumentacija.

- (3) U obrascu 3-a finansijskog izvještaja (Prilozi fizičkih lica) utvrđeno je da je stranka prijavila prilog fizičkog lica Amera Reko u iznosu od 110,00 KM, dok je uvidom u izvode utvrđeno da je prilog u navedenom iznosu dalo drugo fizičko lice, Hasna Ljubović, te da je stranka u finansijskom izvještaju prijavila pogrešno fizičko lice, čime je prekršila odredbe člana 14. Pravilnika.
- (4) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da stranka nije uspostavila potpune i tačne evidencije o rashodima, te ih nije iskazala u godišnjem finansijskom izvještaju u obrascima 4 (rashodi političke stranke) i 4.1 (režijsko-administrativni i ostali troškovi), čime je prekršila odredbe člana 21. i 22. Pravilnika.

Stranka je u poslovnim knjigama evidentirala i u godišnjem finansijskom izvještaju iskazala troškove ostalih zakupa u iznosu od 454,35 KM. Uvidom u ugovor o zakupu utvrđeno je da troškovi zakupa za pet mjeseci ugovorene zakupnine u 2020. godini iznose 1.000,00 KM, te da je stranka troškove iskazala u manjem iznosu za 545,65 KM.

Pored toga stranka u svojim poslovnim knjigama i finansijskom izvještaju nije evidentirala i nije iskazala troškove bankarske provizije prilikom gašenja računa u ukupnom iznosu od 194,17 KM.

- (5) Stranka je u obrascu 5. (obaveze političke partije) iskazala sve svoje obaveze kao obaveze po pozajmicama prema fizičkom licu Amir Reko u iznosu od 3.160,52 KM, čime je prekršila odredbe člana 24. Pravilnika. Uvidom u poslovne knjige utvrđeno je da stranka u okviru obaveza ima evidentirane ostale obaveze u iznosu od 572,36 KM, a ostale obaveze prema Amiru Reko u iznosu od 2.588,16 KM. Na zahtjev da dostavi ugovor o pozajmicama i dokaz o uplati stranka je dostavila ugovor o pozajmici između stranke i Amira Reko na iznos od 1.100,00 KM. S obzirom na to da je stranka dostavila samo ugovor o pozajmici na 1.100,00 KM nije bilo moguće potvrditi da obaveze stranke po osnovi pozajmice prema Amiru Reko iznose 3.060,52 KM.
- (6) Dana 28. 03. 2022. godine Centralna izborna komisija Bosne i Hercegovine je političkoj stranci Pokret most 21 uputila Zahtjev za dostavljanje dodatne dokumentacije za 2020. godinu, broj: 03-07-6-719-5/21, kojim je od stranke traženo da dostavi: dokumentaciju o korištenju poslovnog prostora stranke za 2020. godinu, glavnu knjigu sa kompletnim analitičkim evidencijama za period 01. 01. – 31. 12. 2020. godine, ugovor o pozajmici sa Amikom Reko, kopije računa za troškove goriva, reprezentacije i ostale troškove,

izjavu o načinu finansiranja izborne kampanje i iznose, te kopiju izvoda sa transakcijskih računa: 1028370000012651 i 1401011130006383.

Nakon upućenog zahtjeva stranka je dana 20.04.2021. godine dostavila nepotpunu dokumentaciju, odnosno nije dostavila sve ugovore o pozajmicama sa fizičkim licem i izjavu o načinu finansiranja izborne kampanje i iznose iste.

S obzirom na to da stranka nije dostavila kompletnu traženu dodatnu dokumentaciju prekršila je odredbe člana 12. stav (5) Zakona o finansiranju političkih stranaka.

- c) Uvidom u službene evidencije utvrđeno je da Pokret most 21 Centralnoj izbornoj komisiji BiH nije podnio postizborni finansijski izvještaj za Lokalne izbore 2020. godine, koji su održani u novembru 2020. godine, čime je prekršio odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Postizborni finansijski izvještaj za učešće na Izborima u Gradu Mostaru, održane u decembru 2020. godine politička stranka je podnijela nakon zakonom utvrđenog roka. Stranka je postizborni finansijski izvještaj za Lokalne izbore u Mostaru podnijela putem aplikacije i u čvrstoj kopiji dana 31. 03. 2021. godine, iako je rok za podnošenje izvještaja bio 19. 02. 2021. godine.

Troškovi izborne kampanje

Prema odredbama člana 15.10 Izbornog zakona BiH Pokret most 21 je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 362.038,50 KM, a u svrhu izborne kampanje za Izbore u Gradu Mostaru 2020. godine 30.259,20 KM.

Pokret most 21 u godišnjem finansijskom izvještaju za 2020. godinu nije iskazao troškove kampanje, niti je dostavio izjavu o načinu finansiranja kampanje i iznosu iste.

40. HRVATSKA STRANKA PRAVA BiH (Kod 017)

Prema podacima iz godišnjeg finansijskog izvještaja Hrvatska stranka prava BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	3.000,00	6,47
7.	Prihodi iz budžeta (3-f)	41.853,08	90,29
8.	Prihodi od propagande (3-g)	0,00	0,00
I	Ukupni prihodi (1-8)	44.853,08	96,76
II	Ostali prihodi i drugo	1.500,00	3,24
	Izvori finansiranja (I+II)	46.353,08	100,00

Pregledom godišnjeg finansijskog izvještaja za 2020. godinu utvrđeno je da je Hrvatska stranka prava BiH prekršila odredbe člana 4. stav (1), člana 11. stav (1) i člana 12. stav (1), stav (2) i stav (4) Zakona o finansiranju političkih stranaka.

- a) Planom utroška sredstava za 2020. godinu Hrvatska stranka prava BiH je planirala ukupne rashode u iznosu od 11.604,00 KM. Uvidom u godišnji finansijski izvještaj i poslovne knjige utvrđeno je da je u 2020. godini stranka ostvarila ukupne rashode u iznosu od 33.476,23 KM.

Na osnovi navedenog utvrđeno je da je stranka sredstva u iznosu od 21.872,23 KM utrošila mimo svog plana utroška sredstava za 2020. godinu, čime je prekršila je odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja i dodatne dokumentacije utvrđeno je da Hrvatska stranka prava BiH nije poslovne knjige vodila u skladu sa računovodstvenim propisima, nije vodila tačne evidencije o rashodima, nije u finansijskom izvještaju uključila koristi ostvarene od aktivnosti udruženja koje je povezano sa političkom strankom i nije popunila obrasce godišnjeg finansijskog izvještaja u skladu sa Pravilnikom, čime je prekršio računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Na obrascu 1.1 (Opći podaci o političkoj stranci – teritorijalna organizacija političke stranke) godišnjeg finansijskog izvještaja stranka je navela je da ima samo Središnji ured.

Pregledom godišnjeg finansijskog izvještaja utvrđeno je da je stranka ostvarila prihode iz budžeta Hercegovačkoneretvanskog kantona, Zapadnohercegovačkog kantona i općina Stolac, Odžak i Posušje, što ukazuje da ima i druge organizacione dijelove.

S obzirom na to da nije navela podatke o svim organizacionim dijelovima, politička stranka je prekršila odredbe člana 10. Pravilnika.

- (2) Hrvatska stranka prava BiH nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 21. i člana 22. Pravilnika.

U godišnjem finansijskom izvještaju Hrvatska stranka prava BiH je iskazala troškove takse za ovjeru učešća na Lokalnim izborima 2020. godine u iznosu od 2.000,00 KM. Međutim, kontrolom prometa izvoda sa transakcijskog računa stranke utvrđeno je da je stranka u svrhu takse za učešće na izborima uplatila ukupno 3.600,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranka je ostvarila pravo na povrat dijela uplaćenog novčanog iznosa takse za ovjeru učešća na Lokalnim izborima 2020. godine u iznosu od 700,00 KM, tako da su troškovi takse iznosili 2.900,00 KM, koje je stranka trebala iskazati u godišnjem finansijskom izvještaju.

- (3) Politička stranka u godišnjem finansijskom izvještaju nije uključila koristi ostvarene od aktivnosti udruženja Hrvatski narodni sabor Bosne i Hercegovine, koje je povezano sa političkom strankom, jer je stranka članica ovog udruženja, čime je prekršila odredbe člana 12. stav (2) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Hrvatska stranka prava BiH je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 259.027,05 KM, a u svrhu izborne kampanje za Lokalne izbore u Gradu Mostaru 2020. godine, mogla je da potroši sredstva u iznosu od 10.086,40 KM.

Hrvatska stranka prava BiH je u godišnjem finansijskom izvještaju za 2020. godinu iskazala troškove izborne kampanje u iznosu 12.719,10 KM.

41. HRVATSKA NEZAVISNA LISTA (Kod 1703)

Prema podacima iz godišnjeg finansijskog izvještaja Hrvatska nezavisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od pr.lica (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	43.339,08	99,98
8.	Prihodi od propagande (3-g)	0,00	0,00%
I	Ukupni prihodi (1-8)	43.339,08	99,98
II	Ostali prihodi i drugo	8,46	0,02
	Izvori finansiranja (I+II)	43.347,54	100,00

Pregledom godišnjeg finansijskog izvještaja za 2020. godinu utvrđeno je da je Hrvatska nezavisna lista prekršila odredbe člana 4. stav (1), člana 11. stav (1), člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) Politička stranka je svojim programom utroška sredstava za 2020. godinu predviđjela troškove u iznosu od 57.500,00 KM.

U godišnjem finansijskom izvještaju koji je podnijela Centralnoj izornoj komisiji BiH stranka je prijavila ostvarene troškove u iznosu od 45.519,16 KM, a u poslovnim knjigama ih je evidentirala u iznosu od 44.251,98 KM.

Uvidom u strukturu planiranih troškova utvrđeno je da politička stranka program utroška sredstava nije sačinila na način da osigura potpunu transparentnost utroška sredstava, niti uporedbu ostvarenih i planiranih troškova.

Politička stranka je za organizacije i održavanja različitih političkih susreta i sastanaka, osnivanje novih ogranaka, tribine i sl. predviđjela troškove u iznosu od 14.000,00 KM i za troškove izbornih aktivnosti (promidžbeni materijal, oglašavanje i slično) troškove u iznosu od 20.000,00 KM. S obzirom na to da stranka nije precizirala vrstu troškova za navedene manifestacije, nije utvrđeno da li su troškovi reklame, koje je stranka ostvarila

u iznosu od 11.829,04 KM i troškovi reprezentacije u iznosu od 14.245,69 KM planirani i u kom iznosu.

Politička stranka je ostvarila troškove u iznosu od 6.772,64 KM koje nije predvidjela svojim programom utroška. To su troškovi kancelarijskog materijala u iznosu od 165,64 KM, troškovi platnog prometa u iznosu od 403,00 KM, troškovi knjigovodstvenih usluga u iznosu od 1.404,00 KM, takse, novčane kazne i slično u iznosu od 2.500,00 KM i donacije pravnim licima u iznosu od 2.300,00 KM.

S obzirom na to da je politička stranka nije sačinila precizan plan programa utroška sredstva, te da je ostvarila troškove koji nisu predviđeni programom utroška

- b) Pregledom finansijskog izvještaja, poslovnih knjiga i finansijske dokumentacije utvrđeno je da Hrvatska nezavisna lista nije uspostavila pravovremene i pravilne evidencije o svojim rashodima i finansijski izvještaj nije podnijela na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.
- (1) Politička stranka je troškove 2020. godine u poslovnim knjigama evidentirala u iznosu od 44.251,98 KM. U godišnjem finansijskom izvještaju troškove je iskazala u iznosu od 45.519,16 KM i to režijsko-administrativne troškove u iznosu od 23.739,58 KM i troškove izborne kampanje u iznosu od 21.779,58 KM.
- Uvidom u strukturu troškova utvrđeno je da su u poslovnim knjigama troškovi kancelarijskog materijala evidentirani u iznosu od 165,64 KM, a u finansijskom izvještaju su prijavljeni u iznosu od 505,64 KM.
 - Knjigovodstvene usluge koje su u poslovnim knjigama evidentirane u iznosu od 1.404,00 KM u finansijskom izvještaju su prijavljene u iznosu od 2.340,00 KM.
 - Novčana kazna koja je plaćena u iznosu od 2.000,00 KM i plaćena taksa za ovjeru za učešće na Lokalnim izborima 2020. godine u iznosu od 2.800,00 KM u poslovnim knjigama su evidentirane kao troškovi u iznosu od 4.800,00 KM, a u finansijskom izvještaju u iznosu od 3.795,00 KM.
Međutim, Odlukom Centralne izborne komisije BiH o povratu uplaćenog iznosa takse za ovjeru, broj: 06-1-07-3-163/21 od 25. 02. 2021. godine, Hrvatska nezavisna lista je ostvarila pravo na povrat uplaćenih sredstva po osnovi takse u iznosu od 2.300,00 KM, pa je trošak takse iznosio 500,00 KM, a ne 2.800,00 KM kako je evidentirano u poslovnim knjigama stranke.
 - U finansijskom izvještaju stranka je prijavila donacije pravnim licima u iznosu od 800,00 KM. U poslovnim knjigama su iste donacije evidentirane u iznosu od 1.600,00 KM. Uvidom u izvode sa transakcijskih računa utvrđeno je da je stranka dala donacije u iznosu od 2.300,00 KM. Isplatu donacije jednom od udruženja građana, u iznosu od 1.500,00 KM, stranka je u poslovnim knjigama evidentirala kao trošak reklame.
 - Trošak zakupnine poslovnog prostora u poslovnim knjigama je prijavljen u iznosu od 3.600,00 KM. U poslovnim knjigama evidentiran je trošak zakupnine u iznosu od 1.798,00 KM i trošak uređenja uredskog prostora u iznosu od 1.177,28 KM.
 - Troškovi izborne kampanje koje je stranka u izvještaju prijavila u iznosu od 21.779,58 KM u poslovnim knjigama su evidentirani kao troškovi reklame u iznosu od 13.329,04 KM, troškovi reprezentacije u iznosu od 14.245,69 KM i trošak finansiranja zajedničke kampanje u iznosu od 198,31 KM.

- U finansijskom izvještaju prijavljeni su rashodi iz prethodnih godina u iznosu od 6.546,15 KM, koji nisu evidentirani u poslovnim knjigama.
- (2) Stranka u finansijskom izvještaju na obrascu 5. *Obaveze političke stranke* nije iskazala obaveze na dan 31. 12. 2020. godine. U poslovnim knjigama stranke evidentirane su obaveze prema dobavljačima u iznosu od 986,52 KM.
- (3) U finansijskom izvještaju na obrascu 2.1. *Pregled stanja blagajne* politička stranka je prijavila promet sredstva putem blagajne u iznosu od 460,00 KM, bez stanja gotovine na dan 01. 01. 2020. godine i 31. 12. 2020. godine. U poslovnim knjigama je evidentirano početno stanje gotovine u iznosu od 768,91 KM i stanje gotovine na dan 31. 12. 2020. godine u iznosu od 798,91 KM.
- c) Stranka nije uspostavila blagovremene evidencije o troškovima izborne kampanje. Troškove izborne kampanje koje je u godišnjem finansijskom izvještaju prijavila u iznosu 21.779,58 KM, u postizbornom finansijskom izvještaju je prijavila u iznosu od 10.621,18 KM.

Troškovi izborne kampanje

Prema odredbama člana 15.10 Izbornog zakona BiH Hrvatska nezavisna lista je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 25.681,80 KM.

Hrvatska nezavisna lista je u godišnjem finansijskom izvještaju za 2020. godinu iskazala troškove izborne kampanje u iznosu od 21.779,58 KM.

42. HRVATSKA STRANKA PRAVA Dr. ANTE STARČEVIĆ BIH (Kod 1178)

Prema podacima iz godišnjeg finansijskog izvještaja Hrvatska stranka prava Dr. Ante Starčević Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	14.850,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	14.850,00	100,00
II	Ostali prihodi i drugo	0,00	0,00
	Izvori finansiranja (I+II)	14.850,00	100,00

Pregledom godišnjeg finansijskog izvještaja za 2020. godinu utvrđeno je da je Hrvatska stranka prava Dr. Ante Starčević Bosne i Hercegovine prekršila odredbe

člana 4. stav (1), člana 5. stav (4), člana 11. stav (1) i člana 12. Zakona o finansiranju političkih stranaka.

- a) U godišnjem finansijskom izvještaju za 2020. godinu Hrvatska stranka prava Dr. Ante Starčević Bosne i Hercegovine iskazala je ukupne troškove u iznosu od 12.611,47 KM.

Uvidom u službene evidencije utvrđeno je da stranka nije Centralnoj izbornoj komisiji Bosne i Hercegovine dostavila program utroška sredstava za 2020. godinu, a koji je bila dužna dostaviti najkasnije uz godišnji finansijski izvještaj za 2019. godinu, tj. do 31. 03. 2020. godine.

Hrvatska stranka prava Dr. Ante Starčević Bosne i Hercegovine je finansijska sredstva stranke utrošila bez donesenog programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja utvrđeno je da Hrvatska stranka prava Dr. Ante Starčević Bosne i Hercegovine nije vodila poslovne knjige i podnijela finansijske izvještaje u skladu sa i nije dostavila dodatnu dokumentaciju, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Stranka je u Bilansu stanja na dan 31. 12. 2020. godine iskazala da je na dan 31. 12. 2020. godine imala novac u iznosu od 2.233,00 KM. Uvidom u izvode sa transakcijskih računa utvrđeno da je stranka na transakcijskim računima na dan 31. 12. 2020. godine imala sredstva u iznosu od 2.259,93 KM, što ukazuje da podaci u Bilansu stanja ne odgovaraju stvarnom stanju.

- (2) Kontrolom prometa izvoda sa transakcijskog računa broj: 3382202257007117 kod UniCredit bank d. d., utvrđeno je da je fizičko lice Milijan Nakić izvršio uplatu sredstava u ukupnom iznosu od 310,00 KM.

Stranka prilog fizičkog lica u iznosu od 310,00 KM nije iskazala u godišnjem finansijskom izvještaju, čime je prekršila odredbe člana 5. stav (4) i člana 12. stav (4) Zakona o finansiranju političkih stranaka i odredbe člana 13. i 14. Pravilnika.

- (3) U obrascu 2.1 (blagajna) godišnjeg finansijskog izvještaja za 2020. godinu stranka je iskazala da na dan 01.01.2020. godine nije imala sredstava, da je ukupan promet ulaza iznosio 9.145,00 KM, ukupan promet izlaza 9.145,00 KM, te stanje na dan 31. 12. 2020. godine u iznosu od 0,00 KM.

- (4) Hrvatska stranka prava Dr. Ante Starčević Bosne i Hercegovine je u obrascu 2.1 (blagajna) godišnjeg finansijskog izvještaja za 2020. godinu stranka iskazala da na dan 01.01.2020. godine nije imala sredstava, da je ukupan promet ulaza iznosio 9.145,00 KM, ukupan promet izlaza 9.145,00 KM, te stanje na dan 31. 12. 2020. godine u iznosu od 0,00 KM.

Prema podacima iz primitaka i izdataka, koji su dostavljeni nakon izdavanja Preliminarnog izvještaja o pregledu, ukupan promet ulaza iznosio je 8.480,00 KM, a ukupan promet izlaza 8.780,00 KM. Stranka uz primitke i izdatke nije dostavila blagajničke dnevnik, račune za usluge i robe, niti dokaze o podizanju novca sa transakcijskog računa stranke za potrebe blagajne. Također napominjemo da je stranka na primicima navela da je primila sredstva iz budžeta.

Imajući u vidu da stranka nije dostavila poslovne knjige i da podaci o isplaćenim sredstvima ne odgovaraju podacima koje stranka iskazala u godišnjem finansijskom izvještaju, kao i da stranka nije dostavila kopiju dokumentacije na osnovi koje su vršene isplate, nije moguće utvrditi koliko je iznosio promet putem blagajne, te da li je stranka na dan 31. 12. 2020. godine imala sredstva u blagajni.

- (5) Kontrolom prometa izvoda sa transakcijskog računa broj: 3382202257007117 kod UniCredit bank d. d., utvrđeno je da je fizičko lice Milijan Nakić izvršio uplatu sredstava u ukupnom iznosu od 310,00 KM.

Stranka prilog fizičkog lica u iznosu od 310,00 KM nije iskazala u godišnjem finansijskom izvještaju, čime je prekršila odredbe člana 5. stav (4) i člana 12. stav (4) Zakona o finansiranju političkih stranaka i odredbe člana 13. i 14. Pravilnika.

- (6) Hrvatska stranka prava dr. Ante Starčević Bosne i Hercegovine je u godišnjem finansijskom izvještaju iskazala manje troškove u odnosu na ostvarene, čime je prekršila odredbe člana 21. i 22. Pravilnika.

Uvidom u Ugovor o najmu zaključen sa fizičkim licem Verica Grbešić, utvrđeno je da je Hrvatska stranka prava dr. Ante Starčević Bosne i Hercegovine koristila prostorije fizičkog lica uz obavezu da plati zakupninu u iznosu od 600,00 KM mjesečno, odnosno 7.200,00 KM godišnje.

Stranka je u obrascu 4.1 (režijsko-administrativni i ostali troškovi) godišnjeg finansijskog izvještaja iskazala troškove zakupnine poslovnih prostorija u ukupnom iznosu od 5.845,00 KM, što je za 1.355,00 KM manje u odnosu na ugovorenu cijenu zakupa. Isto tako, a nakon uvida u izdatnice iz blagajne, utvrđeno je da su na ime zakupnine isplaćena sredstva u iznosu od 6.450,00 KM.

Pored navedenog, utvrđeno je da podaci o rashodima koje je stranka iskazala u godišnjem finansijskom izvještaju ne odgovaraju podacima iskazanim u Bilansu uspjeha za period od 01. 01. 2020. do 31. 12. 2020. godine. Stranka je u godišnjem finansijskom izvještaju iskazala ukupne rashode u iznosu od 12.611,47 KM, dok je u Bilansu uspjeha iskazala ukupne rashode u iznosu od 12.617,00 KM.

- (7) Centralna izborna komisija BiH je aktom, broj: 03-07-6-794-4/21 od 07. 02. 2021. godine, od stranke zatražila da dostavi sljedeću dokumentaciju: bruto bilans i glavnu knjigu političke stranke za period od 01. 01. 2020. do 31. 12. 2020. godine, te aktom broj: 03-07-6-794-5/21 kopiju blagajničkih dnevnika za period od 01. 01. 2020. do 31. 12. 2020. godine.

Stranka je dana 07. 03. 2022. godine dostavila samo kopiju izdataka i primitaka iz blagajne, bez blagajničkih dnevnika i dokumentacije o isplatama.

S obzirom na to da stranka nije dostavila traženu finansijsku dokumentaciju, prekršila je odredbe člana 12. stav (5) Zakona o finansiranju političkih stranaka.

- (8) Hrvatska stranka prava dr. Ante Starčević Bosne i Hercegovine je u skladu sa odredbom člana 12. stav (2) Zakona o finansiranju političkih stranaka imala obavezu da u godišnji finansijski izvještaj uključi koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka članica ovog udruženja.

Troškovi izborne kampanje

Prema odredbama člana 15.10 Izbornog zakona BiH Hrvatska stranka prava dr. Ante Starčević Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 117.457,15 KM Hrvatska nezavisna lista je u godišnjem finansijskom izvještaju za 2020. godinu iskazala troškove izborne kampanje u iznosu od 21.779,58 KM.

Hrvatska stranka prava dr. Ante Starčević Bosne i Hercegovine je u godišnjem finansijskom izvještaju za 2020. godinu iskazala troškove kampanje u iznosu od 1.600,00 KM.

43. POLITIČKA ORGANIZACIJA “ZAJEDNO ZA BOLJI SREBRENİK“ (Kod 2622)

Prema podacima iz godišnjeg finansijskog izvještaja Politička organizacija “Zajedno za bolji Srebrenik“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	2.900,00	16,71
3.	Prilozi pravnih lica (3-b)	6.800,00	39,85
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	7.361,00	43,34
8.	Prihodi od propagande (3-g)	0,00	0,00
I	Ukupni prihodi (1-8)	17.061,00	100,00
II	Ostali prihodi i drugo	0,00	0,00
	Izvori finansiranja (I+II)	17.061,00	100,00

Pregledom godišnjeg finansijskog izvještaja za 2020. godinu utvrđeno je da je Politička organizacije “Zajedno za bolji Srebrenik“ prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

a) Politička organizacija “Zajedno za bolji Srebrenik“ je sredstva stranke, u iznosu od 9.476,00 KM utrošila bez donesenog Programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Uvidom u raspoloživu dokumentaciju utvrđeno je da je stranka Program utroška sredstava za 2020. godinu dostavila uz dodatnu dokumentaciju dana 15. 09. 2021. godine, koji je usvojen i donešen tek 31. 12. 2020. godine, te time nije uzet u razmatranje.

U godišnjem finansijskom izvještaju stranka je iskazala rashode u iznosu od 9.476,00 KM, koje je u istom iznosu evidentirala i u Bilansu uspjeha za 2020. godinu.

b) Politička organizacija “Zajedno za bolji Srebrenik“ u godišnjem finansijskom izvještaju, koji je podnijela Centralnoj izbornoj komisiji BiH nije prijavila priloge fizičkih lica: Safeta Omerovića, Midhata Mujčinovića i Albine Čaušević, koje je ostvarila u ukupnom iznosu od 7.361,04 KM. Spomenuti vijećnici su prije nego što je osnovana Politička organizacija “Zajedno za bolji Srebrenik“, te u ovom gradu osvojila mandate u mjesecu novembru na Lokalnim izborima 2020. godine, djelovali kao Klub samostalnih vijećnika u Gradu Srebrenik. S obzirom na to da su njihovi paušali tokom 2020. godine uplaćivani na transakcijski račun Političke organizacije “Zajedno za bolji Srebrenik“, politička stranka je ostvarila prihod od novčanih donacija fizičkih lica, a ne prihod iz budžeta, kako je prijavila u finansijskom izvještaju.

Politička stranka je, u skladu sa odredbama člana 5. stav (4) Zakona o finansiranju političkih stranaka, bila obavezna uspostaviti evidenciju o navedenim donacijama i prijaviti ih u finansijskom izvještaju, te u skladu sa odredbom iz člana 6. stav (2) Pravilnika o godišnjim finansijskim izvještajima političkih stranaka, donatorima izdati potvrde o primljenim donacijama.

c) Pregledom godišnjeg finansijskog izvještaja utvrđeno je da Politička organizacija “Zajedno za bolji Srebrenik“ nije vodila poslovne knjige u skladu sa računovodstvenim propisima, nije uspostavila tačne evidencije rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Godišnji finansijski izvještaj nije popunila i dostavila u skladu sa odredbama člana 12. stav (4) ovog Zakona i u skladu sa odredbama Pravilnika.

(1) Politička organizacija “Zajedno za bolji Srebrenik“ u obrascu 1 (Opći podaci o političkoj stranci) godišnjeg finansijskog izvještaja nije navela skraćeni naziv političke organizacije, broj faksa i adresu veb-stranice, čime je prekršila odredbe člana 9. Pravilnika.

(2) U godišnjem finansijskom izvještaju Politička organizacija “Zajedno za bolji Srebrenik“ pogrešno je kvalifikovala i iskazala prihode, čime je prekršila odredbe člana 13, 14. i 19. Pravilnika.

Naime, stranka je na obrascu 3-f (prihodi iz budžeta) godišnjeg finansijskog izvještaja iskazala prihode iz budžeta Grada Srebrenik u ukupnom iznosu od 7.361,04 KM, umjesto kao donacije od fizičkih lica, na obrascu 3-a (prilozi fizičkih lica), kao što je navedeno u nalazu revizije pod tačkom b).

(3) Pregledom godišnjeg finansijskog izvještaja i dodatne dokumentacije utvrđeno je da Politička organizacija “Zajedno za bolji Srebrenik“ nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju i poslovnim knjigama, čime je prekršila odredbe člana 21, 22. i 23. Pravilnika.

- Politička organizacija “Zajedno za bolji Srebrenik“ je u poslovnim knjigama i godišnjem finansijskom izvještaju iskazala troškove propagande u iznosu od 2.652,17 KM. Uvidom u račune od propagande koje je stranka dostavila uz propratni akt, broj: 57/21 od 25. 10. 2021. godine, utvrđeno je da su ovi troškovi iznosili 9.310,24 KM, što je za 6.658,07 KM više od iskazanog iznosa.

- Stranka je u godišnjem finansijskom izvještaju iskazala troškove reprezentacije u iznosu od 1.149,07 KM, dok je u poslovnim knjigama iste evidentirala u iznosu od 2.591,50 KM.

- U godišnjem finansijskom izvještaju stranka je iskazala troškove zakupa poslovnog prostora u iznosu od 3.150,00 KM. Uvidom u ugovor o zakupu poslovnog prostora koji je stranka zaključila sa Đedović Sanjinom dana 30. 03. 2020. godine, utvrđeno je da je stranka tokom 2020. godine koristila poslovni prostor devet mjeseci uz mjesečnu naknadu od 450,00 KM, te je time ostvarila troškove zakupa poslovnog prostora u iznosu od 4.050,00 KM, što je za 900,00 KM više od iskazanog iznosa.
 - Politička organizacija “Zajedno za bolji Srebrenik“ je u godišnjem finansijskom izvještaju iskazala troškove takse za ovjeru učešća na Lokalnim izborima 2020. godine u iznosu od 1.000,00 KM, iako je Odlukom Centralne izborne komisije Bosne i Hercegovine, broj: 06-1-07-3-163/21 od 25. 02. 2021. godine, stranka ostvarila pravo na povrat cjelokupnog uplaćenog novčanog iznosa takse za ovjeru učešća na Lokalnim izborima 2020. godine, te time nije ostvarila troškove takse.
- (4) Pregledom finansijske dokumentacije političke stranke utvrđeni su nedostaci kod računa dobavljača, koji su knjigovodstvene isprave o nastalim poslovnim događajima. U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

Računi na osnovi kojih je politička stranka evidentirala i platila troškove propagande, ne predstavljaju ispravne i vjerodostojne knjigovodstvene isprave.

Uvidom u račune pravnih lica: “Printas“ d. o. o. Srebrenik, broj: FOM-01013 od 04. 12. 2020. godine u iznosu od 3.489,05 KM, “PrimatPlus d. o. o. Srebrenik, broj: FA1-0/20 od 18.11.2020. godine u iznosu od 900,32 KM, “Kopex Sarajlić“ d. o. o. Srebrenik, broj: 1822-30/2020 od 15. 11. 2020. godine u iznosu od 3.114,72 KM, broj: 1735-29/2020 od 15. 11. 2020. godine u iznosu od 36,20 KM i broj: 1902-30/2020 od 30. 11. 2020. godine u iznosu od 18,10 KM, “Polisada“ d. o. o. Srebrenik, broj: FOM-00080 od 13. 11. 2020. godine u iznosu od 999,00 KM, “HDM BOSNIA“ d. o. o. Srebrenik, broj: 0651/20 od 23. 10. 2020. godine u iznosu od 452,55 KM i broj: 0682/20 od 03. 11. 2020. godine u iznosu od 300,30 KM, utvrđeno je da spomenuti računi nije potpisao korisnik usluga, niti je potvrđen prijem promotivnog materijala.

- (5) Na obrascu 5 (obaveze stranke) godišnjeg finansijskog izvještaja Politička organizacije “Zajedno za bolji Srebrenik“ nije iskazala svoje obaveze, dok je u Bilansa stanja evidentirala iznos od 992,00 KM.

Ne iskazivanjem svojih obaveza u godišnjem finansijskom izvještaju stranka je prekršila odredbe člana 12. stav (4) Zakona o finansiranju političkih stranaka i odredbe člana 24. Pravilnika.

- d) Politička organizacija “Zajedno za bolji Srebrenik“ bila je obavezna da otvori poseban transakcijski račun za finansiranje izborne kampanje. Stranka je za učešće na Lokalnim izborima 2020. godine prijavila redovni transakcijski račun, broj: 1861450310533375 kod Ziraatbank.

Taksu za ovjeru učešća na Lokalnim izborima 2020. godine Politička organizacija "Zajedno za bolji Srebrenik" je suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa redovnog transakcijskog računa, kao i sve troškove izborne kampanje.

Troškovi izborne kampanje

Prema odredbama člana 15.10 Izbornog zakona BiH Politička organizacija "Zajedno za bolji Srebrenik" je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 26.255,10 KM.

Politička organizacija "Zajedno za bolji Srebrenik" je u godišnjem finansijskom izvještaju za 2020. godinu iskazala troškove izborne kampanje u iznosu 2.625,17 KM.

44. POLITIČKA ORGANIZACIJA "NAŠA HERCEGOVINA" (Kod 1973)

Prema podacima iz godišnjeg finansijskog izvještaja Politička organizacija "Naša Hercegovina" se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	600,00	53,91
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	00,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	600,00	53,91
II	Ostali prihodi i drugo	512,98	46,09
	Izvori finansiranja (I+II)	1.112,98	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija "Naša Hercegovina" prekršila odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Stranka nije sačinila program utroška sredstava. Uvidom poslovne knjige političke stranke i izvode sa transakcijskog računa utvrđeno je da je stranka ostvarila troškove koje je platila u iznosu od 1.115,72 KM, kao i troškove zakupnine koji nisu plaćeni, niti je moguće utvrditi njihov iznos, s obzirom na to da politička stranka osim izjave da je koristila prostor nije dostavila podatke o iznosu zakupnine.

S obzirom na to da je politička stranka 2020. godine sredstva trošila bez programa utroška sredstava, prekršila je odredbe člana 4. stav (1) Zakona o finansiranju političkih stranaka.

- b) Politička organizacija “Naša Hercegovina“ nije u poslovnim knjigama uspostavila evidencije, niti je u finansijskom izvještaju prijavila nenovčanu donaciju koju je ostvarila korištenjem poslovnog prostora bez plaćanja naknade. Na zahtjev Centralne izborne komisije BiH da dostavi dokumentaciju o korištenju poslovnih prostora, politička stranka je dostavila izjavu, koju potpisuje predsjednik stranke, da Politička organizacija “Naša Hercegovina“ koristi poslovne prostorije bez naknade u ulici Zavođska broj 2.

S obzirom na to da politička stranka nije dostavila podatke o donatoru, odnosno vlasniku poslovnih prostorija, niti je dostavila drugu dokumentaciju na osnovi koje se može utvrditi identitet donatora, ostvarila je donaciju koja je odredbom iz člana 8. stav (1) začka e) Zakona o finansiranju političkih stranaka zabranjena političkim strankama.

- c) Pregledom finansijskog izvještaja i dodatne dokumentacije utvrđeno je da Politička organizacija “Naša Hercegovina“ nije uspostavila potpune i tačne evidencije o prihodima i rashodima, godišnji finansijski izvještaj i postizborni finansijski izvještaj je podnijela nakon zakonom propisanog roka, izvještaj nije popunila na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1), (3) i (4) Zakona o finansiranju političkih stranaka.

- (1) Godišnji finansijski izvještaj za 2020. godinu Politička organizacija “Naša Hercegovina“ je u elektronskoj formi podnijela 08. 09. 2021. godine i u čvrstoj kopiji 09. 09. 2021. godine, odnosno u toku postupka koji je Centralna izborna komisija BiH pokrenula radi utvrđivanja odgovornosti političke stranke za nepodnošenje finansijskog izvještaja. U skladu sa odredbama člana 12. stav (4) Zakona o finansiranju političkih stranaka stranka je bila obavezna izvještaj podnijeti do 31. 03. 2021. godine.

- (2) Finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora, održanih u novembru 2020. godine, politička stranka u elektronskoj formi podnijela 08. 09. 2021. godine i u čvrstoj kopiji 09. 09. 2021. godine, iako je u skladu sa odredbama iz člana 15.1 stav (1) Izbornog zakona Bosne i Hercegovine i odredbama iz člana 12. stav (3) Zakona o finansiranju političkih stranaka bila obavezna da finansijski izvještaj podnese do 15.01.2021. godine.

- (3) Stranka nije uspostavila potpune i tačne evidencije o svojim prihodima i nije ih pravilno klasifikovala u finansijskom izvještaju koji je podnijela Centralnoj izornoj komisiji BiH, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka i odredbe člana 13. i 18. Pravilnika.

- U finansijskom izvještaju politička stranka je prijavila prihod od članarina u iznosu od 600,00 KM i ostale prihode u iznosu od 512,98 KM, što ukupno iznosi 1.112,98 KM. Uvidom u izvode sa transakcijskog računa, blagajničku dokumentaciju i poslovne knjige utvrđeno je da je stranka navedene prihode ostvarila u iznosu od 1.115,00 KM i to isključivo od članarina.

- U poslovnim knjigama i finansijskom izvještaju politička stranka nije prijavila nenovčanu donaciju, koju je ostvarila korištenjem poslovnog prostora bez plaćanja zakupnine, kao što je navedeno u nalaz pod b).

- (4) Stranka u poslovnim knjigama nije uspostavila potpune evidencije o svojim rashodima, dok u finansijskom izvještaju koji je podnijela Centralnoj izbornoj komisiji BiH nije uopće iskazala rashode, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka i odredbe člana 21, 22. i 23. Pravilnika.
- U poslovnim knjigama politička stranka je evidentirala rashode u iznosu od 1.115,72 KM i to: troškove takse za ovjeru za učešće na izborima u znosu od 1.100,00 KM i troškove platnog prometa u iznosu od 15,72 KM. Naveden troškove politička stranka nije prijavila u finansijskom izvještaju.
 - Trošak zakupnine, čiji iznos nije utvrđen iz razloga što politička stranka nije dostavila podatke o površini prostora i cijeni zakupa, nije evidentiran ni u poslovnim knjigama ni u finansijskom izvještaju.
- (5) U finansijskom izvještaju politička stranka nije prijavila promet novčanih sredstava u skladu sa odredbama člana 11. i 12. Pravilnika.
- Stranka u finansijskom izvještaju nije prijavila dva transakcijska računa. Prema izvodima i valutnoj kartici banke, koje je dostavila politička stranka, putem jednog transakcijskog računa ostvaren je promet u iznosu od 1.115,72 KM, dok putem drugog računa nije bilo prometa.
 - U finansijskom izvještaju stranka je prijavila promet putem blagajne i to: uplate u iznosu od 1.112,98 KM, isplate u iznosu od 1.105,70 KM i stanje na dan 31. 12. 2020. godine u iznosu od 7,28 KM. Kroz blagajničku dokumentaciju, koju je dostavila politička stranka, evidentirane su i uplate i isplate u iznosu od 1.115,00 KM.
 - U poslovnim knjigama politička stranka je evidentirala negativan saldo sredstava na transakcijskom računu u iznosu od 0,72 KM. U skladu sa računovodstvenim propisima iznos od 0,72 KM predstavlja finansijsku obavezu političke stranke.

Troškovi izborne kampanje

Prema odredbama člana 15.10 Izbornog zakona BiH Politička organizacija “Naša Hercegovina“ je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 5.546,10 KM.

Hrvatska nezavisna lista je u godišnjem finansijskom izvještaju za 2020. godinu iskazala troškove izborne kampanje u iznosu od 21.779,58 KM.

U svojim finansijskim izvještajima Politička organizacija “Naša Hercegovina“ nije iskazala troškove izborne kampanje.

Na upit Centralne izborne komisije BiH na koji način je finansirala izbornu kampanju i u kom iznosu, politička stranka je dostavila odgovor u kome navodi da je kampanju bazirala na društvenim mrežama.

45. BOSANSKOHERCEGOVAČKI DEMOKRATI-DŽEBRAIL BAJRAMOVIĆ (Kod 2798)

Prema podacima iz godišnjeg finansijskog izvještaja Bosanskohercegovački demokrati-Džebrail Bajramović su se finansirali iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	3.200,00	29,63
2.	Prilozi fizičkih lica (3-a)	7.600,00	70,37
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	10.800,00	100,00
II	Ostali prihodi i drugo	0,00	0,00
	Izvori finansiranja (I+II)	10.800,00	100,00

Pregledom godišnjeg finansijskog izvještaja za 2020. godinu utvrđeno je da su Bosanskohercegovački demokrati-Džebrail Bajramović prekršili odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Prema podacima iz poslovnih knjiga Bosanskohercegovački demokrati-Džebrail Bajramović su u toku 2020. godine ostvarili rashode u iznosu od 28.762,73 KM.

Bosanskohercegovački demokrati-Džebrail Bajramović su program utroška sredstava za 2020. godinu dostavili uz dodatnu dokumentaciju za 2020. godinu, dana 11. 09. 2021. godine

S obzirom na to da Bosanskohercegovački demokrati-Džebrail Bajramović nisu dostavili program utroška sredstava za 2020. godinu neposredno nakon njegovog usvajanja, smatramo da su finansijska sredstva utrošili bez programa utroška sredstava za 2020. godinu, čime su prekršili odredbe člana 4. stav (1) Zakona o finansiranju političkih stranaka.

- b) Bosanskohercegovački demokrati-Džebrail Bajramović prekršili su odredbe člana 5. stav (4) Zakona o finansiranju političkih stranaka.

- (1) Bosanskohercegovački demokrati-Džebrail Bajramović u poslovnim knjigama i godišnjem finansijskom izvještaju nisu iskazali nenovčane donacije fizičkog lica po osnovi korištenja poslovnog prostora bez naknade.

Uvidom u Ugovor o zakupu poslovnog prostora koji je zaključen dana 14. 01. 2020. godine između Dacić Munire i Džebraila Bajramovića navedeno je da je zakupoprimac Džebrail Bajramović zakupodavcu isplatio iznos od 2.000,00 KM za period do 31. 12. 2020. godine i da ima ekskluzivno pravo da ovaj poslovni prostor može dati u podzakup političkoj partiji Bosanskohercegovački demokrati-Džebrail Bajramović.

Stranka nije u obrascu 3-e (nenovčane donacije i računi koje stranka nije imala obavezu da plati) prijavila nenovčanu donaciju po osnovi korištenja poslovnog prostora bez naknade u iznosu od 2.000,00 KM, čime je prekršila odredbe člana 13. i 18. Pravilnika.

- (2) Politička stranka nije izdavala potvrde o prijemu članarina i priloga, čime je prekršila odredbe član 5. stav (4) Zakona o finansiranju političkih partija, kao i člana 6.

Pravilnika o godišnjim finansijskim izvještajima političkih stranaka ("Službeni glasnik BiH", broj 96/13 i 89/16).

Na zahtjev Centralne izborne komisije Bosne i Hercegovine da dostavi potvrde o primljenim priložima fizičkih i pravnih lica, stranka je dostavila uplatnice fizičkih lica koja su uplatila priloge u ukupnom iznosu od 7.600,00 KM.

U skladu sa odredbama iz člana 6. Pravilnika politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

- c) Pregledom godišnjeg finansijskog izvještaja za 2020. godinu utvrđeno je da stranka nije uspostavila pravilne i potpune evidencije o stanju i prometu gotovine, prihodima i rashodima, što je suprotno računovodstvenim propisima, te obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Bosanskohercegovački demokrati-Džebrail Bajramović nisu u obrascu 1.1 (organizaciona struktura političke stranke) godišnjeg finansijskog izvještaja iskazali sve organizacione odbore, čime su prekršene odredbe člana 10. Pravilnika. Stranka je u obrascu 1.1 iskazala sljedeće organizacione dijelove: Centrala stranke (predsjedništvo), Gradski izvršni odbor Goražde i Općinski izvršni odbor Pale u FBiH.

Činjenica da je stranka na transakcioni račun uplatila sredstva u iznosu od 1.500,00 KM na ime članarine općine Centar Sarajevo ukazuje da stranka ima organizacionu jedinicu u općini Centar Sarajevo, koju nije navela u obrascu 1.1. godišnjeg finansijskog izvještaja.

- (2) Stranka nije uspostavila evidenciju o blagajničkom poslovanju i promet i stanje gotovinskih novčanih sredstava nije evidentirala u svojim poslovnim knjigama, što je suprotno računovodstvenim propisima i suprotno odredbama člana 11. stav (1) Zakona o finansiranju političkih stranaka. U godišnjem finansijskom izvještaju koji je podnijela Centralnoj izbornoj komisiji BiH, stranka nije u obrascu 2.1 (pregled stanja blagajne) prijavila promet blagajne, čime je prekršila odredbe člana 12. Pravilnika.

Kontrolom izvoda sa transakcionih računa stranke utvrđeno je da je stranka na transakcioni račun uplatila gotovinska sredstva u ukupnom iznosu od 2.900,00 KM kao polog gotovine od članarine.

- (3) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Bosanskohercegovački demokrati-Džebrail Bajramović nisu uspostavili potpune i tačne evidencije o prihodima stranke, te ih nisu pravilno iskazali u godišnjem finansijskom izvještaju.

U poslovnim knjigama i obrascima 3 (izvori finansiranja) i 3-e (nenovčane donacije i računi koje stranka nije imala obavezu platiti) stranka nije iskazala nenovčanu donaciju po osnovi korištenja poslovnog prostora bez naknade u iznosu od 2.000,00 KM, čime je prekršila odredbe člana 13. i 18. Pravilnika.

- (4) Pregledom godišnjeg finansijskog izvještaja, uvidom u poslovne knjige i dodatnu dokumentaciju, utvrđeno je da Bosanskohercegovački demokrati-Džebrazil Bajramović nisu uspostavili potpune i tačne evidencije o rashodima i obavezama stranke, te ih nisu pravilno iskazali u finansijskom izvještaju, čime su prekršili odredbe člana 21, 22, 23. i 24. Pravilnika.
- Uvidom u poslovne knjige i godišnji finansijski izvještaj za 2020. godinu utvrđeno je da stranka nije evidentirala troškove po osnovi besplatnog korištenja poslovnog prostora u iznosu od 2.000,00 KM, čime je prekršila odredbe člana 21. i 22. Pravilnika.
 - Bosanskohercegovački demokrati-Džebrazil Bajramović su troškove predizbornih aktivnosti, troškove goriva, troškove održavanja, troškove reprezentacije i obaveze koje su nastale po osnovi ovih troškova iskazali na osnovi dokumentacije koja ne predstavlja ispravne i vjerodostojne knjigovodstvene isprave. Pregledom dostavljene dokumentacije su utvrđeni i nedostaci kod računa dobavljača, koji su knjigovodstvene isprave o nastalim poslovnim događajima. Također je utvrđeno da računi nisu ovjereni za knjiženje i plaćanje, niti je pisanim aktom uređen način trošenja finansijskih sredstava stranke.
1. Stranka je u poslovnim knjigama i u godišnjem finansijskom izvještaju iskazala troškove predizborne kampanje po osnovi više otpremnica dobavljača GR "Štamparija" Sokolac u ukupnom iznosu od 5.618,06 KM. Pored toga što otpremnica nije dokument na osnovi kojeg se vrši knjiženje u poslovnim knjigama, dostavljene otpremnice nisu ovjerene pečatom, kao ni potpisom dobavljača. Uvidom u dostavljene otpremnice nije moguće utvrditi da li je usluga izvršena i kada. Na osnovi ovih otpremnica evidentirana je i obaveza na kontu 3098–Ostale tekuće obaveze prema osnivaču. Također, Bosanskohercegovački demokrati-Džebrazil Bajramović su u svojim poslovnim knjigama i u godišnjem finansijskom izvještaju na osnovi uplatnica i priznanica za gotovinsko plaćanje za usluge štampanja olovaka i upaljača i zakupa javnih površina evidentirala troškove predizborne kampanje i obaveze u ukupnom iznosu od 760,00 KM. Pored navedenog, stranka je dostavila brojne fiskalne gotovinske račune iz ugostiteljskih i maloprodajnih objekata koji se odnose na kupovinu pića i hrane, cigareta i slično iz kojih nije moguće utvrditi u koju svrhu su sredstva korištena. I ovi računi su u poslovnim knjigama evidentirani kao predizborne aktivnosti i obaveze prema osnivaču.
 2. Uvidom u račune dobavljača: Grad Goražde Služba za prostorno uređenje, stambeno-komunalne poslove i raseljena lica, Goražde, broj: JP-3881/20 od 19. 10. 2020. godine u iznosu od 489,65 KM, J.P. "Radio-televizija BPK" d. o. o. Goražde, broj: 0367/20 od 05. 11. 2020. godine u iznosu od 297,50 KM, broj: 0385/20 od 17. 11. 2020. godine u iznosu od 340,47 KM i broj: 0395/20 od 27. 11. 2020. godine u iznosu od 93,00 KM, J.P. "Kulturno-informativni centar" d. o. o. Prača broj: 65 od 21. 09. 2020.godine u iznosu od 468,00 KM, O.F.R. "Fotosuper" vl. Adisa Dragolj Goražde, broj: 29-9/2020 od 28. 09. 2020. godine u iznosu od 165,00 KM, Edhem Isić, autor, Visoko broj: 10/10/2020 od 14. 10. 2020. godine u iznosu od 200,00 KM i JU "Centar za kulturu" Goražde broj: RA0000106-20 od 16. 06. 2020. godine u iznosu od 117,00 KM, utvrđeno je da računi ne sadrže potpis primaoca usluge. Također, uz račune nije priložena ni druga dokumentacija iz koje bi se utvrdilo da je usluga izvršena niti su ovjereni za knjiženje.

(5) Stranka je u obrascu 5 (Obaveze političke stranke) iskazala ukupne obaveze u iznosu od 18.114,17 KM, od čega obaveze političke stranke po kreditima i pozajmicama u 16.839,92 KM a ostale obaveze 1.274,25 KM.

- U obrascu 5.1. godišnjeg finansijskog izvještaja stranka je iskazala dvije pozajmice koje je primila od Džebraila Bajramovića.

Uvidom u dostavljenu dokumentaciju utvrđeno je da je stranka dana 01. 07. 2020. godine putem transakcionog računa, a na osnovi ugovora o zajmu, primila pozajmicu u iznosu od 3.000,00 KM, koju je dužna vratiti najkasnije do 01. 07. 2023. godine.

Bosanskohercegovački demokrati-Džebrail Bajramović su iskazali i pozajmicu u iznosu od 13.839,92 KM, od 17. 03. 2020. godine sa rokom vraćanja do 01. 07. 2023. godine, za koju ne posjeduju dokumentaciju. U poslovnim knjigama i u Bilansu stanja na dan 31. 12. 2020. godine stranka je ovu pozajmicu evidentirala kao tekuće obaveze prema osnivaču, odnosno kratkoročne obaveze.

- U obrascu 5.2 (Ostale obaveze) godišnjeg finansijskog izvještaja, stranka je iskazala obaveze za plaće u iznosu od 790,25 KM i obaveze prema dobavljačima u iznosu od 484,00 KM.

Uvidom u analitičke kartice utvrđeno je da stranka ima neizmirene obaveze za plaće u iznosu od 440,00 KM, obaveze za naknade plaće – topli obrok u iznosu od 60,00 KM, obaveze za doprinose za penzijsko-invalidsko osiguranje u iznosu od 152,00 KM, obaveze za doprinose za zdravstveno osiguranje u iznosu od 109,04 KM, doprinose za zapošljavanje u iznosu od 13,21 KM, doprinose za porez na plaću u iznosu od 15,60 KM kao i obaveze prema više dobavljača za isporučenu robu i usluge u iznosu od 484,00 KM.

Stranka je u obrascu 5.2 trebala iskazati neizmirene obaveze prema svakom dobavljaču pojedinačno, obaveze po osnovi plaća i naknada, poreza doprinosa i slično, što nije učinila, čime je prekršila odredbe člana 24. Pravilnika.

- d) Bosanskohercegovački demokrati-Džebrail Bajramović nisu otvorili poseban transakcijski račun za finansiranje izborne kampanje.

Kao transakcijski račun koji je, u skladu sa odredbama 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 102840000009012 kod Union banke dd Sarajevo.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Bosanskohercegovački demokrati-Džebrail Bajramović su u svrhu izborne kampanje mogli potrošiti sredstva u iznosu od 106.120,50 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BiH, iskazala troškove izborne kampanje u iznosu od 13.300,03 KM.

46. PRVA MOSTARSKA PARTIJA (Kod 2292)

Prema podacima iz godišnjeg finansijskog izvještaja Prva mostarska partija se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	24,00	0,23
2.	Prilozi fizičkih lica (3-a)	10.270,00	99,77
3.	Prilozi pravnih lica (3-b)	0.00	0,00
4.	Prihodi od imovine (3-c)	0.00	0,00
5.	Prihodi od pr.lica (3-d)	0.00	0,00
6.	Prihodi od poklona (3-e)	0.00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0.00	0,00%
I	Ukupni prihodi (1-8)	10.294,00	100,00
II	Ostali prihodi i drugo	0,00	0,00
	Izvori finansiranja (I+II)	10.294,00	100,00

Pregledom godišnjeg finansijskog izvještaja za 2020. godinu utvrđeno je da je Prva mostarska partija prekršila odredbe člana 4. stav (1), člana 11. stav (1) i člana 12. stav (1), (3) i (4) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

a) Politička stranka je svojim programom utroška sredstava za 2020. godinu predvidjela troškove u iznosu od 18.362,75 KM.

U godišnjem finansijskom izvještaju stranka je iskazala ostvarene troškove u iznosu od 22.208,00 KM.

Uvidom u strukturu planiranih troškova utvrđeno je da politička stranka program utroška sredstava nije sačinila na način da osigura potpunu transparentnost utroška sredstava, niti uporedbu ostvarenih i planiranih troškova.

Politička stranka je svojim programom utroška sredstava predvidjela troškove za manifestacije: održavanja skupštine u iznosu od 2.500,00 KM i troškove obilježavanja značajnih datuma i godišnjica u iznosu od 2.450,00 KM. Stranka nije precizirala vrstu troškova za navedene manifestacije.

U svom finansijskom izvještaju stranka je iskazala troškove ostalog materijala u iznosu od 2.308,85 KM, troškove usluga u iznosu od 2.079,70 KM i troškove ostalih usluga u iznosu 71,00 KM, za koje nije utvrđeno da su predviđeni programom utroška sredstava.

Politička stranka svojim programom utroška sredstava nije predvidjela troškove izborne kampanje, koje je u finansijskom izvještaju iskazala u iznosu od 3.845,25 KM.

Troškove ostalih zakupnina u iznosu od 500,00 KM i troškove reklame i propagande u iznosu od 390,00 KM stranka nije planirala.

Troškove reprezentacije koje je planirala u iznosu od 2.273,52 KM, stranka je ostvarila u iznosu od 4.070.90 KM.

S obzirom na to da je politička stranka ostvarila troškove u iznosu od 11.155,45 koji nisu predviđeni programom utroška sredstava, prekršila je odredbe člana 4. stav (1) Zakona o finansiranju političkih stranaka.

- b) Pregledom finansijskog izvještaja, poslovnih knjiga i finansijske dokumentacije utvrđeno je da Prva mostarska partija nije uspostavila potpunu evidenciju o svojim rashodima i obavezama, finansijski izvještaj nije podnijela u zakonom propisanom roku i na način kako je Centralna izborna komisija BiH propisala Pravilnikom, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka. Uvidom u blagajničku dokumentaciju utvrđeni su nedostaci kod izvještavanja o blagajničkom poslovanju.

Politička stranka postizborni finansijski izvještaj nije podnijela u zakonom propisanom roku, čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- (1) Godišnji finansijski izvještaj za 2020. godinu Prva mostarska partija je podnijela nakon zakonom propisanog roka.

Politička stranka je navedeni finansijski izvještaj u elektronskoj formi, putem aplikacije FI CIK BIH podnijela 25. 04. 2020. godine, a u čvrstoj kopiji izvještaj je dostavila Centralnoj izbornoj komisiji BiH 27. 04. 2021. godine. U skladu sa odredbama člana 12. stav (4) Zakona o finansiranju političkih stranaka i odredbama člana 3. Pravilnika politička stranka je bila obavezna da finansijski izvještaj podnese i u elektronskoj formi i u čvrstoj kopiji do 31. 03. 2021. godine.

- (2) Politička stranka je troškove 2020. godine u poslovnim knjigama evidentirala u iznosu od 18.362,75 KM. U godišnjem finansijskom izvještaju troškove je iskazala u iznosu od 22.208,00 KM i to režijsko-administrativne troškove u iznosu od 18.362,75 KM i troškove izborne kampanje u iznosu od 3.845,25 KM.

- (3) Stranka u obrascu 5 (Obaveze političke partije) finansijskog izvještaja nije iskazala obaveze na dan 31. 12. 2020. godine. U poslovnim knjigama stranke evidentirane su obaveze prema dobavljačima u iznosu od 81.66 KM.

- (4) Uvidom u blagajničku dokumentaciju, koju je dostavila politička stranka, utvrđeno je da blagajničko poslovanje nije uspostavljeno u skladu sa računovodstvenim propisima i principima blagajničkog poslovanja. Promet gotovinskih sredstava putem blagajne evidentiran je samo na osnovi naloga o primicima i naloga o izdancima. Politička stranka nije vodila dnevnik blagajne, koji su obavezni u skladu sa računovodstvenim propisima i principima blagajničkog poslovanja.

Pored navedenog, promet blagajne, kao i stanje novčanih sredstva na dan 31. 12. 2020. godine, evidentirani su u nepostojećim apoenima.

- c) Finansijski izvještaj za period od dana podnošenja prijave za ovjeru za izbore do dana ovjere rezultata Izbornog u Mostaru Prva mostarska partija je podnijela 23. 04. 2021. godine. U skladu sa odredbama člana 15.1 stav (1) Izbornog zakona BiH i odredbama člana 12. stav (3) Zakona o finansiranju političkih stranaka, stranka je postizborni finansijski izvještaj bila obavezna podnijeti do 22. 02. 2021. godine.

U postizbornom finansijskom izvještaju politička stranka je iskazala troškove izborne kampanje u iznosu od 2.780,25 KM. Iste troškove stranka je u godišnjem finansijskom izvještaju iskazala u iznosu od 3.845,25 KM.

Troškovi izborne kampanje

Prema odredbama člana 15.10 Izbornog zakona BiH Prva mostarska partija je za potrebe izborne kampanje, prema broju birača koje je objavila Centralna izborna komisija BiH, u svrhu izborne kampanje za Izbore u Mostaru mogla potrošiti 7.030,80 KM.

Prva mostarska partija je u godišnjem finansijskom izvještaju za 2020. godinu iskazala troškove izborne kampanje u iznosu od 3.845,25 KM.

47. SLOBODNA STRANKA SRPSKE (Kod 2499)

Prema podacima iz godišnjeg finansijskog izvještaja Slobodna stranka Srpske se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	5.350,00	78,68
3.	Prilozi pravnih lica (3-b)	250,00	3,67
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	5.600,00	82,35
II	Ostali prihodi i drugo	1.200,00	17,65
	Izvori finansiranja (I+II)	6.800,00	100,00

Pregledom godišnjeg finansijskog izvještaja za 2020. godinu utvrđeno je da je Slobodna stranka Srpske prekršila odredbe člana 4. stav (1), člana 11. stav (1) i člana 12. stav (3), stav (4) i stav (5) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- a) U godišnjem finansijskom izvještaju politička stranka je iskazala troškove u iznosu od 6.620,65 KM.

Politička stranka Centralnoj izornoj komisiji Bosne i Hercegovine nije dostavila program utroška za 2020. godinu, odnosno finansijska sredstva stranke je utrošila bez programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja utvrđeno je da Slobodna stranka Srpske godišnji finansijski izvještaj za 2020. godinu nije podnijela na način propisan odredbama Pravilnika i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka. Također je utvrđeno da politička stranka nije podnijela godišnji obračun u skladu sa računovodstvenim propisima, čime je prekršila odredbe člana 11. stav (1) Zakona o finansiranju političkih stranaka.

- (1) Slobodna stranka Srpske nije podnijela godišnji finansijski izvještaj za 2020. godinu u skladu sa odredbama člana 3. stav (1) Pravilnika, tj. nije dostavila obrasce 3 (izvori finansiranja), 3-f (prihodi iz budžeta), 3-g (prihodi od izdavačke djelatnosti), 4-2 (troškovi propagande) i 5 (obaveze) godišnjeg finansijskog izvještaja odštampane iz aplikacije FI CIK BiH u PDF formatu, ovjerene potpisom ovlaštenog lica i pečatom političke stranke.
- (2) Slobodna stranka Srpske je u godišnjem finansijskom izvještaju iskazala ukupne rashode u iznosu od 6.620,65 KM. Uvidom u obrazac Bilansa uspjeha na dan 31. 12. 2020. godine utvrđeno je da stranka nije iskazala rashode, dok je, s druge strane, u Aneksu 1-dodatni računovodstveni izvještaj, koji je dostavila uz godišnji obračun, iskazala rashode u ukupnom iznosu 6.621,00 KM.

Navedeno ukazuje da politička stranka nije podnijela Bilans uspjeha na dan 31. 12. 2020. godine u skladu sa računovodstvenim propisima, čime je prekršila odredbe člana 11. stav (1) Zakona o finansiranju političkih stranaka.

- (3) Dana 12. 10. 2021. godine Centralna izborna komisija Bosne i Hercegovine je Slobodnoj stranci Srpske uputila Zahtjev za dostavljanje dodatne dokumentacije za 2020. godinu, a dana 18. 11. 2021. godine i Urgenciju kojom je od stranke traženo da dostavi: Bruto bilans stranke na dan 31. 12. 2020. godine, glavnu knjigu sa kompletnim analitičkim evidencijama za period 01. 01. – 31. 12. 2020. godine, dokumentaciju o korištenju poslovnih prostora u 2020. godini, potvrde o primljenim priložima fizičkih i pravnih lica i kopije izvoda sa transakcijskih računa broj 5620998159821884 i 5620998159796276 kod Pavlović banke za period 01. 01. – 31. 12. 2020. godine.

Slobodna stranka Srpske nije postupila u skladu sa zahtjevom i urgencijom Centralne izborne komisije Bosne i Hercegovine, odnosno nije dostavila traženu dokumentaciju, čime je prekršila odredbe člana 12. stav (5) Zakona o finansiranju političkih stranaka.

- c) Slobodna stranka Srpske nije podnijela postizborni finansijski izvještaj – Lokalni izbori 2020. godine (izvještajni period 01. 06. – 15. 12. 2020.), čime je prekršila odredbe 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Troškovi izborne kampanje

Prema odredbama člana 15.10 Izbornog zakona BiH Slobodna stranka Srpske je za potrebe izborne kampanje, prema broju birača koje je objavila Centralna izborna komisija BiH, mogla potrošiti 57.657,90 KM.

Slobodna stranka Srpske u godišnjem finansijskom izvještaju za 2020. godinu nije iskazala troškove izborne kampanje.

48. DEMOKRATSKI CENTAR REPUBLIKE SRPSKE (Kod 2731)

Prema podacima iz godišnjeg finansijskog izvještaja politička stranka Demokratski centar Republike Srpske se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	4.250,00	97,19
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	123,00	2,81
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.373,00	100,00
	Izvori finansiranja (I+II)	4.373,00	100,00

Pregledom godišnjeg finansijskog izvještaja za 2020. godinu utvrđeno je da je politička stranka Demokratski centar Republike Srpske prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i (4) Zakona o finansiranju političkih stranaka.

- a) Politička stranka Demokratski centar Republike Srpske je sredstva stranke u iznosu od 4.221,90 utrošila bez donesenog programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Uvidom u raspoloživu dokumentaciju utvrđeno je da je stranka Program utroška sredstava za 2020. godinu dostavila uz dodatnu dokumentaciju dana 09. 07. 2021. godine, te da ne sadrži broj niti datum donošenja, te nije uzet u razmatranje.

- b) Uvidom u ugovor o zakupu poslovnog prostora utvrđeno je da je stranka koristila prostorije u vlasništvu pravnog lica AD "KOMGRAP" iz Lopara uz ugovorenu mjesečnu naknadu od 50,00 KM. Također, u ugovoru je navedeno da zakupodavac AD, "KOMGRAP" iz Lopara neće naplaćivati zakupninu stranci, već predstavlja donaciju.

Politička stranka Demokratski centar Republike Srpske je korištenjem poslovnog prostora u periodu od 20. 05. 2020. godine do 31. 12. 2020. godine, bez plaćanja zakupnine, ostvarila nenovčanu donaciju u iznosu od 350,00 KM, koju je u skladu sa članom 5. stav (4) Zakona o finansiranju političkih stranaka i članom 13. i 18. Pravilnika o godišnjim finansijskim izvještajima političkih stranaka trebala evidentirati i prijaviti u finansijskom izvještaju za 2020. godinu.

- c) Pregledom godišnjeg finansijskog izvještaja za 2020. godinu utvrđeno je da politička stranka Demokratski centar Republike Srpske nije vodila potpune evidencije o svojim приходima i rashodima i nije popunila obrasce godišnjeg finansijskog izvještaja za 2020. godinu u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) U poslovnim knjigama, finansijskom izvještaju i Završnom računu za 2020. godinu politička stranka nije evidentirala prihode po osnovi besplatnog korištenja poslovnog prostora, kao ni troškove zapupnine poslovnog prostora, što je suprotno odredbama

člana 11. stav (1) i člana 12. stav (1) i stav (4) Zakona o finansiranju političkih stranaka i člana 13, 18, 21. i 22. Pravilnika.

- (2) Politička stranka nije u obrascu 2 (pregled prometa svih transakcionih računa političke stranke) iskazala tačne podatke o prometu transakcionog računa, čime je prekršila odredbe člana 11. Pravilnika.

Naime, stranka je u obrascu 2 iskazala transakcioni račun broj: 5540030000082045 kod Naše banke a.d. Bijeljina za koji je navela da početno stanje na dan 01. 01. 2020. godine iznosi 151,00 KM, ukupan promet ulaza 4.373,00 KM, ukupan promet izlaza 4.221,90 KM, a saldo na dan 31. 12. 2020. godine u iznosu od 302,10 KM.

Kontrolom izvoda sa transakcionog računa broj: 5540030000082045 kod Naše banke a.d. Bijeljina utvrđeno je da je prva promjena stanja na transakcionom računu izvršena 02. 07. 2020. godine (izvod broj 1), te da je ukupan promet ulaza iznosio 4.373,00 KM, ukupan promet izlaza 4.221,90 KM, kao i da je stranka na dan 31. 12. 2020. godine na ovom računu imala saldo u iznosu od 151,10 KM.

Politička stranka nije, zbog pogrešno iskazanog početnog stanja, u godišnjem finansijskom izvještaju za 2020. godinu pravilno iskazala stanje novčanih sredstava na dan 31. 12. 2020. godine.

- d) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5540030000082045 kod Naše banke a.d. Bijeljina.

Taksu za ovjeru za učešće na Lokalnim izborima 2020. godine, politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH politička stranka Demokratski centar Republike Srpske je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 270.909,00 KM.

Politička stranka Demokratski centar Republike Srpske nije iskazala troškove kampanje u svom godišnjem finansijskom izvještaju za 2020. godinu.

49. OTADŽBINSKA STRANKA (Kod 2734)

Prema podacima iz godišnjeg finansijskog izvještaja Otadžbinska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	4.550,00	97,37
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	123,00	2,63
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.673,00	100,00
	Izvori finansiranja (I+II)	4.673,00	100,00

Pregledom godišnjeg finansijskog izvještaja za 2020. godinu utvrđeno je da je Otadžbinska stranka prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i (4) Zakona o finansiranju političkih stranaka.

- a) Uvidom u raspoloživu dokumentaciju utvrđeno je da je stranka Program utroška sredstava za 2020. godinu dostavila uz dodatnu dokumentaciju dana 09. 07. 2021. godine, te da ne sadrži broj, niti datum donošenja, stoga nije uzet u razmatranje.

U godišnjem finansijskom izvještaju stranka je iskazala rashode u iznosu od 4.521,90 KM, a u Bilansu uspjeha za 2020. godinu ukupni rashodi iznose 5.637,00 KM. Navedene troškove stranka je ostvarila bez donesenog programa utroška sredstava.

- b) Uvidom u ugovor o zakupu poslovnog prostora, utvrđeno je da je stranka koristila prostorije u vlasništvu pravnog lica AD "KOMGRAP" iz Lopara uz ugovorenu mjesečnu naknadu od 50,00 KM. Također, u ugovoru je navedeno da zakupodavac AD "KOMGRAP" iz Lopara neće naplaćivati zakupninu stranci, već predstavlja donaciju.

Otadžbinska stranka je korištenjem poslovnog prostora bez plaćanja zakupnine, ostvarila nenovčanu donaciju u iznosu od 350,00 KM, koju je u skladu sa članom 5. stav (4) Zakona o finansiranju političkih stranaka i članom 13. i 18. Pravilnika o godišnjim finansijskim izvještajima političkih stranaka trebala evidentirati i prijaviti u finansijskom izvještaju za 2020. godinu.

- c) Pregledom godišnjeg finansijskog izvještaja za 2020. godinu utvrđeno je da Otadžbinska stranka nije vodila potpune evidencije o prihodima i rashodima i nije popunila obrasce godišnjeg finansijskog izvještaja za 2020. godinu u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) U poslovnim knjigama, finansijskom izvještaju i Završnom računu za 2020. godinu politička stranka nije evidentirala prihode po osnovi besplatnog korištenja poslovnog prostora (nenovčana donacija pravnog lica) kao ni troškove zakupnine poslovnog prostora, što je suprotno odredbama člana 13, 18, 21. i 22. Pravilnika.

- (2) Politička stranka nije u obrascu 2 (pregled prometa transakcionog računa političke stranke) iskazala tačne podatke o početnom stanju i stanju na dan 31. 12. 2020. godine na transakcionom računu, čime je prekršila odredbe člana 11. Pravilnika.

Naime, stranka je u obrascu 2 iskazala transakcioni račun broj: 5540030000082142 kod Naše banke a.d. Bijeljina za koji je navela da početno stanje na dan 01. 01. 2020. godine iznosi 151,00 KM, ukupan promet ulaza iznosi 4.673,00 KM, ukupan promet izlaza 4.521,90 KM, a saldo na dan 31. 12. 2020. godine u iznosu od 302,10 KM.

Kontrolom izvoda sa transakcionog računa broj: 5540030000082142 kod Naše banke a.d. Bijeljina, utvrđeno je da stranka nije imala sredstava na dan 01. 01. 2020. godine i da je prva promjena stanja na transakcionom računu izvršena 02. 07. 2020. godine (izvod broj 1). Također, utvrđeno je da je ukupan promet ulaza iznosio 4.673,00 KM, ukupan promet izlaza 4.521,90 KM, kao i da je stranka na dan 31. 12. 2020. godine na ovom računu imala saldo u iznosu od 151,10 KM.

- (3) Politička stranka je u godišnjem finansijskom izvještaju iskazala rashode u manjem iznosu za 1.115,00 KM u odnosu na ostvarene, čime je prekršila odredbe člana 21. Pravilnika.

Pregledom godišnjeg finansijskog izvještaja utvrđeno je da je stranka u godišnjem finansijskom izvještaju iskazala rashode u ukupnom iznosu od 4.521,90 KM, dok je u Bilansu uspjeha za 2020. godinu iskazala rashode u ukupnom iznosu od 5.637,00 KM. Isto tako je utvrđeno da je stranka u poslovnim knjigama na kontu *Troškovi prevoza* evidentirala troškove goriva u ukupnom iznosu od 1.115,00 KM, te na kontu *Unaprijed plaćeni rashodi* isti iznos.

Uvidom u dodatnu dokumentaciju utvrđeno je da su računi koje je stranka evidentirala u svojim poslovnim knjigama kao troškove prevoza, fiskalni računi sa Benzinske pumpne stanice Lopare, Nešković d. o. o. Bijeljina plaćeni gotovinski, a da stranka u obrascu 2.1 nije iskazala promet, kao ni saldo blagajne za 2020. godinu, čime je prekršila odredbe člana 12. Pravilnika.

Na osnovi svega navedenog utvrđeno je da stranka nije u poslovnim knjigama evidentirala promet gotovim novcem u blagajni i obaveze prema licu koje je izvršilo plaćanje računa za gorivo, te je troškove pogrešno klasifikovala. Imajući u vidu da prema podacima iz poslovnih knjiga stranka u svom vlasništvu nema motorno vozilo i da na fiskalnim računima nije naveden kupac, nije bilo moguće utvrditi u koju svrhu je utrošeno gorivo, tj. finansijska sredstva stranke.

- d) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5540030000082142 kod Naše banke a.d. Bijeljina.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Otadžbinska stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 274.760,40 KM.

Otađbinska stranka nije iskazala troškove kampanje u svom godišnjem finansijskom izvještaju za 2020. godinu.

50. SOCIJALISTI-SPS (Kod 2803)

Prema podacima iz godišnjeg finansijskog izvještaja za 2020. godinu Socijalisti-SPS nisu ostvarili prihode, kao što je navedeno u narednoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

Pregledom godišnjeg finansijskog izvještaja za 2020. godinu utvrđeno je da su Socijalisti-SPS prekršili odredbe člana 4. stav (1), člana 12. stav (3), stav (4) i stav (5) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

- a) Uvidom u evidencije utvrđeno je da Socijalisti-SPS nisu donijeli Plan utroška sredstava za 2020. godinu, a što su bili u obavezi da učine.

Stranka u godišnjem finansijskom izvještaju nije iskazala rashode. Međutim, uvidom u podatke iz obrazaca 2 i 2.1 godišnjeg finansijskog izvještaja o prometu ostvarenom putem transakcijskog računa i blagajne, utvrđeno je da je stranka ostvarila odliv novčanih sredstava, što ukazuje da je stranka u toku 2020. godine ostvarila rashode.

S obzirom na to da stranka nije sačinila program utroška sredstava, a da je imala odliv sredstava po osnovi plaćanja takse za učešće na Lokalnim izborima 2020. godine, tj. ostvarila je rashode u iznosu od 1.100,00 KM, prekršila je odredbe člana 4. stav (1) Zakona o finansiranju političkih stranaka.

- b) Socijalisti-SPS nisu dostavili dodatnu dokumentaciju, finansijski izvještaj nisu dostavili u zakonskom roku, te obrasce godišnjeg finansijskog izvještaja nisu podnijeli u skladu

sa Pravilnikom, čime su prekršili odredbe člana 12. stav (4) i stav (5) Zakona o finansiranju političkih stranaka.

- (1) Stranka godišnji finansijski izvještaj nije podnijela putem aplikacije "FI CIK BiH", već je obrasce godišnjeg finansijskog izvještala popunila manuelno i tako popunjene dostavila Centralnoj izbornoj komisiji BiH dana 28. 04. 2021. godine, odnosno nakon zakonom utvrđenog roka, čime je prekršila odredbe člana 12. stav (4) Zakona o finansiranju političkih stranaka i člana 3. stav (1) Pravilnika.

Stranka je bila u obavezi da godišnji finansijski izvještaj za 2020. godinu podnese Centralnoj izbornoj komisiji BiH u elektronskoj formi putem aplikacije "FI CIK BiH", a Potvrdu o podnesenom godišnjem finansijskom izvještaju zajedno sa odštampanim obrascima finansijskog izvještaja u PDF formatu, ovjerenim potpisom ovlaštenog lica i pečatom političke stranke, dostaviti Centralnoj izbornoj komisiji BiH i u čvrstoj kopiji u zakonom propisanom roku, tj. do 31. 03. 2021. godine.

- (2) Uvidom u dostavljene obrasce utvrđeno je da je stranka iskazala promet ostvaren putem transakcijskog računa (obrazac 2) i promet blagajne (obrazac 2.1), a da nije iskazala ni prihode ni rashode, čime je prekršila odredbe člana 13. i 21. Pravilnika.

S obzirom na to da je stranka učestvovala na Lokalnim izborima 2020. godine, te da je platila taksu za učešće na izborima u iznosu od 1.100,00 KM, stranka je u 2020. godini ostvarila prihode i rashode koje je morala iskazati u finansijskom izvještaju u obrascima 3 (izvori finansiranja) i 4 (rashodi političke stranke).

- (3) U obrascu 1 finansijskog izvještaja (Opšti podaci o političkoj stranci) stranka nije navela podatke o ovlaštenom licu za finansijske izvještaje, čime je prekršila odredbe člana 9. Pravilnika.

- (4) Dana 18. 11. 2021. godine Centralna izborna komisija Bosne i Hercegovine je političkoj stranci Socijalisti-SPS uputila Zahtjev za dostavljanje dodatne dokumentacije za 2020. godinu, broj: 03-07-6-879-2/21, kojim je od stranke traženo da dostavi: bruto bilans stranke na dan 31. 12. 2020. godine, godišnji obračun za 2020. godinu (Bilans stanja i bilans uspjeha), dokumentaciju o korištenju poslovnog prostora u 2020. godini (dokaz o vlasništvu nad nekretninom, ugovor o zakupu, odluku ili izjavu), glavnu knjigu sa kompletnim analitičkim evidencijama stranke za period 01.01. – 31. 12. 2020. godine, program utroška sredstava za 2020. godinu, program utroška sredstava za 2021. godinu, izjavu o načinu finansiranja izborne kampanje i iznos te kopije izvoda sa transakcijskih računa stranke broj: 5553000048927444 i 5553000048927541 kod Nove banke za period 01. 01. – 31. 12. 2020. godine.

Nakon upućenog zahtjeva stranka nije dostavila dokumentaciju, te je Centralna izborna komisija BiH dana 10. 12. 2021. godine uputila stranci Urgenciju za dostavljanje dodatne dokumentacije, broj: 03-07-6-879-3/21.

S obzirom na to da stranka ni po zahtjevu ni po urgenciji nije dostavila traženu dodatnu dokumentaciju prekršila je odredbe člana 12. stav (5) Zakona o finansiranju političkih stranaka.

- c) Uvidom u službene evidencije utvrđeno je da Socijalisti-SPS Centralnoj izbornoj komisiji BiH nisu podnijeli postizborni finansijski izvještaj za Lokalne izbore 2020. godine, čime su prekršili odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Troškovi izborne kampanje

Prema odredbama člana 15.10 Izbornog zakona BiH Socijalisti-SPS su za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogli potrošiti 13.266,90 KM.

Socijalisti-SPS u godišnjem finansijskom izvještaju za 2020. godinu nisu iskazali troškove kampanje, niti su dostavili izjavu o načinu finansiranja kampanje i iznosu.

51. POKRET PRAVDE (Kod 2620)

Prema podacima iz godišnjeg finansijskog izvještaja Pokret pravde se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	530,00	3,70
2.	Prilozi fizičkih lica (3-a)	10.339,70	72,24
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	1.245,30	8,70
8.	Prihodi od propagande (3-g)	0,00	0,00
I	Ukupni prihodi (1-8)	12.115,00	84,64
II	Ostali prihodi i drugo	2.197,79	15,36
	Izvori finansiranja (I+II)	14.312,79	100,00

Pregledom godišnjeg finansijskog izvještaja za 2020. godinu utvrđeno je da je Pokret pravde prekršio odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

a) Pokret pravde je u godišnjem finansijskom izvještaju iskazao ukupne rashode u iznosu od 12.703,48 KM.

Politička stranka dostavila je Plan utroška sredstava za 2020. godinu od 20.05.2020. godine u kojem su navedene planirane vrste troškova, ali nisu planirani iznosi troškova. S obzirom na to da u Planu utroška sredstava stranka nije planirala ukupan iznos rashoda, niti planirane pojedinačne iznose troškova, odnosno nije sačinila plan utroška na način kojim bi se osigurala potpuna transparentnost planiranog trošenja sredstava, prekršene su odredbe člana 4. stav (1) Zakona o finansiranju političkih stranaka.

b) Na osnovi obavljenog pregleda godišnjeg finansijskog izvještaja i prikupljene finansijske dokumentacije, utvrđeno je da Pokret pravde nije u skladu sa računovodstvenim propisima uspostavio potpune i tačne evidencije o svojim rashodima, obavezama i novčanim tokovima, niti je godišnji finansijski izvještaj popunio u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Pokret pravde nije u obrascu 2 (pregled prometa svih transakcijskih računa političke stranke) godišnjeg finansijskog izvještaja pravilno iskazao promet po transakcijskom računu za kampanju broj 1610000237300132 kod "Raiffeisen bank", čime je prekršio odredbe člana 11. Pravilnika.

U poslovnim knjigama i obrascu 2 godišnjeg finansijskog izvještaja stranka je iskazala ukupan promet ulaza u iznosu od 7.500,00 KM, ukupan promet izlaza u iznosu od 7.477,88 KM i saldo na dan 31. 12. 2020. godine u iznosu od 22,12 KM. Stranka nije iskazala početni saldo po transakcijskom računu.

Kontrolom izvoda utvrđeno je da stranka na dan 01. 01. 2020. godine nije imala sredstava na ovom računu, da su ukupni ulazi u toku 2020. godine iznosili 5.000,00 KM, ukupni izlazi 4.977,88 KM i saldo na dan 31. 12. 2020. godine je iznosio 22,12 KM.

Uvidom u finansijsku dokumentaciju i poslovne knjige stranke utvrđeno je da je stranka izvršila prenos sredstava sa glavnog transakcijskog računa na transakcijski račun za kampanju u ukupnom iznosu od 5.000,00 KM. Prenos sredstava je izvršen dana 20. 07. 2020. godine u iznosu od 2.050,00 KM, zatim dana 14. 10. 2020. godine u iznosu od 2.500,00 KM i dana 23. 11. 2020. godine u iznosu 450,00 KM.

Stranka je prenos sredstava od 14. 10. 2020. godine u iznosu od 2.500,00 KM u svojim poslovnim knjigama evidentirala kao povećanje ulaza na transakcijskom računu za kampanju, a nakon toga novim knjigovodstvenim stavom iskazala je povećanje prometa ulaza i prometa izlaza po transakcijskom računu za kampanju u iznosu od 2.500,00 KM.

Pogrešnim evidentiranjem poslovne promjene stranka je u poslovnim knjigama i u obrascu 2. godišnjeg finansijskog izvještaja iskazala veći ostvareni promet ulaza i izlaza po transakcijskom računu za kampanju za 2.500,00 KM, što je suprotno računovodstvenim propisima i odredbama Pravilnika.

- (2) Pregledom godišnjeg finansijskog izvještaja i dostavljene dokumentacije utvrđeno je da je Pokret pravde u obrascu 3 (izvori finansiranja) godišnjeg finansijskog izvještaja priloge fizičkih lica u iznosima manjim od 100,01 KM u ukupnom iznosu od 2.197,79 KM iskazao kao ostale prihode, čime je prekršio odredbe člana 13. i 14. Pravilnika.

Kontrolom izvoda sa transakcijskog računa broj: 1610000237300035 kod "Raiffeisen bank" utvrđeno je da je stranka primila priloge sljedećih fizičkih lica: Predraga Marića u iznosu od 50,00 KM, Emine Ademi u ukupnom iznosu od 500,00 KM (pet uplata od po 100,00 KM), Velimira Zdjelara u iznosu od 100,00 KM, Mire Kos u iznosu od 100,00 KM, Veljka Adamovića u iznosu od 100,00 KM, Dragana Karanovića u iznosu od 100,00 KM, Željke Panić u iznosu od 97,79 KM, Dejana Marića u iznosu od 30,00 KM, Gorana Popovića u iznosu od 50,00 KM, Milutina Kužeta u iznosu od 20,00 KM i Tanje Todić u iznosu od 60,00 KM.

Kontrolom izvoda sa istog transakcijskog računa i dostavljene dokumentacije utvrđeno je da je stranka putem blagajne primila priloge sljedećih fizičkih lica: Ljiljane Tešanović u iznosu od 20,00 KM (dvije uplate od po 10,00 KM), Milice Ubavić u iznosu od 40,00 KM, Lidije Matić u iznosu od 10,00 KM, Vladana Maleševića u iznosu od 10,00 KM, Pere Petrovića u iznosu od 100,00 KM, Slaviše Mirovića u iznosu od 10,00 KM, Suzane Bešlagić u iznosu od 20,00 KM, Dragoslava Miletića u iznosu od 40,00 KM, Čerima Kuća u iznosu od 20,00 KM, Rade Vuković u iznosu od 10,00 KM, Janka Testena u iznosu od 40,00 KM, Danijela Radomira u iznosu od 100,00 KM, Živane Radomir u iznosu od 100,00 KM, Jasmina Đuzela u iznosu od 40,00 KM, Nusrete Đuzel u iznosu od 40,00 KM, Aleksandra Eskića u iznosu od 10,00 KM, Jasminke Kroeger u iznosu od

100,00 KM, Zakira Julardžije u iznosu od 100,00 KM, Vere Ostojić u iznosu od 100,00 KM, Saše Graorca u iznosu od 50,00 KM i Vojislava Ercega u iznosu od 30,00 KM .
Neprijavlivanjem priloga u obrascu 3-a (prilozi fizičkih lica) godišnjeg finansijskog izvještaja stranka je prekršila i odredbe člana 5. stav (4) Zakona o finansiranju političkih stranaka.

Stranka je u skladu sa članom 14. Pravilnika, sve priloge fizičkih lica trebala iskazati u obrascu 3-a (prilozi fizičkih lica) godišnjeg finansijskog izvještaje, na način da priloge fizičkih lica niže od 100,00 KM iskaže u dijelu obrasca 3-a u koji se unose podaci o prilogima nižim od 100,00 KM, a priloge fizičkih lica veće od 100,00 KM u dijelu obrasca u koji se unose sljedeći podaci: ime i prezime, broj potvrde, datum kada je prilog primljen i iznos priloga. Ukoliko isti donator u toku jedne godine političkoj stranci da više puta priloge u iznosima manjim od 100,00 KM, i ukoliko njihov ukupan iznos prelazi 100,00 KM, stranka ima obavezu da taj prilog iskaže u dijelu obrasca 3-a u koji se unose prilozi veći od 100,00 KM.

- Politička organizacija Pokret pravde je priloge fizičkih lica u ukupnom iznosu od 350,00 KM primljene u blagajnu na transakcijski račun uplatila protekom više od 10 dana od dana uplate, a prilog fizičkog lica Aleksandra Ercega u iznosu od 10,00 KM i članarine Andreja Žole i Žane Forca u ukupnom iznosu od 20,00 KM nije uplatila na transakcijski račun, čime je prekršila odredbe člana 5. stav (4) Zakona o finansiranju političkih stranaka.

- (3) Pokret pravde nije pravilno iskazao rashode u obrascima 4. (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršio odredbe člana 21. i 22. Pravilnika.

Stranka je u poslovnim knjigama i finansijskom izvještaju iskazala troškove zakupa poslovnih prostora u iznosu od 2.100,00 KM, što je manje za 350,00 KM od stvarnih troškova.

Uvidom u Ugovor o zakupu poslovnog prostora utvrđeno je da se poslovni prostor izdaje na korištenje stranci od 08. 06. 2020. godine, na neodređeno vrijeme, te da mjesečna zakupnina iznosi 350,00 KM, odnosno za period juni–decembar 2020. godine iznosi 2.450,00 KM.

Pored toga, stranka u svojim poslovnim knjigama i u godišnjem finansijskom izvještaju nije iskazala obaveze po osnovi zakupa poslovnog prostora u iznosu od 350,00 KM, čime je prekršila i odredbe člana 24. Pravilnika.

Troškovi izborne kampanje

Prema odredbama člana 15.10 Izbornog zakona BiH Pokret pravde je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 57.657,90 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BiH, u svrhu izborne kampanje iskazala troškove u iznosu od 2.911,00 KM.

52. SRPSKA RADIKALNA STRANKA (Kod 016)

Prema podacima iz godišnjeg finansijskog izvještaja Srpska radikalna stranka Republike Srpske se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	12.369,00	100,00
	Izvori finansiranja (I+II)	12.369,00	100,00

Pregledom godišnjeg finansijskog izvještaja za 2020. godinu utvrđeno je da je Srpska radikalna stranka Republike Srpske prekršila odredbe člana 4. stav (1), člana 11. stav (1) i člana 12. stav (1), (4) i (5) Zakona o finansiranju političkih stranaka.

a) Programom utroška sredstava za 2020. godinu Srpska radikalna stranka Republike Srpske je planirala troškove u iznosu od 12.691,00 KM, dok je u godišnjem finansijskom izvještaju iskazala troškove u iznosu od 16.809,00 KM, što je za 4.118,00 više od planiranog iznosa.

Analizom Programa utroška sredstava i ostvarenih troškova utvrđeno je da Srpska radikalna stranka Republike Srpske u Programu utroška sredstava za 2020. godinu nije planirala troškove u ukupnom iznosu od 4.409,00 KM, koji se odnose na: troškove telefona u iznosu od 422,00 KM, troškove poštarine i internet usluga u iznosu od 152,00 KM, troškove platnog prometa u iznosu od 324,00 KM, ostale nematerijalne troškove u iznosu od 2.686,00 KM, troškove električne energije u iznosu od 381,00 KM i troškove grijanja u iznosu od 444,00 KM, te je time ostvarila netransparentno trošenje sredstava.

Stranka je u godišnjem finansijskom izvještaju planirala ostale troškove u iznosu od 6.000,00 KM, dok je u godišnjem finansijskom izvještaju iskazala ove troškove u iznosu od 6.793,00 KM, što je za 793,00 KM više od planiranog iznosa.

Također, Srpska radikalna stranka Republike Srpske je u godišnjem finansijskom izvještaju planirala troškove reklame u iznosu od 200,00 KM, dok je u godišnjem finansijskom izvještaju iskazala ove troškove u iznosu od 820,00 KM, što je za 600,00 KM više od planiranog iznosa.

b) Pregledom godišnjeg finansijskog izvještaja utvrđeno je da Srpska radikalna stranka Republike Srpske nije vodila poslovne knjige u skladu sa računovodstvenim propisima, nije uspostavila tačnu evidenciju o svojim prihodima, rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka i nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila odredbe člana 12. stav (4) Zakona o finansiranju političkih stranaka.

- (1) Uvidom u Izvještaj Centralne banke BiH o računima poslovnog subjekta od 11. 05. 2021. godine utvrđeno je da stranka na obrascu 2 godišnjeg finansijskog izvještaja nije prijavila transakcijski račun stranke otvoren kod NLB banke a. d. Banja Luka broj: 5620998042841824. Zbog nedostavljanja izvoda od spomenutog računa nije bilo moguće utvrditi promet na računu čime je prekršila odredbe člana 11. Pravilnika.
- (2) Srpska radikalna stranka Republike Srpske nije uspostavila potpune i tačne evidencije o prihodima stranke, te ih nije pravilno iskazala u godišnjem finansijskom izvještaju i poslovnim knjigama, čime je prekršila odredbe člana 13. i 19. Pravilnika.

Politička stranka je u godišnjem finansijskom izvještaju iskazala prihode iz budžeta kao ostale prihode u iznosu od 12.369,00 KM, dok je u Bilansu uspjeha evidentirala prihode u iznosu od 13.010,00 KM, što je za 641,00 KM više od iskazanog iznosa u godišnjem finansijskom izvještaju.

Pregledom godišnjeg finansijskog izvještaja utvrđeno je da je u obrascu 3 (izvori finansiranja), stranka kao ostale prihode iskazala sredstva koja je primila iz budžeta 11 opština, što je suprotno odredbama člana 13. i 19. Pravilnika.

- Kontrolom prometa izvoda sa transakcijskih računa stranke, broj: 5621008000560348 kod NLB banke i broj: 5710100000111323 kod Komercijalne banke, utvrđeno je da su stranci uplaćena sredstva iz budžeta sljedećih općina: Rudo u iznosu od 842,00 KM, Gacko u iznosu od 1.810,00 KM, Ugljevik u iznosu od 4.500,00 KM, Petrovo u iznosu od 300,00 KM, Brod u iznosu od 432,00 KM, Osmaci u iznosu od 600,00 KM, Nevesinje u iznosu od 597,00 KM, Oštra Luka u iznosu od 132,00 KM, Mrkonjić-Grad u iznosu od 1.579,00 KM, Novi Grad u iznosu od 1.109,00 KM i Čajniče u iznosu od 468,00 KM, što ukupno iznosi 12.369,00 KM.
- Međutim, pregledom godišnjeg finansijskog izvještaja utvrđeno je da je stranka ostvarila prihode i iz budžeta Općine Rogatica i Općine Milići, koje stranka nije prijavila u godišnjem finansijskom izvještaju.

Na osnovi dobijenog akta od Općine Rogatica, broj: 03/4-03-4/21 od 17. 11. 2021. godine, utvrđeno je da je stranka ostvarila prihode iz budžeta Općine Rogatica u iznosu od 2.120,40 KM.

Uvidom u akt Općine Milići, broj: 02-03-2/21 od 16. 11. 2021. godine, utvrđeno je da je stranka ostvarila prihode i iz budžeta Opštine Milići u iznosu od 1.825,54 KM.

Na osnovi svega već navedenog, utvrđeno je da je stranka ostvarila prihode iz budžeta 13 općina u ukupnom iznosu od 16.314,94 KM, a ne iz budžeta 11 općina u iznosu od 12.369,00 KM, koje je stranka iskazala kao ostale prihode.

- (3) Pregledom godišnjeg finansijskog izvještaja i dodatne dokumentacije je utvrđeno da Srpska radikalna stranka Republike Srpske nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju i poslovnim knjigama, čime je prekršila odredbe člana 21. i 22. Pravilnika.

Stranka je u godišnjem finansijskom izvještaju iskazala samo troškove zakupa u Općini Ugljevik u iznosu od 1.600,00 KM.

- Stranka u obrascu 4.1 (režijsko-administrativni i ostali troškovi) godišnjeg finansijskog izvještaja nije iskazala troškove zakupa poslovnog prostora u Gradu Banja Luka i opštinama Kneževo i Nevesinje.

Uvidom u oговор o zakupu poslovnog prostora sa pravnim licem "Malpreh" a.d. Banja Luka, broj: 1279/2017 od 29. 12. 2017. godine, utvrđeno je da je stranka koristila poslovni prostor površine 42 m² u Banjoj Luci uz mjesečnu naknadu od 400,00 KM punih 12 mjeseci, te su troškovi zakupa na godišnjem nivou iznosili 4.800,00 KM.

Stranka u godišnjem finansijskom izvještaju nije iskazala troškove zakupa koje je ostvarila u Općini Kneževo u iznosu od 360,00 KM.

Uvidom u ugovor o zakupu poslovnog prostora sa Općinom Kneževo, broj: 02.1-374-3/16 od 06. 06. 2016. godine, utvrđeno je da zakup teče od 01. 01. 2016. do 01. 01. 2021. godine, te je time stranka koristila poslovni prostor u vlasništvu Općine Kneževo 12 mjeseci uz mjesečnu zakupninu od 30,00 KM, što godišnje iznosi 360,00 KM.

Pregledom poslovnih knjiga i godišnjeg finansijskog izvještaja utvrđeno je da Srpska radikalna stranka Republike Srpske nije iskazala troškove zakupa svog općinskog odbora u Nevesinju. Uvidom u akt Opštine Nevesinje, broj: 02-012.-86/21 od 26. 07. 2021. godine, utvrđeno je da je stranka tokom 2020. godine koristila poslovni prostor površine 12 m² uz mjesečnu naknadu od 36,00 KM, što na godišnjem nivou iznosi 432,00 KM.

- (4) Na obrascu 5 (obaveze stranke) godišnjeg finansijskog izvještaja, Srpska radikalna stranka Republike Srpske je iskazala obaveze u ukupnom iznosu od 9.085,00 KM.

U okviru navedenog iznosa u godišnjem finansijskom izvještaju, Srpska radikalna stranka Republike Srpske je iskazala obaveze prema "raznim dobavljačima" u iznosu od 422,00 KM, iako je bila obavezna da navede svakog dobavljača pojedinačno, sa datumom nastanka obaveze i iznosom obaveze na dan 31. 12. 2020. godine.

Uvidom u poslovne knjige utvrđeno je da stranka u godišnjem finansijskom izvještaju nije iskazala svoje obaveze na dan 31. 12. 2020. godine prema Općini Nevesinje u iznosu od 1.296,00 KM, RTRS u iznosu od 277,50 KM, "Apif" u iznosu od 1.065,60 KM, bife "Drena" u iznosu od 815,00 KM i "Elit M" d. o. o. u iznosu od 815,00 KM.

Nenavođenjem analitike povjerilaca i neiskazivanjem svih svojih obaveza stranka je prekršila odredbe člana 12. stav (4) Zakona i odredbe člana 24. Pravilnika.

- (5) Dana 04. 10. 2021. godine Centralna izborna komisija Bosne i Hercegovine je stranci uputila zahtjev za dostavljanje dodatne dokumentacije, broj: 03-07-6-681-2/21, kojim je zatraženo da dostavi: Godišnji obračun (Bilans stanja i Bilans uspjeha) za 2020. godinu, dokumentaciju o korištenju poslovnih prostora u 2019. godini, za sve organizacione dijelove političke stranke (dokaze o vlasništvu nad nekretninama, ugovore o zakupu, odluke ili izjave), kompletnu dokumentaciju vezanu za ostale prihode, program utroška sredstava u 2020. godini, u skladu sa članom 4. stav (1) Zakona o finansiranju političkih stranaka i kopiju izvoda sa transakcijskih računa za period 01. 01. – 31. 12. 2020.

godine, broj: 5621008000560348 i 5620998042841824 kod NLB banke a. d Banja Luka i 5710100000111323 kod Komercijalne banke i izvode otvorenih stavki za dobavljače “Zomiks inženjering d. o. o. Novi Grad i “Malprex“ d. o. o. Banja Luka .

Stranka u ostavljenom roku nije dostavila kopiju izvoda sa transakcionog računa broj: 5620998042841824 kod NLB banke a.d Banja Luka i izvod otvorenih stavki za dobavljača “Malprex“ d. o. o. Banja Luka.

S obzirom na to da Srpska radikalna stranka Republike Srpske nije postupila u skladu sa zahtjevom Centralne izborne komisije Bosne i Hercegovine, odnosno nije dostavila svu traženu dokumentaciju, prekršila je odredbe člana 12. stav (5) Zakona o finansiranju političkih stranaka.

53. HRVATSKI NACIONALNI POMAK (Kod 2802)

Prema podacima iz godišnjeg finansijskog izvještaja Hrvatski nacionalni pomak se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	3.400,00	18,01
3.	Prilozi pravnih lica (3-b)	10.000,00	52,97
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	5.478,00	29,02
8.	Prihodi od propagande (3-g)	0,00	0,00
I	Ukupni prihodi (1-8)	18.878,00	100,00
II	Ostali prihodi i drugo	0,19	0,00
	Izvori finansiranja (I+II)	18.878,19	100,00

Pregledom godišnjeg finansijskog izvještaja za 2020. godinu utvrđeno je da je Hrvatski nacionalni pomak prekršio odredbe člana 4. stav (1), člana 5. stav (4), člana 8. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

a) U godišnjem finansijskom izvještaju za 2020. godinu Hrvatski nacionalni pomak iskazao je ukupne rashode u iznosu od 9.515,00 KM.

Hrvatski nacionalni pomak je uz dodatnu dokumentaciju za 2020. godinu, dana 09. 11. 2021. godine, Centralnoj izbornoj komisiji Bosne i Hercegovine dostavio Program utroška sredstava za 2020. godinu bez broja i datuma usvajanja.

S obzirom na to da Hrvatski nacionalni pomak nije dostavio program utroška sredstava za 2020. godinu neposredno nakon njegovog usvajanja, smatramo da je finansijska sredstva utrošio bez programa utroška sredstava za 2020. godinu, čime je prekršio odredbe člana 4. stav (1) Zakona o finansiranju političkih stranaka.

- b) Hrvatski nacionalni pomak nije u godišnjem finansijskom izvještaju prijavio nenovčanu donaciju Kulturno-informativnog centra u iznosu od 50,00 KM, čime je prekršio odredbe člana 5. stav (4) Zakona o finansiranju političkih stranaka.

Kontrolom računa za troškove izborne kampanje utvrđeno je da je Hrvatski nacionalni pomak koristio usluge oglašavanja na videozidu Kulturno-informativnog centra u Tomislavgradu u periodu od 23. 10. 2020. godine do 13. 11. 2020. godine. Kulturno-informativni centar je za izvršene usluge stranci ispostavio račun, broj: 5/2020 od 24. 11. 2020. godine u kojem je navedeno da je usluga iznosila 400,00 KM, popust 50,00 KM, odnosno ukupan iznos računa 350,00 KM.

S obzirom na to da politička stranka nije imala obavezu platiti 50,00 KM, ostvarila je nenovčanu donaciju Kulturno-informativnog centra koju je imala obavezu evidentirati u svojim poslovnim knjigama i iskazati u godišnjem finansijskom izvještaju.

Imajući u vidu da je Kulturno-informativni centar javna ustanova za kulturu, prekršene su i odredbe člana 8. stav (1) Zakona o finansiranju političkih stranaka.

- Hrvatski nacionalni pomak nije u godišnjem finansijskom izvještaju prijavio priloge 11 fizičkih lica u iznosima od po 498,00 KM, čime je prekršio odredbe člana 5. stav (4) Zakona o finansiranju političkih stranaka.
- c) Na osnovi pregleda godišnjeg finansijskog izvještaja utvrđeno je da politička stranka nije vodila poslovne knjige u skladu sa računovodstvenim propisima, nije vodila potpune evidencije o prihodima, rashodima i obavezama i nije podnijela finansijski izvještaj u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Hrvatski nacionalni pomak nije u godišnjem finansijskom izvještaju iskazao jedan transakcijski račun i nije iskazao tačne podatke o prometu i saldu na drugom transakcijskom računu, čime je prekršio odredbe člana 11. Pravilnika.

- Stranka u obrascu 2 (pregled prometa svih transakcijskih računa političke stranke) godišnjeg finansijskog izvještaja nije iskazala transakcijski račun, broj: 3382302273664049 kod UniCredit bank d. d.

Kontrolom izvoda sa navedenog računa utvrđeno je da je ukupan promet ulaza iznosio 13.400,13 KM, ukupan promet izlaza 7.161,40 KM, a stanje na dan 31. 12. 2020. godine 6.238,73 KM.

- U obrascu 2 godišnjeg finansijskog izvještaja iskazan je transakcijski račun, broj: 3382302273663176 kod UniCredit bank d. d. sa sljedećim podacima: ukupan promet ulaza u iznosu od 18.878,19 KM, ukupan promet izlaza u iznosu od 11.020,60 KM i stanje na dan 31. 12. 2020. godine u iznosu od 7.857,59 KM.

Uvidom u izvode sa transakcijskog račun broj: 3382302273663176 utvrđeno je sljedeće: ukupan promet ulaza u iznosu od 5.478,06 KM, ukupan promet izlaza u iznosu od 3.859,20 KM i stanje na dan 31. 12. 2020. godine u iznosu od 1.618,86 KM.

- (2) Kontrolom izvoda sa transakcijskog računa stranke utvrđeno je da su na ovaj račun uplaćena sredstava iz budžeta Općine Tomislavgrad u ukupnom iznosu 5.478,00 KM.

Na osnovi podataka koje je dostavila Općina Tomislavgrad utvrđeno je da su sredstva uplaćena stranci na osnovi izjava 11 samostalnih vijećnika Općinskom vijeću

Tomislavgrad za period od augusta do oktobra 2020. godine. Uvidom u pojedinačne izjave utvrđeno je da su vijećnici obavijestili Općinsko vijeće Tomislavgrad da se sredstva koja im pripadaju uplaćuju na transakcijski račun Hrvatskog nacionalnog pomaka.

Na osnovi navedenog utvrđeno je da su fizička lica – vijećnici Ivana Dodig, Anita Grgić, Anamarija Galir, Milica Skočibušić, Ante Bokanović, Ante Kutleša, Ante Vukadin, Ante Đikić, Luka Krstanović, Pero Ivić i Josip Bagarić političkoj stranci Hrvatski nacionalni pomak dali priloge u iznosima od po 498,00 KM, odnosno ukupno 5.478,00 KM.

Stranka je navedena sredstva iskazala kao prihode iz budžeta Općine Tomislavgrad, čime je prekršila odredbe člana 13, 14. i 19. Pravilnika.

- (3) Stranka nije u poslovnim knjigama evidentirala i u godišnjem finansijskom izvještaju iskazala nenovčanu donaciju Kulturno-informativnog centra u Tomislavgradu u iznosu od 50,00 KM, te je troškove izborne kampanje iskazala u manjem iznosu za 50,00 KM u odnosu na ostvarene, čime je prekršila odredbe člana 13, 18, 21. i 23. Pravilnika.
- (4) Stranka nije u poslovnim knjigama evidentirala i u godišnjem finansijskom izvještaju iskazala troškove zakupa poslovnog prostora i obaveze prema zakupodavcu, čime je prekršila odredbe člana 21, 22. i 24. Pravilnika.
Uvidom u Ugovor o zakupu poslovnog prostora koji je zaključen između Hrvatskog nacionalnog pomaka i fizičkog lica Ante Andrića, utvrđeno je da je stranka od 18. 06. 2020. godine koristila poslovni prostor površine 48,78 m², po cijeni od 50,00 KM mjesečno, odnosno 300,00 KM za šest mjeseci 2020. godinu.
- (5) U godišnjem finansijskom izvještaju stranka je troškove izborne kampanje iskazala u obrascu 4.1 (režijsko-administrativni i ostali troškovi), čime je prekršila odredbe člana 21, 22. i 23. Pravilnika.
- (6) U obrascu 3-b (prilozi pravnih lica) godišnjeg finansijskog izvještaja stranka nije navela tačne podatke o nazivu donatora, čime je prekršila odredbe člana 15. Pravilnika.
Stranka je u obrascu 3-b navela da je pravno lice "Farma Glamoč" d. o. o. dala dva priloga u iznosima od po 2.500,00 KM, odnosno ukupno 5.000,00 KM. Uvidom u izvode sa transakcijskog računa stranke i izdate potvrde o primljenim priložima, utvrđeno je da je "Farma Glamoč" d. o. o. dala prilog stranci u iznosu od 2.500,00 KM, dok je pravno lice "Farma Tomislavgrad" d. o. o. Tomislavgrad dala prilog stranci u iznosu od 2.500,00 KM.

Troškovi izborne kampanje

Prema odredbama člana 15.10 Izbornog zakona BiH politička stranka Hrvatski nacionalni pomak je za potrebe izborne kampanje, prema broju birača koje je objavila Centralna izborna komisija BiH, mogla potrošiti 9.235,80 KM.

Hrvatski nacionalni pomak je u godišnjem finansijskom izvještaju za 2020. godinu iskazao troškove izborne kampanje u iznosu od 4.844,00 KM.

54. POLITIČKA ORGANIZACIJA SOCIJALDEMOKRATE BiH (Kod 2711)

Prema podacima iz korigiranog godišnjeg finansijskog izvještaja Politička organizacija "Socijaldemokrate Bosne i Hercegovine" se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	12.014,73	12,42
2.	Prilozi fizičkih lica (3-a)	55.812,25	57,70
3.	Prilozi pravnih lica (3-b)	24.300,00	25,12
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	4.610,00	4,76
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	96.736,98	100,00
II	Ostali prihodi i drugo	0,00	0,00
	Izvori finansiranja (I+II)	96.736,98	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija "Socijaldemokrate Bosne i Hercegovine" prekršila odredbe člana 8. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

a) Na osnovi obavljenog pregleda korigiranog godišnjeg finansijskog izvještaja, utvrđeno je da je Politička organizacija "Socijaldemokrate Bosne i Hercegovine" iskazala primljeni prilog u iznosu od 1.000,00 KM od pravnog lica koje je imalo zaključen ugovor o javnoj nabavci radova i roba sa gradovima Tuzla i Živinice i općinama Centar Sarajevo i Lukavac, čija je vrijednost veća od 10.000,00 KM, čime su prekršene odredbe člana 8. stav (4) Zakona o finansiranju političkih stranaka.

Prilog od pravnog lica "Akva Invest" d. o. o. Živinice, Politička organizacija "Socijaldemokrate Bosne i Hercegovine" je primila dana 02. 11. 2020. godine u iznosu od 1.000,00 KM. Prema aktu, broj: 03/9-11-16/22 od 27. 01. 2022. godine, koji je dostavio Grad Živinice, utvrđeno je da je pravno lice "Akva Invest" d. o. o. Živinice tokom 2020. godine imalo zaključena dva ugovora o javnoj nabavci sa Gradom Živinice, čija vrijednost je veća od 10.000,00 KM.

Prvi zaključen ugovor, broj: 01/2-04-89-798/20 od 23. 03. 2020. godine, odnosio se na "Uklanjanje divljih deponija, izvršenje rješenja inspektora i rušenje bespravno izgrađenih objekata" ukupne vrijednosti 24.722,10 KM sa uračunatim PDV.

Drugi zaključen ugovor, broj: 01/2-04-89-941/20 od 13. 07. 2020. godine, odnosio se na "Program odvoza šljake" ukupne vrijednosti 39.971,18 KM sa uračunatim PDV.

b) Pregledom godišnjeg finansijskog izvještaja utvrđeno je da Politička organizacija "Socijaldemokrate Bosne i Hercegovine" nije vodila poslovne knjige u skladu sa računovodstvenim propisima, nije uspostavila potpune i tačne evidencije o novčanim

tokovima, приходима, rashodima i obavezama, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka. Godišnji finansijski izvještaj nije popunila u skladu sa članom 12. stav (4) ovog Zakona i Pravilnikom.

- (1) U poslovnim knjigama stranka je evidentirala sljedeći promet blagajne: početni saldo u iznosu od 0,00 KM, promet ulaza u iznosu od 93.526,93 KM, promet izlaza u iznosu od 93.526,93 KM i saldo na dan 31. 12. 2020. godine u iznosu od 0,00 KM.

Stranka je uz svoje očitovanje dostavila i korigirani obrazac 2.1 godišnjeg finansijskog izvještaja u kojem je iskazala sljedeće stanje blagajne: početni saldo je iznosio 0,00 KM, promet ulaza je iznosio 25.670,32 KM, promet izlaza je iznosio 25.670,32 KM i saldo na dan 05. 10. 2020. godine u iznosu od 0,00 KM.

Međutim, kontrolom dnevnika blagajne utvrđeno je da je promet ulaza iznosio 23.015,00 KM i promet izlaza također 23.015,00 KM i saldo na dan 05. 10. 2020. godine u iznosu od 0,00 KM.

Pogrešnim evidentiranjem prometa blagajne u obrascu 2.1 godišnjeg finansijskog izvještaja stranka je prekršila odredbe člana 12. Pravilnika.

- (2) Politička organizacija “Socijaldemokrate Bosne i Hercegovine“ nije uspostavila potpune i tačne evidencije o приходима, te ih nije pravilno iskazala u poslovnim knjigama i korigiranom godišnjem finansijskom izvještaju.

Stranka je u korigiranom godišnjem finansijskom izvještaju iskazala prihode u iznosu od 96.736,98 KM, dok je u Bilansu uspjeha evidentirala iste u iznosu od 93.527,00 KM.

- Politička organizacija “Socijaldemokrate Bosne i Hercegovine“ je u korigiranom godišnjem finansijskom izvještaju iskazala priloge fizičkih lica u iznosu od 55.812,25 KM.

Pregledom korigiranog godišnjeg finansijskog izvještaja i uvidom u akt, broj: 941-2/22 od 20. 01. 2022. godine koji je dostavila stranka, te uvidom u Izjavu fizičkog lica Denisa Grgića, sekretara GO SDBiH Srebrenik, utvrđeno je da spomenuto fizičko lice u ime stranke uplatilo 500,00 KM u vidu donacije radi plaćanja kazne po Odluci Centralne izborne komisije BiH, broj: 05-1-07-5-1003/20 od 07. 10. 2020. godine, koju je stranka iskazala u obrascu 3-a (prilozi fizičkih lica), umjesto na obrascu 3-e (prihodi od poklona i usluga koje politička strankanije imala obavezu platiti). Ovim je utvrđeno je stranka iskazala veće priloge fizičkih lica za 500,00 KM, pa su time prilozi fizičkih lica iznosili 55.312,25 KM.

Pogrešnim iskazivanjem prihoda fizičkih lica stranka je prekršila odredbe člana 13, 14. i 18. Pravilnika.

- Stranka je u korigiranom obrascu 3-e (prihodi od poklona i usluga koje politička stranka nije imala obavezu platiti) godišnjeg finansijskog izvještaja iskazala spomenute prihode u iznosu od 4.610,00 KM, umjesto da ih uveća za 500,00 KM od već spomenute nenovčane donacije pa su time nenovčane donacije iznosile 5.110,00 KM.

- (3) Politička organizacija “Socijaldemokrate Bosne i Hercegovine“ nije uspostavila potpune i tačne evidencije o rashodima stranke, te ih nije pravilno iskazala u poslovnim knjigama i godišnjem finansijskom izvještaju.

Politička organizacija “Socijaldemokrate Bosne i Hercegovine“ je u korigiranom godišnjem finansijskom izvještaju iskazala ukupne rashode u iznosu od 85.903,21 KM, dok ih je u Bilansu uspjeha evidentirala u iznosu od 84.293,00 KM.

- Politička organizacija “Socijaldemokrate Bosne i Hercegovine“ je u poslovnim knjigama evidentirala troškove zakupa u Živinicama u iznosu od 2.808,00 KM. Uvidom u ugovor o zakupu poslovnog protora, broj: 554/19 od 26. 11. 2019. godine, koji je zaključen sa pravim licem “Termovent“ d. o. o. Živinice, utvrđeno je da je sklopljen na period od 2 godine uz mjesečnu zakupninu od 351,00 KM. Već spomenuto ukazuje na činjenicu da je stranka tokom 2020. godine koristila poslovni prostor u Živinicama 12 mjeseci, te je time ostvarila troškove zakupa u iznosu od 4.212,00 KM.
- Računi na osnovi kojih je Politička organizacija “Socijaldemokrate Bosne i Hercegovine“ evidentirala i platila troškove propagande ne predstavljaju ispravne i vjerodostojne knjigovodstvene isprave.
Uvidom u račune pravnih lica: “Cromax“ d. o. o. Čelić, broj: 218-2020 od 01. 10. 2020. godine u iznosu od 1.755,00 KM, JU Centar za kulturu “Ahmed Muradbegović“ Gradačac, broj: 224/20 od 04. 11. 2020. godine u iznosu od 376,74 KM, “Kombax“ d. o. o. Lukavac, broj: 447-1286 od 04. 11. 2020. godine u iznosu od 896,56 KM, “Nam“ d. o. o. Tuzla, broj: I02-001-10736/2020 od 23. 11. 2020. godine u iznosu od 100,00 KM, JP RTV TK d. o. o. Tuzla, broj: 000747/20 od 30. 11. 2020. godine u iznosu od 1.755,00 KM i BKC Tuzla, broj: 96/1 od 14. 10. 2020. godine u iznosu od 150,00 KM, utvrđeno je da spomenuti računi nisu potpisali korisnici usluga, niti je potvrđen prijem promotivnog materijala.
- Politička organizacija “Socijaldemokrate Bosne i Hercegovine“ u poslovnim knjigama i obrascu 5 (obaveze stranke) godišnjeg finansijskog izvještaja nije iskazala obavezu u iznosu od 1.404,00 KM, po osnovi ugovora o zakupu poslovnog prostora od pravnog lica “Termovent“ d. o. o. Živinice.

Troškovi izborne kampanje

Prema odredbama člana 15.10 Izbornog zakona BiH Politička organizacija “Socijaldemokrate Bosne i Hercegovine“ je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 402.088,35 KM.

Politička organizacija “Socijaldemokrate Bosne i Hercegovine“ je u godišnjem finansijskom izvještaju za 2020. godinu iskazala troškove izborne kampanje u iznosu 14.765,01 KM.

55. NARODNA STRANKA RADOM ZA BOLJITAK (Kod 502)

Prema podacima iz godišnjeg finansijskog izvještaja Narodna stranka Radom za boljitak se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	13.000,00	58,51
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	9.218,00	41,49
8.	Prihodi od propagande (3-g)	0,00	0,00
I	Ukupni prihodi (1-8)	22.218,00	100,00
II	Ostali prihodi i drugo	0,00	0,00
	Izvori finansiranja (I+II)	22.218,00	100,00

Pregledom godišnjeg finansijskog izvještaja za 2020. godinu utvrđeno je da je Narodna stranka Radom za boljitak prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) U godišnjem finansijskom izvještaju za 2020. godinu Narodna stranka Radom za boljitak je iskazala ukupne troškove u iznosu od 67.357,97 KM.

Uvidom u Projekciju prihoda i troškova Narodne stranke Radom za boljitak za 2020. godinu, koju je stranka dostavila uz godišnji finansijski izvještaj za 2019. godinu, utvrđeno je da su ukupni rashodi planirani u iznosu od 50.000,00 KM. Također je utvrđeno da je stranka u Projekciji prihoda i troškova navela samo planirane ukupne troškove u iznosu od 50.000,00 KM bez plana po vrstama troška.

Stranka je dostavila Rebalans projekcija prihoda i troškova NSRZB za 2020. godinu, broj: ZB-02-00-007/19 od 21. 10. 2021. godine. S obzirom na to da Rebalans projekcije prihoda i troškova za 2020. godinu stranka nije dostavila neposredno nakon usvajanja, već 21. 10. 2021. godine, nije uzet u razmatranje.

Na osnovi navedenog utvrđeno je da Narodna stranka Radom za boljitak nije sačinila program utroška na način kojim bi se osigurala transparentnost planiranog trošenja sredstava, kao i uporedba ostvarenih troškova sa planiranim, te da je finansijska sredstva stranke u iznosu od 17.357,97 KM utrošila mimo planiranih sredstava, čime je prekršila odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja i finansijske dokumentacije utvrđeno je da Narodna stranka Radom za boljitak nije u poslovnim knjigama uspostavila pravilne i potpune evidencije o rashodima i obavezama, čime je prekršila računovodstvene propise i odredbe člana 11. stav (1) i člana 12. stav (1) Zakona o finansiranju političkih stranaka. Stranka nije popunila godišnji finansijski izvještaj za 2020. godinu u skladu sa odredbama Pravilnika, čime je prekršila odredbe člana 12. stav (4) Zakona o finansiranju političkih stranaka.

- (1) U godišnjem finansijskom izvještaju na obrascu 2 (Pregled prometa svih transakcijskih računa političke stranke) Narodna stranka Radom za boljitak nije pravilno iskazala transakcijske račune, čime je prekršila odredbe člana 11. Pravilnika.

U obrascu 2 godišnjeg finansijskog izvještaja stranka je iskazala transakcijski račun broj: 3382202265156378 kod UniCredit banke. Uvidom u Izvještaj o računima poslovnog subjekta Centralne banke Bosne i Hercegovine navedeni transakcijski račun je ugašen 30. 05. 2019. godine.

Međutim, Narodna stranka Radom za boljitak nije u obrascu 2 godišnjeg finansijskog izvještaja iskazala transakcijski račun broj: 3382202265204587 kod UniCredit banke. Kontrolom izvoda sa ovog transakcijskog računa utvrđeno je da je početni saldo 0,00 KM, ukupan promet ulaza u iznosu od 2.208,00 KM, ukupan promet izlaza u iznosu od 2.208,00 KM i saldo na dan 31. 12. 2020. godine u iznosu od 0,00 KM.

- (2) Uvidom u dostavljene potvrde o primljenim priložima od fizičkih lica, koje je stranka u godišnjem finansijskom izvještaju iskazala u ukupnom iznosu od 13.000,00 KM, utvrđeno je da stranka nije na svim potvrdama o primljenim donacijama navela broj lične karte fizičkog lica koje je dalo prilog stranci, čime je prekršila odredbe člana 6. Pravilnika.
- (3) Narodna stranka Radom za boljitak u poslovnim knjigama i obrascima 4. (Rashodi političke stranke) i 4.1 (Režijsko-administrativni i ostali troškovi) godišnjeg finansijskog izvještaja nije iskazala sve troškove i obaveze i nije izvršila pravilnu klasifikaciju troškova, čime je prekršila odredbe člana 21, 22. i 24. Pravilnika. Također je utvrđeno da stranka nije sve troškove evidentirala u momentu nastanka, što za rezultat ima pogrešno iskazane troškove u poslovnim knjigama i godišnjem finansijskom izvještaju.

- Narodna stranka Radom za boljitak je u poslovnim knjigama i godišnjem finansijskom izvještaju za 2020. godinu na kontu 40163–*usluge mobilne telefonije* evidentirala troškove po računu dobavljača Mtel a.d. Banja Luka, broj: 7573288099 od 31. 12. 2019. godine u iznosu od 326,13 KM i račune dobavljača JP Hrvatske telekomunikacije d. d. Mostar izdate 31. 12. 2019. godine u ukupnom iznosu od 6,44 KM. Stranka je u poslovnim knjigama evidentirala samo jedan račun za usluge mobilne telefonije iz 2020. godine i to račun dobavljača Mtel a.d. Banja Luka, broj: 3373581538 od 31. 01. 2020. godine u iznosu od 312,93 KM.

Kontrolom izvoda sa transakcijskog računa utvrđeno je da je stranka dana 14. 02. 2020. godine izvršila plaćanja računa, broj: 3373581538 i 7573288099 prema dobavljaču Mtel a.d. Banja Luka (Telekomunikacija RS ad Banja Luka) u iznosu od 1.300,00 KM. Uvidom u poslovne knjige utvrđeno je da je stranka dio uplate u iznosu od 639,06 KM evidentirala kao troškove mobilne telefonije po navedenim računima, dok je 660,94 KM evidentirala na kontu ostali avansi.

Na osnovi navedenog, mišljenja smo da politička stranka nije u poslovnim knjigama evidentirala sve troškove, kao i da je troškove nastale u ranijem periodu iskazala kao troškove 2020. godine.

- Uvidom u analitičku karticu konta 1285 – *Ostali avansi* utvrđeno je da stranka ima evidentirana potraživanja u iznosu od 1.005,15 KM, a na kontu 1284 – *Avans za nabavu materijala* ima evidentirana potraživanja iz ranijih godina u iznosu od 700,83 KM.

Činjenica da stranka na ovim kontima ima potraživanja, kao i da je na kontu 1285 – *Ostali avansi* u toku godine evidentirala avansne uplate u iznosu od 660,94 KM, ukazuje da stranka nema pravilne evidencije o svojim troškovima.

- Stranka je troškove po osnovi prinudne naplate doprinosa za zdravstveno osiguranje iz ranijih godina u iznosu od 17.386,76 KM u poslovnim knjigama i godišnjem finansijskom izvještaju iskazala kao troškove prethodnog perioda.

Uvidom u Rješenje o pokretanju postupka prinudne naplate, broj: 13-8-01-12-26-78/20-1 od 05. 02. 2020. godine, utvrđeno je da je pokrenut postupak naplate obaveze po osnovi doprinosa za zdravstveno osiguranje nastalih u periodu od 2013. do 2016. godine, kamate na neplaćene obaveze i troškove postupka. Također, kontrolom izvoda sa transakcijskog računa utvrđeno je da je sa računa stranke isplaćeno 17.386,76 KM po ovom osnovu.

Činjenica da politička stranka nije u svojim poslovnim knjigama imala evidentirane obaveze po osnovi doprinosa za zdravstveno osiguranje i da ih je evidentirala u poslovnim knjigama za 2020. godinu, ukazuje da ne vodi pravilne i pravovremene evidencije o svojim rashodima i obavezama.

- Stranka je u godišnjem finansijskom izvještaju troškove takse za ovjeru za učešće na Lokalnim izborima 2020. godine u iznosu od 1.700,00 KM umjesto kao troškove takse iskazala kao ostale rashode, čime je prekršila odredbe člana 22. Pravilnika.

Troškovi izborne kampanje

Prema odredbama člana 15.10 Izbornog zakona BiH Narodna stranka Radom za boljitak je za potrebe izborne kampanje, prema broju birača birača koji je objavila Centralna izborna komisija BiH za Lokalne izbore 2020. godine mogla potrošiti 37.960,80 KM.

Narodna stranka Radom za boljitak nije u godišnjem finansijskom izvještaju za 2020. godinu iskazala troškove izborne kampanje.

56. PRVA SRPSKA DEMOKRATSKA STRANKA (Kod 2311)

Prema podacima iz korigiranog godišnjeg finansijskog izvještaja Prva Srpska demokratska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	5.300,00	37,06
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	9.000,00	62,94
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	14.300,00	100,00
II	Ostali prihodi i drugo	0,00	0,00
	Izvori finansiranja (I+II)	14.300,00	100,00

Pregledom godišnjeg finansijskog izvještaja za 2020. godinu utvrđeno je da je Prva Srpska demokratska stranka prekršila odredbe člana 4. stav (1) Zakona o finansiranju političkih stranaka.

Prema podacima iz poslovnih knjiga Prva Srpska demokratska stranka je u toku 2020. godine ostvarila rashode u iznosu od 14.289,05 KM.

S obzirom na to da Prva Srpska demokratska stranka nije dostavila program utroška sredstava za 2020. godinu, odnosno finansijski plan neposredno nakon njegovog usvajanja, smatramo da je finansijska sredstva utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Prva Srpska demokratska stranka je za potrebe izborne kampanje, prema broju birača birača koji je objavila Centralna izborna komisija BiH, za Lokalne izbore 2020. godine mogla potrošiti 207.329,25 KM.

Prva Srpska demokratska stranka je u godišnjem finansijskom izvještaju za 2020. godinu iskazala troškove kampanje u iznosu od 1.748,30 KM.

57. POLITIČKA ORGANIZACIJA “GLAS NARODA“ BIH (Kod 2455)

Prema podacima iz godišnjeg finansijskog izvještaja Politička organizacija “Glas naroda“ Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.020,00	32,60
2.	Prilozi fizičkih lica (3-a)	1.910,00	61,02
3.	Prilozi pravnih lica (3-b)	200,00	6,38
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	3.130,00	100,00
II	Ostali prihodi i drugo	0,00	0,00
	Izvori finansiranja (I+II)	3.130,00	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Glas naroda“ Bosne i Hercegovine prekršila odredbe člana 8. stav (4) Zakona o finansiranju političkih stranaka.

Na osnovi obavljenog pregleda godišnjeg finansijskog izvještaja utvrđeno je da je Politička organizacija “Glas naroda“ Bosne i Hercegovine primila prilog u iznosu od 200,00 KM od pravnog lica “S-E Sarajka“ d. o. o. Živinice koje je imalo sklopljene ugovore o javnoj

nabavci radova sa Gradom Tuzla i Gradom Živinice, čija je vrijednost veća od 10.000,00 KM, čime su prekršene odredbe člana 8. stav (4) Zakona o finansiranju političkih stranaka.

- (1) Prema podacima koje je dostavio Grad Tuzla utvrđeno je da je pravno lice "S-E Sarajka" d. o. o. Živinice tokom 2020. godine imalo sklopljen ugovor o izvođenju radova na uklanjanju propusta i nasipa u zoni potoka Joševica ukupne vrijednosti 45.566,00 KM sa uračunatim PDV i ugovor koji se odnosi na ugradnju putne galanterije, cijevnog i drugog materijala za potrebe mjesnih zajednica u ukupnoj vrijednosti 100.000,00 KM sa uračunatim PDV.
- (2) Pravno lice "S-E Sarajka" d. o. o. Živinice imalo je sklopljena 22 ugovora i sa Gradom Živinice u ukupnom iznosu od 1.657.416,04 KM sa uračunatim PDV. Prema aktu, broj: 03-11-5839/21 od 16. 11. 2021. godine, koji je dostavio Grad Živinice, utvrđeno je da su se sklopljeni ugovori odnosili na: uređenje parka iza hotela "Konjuh" u Živinicama u vrijednosti od 19.995,30KM; izradu parking prostora kod Gradske kafana u vrijednosti od 49.950,81 KM; izgradnju ulice i parking prostora u vrijednosti od 39.680,55 KM; izlaz na put M18 u vrijednosti od 29.880,48 KM; održavanje grada u vrijednosti od 40.000,00 KM; izradu kanalizacione mreže u vrijednosti od 29.866,65 KM; asfaltiranje puteva u vrijednosti od 229.119,11 KM; rekonstrukciju šetališta u vrijednosti od 37.861,20 KM; izradu gradskog bulevara u vrijednosti od 62.946,00 KM; sanaciju puteva u vrijednosti od 29.636,10 KM; rekonstrukciju ulica u vrijednosti od 49.657,43 KM; asfaltiranje ulica u vrijednosti od 4.969,69 KM; asfaltiranje puteva u vrijednosti od 202.880,34 KM; asfaltiranje puteva u mjesnoj zajednici Priluk i drugim mjesnim zajednicama u vrijednosti od 483.134,14 KM; asfaltiranje puteva "Novi krak" u vrijednosti od 21.691,80 KM; sanaciju puteva u vrijednosti od 73.123,83 KM; izradu sportske podloge u vrijednosti od 6.961,50 KM; rekonstrukciju ulica u vrijednosti od 69.863,63 KM; rekonstrukciju Školske ulice u vrijednosti od 36.169,38 KM; održavanje puteva u vrijednosti od 48.311,80 KM; nabavku betonskih cijevi u vrijednosti od 3.978,00 KM i rekonstrukciju gradskih ulica u vrijednosti od 87.738,30 KM.

Troškovi izborne kampanje

Prema odredbama člana 15.10 Izbornog zakona BiH Politička organizacija "Glas naroda" Bosne i Hercegovine je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 16.352,10 KM.

Politička organizacija "Glas naroda" Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu 577,00 KM.

58. NOVO DOBA (Kod 2743)

Prema podacima iz godišnjeg finansijskog izvještaja politička stranka Novo doba se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	3.873,00	100,00
	Izvori finansiranja (I+II)	3.873,00	100,00

Pregledom godišnjeg finansijskog izvještaja za 2020. godinu utvrđeno je da je politička stranka Novo Doba prekršila odredbe člana 4. stav (1), člana 5. stav (4), člana 11. stav (1), člana 12. stav (1), stav (3) i stav (4) i člana 13. stav (1) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

- a) U godišnjem finansijskom izvještaju za 2020. godinu politička stranka Novo Doba iskazala je ukupne rashode u iznosu od 3.729,00 KM.

Politička stranka Novo Doba je u Dopisu od 05. 11. 2021. godine navela da nije planirala utrošak sredstava za 2020. godinu.

S obzirom na to da politička stranka nije sačinila program utroška za 2020. godinu, odnosno da je finansijska sredstva utrošila bez programa utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Politička stranka nije u godišnjem finansijskom izvještaju iskazala nenovčanu donaciju fizičkog lica po osnovi besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Izjavu fizičkog lica Bože Lalića od 05. 11. 2021. godine, koju je politička stranka dostavila u dodatnoj dokumentaciji za 2020. godinu, utvrđeno je da je politička stranka koristila poslovni prostor u vlasništvu ovog lica bez naknade.

Politička stranka je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa Pravilnikom i Zakonom o finansiranju političkih stranaka imala obavezu evidentirati u poslovnim knjigama i prijaviti u godišnjem finansijskom izvještaju za 2020. godinu.

Stranka nije u obrascu 3-a (prilozi fizičkih lica) iskazala novčanu donaciju fizičkog lica Sandre Radonjić u iznosu od 3.750,00 KM i nije izdala potvrdu o primljenom prilogu u skladu sa članom 6. Pravilnika, čime je prekršila odredbe člana 5. stav (4) Zakona o finansiranju političkih stranaka.

Umjesto potvrde o primljenom prilogu stranka je Centralnoj izbornoj komisiji Bosne i Hercegovine dostavila izjavu fizičkog lica Sandre Radonjić u kojoj je navedeno da je ista uplatila donaciju u iznosu od 3.750,00 KM na račun političke stranke.

- c) Na osnovi pregleda godišnjeg finansijskog izvještaja utvrđeno je da politička stranka Novo Doba nije vodila poslovne knjige u skladu sa računovodstvenim propisima, nije vodila evidencije o prihodima i rashodima i nije podnijela finansijski izvještaj u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
- (1) Politička stranka u godišnjem finansijskom izvještaju nije iskazala tačne podatke o prometu i saldu na transakcijskom računu broj: 5540010000558704 kod Naše banke a.d. Bijeljina, čime je prekršila odredbe člana 11. Pravilnika.
U obrascu 2 (pregled prometa svih transakcijskih računa političke stranke) godišnjeg finansijskog izvještaja iskazan je transakcijski račun broj: 5540010000558704 kod Naše banke a.d. Bijeljina sa sljedećim podacima: ukupan promet ulaza u iznosu od 3.873,00 KM, ukupan promet izlaza u iznosu od 3.729,00 KM i stanje na dan 31. 12. 2020. godine u iznosu od 144,00 KM.
Uvidom u izvode sa transakcijskog računa utvrđeno je sljedeće: ukupan promet ulaza u iznosu od 3.873,00 KM, ukupan promet izlaza u iznosu od 3.719,92 KM i stanje na dan 31. 12. 2020. godine u iznosu od 153,10 KM.
- (2) Politička stranka Novo Doba je u Dopisu od 05. 11. 2021. godine navela da nije vodila poslovne knjige, te da nema bruto bilans i glavnu knjigu, što je suprotno računovodstvenim propisima.
- (3) Stranka nije u godišnjem finansijskom izvještaju iskazala nenovčanu donaciju fizičkog lica i troškove zakupa poslovnog prostora, čime je prekršila odredbe člana 13, 18, 21. i 22. Pravilnika.
Stranka nije ni u Završnom računu za 2020. godinu iskazala prihode po osnovi nenovčane donacije, a ni troškove zakupa poslovnog prostora.
- (4) Politička stranka Novo Doba je prilog fizičkog lica i prihode iz budžeta iskazala u godišnjem finansijskom izvještaju kao ostale prihode, čime je prekršila odredbe člana 13, 14. i 19. Pravilnika.
U godišnjem finansijskom izvještaju stranka je iskazala ostale prihode u iznosu od 3.873,00 KM. Kontrolom izvoda sa transakcijskog računa broj: 5540010000558704 kod Naše banke a.d. Bijeljina, utvrđeno je da je stranka primila prilog fizičkog lica Sandre Radonjić u iznosu od 3.750,00 KM, te sredstva iz budžeta Općine Brod u iznosu od 123,00 KM.
Stranka je prilog fizičkog lica trebala iskazati u obrascu 3-a (prilozi fizičkih lica), a sredstva primljena iz budžeta Općine Brod u obrascu 3-f (prihodi iz budžeta) godišnjeg finansijskog izvještaja.
- (5) Politička stranka Novo Doba u obrascu 1 (opći podaci o političkoj stranci) godišnjeg finansijskog izvještaja nije navela podatke o ovlaštenom licu koje je odgovorno za vođenje poslovnih knjiga političkih stranaka, podnošenje finansijskih izvještaja i koje je ovlašteno da kontaktira sa Centralnom izbornom komisijom Bosne i Hercegovine, čime

je prekršila odredbe člana 13. stav (1) Zakona o finansiranju političkih stranaka i člana 9. Pravilnika.

- (6) Stranka u postizbornom finansijskom izvještaju za Lokalne izbore 2020. godine (period 01. 06. – 15. 12. 2020.) nije iskazala prilog fizičkog lica u iznosu od 3.750,00 KM, čime je prekršila odredbe člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka (“Službeni glasnik BiH“, broj: 10/18).

Troškovi izborne kampanje

Prema odredbama člana 15.10 Izbornog zakona BiH politička stranka Novo Doba je za potrebe izborne kampanje, prema broju birača koje je objavila Centralna izborna komisija BiH, mogla potrošiti 270.243,90 KM.

Politička stranka Novo Doba u godišnjem finansijskom izvještaju za 2020. godinu nije iskazala troškove izborne kampanje.

59. DEMOKRATSKA NARODNA ZAJEDNICA BIH – KRAJIŠKA STRANKA (Kod 028)

Prema podacima iz godišnjeg finansijskog izvještaja Demokratska narodna zajednica BiH – Krajiška stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.800,00	11,92
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	6.000,00	39,75
7.	Prihodi iz budžeta (3-f)	7.142,86	47,32
8.	Prihodi od propagande (3-g)	0,00	0,00
I	Ukupni prihodi (1-8)	14.942,86	98,99
II	Ostali prihodi i drugo	152,60	1,01
	Izvori finansiranja (I+II)	15.095,46	100,00

Pregledom godišnjeg finansijskog izvještaja za 2020. godinu utvrđeno je da je Demokratska narodna zajednica BiH – Krajiška stranka prekršila odredbe člana 4. stav (1), člana 11. stav (1) i člana 12. stav (4) Zakona o finansiranju političkih stranaka.

- a) Demokratska narodna zajednica BiH – Krajiška stranka je svojim Programom utroška sredstava za 2020. godinu predvidjela troškove u iznosu od 29.460,00 KM. U okviru navedenog iznosa režijsko-administrativni troškovi su planirani u iznosu od 9.460,00 KM, a troškovi predizbornih aktivnosti su planirani u iznosu od 20.000,00 KM. U korigiranom godišnjem finansijskom izvještaju koji je podnijela Centralnoj izbornoj komisiji BiH politička stranka je prijavila troškove u iznosu od 13.961,42 KM, i to

režijsko-administrativne troškove u iznosu od 13.755,50 KM i troškove izborne kampanje u iznosu od 205,92 KM.

Uvidom u strukturu planiranih i ostvarenih troškova utvrđeno je da je Demokratska narodna zajednica BiH – Krajiška stranka sredstva u iznosu od 8.394,23 KM utrošila mimo svog finansijskog plana rashoda, odnosno programa utroška sredstava za 2020. godinu, kako slijedi:

- Troškove zakupnine poslovnih prostora stranka je planirala u iznosu od 2.160,00 KM, a ostvarila ih je u iznosu od 8.160,00 KM.
 - Troškove telefona i interneta stranka je planirala u iznosu od 1.000,00 KM, a ostvarila ih je u iznosu od 1.803,15 KM.
 - Stranka je ostvarila troškove u iznosu od 1.591,08 KM, koje nije predvidjela svojim finansijskim planom. To su: komunalne usluge u iznosu od 561,60 KM, troškovi platnog prometa u iznosu od 324,03 KM, troškovi poreza i drugih sličnih obaveza u iznosu od 228,96 KM, troškovi usluga u iznosu od 70,00 KM, trošak vode u iznosu od 70,54 KM, troškovi reklame i propagande u iznosu od 65,00 KM, kamate u iznosu od 55,95 KM i takse u iznosu od 215,00 KM.
- b) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da Demokratska narodna zajednica BiH – Krajiška stranka nije uspostavila potpune i vjerodostojne evidencije obavezama, čime je prekršila odredbe člana 11. stav (1) Zakona o finansiranju političkih stranaka. Također politička stranka nije postupila u skladu sa odredbama Pravilnika, čime je prekršila odredbe člana 12. stav (4) Zakona o finansiranju političkih stranaka.
- (1) U poslovnim knjigama i finansijskom izvještaju, koji je podnijela Centralnoj izbornoj komisiji BiH, Demokratska narodna zajednica BiH – Krajiška stranka je prijavila obaveze prema Hasanu Šehiću u iznosu od 13.400,00 KM, po osnovi zakupnine poslovnog prostora. U izvještaju stranka je navela da je obaveza u iznosu od 1.400,00 KM nastala 2016. godine, a obaveze u iznosima po 6.000,00 KM nastale su 2017. i 2018. godine. S obzirom na to da zakupodavac nije koristio zakonska sredstva za naplatu navedenih potraživanja, da je Aneksom ugovora o zakupu od 27. 11. 2018. godine političku stranku oslobodio plaćanja zakupnine u 2019. godini, što je stranka u finansijskom izvještaju prijavila kao nenovčanu donaciju u iznosu od 10.800,00 KM, te da je politička stranka po istoj osnovi i 2020. godine prijavila nenovčanu donaciju u iznosu od 6.000,00 KM, nesporna je činjenica da poslovne knjige i finansijski izvještaj Demokratske narodne zajednice BiH – Krajiške stranke ne pružaju kompletne, pouzdane i vjerodostojne informacije o njenim obavezama.
- (2) Na potvrdama o primljenim novčanim priložima od pet fizičkih lica, koje je izdala 07. 12. 2020. godine, stranka nije navela broj njihovog ličnog dokumenta, čime je prekršila odredbe člana 6. Pravilnika. Prilozi su uplaćeni u ukupnom iznosu od 1.800,00 KM. Nakon što je političkoj stranci dostavljen preliminarni izvještaj sa navedenim nalazom revizije, stranka je 20. 01. 2023. godine dostavila nove potvrde o primljenim priložima u 2020. godini, u kojima je kao datum njihovog izdavanja navela 07. 12. 2020. godine. Iako je na tim potvrdama naveden broj ličnog dokumenta donatora, nije uzeto u obzir jer potvrde nisu vjerodostojne. Prvobitno dostavljene potvrde su ovjerene pečatom političke stranke i potpisao ih je njen tadašnji predsjednik, dok je na novim potvrdama

navedena druga osoba kao predsjednik stranke, te potvrde nisu potpisane i ovjerene stranačkim pečatom, što potvrđuje njihovu nevjerodostojnost. Također, potvrde se ne mogu izdavati retroaktivno, odnosno nakon izvještajnog perioda.

- (3) Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, Demokratska narodna zajednica BiH – Krajiška stranka je prijavila transakcijski račun broj: 1980013040004918 otvoren kod Komercijalno-investicione banke d. d. Velika Kladuša.

Uvidom u izvode sa ovog transakcijskog računa, koje je stranka dostavila samo za period od 10. 06. 2020. do 29. 06. 2020. godine, utvrđeno je da je sa istog plaćena taksa za učešće na Lokalnim izborima 2020. godine u iznosu od 1.200,00 KM.

S obzirom na to da politička stranka sa navedenog računa nije dostavila izvode do kraja izvještajnog perioda, odnosno do 31. 12. 2020. godine, nije utvrđeno da li su ostvareni i drugi troškovi izborne kampanje, osim onih koje je stranka u finansijskom izvještaju prijavila u iznosu od 205,92 KM, a koji su plaćeni sa glavnog računa stranke.

Troškovi izborne kampanje

Prema odredbama člana 15.10 Izbornog zakona BiH Demokratska narodna zajednica BiH – Krajiška stranka je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla da potroši sredstva u iznosu od 31.640,70 KM.

U godišnjem finansijskom izvještaju za 2020. godinu i postizbornom izvještaju Demokratska narodna zajednica BiH – Krajiška je prijavila troškove izborne kampanje u iznosu od 205,92 KM.

60. ČAPLJINSKA NEOVISNA STRANKA – ČAPLJINA U SRCU (Kod 2078)

Prema podacima iz godišnjeg finansijskog izvještaja Čapljinska neovisna stranka – Čapljina u srcu se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.400,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	2.400,00	100,00
II	Ostali prihodi i drugo	0,00	0,00
	Izvori finansiranja (I+II)	2.400,00	100,00

Pregledom godišnjeg finansijskog izvještaja za 2020. godinu utvrđeno je da je Čapljinska neovisna stranka – Čapljina u srcu prekršila odredbe člana 4. stav (1), člana 11. stav (1) i člana 12. Zakona o finansiranju političkih stranaka i člana 15.1 Izbornog zakona Bosne i Hercegovine.

- a) U godišnjem finansijskom izvještaju za 2020. godinu Čapljinska neovisna stranka – Čapljina u srcu iskazala je ukupne rashode u iznosu od 7.015,00 KM.

Uvidom u Program utroška sredstava za 2020. godinu koji je dostavila Čapljinska neovisna stranka – Čapljina u srcu utvrđeno je da je stranka planirala rashode u ukupnom iznosu od 5.000,00 KM, kako slijedi: 1) uplata za izbore u iznosu od 2.000,00 KM, 2) propaganda u iznosu od 500,00 KM, 3) isplate za posmatrače u iznosu od 1.500,00 KM i 4) humanitarne donacije u iznosu od 1.000,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog programa utroška sredstava za 2020. godinu, kako slijedi:

Stranka je troškove izborne kampanje prekoračila za 3.040,95 KM. U programu utroška sredstava stranka je planirala troškove kampanje u iznosu od 500,00 KM, a u godišnjem finansijskom izvještaju stranka iskazala ih je u iznosu od 3.540,95 KM.

Stranka nije planirala troškove dnevnica i putnih troškova, troškove platnog prometa, troškove usluga i naknadu za predaju završnog računa. U godišnjem finansijskom izvještaju stranka je iskazala troškove dnevnica i putnih troškova u iznosu od 200,00 KM, troškove platnog prometa u iznosu od 274,15 KM, troškove usluga u iznosu od 200,00 KM i naknadu za predaju završnog računa u iznosu od 70,00 KM.

S obzirom na to da je politička stranka finansijska sredstva utrošila mimo utvrđenog Programa utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Na osnovi pregleda godišnjeg finansijskog izvještaja, utvrđeno je da Čapljinska neovisna stranka – Čapljina u srcu nije vodila poslovne knjige u skladu sa računovodstvenim propisima, nije vodila potpune evidencije o rashodima i obavezama i nije popunila finansijski izvještaj u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Čapljinska neovisna stranka – Čapljina u srcu nije u obrascu 2 (promet svih transakcijskih računa političke stranke) godišnjeg finansijskog izvještaja iskazala transakcijski račun broj: 1549212013855213 kod Intesa Sanpaolo banke d. d. BiH, čime je prekršila odredbe člana 12. Pravilnika.

Uvidom u poslovne knjige i izvode sa transakcijskog računa broj: 1549212013855213, utvrđeno je da stranka na dan 01. 01. 2020. godine na ovom računu nije imala sredstava, da je ukupan promet ulaza iznosio 3.940,00 KM, ukupan promet izlaza 3.940,00 KM, te da stranka na dan 31. 12. 2020. godine na ovom računu nije imala sredstava. Prema podacima iz Izvještaja o računima poslovnog subjekta, navedeni račun je ugašen 25. 02. 2021. godine.

- (2) Stranka u godišnjem finansijskom izvještaju nije pravilno iskazala rashode i obaveze, čime je prekršila odredbe člana 21, 22, 23. i 24. Pravilnika.

- Stranka je isplate posmatračima u iznosu od 330,00 KM iskazala u obrascu 4.1 (režijsko-administrativni i ostali troškovi) godišnjeg finansijskog izvještaja, čime je prekršila odredbe člana 21, 22. i 23. Pravilnika.
Također, utvrđeno je da politička stranka na sredstva isplaćena posmatračima, koja sa poreskog aspekta imaju karakter ličnih primanja, nije obračunala niti platila porez na dohodak i doprinose.
- Uvidom u dostavljenu dokumentaciju, utvrđeno je da su na osnovi odluka o gotovinskim isplatama iz blagajne stranke isplaćena novčana sredstva Emilu Buntiću za pokrivanje dijela putnih troškova i korištenje privatnog vozila u iznosu od 200,00 KM i Mariji Pehar za izradu godišnjeg izvještaja o radu u iznosu od 200,00 KM.
Politička stranka na sredstva isplaćena fizičkim licima, koja sa poreskog aspekta imaju karakter ličnih primanja, nije obračunala niti platila porez na dohodak i doprinose.

U skladu sa odredbama Zakona o finansiranju političkih stranaka i Pravilnika stranka je imala obavezu da u poslovnim knjigama i finansijskom izvještaju prijavi troškove i obaveze po osnovi poreza i doprinosa na isplaćena sredstva fizičkim licima.

- (3) Podaci o troškovima izborne kampanje koje je stranka iskazala u postizbornom finansijskom izvještaju ne odgovaraju podacima iskazanim u godišnjem finansijskom izvještaju.

U postizbornom finansijskom izvještaju za Lokalne izbore 2020. godine (period 01. 06. – 15. 12. 2020.) stranka je iskazala troškove izborne kampanje u ukupnom iznosu od 6.270,95 KM, a u godišnjem finansijskom izvještaju za 2020. godine troškove u iznosu od 3.870,95 KM. Stranka je u postizbornom finansijskom izvještaju kao troškove izborne kampanje iskazala taksu uplaćenu za ovjeru političke stranke za učešće na izborima u iznosu od 2.400,00 KM, čime je prekršila odredbe Pravilnika o predizbornim i postizbornim finansijskim izvještajima političkih stranaka ("Službeni glasnik BiH", br. 10/18).

- (4) Čapljinska neovisna stranka – Čapljina u srcu je u skladu sa odredbom člana 12. stav (2) Zakona o finansiranju političkih stranaka imala obavezu da u godišnji finansijski izvještaj uključi koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka članica ovog udruženja.

- c) Čapljinska neovisna stranka – Čapljina u srcu taksu za ovjeru za učešće na izborima nije platila sa transakcijskog računa za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 1544602007267058 kod Intesa Sanpaolo bank dd BiH.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa glavnog računa stranke.

Stranka je, međutim, putem računa za posebne namjene broj: 1549212013855213 kod Intesa Sanpaolo banke d. d. BiH platila račune za troškove kampanje.

Troškovi izborne kampanje

Prema odredbama člana 15.10 Izbornog zakona BiH Čapljinska neovisna stranka – Čapljina u srcu je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla da potroši sredstva u iznosu od 195.812,25 KM, a u svrhu izborne kampanje za Lokalne izbore u Mostaru 2020. godine mogla je da potroši sredstva u iznosu od 30.259,20 KM.

Čapljinska neovisna stranka – Čapljina u srcu u godišnjem finansijskom izvještaju za 2020. godinu iskazala je troškove propagande u iznosu od 3.870,95 KM.

61. PRVA BOSANSKO-HERCEGOVAČKA STRANKA (Kod 1699)

Prema podacima iz godišnjeg finansijskog izvještaja Prva bosansko-hercegovačka stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	2.400,00	20,04
7.	Prihodi iz budžeta (3-f)	9.576,00	79,96
8.	Prihodi od propagande (3-g)	0,00	0,00
I	Ukupni prihodi (1-8)	11.976,00	100,00
II	Ostali prihodi i drugo	0,00	0,00
	Izvori finansiranja (I+II)	11.976,00	100,00

Pregledom godišnjeg finansijskog izvještaja za 2020. godinu utvrđeno je da je Prva bosansko-hercegovačka stranka prekršila odredbe člana 4. stav (1) i člana 12. stav (4) Zakona o finansiranju političkih stranaka.

a) Politička stranka je svojim programom utroška sredstava za 2020. godinu predvidjela troškove u iznosu od 8.000,00 KM.

U godišnjem finansijskom izvještaju i poslovnim knjigama za 2020. godinu stranka je iskazala ostvarene troškove u iznosu od 8.976,00 KM.

Uvidom u strukturu planiranih i ostvarenih troškova utvrđeno je da je Prva bosansko-hercegovačka stranka ostvarila trošak takse u iznosu od 4.690,00 KM koji nije predvidjela svojim programom utroška. Troškove platnog prometa, koje je predvidjela u iznosu od 150,00 KM, ostvarila je u iznosu od 233,00 KM.

Politička stranka je sredstva u iznosu od 4.773,00 KM utrošila mimo svog Programoma utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

b) Obrazac 2. godišnjeg finansijskog izvještaja politička stranka nije popunila u skladu sa odredbama Pravilnikom.

Politička stranka nije prijavila transakcijski račun kod NLB Banke d. d. Sarajevo, broj: 1322602019841695.

Na zahtjev Centralne izborne komisije BiH političkoj stranci da dostavi izvode sa navedenog transakcijskog računa, stranka je dostavila potvrdu NLB Banke d. d. Sarajevo, broj: 112611-772/21 od 08. 11. 2021. godine, u kojoj banka navodi da transakcijski račun nije imao evidentiran promet u periodu od 01. 01. do 31. 12. 2020. godine.

S obzirom na to da je prema podacima iz Jedinstvenog registra transakcijskih računa kod Centralne banke BiH ovaj transakcijski račun bio aktivan do 07. 01. 2021. godine, politička stranka ga je u skladu sa odredbama člana 11. Pravilnika bila obavezna prijaviti u finansijskom izvještaju za 2020. godinu.

Troškovi izborne kampanje

Prema odredbama člana 15.10 Izbornog zakona BiH Prva bosansko-hercegovačka stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 521.120,00 KM i u svrhu izborne kampanje za Lokalne izbore u Gradu Mostaru 30.259,20 KM.

Prva bosansko-hercegovačka stranka nije iskazala troškove izborne kampanje ni u postizbornom izvještaju, niti u godišnjem finansijskom izvještaju za 2020. godinu.

Predsjednik Prve bosansko-hercegovačke stranke Amer Bekan je na svom facebook-profilu, u augustu 2020. godine, objavio vijest da svoj novac za izbornu kampanju za Lokalne izbore 2020. godine neće trošiti na plakate i plaćanje medija, već će novac dijeliti narodu kroz nagradne igre. U vezi sa navedenom objavom Centralna izborna komisija BiH se obratila političkoj stranci i Ameru Bekanu da dostavi podatke i dokumentaciju o provedenim nagradnim igrama i to: na koji način su organizirane nagradne igre, kada i na kojim lokacijama, koja lica su obuhvaćena nagradnim igrama, koliki je utvrđeni nagradni fond, koliko sredstva je isplaćeno učesnicima u nagradnim igrama, odnosno dobitnicima, koliki su pojedinačni iznosi nagrada i ko je osigurao sredstva za isplatu nagrada.

Na navedeni upit Prva bosansko-hercegovačka stranka i Amer Bekan, kao predsjednik stranke, dostavili su odgovor u kome navode da nije došlo do realizacije objave predsjednika stranke na facebook-profilu, odnosno nije organizirana nagradna igra, niti je bilo izdvajanja novčanih sredstva po tom osnovu.

62. PARTIJA UJEDINJENIH PENZIONERA (Kod 279)

Prema podacima iz korigiranog godišnjeg finansijskog izvještaja Partija ujedinjenih penzionera se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	5.660,00	49,91
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	5.680,67	50,09
8.	Prihodi od propagande (3-g)	0,00	0,00
I	Ukupni prihodi (1-8)	11.340,67	100,00
II	Ostali prihodi i drugo	0,00	0,00
	Izvori finansiranja (I+II)	11.340,67	100,00

Pregledom godišnjeg finansijskog izvještaja za 2020. godinu utvrđeno je da je Partija ujedinjenih penzionera prekršila odredbe člana 4. stav (1), člana 11. stav (1) i člana 12. stav (1) Zakona o finansiranju političkih stranaka.

a) Programom utroška sredstava za 2020. godinu politička stranka je predvidjela rashode u iznosu od 17.507,00 KM.

Prema podacima iz godišnjeg finansijskog izvještaja stranka je ostvarila rashode u ukupnom iznosu od 15.400,70 KM.

Uvidom u program utroška i podatke o ostvarenim troškovima, koji su prijavljeni u finansijskom izvještaju za 2020. godinu, utvrđeno je da je Partija ujedinjenih penzionera ostvarila troškove u iznosu od 6.365,30 KM, koje nije predvidjela svojim programom utroška. Politička stranka nije planirala troškove po osnovi takse, novčanih kazni i sl., a ostvarila ih je u iznosu od 4.900,00 KM (trošak po osnovi plaćene takse za ovjeru prijave za učešće na Lokalnim izborima 2020. godine u iznosu od 3.400,00 KM i trošak po osnovi novčane kazne u iznosu od 1.500,00 KM). Troškove knjigovodstvenih usluga stranka je ostvarila u iznosu od 1.300,00 KM, iako ih nije planirala. Troškove platnog prometa, koje je planirala u iznosu od 175,00 KM, ostvarila je u iznosu od 340,30 KM, što je za 165,30 KM više od planiranog iznosa.

b) Pregledom finansijskog izvještaja i dodatne dokumentacije utvrđeno je da Partija ujedinjenih penzionera u poslovnim knjigama nije uspostavila tačne evidencije o svojim rashodima, godišnji finansijski izvještaj nije popunila na način kako je Centralna izborna komisija BiH propisala Pravilnikom.

(1) Partija ujedinjenih penzionera, iako u okviru svoje organizacione strukture pored Glavnog odbora ima 35 nižih organizacionih dijelova, podatke o ukupnim prihodima i ukupnim rashodima političke stranke, u finansijskom izvještaju je prijavila na nivou Glavnog odbora, što nije u skladu sa odredbama člana 10. Pravilnika.

(2) Stranka u poslovnim knjigama nije, u skladu sa odredbama iz člana 11. stav (1) i člana 12. stav (1) Zakona o finansiranju političkih stranaka, uspostavila tačne evidencije o svojim rashodima.

Partija ujedinjenih penzionera je uplaćenu taksu za ovjeru prijave za učešće na Lokalnim izborima 2020. godine, u iznosu od 4.500,00 KM, u poslovnim knjigama iskazala kao trošak u ukupno uplaćenom iznosu. Međutim, ova politička stranka je na osnovi Odluke Centralne izborne komisije BiH, broj: 06-1-07-3-163/21 od 25. 02. 2021. godine, ostvarila pravo na povrat uplaćene takse u iznosu od 1.100,00 KM, pa je trošak takse iznosio 3.400,00 KM.

Troškovi izborne kampanje

Prema odredbama člana 15.10 Izbornog zakona BiH Partija ujedinjenih penzionera je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 238.092,89 KM.

U godišnjem finansijskom izvještaju za 2020. godinu Partija ujedinjenih penzionera je prijavila troškove izborne kampanje u iznosu 865,50 KM.

63. SELJAČKA STRANKA (Kod 073)

Prema podacima iz godišnjeg finansijskog izvještaja Seljačka stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	2.793,83	20,11
8.	Prihodi od propagande (3-g)	0,00	0,00
I	Ukupni prihodi (1-8)	2.793,00	20,11
II	Ostali prihodi i drugo	11.100,00	79,89
	Izvori finansiranja (I+II)	13.893,83	100,00

Pregledom godišnjeg finansijskog izvještaja za 2020. godinu utvrđeno je da je Seljačka stranka prekršila odredbe člana 4. stav (1) i člana 12. stav (4) Zakona o finansiranju političkih stranaka.

a) U godišnjem finansijskom izvještaju za 2020. godinu Seljačka stranka iskazala je ukupne rashode u iznosu od 17.120,57 KM.

Uvidom u Plan troškova za period 01. 01. – 31. 12. 2020. godine utvrđeno je da je stranka planirala rashode u ukupnom iznosu od 24.500,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog plana troškova za 2020. godinu, kako slijedi:

- Stranka je troškove električne energije prekoračila za 56,48 KM, a troškove komunalnih i komunikacijskih usluga za 128,25 KM.

Troškove električne energije stranka je planirala u iznosu od 300,00 KM, a ostvarila ih je u iznosu od 356,48 KM. U planu troškova stranka je troškove komunalnih i komunikacijskih usluga planirala u iznosu od 500,00 KM, dok je u godišnjem finansijskom izvještaju iskazala troškove poštarine i internet-usluga u iznosu od 56,90 KM, a troškove mobilnog telefona u iznosu od 571,35 KM, odnosno ukupno 628,25 KM.

- Stranka nije planirala troškove dnevnica i putne troškove i troškove hotelskih usluga. Prema podacima iz godišnjeg finansijskog izvještaja stranka je troškove dnevnica i putne troškove ostvarila u iznosu od 1.800,50 KM, a troškove hotelskih usluga u iznosu od 82,00 KM.

- b) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da stranka nije obrasce finansijskog izvještaja popunila u skladu sa odredbama Pravilnika, čime su prekršene odredbe člana 12. stav (4) Zakona o finansiranju političkih stranaka.

- (1) U godišnjem finansijskom izvještaju stranka je dio prihoda iz budžeta pogrešno iskazala kao ostale prihode, te je pogrešno popunila obrazac 3-f (prihodi iz budžeta), čime je prekršila odredbe člana 13. i 19. Pravilnika.

Seljačka stranka je u godišnjem finansijskom izvještaju iskazala ukupne prihode u iznosu od 13.893,83 KM, i to: prihode iz budžeta Općine Modriča u iznosu od 2.793,83 KM i ostale prihode u iznosu od 11.100,00 KM.

Kontrolom izvoda sa transakcionog računa broj: 5540090001115674 kod "Pavlović International banke", utvrđeno je da su na račun stranke uplaćena sredstva iz budžeta Općine Modriča u iznosu od 2.670,83 KM, te sredstva iz budžeta Općine Brod u iznosu od 123,00 KM.

Također, utvrđeno je da je Partija demokratskog progresa u toku 2020. godine na račun Seljačke stranke uplatila sredstva po osnovi koalicionog sporazuma u iznosu od 11.100,00 KM. Stranka je u poslovnim knjigama ovaj prihod evidentirala kao prihod od koalicionih partnera – PDP a u godišnjem finansijskom izvještaju iskazala kao ostale prihode.

S obzirom na to da su sredstva u iznosu od 11.100,00 KM uplaćena po osnovi koalicionog sporazuma, stranka ih je trebala iskazati kao prihode iz budžeta.

- (2) Politička stranka u godišnjem finansijskom izvještaju nije iskazala obaveze prema dobavljačima, koje su prema podacima iz poslovnih knjiga iznosile 109,10 KM, čime je prekršila odredbe člana 24. Pravilnika.

- c) Seljačka stranka nije otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5540090001115674 kod "Pavlović International banke".

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa redovnog transakcijskog računa. Također, stranka je putem redovnog transakcijskog računa platila i troškove kampanje.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Seljačka stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogala potrošiti 268.385,70 KM.

Seljačka stranka je u godišnjem finansijskom izvještaju za 2020. godinu iskazala troškove kampanje u iznosu od 7.989,10 KM.

64. POKRET VOLIMO SRPSKU (Kod 2421)

Prema podacima iz korigiranog godišnjeg finansijskog izvještaja Pokret Volimo Srpsku se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	10.150,00	88,47
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od pr.lica (3-d)	0,00	0,00
6.	Prihodi od poklona (3-e)	1.200,00	10,46
7.	Prihodi iz budžeta (3-f)	123,00	1,07
8.	Prihodi od propagande (3-g)	0,00	0,00
I	Ukupni prihodi (1-8)	11.473,00	100,00
II	Ostali prihodi i drugo	0,00	0,00
	Izvori finansiranja (I+II)	11.473,00	100,00

Pregledom godišnjeg finansijskog izvještaja za 2020. godinu utvrđeno je da je Pokret Volimo Srpsku prekršio odredbe člana 4. stav (1), člana 11. stav (1) i člana 12. stav (1) Zakona o finansiranju političkih stranaka.

- a) Politička stranka je svojim planom utroška sredstava za 2020. godinu, koji je donijela 12. 03. 2020. godine, predvidjela troškove u iznosu od 5.520,00 KM. Stranka je 24. 12. 2020. godine donijela rebalans plana utroška sredstva za 2020. godinu, navodeći da je predsjedništvo stranke donijelo odluku rebalansu plana zbog

nepredviđenih troškova taksi prema Centralnoj izbornoj komisiji BiH. Rebalansom plana predviđeni su troškovi u iznosu od 11.366,00 KM.

S obzirom na to da su troškovi takse za ovjeru za učešće na Lokalnim izborima 2020. godine nastali 01. i 02. jula, te da je stranka rebalans donijela na kraju poslovne godine, nakon što su svi troškovi nastali i evidentirani u poslovnim knjigama, nije prihvaćen prilikom kontrole utroška sredstava u skadu sa odredbom iz člana 4. stav (1) zakona o finansiranju političkih stranaka.

Pokret Volimo Srpsku je ostvario troškove u iznosu od 11.299,60 KM, pri čemu je planirane troškove prekoračio za iznos od 5.779,60 KM.

b) Pregledom finansijskog izvještaja, poslovnih knjiga i finansijske dokumentacije utvrđeno je da Pokret Volimo Srpsku u poslovnim knjigama nije uspostavio pravilne i tačne evidencije o svojim приходima i rashodima, čime je prekršio odredbe člana 11. stav (1) i člana 12. stav (1) Zakona o finansiranju političkih stranaka.

(1) Politička stranka je sredstva u iznosu od 123,00 KM koja je ostvarila iz budžeta Općine Brod za finansiranje izborne kampanje, u poslovnim knjigama evidentirala kao donaciju pravnog lica.

(2) Plaćenu taksu za ovjeru za učešće na Lokalnim izborima 2020. godine, u iznosu od 5.100,00 KM, stranka je u poslovnim knjigama evidentirala kao trošak u navedenom iznosu.

Međutim, Odlukom Centralne izborne komisije BiH o povratu uplaćenog iznosa takse za ovjeru, broj: 06-1-07-3-163/21 od 25. 02. 2021. godine, Pokret Volimo Srpsku je ostvario pravo na povrat uplaćenih sredstva po osnovi takse u iznosu od 200,00 KM, pa je trošak takse iznosio 4.900 KM, a ne 5.100,00 KM, kako je evidentirano u poslovnim knjigama.

Troškovi izborne kampanje

Prema odredbama člana 15.10 Izbornog zakona BiH Pokret Volimo Srpsku je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 193.805,10 KM.

Pokret Volimo Srpsku je u postizbornom finansijskom izvještaju za 2020. godinu iskazalo troškove izborne kampanje u iznosu od 4.810,90 KM.

65. HRVATSKA KRŠĆANSKA DEMOKRATSKA UNIJA BiH (Kod 005)

Prema podacima iz godišnjeg finansijskog izvještaja Hrvatska kršćanska demokratska unije Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	1.200,00	6,51
7.	Prihodi iz budžeta (3-f)	17.219,38	93,49
8.	Prihodi od propagande (3-g)	0,00	0,00
I	Ukupni prihodi (1-8)	18.419,38	100,00
II	Ostali prihodi i drugo	0,00	0,00
	Izvori finansiranja (I+II)	18.419,38	100,00

Pregledom godišnjeg finansijskog izvještaja za 2020. godinu utvrđeno je da je Hrvatska kršćanska demokratska unija Bosne i Hercegovine prekršila odredbe člana 4. stav (1) i člana 12. Zakona o finansiranju političkih stranaka.

- a) Hrvatska kršćanska demokratska unija Bosne i Hercegovine nije sačinila program utroška sredstava na način kojim bi se osigurala transparentnost planiranog trošenja sredstava, kao i njegova uporedba sa ostvarenim troškovima. Na zahtjev Centralne izborne komisije BiH da dostavi program utroška sredstva za 2020. godinu, stranka je dostavila program utroška sredstava kojim je planirala ukupne rashode u iznosu od 26.446,60 KM, ali bez navođenja nominalnih iznosa pojedinačnih vrsta troškova, tako da nije bilo moguće izvršiti uporedbu sa ostvarenim troškovima.

Pregledom poslovnih knjiga i godišnjeg finansijskog izvještaja utvrđeno je da je stranka ostvarila ukupne rashode u iznosu od 7.348,00 KM, koji se odnose na: troškove usluga u iznosu od 70,00 KM, troškove platnog pometa u iznosu od 386,90 KM, troškove telefona u iznosu od 358,61 KM, troškove zakupnina poslovnih prostora u iznosu od 1.200,00 KM, troškove takse, novčane kazne i sl. u iznosu od 1.500,00 KM, ostali nematerijalni troškovi u iznosu od 2.200,00 KM i troškove promidžbe u iznosu od 1.632,83 KM.

S obzirom na to da politička stranka za 2020. godinu nije sačinila program, kojim se precizno planira utrošak sredstva po vrstama troškova, prekršila je odredbe člana 4. stav (1) Zakona o finansiranju političkih stranaka.

- b) Hrvatska kršćanska demokratska unija Bosne i Hercegovine iako je, u skladu sa odredbom člana 12. stav (2) Zakona o finansiranju političkih stranaka imala obavezu da u svoj godišnji finansijski izvještaj uključi koristi ostvarene od aktivnosti udruženja "Hrvatski narodni sabor Bosne i Hercegovine", koje je povezano sa političkom strankom, jer je stranka članica ovog udruženja, ali ona to nije učinila.

Troškovi izborne kampanje

Prema odredbama člana 15.10 Izbornog zakona BiH Hrvatska kršćanska demokratska unija Bosne i Hercegovine je za potrebe izborne kampanje, prema broju birača koje je objavila

Centralna izborna komisija BiH, za Lokalne izbore 2020. godine mogala potrošiti 64.872,20 KM.

Hrvatska kršćanska demokratska unija Bosne i Hercegovine je u godišnjem finansijskom izvještaju za 2020. godinu iskazala troškove izborne kampanje u iznosu 1.632,83 KM.

66. ZAVIČAJNI SOCIJALDEMOKRATI – MILE MARČETA (Kod 049)

Prema podacima iz korigiranog godišnjeg finansijskog izvještaja za 2020. godinu Zavičajni socijaldemokrati – Mile Marčeta su ostvarili prihode iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	5.000,00	84,62
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	600,00	10,15
7.	Prihodi iz budžeta (3-f)	308,45	5,22
8.	Prihodi od propagande (3-g)	0,00	0,00
I	Ukupni prihodi (1-8)	5.908,45	100,00
II	Ostali prihodi i drugo	0,00	0,00
	Izvori finansiranja (I+II)	5.908,45	100,00

Pregledom godišnjeg finansijskog izvještaja za 2020. godinu utvrđeno je da su Zavičajni socijaldemokrati – Mile Marčeta prekršili su odredbe člana 4. stav (1), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- a) Zavičajni socijaldemokrati – Mile Marčeta nisu sačinili program utroška sredstava kojim bi se osigurala transparentnost planiranog trošenja sredstava, kao i njegova uporedba sa ostvarenim troškovima. Stranka je dostavila obavještenje od 30. 03. 2020. godine da zbog izuzetno ograničenih sredstava nije sačinila finansijski plan za 2020. godinu.

Pregledom poslovnih knjiga i godišnjeg finansijskog izvještaja utvrđeno je da je stranka ostvarila ukupne rashode u iznosu od 7.493,77 KM, koji se odnose na: troškove ostalog materijala u iznosu od 12,65 KM, troškove goriva i maziva u iznosu od 40,00 KM, troškove zakupa vozila iznosu od 180,00 KM, troškove reklame i propagande u iznosu od 200,00 KM, ostale troškove u iznosu od 146,33 KM, troškove reprezentacije u iznosu od 510,80 KM, troškove premije osiguranja imovine u iznosu od 374,99 KM, troškove telefona u iznosu od 31,00 KM, troškove takse, novčane kazne i sl. u iznosu od 4.950,00 KM i ostale nematerijalne troškove u iznosu od 1.048,00 KM.

- b) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da Zavičajni socijaldemokrati – Mile Marčeta nisu vodili poslovne knjige u skladu sa računovodstvenim propisima, nisu uspostavili tačnu

evidenciju o svojim rashodima i nisu obrasce godišnjeg finansijskog izvještaja popunili u skladu sa odredbama Pravilnika i nisu dostavili svu dodatnu dokumentaciju, čime su prekršene odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) U poslovnim knjigama i godišnjem finansijskom izvještaju stranka nije evidentirala trošak zakupnine poslovnog prostora u iznosu od 600,00 KM, koji je koristila u 2020. godini čime je prekršila odredbe člana 21. i 22. Pravilnika o godišnjim finansijskim izvještajima političkih stranaka i u poslovnim knjigama stranka nije evidentirala ni donacije u iznosu od 600,00 KM.
- (2) Dana 18. 10. 2021. godine Centralna izborna komisija Bosne i Hercegovine je Zavičajnim socijaldemokratima – Mile Marčeta uputila Zahtjev za dostavljanje dodatne dokumentacije za 2020. godinu, kojim je od stranke traženo da dostavi: Glavnu knjigu sa kompletnim analitičkim evidencijama stranke za period 01. 01. – 31. 12. 2020. godine, dokumentaciju o korištenju poslovnih prostora u 2020. godini (dokaze o vlasništvu nad nekretninama, ugovore o pozajmicama, kopiju izdate potvrde o primljenom prilogu od fizičkog lica, odgovor na koji način je finansirana izborna kampanja za Lokalne izbore 2020. godine, program utroška sredstava za 2020. godinu, kopiju izvoda sa transakcijskih računa stranke, broj: 5510010000902905 i 5517202204480403 otvorenih kod UniCredit banke za period 01. 01. – 31. 12. 2020. godine.

U ostavljenom roku stranka nije dostavila svu traženu dodatnu dokumentaciju, i to: kopiju izdate potvrda o primljenom prilogu od fizičkog lica i program utroška sredstava za 2020. godinu, čime je prekršila odredbe člana 12. stav (5) Zakona o finansiranju političkih stranaka.

- c) Zavičajni socijaldemokrati – Mile Marčeta nisu otvorili namjenski račun za finansiranje kampanje, pa je time sve transakcije koje su se desile tokom 2020. godine uključujući i transakcije koje su vezane za kampanju, vršili preko glavnog računa stranke, broj: 5510010000902905 kod UniCredit banke koji je aktivan od 04. 08. 2015. godine kao glavni račun.

Stranka je u prijavi za ovjeru političke stranke za učešće na Lokalnim izborima 2020. godine u dijelu koji je predviđen za podatke o broju namjenskog računa za finansiranje kampanje navela podatke o glavnom računu stranke.

Članom 4.4 Izbornog zakona Bosne i Hercegovine propisano je da prijava za ovjeru sadrži broj računa za finansiranje izborne kampanje.

Pravilnikom o prijavi i uvjetima za ovjeru političkih subjekata za učešće na Lokalnim izborima 2020. godine (“Službeni glasnik BiH“, broj: 29/18), Centralna izborna komisija BiH propisala je formu i sadržaj prijave za ovjeru političkih subjekata, te obavezu političkim strankama da taksu za ovjeru prijave za učešće na izborima uplate sa svog transakcijskog računa koji će se namjenski koristiti za izbornu kampanju tokom Lokalnih izbora 2020. godine.

Troškovi izborne kampanje

Prema odredbama člana 15.10 Izbornog zakona BiH Zavičajni socijaldemokrati – Mile Marčeta su za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogli potrošiti 308.564,40 KM.

Zavičajni socijaldemokrati – Mile Marčeta su u godišnjem finansijskom izvještaju za 2020. godinu iskazali troškove izborne kampanje u iznosu 200,00 KM.

67. SAVEZ ZA NOVU POLITIKU (Kod 1706)

Prema podacima iz godišnjeg finansijskog izvještaja Savez za novu politiku se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	500,00	1,32
3.	Prilozi pravnih lica (3-b)	100,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	10.048,18	98,68
8.	Prihodi od propagande (3-g)	0,00	0,00
I	Ukupni prihodi (1-8)	10.648,18	100,00
II	Ostali prihodi i drugo	0,00	0,00
	Izvori finansiranja (I+II)	10.648,18	100,00

Pregledom godišnjeg finansijskog izvještaja za 2020. godinu utvrđeno je da je Savez za novu politiku prekršio odredbe člana 4. stav (1) Zakona o finansiranju političkih stranaka.

- a) U Programu utroška sredstava za 2020. godinu stranka je planirala troškove u iznosu od 15.000,00 KM, dok je prema podacima iz godišnjeg finansijskog izvještaja stranka ostvarila troškove u iznosu od 15.025,18 KM.

Analizom strukture iskazanih troškova na obrascu 4.1 (režijsko-administrativni i ostali troškovi) godišnjeg finansijskog izvještaja i Programa utroška sredstava za 2020. godinu, utvrđeno je da je stranka ostvarila troškova u iznosu od 9.054,68 KM koje nije planirala Programom utroška sredstava za 2020. godinu.

Pregledom je utvrđeno da je politička stranka ostvarila sljedeće troškove: troškove kancelarijskog materijala u iznosu od 88,32 KM, troškove goriva i maziva u iznosu od 1.845,64 KM, troškove električne energije u iznosu od 1.329,21 KM, troškove telefona i PTT usluga u iznosu od 3.345,13 KM, troškove zakupa u iznosu od 1.200,00 KM, troškove komunalnih usluga u iznosu od 142,84 KM, troškove usluga u iznosu od 36,00 KM, troškove advokatskih usluga u iznosu od 480,00 KM, troškove neproizvodnih usluga u iznosu od 120,00 KM, troškove reprezentacije u iznosu od 169,94 KM i troškove platnog prometa u iznosu od 297,60 KM, a koje nije predvidjela Programom utroška sredstava.

Sve navedeno ukazuje da je Savez za novu politiku prekršio odredbe člana 4. stav (1) Zakona o finansiranju političkih stranaka, jer nije sačinio program utroška sredstava na način kojim bi se osigurala potpuna transparentnost planiranog trošenja sredstava,

odnosno nije planirao sve utroške sredstava i finansijska sredstva je utrošio mimo utvrđenog programa utroška finansijskih sredstava za 2020. godinu.

- b) Taksu za ovjeru za učešće na Lokalnim izborima 2020. godine politička stranka je, suprotno odredbama Pravilnika o prijavi i uvjetima za ovjeru političkih subjekata za učešće na Lokalnim izborima 2020. godine od 05. 05. 2020. godine, uplatila sa redovnog transakcijskog računa, putem koga je vršila transakcije prije uplate takse.

Stranka je u Prijavi za ovjeru političke stranke za učešće na izborima navela podatke o transakcijskom računu za finansiranje izborne kampanje, ali je taksu za ovjeru za učešće na Lokalnim izborima 2020. godine platila sa redovnog računa stranke, koji je određen kao glavni račun, broj: 5620038118988812 kod NLB Razvojna banka. Putem tog računa stranka je, pored transakcija vezanih za izbornu kampanju u iznosu od 5.804,50 KM, obavljala i druge transakcije. Ostvarila je sljedeći promet računa: početno stanje na dan 01. 01. 2020. godine 49,80 KM, uplate na račun tokom cijele godine u iznosu od 17.283,18 KM i isplate u iznosu od 17.243,18 KM, te stanje računa na dan 31. 12. 2020. godine u iznosu od 89,93 KM.

Troškovi izborne kampanje

Prema odredbama člana 15.10 Izbornog zakona BiH Savez za novu politiku je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 404.569,20 KM.

Politička organizacija Savez za novu politiku je u godišnjem finansijskom izvještaju za 2020. godinu iskazala troškove izborne kampanje u iznosu 704,50 KM.

68. NEZAVISNA LISTA DOBOJ – SEVLID HURTIĆ (Kod 2495)

Prema podacima iz godišnjeg finansijskog izvještaja, Nezavisna lista Doboj – Sevlid Hurtić se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	10.000,00	92,59
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	800,00	7,41
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	10.800,00	100,00
II	Ostali prihodi i drugo	0,00	0,00
	Izvori finansiranja (I+II)	10.800,00	100,00

Pregledom godišnjeg finansijskog izvještaja za 2020. godinu utvrđeno je da je Nezavisna lista Doboj – Sevlid Hurtić prekršila odredbe člana 4. stav (1) Zakona o finansiranju političkih stranaka.

U godišnjem finansijskom izvještaju stranka je iskazala ukupne rashode u iznosu od 9.269,25 KM.

Uz očitovanje na Preliminarni izvještaj o pregledu godišnjeg finansijskog izvještaja za 2020. godinu, koje je Centralnoj izbornoj komisiji Bosne i Hercegovine dostavljeno 14. 03. 2022. godine, stranka je dostavila i Program utroška sredstava za 2020. godinu.

S obzirom na to da politička stranka Centralnoj izbornoj komisiji Bosne i Hercegovine dostavila Program utroška sredstava za 2020. godinu tek 14. 03. 2022. godine, smatramo da je finansijska sredstva utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Nezavisna lista Doboj – Sevlid Hurtić je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogala potrošiti 43.132,05 KM, a u svrhu izborne kampanje za Lokalne izbore u Mostaru 2020. godine sredstva u iznosu od 30.259,20 KM.

Nezavisna lista Doboj – Sevlid Hurtić je u godišnjem finansijskom izvještaju za 2020. godinu iskazala troškove propagande u iznosu od 7.022,00 KM.

69. EKOLOŠKA PARTIJA REPUBLIKE SRPSKE (Kod 879)

Prema podacima iz godišnjeg finansijskog izvještaja Ekološka partija Republike Srpske se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	5.347,00	100,00
	Izvori finansiranja (I+II)	5.347,00	100,00

Pregledom godišnjeg finansijskog izvještaja za 2020. godinu utvrđeno je da je Ekološka partija Republike Srpske prekršila odredbe člana 4. stav (1), člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 Izbornog zakona Bosne i Hercegovine.

- a) Ekološka partija Republike Srpske je u godišnjem finansijskom izvještaju za 2020. godinu iskazala rashode u ukupnom iznosu od 5.510,00 KM.

Ekološka partija Republike Srpske nije uz godišnji finansijski izvještaju za 2019. godinu dostavila program utroška sredstava za 2020. godinu, već je u aktu od 01. 10. 2020. godine navela da planira da u izbornoj 2020. godini utroši oko 10.000,00 KM.

S obzirom na to da Ekološka partija Republike Srpske nije dostavila program utroška u kojem su troškovi planirani po vrsti troška, smatramo da je finansijska sredstva utrošila bez programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

- b) Ekološka partija Republike Srpske nije u godišnjem finansijskom izvještaju iskazala nenovčanu donaciju fizičkog lica po osnovi besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Ugovor o zakupu od 01. 07. 2009. godine zaključen između fizičkog lica Tomislava Lopatića i Ekološke partije Republike Srpske, utvrđeno je da stranka koristi poslovni prostor bez naknade.

Ekološka partija Republike Srpske je korištenjem poslovnog prostora u vlasništvu fizičkog lica, bez plaćanja zakupnine, primila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2020. godinu.

- c) Na osnovi obavljenog pregleda godišnjeg finansijskog izvještaja za 2020. godinu, utvrđeno je da stranka nije vodila poslovne knjige u skladu sa računovodstvenim propisima, odnosno nije vodila pravilne i potpune evidencije o prihodima, rashodima i obavezama, te godišnji finansijski izvještaj nije popunila u skladu sa Pravilnikom, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Ekološka partija Republike Srpske nije Centralnoj izbornoj komisiji Bosne i Hercegovine dostavila obrazac 1 (opći podaci) godišnjeg finansijskog izvještaja za 2020. godinu u čvrstoj kopiji, odnosno nije podnijela finansijski izvještaj na način propisan članom 3. stav (1) i članom 7. Pravilnika.

- (2) Stranka nije u obrascu 1-1 (organizaciona struktura političke stranke) godišnjeg finansijskog izvještaja iskazala sve organizacione odbore, čime je prekršila odredbe člana 10. Pravilnika.

Politička stranka je u obrascu 1-1 godišnjeg finansijskog izvještaja iskazala da ima samo jedan organizacioni dio, i to: Predsjedništvo stranke na Palama. Pregledom godišnjeg finansijskog izvještaja, utvrđeno je da je stranka u toku 2020. godine ostvarila prihode iz budžeta Općine Novi Grad, te je primila sredstva iz budžeta Općine Brod za finansiranje kampanje, što upućuje da ima organizacione dijelove koje nije prijavila u godišnjem finansijskom izvještaju.

- (3) Ekološka partija Republike Srpske je prihode iz budžeta Općine Novi Grad u iznosu od 724,00 KM i prihode iz budžeta Općine Brod u iznosu od 123,00 KM iskazala u

obrascu 3 (izvori finansiranja) kao ostale prihode, čime je prekršila odredbe člana 13. i člana 19. Pravilnika.

Pored navedenog, utvrđeno je da je stranka zajam fizičkog lica Nikole Lazarevića u iznosu od 4.500,00 KM iskazala kao ostali prihod, što je suprotno odredbi člana 13. Pravilnika.

Uvidom u poslovne knjige utvrđeno je da je stranka zajam fizičkog lica umjesto na kontu obaveza po osnovi zajma evidentirala na kontu prihoda, što je suprotno računovodstvenim propisima.

- (4) Stranka nije u obrascima prihoda i rashoda iskazala nenovčanu donaciju fizičkog lica po osnovi besplatnog korištenja poslovnog prostora i troškove zakupa poslovnog prostora, čime je prekršila odredbe čl. 13, 18, 21. i 22. Pravilnika.
- (5) Podaci o rashodima koje je stranka iskazala u godišnjem finansijskom izvještaju ne odgovaraju podacima iz Završnog računa stranke za 2020. godinu.
Stranka je u godišnjem finansijskom izvještaju iskazala rashode u ukupnom iznosu od 5.510,00 KM, što odgovara podacima iz poslovnih knjiga. Međutim, u Završnom računu za 2020. godinu Ekološka partija Republike Srpske je iskazala ukupne rashode u iznosu od 5.370,00 KM.
- (6) Ekološka partija Republike Srpske je obrascu 5.2 (ostale obaveze) iskazala obaveze prema fizičkom licu po osnovi zajmova u ukupnom iznosu od 44.251,00 KM, što je suprotno odredbama člana 24. Pravilnika.
Također, utvrđeno je da je stranka pozajmicu fizičkog lica u poslovnim knjigama evidentirala kao prihod, tako da podaci o obavezama iskazani u poslovnim knjigama ne odgovaraju podacima koje je stranka iskazala u godišnjem finansijskom izvještaju za 2020. godinu.
- (7) Ekološka partija Republike Srpske je u poslovnim knjigama za 2020. godinu, kao i prethodnih godina, iskazala dugoročne finansijske plasmane u iznosu od 35.451,51 KM. U Izvještaju o pregledu godišnjeg finansijskog izvještaja za 2019. godinu konstatirano je da stranka nema dugoročne finansijske plasmane, što ukazuje da stranka u poslovnim knjigama i Godišnjem obračunu iskazuje netačne podatke o svojoj aktivi, tj. ne vodi poslovne knjige u skladu sa računovodstvenim propisima.
- d) Ekološka partija Republike Srpske je putem aplikacije FI CIK BiH podnijela postizborni finansijski izvještaj – Lokalni izbori 2020. godine, ali nije Centralnoj izbornoj komisiji Bosne i Hercegovine dostavila odštampane obrasce finansijskog izvještaja u čvrstoj kopiji, čime je prekršila odredbe člana 3. stav (2) Pravilnika o predizbornim i postizbornim finansijskim izvještajima političkih stranaka (“Službeni glasnik BiH“, broj: 10/18).

Također, utvrđeno je da stranka u obrascima postizbornog finansijskog izvještaja, koje je podnijela putem aplikacije FI CIK BiH, nije iskazala podatke o rashodima i obavezama, te je pogrešno iskazala podatke o prihodima, čime je prekršila odredbe 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka (“Službeni glasnik BiH“, broj: 10/18).

Troškovi izborne kampanje

Prema odredbama člana 15.10 Izbornog zakona BiH Ekološka partija Republike Srpske je za potrebe izborne kampanje, prema broju birača koje je objavila Centralna izborna komisija BiH, mogla potrošiti 263.654,10 KM.

Ekološka partija Republike Srpske u godišnjem finansijskom izvještaju za 2020. godinu nije iskazala troškove propagande.

70. POLITIČKA STRANKA “RE-BALANS“ (Kod 2496)

Prema podacima iz godišnjeg finansijskog izvještaja Politička stranka “Re-balans“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.373,00	100,00
	Izvori finansiranja (I+II)	4.373,00	100,00

Pregledom godišnjeg finansijskog izvještaja za 2020. godinu utvrđeno je da je Politička stranka “Re-balans“ prekršila odredbe člana 4. stav (1), člana 5. stav (4), člana 11. stav (1), člana 12. stav (1), stav (4) i stav (5) Zakona o finansiranju političkih stranaka.

- a) Politička stranka “Re-balans“ nije sačinila program utroška sredstava. Pregledom godišnjeg finansijskog izvještaja utvrđeno je da je stranka ostvarila ukupne rashode u iznosu od 4.231,00 KM, koji se odnose na troškove kancelarijskog materijala.

S obzirom na to da politička stranka za 2020. godinu nije sačinila program, kojim se precizno planira utrošak sredstva po vrstama troškova, prekršila je odredbe člana 4. stav (1) Zakona o finansiranju političkih stranaka.

- b) Politička stranka “Re-balans“ nije u godišnjem finansijskom izvještaju iskazala nenovčanu donaciju po osnovi besplatnog korištenja poslovnog prostora u Gradu Doboj, čime je prekršila odredbe člana 5. stav (4) Zakona o finansiranju političkih stranaka. Prema podacima iz Izjave koju je dala Snežana Novaković, a koju je dostavila Politička stranka “Re-balans“, utvrđeno je da je stranka koristila poslovni prostor u vlasništvu već spomenute osobe bez bilo kakve novčane naknade.

Politička stranka "Re-balans" je korištenjem poslovnog prostora bez plaćanja zakupnine ostvarila nenovčanu donaciju, koju je u skladu sa članom 5. stav (4) Zakona o finansiranju političkih stranaka bila obavezna evidentirati u poslovnim knjigama i prijaviti u godišnjem finansijskom izvještaju koji je podnijela Centralnoj izbornoj komisiji BiH.

- c) Na osnovi obavljenog pregleda godišnjeg finansijskog izvještaja i dodatne finansijske dokumentacije utvrđeno je da stranka nije vodila poslovne knjige, nije pravilno klasifikovala prihode, nije tačno iskazala prihode i rashode, nije dostavila svu traženu dodatnu dokumentaciju niti je godišnji finansijski izvještaj popunila u skladu sa odredbama Pravilnika, čime je prekršila odredbe člana 12. stav (4) Zakona o finansiranju političkih stranaka, čime je prekršila odredbe člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.
- (1) Politička stranka "Re-balans" nije u obrascu 1 (opći podaci o političkoj stranci) godišnjeg finansijskog izvještaja navela podatke o licu ovlaštenom za finansijske izvještaje, čime je postupila suprotno odredbama člana 9. Pravilnika.
- (2) Pregledom godišnjeg finansijskog izvještaja i dodatne dokumentacije utvrđeno je da Politička stranka "Re-balans" nije uspostavila potpune evidencije o prihodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 13. 14. i 19. Pravilnika.

Stranka je u godišnjem finansijskom izvještaju iskazala ostale prihode u iznosu od 4.373,00 KM.

Kontrolom prometa izvoda utvrđeno je da je stranka suprotno odredbama člana 13. 14. i 19. Pravilnika, u godišnjem finansijskom izvještaju, kao ostale prihode iskazala sredstva koja je primila kao donaciju od fizičkog lica Željka Novakovića u iznosu od 4.250,00 KM i sredstva koja je primila iz budžeta Grada Brod u iznosu od 123,00 KM.

- (3) Pregledom godišnjeg finansijskog izvještaja i finansijske dokumentacije utvrđeno je da stranka nije izdala propisanu potvrdu fizičkom licu od koga je primila prilog u iznosu od 4.250,00 KM, već je kao dokaz dostavila uplatnicu od Nove Banke a.d. Banja Luka o uplati spomenute donacije.
Neizdavanjem i nedostavljanjem propisane potvrde stranka je prekršila odredbe člana 6. Pravilnika.
- (4) Pregledom godišnjeg finansijskog izvještaja i dodatne dokumentacije je utvrđeno da Politička stranka "Re-balans" nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 21. i 22. Pravilnika.
- U godišnjem finansijskom izvještaju stranka nije iskazala nenovčanu donaciju, niti trošak zakupnine poslovnog prostora koji je koristila tokom 2020. godine u Gradu Doboj, čime je prekršila odredbe člana 13, 18, 21. i 22. Pravilnika.
 - Stranka u godišnjem finansijskom izvještaju nije iskazala troškove takse za ovjeru učešća na Lokalnim izborima 2020. godine. Kontrolom prometa izvoda utvrđeno je da je stranka uplatila taksu za ovjeru učešća na Lokalnim izborima 2020. godine u iznosu

od 4.200,00 KM. Po Odluci Centralne izborne komisije BiH, broj: 06-1-07-3-163/21 od 25. 02. 2021. godine, stranci je izvršen povrat uplaćenog novčanog iznosa takse za ovjeru učešća na Lokalnim izborima 2020. godine u iznosu od 100,00 KM, tako da su troškovi takse iznosili 4.100,00 KM, koje je stranka trebala iskazati u godišnjem finansijskom izvještaju.

- (5) Dana 05. 10. 2021. godine Centralna izborna komisija Bosne i Hercegovine je Političkoj stranci "Re-balans" uputila Zahtjev za dostavljanje dodatne dokumentacije za 2020. godinu, broj: 03-07-6-703-2/21, kojim je od stranke traženo da dostavi: Bruto bilans stranke na dan 31. 12. 2020. godine, Glavnu knjigu sa kompletnim analitičkim evidencijama stranke za period 01. 01. – 31. 12. 2020. godine, kopiju godišnjeg obračuna (završni račun) za 2020. godinu, kompletnu dokumentaciju vezanu za ostale prihode, dokumentaciju o korištenju poslovnih prostora u 2020. godini (dokaze o vlasništvu nad nekretninama, ugovore o pozajmicama, program utroška sredstava za 2020. godinu, dokumentaciju za i kopiju izvoda sa transakcijskog računa stranke, broj: 5553000048877877 i 5553000048877586 otvorenog kod Nove Banke banke a.d. Banja Luka za period 01.01.-31. 12. 2020. godine.

U ostavljenom roku stranka nije dostavila svu traženu dodatnu dokumentaciju, i to: Bruto bilans stranke na dan 31. 12. 2020. godine, Glavnu knjigu sa kompletnim analitičkim evidencijama stranke za period 01. 01. – 31. 12. 2020. godine, program utroška sredstava za 2020. godinu i kompletnu dokumentaciju vezanu za ostale prihode, čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Politička stranka "Re-balans" je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 334.039,80 KM.

Politička stranka "Re-balans" u godišnjem finansijskom izvještaju za 2020. godinu nije iskazala troškove izborne kampanje. U svom aktu, broj: 01-1/21 od 15. 10. 2021. godine, stranka je obrazložila da nije imala nikakva sredstva za kampanju, pa se izborna kampanja zasnivala uglavnom na ličnom kontaktu sa biračima.

71. NARODNI POKRET BANJALUKA ZOVE (Kod 2460)

Prema podacima iz godišnjeg finansijskog izvještaja za 2020. godinu Narodni pokret Banjaluka zove se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	5.385,00	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	5.385,00	100,00
II	Ostali prihodi i drugo	0,00	0,00
	Izvori finansiranja (I+II)	5.385,00	100,00

Pregledom godišnjeg finansijskog izvještaja za 2020. godinu utvrđeno je da je Narodni pokret Banjaluka zove prekršio odredbe člana 4. stav (1) Zakona o finansiranju političkih stranaka.

- a) Narodni pokret Banjaluka zove je finansijska sredstva utrošio bez programa utroška sredstava za 2020. godinu, čime je prekršio odredbe člana 4. stav (1) Zakona o finansiranju političkih stranaka.

U godišnjem finansijskom izvještaju, stranka je iskazala ukupne rashode u iznosu od 5.310,00 KM.

Uvidom u dokumentaciju utvrđeno je da stranka nije sačinila Plan utroška sredstava i nije ga ni dostavila Centralnoj izbornoj komisiji Bosne i Hercegovine, a što je bila obavezna. U toku obavljanja pregleda dodatne dokumentacije stranka je na zahtjev dostavila akt u kojem navodi da nije sačinila Plan utroška sredstava za 2020. godinu, zbog činjenice da je tokom 2020. godine tek počela sa aktivnostima.

- b) Stranka nije platila troškove izborne kampanje putem transakcijskog računa koji je otvorila za finansiranje izborne kampanje.

Pregledom je utvrđeno da je stranka cjelokupne troškove izborne kampanje u 2020. godini u iznosu od 2.351,70 KM platila sa redovnog računa.

S obzirom na to da su navedeni troškovi vezani za kampanju plaćanje je trebalo izvršiti sa namjenskog računa broj: 5551000048527322 kod Nove banke koji je otvoren za finansiranje troškova kampanje, a koji je stranka navela u prijavi za učešće na Lokalnim izborima.

Troškovi izborne kampanje

Prema odredbama člana 15.10 Izbornog zakona BiH Narodni pokret Banjaluka zove je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 86.873,10 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BIH, u svrhu izborne kampanje iskazala troškove u iznosu od 2.351,70 KM.

72. POKRET ZA TREBINJE (Kod 724)

Prema podacima iz godišnjeg finansijskog izvještaja politička stranka Pokret za Trebinje se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	160,00	7,89
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	300,00	14,79
7.	Prihodi iz budžeta (3-f)	1.567,82	77,32
8.	Prihodi od propagande (3-g)	0,00	0,00
I	Ukupni prihodi (1-8)	2.027,82	100,00
II	Ostali prihodi i drugo	0,00	0,00
	Izvori finansiranja (I+II)	2.027,82	100,00

Pregledom godišnjeg finansijskog izvještaja za 2020. godinu utvrđeno je da je politička stranka Pokret za Trebinje prekršila odredbe člana 4. stav (1) i člana 12. stav (4) i (5) Zakona o finansiranju političkih stranaka.

- a) U godišnjem finansijskom izvještaju politička stranka je iskazala troškove u iznosu od 5.186,06 KM.

Politička stranka Pokret za Trebinje nije uz godišnji finansijski izvještaj za 2019. godinu dostavila program utroška sredstava za 2020. godinu.

S obzirom na to da je politička stranka finansijska sredstva utrošila bez programa utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja za 2020. godinu, utvrđeno je da politička stranka godišnji finansijski izvještaj nije dostavila u zakonom propisanom roku i na način utvrđen Pravilnikom i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka.

- (1) Politička stranka Pokret za Trebinje godišnji finansijski izvještaj je podnijela u elektronskoj formi putem aplikacije FI CIK BIH dana 16. 09. 2021. godine, dok je u čvrstoj kopiji godišnji finansijski izvještaj Centralnoj izbornoj komisiji BiH dostavljen 23. 09. 2021. godine.

Politička stranka je bila obavezna da godišnji finansijski izvještaj za 2020. godinu podnese Centralnoj izbornoj komisiji BiH do 31. 3. 2021. godine.

- (2) Politička stranka nije u skladu sa članom 4. stav (2) Pravilnika uz godišnji finansijski izvještaj za 2020. godinu dostavila Godišnji obračun za 2020. godinu ovjeren od nadležne institucije u Bosni i Hercegovini.
- (3) Stranka nije dostavila Centralnoj izbornoj komisiji BiH odštampan obrazac 1 godišnjeg finansijskog izvještaja (opći podaci o političkoj stranci) ovjeren potpisom ovlaštenog lica i pečatom političke stranke, što je suprotno odredbama člana 3. stav (1) Pravilnika.
- (4) Uvidom u Izvještaj o transakcijskim računima pravnog lica koji se vodi kod Centralne banke BiH utvrđeno je da stranka na obrascu 2 (pregled prometa svih transakcijskih računa političke stranke) nije prijavila transakcijski račun broj: 5559000051669334 kod Nove banke a. d. Banja Luka koji je bio aktivan u 2020. godini, čime je prekršila odredbe člana 11. Pravilnika.
- (5) Dana 17. 11. 2021. godine Centralna izborna komisija Bosne i Hercegovine je političkoj stranci Pokret za Trebinje uputila Zahtjev za dostavljanje dodatne dokumentacije za 2020. godinu, a dana 13. 12. 2021. godine i Urgenciju kojom je od stranke traženo da dostavi: kopiju završnog računa, dokumentaciju o korištenju poslovnog prostora u 2020. godini, glavnu knjigu sa kompletnim analitičkim evidencijama za period 01. 01. – 31. 12. 2020. godine i kopiju izvoda sa transakcijskog računa broj: 5520050001442305 kod Addiko banke za period 01. 01. – 31. 12. 2020. godine.

U ostavljenom roku stranka nije dostavila traženu dodatnu dokumentaciju čime je prekršila odredbe člana 12. stav (5) Zakona o finansiranju političkih stranaka.

Troškovi izborne kampanje

Prema odredbama člana 15.10 Izbornog zakona BiH Pokret za Trebinje je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 9.258,30 KM.

Politička stranka Pokret za Trebinje u godišnjem finansijskom izvještaju i postizbornom finansijskom izvještaju za 2020. godinu nije iskazala troškove propagande.

73. LIJEVO KRILO (Kod 2327)

Prema podacima iz godišnjeg finansijskog izvještaja politička stranka Lijevo krilo se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.473,00	100,00
	Izvori finansiranja (I+II)	4.473,00	100,00

Pregledom godišnjeg finansijskog izvještaja za 2020. godinu utvrđeno je da je politička stranka Lijevo krilo prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Stranka nije donijela program utroška sredstava za 2020. godinu te je finansijska sredstva utrošila bez utvrđenog programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

U godišnjem finansijskom izvještaju stranka je iskazala rashode u iznosu od 4.360,00 KM.

- b) Politička stranka nije u poslovnim knjigama i finansijskom izvještaju evidentirala nenovčanu donaciju po osnovi besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Izjavu fizičkog lica utvrđeno je da je stranka za svoj rad koristila prostorije u vlasništvu fizičkog lica, bez naknade.

Politička stranka Lijevo krilo je u 2020. godini koristila prostor bez plaćanja zakupnine, te je ostvarila nenovčanu donaciju, koju je u skladu sa odredbama člana 5. stav (4) Zakona o finansiranju političkih stranaka i članom 13. i 18. Pravilnika o godišnjim finansijskim izvještajima političkih stranaka, trebala evidentirati i prijaviti u finansijskom izvještaju.

- c) Na osnovi obavljenog pregleda godišnjeg finansijskog izvještaja i dodatne dokumentacije utvrđeno je da politička stranka Lijevo krilo nije vodila poslovne knjige u skladu sa računovodstvenim propisima, nije uspostavila potpune evidencije o svojim приходima i rashodima i nije obrasce finansijskih izvještaja popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Uvidom u izjavu utvrđeno je da politička stranka nije vodila poslovne knjige, čime je prekršila odredbe člana 11. stav (1) i člana 12. stav (1) Zakona o finansiranju političkih stranaka.

- (2) Politička stranka nije u obrascu 2 (pregled prometa svih transakcionih računa političke stranke) iskazala tačne podatke o transakcionim računima i njihovom prometu, čime je prekršila odredbe člana 11. Pravilnika.

Uvidom u godišnji finansijski izvještaj utvrđeno je da stranka nije iskazala transakcioni račun broj: 5620058146386073 kod NLB Razvojne banke a.d. Banja Luka, dok je za isti transakcioni račun iskazala različite podatke o prometu i saldu računa.

Naime, stranka je u obrascu 2 iskazala sljedeće podatke o prometu ostvarenom putem transakcionog računa broj: 5620058146384036 kod NLB Razvojne banke a. d. Banja Luka: ukupan promet ulaza iznosio 100,00 KM, ukupan promet izlaza iznosio 101,00 KM i negativan saldo na dan 31. 12. 2020. godine u iznosu od 1,00 KM, a zatim je u obrascu 2 ponovo iskazala isti račun za koji je navela da je ukupan promet ulaza iznosio 4.373,00 KM, ukupan promet izlaza 4.260,00 KM, a saldo na dan 31. 12. 2020. godine u iznosu od 113,00 KM.

Kontrolom izvoda sa transakcionog računa broj: 5620058146384036 utvrđeno je da je ukupan promet ulaza iznosio 100,00 KM, ukupan promet izlaza 101,00 KM, te da je stranka na dan 31. 12. 2020. godine na ovom računu imala negativan saldo u iznosu od 1,00 KM.

Uvidom u izvode sa transakcionog računa broj: 5620058146386073 kod NLB Razvojne banke a. d. Banja Luka utvrđeno je da je stranka na ovom računu imala negativan početni saldo u iznosu od 3,00 KM, ukupan promet ulaza u iznosu od 4.373,00 KM, ukupan promet izlaza u iznosu od 4.260,00 KM i saldo na dan 31. 12. 2020. godine u iznosu od 110,30 KM.

Također je utvrđeno da politička stranka, zbog pogrešno iskazanog početnog stanja, nije u godišnjem finansijskom izvještaju i Bilansu stanja za 2020. godinu pravilno iskazala ni stanje novčanih sredstava na dan 31. 12. 2020. godine.

- (3) Kontrolom prometa izvoda sa transakcionih računa stranke utvrđene su uplate donacija fizičkog lica Jovan Milanović u ukupnom iznosu od 4.350,00 KM i prihode iz budžeta Općine Brod u iznosu od 123,00 KM.

Stranka je primljene donacije od strane fizičkog lica i prihode iz budžeta u finansijskom izvještaju iskazala u obrascu 3 (izvori finansiranja) kao ostale prihode, čime je prekršila odredbe člana 13., 14. i 19. Pravilnika.

U skladu sa odredbama člana 14. i 19. Pravilnika stranka je priloge fizičkog lica trebala iskazati u obrascu 3-a (prilozi fizičkih lica), a prihode iz budžeta u obrascu 3-f (prihodi iz budžeta) godišnjeg finansijskog izvještaja.

- (4) Obrasci 4. (rashodi političke stranke) i 4.1 (režijsko-administrativni i ostali troškovi) nisu popunjeni u skladu sa odredbama člana 21. i člana 22. Pravilnika.

Politička stranka je u obrascu 4.1 (režijsko-administrativni i ostali troškovi) iskazala troškove takse, novčanih kazni i sl. u iznosu od 4.360,00 KM.

Kontrolom prometa izvoda sa transakcionih računa utvrđeno je da je stranka ostvarila troškove takse za ovjeru učešća na Lokalnim izborima 2020. godine u iznosu od 4.200,00 KM, troškove Apif-a u iznosu od 36,00 KM i troškove bankarske provizije u iznosu od 124,70 KM, odnosno ukupni troškovi iznosili su 4.360,70 KM.

- (5) U Završnom računu za 2020. godinu i finansijskom izvještaju stranka nije evidentirala nenovčanu donaciju, niti trošak zakupnine poslovnog prostora, čime je prekršila odredbe člana 13, 18, 21. i 22. Pravilnika.

Troškovi izborne kampanje

Prema odredbama člana 15.10 Izbornog zakona BiH politička stranka Lijevo krilo je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 301.881,90 KM. Politička stranka Lijevo krilo u godišnjem finansijskom izvještaju za 2020. godinu nije iskazala troškove kampanje.

74. POLITIČKA ORGANIZACIJA “KRUG“ (Kod 2501)

Prema podacima iz godišnjeg finansijskog izvještaja Politička organizacija “Krug“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.173,00	100,00
	Izvori finansiranja (I+II)	4.173,00	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Krug“ prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

a) Politička organizacija “Krug“ nije donijela program utroška sredstava za 2020. godinu, pa je finansijska sredstva u iznosu od 4.031,00 KM, utrošila bez utvrđenog programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

b) Uvidom u Izjavu fizičkog lica utvrđeno je da je stranka za svoj rad koristila prostorije u vlasništvu fizičkog lica, bez naknade.

Politička organizacija “Krug“ nema vlastiti prostor, a u 2020. godini je koristila tuđi prostor bez plaćanja zakupnine, te je ostvarila nenovčanu donaciju, koju je u skladu sa odredbama člana 5. stav (4) Zakona o finansiranju političkih stranaka i članom 13. i 18. Pravilnika o godišnjim finansijskim izvještajima političkih stranaka, trebala evidentirati i prijaviti u finansijskom izvještaju.

c) Pregledom godišnjeg finansijskog izvještaja za 2020. godinu utvrđeno je da Politička organizacija “Krug“ nije vodila evidencije o svojim prihodima i rashodima, te da obrasce godišnjeg finansijskog izvještaja za 2020. godinu nije popunila u skladu sa

odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Na osnovi izjave utvrđeno je da politička organizacija “Krug“ nije vodila poslovne knjige, čime je prekršila odredbe člana 11. stav (1) i člana 12. stav (1) i (4) Zakona o finansiranju političkih stranaka.
- (2) U finansijskom izvještaju za 2020. godinu Politička organizacija “Krug“ je iskazala ostale prihode u iznosu od 4.173,00 KM. Kontrolom izvoda sa transakcijskih računa utvrđeno je da je stranka primila donaciju fizičkog lica u iznosu od 4.050,00 KM i prihode iz budžeta Općine Brod u iznosu od 123,00 KM.
Stranka je primljene donacije od fizičkih lica u finansijskom izvještaju iskazala u obrascu 3 (izvori finansiranja) kao ostale prihode, čime je prekršila odredbe člana 13. i 14. Pravilnika.
U skladu sa odredbama člana 14. Pravilnika stranka je priloge fizičkih lica trebala iskazati u obrascu 3-a (prilozi fizičkih lica), a prihode iz budžeta u obrascu 3-f (prihodi iz budžeta) godišnjeg finansijskog izvještaja.
- (3) Obrasci 4. (rashodi političke stranke) i 4.1 (režijsko-administrativni i ostali troškovi) nisu popunjeni u skladu sa odredbama člana 21. i člana 22. Pravilnika.
Politička organizacija “Krug“ je u obrascu 4.1 (režijsko-administrativni i ostali troškovi) iskazala troškove takse, novčanih kazni i sl. u iznosu od 4.031,00 KM.
Kontrolom prometa izvoda na transakcionom računu broj: 5553000048882145 kod Nove banke a. d. Banja Luka utvrđeno je da je stranka uplatila taksu za ovjeru učešća na Lokalnim izborima 2020. godine u iznosu od 4.000,00 KM, koja nije vraćena političkoj stranci.
Također je utvrđeno da je stranka ostvarila troškove bankarske provizije u iznosu od 31,38 KM, odnosno ukupni troškovi iznosili su 4.031,38 KM.
- (4) U poslovnim knjigama i finansijskom izvještaju stranka nije evidentirala nenovčanu donaciju, niti trošak zakupnine poslovnog prostora koji je koristila u 2020. godini, čime je prekršila odredbe člana 13, 18, 21. i 22. Pravilnika.

Troškovi izborne kampanje

Prema odredbama člana 15.10 Izbornog zakona BiH organizacija “Krug“ je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti 333.487,20 KM.

Politička organizacija “Krug“ u godišnjem finansijskom izvještaju za 2020. godinu nije iskazala troškove kampanje.

75. HRVATSKA STRANKA PRAVA – PRAVAŠI (Kod 1776)

Prema podacima iz godišnjeg finansijskog izvještaja Hrvatska stranka prava – Pravaši se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	1.660,00	100,00
	Izvori finansiranja (I+II)	1.660,00	100,00

Pregledom godišnjeg finansijskog izvještaja za 2020. godinu utvrđeno je da je Hrvatska stranka prava – Pravaši prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) U godišnjem finansijskom izvještaju za 2020. godinu stranka je iskazala rashode u ukupnom iznosu od 6.408,00 KM.

Analizom Izjave o utrošku sredstava stranke za 2020. godinu koji je Centralnoj izbornoj komisiji Bosne i Hercegovine dostavljen dana 22. 05. 2020. utvrđeno je da stranka nije sačinila program utroška na način kojim bi se osigurala transparentnost planiranog trošenja sredstava, te nema formu plana. Stranka je u izjavi navela da planira utošiti sredstva u iznosu od 6.000,00 KM u svrhu izborne kampanje.

S obzirom na to da stranka nije sačinila program utroška sredstava na način kojim bi se osigurala transparentnost planiranog trošenja sredstava, kao i uporedba ostvarenih troškova sa planiranim, te da je finansijska sredstva u iznosu od 2.073,00 KM utrošila mimo planiranih, prekršene su odredbe člana 4. stav (1) Zakona o finansiranju političkih stranaka.

- b) Hrvatska stranka prava – Pravaši nije u finansijskom izvještaju prijavila nenovčanu donaciju po osnovi besplatnog korištenja poslovnog prostora, koji je koristio Središnji ured stranke u Tomislavgradu, čime je prekršila odredbe člana 5. stav (4) Zakona o finansiranju političkih stranaka.

Prema podacima iz Izjave fizičkog lica, koju je dostavila politička stranka, utvrđeno je da je politička stranka koristila poslovni prostor u vlasništvu fizičkog lica, bez naknade.

Politička stranka je korištenjem poslovnog prostora bez plaćanja zakupnine ostvarila nenovčanu donaciju, koju je u skladu sa članom 5. stav (4) Zakona o finansiranju političkih stranaka bila obavezna evidentirati u poslovnim knjigama i prijaviti u godišnjem finansijskom izvještaju.

c) Na osnovi obavljenog pregleda godišnjeg finansijskog izvještaja i dodatne dokumentacije, utvrđeno je da politička stranka nije vodila poslovne knjige, odnosno evidencije o prihodima i rashodima, godišnji finansijski izvještaj nije podnijela u zakonom propisanom roku i obrasce godišnjeg finansijskog izvještaja nije popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Politička stranka je godišnji finansijski izvještaj podnijela nakon zakonom propisanog roka i suprotno odredbama člana 3. stav (1) Pravilnika, čime je prekršila odredbe člana 12. stav (4) Zakona o finansiranju političkih stranaka.

Uvidom u službene evidencije utvrđeno je da je Hrvatska stranka prava – Pravaši godišnji finansijski izvještaj za 2020. godinu podnijela u elektronskoj formi, putem aplikacije FI CIK BIH dana 12. 04. 2021. godine. Stranka je dana 19. 04. 2021. godine Centralnoj izbornoj komisiji Bosne i Hercegovine dostavila samo obrasce 2, 2.1, 3, 4, 4.1 i 5 godišnjeg finansijskog izvještaja za 2020. godinu, odštampane iz aplikacije u PDF formatu i ovjerene potpisom ovlaštenog lica i pečatom političke stranke.

Stranka je dana 23. 09. 2021. godine dostavila i obrasce 1, 1.1, 3-f i 3-g odštampane i ovjerene potpisom ovlaštenog lica i pečatom političke stranke. U skladu sa navedenim, utvrđeno je da stranka nije dostavila prilog uz obrazac 3 te obrasce 3-a, 3-b, 3-c, 3-d i 3-e godišnjeg finansijskog izvještaja, što je bila obavezna.

(2) Uvidom u Izjavu predsjednika političke stranke od 16. 09. 2021. godine utvrđeno je da politička stranka nije vodila poslovne knjige, čime je prekršila odredbe člana 11. stav (1) Zakona o finansiranju političkih stranaka.

(3) Stranka nije u obrascu 1 (opšti podaci o političkoj stranci) godišnjeg finansijskog izvještaja iskazala podatke o broju rješenja i datumu upisa stranke u registar suda, čime je prekršila odredbe člana 9. Pravilnika.

(4) Stranka nije u obrascu 2 (pregled prometa svih transakcijskih računa političke stranke) godišnjeg finansijskog izvještaja iskazala tačne podatke o početnom stanju i prometu ostvarenom putem transakcijskog računa, čime je prekršila odredbe člana 11. Pravilnika.

U obrascu 2 iskazan je transakcijski račun broj: 3382302263458194 kod UniCredit banke d. d. sa sljedećim podacima: početno stanje na dan 01.01.2020. godine u iznosu od 5.614,10 KM, ukupan promet ulaza u iznosu od 2.751,64 KM, ukupan promet izlaza u iznosu od 7.656,60 KM i stanje na dan 31. 12. 2020. godine u iznosu od 709,14 KM.

Kontrolom izvoda sa transakcijskog računa koje je stranka dostavila za period od 01. 01. do 31. 10. 2020. godine, utvrđeno je sljedeće: početno stanje na dan 01. 01. 2020. godine u iznosu od 5.614,10 KM, ukupan promet ulaza u iznosu od 2.660,51 KM, ukupan promet izlaza u iznosu od 7.646,60 KM i saldo na dan 31. 10. 2020. godine u iznosu od 628,01 KM.

(5) Stranka je na obrascu 2.1 (Pregled stanja blagajne) finansijskog izvještaja iskazala sljedeće podatke: početno stanje u iznosu od 5.614,10 KM, promet ulaza u iznosu od 2.751,64 KM, promet izlaza u iznosu od 7.656,60 KM i saldo na dan 31. 12. 2020. godine u iznosu od 709,14 KM.

Uvidom u izvode sa transakcijskog računa, utvrđeno je da stranka sa transakcijskog računa isplatila sredstva u gotovom novcu u iznosu od 1.238,00 KM, kao i da je podatke

o ostvarenom prometu putem transakcijskog računa iskazala u obrascu 2-1 kao promet blagajne, čime je prekršila odredbe člana 12. Pravilnika.

- (6) Podaci o prihodima i rashodima iskazani u godišnjem finansijskom izvještaju ne odgovaraju podacima iz Bilansa uspjeha za 2020. godinu. Naime, stranka je u godišnjem finansijskom izvještaju iskazala ukupne prihode u iznosu od 1.660,00 KM, dok je u Bilansu uspjeha za 2020. godinu iskazala ukupne prihode u iznosu od 1.752,00,00 KM.

Stranka je ukupne rashode u godišnjem finansijskom izvještaju iskazala u iznosu od 6.408,00 KM, dok je u Bilansu uspjeha za 2020. godinu iskazala ukupne rashode u iznosu od 8.104,00 KM.

- (7) U poslovnim knjigama i finansijskom izvještaju stranka nije evidentirala nenovčanu donaciju fizičkog lica, niti trošak zakupnine poslovnog prostora, čime je prekršila odredbe člana 13, 18, 21. i 22. Pravilnika.

- (8) Stranka je u godišnjem finansijskom izvještaju prihode iz budžeta Općine Tomislavgrad iskazala kao ostale prihode, čime je prekršila odredbe člana 13. i 19. Pravilnika.

Na obrascu 3 (izvori finansiranja) finansijskog izvještaja stranka je iskazala ostale prihode u iznosu od 1.660,00 KM. Kontrolom prometa izvoda sa transakcijskog računa broj: 3382302263468194 kod Unicredit banke, utvrđena je uplata sredstava iz budžeta Općine Tomislavgrad u iznosu od 1.660,00 KM.

- (9) Hrvatska stranka prava – Pravaši u obrascima godišnjeg finansijskog izvještaja nije pravilno iskazala rashode, čime je prekršila odredbe člana 21, 22. i 23. Pravilnika.

Stranka je u obrascu 4.1 iskazala troškove kancelarijskog materijala u iznosu od 2.313,00 KM, a u obrascu 4.2 troškove propagande u iznosu 4.095,00 KM, odnosno ukupne rashode u iznosu od 6.408,00 KM.

Uvidom u izvode sa transakcijskog računa i pojedinačne račune za robe i usluge, koje je stranka dostavila u dodatnoj dokumentaciji, utvrđeno je da su troškovi goriva iznosili 683,01 KM, troškovi reprezentacije 1.081,04 KM, troškovi telefonskih usluga 202,06 KM, ostali troškovi 26,50 KM i troškovi izborne kampanje 4.335,00 KM, odnosno ukupno 6.327,61 KM.

Ističemo da u postupku pregleda finansijskog izvještaja nije moglo biti utvrđeno u koju svrhu je utrošeno gorivo jer je stranka dostavila samo kopiju fiskalnih računa bez putnih naloga iz kojih bi se utvrdila relacija i svrha putovanja.

- d) Hrvatska stranka prava – Pravaši nije otvorila poseban račun za finansiranje kampanje, te taksu za ovjeru za učešće na izborima i troškove izborne kampanje platila je sa redovnog računa političke stranke.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila glavni transakcijski račun stranke broj: 3382302263458194 kod UniCredit banke d. d.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa glavnog računa stranke. Stranka je sa istog računa platila troškove kampanje u iznosu od 4.095,00 KM.

Troškovi izborne kampanje

Prema odredbama člana 15.10 Izbornog zakona BiH Hrvatska stranka prava – Pravaši je, prema broju birača koje je objavila Centralna izborna komisija BiH, u svrhu izborne kampanje za Lokalne izbore 2020. godine mogla potrošiti sredstva u iznosu od 6.157,20 KM.

Politička stranka Hrvatska stranka prava – Pravaši je u godišnjem finansijskom izvještaju za Lokalne izbore 2020. godine iskazala troškove izborne kampanje u iznosu od 4.335,00 KM.

76. POLITIČKA ORGANIZACIJA “NARODNI POKRET“ (Kod 2497)

Prema podacima iz godišnjeg finansijskog izvještaja Politička organizacija “Narodni pokret“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.480,00	100,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	2.480,00	55,11
II	Ostali prihodi i drugo	2.020,00	44,89
	Izvori finansiranja (I+II)	4.500,00	100,00

Pregledom godišnjeg finansijskog izvještaja za 2020. godinu, utvrđeno je da je Politička organizacija “Narodni pokret“ prekršila odredbe člana 4. stav (1), člana 5. stav (4), člana 11. stav (1) i člana 12. stav (1), stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

a) Prema podacima iz poslovnih knjiga Narodni pokret je u toku 2020. godine ostvario rashode u iznosu od 3.533,42 KM.

S obzirom na to da Narodni pokret nije dostavio program utroška sredstava za 2020. godinu, odnosno finansijski plan neposredno nakon njegovog usvajanja, smatramo da je finansijska sredstva utrošio bez programa utroška sredstava za 2020. godinu, čime je prekršio odredbe člana 4. stav (1) Zakona o finansiranju političkih stranaka

b) Pregledom godišnjeg finansijskog izvještaja za 2020. godinu, utvrđeno je da Politička organizacija “Narodni pokret“ nije uspostavila potpune i pravilne evidencije o приходima, rashodima i obavezama, te da obrasce godišnjeg finansijskog izvještaja za 2020. godinu nije popunila u skladu sa odredbama Pravilnika, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Politička organizacija “Narodni pokret“ nije u godišnjem finansijskom izvještaju iskazala sve transakcione račune i nije iskazala tačne podatke o prometu ostvarenom putem transakcionog računa broj: 5556000048834174 kod Nove banke, čime je prekršila odredbe člana 11. Pravilnika.

Uvidom u poslovne knjige utvrđeno je da stranka nije u godišnjem finansijskom izvještaju koji je podnijela Centralnoj izbornoj komisiji Bosne i Hercegovine iskazala transakcione račune broj: 5556000048735137 i 5550000048735243 otvorene kod Nove banke ad. Kontrolom izvoda sa transakcionog računa broj: 5556000048735137 kod Nove banke utvrđeno je da stranka na ovom računu nije imala sredstava na dan 01. 01. 2020. godine, da je ukupan promet ulaza u toku 2020. godine iznosio 600,00 KM, ukupan promet izlaza u istom periodu je iznosio 607,27 KM i da je saldo na transakcionom računu na dan 31. 12. 2020. godine negativan i iznosi -7,27 KM.

Pored toga, stranka nije u obrascu 5. (obaveze političke stranke) godišnjeg finansijskog izvještaja iskazala obaveze prema banci po osnovi negativnog salda na transakcionom računu čime je prekršila odredbe člana 24. Pravilnika.

Prema izjavi računovođe, za račun 5550000048735243 kod Nove banke nije bilo izvoda u 2020. godini, a dostavljena je potvrda Nove banke da je račun ugašen 04. 11. 2021. godine.

Pored navedenog, politička organizacija “Narodni pokret“ nije u obrascu 2 (pregled prometa svih transakcionih računa političke stranke) godišnjeg finansijskog izvještaja pravilno iskazala promet po transakcionom računu za kampanju broj: 5556000048834174 kod Nove banke.

U obrascu 2 godišnjeg finansijskog izvještaja stranka je iskazala ukupan promet ulaza u iznosu od 3.420,00 KM, ukupan promet izlaza u iznosu od 3.389,23 KM i saldo na dan 31. 12. 2020. godine u iznosu od 30,77 KM. Stranka nije iskazala početni saldo po transakcionom računu.

Kontrolom izvoda sa transakcionog računa broj: 5556000048834174 utvrđeno je da stranka nije na dan 01. 01. 2020. godine imala sredstava na transakcionom računu, te da je ukupan promet ulaza u 2020. godini iznosio 2.820,00 KM, ukupan promet izlaza je iznosio 2.789,23 i saldo na dan 31. 12. 2020. godine je iznosio 30,77 KM.

- (2) Politička organizacija “Narodni pokret“ u godišnjem finansijskom izvještaju nije pravilno iskazala članarine i priloge fizičkih lica, čime je prekršila odredbe člana 13. i 14. Pravilnika.

Stranka je u obrascu 3 (izvori finansiranja) finansijskog izvještaja iskazala prihod od članarine u iznosu od 2.480,00 KM.

Uvidom u Odluku o visini članarine za 2020. godinu utvrđeno je da visina članarine za 2020. godinu za članove Narodnog pokreta iznosi 40,00 KM i da će se uplaćivati u blagajnu stranke. Prema tome, a u skladu sa članom 5. stav (2) Zakona o finansiranju političkih stranaka sve uplate fizičkih lica – članova stranke u iznosu većem od 40,00 KM smatraju se dobrovoljnim priložima fizičkih lica.

Kontrolom dokumentacije iz blagajne utvrđeno je da je šesnaest fizičkih lica izvršilo pojedinačne uplate u blagajnu u iznosu od po 80,00 KM.

Kako je Odlukom utvrđen iznos članarine od 40,00 KM, Narodni pokret je uplate veće od iznosa članarine svakog fizičkog lica, a što ukupno iznosi 640,00 KM, trebao iskazati

u obrascu 3-a (prilozi fizičkih lica) godišnjeg finansijskog izvještaja kao ukupan iznos priloga čija je pojedinačna vrijednost manja od 100,00 KM.

Također, kontrolom izvoda sa transakcionog računa utvrđeno je da je politička organizacija Narodni pokret uplatu fizičkog lica Muhidina Hodžića u iznosu od 200,00 KM, iskazala kao uplatu članarine. Stranka je sredstva u iznosu od 40,00 KM trebala iskazati kao članarinu fizičkog lica Muhidina Hodžića, dok je 160,00 KM trebala iskazati kao prilog fizičkog lica.

Pored navedenog, a uvidom u blagajničku dokumentaciju stranke utvrđeno je da novac u iznosu od 2.280,00 KM, koji je primljen u blagajnu, nije uplaćen na transakcioni račun stranke u roku od 10 dana od dana prijema uplate, čime su prekršene odredbe člana 5. stav (4) Zakona o finansiranju političkih stranaka.

- (3) Pregledom godišnjeg finansijskog izvještaja i izvoda sa transakcionog računa utvrđeno je da je Narodni pokret u obrascu 3 (izvori finansiranja) godišnjeg finansijskog izvještaja prilog fizičkog lica Ermina Karića u iznosu od 2.020,00 KM iskazao kao ostali prihod, čime je prekršio odredbe člana 13. i 14. Pravilnika.

Neprijavlivanjem priloga u obrascu 3-a (prilozi fizičkih lica) godišnjeg finansijskog izvještaja stranka je, također, prekršila odredbe člana 5. stav (4) Zakona o finansiranju političkih stranaka.

- (4) Politička organizacija "Narodni pokret" nije iskazala troškove u obrascu 4 (rashodi političke stranke) godišnjeg finansijskog izvještaja za 2020. godinu, čime je prekršila odredbe člana 21, člana 22. i člana 23. Pravilnika.

Uvidom u Bruto bilans i Bilans uspjeha za 2020. godinu utvrđeno je da je stranka ostvarila rashode u ukupnom iznosu od 3.533,00 KM i to: rashode za materijal i energiju u iznosu od 153,41 KM, rashode za bankarske usluge u iznosu od 87,91 KM, rashode za usluge reklame u iznosu od 760,50 KM, ostale rashode – takse u iznosu od 2.031,60 KM i troškove zakupnine u iznosu od 500,00 KM.

- Politička stranka nije u postizbornom finansijskom izvještaju iskazala sve transakcione račune i troškove, čime je postupila suprotno odredbama člana 12. stav (3) Zakona o finansiranju političkih stranaka i odredbama člana 15.1 stav (1) Izbornog zakona Bosne i Hercegovine.

- (5) Stranka je u poslovnim knjigama iskazala troškove zakupa poslovnih prostora u iznosu od 500,00 KM, što je za 100,00 KM manje od stvarnih troškova.

Uvidom u Ugovor o zakupu poslovnog prostora, utvrđeno je da se poslovni prostor izdaje na korištenje stranci od 01. 07. 2020. godine do 01. 07. 2021. godine i da mjesečna zakupnina iznosi 100,00 KM, odnosno za period juli – decembar 2020. godine iznosi 600,00 KM.

Pored toga, stranka u svojim poslovnim knjigama i u godišnjem finansijskom izvještaju nije iskazala obaveze po osnovi zakupa poslovnog prostora u iznosu od 100,00 KM, čime je prekršila i odredbe člana 24. Pravilnika.

- Narodni pokret je u poslovnim knjigama iskazao trošak takse u iznosu od 2.000,00 KM, što je za 1.000,00 KM više u odnosu na ostvarene troškove.

Uvidom u Odluku o povratu uplaćenog novčanog iznosa takse za ovjeru Centralne izborne komisije BiH utvrđeno je da je politička organizacija Narodni pokret ostvarila povrat dijela novčanog iznosa uplaćenog za ovjeru prijave za učešće na Lokalnim izborima 2020. godine u iznosu od 1.000,00 KM.

S obzirom na to da je ostvarila povrat dijela novčanog iznosa uplaćenog u iznosu od 1.000,00 KM, stranka je u svojim poslovnim knjigama trebala priznati rashod u 2020. godini u iznosu od 1.000,00 KM i potraživanja za plaćene takse u iznosu od 1.000,00 KM.

Troškovi izborne kampanje

Prema odredbama člana 15.10 Izbornog zakona BiH Politička organizacija "Narodni pokret" je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 21.358,20 KM. Politička stranka u godišnjem finansijskom izvještaju nije iskazala troškove izborne kampanje, iako su prema podacima iz poslovnih knjiga troškovi kampanje su iznosili 760,50 KM.

77. JEDINSTVENA NAPREDNA STRANKA (Kod 2004)

Prema podacima iz godišnjeg finansijskog izvještaja Jedinствена napredna stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	520,00	79,75
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	132,00	20,25
8.	Prihodi od propagande (3-g)	0,00	0,00
I	Ukupni prihodi (1-8)	652,00	100,00
II	Ostali prihodi i drugo	0,00	100,00
	Izvori finansiranja (I+II)	652,00	100,00

Pregledom godišnjeg finansijskog izvještaja za 2020. godinu utvrđeno je da je Jedinствена napredna stranka prekršila odredbe člana 4. stav (1), člana 5. stav (4) i 12. stav (4) Zakona o finansiranju političkih stranaka.

- a) Jedinствена napredna stranka nije usvojila program utroška sredstava za 2020. godinu, te je finansijska sredstva utrošila bez utvrđenog programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

Prema podacima iz Završnog računa stranke za 2020. godinu ukupni rashodi Jedinствене napredne stranke iznosili su 532,00 KM.

- b) Politička stranka stranka nije izdala potvrde o primljenim donacijama u skladu sa članom 6. Pravilnika o godišnjim finansijskim izvještajima političkih stranaka, čime je prekršila odredbe člana 5. stav (4) Zakona o finansiranju političkih stranaka

c) Na osnovi obavljenog pregleda godišnjeg finansijskog izvještaja i dodatne dokumentacije, utvrđeno je da Jedinствена napredna stranka nije godišnji finansijski izvještaj popunila u skladu sa odredbama Pravilnika, čime su prekršene odredbe člana 12. stav (4) Zakona o finansiranju političkih stranaka.

(1) Jedinствена napredna stranka nije popunila obrazac 2 (pregled prometa svih transakcijskih računa političke stranke) godišnjeg finansijskog izvještaja u skladu sa odredbama člana 11. Pravilnika.

- Politička stranka u obrascu 2 (pregled prometa svih transakcijskih računa političke stranke) godišnjeg finansijskog izvještaja nije prijavila devizni transakcijski račun broj: 5620998132767614.

Uvidom u Izvještaj Centralne banke Bosne i Hercegovine o računima pravnog lica utvrđeno je da stranka ima aktivan račun kod NLB banke a. d. Banja Luka broj: 5620998132767614, dok je uvidom u Potvrdu NLB banke ad Banja Luka utvrđeno da stranka u toku 2020. godine nije imala promet preko ovog računa.

Stranka je imala obavezu da u finansijskom izvještaju iskaže ovaj račun, bez obzira što preko ovog računa u toku godine nije ostvarila promet.

- U obrascu 2. finansijskog izvještaja stranka je iskazala transakcijski račun broj: 5620998132767323 kod NLB banke a. d. Banja Luka sa sljedećim prometom: ukupan promet ulaza u iznosu od 652,00 KM, ukupan promet izlaza u iznosu od 532,00 KM i saldo na dan 31. 12. 2020. godine u iznosu od 120,00 KM.

Kontrolom izvoda sa transakcijskog računa broj: 5620998132767323 utvrđeno je sljedeće: negativan saldo na dan 01. 01. 2012. godine u iznosu od 3,00 KM, ukupan promet ulaza u iznosu od 652,00 KM, ukupan promet izlaza u iznosu od 532,00 KM i negativan saldo na dan 31. 12. 2020. godine u iznosu od 3,00 KM.

(2) U obrascu 2-1 (pregled stanja blajane) godišnjeg finansijskog izvještaja stranka je iskazala da je putem blagajne imala sljedeći promet: ukupan promet ulaza u iznosu od 652,00 KM, ukupan promet izlaza u iznosu od 532,00 KM i saldo na dan 31. 12. 2020. godine u iznosu od 120,00 KM.

Prema podacima iz bruto bilansa za 2020. godinu, ukupan promet ulaza u blagajnu iznosio je 120,00 KM, odnosno saldo u blagajni na dan 31. 12. 2020. godine 120,00 KM.

(3) Jedinствена napredna stranka nije u godišnjem finansijskom izvještaju iskazala rashode, čime je prekršila odredbe člana 21. i 22. Pravilnika.

Prema podacima iz bruto bilansa stranke za 2020. godinu, ukupni rashodi Jedinствене napredne stranke iznosili su 532,00 KM, od čega su troškovi platnog prometa 32,00 KM, a ostali nematerijalni troškovi 500,00 KM.

d) Jedinствена napredna stranka nije otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5620998132767323 kod NLB banke ad Banja Luka.

Taksu za ovjeru za učešće na Lokalnim izborima 2020. godine u iznosu od 500,00 KM, politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje, uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Jedinstvena napredna stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogala potrošiti 83.870,40 KM.

Jedinstvena napredna stranka u godišnjem finansijskom izvještaju za 2020. godinu nije iskazala troškove izborne kampanje.

78. NARODNA STRANKA ZA GRAHOVO (Kod 2020)

Prema podacima iz godišnjeg finansijskog izvještaja Narodna stranka za Grahovo se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	520,00	100,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	520,00	100,00
II	Ostali prihodi i drugo	0,00	0,00
	Izvori finansiranja (I+II)	520,00	100,00

Pregledom godišnjeg finansijskog izvještaja za 2020. godine utvrđeno je da je Narodna stranka za Grahovo prekršila odredbe člana 4. stav (1) i člana 12. stav (4) i stav (5) Zakona o finansiranju političkih stranaka.

- a) Narodna stranka za Grahovo je sredstva stranke utrošila bez donesenog programa utroška sredstava za 2020. godinu, čime je prekršila odredbe člana 4. stav (1) Zakona o finansiranju političkih stranaka.

Uvidom u raspoloživu dokumentaciju utvrđeno je da stranka Program utroška sredstava za 2020. godinu dostavila uz dodatnu dokumentaciju dana 13. 12. 2021. godine, a datum njegovog donošenja je 06. 12. 2021. godine, te isti nije uzet u razmatranje.

Prema podacima iz Godišnjeg obračuna za 2020. godinu – Bilans uspjeha ukupni rashodi političke stranke u 2020. godini iznosili su 2.553,00 KM.

- b) Pregledom godišnjeg finansijskog izvještaja za 2020. godinu, utvrđeno je da Narodna stranka za Grahovo nije godišnji finansijski izvještaj popunila u skladu sa Pravilnikom i

nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka.

(1) Narodna stranka za Grahovo nije u godišnjem finansijskom izvještaju pravilno iskazala podatke o transakcionim računima, čime je prekršila odredbe člana 11. Pravilnika.

- Stranka nije u obrascu 2 (pregled prometa svih transakcionih računa) godišnjeg finansijskog izvještaja iskazala transakcioni račun broj: 3381502289528827 kod Unicredit bank d. d, koji je prema podacima iz Izvještaja o računima poslovnog subjekta kod Centralne banke BiH glavni račun stranke.

Kontrolom izvoda sa transakcionog računa broj: 3381502289528827, koje je stranka dostavila uz dodatnu dokumentaciju, utvrđeno je da je stranka na dan 01. 01. 2020. godine na transakcionom računu imala novčana sredstva u iznosu od 15,00 KM, da je priliv sredstava u toku 2020. godine iznosio 1.035,00 KM, odliv je iznosio 1.060,00 KM i da je saldo novčanih sredstava na dan 31. 12. 2020. godine bio negativan i iznosio je 10,00 KM.

Činjenica da je saldo na transakcionom računu broj 3381502289528827 kod Unicredit banke negativan ukazuje da je politička stranka na dan 31. 12. 2020. godine imala obavezu prema Unicredit banci u iznosu od 10,00 KM koju nije iskazala u obrascu 5 (obaveze političke partije), čime je prekršila odredbe člana 24. Pravilnika.

- Narodna stranka za Grahovo nije u obrascu 2 pravilno iskazala promet po transakcionom računu broj: 3381502289720402 kod Unicredit bank dd.

Stranka je u obrascu 2 iskazala početni saldo u iznosu od 15,00 KM, ukupan promet ulaza u iznosu od 520,00 KM, ukupan promet izlaza u iznosu od 545,00 KM i negativan saldo na dan 31. 12. 2020. godine u iznosu od 10,00 KM.

Međutim, Narodna stranka za Grahovo je uz prijavu za ovjeru političke stranke za učešće na Lokalnim izborima 2020. godine dostavila dokaz o uplaćenom novčanom iznosu takse za ovjeru na osnovi kojeg je utvrđeno da je stranka dana 03. 07. 2020. godine, sa transakcionog računa broj: 3381502289720402, izvršila plaćanje takse u iznosu od 2.000,00 KM. Stranka nije u obrascu 2 godišnjeg finansijskog izvještaja iskazala ni priliv niti odliv sredstava sa transakcionog računa u iznosu od 2.000,00 KM.

Stranka nije dostavila poslovne knjige i kopije izvoda sa ovog transakcionog računa, te nije moguće utvrditi tačan promet i saldo transakcionog računa broj: 3381502289720402.

Pored navedenog, uvidom u obrazac 2.1 (pregled stanja blagajne) godišnjeg finansijskog izvještaja utvrđeno je da je stranka iskazala početni saldo blagajne u iznosu od 15,00 KM, ukupne ulaze u blagajnu u iznosu od 520,00 KM, ukupne izlaze iz blagajne u iznosu od 545,00 KM i negativan saldo blagajne na dan 31. 12. 2020. godine u iznosu od 10,00 KM.

S obzirom na to da stranka nije dostavila poslovne knjige i da nije moguće utvrditi da li je ostvarila promet putem blagajne, ističemo da je stranka iste podatke iskazala i u obrascu 2-1 kao promet ostvaren putem transakcijskog računa broj: 3381502289720402.

(2) Uvidom u Godišnji obračun za 2020. godinu – Bilans uspjeha utvrđeno je da je Narodna stranka za Grahovo u 2020. godini iskazala ukupne prihode u iznosu od 2.530,00 KM, dok je u godišnjem finansijskom izvještaju koji je stranka dostavila Centralnoj izbornoj komisiji Bosne i Hercegovine iskazala podatke o ukupnim prihodima u iznosu od 520,00 KM.

Stranka je u godišnjem finansijskom izvještaju za 2020. godinu bila dužna iskazati sve prihode koje je ostvarila, što nije učinila, čime je prekršila odredbe člana 13. Pravilnika. Isto tako, stranka je u Bilansu uspjeha iskazala ukupne rashode u iznosu od 2.553,00 KM, dok je u godišnjem finansijskom izvještaju koji je dostavila Centralnoj izbornoj komisiji Bosne i Hercegovine iskazala podatke o ukupnim rashodima u iznosu od 545,00 KM.

Stranka je u godišnjem finansijskom izvještaju za 2020. godinu bila dužna iskazati sve rashode koje je ostvarila, što nije učinila, čime je prekršila odredbe člana 21, 22. i 23. Pravilnika.

- (3) Dana 30. 06. 2021. godine Centralna izborna komisija Bosne i Hercegovine je Narodnoj stranci za Grahovo uputila Zahtjev za dostavljanje dodatne dokumentacije za 2020. godinu, kojim je od stranke traženo da dostavi: dokumentaciju o korištenju poslovnih prostora u 2020. godini, akt kojim je propisana članarina, program utroška sredstava za 2020. i 2021. godinu i kopiju izvoda sa transakcionih računa stranke, broj: 3381502289720402 i 3381502289528827 kod UniCredit banke za period 01. 01. – 31. 12. 2020. godine.

U ostavljenom roku stranka nije dostavila traženu dokumentaciju te je Centralna izborna komisija Bosne i Hercegovine dana 17. 11. 2021. godine uputila Urgenciju za dostavljanje dodatne dokumentacije kojom je pored navedene dokumentacije zatražila i dostavljanje i Glavne knjige sa kompletnim analitičkim evidencijama stranke za period 01. 01. – 31. 12. 2020. godine.

S obzirom na to da nije dostavila Glavnu knjigu sa kompletnim analitičkim evidencijama stranke za period 01. 01. – 31. 12. 2020. godine i kopiju izvoda sa transakcijskog računa stranke broj: 3381502289720402 kod UniCredit banke za period 01. 01. – 31. 12. 2020. godine, odnosno nije dostavila traženu dokumentaciju, prekršila je odredbe člana 12. stav (5) Zakona o finansiranju političkih stranaka.

79. POSAVSKA STRANKA (Kod 1188)

Prema podacima iz godišnjeg finansijskog izvještaja Posavska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	6,99	0,04
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	19.845,53	99,96
8.	Prihodi od propagande (3-g)	0,00	0,00
I	Ukupni prihodi (1-8)	19.852,52	100,00
II	Ostali prihodi i drugo	0,00	0,00
	Izvori finansiranja (I+II)	19.852,52	100,00

Pregledom godišnjeg finansijskog izvještaja za 2020. godinu utvrđeno je da je Posavska stranka prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) Uvidom u Program utroška sredstava za 2020. godinu koji je dostavila Posavska stranka, utvrđeno je da je stranka planirala rashode u ukupnom iznosu od 25.750,00 KM.

U godišnjem finansijskom izvještaju, koji je podnijela Centralnoj izbornoj komisiji BiH Posavska stranka je iskazala ukupne rashode u iznosu od 12.065,37 KM.

Uvidom u strukturu ostvarenih rashoda utvrđeno je da Posavska stranka Programom utroška sredstava za 2020. godinu nije planirala troškove reprezentacije, koje je ostvarila u iznosu od 499,38 KM i troškove ugostiteljskih usluga koje je ostvarila u iznosu od 212,50 KM.

S obzirom na to da je Posavska stranka sredstva u iznosu od 711,88 KM utrošila mimo utvrđenog Programa utroška sredstava za 2020. godinu, prekršila je odredbe člana 4. stav (1) Zakona o finansiranju političkih stranaka.

- b) Pregledom godišnjeg finansijskog izvještaja i finansijske dokumentacije utvrđeno je da evidencije o troškovima i obavezama političke stranke nisu sačinjene u skladu sa računovodstvenim propisima i da obrasci godišnjeg finansijskog izvještaja za 2020. godinu nisu popunjeni u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i (4) Zakona o finansiranju političkih stranaka.

- (1) Posavska stranka nije u godišnjem finansijskom izvještaju iskazala tačne podatke o adresi sjedišta stranke i nije iskazala kompletnu organizacionu strukturu, čime je prekršila odredbe člana 10. Pravilnika.

Pregledom godišnjeg finansijskog izvještaja i finansijske dokumentacije utvrđeno je da je stranka, osim Središnjice stranke koju je navela u obrascu 1-1 (organizaciona struktura političke stranke) godišnjeg finansijskog izvještaja, imala i niže nivoe organiziranja.

Kontrolom finansijskog izvještaja utvrđeno je da se stranka finansirala iz budžeta općina Domaljevac-Šamac, Odžak i Orašje, te budžeta Općine Brod, kao i iz budžeta Posavskog kantona.

Također, uvidom u dostavljeni ugovor o zakupu poslovnog prostora utvrđeno je da se poslovni prostor, za koji stranka plaća zakupninu, nalazi u Orašju u 5. Ulici na broju 2 u prizemlju zgrade, ukupne korisne površine od 42 km² i da je namijenjen za sjedište zakupca.

Posavska stranka je u obrascu 1 (opći podaci o političkoj stranci) godišnjeg finansijskog izvještaja kao adresu sjedišta stranke navela 3. Ulica 2G, Orašje.

- (2) Posavska stranka nije pravilno iskazala rashode u obrascima 4. (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršila odredbe člana 21. i 22. Pravilnika.

Politička stranka nije obračunala i u poslovnim knjigama i finansijskom izvještaju nije iskazala troškove poreza, niti obaveze po osnovi isplata stipendija, koje su veće od

neoporezivog iznosa. Stranka je četiri mjeseca, od januara do aprila 2020. godine isplaćivala stipendiju u mjesečnim iznosima od po 1.000,00 KM.

U skladu sa poreznim propisima porez na dohodak se ne plaća na mjesečne isplate stipendija učenika i studenata na redovnom školovanju, a najviše do iznosa od 75% prosječne neto plaće po zaposlenom u Federaciji BiH, prema posljednjem objavljenom podatku nadležnog organa za statistiku.

Prema podacima Federalnog zavoda za statistiku prosječne neto plaće u periodu od januara do aprila 2020. godine su iznosile: 958,00 KM za januar, 934,00 KM za februar, 947,00 KM za mart i 940 KM za april.

Stranka nije u finansijskom izvještaju iskazala troškove po osnovi poreza, čime je prekršila odredbe člana 21. i 22. Pravilnika. Također, Posavska stranka nije iskazala obaveza po osnovi poreza, u skladu sa članom 24. Pravilnika, čime je prekršila i odredbe člana 12. stav (4) Zakona o finansiranju političkih stranaka.

- c) Kao transakcioni račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, Posavska stranka je prijavila redovni transakcioni račun stranke broj: 3381802249395644 kod Unicredit banke dd Sarajevo.

Taksu za ovjeru za učešće na Lokalnim izborima 2020. godine Posavska stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcionog računa za finansiranje izborne kampanje uplatila sa redovnog transakcionog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona Bosne i Hercegovine Posavska stranka je za potrebe izborne kampanje, prema broju birača koji je objavila Centralna izborna komisija BiH, za Lokalne izbore 2020. godine mogla potrošiti 27.791,90 KM.

Posavska stranka je u godišnjem finansijskom izvještaju za 2020. godinu iskazala troškove kampanje u iznosu od 585,00 KM.

80. HRVATSKA STRANKA PRAVA HERCEG-BOSNE (Kod 1241)

Prema podacima iz godišnjeg finansijskog izvještaja Hrvatska stranka prava Herceg-Bosne se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	70,00	100
	Izvori finansiranja (I+II)	70,00	100

Pregledom godišnjeg finansijskog izvještaja za 2020. godinu utvrđeno je da je Hrvatska stranka prava Herceg-Bosne prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

- a) U godišnjem finansijskom izvještaju za 2020. godinu Hrvatska stranka prava Herceg-Bosne iskazala je ukupne rashode u iznosu od 82,00 KM.

Uvidom u Plan utroška sredstava za 2020. godinu utvrđeno je da je stranka isti sačinila opisno, tj. navodeći da će imati samo minimalne operativno neizbježne troškove bez planiranog iznosa sredstava, te da za tabelarnim prikazom nema potrebu.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog plana troškova za 2020. godinu, kako slijedi:

Stranka nije planirala Troškove platnog prometa i Ostale rashode.

Prema podacima iz godišnjeg finansijskog izvještaja stranka je Troškove platnog prometa ostvarila u iznosu od 12,00 KM, a Ostale rashode u iznosu od 70,00 KM.

S obzirom na to da stranka nije planirala iznos sredstava koje će utrošiti, niti je navela vrste troškova za koje planira sredstva utrošiti, a utrošila ih je u 2020. godini, prekršile je odredbe člana 4. stav (1) Zakona o finansiranju političkih stranaka.

- b) Pregledom finansijskog izvještaja i dodatne dokumentacije utvrđeno je da stranka u godišnjem finansijskom izvještaju i u poslovnim knjigama nije prijavila nenovčanu donaciju, koju je ostvarila korištenjem kuće fizičkog lica za svoje potrebe poslovanja, bez naknade, i nije izdala potvrde o primljenim donacijama u skladu sa članom 6. Pravilnika o godišnjim finansijskim izvještajima političkih stranaka ("Službeni glasnik BiH", broj: 96/13 i 89/16), čime je prekršila odredbe člana 5. stav (4) Zakona o finansiranju političkih stranaka.

- Uvidom u Izjavu fizičkog lica Ivana Tokića, koji je i predsjednik stranke, utvrđeno je da se stranka nalazi na istoj adresi na kojoj stanuje i predsjednik stranke, te da stranka za svoje potrebe poslovanja koristi privatnu kuću predsjednika stranke.

- Stranka je primila novčani prilog fizičkog lica Dragana Pinjuha u iznosu od 70,00 KM i nenovčanu donaciju predsjednika stranke Ivana Tokića, a nije izdala potvrde o primljenim novčanim i nenovčanim donacijama, što je bila obavezna učiniti. Umjesto potvrde stranka je dostavila uplatnicu-priznanicu o primljenoj uplati.
- c) Pregledom finansijskog izvještaja za 2020. godinu utvrđeno je da Hrvatska stranka prava Herceg-Bosne nije vodila potpune evidencije o svojim prihodima i rashodima, godišnji finansijski izvještaj nije podnijela u zakonom propisanom roku, niti ga je popunila u skladu sa odredbama Pravilnika, čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.
 - (1) U obrascu 3-e finansijskog izvještaja (nenovčane donacije i računi koje stranka nije imala obavezu da plati) i poslovnim knjigama stranka nije iskazala i nije evidentirala nenovčanu donaciju fizičkog lica, koju je ostvarila po osnovi korištenja privatnog objekta, čime je prekršila odredbe člana 18. Pravilnika. Također, stranka nije iskazala i nije evidentirala ni trošak zakupa nastao po istom osnovu, čime je prekršila odredbe člana 21. i 22. Pravilnika.
 - (2) Stranka je u godišnjem finansijskom izvještaju iskazala ostale prihode u iznosu od 70,00 KM. Uvidom u izvode sa transakcijskog računa stranke utvrđeno je da je fizičko lice Dragan Pinjuh uplatio donaciju, a što je stranka pogrešno iskazala u okviru ostalih prihoda, čime je prekršila odredbe člana 13. i 14. Pravilnika. Novčanu donaciju fizičkog lica stranka je imala obavezu iskazati u obrascu 3-a (Prilozi fizičkih lica) i uplatiocu donacije izdati potvrdu o primljenoj donaciji.
 - (3) Hrvatska stranka prava Herceg-Bosne je godišnji finansijski izvještaj za 2020. godinu podnijela nakon zakonom propisanog roka, čime je prekršila odredbe člana 12. stav (4) Zakona o finansiranju političkih stranaka. Politička stranka je godišnji finansijski izvještaj za 2020. godinu podnijela elektronski, putem aplikacije FI CIK BIH, dana 14. 09. 2021. godine, te u čvrstoj kopiji dostavila Centralnoj izbornoj komisiji Bosne i Hercegovine dana 16. 09. 2021. godine.

81. EKOLOŠKA DEMOKRATSKA STRANKA (Kod 996)

Prema podacima iz godišnjeg finansijskog izvještaja Ekološka demokratska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	90,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	90,00	100,00
II	Ostali prihodi i drugo	0,00	0,00
	Izvori finansiranja (I+II)	90,00	100,00

Pregledom godišnjeg finansijskog izvještaja za 2020. godinu utvrđeno je da je Ekološka demokratska stranka prekršila odredbe člana 4. stav (1) Zakona o finansiranju političkih stranaka.

- a) U godišnjem finansijskom izvještaju za 2020. godinu Ekološka demokratska stranka iskazala je ukupne rashode u iznosu od 1.999,60 KM.

Uvidom u Plan troškova za period 01. 01. – 31. 12. 2020. godine utvrđeno je da je stranka planirala rashode u ukupnom iznosu od 7.000,00 KM.

Pregledom finansijskog izvještaja i finansijske dokumentacije utvrđeno je da je politička stranka sredstva utrošila mimo svog plana troškova za 2020. godinu, kako slijedi:

Stranka nije planirala Troškove zakupnine poslovnog prostora i Troškove platnog prometa.

Prema podacima iz godišnjeg finansijskog izvještaja stranka je Troškove zakupnine poslovnog prostora ostvarila u iznosu od 120,00 KM, a Troškove platnog prometa u iznosu od 109,60 KM.

- b) Ekološka demokratska stranka nije otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5513061128935395 kod "UniCredit bank".

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Ekološka demokratska stranka je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogla potrošiti sredstva u iznosu od 151.114,50 KM.

Ekološka demokratska stranka u godišnjem finansijskom izvještaju za 2020. godinu nije iskazala troškove kampanje.

82. EKOLOŠKI SLOBODARSKI POKRET (Kod 2425)

Prema podacima iz godišnjeg finansijskog izvještaja Ekološki slobodarski pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	1.342,30	7,62
2.	Prilozi fizičkih lica (3-a)	16.221,03	92,09
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	50,52	0,29
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	17.613,85	100,00
II	Ostali prihodi i drugo	0,00	0,00
	Izvori finansiranja (I+II)	17.613,85	100,00

Pregledom godišnjeg finansijskog izvještaja za 2020. godinu utvrđeno je da je Ekološki slobodarski pokret prekršio odredbe člana člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja i dodatne dokumentacije utvrđeno je da Ekološki slobodarski pokret, nije poslovne knjige vodio u skladu sa računovodstvenim propisima, nije vodio tačne evidencije o rashodima, i nije popunio obrasce godišnjeg finansijskog izvještaja u skladu sa Pravilnikom, čime je prekršio računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Ekološki slobodarski pokret u godišnjem finansijskom izvještaju nije iskazao tačne podatke o rashodima, čime je prekršio odredbe člana 21. i 22. Pravilnika.

- Ekološki slobodarski pokret nije u godišnjem finansijskom izvještaju iskazao troškove koje je ostvario nabavkom robe, bez obaveze plaćanja u iznosu od 50,52 KM.
- Stranka je u godišnjem finansijskom izvještaju iskazala troškove platnog prometa u iznosu od 314,54 KM, dok ih je u poslovnim knjigama evidentirala u iznosu od 482,54 KM, što je za 168,00 KM više od iskazanog iznosa u godišnjem finansijskom izvještaju.

- Ekološki slobodarski pokret je u godišnjem finansijskom izvještaju iskazao negativne kursne razlike u iznosu od 1,12 KM, dok ih je u poslovnim knjigama evidentirao u iznosu od 25,17 KM.

Troškovi izborne kampanje

Prema odredbama člana 15.10 Izbornog zakona BiH Ekološki slobodarski pokret je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 108.756,30 KM.

Ekološki slobodarski pokret je u godišnjem finansijskom izvještaju za 2020. godinu iskazao troškove izborne kampanje u iznosu 8.333,73 KM.

83. POLITIČKA ORGANIZACIJA NAPREDNA SRPSKA (Kod 1264)

Prema podacima iz godišnjeg finansijskog izvještaja Politička organizacija “Napredna Srpska“ se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	250,00	3,15
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	7.680,84	96,85
8.	Prihodi od propagande (3-g)	0,00	0,00
I	Ukupni prihodi (1-8)	7.930,84	100,00
II	Ostali prihodi i drugo	0,00	0,00
	Izvori finansiranja (I+II)	7.930,84	100,00

Pregledom godišnjeg finansijskog izvještaja za 2020. godinu utvrđeno je da je Politička organizacija “Napredna Srpska“ prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Pregledom godišnjeg finansijskog izvještaja za 2020. godinu i druge finansijske dokumentacije utvrđeno je da Politička organizacija “Napredna Srpska“ nije vodila pravovremene i pravilne evidencije o svojim rashodima i obavezama, nije postupala u skladu sa pravilima i propisima o blagajničkom poslovanju i nije obrasce godišnjeg finansijskog izvještaja za 2020. godinu popunila u skladu sa Pravilnikom, čime je prekršila računovodstvene propise i odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- Uvidom u dostavljenu dokumentaciju utvrđeno je da je stranka postupala suprotno Uredbi o uvjetima i načinu plaćanja gotovim novcem u Republici Srpskoj.

Uredbom o uvjetima i načinu plaćanja gotovim novcem uređuju se uvjeti i način plaćanja između učesnika u platnom prometu u gotovom novcu u konvertibilnim markama i to plaćanja u gotovom novcu, uplatu gotovog novca na račun i isplatu

gotovog novca sa računa učesnika kod ovlaštenih organizacija za obavljanje poslova platnog prometa, te uvjete držanja gotovog novca u blagajni i uvjete i način uplate dnevnog pazara na račun kod ovlašćene organizacije.

Naime, sama Odluka o visini blagajničkog maksimuma kojom je utvrđena visina blagajničkog maksimuma u iznosu od 15.000,00 KM nije u skladu sa navedenom Uredbom, tj. visina blagajničkog maksimuma nije u skladu sa uvjetima koji su od utjecaja za potrebe držanja gotovog novca u blagajni.

Kontrolom izvoda sa transakcijskog računa utvrđeno je da je stranka u toku 2020. godine više puta podizala gotovinska sredstva sa transakcijskog računa u ukupnom iznosu od 3.800,00 KM koja nisu bila potrebna za tekuće potrebe, što je suprotno odredbama navedene Uredbe.

- (2) Stranka u obrascu 4.1 (režijsko-administrativni i ostali troškovi) godišnjeg finansijskog izvještaja za 2020. godinu nije pravilno iskazala podatke o troškovima zakupa poslovnog prostora, odnosno troškove zakupa sale iz ranijih godina u iznosu od 900,00 KM je iskazala kao troškove tekućeg perioda, čime je prekršila odredbe člana 21. i 22. Pravilnika.

Stranka je u obrascu 4.1 godišnjeg finansijskog izvještaja iskazala troškove zakupa poslovnog prostora u iznosu od 3.300,00 KM.

Uvidom u Ugovor o zakupu poslovnog prostora, koji je stranka zaključila 01. 01. 2020. godine u Zvorniku sa Srpskim sokolskim društvom "Sveti Sava", utvrđeno je da su troškovi zakupa poslovnog prostora, površine 32 m², iznosili 2.400,00 KM.

Dana 21. 12. 2019. godine stranka je zaključila Ugovor o zakupu svečane sale sa Srpskim sokolskim društvom "Sveti Sava" za potrebe održavanja seminara mladih pod nazivom "Perspektive mladih i njihov politički angažman u političkom životu u Republici Srpskoj" koji je održan 21. 12. 2019. godine. Prema odredbama ovog ugovora zakup sale je iznosio 900,00 KM.

Kontrolom izvoda sa transakcijskog računa broj 5620098105519583 kod Razvojne banke a. d. Banja Luka utvrđeno je da je stranka dana 17. 02. 2020. godine izvršila plaćanje prema Srpskom sokolskom društvu "Sveti Sava" Zvornik za zakup sale u iznosu od 900,00 KM kada je u poslovnim knjigama i evidentirala trošak zakupa, što ukazuje da stranka ne vodi pravovremene evidencije o svojim rashodima i obavezama.

U godišnjem finansijskom izvještaju za 2020. godinu stranka je trošak zakupa svečane sale, koji je nastao u 2019. godini, trebala iskazati kao rashode iz ranijih godina.

- b) Politička organizacija "Napredna Srpska" nije otvorila poseban transakcijski račun za finansiranje izborne kampanje.

Kao transakcijski račun koji je, u skladu sa odredbama člana 4.4 stav (1) Izbornog zakona BiH, bila obavezna otvoriti i namjenski koristiti za finansiranje izborne kampanje, stranka je prijavila redovni transakcijski račun stranke broj: 5620098105519583 kod Razvojne banke a. d. Banja Luka.

Taksu za ovjeru za učešće na Lokalnim izborima 2020. godine politička stranka je, suprotno Odluci o visini takse za ovjeru za učešće na Lokalnim izborima 2020. godine, umjesto sa posebnog transakcijskog računa za finansiranje izborne kampanje uplatila sa redovnog transakcijskog računa.

Stranka je u Prijavi za ovjeru političke stranke za učešće na izborima, također, navela podatke o redovnom računu stranke, koji je određen kao glavni račun.

Troškovi izborne kampanje

Prema odredbama člana 15.10 Izbornog zakona BiH Politička organizacija "Napredna Srpska" je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 64.827,90 KM. Politička organizacija "Napredna Srpska" u godišnjem finansijskom izvještaju za 2020. godinu nije iskazala troškove kampanje, te je u izjavi navela da nije imala troškove kampanje.

84. HRVATSKI BLOK (Kod 2326)

Prema podacima iz godišnjeg finansijskog izvještaja za 2020. godinu Hrvatski blok se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	1.862,58	100,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	1.862,58	100,00
II	Ostali prihodi i drugo	0,00	0,00
	Izvori finansiranja (I+II)	1.862,58	100,00

Pregledom godišnjeg finansijskog izvještaja za 2020. godinu utvrđeno je da je Hrvatski blok prekršio odredbe člana 4. stav (1) Zakona o finansiranju političkih stranaka.

- a) Hrvatski blok je u godišnjem finansijskom izvještaju iskazao ukupne rashode u iznosu od 1.794,62 KM.

Uvidom u dokumentaciju utvrđeno je da stranka Plan utroška sredstava nije dostavila uz Godišnji finansijski izvještaj za 2019. godinu, a što je bila obavezna. U toku obavljanja pregleda dodatne dokumentacije stranka je na zahtjev dostavila izjavu u kojoj navodi da nije sačinila Plan utroška sredstava za 2020. godinu.

- b) Stranka nije platila troškove izborne kampanje putem transakcijskog računa koji je otvorila za finansiranje izborne kampanje. Pregledom je utvrđeno da je stranka troškove izborne kampanje koji se odnose na štampanje plakata dobavljaču "Media" Modriča isplatila sa redovnog računa u iznosu od 198,32 KM.

S obzirom da je navedeni trošak vezan za kampanju stranka je imala obavezu ovaj račun platiti sa namjenskog računa broj: 5620058159771394 kod NLB Banke a. d. za finansiranje troškova kampanje, koji je stranka navela u prijavi za učešće na Lokalnim izborima.

Troškovi izborne kampanje

Prema odredbama člana 15.10 Izbornog zakona BiH Hrvatski blok je za potrebe izborne kampanje, prema broju birača koje je objavila Centralna izborna komisija BiH, za Lokalne izbore 2020. godine mogao potrošiti 26.255,10 KM.

Politička stranka je u godišnjem finansijskom izvještaju, koji je podnijela Centralnoj izbornoj komisiji BiH, iskazala troškove kampanje u iznosu od 198,32 KM.

85. NOVA SNAGA BOSNE I HERCEGOVINE (Kod 1004)

Prema podacima iz godišnjeg finansijskog izvještaja Nova snaga Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

Pregledom godišnjeg finansijskog izvještaja za 2020. godinu utvrđeno je da je Nova snaga Bosne i Hercegovine prekršila odredbe 11. stav (1) i člana 12. stav (4) Zakona o finansiranju političkih stranaka.

- (1) Nova snaga Bosne i Hercegovine nije podnijela godišnji finansijski izvještaj za 2020. godinu na način propisan članom 3. stav (1) Pravilnika, čime su prekršene odredbe člana 12. stav (4) Zakona o finansiranju političkih stranaka.

Uvidom u službene evidencije utvrđeno je da je Nova snaga Bosne i Hercegovine godišnji finansijski izvještaj za 2020. godinu podnijela u elektronskoj formi, putem aplikacije FI CIK BiH dana 31. 03. 2021. godine, dok je obrasce finansijskog izvještaja odštampane iz aplikacije u PDF formatu i ovjerene potpisom ovlaštenog lica i pečatom političke stranke Centralnoj izbornoj komisiji Bosne i Hercegovine dostavila tek dana 24. 11. 2021. godine.

- (2) Podaci o novčanim sredstvima u blagajni koje je stranka iskazala u obrascu 2 (pregled stanja blagajne) godišnjeg finansijskog izvještaja za 2020. godinu ne odgovaraju podacima iz Bilansa stanja na dan 31. 12. 2020. godine.

Naime, stranka je u obrascu 2 (pregled stanja blagajne) godišnjeg finansijskog izvještaja za 2020. godinu iskazala da je na dan 01. 01. 2020. godine, odnosno 31. 12. 2020. godine, u blagajni imala sredstva u iznosu od 48,65 KM, te da u toku 2020. godine nije imala promet putem blagajne.

Uvidom u Bilans stanja na dan 31. 12. 2021. godine utvrđeno je da je stanje novčanih sredstava na dan 31. 12. 2019. godine, tj. početno stanje na dan 01. 01. 2020. godine, iznosilo 49,00 KM, te da stranka na kraju 2020. godine nije imala novčanih sredstava. Stranka, s druge strane, nije iskazala rashode u iznosu od 49,00 KM, a ni smanjenje obaveza u istom iznosu u odnosu na prethodnu godinu.

Gore navedeno ukazuje da stranka nije vodila pravilne poslovne evidencije, čime je prekršila odredbe člana 11. stav (1) Zakona o finansiranju političkih stranaka.

86. RAMSKA DEMOKRATSKA STRANKA (Kod 1977)

Prema podacima iz godišnjeg finansijskog izvještaja Ramska demokratska stranka se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	100,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	4.616,40	100,00
	Izvori finansiranja (I+II)	4.616,40	100,00

Pregledom godišnjeg finansijskog izvještaja za 2020. godinu utvrđeno je da je Ramska demokratska stranka prekršila odredbe člana 12. stav (4) Zakona o finansiranju političkih stranaka.

Pregledom godišnjeg finansijskog izvještaja za 2020. godinu utvrđeno je da Ramska demokratska stranka godišnji finansijski izvještaj nije podnijela na način utvrđen Pravilnikom o godišnjim finansijskim izvještajima političkih stranaka.

- (1) Ramska demokratska stranka nije podnijela godišnji finansijski izvještaj za 2020. godinu na način propisan članom 3. stav (1) Pravilnika, čime su prekršene odredbe člana 12. stav (4) Zakona o finansiranju političkih stranaka.

Uvidom u službene evidencije utvrđeno je da je Ramska demokratska stranka godišnji finansijski izvještaj za 2020. godinu podnijela u elektronskoj formi, putem aplikacije FI

CIK BIH dana 25. 02. 2021. godine. Stranka je dana 22. 11. 2021. godine Centralnoj izbornoj komisiji Bosne i Hercegovine dostavila samo obrasce 1, 2, 2.1 i 4.2 godišnjeg finansijskog izvještaja za 2020. godinu, odštampane iz aplikacije u PDF formatu i ovjerene potpisom ovlaštenog lica i pečatom političke stranke.

Politička stranka je bila dužna godišnji finansijski izvještaj za 2020. godinu podnijeti do 31. 03. 2021. godine u elektronskoj formi, putem aplikacije FI CIK BIH, te da Centralnoj izbornoj komisiji Bosne i Hercegovine dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke. U skladu sa članom 7. stav (2) Pravilnika finansijski izvještaj na nivou stranke podnosi se na obrascima 1, 1.1, 2, 2.1, 3, 3-f, 3-g, 4, 4.2. i 5, a za organizacione dijelove stranke na obrascima 3-a, 3-b, 3-c, 3-d, 3-e, 3-f, 3-g i 4.1, i to posebno za svaki organizacioni dio političke stranke.

- (2) Ramska demokratska stranka je u godišnjem finansijskom izvještaju prihode iz budžeta Općine Prozor-Rama u iznosu od 4.616,04 KM iskazala kao ostale prihode, čime je prekršila odredbe člana 13. i 19. Pravilnika.
- (3) Ramska demokratska stranka nije u obrascu 4.1 (režijsko-administrativni i ostali troškovi) godišnjeg finansijskog izvještaja pravilno iskazala troškove, čime je prekršila odredbe člana 21. Pravilnika.
- Stranka je u obrascu 4.1 iskazala troškove platnog prometa u iznosu od 237,50 KM. Uvidom u izvode sa transakcijskog računa utvrđeno je da su troškovi platnog prometa iznosili 167,50 KM, a troškovi predaje završnog računa 70,00 KM.

87. POLITIČKA STRANKA NAŠA PRIČA REPUBLIKA SRPSKA (Kod 2324)

Prema podacima iz godišnjeg finansijskog izvještaja politička stranka Naša priča Republika Srpska se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	620,00	55,36
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	620,00	55,36
II	Ostali prihodi i drugo	500,00	44,64
	Izvori finansiranja (I+II)	1.120,00	100,00

Pregledom godišnjeg finansijskog izvještaja za 2020. godinu utvrđeno je da je politička stranka Naša priča Republika Srpska prekršila odredbe člana 4. stav (1) i člana 12. stav (4) i stav (5) Zakona o finansiranju političkih stranaka.

- a) U godišnjem finansijskom izvještaju politička stranka je iskazala troškove u iznosu od 1.069,41 KM.

Politička stranka Centralnoj izbornoj komisiji Bosne i Hercegovine nije dostavila program utroška za 2020. godinu, odnosno finansijska sredstva stranke je utrošila bez programa utroška sredstava, čime je prekršila je odredbe člana 4. stav (1) Zakona o finansiranju političkih stranaka.

- b) Na osnovi obavljenog pregleda godišnjeg finansijskog izvještaja utvrđeno je da politička stranka Naša priča Republika Srpska godišnji finansijski izvještaj za 2020. godinu nije podnijela na način propisan odredbama Pravilnika i nije dostavila dodatnu dokumentaciju, čime je prekršila odredbe člana 12. stav (4) i stav (5) Zakona o finansiranju političkih stranaka.

- (1) Politička stranka nije podnijela godišnji finansijski izvještaj za 2020. godinu u skladu sa odredbama člana 3. stav (1) Pravilnika, tj. nije dostavila obrazac 2 (pregled prometa svih transakcijskih računa političke stranke) godišnjeg finansijskog izvještaja odštampan iz aplikacije FI CIK BiH u PDF formatu, ovjeren potpisom ovlaštenog lica i pečatom političke stranke.

- (2) Stranka u godišnjem finansijskom izvještaju nije iskazala tačne podatke o svojim prihodima, čime je prekršila odredbe člana 13. i 14. Pravilnika.

Stranka je u obrascu 3 (izvori finansiranja) godišnjeg finansijskog izvještaja iskazala ostale prihode u iznosu od 500,00 KM.

Uvidom u izvode sa transakcijskog računa stranke broj: 5620998145037047 kod NLB banke a. d. Banja Luka, utvrđeno je da je stranka na transakcijski primila donaciju-prilog fizičkog lica Banjac Boška u iznosu od 500,00 KM.

Na osnovi navedenog utvrđeno je da je stranka prilog fizičkog lica umjesto u obrascu 3-a (prilozi fizičkih lica) iskazala kao ostale prihode.

- (3) Dana 30. 08. 2021. godine Centralna izborna komisija Bosne i Hercegovine je političkoj stranci uputila Zahtjev za dostavljanje dodatne dokumentacije za 2020. godinu, a dana 30. 11. 2021. godine i Urgenciju kojom je od stranke traženo da dostavi: dokumentaciju o korištenju poslovnog prostora u 2020. godini, akt kojim je propisana članarina, program utroška sredstava za 2020. godinu i dokumentaciju za ostvarene ostale prihode.

Politička stranka nije postupila u skladu sa zahtjevom i urgencijom Centralne izborne komisije Bosne i Hercegovine, odnosno nije dostavila traženu dokumentaciju, čime je prekršila odredbe člana 12. stav (5) Zakona o finansiranju političkih stranaka.

88. RADNIČKO-KOMUNISTIČKA PARTIJA BiH (Kod 574)

Prema podacima iz godišnjeg finansijskog izvještaja Radničko-komunistička partija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

Pregledom godišnjeg finansijskog izvještaja za 2020. godinu utvrđeno je da je Radničko-komunistička partija Bosne i Hercegovine prekršila odredbe člana 11. stav (1), člana 12. stav (4) i člana 13. Zakona o finansiranju političkih stranaka

- (1) Radničko-komunistička partija Bosne i Hercegovine nije u skladu sa Zakonom o računovodstvu i reviziji Republike Srpske podnijela Završni račun za 2020. godinu Agenciji za posredničke, informatičke i finansijske usluge, čime je prekršila odredbe člana 11. stav (1) Zakona o finansiranju političkih stranaka.
- (2) Politička stranka nije u obrascu 1 (opći podaci o političkoj stranci) godišnjeg finansijskog izvještaja za 2020. godinu navela podatke o licu ovlaštenom za finansijske izvještaje, čime je prekršila odredbe člana 12. stav (4) i člana 13. Zakona o finansiranju političkih stranaka i člana 9. Pravilnika.

Prilog br. 3 - Struktura izvora finansiranja političkih stranaka u 2020. godini (prema podacima koje su stranke iskazale u finansijskim izvještajima koje su podnijele Centralnoj izbornoj komisiji BiH)

Red. br.	Šifra	Naziv političke stranke	Članarine	Prilozi fizičkih lica	Prilozi pravnih lica	Prihodi od imovine u vlasništvu političke stranke	Nenovčane donacije	Prihodi iz budžeta	Ostali prihodi i dr.	UKUPAN PRIHOD	DUGOVANJA POLITIČKE STRANKE	Struktura prihoda							
												Članarine	Prilozi fizičkih lica	Prilozi pravnih lica	Prihodi od imovine u vlasn. pol. stranke	Nenovč. donacije i računi koje po. str. nije imala obav. Platiti	Prihodi iz budžeta	Ostali prihodi i dr.	Ukupno
1.	90	STRANKA DEMOKRATSKE AKCIJE	81,124.70	802,532.49	112,250.00	43,484.66	41,395.24	2,706,967.28	7,872.13	3,795,626.50	1,614,321.79	2.1%	21.1%	3.0%	1.1%	1.1%	71.3%	0.2%	100.0%
2.	515	SAVEZ NEZAVISNIH SOCIJALDEMOKRATA	621,692.75	150,661.00	0.00	0.00	46,930.00	1,713,197.89	47,439.56	2,579,921.20	273,321.19	24.1%	5.8%	0.0%	0.0%	1.8%	66.4%	1.8%	100.0%
3.	8	SOCIJALDEMOKRATSKA PARTIJA BIH	351,456.96	37,505.00	24,105.00	397,944.80	0.00	1,367,445.81	8,456.45	2,186,914.02	1,511,859.89	16.1%	1.7%	1.1%	18.2%	0.0%	62.5%	0.4%	100.0%
4.	27	HRVATSKA DEMOKRATSKA ZAJEDNICA BIH	110,407.19	101,491.92	21,200.00	823.85	18,874.87	1,686,683.07	12,614.07	1,952,094.97	309,554.42	5.7%	5.2%	1.1%	0.0%	1.0%	86.4%	0.6%	100.0%
5.	18	SRPSKA DEMOKRATSKA STRANKA	216,703.03	49,733.00	0.00	14,052.00	6,752.25	996,447.87	34,704.87	1,318,393.02	673,893.96	16.4%	3.8%	0.0%	1.1%	0.5%	75.6%	2.6%	100.0%
6.	1182	SAVEZ ZA BOLJU BUDUĆNOST BIH	22,240.00	54,680.67	10,200.00	0.00	12,502.64	851,237.94	1.00	950,862.25	305,747.29	2.3%	5.8%	1.1%	0.0%	1.3%	89.5%	0.0%	100.0%
7.	461	DEMOKRATSKI NARODNI SAVEZ	17,885.20	27,000.00	10,000.00	0.00	1,800.00	786,604.44	0.00	843,289.64	196,717.24	2.1%	3.2%	1.2%	0.0%	0.2%	93.3%	0.0%	100.0%
8.	1698	DEMOKRATSKA FRONTA	7,201.00	82,272.60	1,050.00	0.00	8,820.00	690,736.42	1,501.00	791,581.02	648,580.73	0.9%	10.4%	0.1%	0.0%	1.1%	87.3%	0.2%	100.0%
9.	440	PARTIJA DEMOKRATSKOG PROGRESA	11,286.27	29,502.00	3,800.00	0.00	0.00	664,894.61	2,768.20	712,251.08	508,926.91	1.6%	4.1%	0.5%	0.0%	0.0%	93.4%	0.4%	100.0%

10.	74	SOCIJALISTIČKA PARTIJA	45,354.10	109,700.00	700.00	0.00	0.00	531,577.09	112.60	687,443.79	324,395.85	6.6%	16.0%	0.1%	0.0%	0.0%	77.3%	0.0%	100.0%
11.	1972	UJEDINJENA SRPSKA	29,994.50	368,750.00	0.00	0.00	0.00	254,568.38	0.03	653,312.91	53,847.59	4.6%	56.4%	0.0%	0.0%	0.0%	39.0%	0.0%	100.0%
12.	877	NAŠA STRANKA	10,148.00	57,714.03	2,000.00	0.00	15,703.79	449,294.32	39,233.28	574,093.42	219,000.94	1.8%	10.1%	0.3%	0.0%	2.7%	78.3%	6.8%	100.0%
13.	2317	Politička organizacija NAROD I PRAVDA	33,496.70	170,983.57	37,100.00	0.00	0.00	204,558.05	1,000.00	447,138.32	244,176.08	7.5%	38.2%	8.3%	0.0%	0.0%	45.7%	0.2%	100.0%
14.	769	HRVATSKA DEMOKRATSKA ZAJEDNICA 1990	5,708.00	0.00	0.00	0.00	4,700.00	397,723.49	11.04	408,142.53	632,146.46	1.4%	0.0%	0.0%	0.0%	1.2%	97.4%	0.0%	100.0%
15.	1718	NARODNI DEMOKRATSKI POKRET	10,134.00	15,228.00	0.00	6,071.00	5,063.00	359,603.00	0.00	396,099.00	100,222.00	2.6%	3.8%	0.0%	1.5%	1.3%	90.8%	0.0%	100.0%
16.	882	STRANKA DEMOKRATSKE AKTIVNOSTI	0.00	41,389.64	0.00	0.00	1,207.50	289,747.65	0.00	332,344.79	57,734.73	0.0%	12.5%	0.0%	0.0%	0.4%	87.2%	0.0%	100.0%
17.	2320	PLATFORMA ZA PROGRES	27,118.29	226,757.40	25,674.54	0.00	40,965.81	897.20	0.14	321,413.38	33,768.98	8.4%	70.6%	8.0%	0.0%	12.7%	0.3%	0.0%	100.0%
18.	2420	DEMOKRATSKI SAVEZ	24,219.00	222,300.00	0.00	0.00	7,800.00	8,483.43	0.00	262,802.43	32,475.85	9.2%	84.6%	0.0%	0.0%	3.0%	3.2%	0.0%	100.0%
19.	2314	NEZAVISNI BLOK	13,003.62	895.20	0.00	0.00	0.00	203,721.43	3,150.72	220,770.97	153,655.13	5.9%	0.4%	0.0%	0.0%	0.0%	92.3%	1.4%	100.0%
20.	2321	POKRET DEMOKRATSKE AKCIJE	23,562.40	16,770.00	3,900.00	0.00	0.00	174,936.15	745.00	219,913.55	34,672.54	10.7%	7.6%	1.8%	0.0%	0.0%	79.5%	0.3%	100.0%
21.	4	STRANKA ZA BOSNU I HERCEGOVINU	1,740.00	3,755.50	1,500.00	0.00	0.00	185,036.02	0.00	192,031.52	153,348.58	0.9%	2.0%	0.8%	0.0%	0.0%	96.4%	0.0%	100.0%
22.	1701	LABURISTIČKA STRANKA BIH	1,493.50	48,008.22	2,000.00	0.00	7,300.00	111,528.89	1.27	170,331.88	25,452.47	0.9%	28.2%	1.2%	0.0%	4.3%	65.5%	0.0%	100.0%
23.	2328	NEZAVISNA BOSANSKOHERCEGOVAČKA LISTA	1,220.00	66,361.44	21,950.00	0.00	0.00	61,942.04	0.00	151,473.48	5,530.22	0.8%	43.8%	14.5%	0.0%	0.0%	40.9%	0.0%	100.0%
24.	36	BOSS - BOSANSKA STRANKA-MIRNES AJANOVIĆ	0.00	0.00	0.00	0.00	0.00	143,307.94	0.00	143,307.94	1,679.13	0.0%	0.0%	0.0%	0.0%	0.0%	100.0%	0.0%	100.0%
25.	513	STRANKA PENZIONERA / UMIROVLJENIKA BIH	88,853.20	530.00	1,100.00	0.00	800.00	27,122.46	2,270.09	120,675.75	31,588.44	73.6%	0.4%	0.9%	0.0%	0.7%	22.5%	1.9%	100.0%

26.	2711	SOCIJALDEMOKR ATE BIH	12,014.73	49,442.05	26,200.00	0.00	0.00	5,870.20	0.00	93,526.98	8,154.47	12.8%	52.9%	28.0%	0.0%	0.0%	6.3%	0.0%	100.0%
27.	1	BOSANSKOHERCEG OVAČKA PATRIOTSKA STRANKA-SEFER HALILOVIĆ	2,636.69	0.00	0.00	0.00	13,937.52	73,436.47	0.00	90,010.68	21,199.55	2.9%	0.0%	0.0%	0.0%	15.5%	81.6%	0.0%	100.0%
28.	1882	TUZLANSKA ALTERNATIVA	10,635.31	400.00	0.00	0.00	0.00	49,598.47	10,392.94	71,026.72	16,496.08	15.0%	0.6%	0.0%	0.0%	0.0%	69.8%	14.6%	100.0%
29.	1728	LIBERALNA STRANKA BIH	0.00	0.00	0.00	0.00	0.00	68,551.19	756.00	69,307.19	23,412.69	0.0%	0.0%	0.0%	0.0%	0.0%	98.9%	1.1%	100.0%
30.	2447	SOCIJALISTIČKA PARTIJA SRPSKE	5,000.00	58,989.00	3,510.00	0.00	0.00	255.43	123.00	67,877.43	48,590.42	7.4%	86.9%	5.2%	0.0%	0.0%	0.4%	0.2%	100.0%
31.	2319	BOSANSKA NARODNA STRANKA	0.00	0.00	0.00	0.00	0.00	0.00	60,690.07	60,690.07	0.00	0.0%	0.0%	0.0%	0.0%	0.0%	0.0%	100.0%	100.0%
32.	1705	HRVATSKA REPUBLIKANSKA STRANKA	0.00	600.00	3,000.00	0.00	0.00	54,962.00	90.00	58,652.00	407.70	0.0%	1.0%	5.1%	0.0%	0.0%	93.7%	0.2%	100.0%
33.	2072	GRAĐANSKI SAVEZ	915.00	0.00	0.00	0.00	0.00	0.00	55,556.82	56,471.82	6,450.00	1.6%	0.0%	0.0%	0.0%	0.0%	0.0%	98.4%	100.0%
34.	17	HRVATSKA STRANKA PRAVA BIH	0.00	0.00	0.00	0.00	3,000.00	41,853.08	1,500.00	46,353.08	0.00	0.0%	0.0%	0.0%	0.0%	6.5%	90.3%	3.2%	100.0%
35.	1270	HRVATSKA SELJAČKA STRANKA STJEPANA RADIĆA	0.00	0.00	0.00	0.00	0.00	45,332.63	0.00	45,332.63	453.13	0.0%	0.0%	0.0%	0.0%	0.0%	100.0%	0.0%	100.0%
36.	1703	HRVATSKA NEZAVISNA LISTA	0.00	0.00	0.00	0.00	0.00	43,339.08	8.46	43,347.54	0.00	0.0%	0.0%	0.0%	0.0%	0.0%	100.0%	0.0%	100.0%
37.	2426	STRANKA DEMOKRATSKE SRPSKE SEMBERIJA-MIĆO MIĆIĆ	16,756.15	26,200.00	0.00	0.00	0.00	0.00	0.00	42,956.15	15,203.05	39.0%	61.0%	0.0%	0.0%	0.0%	0.0%	0.0%	100.0%
38.	2423	POKRET ZA MODERNU I AKTIVNU KRAJINU	0.00	21,932.96	19,700.00	0.00	0.00	0.00	0.33	41,633.29	187.23	0.0%	52.7%	47.3%	0.0%	0.0%	0.0%	0.0%	100.0%
39.	1730	SRPSKA RADIKALNA STRANKA dr. VOJISLAV ŠEŠELJ	0.00	0.00	0.00	0.00	180.00	38,368.13	1,629.60	40,177.73	56,325.41	0.0%	0.0%	0.0%	0.0%	0.4%	95.5%	4.1%	100.0%

40.	1872	POKRET USPJEŠNA SRPSKA	5,480.00	0.00	0.00	0.00	0.00	0.00	27,512.50	32,992.50	0.00	16.6%	0.0%	0.0%	0.0%	0.0%	0.0%	83.4%	100.0%
41.	1714	HRVATSKI SAVEZ HKDU - HRAST	0.00	0.00	0.00	0.01	1,200.00	27,163.36	0.00	28,363.37	16,615.30	0.0%	0.0%	0.0%	0.0%	4.2%	95.8%	0.0%	100.0%
42.	455	LIBERALNO DEMOKRATSKA STRANKA BIH	700.00	6,400.00	2,800.00	0.00	1,694.64	11,409.39	0.06	23,004.09	115,978.88	3.0%	27.8%	12.2%	0.0%	7.4%	49.6%	0.0%	100.0%
43.	502	NARODNA STRANKA RADOM ZA BOLJITAK	0.00	13,000.00	0.00	0.00	0.00	9,218.00	0.00	22,218.00	156,322.24	0.0%	58.5%	0.0%	0.0%	0.0%	41.5%	0.0%	100.0%
44.	2424	*POLITIČKI GRAĐANSKI FRONT	0.00	19,085.51	0.00	0.00	1,851.05	1,245.30	0.00	22,181.86	0.00	0.0%	86.0%	0.0%	0.0%	8.3%	5.6%	0.0%	100.0%
45.	2325	SAVEZ MLADIH SNAGA	120.00	4,000.00	0.00	0.00	0.00	17,183.61	0.00	21,303.61	0.00	0.6%	18.8%	0.0%	0.0%	0.0%	80.7%	0.0%	100.0%
46.	2767	HERCEGOVAČKI NARODNI POKRET- RODOLJUB DRAŠKOVIĆ	0.00	1,250.00	20,000.00	0.00	0.00	0.00	0.00	21,250.00	3,250.21	0.0%	5.9%	94.1%	0.0%	0.0%	0.0%	0.0%	100.0%
47.	1188	POSAVSKA STRANKA	0.00	0.00	0.00	6.99	0.00	19,845.53	0.00	19,852.52	350.90	0.0%	0.0%	0.0%	0.0%	0.0%	100.0%	0.0%	100.0%
48.	1989	UNIJA SOCIJALDEMOKR ATA BH	0.00	0.00	0.00	0.00	0.00	19,264.00	0.00	19,264.00	16.74	0.0%	0.0%	0.0%	0.0%	0.0%	100.0%	0.0%	100.0%
49.	2802	HRVATSKI NACIONALNI POMAK	0.00	3,400.00	10,000.00	0.00	0.00	5,478.00	0.19	18,878.19	793.99	0.0%	18.0%	53.0%	0.0%	0.0%	29.0%	0.0%	100.0%
50.	2527	REGIONALNA DEMOKRATSKA STRANKA GRADAČAC	0.00	0.00	0.00	0.00	0.00	18,659.00	0.00	18,659.00	0.00	0.0%	0.0%	0.0%	0.0%	0.0%	100.0%	0.0%	100.0%
51.	5	HRVATSKA KRŠĆANSKA DEMOKRATSKA UNIJA BIH	0.00	0.00	0.00	0.00	1,200.00	17,219.38	0.00	18,419.38	28,000.53	0.0%	0.0%	0.0%	0.0%	6.5%	93.5%	0.0%	100.0%
52.	2425	EKOLOŠKI SLOBODARSKI POKRET	1,342.30	16,221.03	0.00	0.00	50.52	0.00	0.00	17,613.85	694.08	7.6%	92.1%	0.0%	0.0%	0.3%	0.0%	0.0%	100.0%
53.	2622	POLITIČKA ORGANIZACIJA "ZAJEDNO ZA BOLJI SREBRENİK"	0.00	2,900.00	6,800.00	0.00	0.00	7,361.00	0.00	17,061.00	0.00	0.0%	17.0%	39.9%	0.0%	0.0%	43.1%	0.0%	100.0%
54.	366	HRVATSKA STRANKA BIH	0.00	0.00	0.00	0.00	0.00	13,713.38	1,747.76	15,461.14	1,825.61	0.0%	0.0%	0.0%	0.0%	0.0%	88.7%	11.3%	100.0%

55.	28	DEMOKRATSKA NARODNA ZAJEDNICA BIH – KRAJIŠKA STRANKA	0.00	1,800.00	0.00	0.00	6,000.00	7,142.86	152.60	15,095.46	27,689.55	0.0%	11.9%	0.0%	0.0%	39.7%	47.3%	1.0%	100.0%
56.	1178	HRVATSKA STRANKA PRAVA DR. ANTE STARČEVIĆ BIH	0.00	0.00	0.00	0.09	0.00	14,850.00	0.00	14,850.09	0.00	0.0%	0.0%	0.0%	0.0%	0.0%	100.0%	0.0%	100.0%
57.	2620	POKRET PRAVDE	530.00	10,339.70	0.00	0.00	0.00	1,245.30	2,197.79	14,312.79	874.84	3.7%	72.2%	0.0%	0.0%	0.0%	8.7%	15.4%	100.0%
58.	2311	PRVA SRPSKA DEMOKRATSKA STRANKA	0.00	5,300.00	0.00	0.00	0.00	0.00	9,000.00	14,300.00	0.00	0.0%	37.1%	0.0%	0.0%	0.0%	0.0%	62.9%	100.0%
59.	73	SELJAČKA STRANKA	0.00	0.00	0.00	0.00	0.00	2,793.83	11,100.00	13,893.83	18,015.66	0.0%	0.0%	0.0%	0.0%	0.0%	20.1%	79.9%	100.0%
60.	1694	NAPREDNA SRPSKA-NS	0.00	3,700.00	0.00	0.00	0.00	9,266.93	0.00	12,966.93	12,281.00	0.0%	28.5%	0.0%	0.0%	0.0%	71.5%	0.0%	100.0%
61.	16	SRPSKA RADIKALNA STRANKA RS	0.00	0.00	0.00	0.00	0.00	0.00	12,369.00	12,369.00	9,085.00	0.0%	0.0%	0.0%	0.0%	0.0%	0.0%	100.0%	100.0%
62.	1699	PRVA BOSANSKO-HERCEGOVAČKA STRANKA	0.00	0.00	0.00	0.00	2,400.00	9,576.00	0.00	11,976.00	10,208.00	0.0%	0.0%	0.0%	0.0%	20.0%	80.0%	0.0%	100.0%
63.	2421	POKRET VOLIMO SRPSKU	0.00	10,150.00	123.00	0.00	1,200.00	0.00	0.00	11,473.00	0.00	0.0%	88.5%	1.1%	0.0%	10.5%	0.0%	0.0%	100.0%
64.	279	PARTIJA UJEDINJENIH PENZIONERA	0.00	5,660.00	0.00	0.00	0.00	5,680.67	0.00	11,340.67	9,786.68	0.0%	49.9%	0.0%	0.0%	0.0%	50.1%	0.0%	100.0%
65.	20	GRAĐANSKA DEMOKRATSKA STRANKA BIH	0.00	3,100.00	0.00	0.00	0.00	3,650.88	4,386.53	11,137.41	5,000.00	0.0%	27.8%	0.0%	0.0%	0.0%	32.8%	39.4%	100.0%
66.	2495	NEZAVISNA LISTA DOBOJ-SEVLID HURTIĆ	0.00	10,000.00	0.00	0.00	800.00	0.00	0.00	10,800.00	0.00	0.0%	92.6%	0.0%	0.0%	7.4%	0.0%	0.0%	100.0%
67.	2798	BOSANSKOHERCEG OVAČKI DEMOKRATI-DŽEBRAIL BAJRAMOVIĆ	3,200.00	7,600.00	0.00	0.00	0.00	0.00	0.00	10,800.00	18,114.17	29.6%	70.4%	0.0%	0.0%	0.0%	0.0%	0.0%	100.0%
68.	1706	SAVEZ ZA NOVU POLITIKU	0.00	500.00	100.00	0.00	0.00	10,048.18	0.00	10,648.18	36,339.68	0.0%	4.7%	0.9%	0.0%	0.0%	94.4%	0.0%	100.0%

69.	2292	PRVA MOSTARSKA PARTIJA	24.00	10,270.00	0.00	0.00	0.00	0.00	0.00	10,294.00	4,746.80	0.2%	99.8%	0.0%	0.0%	0.0%	0.0%	0.0%	100.0%
70.	2500	*POLITIČKA PARTIJA "BRČANSKA INICIJATIVA" BRČKO DISTRIKT BIH	500.00	1,050.00	4,700.00	0.00	0.00	3,333.00	0.00	9,583.00	0.00	5.2%	11.0%	49.0%	0.0%	0.0%	34.8%	0.0%	100.0%
71.	2418	POKRET ZA BIJEJLINU	0.00	7,800.00	400.00	0.00	960.00	0.00	0.00	9,160.00	819.90	0.0%	85.2%	4.4%	0.0%	10.5%	0.0%	0.0%	100.0%
72.	2322	ŽUPANIJSKA NEOVISNA LISTA	120.00	700.00	0.00	0.00	0.00	8,000.00	0.47	8,820.47	0.00	1.4%	7.9%	0.0%	0.0%	0.0%	90.7%	0.0%	100.0%
73.	2697	SRPSKA NAPREDNA STRANKA FBIH	0.00	0.00	0.00	0.00	0.00	8,374.20	0.00	8,374.20	7,182.40	0.0%	0.0%	0.0%	0.0%	0.0%	100.0%	0.0%	100.0%
74.	1264	NAPREDNA SRPSKA	0.00	250.00	0.00	0.00	0.00	7,680.84	0.00	7,930.84	800.00	0.0%	3.2%	0.0%	0.0%	0.0%	96.8%	0.0%	100.0%
75.	1015	*KLADUŠKA STRANKA PRIVREDNOG PROSPERITETA	0.00	450.00	2,100.00	0.00	1,200.00	3,571.43	0.00	7,321.43	1,014.30	0.0%	6.1%	28.7%	0.0%	16.4%	48.8%	0.0%	100.0%
76.	2010	HRVATSKA SELJAČKA STRANKA - BRAĆA RADIĆ	0.00	0.00	0.00	0.00	0.00	0.00	6,823.82	6,823.82	1,885.36	0.0%	0.0%	0.0%	0.0%	0.0%	0.0%	100.0%	100.0%
77.	1950	BRČANSKI DEMOKRATSKI POKRET BRČKO DISTRIKTA BIH	0.00	0.00	0.00	0.00	0.00	6,823.00	0.00	6,823.00	11,926.00	0.0%	0.0%	0.0%	0.0%	0.0%	100.0%	0.0%	100.0%
78.	2499	SLOBODNA STRANKA SRPSKE	0.00	5,350.00	250.00	0.00	0.00	0.00	1,200.00	6,800.00	0.00	0.0%	78.7%	3.7%	0.0%	0.0%	0.0%	17.6%	100.0%
79.	1200	SRPSKA NAPREDNA STRANKA	0.00	400.00	0.00	0.00	0.00	3,169.87	2,796.99	6,366.86	82,932.15	0.0%	6.3%	0.0%	0.0%	0.0%	49.8%	43.9%	100.0%
80.	2316	BOŠNJAČKI POKRET	0.00	5,469.00	100.00	0.00	707.25	0.00	0.00	6,276.25	227.50	0.0%	87.1%	1.6%	0.0%	11.3%	0.0%	0.0%	100.0%
81.	725	PARTIJA PRIVREDNOG PROGRESA	0.00	200.00	400.00	0.00	600.00	3,333.33	1,000.00	5,533.33	2,498.05	0.0%	3.6%	7.2%	0.0%	10.8%	60.2%	18.1%	100.0%
82.	879	EKOLOŠKA PARTIJA RS	0.00	0.00	0.00	0.00	0.00	0.00	5,347.00	5,347.00	44,251.00	0.0%	0.0%	0.0%	0.0%	0.0%	0.0%	100.0%	100.0%

83.	2460	NARODNI POKRET BANJALUKA ZOVE	0.00	5,310.00	0.00	0.00	0.00	0.00	0.00	5,310.00	0.00	0.0%	100.0%	0.0%	0.0%	0.0%	0.0%	0.0%	0.0%	100.0%
84.	49	ZAVIČAJNI SOCIJALDEMOKRATI - MILE MARČETA	0.00	5,000.00	0.00	0.00	0.00	308.45	0.00	5,308.45	3,000.00	0.0%	94.2%	0.0%	0.0%	0.0%	5.8%	0.0%	100.0%	
85.	2018	*HRVATSKA LISTA ZA LIVNO	0.00	320.00	0.00	0.00	1,200.00	3,614.94	0.00	5,134.94	6,770.75	0.0%	6.2%	0.0%	0.0%	23.4%	70.4%	0.0%	100.0%	
86.	2062	SPAS, NEZAVISNIH LISTA DOBOJ	0.00	3,740.00	0.00	0.00	1,200.00	0.00	0.00	4,940.00	0.00	0.0%	75.7%	0.0%	0.0%	24.3%	0.0%	0.0%	100.0%	
87.	1702	ZA PRAVDU I RED- LISTA NEBOJŠE VUKANOVIĆA	0.00	4,680.00	0.00	0.00	0.00	0.00	0.00	4,680.00	800.00	0.0%	100.0%	0.0%	0.0%	0.0%	0.0%	0.0%	100.0%	
88.	2734	OTADŽBINSKA STRANKA	0.00	4,550.00	0.00	0.00	0.00	123.00	0.00	4,673.00	0.00	0.0%	97.4%	0.0%	0.0%	0.0%	2.6%	0.0%	100.0%	
89.	1977	RAMSKA DEMOKRATSKA STRANKA	0.00	0.00	0.00	0.00	0.00	0.00	4,616.40	4,616.40	0.00	0.0%	0.0%	0.0%	0.0%	0.0%	0.0%	100.0%	100.0%	
90.	2497	NARODNI POKRET	2,480.00	0.00	0.00	0.00	0.00	0.00	2,020.00	4,500.00	0.00	55.1%	0.0%	0.0%	0.0%	0.0%	0.0%	44.9%	100.0%	
91.	2327	LJEVO KRILO	0.00	0.00	0.00	0.00	0.00	0.00	4,473.00	4,473.00	0.00	0.0%	0.0%	0.0%	0.0%	0.0%	0.0%	100.0%	100.0%	
92.	2496	POLITIČKA STRANKA RE-BALANS	0.00	0.00	0.00	0.00	0.00	0.00	4,373.00	4,373.00	0.00	0.0%	0.0%	0.0%	0.0%	0.0%	0.0%	100.0%	100.0%	
93.	2731	DEMOKRATSKI CENTAR RS	0.00	4,250.00	0.00	0.00	0.00	123.00	0.00	4,373.00	0.00	0.0%	97.2%	0.0%	0.0%	0.0%	2.8%	0.0%	100.0%	
94.	1719	UDAR LJEVICE	150.00	4,150.00	0.00	0.00	0.00	0.00	0.00	4,300.00	0.00	3.5%	96.5%	0.0%	0.0%	0.0%	0.0%	0.0%	100.0%	
95.	1804	STRANKA ZA NAŠ GRAD	0.00	2,800.00	0.00	0.00	0.00	1,408.58	0.00	4,208.58	263.43	0.0%	66.5%	0.0%	0.0%	0.0%	33.5%	0.0%	100.0%	
96.	2501	POLITIČKA ORGANIZACIJA "KRUG"	0.00	0.00	0.00	0.00	0.00	0.00	4,173.00	4,173.00	0.00	0.0%	0.0%	0.0%	0.0%	0.0%	0.0%	100.0%	100.0%	
97.	2044	NEZAVISNA LISTA	24.00	0.00	0.00	0.00	0.00	4,024.00	0.33	4,048.33	0.00	0.6%	0.0%	0.0%	0.0%	0.0%	99.4%	0.0%	100.0%	
98.	2743	NOVO DOBA	0.00	0.00	0.00	0.00	0.00	0.00	3,873.00	3,873.00	0.00	0.0%	0.0%	0.0%	0.0%	0.0%	0.0%	100.0%	100.0%	

99.	1179	SAVEZ ZA DEMOKRATSKU SRPSKU	0.00	3,265.00	0.00	0.00	600.00	0.00	0.00	3,865.00	15,562.04	0.0%	84.5%	0.0%	0.0%	15.5%	0.0%	0.0%	100.0%
100.	1247	NEOVISNA LISTA "ZA KUPRES"	0.00	0.00	1,600.00	0.00	0.00	2,059.00	0.00	3,659.00	310.00	0.0%	0.0%	43.7%	0.0%	0.0%	56.3%	0.0%	100.0%
101.	2455	POLITIČKA ORGANIZACIJA "GLAS NARODA" BIH	1,020.00	1,910.00	200.00	0.00	0.00	0.00	0.00	3,130.00	0.00	32.6%	61.0%	6.4%	0.0%	0.0%	0.0%	0.0%	100.0%
102.	1290	HRVATSKA SELJAČKA STRANKA	0.00	1,700.00	500.00	0.00	0.00	535.50	0.00	2,735.50	20,000.00	0.0%	62.1%	18.3%	0.0%	0.0%	19.6%	0.0%	100.0%
103.	2855	SRPSKA NAPREDNA STRANKA RS-FBIH	0.00	2,730.00	0.00	0.00	0.00	0.00	0.00	2,730.00	0.00	0.0%	100.0%	0.0%	0.0%	0.0%	0.0%	0.0%	100.0%
104.	1217	STRANKA ZA OPĆINU OLOVO	0.00	1,500.00	0.00	0.00	1,200.00	0.00	0.14	2,700.14	0.00	0.0%	55.6%	0.0%	0.0%	44.4%	0.0%	0.0%	100.0%
105.	1252	SNAGA EKONOMSKOG POKRETA U BIH	0.00	820.00	1,800.00	0.00	0.00	0.00	0.00	2,620.00	702.00	0.0%	31.3%	68.7%	0.0%	0.0%	0.0%	0.0%	100.0%
106.	2756	PARTIJA DEMOKRATSKOG PROGRESA "1999"	0.00	1,350.00	0.00	0.00	1,200.00	0.00	0.00	2,550.00	90.00	0.0%	52.9%	0.0%	0.0%	47.1%	0.0%	0.0%	100.0%
107.	1003	NEZAVISNA STRANKA DR MIHAJLO TOVIRAC	12.00	0.00	0.00	0.00	0.00	2,478.00	0.00	2,490.00	2,329.00	0.5%	0.0%	0.0%	0.0%	0.0%	99.5%	0.0%	100.0%
108.	2771	SRPSKA NAPREDNA STRANKA 2020	2,355.00	0.00	0.00	0.00	120.00	0.00	0.00	2,475.00	0.00	95.2%	0.0%	0.0%	0.0%	4.8%	0.0%	0.0%	100.0%
109.	2747	SAVEZ PENZIONERA I POTOMAKA	2,468.00	0.00	0.00	0.00	0.00	0.00	0.00	2,468.00	3,300.69	100.0%	0.0%	0.0%	0.0%	0.0%	0.0%	0.0%	100.0%
110.	2078	ČAPLJINSKA NEOVISNA STRANKA-ČAPLJINA U SRCU	0.00	0.00	0.00	0.00	0.00	2,400.00	0.00	2,400.00	0.00	0.0%	0.0%	0.0%	0.0%	0.0%	100.0%	0.0%	100.0%
111.	521	HRVATSKA DEMOKRATSKA UNIJA BIH	0.00	0.00	0.00	0.25	0.00	2,273.00	0.00	2,273.25	94,970.27	0.0%	0.0%	0.0%	0.0%	0.0%	100.0%	0.0%	100.0%
112.	2534	STRANKA ZA BOLJE VUČKOVCE	1,069.61	0.00	0.00	0.00	0.00	0.00	1,150.00	2,219.61	0.00	48.2%	0.0%	0.0%	0.0%	0.0%	0.0%	51.8%	100.0%

113.	2791	SNAGA OMLADINSKE SVIJESTI	0.00	0.00	0.00	0.00	2,200.00	0.00	0.00	2,200.00	0.00	0.0%	0.0%	0.0%	0.0%	100.0%	0.0%	0.0%	100.0%
114.	724	POKRET ZA TREBINJE	160.00	0.00	0.00	0.00	300.00	1,567.82	0.00	2,027.82	0.00	7.9%	0.0%	0.0%	0.0%	14.8%	77.3%	0.0%	100.0%
115.	2326	HRVATSKI BLOK	0.00	1,862.58	0.00	0.00	0.00	0.00	0.00	1,862.58	0.00	0.0%	100.0%	0.0%	0.0%	0.0%	0.0%	0.0%	100.0%
116.	2737	SRPSKA RADIKALNA STRANKA SRPSKE	0.00	1,520.00	0.00	0.00	0.00	0.00	342.00	1,862.00	0.00	0.0%	81.6%	0.0%	0.0%	0.0%	0.0%	18.4%	100.0%
117.	1722	SNAGA NARODA	0.00	0.00	0.00	0.00	0.00	600.00	1,200.00	1,800.00	19,400.00	0.0%	0.0%	0.0%	0.0%	0.0%	33.3%	66.7%	100.0%
118.	1776	HRVATSKA STRANKA PRAVA – PRAVAŠI	0.00	0.00	0.00	0.00	0.00	0.00	1,660.00	1,660.00	0.00	0.0%	0.0%	0.0%	0.0%	0.0%	0.0%	100.0%	100.0%
119.	2479	POKRET ZA VIŠEGRAD	0.00	1,535.00	0.00	0.00	0.00	0.00	0.00	1,535.00	0.00	0.0%	100.0%	0.0%	0.0%	0.0%	0.0%	0.0%	100.0%
120.	1271	STRANKA MLADIH ZA PROMJENE	0.00	1,510.00	0.00	0.00	0.00	0.00	0.00	1,510.00	0.00	0.0%	100.0%	0.0%	0.0%	0.0%	0.0%	0.0%	100.0%
121.	2313	POKRET MOST 21	0.00	1,120.00	0.00	0.00	0.00	90.00	0.00	1,210.00	3,160.52	0.0%	92.6%	0.0%	0.0%	0.0%	7.4%	0.0%	100.0%
122.	1709	STRANKA ZA BOLJE GORAŽDE	0.00	1.86	0.00	0.00	0.00	1,190.90	0.00	1,192.76	600.00	0.0%	0.2%	0.0%	0.0%	0.0%	99.8%	0.0%	100.0%
123.	2324	PENZIONERSKA DEMOKRATSKA STRANKA	620.00	0.00	0.00	0.00	0.00	0.00	500.00	1,120.00	519.62	55.4%	0.0%	0.0%	0.0%	0.0%	0.0%	44.6%	100.0%
124.	1973	POLITIČKA ORGANIZACIJA "NAŠA HERCEGOVINA"	600.00	0.00	0.00	0.00	0.00	0.00	512.98	1,112.98	0.00	53.9%	0.0%	0.0%	0.0%	0.0%	0.0%	46.1%	100.0%
125.	2004	JEDINSTVENA NAPREDNA STRANKA	0.00	520.00	0.00	0.00	0.00	132.00	0.00	652.00	0.00	0.0%	79.8%	0.0%	0.0%	0.0%	20.2%	0.0%	100.0%
126.	1190	STRANKA DIJASPORE BIH	0.00	0.00	0.00	0.00	0.00	0.00	641.00	641.00	0.00	0.0%	0.0%	0.0%	0.0%	0.0%	0.0%	100.0%	100.0%
127.	2020	NARODNA STRANKA ZA GRAHOVO	520.00	0.00	0.00	0.00	0.00	0.00	0.00	520.00	0.00	100.0%	0.0%	0.0%	0.0%	0.0%	0.0%	0.0%	100.0%
128.	32	DEMOKRATSKA STRANKA INVALIDA BIH	376.00	0.00	0.00	0.00	0.00	0.00	0.00	376.00	63,138.00	100.0%	0.0%	0.0%	0.0%	0.0%	0.0%	0.0%	100.0%

129.	77	DEMOKRATSKA STRANKA FEDERALISTA	250.00	0.00	0.00	0.00	0.00	0.00	8.54	258.54	0.00	96.7%	0.0%	0.0%	0.0%	0.0%	0.0%	3.3%	100.0%
130.	1269	RADNIČKA PARTIJA	0.00	0.00	0.00	0.00	0.00	0.00	213.00	213.00	4,550.00	0.0%	0.0%	0.0%	0.0%	0.0%	0.0%	100.0%	100.0%
131.	1250	STRANKA SOCIJALNE SIGURNOSTI SRPSKIH BORACA	0.00	200.00	0.00	0.00	0.00	0.00	0.00	200.00	1,300.00	0.0%	100.0%	0.0%	0.0%	0.0%	0.0%	0.0%	100.0%
132.	1723	SOCIJAL DEMOKRATSKI FRONT BIH	0.00	120.00	0.00	0.00	0.00	0.00	0.00	120.00	0.00	0.0%	100.0%	0.0%	0.0%	0.0%	0.0%	0.0%	100.0%
133.	996	EKOLOŠKA DEMOKRATSKA STRANKA	0.00	0.00	0.00	0.00	0.00	90.00	0.00	90.00	11,921.55	0.0%	0.0%	0.0%	0.0%	0.0%	100.0%	0.0%	100.0%
134.	1241	HRVATSKA STRANKA PRAVA HB	0.00	0.00	0.00	0.00	0.00	0.00	70.00	70.00	0.00	0.0%	0.0%	0.0%	0.0%	0.0%	0.0%	100.0%	100.0%
135.	2323	DEMOKRATSKA STRANKA BIH	0.00	60.00	0.00	0.00	0.00	0.00	0.00	60.00	0.00	0.0%	100.0%	0.0%	0.0%	0.0%	0.0%	0.0%	100.0%
136.	26	STRANKA SPAS	0.00	0.00	0.00	0.00	0.00	0.00	0.00	0.00	1,658.00								
137.	574	RADNIČKO-KOMUNISTIČKA PARTIJA BIH	0.00	0.00	0.00	0.00	0.00	0.00	0.00	0.00	0.00								
138.	1004	NOVA SNAGA BIH	0.00	0.00	0.00	0.00	0.00	0.00	0.00	0.00	0.00								
139.	1021	NARODNA STRANKA NOVI GRAD	0.00	0.00	0.00	0.00	0.00	0.00	0.00	0.00	0.00								
140.	1256	NAPREDNA DEMOKRATSKA STRANKA BIH	0.00	0.00	0.00	0.00	0.00	0.00	0.00	0.00	0.00								
141.	1257	HRVATSKA ČISTA STRANKA PRAVA BIH	0.00	0.00	0.00	0.00	0.00	0.00	0.00	0.00	450.00								
142.	1291	REFORMSKA STRANKA	0.00	0.00	0.00	0.00	0.00	0.00	0.00	0.00	0.00								
143.	1919	POKRET ZA BOLJE BRČKO ĐAPO MIRSAD	0.00	0.00	0.00	0.00	0.00	0.00	0.00	0.00	0.00								

144.	2291	NOVI BOŠNJAČKI POKRET	0.00	0.00	0.00	0.00	0.00	0.00	0.00	0.00	0.00								
145.	2329	SAVEZ OSTANAK	0.00	0.00	0.00	0.00	0.00	0.00	0.00	0.00	0.00								
146.	2735	PATRIOTSKI FRONT BIH	0.00	0.00	0.00	0.00	0.00	0.00	0.00	0.00	0.00								
147.	2765	NEZAVISNI- NEOVISNI	0.00	0.00	0.00	0.00	0.00	0.00	0.00	0.00	0.00								
148.	3034	HRVATSKI DOMOVINSKI POKRET BIH	0.00	0.00	0.00	0.00	0.00	0.00	0.00	0.00	0.00								
149.	2803	SOCIJALISTI -SPS	0.00	0.00	0.00	0.00	0.00	0.00	0.00	0.00	0.00								
		UKUPNO	1,828,121.20	3,054,955.37	382,812.54	462,383.65	265,616.08	15,589,148.01	408,089.77	21,991,126.62	9,227,820.53	8.3%	13.9%	1.7%	2.1%	1.2%	70.9%	1.9%	100.0%

Napomena: Političke stranke označene sa zvjezdicom (*) brisane su iz sudskog registra nakon što su podniele godišnji finansijski izvještaj za 2020. godinu

SADRŽAJ

1. UVOD	3
2. PRAVNI OKVIR	3
2.1. Finansijsko izvještavanje političkih stranaka	6
2.2. Finansijska kontrola političkih stranaka.....	8
3. AKTIVNOSTI CENTRALNE IZBORNE KOMISIJE BiH U IZVJEŠTAJNOM PERIODU	9
4. NALAZI REVIZIJE	17
5. ZAKLJUČNA RAZMATRANJA.....	22
6. PREPORUKE.....	23
Prilog br. 1. – Nalazi revizije iz izvještaja o reviziji godišnjih finansijskih izvještaja političkih stranaka za 2020. godinu	29
1. SAVEZ NEZAVISNIH SOCIJALDEMOKRATA (Kod 515)	29
2. SOCIJALDEMOKRATSKA PARTIJA BOSNE I HERCEGOVINE (Kod 008)	35
3. PARTIJA DEMOKRATSKOG PROGRESA (Kod 440)	58
4. HRVATSKA DEMOKRATSKA ZAJEDNICA 1990 (Kod 769)	65
5. STRANKA DEMOKRATSKE AKCIJE (Kod 090).....	75
6. SRPSKA DEMOKRATSKA STRANKA (Kod 018)	82
7. DEMOKRATSKI NARODNI SAVEZ (Kod 461)	88
8. HRVATSKA DEMOKRATSKA ZAJEDNICA BIH (Kod 027).....	93
9. DEMOKRATSKA FRONTA (Kod 1698)	102
10. SAVEZ ZA BOLJU BUDUĆNOST BIH (Kod 1182).....	108
11. SOCIJALISTIČKA PARTIJA (Kod 074)	115
12. GRAĐANSKI SAVEZ (Kod 2072)	123
Prilog br. 2. – Nalazi revizije iz izvještaja o pregledu godišnjih finansijskih izvještaja političkih stranaka za 2020. godinu	129
1. PLATFORMA ZA PROGRES (KOD 2320)	129
2. POLITIČKA ORGANIZACIJA “HERCEGOVAČKI NARODNI POKRET – RODOLJUB DRAŠKOVIĆ“ (Kod 2767)	139
3. REGIONALNA DEMOKRATSKA STRANKA GRADAČAC (Kod 2527).....	142
4. SAVEZ MLADIH SNAGA (Kod 2325)	144
5. BOSANSKA NARODNA STRANKA (Kod 2319)	148
6. UJEDINJENA SRPSKA (Kod 1972).....	151
7. NEZAVISNA BOSANSKOHERCEGOVAČKA LISTA (Kod 2328)	159
8. LIBERALNA STRANKA BOSNE I HERCEGOVINE (Kod 1728).....	164
9. STRANKA ZA BOSNU I HERCEGOVINU (Kod 004).....	169
10. POLITIČKA ORGANIZACIJA GRAĐANA “NAŠA STRANKA“ (Kod 877)	179
11. DEMOKRATSKI SAVEZ (Kod 2420).....	180
12. POLITIČKA ORGANIZACIJA “NEZAVISNI BLOK“ (Kod 2314).....	187
13. NARODNI DEMOKRATSKI POKRET (Kod 1718).....	192
14. SRPSKA NAPREDNA STRANKA FBIH (Kod 2697)	196
15. STRANKA DEMOKRATSKE AKTIVNOSTI (Kod 882).....	199
16. POKRET DEMOKRATSKE AKCIJE (Kod 2321)	203
17. LABURISTIČKA STRANKA BOSNE I HERCEGOVINE (Kod 1701).....	206
18. STRANKA PENZIONERA-UMIROVLJENIKA BOSNE I HERCEGOVINE (kod 513)	211
19. HRVATSKA REPUBLIKANSKA STRANKA (Kod 1705).....	216
20. BOSANSKOHERCEGOVAČKA PATRIOTSKA STRANKA – SEFER HALILOVIĆ (Kod 001).....	220
21. HRVATSKA STRANKA BOSNE I HERCEGOVINE (Kod 366)	224
22. UNIJA SOCIJALDEMOKRATA BH (Kod 1989)	228
23. BOSS-BOSANSKA STRANKA-MIRNES AJANOVIĆ (Kod 036).....	230
24. TUZLANSKA ALTERNATIVA (Kod 1882).....	234
25. HRVATSKA SELJAČKA STRANKA STJEPANA RADIĆA (Kod 1270)	238

26.	POKRET ZA MODERNU I AKTIVNU KRAJINU (Kod 2423)	241
27.	SRPSKA RADIKALNA STRANKA DR. VOJISLAV ŠEŠELJ (Kod 1730)	244
28.	STRANKA DEMOKRATSKE SRPSKE SEMBERIJA – MIĆO MIĆIĆ (Kod 2426).....	248
29.	SOCIJALISTIČKA PARTIJA SRPSKE (Kod 2447)	251
30.	HRVATSKA SELJAČKA STRANKA-BRAĆA RADIĆ BRČKO DISTRIKT BIH (Kod 2010)...	257
31.	HRVATSKI SAVEZ HKDU - HRAST (Kod 1714).....	260
32.	NAPREDNA SRPSKA-NS (Kod 1694)	263
33.	POLITIČKA ORGANIZACIJA “POKRET USPJEŠNA SRPSKA“ (Kod 1872)	265
34.	LIBERALNO DEMOKRATSKA STRANKA BIH (Kod 455).....	268
35.	POLITIČKA ORGANIZACIJA NAROD I PRAVDA (Kod 2317).....	273
36.	STRANKA MLADIH ZA PROMJENE (Kod 1271).....	276
37.	STRANKA SOCIJALNE SIGURNOSTI SRPSKIH BORACA (Kod 1250).....	278
38.	NEZAVISNA STRANKA DR. MIHAJLO TOVIRAC (Kod 1003)	280
39.	POKRET MOST 21 (Kod 2313)	284
40.	HRVATSKA STRANKA PRAVA BiH (Kod 017).....	287
41.	HRVATSKA NEZAVISNA LISTA (Kod 1703).....	289
42.	HRVATSKA STRANKA PRAVA Dr. ANTE STARČEVIĆ BIH (Kod 1178).....	291
43.	POLITIČKA ORGANIZACIJA “ZAJEDNO ZA BOLJI SREBRENİK“ (Kod 2622).....	294
44.	POLITIČKA ORGANIZACIJA “NAŠA HERCEGOVINA“ (Kod 1973)	297
45.	BOSANSKOHERCEGOVAČKI DEMOKRATI-DŽEBRAİL BAJRAMOVIĆ (Kod 2798)...	299
46.	PRVA MOSTARSKA PARTIJA (Kod 2292)	304
47.	SLOBODNA STRANKA SRPSKE (Kod 2499).....	306
48.	DEMOKRATSKI CENTAR REPUBLIKE SRPSKE (Kod 2731)	307
49.	OTADŽBINSKA STRANKA (Kod 2734)	309
50.	SOCIJALISTI-SPS (Kod 2803)	312
51.	POKRET PRAVDE (Kod 2620)	314
52.	SRPSKA RADIKALNA STRANKA (Kod 016)	316
53.	HRVATSKI NACIONALNI POMAK (Kod 2802)	320
54.	POLITIČKA ORGANIZACIJA SOCIJALDEMOKRATE BiH (Kod 2711).....	323
55.	NARODNA STRANKA RADOM ZA BOLJITAK (Kod 502).....	325
56.	PRVA SRPSKA DEMOKRATSKA STRANKA (Kod 2311).....	328
57.	POLITIČKA ORGANIZACIJA “GLAS NARODA“ BIH (Kod 2455).....	329
58.	NOVO DOBA (Kod 2743).....	330
59.	DEMOKRATSKA NARODNA ZAJEDNICA BIH – KRAJIŠKA STRANKA (Kod 028)	333
60.	ČAPLJINSKA NEOVISNA STRANKA-ČAPLJINA U SRCU (Kod 2078)	335
61.	PRVA BOSANSKO-HERCEGOVAČKA STRANKA (Kod 1699)	338
62.	PARTIJA UJEDINJENIH PENZIONERA (Kod 279).....	339
63.	SELJČKA STRANKA (Kod 073).....	341
64.	POKRET VOLIMO SRPSKU (Kod 2421)	343
65.	HRVATSKA KRŠĆANSKA DEMOKRATSKA UNIJA BiH (Kod 005).....	344
66.	ZAVIČAJNI SOCIJALDEMOKRATI – MILE MARČETA (Kod 049).....	346
67.	SAVEZ ZA NOVU POLITIKU (Kod 1706).....	348
68.	NEZAVISNA LISTA DOBOJ - SEVLID HURTIĆ (Kod 2495)	349
69.	EKOLOŠKA PARTIJA REPUBLIKE SRPSKE (Kod 879).....	350
70.	POLITIČKA STRANKA “RE-BALANS“ (Kod 2496).....	353
71.	NARODNI POKRET BANJALUKA ZOVE (Kod 2460)	355
72.	POKRET ZA TREBINJE (Kod 724)	357
73.	LIJEVO KRILO (Kod 2327)	358
74.	POLITIČKA ORGANIZACIJA “KRUG“ (Kod 2501).....	361
75.	HRVATSKA STRANKA PRAVA – PRAVAŠI (Kod 1776).....	362
76.	POLITIČKA ORGANIZACIJA „NARODNI POKRET“ (Kod 2497)	366
77.	JEDINSTVENA NAPREDNA STRANKA (Kod 2004)	369
78.	NARODNA STRANKA ZA GRAHOVO (Kod 2020).....	371
79.	POSAVSKA STRANKA (Kod 1188).....	373
80.	HRVATSKA STRANKA PRAVA HERCEG-BOSNE (Kod 1241)	375

81. EKOLOŠKA DEMOKRATSKA STRANKA (Kod 996).....	377
82. EKOLOŠKI SLOBODARSKI POKRET (Kod 2425)	379
83. POLITIČKA ORGANIZACIJA NAPREDNA SRPSKA (Kod 1264).....	380
84. HRVATSKI BLOK (Kod 2326).....	382
85. NOVA SNAGA BOSNE I HERCEGOVINE (Kod 1004).....	383
86. RAMSKA DEMOKRATSKA STRANKA (Kod 1977)	384
87. POLITIČKA STRANKA NAŠA PRIČA REPUBLIKA SRPSKA (Kod 2324).....	385
88. RADNIČKO-KOMUNISTIČKA PARTIJA BiH (Kod 574).....	386

Prilog br. 3 - Struktura izvora finansiranja političkih stranaka u 2020. godini